






Over the old road
gravelled

Staatliche Bibliothek
Regensburg

0.0 38.1a

Hist. 1267





LUGDUNI BATAVORUM,
 Ex officina IOANNIS MAIRE. M. DC. LXX.

In maribus DEI mei, sortes mea.

Fräiße bedlaß bedlaß

1673

John. Angell

WILMINGTON

L.C.

DE

REHUTUBIGIS

TRANSITION

Transit Station

Chas. T. Tuckman

LUBICA

LUBICUM BARONUM

Del. 1801. 1802. 1803.

INTER INCLVTAS RESPV-
BLICAS HANSEATICAS

Maxime principalium & celeberrimarum quatuor Metro-
poleon,

LUBECCÆ,
COLONIÆ,
BRUNSVIGÆ,
ET
DANTISCI,

Dnn.
Consuli-
bus, Syn-
dicis,
Camera-
riis, aq
Senato-
ribus,

Viris generis, munerisque

NOBILITATE, EX-
perientia, doctrinæ ac
rerum usu

Clarissimis, eminentissimis,

Dnn. FAVORIBVS AC
Amicis insigniter colendis.

S. C. P.

IOHANNES ANGELIVS
WERDENHAGEN.

I. C. C.

INGENS quidem ,
viri, Amplissimi mu-
neris dignitate con-
spicui , & Fautores
optimi, gloria semper virtutis
venditatur ; nec ipsis sapienti-
bus Ethnicis quidquam pre-
ciosius in æstimo fuit, si ver-
ba & tot splendida eius enco-
mia respiciamus : nec optatius
aut dulcius quippiam inveniri,
aut dici poterit , præsertim si
pie hæc & juste in quavis regi-
minis forma refulgear. Verum
ut nunc sunt tempora , & mores
id ferunt perversi mortalium,
in aprico medii diei foro meri-
to quis Diogenes prodeat no-
vus , & investiget cum lucer-
na ; quas ita sincere applicet
studio virtutis , ut cum pietate
vere Christiana congruant. Ita
omnis integritas ex cordibus re-
cessit hominum, ut saltem tor

linguæ pigmenta confecerit, quæ perpetuos blateratione vana fucos passim coloret. Si quæ-
ratur, Virtus ubi sit? Quilibet in
eius commendatione glorio-
sum Pyrgopolinicum se prote-
nus ostentabit. Si Christianos
expetamus; nemo non eius ti-
tuli salutiferi sectatorem stre-
nuum se profitebitur. Ergo, quã-
tum in fronte apparet huius
theatri, & Virtus & Pietas nu-
spiam non locum apud omnes
suum sortita est. Ex verbis &
sermocinationum crepitaculis,
qui mundum censere velit, ille
cogetur profecto confiteri, tem-
plum ubivis eius obvium in
pomposis picturis viderier. Nã-
que ita magnifice, si ad aulicas
ceremonias & manuum oscula-
tiones politicas flectantur ocu-
li, se extollunt omnis elegan-
tiæ saltuosæ expliciti censores; si
amu-

æmulatores eorum notentur nobiles, non minorem sibi illius adscribunt usum; si civici com-
meatus dispiciantur, quis est ta-
lium, qui non virtutis præcel-
lencia commendari se magnope-
re adamet? Sic nunc ædium ex-
politam munditiem, nunc con-
tractuum firmitudinem, nunc
honestatis accurationis cultu-
ram venditant. Nec coloni &
infimi generis plebs hanc glo-
riam sibi inæqualiter attribui
somnia. Præ reliquis cunctis
tamen summas & omnium re-
rum primas partes sibi attri-
bunt sacri ordinis artifices, qui
se propterea à politicorum sor-
ditie exemptos putant, quod
aliis diversas exacte vivendi re-
gulas præscribere aut communi-
care noscant. Quis non omnium
vitia penitus fastidire & extre-
me odisse se dicat? Ubi igitur

A 5 sumus

IO DEDICATIO

sumus illepidi? Ubi hæremus
 inquinati, si omnes ex virtutis
 studio adeo cultissimi splendeant?
 Quisnam è plebe Christianæ
 pietatis nomen exhorrescat?
 Quis non indignetur, si neges?
 Quisque in eo honore vult ma-
 gnus haberi, ubi virtuti & reli-
 gionis culturæ laudes altiores
 adscribuntur. Taceo, *inquit*
Scrib. in Politico-Christ. lib. 1.
cap. 21., dignitatum nomina,
 nescio, è qua barbaria mutuata.
 Sed taceo: præcipitia heic im-
 minent: & rusticus habebor, si
 non integrum nominum Ca-
 lendarium memoriæ impresse-
 ro. Non opus pluribus. Sciunt,
 qui notunt. & qui vocari vo-
 lunt. Cave, vel transversam acum
 decedas; si peccatum. --- Tur-
 gescit vitrea bilis. Ac nimis heu
 multa. &c. Ita undiquaque ex
 titulo virtutis quisque sibi splen-
 dorem

DEDICATIO. II

dorem deputat, & colligit. Verum si lucerna Christi adhibeatur, *Matth. 5.* quæ intus perlustrat corda mortalium, adeo densæ erunt tenebræ, ut ne quidem umbra minutissimæ lucis uspiam queat admitti. Luceat, ait *Saluator*, lux vestra coram hominibus, ut videant vestra bona opera, glorificentque Patrem vestrum, qui est in cælis, *Matth. 5. 16.* At si cortantis tenebris sit obrutum; quomodo possit inde splendor altius exultare luminis? Indumento se pellis rapinæ tam commiter omnes indui amant, ut solummodo inde censeretur velint habiles virtutis ministri. Ideoque recte nuper mecum vir præclaræ experientiæ, quum nobis de vera pietatis solidæ informatione esset sermo, hoc mihi responsum dabat. Ah, res qui-

quidem sancta est vera virtus; sed ubinam eius vestigia integre apparent? Nullibi amplius eam invenias, nisi in verbis, ærem inanem spirantibus, & in libris aut chartis calamo & atramento delineatis, usque adeo ab omnibus hominum exulat cordibus. Ideoque qui hypocrisi se nescit vestire, cunctis se statim exponit nudum variarum persecutionum periculis, præsertim si veritati aliquod subministrare velit patrocinium pertinacius. Mundo enim & mundanis nihil acerbius obijci potest, quam quod veritas ipsa docet, & docendo monendove exprimit. Continuo videas homines in furorem furentem adigi, si minutissima eorum tangas vitia; nec tunc rabies talis suis caret calumniis, injuriis, & nugis invidiosis. Nec raro videbis

bis facies fingi, & ad austeram
 quandam maturitatem compo-
 sitas, intus libidine, crudelita-
 te, invidia inæstuantes. Siquid
 simulatur, ut simulationes ho-
 die hypocritarū sunt omnium,
 caveas maxime. Gratia enim
 malorum, tam infida est, quam
 ipsi, ait *Plin. l. epist. 16. Et Cic. in*
Ver. recte sentit, ubi dicit: Nul-
 læ sunt occultiore insidiæ, quā
 ex, quæ latent in simulatione
 officii, aut in aliquo necessitudi-
 nis nomine. Nam cum, qui pa-
 lam est adversarius, facile ca-
 vendo vitare possis; hoc vero
 occultum, intestinum, ac do-
 mesticum malum non modo
 non existit, verum etiam op-
 primit, antequam perspicere,
 atque explorare potueris. A
 nullis igitur insidiarum cuique
 bono & simplici tenditur, quam
 ab his, qui se simulant amare
 ma-

maxime. Nec minus perniciosi sunt, qui omnia ad nutum cuiusvis approbant; sic pars non infima apud Principes & Respubl. per scelera viam sibi ad magna sternit, quum per virtutem solidam non possit, quæ etiam pridem evanuit: Imo pars per laudatâ principum crimina, *ait Scrib. d. l. 2, c. 18*, ad dignitates conscendit; improbitatis facti auctores, quia laudatores: pars etiam improbitatem suam probitatis pallio tegit: pars sub e mentito publici boni zelo, publici boni interitum velat. Et quando publicam fortunam bonam valde inclamant, privatam struunt. Detrahunt omnibus, dignissimi in quos securibus (castigationibus ego dicam) insurgant omnes: & quum sceleribus tanquam rupibus integantur, raram præse-


mo-

DEDICATIO. 15

modestiam ferunt : Impietatem emendicata quadam vultus pietate vestiunt ; libidinem nocendi , frontis maturitate , & verecunda oculorum deiectione contegunt ; simul subrident clancularie , si quid sit ridendum , & fucatam gravitatem supercilio paululum compresso præ se ferunt , ut eo rectius malitiam occultent sub specie pietatis. Sunt etiam alii tam impudenter maligni , ut ex malitia non vereantur quævis confingere mendacia & calumnias. Quid ? an testimoniis , vel exemplis opus ? Quid frequentius in hoc mundi theatro ? Examine-
mus saltem tacite nobiscum nostram ætatem ; reperamus parum , quæ turbulentissima hæc tempestas nobis detegerit , videbimus affatim exemplorum , quibus quasi virulentissima pe-

Atc

ste infectæ, atque penitus corruptæ sunt actiones omnium. Vidi, atque idem partim ita nostratum vestratumque alii deprehenderunt mecum, quod novi, præcipuum sic quendam à plurimis quoque digiti monstratione sæpius indicatum esse, qui tanta sibi ex boni publici nomine confecerit commercia. An non perpetuus audiebatur ex ore eius sonus de bono publico ita extreme periclitante? An non Evangelica res ipsi usque adeo in agone iam iam expirando ultimum ducebat halitum? An non se satis volubilem præstitit observantibus intimiora? An non etiam subrisit sæpius ad sanguinem tot sævas effusiones, & clades publicas? Quam circumcurrunt tales sæpius, ut turbatum rerum statum in confusiones inextricabi-





ANGELII faciem si vis novisse IOHANNIS;
WERDHAGIDVM decus, hac, cernis, in effigie.
Andr. Cramerus Iur. Magdeb.

cabiles præcipitent? Nec tamen
 eo nomine salutari volunt, quò
 omnes pietatis zelo possint pali-
 liari machinationes. Ac ne vi-
 deantur, se quid sinistri tractas-
 se, suam in alios, per sævissimas
 calumnias & mendacia, detor-
 quere laborant culpam & no-
 xam. Nunquam certe tam im-
 pudenter nugaces, mihi imagi-
 nari potuissem magni nominis
 viros, nisi id experientia me cum
 damno extremo nuper docuisset.
 Nec pudet ipsos talium, qui
 ad clavum sedent? Nimium est
 detestabile. Obstupui haud ra-
 ro ad impudentiam talem, &
 linguam plusquam nugatoriam
 alterius, quoties vera submisce-
 re non verebatur. Notorie quæ
 constant omnibus, sic tamen
 ad silentii tenebras condemna-
 ta fuerunt. Idiotæ si quid ex
 ignorantia peccent, merentur

jure veniam, quum dolus absit: at si quis publicæ auctoritatis stipendium merens bonum publicum sub eius specie proprii lucri, aut invidiæ causâ sic misere flagellet, non impune id auferet, licet aliquo usque res perfida tot possit colorari & distrahi calumniis & aliorum suppressionibus. Prudentis & pii Magistratus tamen officium est, recte omnia dispicere, ne veritati vis inferatur. Calumniarum enim tanta est potentia, ut innocentissimus fictione criminis possit sæpius sub mole tanta confundi. Etiam hæc exempla vidi satis atrocia. Sed quales in Re- publ. moderatores sunt, tale quoq; regiminis specimē edant.

„ Omnis prudentia politica fal-
 „ lax est, nisi subsit pietas, &
 „ unicus ad Deum ex Verbo eius
 „ respectus. Ita facile in nostris
 con-

confundimur negotiis, quamvis magisterium sapientiæ nobis adscribamus temerarii. Pietas enim unica vera & solida informatrix est omnium Virtutum, si cordiales & vere vividae ac minus fucatae esse debent. Alias prorsus idololatrica deformatae jacent hypocrisis, nec veritatis basi nituntur. Etenim veritas comes assidua & inseparabilis est veræ virtutis, ita, ut fundamentum solidum pietati substernat, & quicquid eidem superstruitur. Ideo quoque Regius Proph. David nolebat unquam in statu regiminis deprehendi absque ductu & tramite Iehovæ, à quo hoc toties anxie sibi exorabat in Psalmis, ut nusquam gressus aut pedes moveret, vel ad dextram aut sinistram, nisi vestigia viæ testimonium cœlestis illud & iussio Ie-

hoyæ monstraret. Et tamen exclamar, Ah quis novit, quoties in errorem concidat? Quis possit numerare deviationes suas! Quanto magis his periculosis temporibus id cuique Christiano Magistratui competet, ut cautelam hanc in pietate debita observet! Tanta enim passim est rerum discordia, ut bellorum tot tumultu omnia in ruinam detrudier merito videantur. Quis heic non in infinitos abripiatur errores & lapsus gravissimos? Præsertim quum tot periculosæ & perplexæ hodie formentur quæstiones, quæ meras inferant conscientis torturas & morsus. Tum quoque turbatores Christianismi, non tantum obstruunt aures, si quis belli rabiem dissuadeat, sed etiam tales prorsus continuo condemnant, tanquam ordinis poli-

DEDICATIO. 21

politici oſores inſenſiſſimos .
 Nolunt enim bellum eſſe con-
 tra pietatem : ſed miras heic
 conſingunt & conſarcinant di-
 ſtinctionum ſubrilitates , ut elu-
 datur illud Chriſti: Diliges pro-
 ximum tuum , ſicut teipſum.
 Quaſi amor charitatis Chriſtia-
 næ (ex quo unicum ſignum &
 notam veræ Eccleſiæ ipſe Chri-
 ſtus facit *Ioh. 14.*) in ſanguinis
 cruenti amorem truculentum
 poſſit converti. Sed, exclamant,
 quid? An non Deus peculiaria
 mandata ded it Moyſi , Ioſuæ,
 Gedeoni , Samueli , Davidi de
 ſuſcipiendis & gerendis bellis?
Num. 10. & 31. Deut. 2. Iof. 6. 8.
10. 11. Iud. 1. 6. 7. & 11. 1. Sam. 17.
& 25. Abigailne ad Davidem
 at; Prælia Domini præliaris.
 Certe mandata Iehovæ ſunt ſer-
 vanda : Sed quis fuit Moyſes?
 Ioſua? &c. An noſtrates ſunt

22 DEDICATIO.

illi Patriarchæ , qui tunc vixerunt, & quibus speciale impofitum eft tale mandatum ? Sanctitas & crudelitas , quomodo conveniunt ? Quo medio duo contradictoria confpirant ? Regnum iræ & regnum gratiæ Chrifti quomodo conglutinantur ? Quæ illatio aut confequentia à fpecie ad genus ? ut ipfi confitentur , quod nulla fit. Nilominus ita argumentantur & concludunt illi Logicales fophi contra proprias regulas. Qui concidit in regno iræ Dei ; an ille hoc furore collapsus tranfeat in regnum gratiæ , & recipiatur à Chrifto , proximi necator ? Quam metuo arboris cafum , ceu factus eft ? Ita gladium à *D. Paulo ad Rom. 13. 4.* magiftratu pro vindicta exercenda attributum male interpretantur. Sed videant glosfatores

DEDICATIO. 23

tores tales, quomodo scandalis seductionum talium se exoluant, ait ille, qui *Idaam seculi egregie descripsit.*

Nulla salus bello, pacem teposcinus omnes.

Melior, inquit, certa pax, quam sperata victoria. Quid enim miserius, quam vili salario jugulare hominem, à quo nunquam sis latus, & capitis quoque tui periculo, &, siquid est manubiarum, nequiter profundere, in luxus & aleam. Obiiciunt porro: Pium est tamen, & dulce pro patria mori, & pro tranquillitate publica &c. Imo multi tamen (sic pergit ille) heic precipites ruunt in exitium, nec parentum, nec liberorum rationem habent; sed mercedula conducti in militiam proficiscuntur. Sile: (sic concludet)

-- *Pax optima rerum,*

24 DEDICATIO.

*Quas homini novisse datum;
Pax una triumphis*

Innumeris potior:

Quippe in pace liberi parentes sepeliunt; in bello parentes plerumque liberos. Sic meminisse oportet; Patres patriæ, nullare propius ad Deum accedere, quam salutem hominibus dando, &c. Sed quid prodest, frustra se defatigare monitis? Tamen hoc cuivis competit, ut symbolon suum ad communem conferat usum Republicæ; quod etiam maxime incumbit Christianis. Quæ aliter nequeunt corrigi, votis piis voluntati Iehovæ rite committimus anxij.

Ad vos autem, viri Amplissimi & Fautores optimi, nunc heic revertor, ut paucis explicem, quæ rationes me convincerint, ut V. A. & F. hunc inscripserim libellum. Illi, quibus

bus ex tot annorum conversatione vera cognitus sum, quique boni naturam non abnuent, mirum videri non potest. Namque quum pars ante hac ex pluribus aliquot annis consiliorum Hanseaticorum fuerim, coactus sum gratitudinis tandem aliquam significationem demonstrare. Varia quidem dispicere non desii; sed tamen materiam vestro statui accommodatam seligere debui. Ideoque animi causa, in isto meo exilio satis duriter adverso, colligere volui hoc opusculum, cuius materia non adeo ingrata A. V. & F. esse poterit, quum satis reminisci queam, quoties hoc in pleno confesso deliberatum fuerit, ut tandem aliquis esset, qui Hanseatica vestra specie, aliqua historiarum & transactorum suis cum Iuri-

bus, &c. delinearet. Veluti me-
mini anno 1607. 8. Aug. & po-
stea anno 1611. non tantum per
publicum placiti communis cō-
clusum eam commissionem Cla-
rissimo viro Dn. Iohanni Dan-
thio Sen. Consiliario tunc Mag-
deb. Reipubl. & amico meo sin-
gulari oblatam esse, qui etiam
per octennium in eo magnope-
re desudavit, & peculiare opus
de Iuribus Civitatum Inferio-
ris Saxoniae pro usu publico, &
maxime Camerali decisionibus
solidis applicato, conscripsit,
quod suam aliquando videbit
lucem, ut maxime à plurimis
expetitur: sed etiam vidi tunc
postea, quod expresse simul
quid ea in re demandatum fue-
rit Clarissimo viro Dn. Iohanni
Domanno Societatis Hanseati-
cae Syndico, qui idem simul
quid conscribere attentarat: ac
nisi

nisi in Legatione incluti Fœderis huius Hanſeatici. ad Illuſt. Ord. Conſœd. Belgii anno 1618. Hagæ - Comitum diem ſuum obiſſet; iam pridem telam inceptam pertexiſſet. Hunc animum quum veſtrum noſcam ex communi placito certum, aggreſſi tale quid auſus fui. Præſertim autem mihi heic ſtimulo fuit amor Patriæ & ſolida affectio ea, quam ſemper erga Bonum publicum geſſi promptiſſimam. Non curo, quicquid alii inanis alicuius gloriæ aut vanæ oſtentationis cauſſa ſuſcipere, & inde paginas complere ſtudent. Etenim integri hominis eſt, ea percolere, quæ ad veritatis promotionem faciunt, & boni publici ædificationem ſolide curant. Quippe nemo ſibi natus eſt; ſed quicquid ſumus, id Deo, & proximo debemus

bemus nostro, si vere Christiani id est Christi imitatores dici velimus. Ethnici suo more vivant Ethnico, nos Christianos id exprimere re, verbo, & facto decet, quod Magister noster Sancta Crucis morte & effusione sanguinis largissima, pro redemptione nostra, meritus est nobis. Id nos maxime omni tempore dispicere seduli debemus: ac ne ignari simus officii nostri, propterea quoque ad exempla maiorum nostrorum nobis recurrendum est. Invidi sunt, qui in eo nefas aliquod committi putant, si ea inquirentur, quæ non semper gustum virtutis præbeant. Historiæ quasi speculi faciem nobis porrigunt, ut inde discamus maiorum & parentum facta, qualia fuerint, aut miranda, aut maxime cavenda. Etenim si speculum

rugas

rugas & maculas frontis cuique
 proponit in conspectum, quur
 non eadem vis sit historiæ? Imo
 in eum finem scriptæ, & quoque
 in ipsa S. Scriptura connotatæ
 sunt historicæ imagines, ut re-
 gulas præbeant nobis, quibus
 exactius nos ipsos ad exempla
 majorum metiri discamus, &
 omnia in melius corrigere. Et
 quur etiam non dulce sit poste-
 ris, maiorum perscrutari acta &
 facta? Urinam modo nobis
 omnia rite constarent! Sed vix
 corticem lambimus, ita veritas
 omnis suppressa est, ut vix ali-
 quid debite proderere queamus.
 In hoc priori autem tractatu,
 quem vobis, Viri Amplissimi,
 dedicavi, maxime ea continen-
 tur fundamenta, quæ ad defen-
 sionem tam antiqui & incluti
 fœderis vestri faciunt, quum
 tot osores potentes semper &
 etiam-

etiamnum forte invenerit tam nobile institutum, ut videant omnes, cum ipsa natura hoc congruere, nec a iusta corporis digestionem esse alienum, ceu id partim ex præfatione, & ipsa specialis tractatus applicatione satis patet. Utilitatem tanti fœderis, qua non tantum Imperio Romano toti, sed etiam omnibus vicinis regnis, & provinciis circumiacentibus, ac in ultima terra apud antipodas dissitis regionibus inseruit, qui recte intelligit, facile clementius iudicium de re optima hac concipere poterit. Cui minus quid in hoc placet; ille prodit liquidissime invidiæ suæ importunitatem. Hac spe & favore A.V. fretus, laudabile hoc stadium decurrere volui, invitante me petitione simul amicorum, quibus constabat, quod plurima mihi essent

essent in ea re cognita. Non
 tamen omnia, quæ in medium
 adferri poterant, attuli, sed
 quum in virtutes quoque collo-
 cet Fabius, quædam nescire, ita
 in his diligentia partem putavi,
 nonnulla præterire. Vos, Am-
 plissimi viri, & Fautores exop-
 tatissimi, si munusculum hoc
 benevole accipiat, non tam
 me, quam vosmet ipsos in eo
 exaltabit: nihilominus ve-
 strum nomen clarissimum, velut
 amuletum, ad averruncandam
 invidiam, quosvis malevolorum
 morsus venenatos pro tali obla-
 tione excubabit. Æquanimi-
 tati vestræ omnia sint commissa, cui
 etiam mei defensionem obmixe
 devoveo. Si quid sit, quod in
 pluribus A. V. Servitiis meis
 gratum præstare possim, in eo
 nunquam vobis aut vestratium
 cuiquam deero. Valere, & Re-
 publ.

publ. vestras hisce periculosis-
 mis temporibus feliciter & pro-
 vide in pietate Sancta ad glo-
 riam Jehovæ regite; sic extra
 omnem sortis vicissitudinem
 certum in cœlo locum post fa-
 ta hujus vitæ constituetis, quod
 vobis ex animo precor fervidus.
 Datum Lugduni Batavorum 24.
 Iunij anno 1629.

Stoli-

N. B.

*Stolidum quis corrigat Orbem?**Nihilominus tamen**Pietas ad omnia utilis. (1 Tim.
4. 8.)**Si nescis: addit D. Paulus;**Namq; ea est, ut qua promissionem
habeat vita presentis & fu-
tura.**Ergo Symbolum unicè optimum,***JEHOVA SALUS MEA.**

C COR-

CORDATO ET BENEVOLO LE-

CTORI S. & A.C.

A Mice Lector, Societatis
Hanseatice nomē qui-
dem iam ab aliquot se-
culis celebra admodum,
& gratiose clarum fuit: sed per-
quam sapius edidit fragores, quum
tam nobilis Societas tot potentum
non raro tempestarum impetus
vastospertulerit, & feliciter ta-
men evicerit. Non omnes eius in-
telligunt commoditatem & usum,
pauci sentiunt, quod ex ipso natu-
ra dictamine illos sentire fas esset.
Ideoque non mirum, quod tam
varias huius Societatis inclutæ
interpretationes multi inscite
venditarint. Si quis communis
patriæ & Germanici Imperii com-
modum rite censere velit, præser-
tim

tim quod ex communi commercio
 ubertim in omnes incolas abunde
 profluit, an non is merito succen-
 seat iis, qui nihil boni de usu civi-
 tatum proferre solent, sed semper
 calumnias de tam charis & claris
 Rebus publ., quas tanto cum ardo-
 re & solido pietatis zelo erigi, edi-
 ficari, condique Imperatores sum-
 mi curarunt, & tot privilegiis
 insuper laudatissime ornavunt?
 Nonne ipsum Imperium pulchrâ
 suis destitueretur fulcris externis,
 si membra tot tam nobilis Fœderis
 Hanseatici paululum concide-
 rent, ceu multi iniqua illis inco-
 gitanter imprecantur fata? An
 non ipsi Imperatores tales urbes &
 civitates suis egregie obduxere &
 obiecere hostibus? Nonne propterea
 suis ditavunt maxime privilegiis?
 Quaeso, unde tot incursiones &
 crudelissima invasiones diversa-
 rum gentium potuissent repelli.

aut ad minimum retardari, nisi tales civitates iusto coiissent fœdere primitus, & se cuivis fortiter opposuissent devastatori? Quum igitur necessum esset, ut populos diversis in locis in talibus viverent fortalitiis, etiam alimentorum caussa ipsis patrocinium sustinendi vitam porrigere debuit. Inde commercium & commercii eximia libertas tantam iisdem peperit coniunctionem, ut inde utilitas eius in omnes sese effunderet, partes & membra primitus, & inde in totum derivaretur imperium & omnes eiusdem fines. Non attinet talia pluribus explicare, quum res ipsa id satis testetur, nec quispiam id negare audeat, quod in oculis est omnium. Nilominus ea est perversitas huius seculi calumniosissimi, ut nuspiam desint, qui etiam optime facta & gesta non in ignominiam & probrum

brum nobis convertere audeant. Etenim duo sunt semper malorum invidorumque extrema, ad qua tanquam ad anchoras firmas confugere solent; persecutio clandestina, aut contemptus virulentus, quas tamen nequitias, omni generis colore fucatas egregie noscunt oppalliare, ne quis sit, qui technas malignitatis aut iniuria perfida sentiat. Si quid minus placeat, aut alicubi veritati nimis prope accessum est, & ulcus conscientia alicuius inde forsitan dolorem acriorem nonnihil ex nimio percepit contactu, continuo aperta aut insidiosa persecutio remedium exhibet, quod ultimo quem mactet malo, aut damno non minime quem afficiat. Si vero id nequeat obtineri, & vires vel auctoritas alterius technas malevolorum exuperent, contemptus & calumnia nugis speciosis adornata

subsidiū improbis præstant promptissimum. Mundi nequitiam tanta malitiositati nunquam accensere potuissem, nec unquam tam perditum putassem horribilitatis monstrum, nisi experientia me in hoc doctiorem reddidisset. Ita enim singuli prope ab omni pietate absunt, ut nihil magis odio sit cunctis, quam veritatis solidum studium & amor. Nihilominus omnes & singuli eius maxime cupidi videri satagunt; ac nisi quis in eo numero talem comprehendere velit, hostilitas illi extrema denunciatur. Interim tamen sunt, qui usque adeo magnifice veritatis divæ testimonium extollere possunt, ut, si saltem homines ex tono & sono verborum pomposo & blandiloquo censere velis, cogaris confiteri, hominem esse quantivis precii, qui ipsius pietatis mereatur fastigium.

At si paulo ad mentem eius penitus introspicias, vix quid vanius in ipso invenias factum, sic, ubi necessitas id requirit, quidvis simulare & ad cuiusvis nutum se compta componere gestiunt. Num igitur in talibus amor veritatis inveniat? Veracis certe est, nusquam in loco veritatis confessionem negligere. Etenim qui, postulante id ita occasione, veritati aperta fronte patrocinium prestat sincerum & verum, is eius coronam cum victoria meretur, Non itaque Christianum est, in gratiam alicuius magni aut potentis viri id culpae, quod nunquam non sua singulari gloria extollendum venit. Abusum rei bonae taxare quidem licitum est, & iustum hoc censetur ab omnibus: attamen propterea non ipsa res condemnari debet. Sic etiam Civitatibus Hanseaticis multa impu-

tantur ex invidia, odio, & suspitione prava. Qui concitatori stimulo offensiones inde sibi irritatas putant, sapius ingentem illis adiiciunt superbia molem. Quid vero non imaginatio vana sibi fingit? Quas non consutis dolis connectit tunc importunitatis sagittas, si semel in quem tela veneni sui proicere decreverit pertinacius? Si quid heic ausim ingerere, id rogo, ne quid nimis imputetur confidentia. Sed homo sum, nec expeto hoc, ut mihi quid, præter veritatis amorem aliquem, attribuatur. An vero hominem me appellem, quum ipse David regius Propheta vermem se dicat? Profecto in tali umbra vilissima spiraculo latitare gestio: nec aberrabit, qui me inter vermiculos ad postremam in hac mortalitate reiiciat partem. Nihilominus hoc affirmare non vereor, quan-

quantum ego terrigenarum acta
 & consilia non è longinquo, sed
 tanquam vicinior quis, tam apud
 Reges & principes rerum potentes
 aut alias Respubl. introspexi, hoc
 attestari liquido possum, quod
 nuspiam moderatiora & pro nata
 rerum occasione, ut fert hac mor-
 talitas varios casus, a quiora con-
 silia, quoties saltem sepositis par-
 tium proprii commodi studiis af-
 fectus reprimi potuerunt, nun-
 quam viderim nec deprehende-
 rim; ita ad communem hominum
 utilitatem & tranquillitatem
 dulcissimam respexerunt semper
 pleraque civitates. Ipse memini,
 qua sapius intercepta & aversa
 fuerint damna ex adiumento con-
 siliis moderatius formati. Ut pluri-
 mum enim eventum futuri re-
 lius examinant, quam se temere
 precipitare velint, licet sint, qui
 non nihil haud raro obstinatus

suum intendant lucrum, unde multa dissolvuntur aut in maturitate sua impediuntur, quæ longe feliciori usu in praxin suam dirigipotuissent. Nam quanam actiones hominum lite careant sua? Et „ quis ab impuritate ita purus, ut „ nihil omnino macula invenia- „ tur? Ideoque quod comparative infertur, absoluti nominis cultura nihil ponit. Æquus rerum æstimator hoc semper ubique agere studet, ut ne transeat nimium limites. Proinde etiam D. Petri Bertii sententiam ab æquitate tali, præ reliquis cunctis scriptoribus, non deviam inveni. Quamvis vir ille optimus ex aliorum commemoratione ea conscripserit, nec ipse vivus spectator aut consultor interfuerit, tamen non sine laude veritati hoc fert suffragiũ, ubi in commentarii sui lib. 3. cap. 4. de Urbibus Anseaticis tale
intro-

introducitur testimonium, postquam nomina Civitatum Hansæ recensuerat: Harum omnium, fœdere inter se iunctarum, dici non potest, quanta sit potentia. Multarum illarum præclare gesta refert Grætzius: Hoc constat, illarum ope gravia bella olim fuisse composita, discordias vicinorum regum Principumque sopitas, pacem restitutam, quod magnum crederetur momentum ipsorum potentia allatura, si se alteri parti adiunxissent: merito ut Societas Teutonica sequestra pacis, publicæque per Germaniam tranquillitatis procuratrix multis iam sæculis habita sit. Earundem ope ad Belgas, Anglos, Gallos, Hispanos, Italos merces deferuntur necessaria, triticum, siligo, lana, cera, corium, canabis, linum, pix solida & liquida, chalybs, ferrum, pisces aridi, saljamenta, crabes quer-

querna & abygena, mali, & quicquid præterea terra septentrionales ad usum humani generis benigne suppeditant. Utque commodior esset mercium istarum per reliquum orbem distributio, impetrarunt diversis in locis ius institorium, extractis illic ad commercia agitanda ingentibus auxiliis, & obtentis variis privilegiis. En habes, Amice Lector, quasi in tabula depictam Societatis huius nobilissimæ utilitatem omnibus communem. Et tamen acris invidia aut malevolentia ventus hanc quaterere Societatem bono publico inservientem non desit. Atque quum fundamentum ipsum huic foederi acutiores aliquoties pridem subvertere tentarint, coactus sum paulo accurratius & altius rem, à principio usque arcescere, præsertim quum viderem, quod multa Politicorum scripta

in

in plurimis & quidem fundamenta-
 mentalibus aberrassent, ex quibus
 alij non desierunt adeo firma sibi
 conficere axiomata, ut error erro-
 rem procreavit in gravioribus. In-
 de tot enata sunt scandala in poli-
 ticiis actionibus, ut prope viria
 ipsa & crudelitates in virtutum
 castra palliatis speciositatibus de-
 ducta appareant. Nec aliter fieri
 potest, ubi opiniones humana ve-
 ritati cœlesti præferuntur, & om-
 nia cœca rationis involvuntur
 blandimentis. Sic enim impuden-
 tia in gloriosis disputationibus,
 qua omnem vera luci hodie splen-
 dorem abstulerunt, sibi semper im-
 perii primas attribuit partes. Diu
 mecum hæsitavi, an aliquo usque
 inter ingeniorum tot varios prodi-
 rem cœtus, in primis quum antea
 expertus fuisssem, quantum peri-
 culum subsit, si quis veritatis cul-
 torem strenuum se exereere veller:
 sed,

sed, ut quod res est, libere ac ingenue dicam, patria charitas, Hanseatici nominis gloria, & amicorum meorum consilium verecundiam meam expugnarunt, & invitum huc propulerunt, ut iudiciis tam variis me exponere coactus fuerim. Erat inter precipuos, qui generalis huius tractatus consignationem suam offerebat. Quam quum materia fundamentalis accomodatam deprehenderem, eius hoc beneficio uti volui, quod instanter quoque urgebat. Namque ea continebat cuncta, quæ ad Societatis Hanseaticæ fundamentum in universum ita facerent, ut etiam ex illa qualibet obiectiones Cavillatorum omnium, quotquot nonnihil inconsideratius & ferventius tam mobilis Societatis consuetudines & fœdera impugnarunt, facillime possint refutari. Tum quoque in
me-

memoriam mihi revocabam, Societatis Hanseatica conclusum, quod anno 1607. 8. Aug. quum Andreas Knichius in gratiam Ducis Guelfhici ex odio erga civitatem Brunsvicensem concepto, usque perulanti calamo eas perstringere suscepit, huic optimo corpori nil aliud nisi meras conspirationes, factiones, & molitiones perversas adscribendo, in publicum Recessum pleno consensu coniecerant. Illius Decreti Hanseatici verba in Latium translata, ita se habent: Ultimo in communi consultatione hoc ventilatum fuit; Utrum conducibile sit, ut Andreæ Knichen publicis typis divulgatorum Tractatum & calumniosarum chartarum, (in quibus Civitatum Hansæ privilegia, libertates, & jura multis modis in dubium vocantur) à civitatibus
 refu-

refutationes & deterfiones aliquæ fufcipiantur, vel non? Ubi hoc conclufum, quod ex nomine communi Civitatum Hanfeaticarum ille Knichius non debeat ulla refutatione dignus cenferi. Si quis vero privatus effet, qui onus confutationis contra hunc tractatum fubire vellet, quod communi Civitatum fumptu huic recompensatio refundi deberet, &c. *Vbi fimul in commiffione hoc propter Ioh. Dauthium Sen. aut alium quemcumque idoneum civitati Magdeburgensi & Brunfvicenfī conceditum fuit, ut hoc quam citiffime expeditum redderent. Audacia aut temeritati nimia mea hoc quidem adfcribi poffet, quod rem tanti momenti fubierim. Imo iudicia, præiudicia, obtreftationes, reprehenfiones, confertim, quafi fub fignis, in pro-*
cinctu

cinctu undique me circumstare
 prospicio. Forte etiam alii curio-
 sitati alicui vana hac adscribent.
 Sed talium auctoritatem sive
 inanem prudentiā non magnope-
 re curo, nec admiror. Nec mihi
 rationes desunt, quibus bonis &
 cordatis, qui communi patria sa-
 lutē recte cupiunt, hoc institutum
 facile probare, & oblectationem
 libero homine non indignam do-
 cere possim. Si qui vero in commo-
 do suo hospites domi, & in patria
 sua peregrini, aut potius in specu-
 lationibus futilibus & terministi-
 cis subtiles, at cognitione solida re-
 rum & actionum pueri esse ado-
 ptem, per me illi sibi vigilent aut
 dormiant, sibi placeant; cum ta-
 libus nihil mihi erit negotii. In-
 terim tamen hoc quivis noscat,
 quod cum nemine mortalium in
 litem ullam sim proditurus; nec
 aliter quid, in hoc priori Tractatu

generali profertur, quam quod ad informationem faciat ita, ut aliquando ipse quis controversias omnes, quæ temere toties & iisdem tautologicis scriptis Civitatibus Hanseaticis à Knichio & aliis motæ sunt, diiudicare queat; si hanc fundamentalem informationem partim amici partim meâ rite penetrare didicerit. Etenim continetur heic nobilissima materia, quæ toti Societati mortalium in Fœdere aliquo aut extra Fœdus, in Republ. aliqua, aut in libertate plena, vel semiplena, in servitute vere censenda, aut privilegio nec non alias in communi vita & commerciorum negotiis, aliisque actionibus humanis competat. Vix aliquid nobilibus & libero homine dignius explicari poterit. Omnia heic perspicis, quasi in delineationibus synceris depicta, ut præparationem solidam per-

PRÆFATIO. 51

percipias, si de re ipsa huius antiquissimi Fœderis verum tibi conficere iudicium, citra calumnias aliorum, velis. Ideoque fieri non aliter potuit, quam ut interdum aliorum depravata opiniones removerentur è medio. Vnde & necessum fuit, ut Platonis divini illius Respublica non aliter, quam vivis suis coloribus tibi describeretur. Namque quum essent, qui tantum Philosophum, quo nemo unquam rectius de Amore sincero & vitæ Christianæ accommodando statui quid scripsit, non veriti fuerint usque ad impudentiam insolentius refutare, & suas ipsi affingere nugas, vindicarier hunc à tot perversis oportuit calumniis: quod tamen omne eo vergit, ut cuiusvis & maxime iuventutis in tempore sanioribus doctrinis iudicium informare discat. Absit iniuria omnis, & venia sit prola-

tis. Exempla sunt clara, quæ proponuntur alicubi, quando invenies, quod etiam sint, quos ipsum Imperatorem in optima sententia & definitione Libertatis non pudit refutare, & eidem optimo Capiti nostro (qui tamen ita bene suis cupit subditis, ut servitutem maxime libertati natura contrariam dicat) mendacia in os refundere non dubitant. An non etiam satis crassus est error, quod tot politici non viderint, cuius natura sit Civitas? Si populo alicui Respublica sua rite inducatur, an non tunc confestim Civitas inde profilit? Quomodo igitur inter se differunt? An non ut causa & effectus? Quis vero Civitatem Effectum antehac dixit, aut putavit? Quis non subiecti aut finis locum ipsi attribuit? Et tamen res tam manifeste heic incurrit in oculos omnium, ut nemo, nisi prorsus

sus pudorem cunctum eiuraverit, aut prorsus insanus dici velit, id queat negare. Sic olim quoque illis ultra pilos subtilisantibus & philosophis falsis, monstravi aperte, quod neque primas neque secundas Notiones, aut Noëmata de quibus tot confingebant gloriationes, post lapsum Adami in suis futilibus invenirēt terminis, quum nec internum Esse rei, animam, spiritum, nec in commistione elementari graduum differentiam intelligerent : Vnde nunc multi tandem alia ratione philosophari incipiunt, quum tam diu se inaniter in logomachiis phantasticis frustra seductos deplorent. Sed, Amice Lector, te ad probam & sanam cognitionem huius tractatus remitto. Videbis, ne precipites temetipsum in prajudicio ullo procacius formando. Forte invenies, quod te olim iuvare possit, & ma-

*xime inde expedire poteris feliciter
 quæstiones, Civitatibus Hanseatis
 ab adversarijs suis oppositas,
 quas propterea in ultima parte
 collectas invenies, ut ipse illas ex
 Generali hoc tractatu eo commo-
 dius refutare possis. Ipse censor
 Iudex & decisor sis rei. Hac sunt,
 benevole Lector, quæ te præscire
 volui, ubi simul memineras, quod
 hominem vere Christianum heic
 requiram, & qui noscat, quæ vera
 pietatis studiosum deceant. Vale,
 fave, & in Christo rite fruiere tali
 labore.*

Iohan.

IOH. ANGELIO
WERDENHAGEN,

I. C. C.

Quum ex gravi Hamburg. persecu-
tione & vitæ periculis libe-
ratus esset.

Gratul.

IOHAN. SCHVLTETVS
*Eq. Divi Marci & Potentiss. Reg.
Dan. Consiliarius, &c.*

QVis, ANGELI, te funeris &
tuum

Tantis periculis expedit caput?

Cunctum, quis, amissum per ævum

Iam prope, restituit salutis?

Nam sic subactus terribili manu

Tot improborum visus es omnibus,

Et morte condemnatus atra,

Crederet ut tibi nemo vitam.

Tenere captum num socios ita

Hansæ decebat, non decus ultimum

Quæis gesseras, te tot per annos.

Consiliis animoque rectum.

Sed qui Supremo Numine temperat.

Orbem, revulsi vim violentiæ,

Custode, dum iussit, remoto,

Rite patere tibi viam Albis.

D 4

Sic

Sic liberatum, nunc precibus piæ
Gentis sodalem reddit amabilem,
Vxoris & charum redonat

Fletibus innumeris maritum.
Divina virtus nil habet invium,
Perrumpit acris per remoras suas,
Nullique non vivo peracti
Præmia restituit laboris.

Nempe illa sancti pectoris indoles
Sux recordans semper originis
Insueta tentat, eque duris

Ad decus æthereum resultat.
Vultus minaces, atque calumnias,
Nugasque sævas tu facias nihil;

Ceu quisque vindictam Iehovæ
Nequitia ipse sua reponit.

Hinc cura Christo es, seu roseo dies
Arridet ortu, seu medio magis

Incandet æstu, si ve cœlum
Nox tacitis operit tenebris.

Te, si voceris periuga Caucaſi
Christi favor, vel torrida solibus

Per tesqua Maurorum, per æquor
Puppibus indomitum sequetur.

Hic te sequetur candidus undique,
Totumque habebis, perge modo pius,
Curare nec velis nefastos,

Quos satagit decorare mundus.
Sic magnæ reddes commoda patriæ,
Ihovæ supremæ auctus honoribus,
Amore iuris quando sancti,
In pietate fideque, ferves.

Tritas popello currere semitas
 Spernens, viarum diligis asperas
 Supraque mortales caducos
 Exeris ingenii vigorem.
 Te cura Christi provida recreet,
 Reddens solutum diffidit malis,
 Ut dissipetur quisque rebus
 In propriis, tibi quas minatur.
 Tu, qui potenti Numine supplices,
 Iniusta rumpens vincula, liberas,
 Serva benignus restitutum
 Angelium patriæ, Iehovah.
 Serves ministrum porro, Deus, tuum,
 Calumniatores ut videant mali,
 Quam turpiter nugace lingua
 Se dederit rabies maligna.

Calumnias, iniurias, & persecutiones
multiformes & plus quam diabo-
licas in & cum Christo forti-
ter perferentem.

IOHANNIS SCHERBETI
Doct. Med. Lubecens.

EPIGRAMMA.

Palma virens velut ipsa magis se attol-
lit in auras,
Quo magis impositum ponderis urget
onus;
Sic Tu; vipereis quo Te mage mundus ini-
quus
Atque Sathan linguis, vique dolisque
suis
Tundere iam satagit; maiores suscipe
vires
In Christo, à Christo nec moveare tuo:
Sed Christo plures lucrari perge monendo;
Sic poteris mundum vincere vi Fidei.

Ad

Ad Eundem.

Anagrammatissimus geminus, non
infeliciter natus, ex No-
mine hoc

IOANNES ANGELIVS
WERDENHAGEN. I. C. C.

I. Anagramma.

AH NON-IGNAVUS; INDE
VERE-ELEGANS.

DE se, suaque gloriantur plurimi
Arte insolenter, futili ac inutili
Fastu tumentes: Non agit IAN. AN-
GELVS

Sic WERDENHAGIVS, Iehovæ floscu-
lus.

Namque Alpha doctos inter hic
quum sit viros,

Cristas tamen non erigit procacior:
Dissimulat eruditionis copiam,
Et scrinium cordis, repletum floribus
Virtutis, & scientiæ fragrantibus
lactanter ipse haut prædicat: Mode-
stia

(Sal vitæ) eum commendat & So-
lertia:

Gaudet tamen præ cæteris perenniter
Adeste cuius Nomine & Facto pius,
Ecclesiæque Verna Christi dicier.

Plus

Plus semper in recessu habet, quam
 primulum
 In fronte præ se fert : sub omni scibili
 Palmam eripit (tabesce, Mome) maxi-
 mis.

IGNAVVS AH NON est sophorum in
 attriis;

Sed Veritatis veriori in semita:
 Nec est Dices Ignavus in conflictibus;
 Ast quæ Ichovæ comprobatur legibus.

Inde ELEGANS-VERE SILENTIA-
 RIVS
 Nunc incolis vocatus à Magdebur-
 gicis,
 Et perpetim vivace lucet Gloria.

Mittebat Halâ xi. Cal. Mart. anno

Te, DeVS ô, præstet sanVM ; aspera
 qVæqVe repeLLat.

II. *Anagram.*

OH, VERNAS è LAVDE INGE-
 NVA INGENS.

&

OH INGENS INGENVA LAVDE
 ENERVAS!

IN Genua ingenui LAVDE è cando-
 ris es INGENS;

Do-

Doctrina OH-VERNAS iudicique
fide!

Invidiæ sputum sic atque Calumniæ
amarum.

ENERVAS, NERVOS dat tibi IHOVA
suos.

M. IOHANNES BERGERVS
Hal-Sax. P. L. C.

Eidem.

Quum Legatum apud inclutas Civi-
tates Hanseaticas ageret, An-
nis aliquor.

Vltâ, IANE, tuâ gaudent nunc El-
mus & Albis,
Eloquioque tuo, consilioque tuo.
Ah tecum pariter colerent sacra cœlica
cuncti,

Sanctior inde foret gloria Parthenopes!
Balthiacis quod enim Coshmannus, Gro-
tius oris

Belgarum, Italia quod Sadoletus erat;
Hoc tu Saxonia præstas feliciter, illa

Vt Te vix nostri sanguinis esse putet.
ANGELE, rite places, Deus esque manes-
que piorum.

Tutoremne ferat Clara ea VIRGO parẽ?

M. IANVS VICOSTADIVS
Hamburgi F.

Aliud

Aliud Eidem:

Quum legationes publicas subi-
ret toties,

Per Anagramma.

IOANNES ANGELUS
WERDENHAGEN.

Eheu; Ingens Iason, dignus Laureâ.

Findere terrificas Symplegadas ausus
Iason

Æsonides, fulvæ vellera vicit ovis,
Tu, WERDENHAGIDA, ô patriæ stu-
diose salutis,

Ad loca præfidiis, i, peregrina bonis.
Auspiciis iuvet ire bonis, si postulet
usus,

Pro patria felix resqua salute subi.
Vaticinor, vinctes ingentia monstra la-
borum,

Sæpe viatori quæ remoram pariunt.
INGENS DIGNVS, EHEV! victrici LAV-
REA IASON,

Vellere cum fulvo laudis atoma fe-
res.

HYBÈRTVS SPRIMONTIVS
Belga Iur. Stud.

Aliud.

Aliud de eodem

*Et Eius studijs sacris ac Poësi
sacra.*

*Si Deus pro nobis, quis
contra nos.*

Q*uid fastuosus mundus, & inferi,
Orcusve seivus cogitet, omnibus
Nos viribus petens, remittas
Querere; nec trepides ad astra
Tardantur ari Sacra. Fugit retro
Diti potestas, & Deus excubat,
Pellente custoditi amore
Agminis ex oculis soporem.
Non usque vanus est tenor impijs.
Idem; nec uno fors facili nitet
Vultu. Quid infelix paventes
Consilijs animi fatiscunt?
Quur non sub adu fornicibus sacris
Commune votum fundimus, aut domi
Pœnas ruentes deprecamur,
Dum licet, ac pietate corda
Mutamus ultro. Oratio dissipat
Curas edaces. Sed tibi cœlitus
Largitur ardorem Iehova
Pectoris, & cytharam Davidis.
Is tot malu finem hinc dabis: ultimum.
Adventum ab alto Dux Michaël polo.
Maturet, ac contra malignum
Christicolas tueatur agmen.*

O nos Iehovam supplicibus modo
 Poscamus imi pectoris è sinu,
 Vivâ Fide ardentis, minus quid
 Insidijs suberit pericli!

IEHOVA

Arx fortis piorum.

Ex Psalm. Davidis.

TE Satan frendens rabidâ canum vi
 Cingit? infestat? sua tela vibrat
 Dira? Proh! quantum est Satanæ fu-
 renti

Vellere barbam!

Sed fremat Dis, Styx, ruat orbis axis;
 Ignis absumat mare, flamma terram:
 Quid times gestans valido repostum
 Corde Iehovam?

I. SCHERB. M. D. L.

CON-

C O N T E N T O R U M

In hoc generali tractatu
conspēctus.

1. *Dea vera & vivida totius Imperij Romano-Germanici cum omnibus membris suis.*
2. *Societatis cuiusvis universitas & communio unde sit, quid sit, ac quomodo inter se differant.*
3. *Societati privata & publica diversarumque utriusque specierum enumeratio cum necessaria declaratione.*
4. *Quos Politicorum in hiis inveniuntur errores, & in quantum à scopo veritatis fundamentalia eorum deviant.*
5. *Libertas vera & falsa quid? Sic & servitus vera & falsa quid? Ac num servitus sit à natura?*
6. *Quinam primi servitutis in Germaniam introductores & auctores eius?*
7. *Quam fortiter per tot secula Saxones suam defenderint & suorum Libertatem.*
8. *Historicorum nonnullorum errores deteguntur in plurimū.*
9. *Imperatorū in definitione iusta servitutis defensio.*
10. *De iustitia belli & servitute eius examen.*

11. *Defensio Platonis iusta & eius Reipublica cum Christianismo comparatio solida.*

In parte Secunda.

12. *Contenta locorum, & varia eorum appellationes ac determinationes sedium.*
 13. *Respublica quid proprie sit, & quomodo ab Universitate & corpore differat.*
 14. *Civitas quomodo effectum Reipubl. exprimat & quod eius dentur vera ac solida species.*
 15. *Privilegia quid sint, ac quod species eorum.*
 16. *Fœderis explicatio solida 12. continet capita, quibus varia etiam de Civitatibus Hanseaticis inseruntur quæstiones, & documenta antiqua.*
 17. *Mercatura & negotiationum in commercio ratio.*

SVMMA PRIVILEGII.

Illustrium & Præpotent. D. D. Ord.
 Federatarum Belgicæ Provinciarum
 decreto cautum est IOHANNI AN-
 GEL. VVERDENHAGEN IC. C.
 ne quis præter illius voluntatem toto
 septennio proximo, his in regionibus
 excudat, aut alibi extra Provincias ex-
 cudos inferat, vendatve libros hosce,
 quibus titulus *Tractatus diversi in Im-*
perij Romano-Germanici constitutiones
eiusque Politiam Vniuersalem, & hinc Spe-
ciatim maxime in celeberrimum Fœdus
Hanseaticum eiusque Civitates & Respu-
blicas omnes directi. Quod si quis con-
 tempra autoritate D. D. Ord. directe
 vel indirecte, libros hosce totos vel
 partem eorum exceptim, hoc, siue alio
 modo, extra dictum temporis interval-
 lum typis mandare, vel impressum ali-
 bi in has oras inferre & vendere præ-
 sumpserit, confiscatione exemplarium,
 multaque insuper, uti latius patet in
 ipso Privilegio, damnatus esto, dat. Ha-
 gæ in conventu D. D. Ord. Gen. 9. Sep-
 temb. 1630.

A. PLOOS A THIENHOVEN.

Ad Mandatum DD. Ord. Gen.

CORN. MVSCH.

Privilegium hoc Ioh. Angel. VVerden-
hagen IC. C. transfudit in Ioannem
Maire Typographum & Bibliopolam.

IOHAN. ANGELII
WERDENHAGEN,
I. C. C.

De
REBUS PUBLICIS
HANSEATICIS,

*Tractatus Generalis pars
prima.*

JOHAN. N. G. STREE
WERDENHAGEN

I.C.C.

H. A. Z. E. R. A. H.

DE REBUS-PU.⁷¹
BLICIS
HANSEATICIS,

Et earum


CELEBERRIMÆ CON-
FŒDERATIONIS
SOCIETATE,

Tractatus primus, generalis.

CURÆ IOHAN. ANGELII VVER-
DENHAGENI, I. C. C. editus.

INTRODVCTIO SIVE
PROŒMIVM.

*De Imperij Romani Germanici duratio-
ne, fundamentis & columnis verũ, eius-
demque ornamenti illustrioribus, &
munimentis.*

 I IMPERII ROMA-
NI MAIESTAS, etiam
iuxta hodiernum statum
Germanicum maxime,
quæ in eius auctoritate,
dignitate, potentia, amplitudine, rega-
libus, firmitudine, qualitate loci, divi-
tiis, munitionibus, sapientia & virtute
E 4 inco-

incolarum consistit, rite oculis acutioribus perspiciatur, examineturve; aut si quis cum aliis mundi Regnis & partibus cum eadem comparationem iustam, absque affectuum perturbatione iniquiore instituat; is profecto huic præ cunctis aliis gloriam splendidam & felicitatem primariam adscribere, atque simul ingenue (modo solido non careat iudicio, & rerum humanarum in hoc seculo haud plane sit imperitus) confiteri cogetur, quod nullius Imperii aut Regni æque durabilis aut invincibilis, iuxta internam & essentialem eius dispositionem, ratione omnium Statuum, connexus aut constitutio inveniri possit. Etenim extra controversiam est omnem, quod huic Verbum Dei unice quartam attribuerit monarchiam talem, quæ extremum mundi sit consecutura terminum. Velut etiam exinde divinus ille Propheta Daniel, cui soli cum Divo Esdra inter omnes istorum seculorum vates Iehova summus cæli & terræ Dominus summorum Imperiorum orbis usque ad extrema tempora, quæ nunc prope consecuti sumus, ordinem successorium in visionibus sanctis revelavit, hoc ultimum Regnum vere ferreum, in explicatione Imaginis & Statuæ, esse futurum

rum pronunciat, *Dan. 2.* Quicquid
heic ex opinione aliorum Pezel. in
Mellificio suo ad Sleid. lib. de 4. monarch.
pag. 292. part. 1. obiciat ex quæ-
stione Nabuchodonosoris Regis, quasi
ille solummodo de suo, non alieno &
longissime remoto regno sollicitus
fuerit: Quum tamen non tantum
Propheta, in dicto cap. 2, vers. 29, 44,
& 45, liquidissime de futuris tempo-
ribus cuncta hæc explicet: adeo, ut
etiam ea omnia usque ad Christi ad-
ventum ultimum sive Iudicii extremi
diem, quo Christus ex cælo quasi ex
monte summo delapsus, propria ma-
iestatis suæ auctoritate, quæ ipsi à Pa-
tre cælesti data est, comminaturus &
consumpturus omnia illa regna sit
cum ipsa statua in secula, vers. 45, ex-
tendat: sed etiam ipse Salvator noster
Iesus, *Marc. 13, vers. 14,* in prænuncia-
tione ultimarum temporum ad Da-
nielem Prophetam hunc manifeste se
referat: Ut clare inde pateat, quam la-
tissime se exporrigant vaticinia huius
insignis Prophetæ, veluti etiam ad ac-
curatam attentionem talium non fru-
stra ibidem à Christo exsuscitamus sin-
guli. Nec enim Iehova ad sollicitam
quæstionem alicuius mortalis ita stri-
cte alligatus est, ut non profundiora &
penetrantiora in revelatione sua per

E 5 Pro-

Prophetas retegere debeat, quam cor
cæcum & in cogitationibus suis vana
mens assequi possit. Imo si Iehova in
omnibus oraculis suis Ecclesiæ, tan-
quam Sponsæ Filii Dei, maxime satis
facere cupit, ut ipse ibidem confiteretur
Pezelius, atque is scopus perpetuo Spi-
ritui S. stet propositus: quur non ma-
xime vaticiniata talia universalia ad Ec-
clesiam Christi in novo Testamento
excurrant? quum novum Testamen-
tum finis sit veteris, atque propterea in
Novo *etiam* & efficaci demonstra-
tione exprimatur, quod in Veteri *tu-
mâs* adumbratum nude fuerat? Ve-
lut proinde sparsim in Prophetis ea no-
bis præfigurantur, quæ in regno Chri-
sti nunc consummationem suam adi-
piscantur vel accipiant. Tum quoque
Nabuchodonosoris insomnium non
ex naturali influentia Spiritus syderei
profluxit, sed ex diviniore infusione
in eo concitatum fuit. Alias Sophi
aut Magi Ægyptiorum facile interpre-
tationem eius assequi potuissent. Om-
ne enim, quod naturali influxione
communicatur animæ corporis, hoc
facile pertingit aut invenit Magia, sive
Sophia illa realis, quæ minus verborum
inutilibus terminis & phantasticis ob-
scurata habetur conceptibus. Quum
vero insomnium Regis hoc supernatu-
rale

rale esset, arque altiore sive sublimiorem originem ex æternæ naturæ regno, à quo vera Ecclesia Christi sive populus Dei sanctus regitur, traheret, non erat hoc in potestate Magorum aut sapientum eorum positum, quo insomnium hoc mysticum aut reperire sive explicare potuissent. Quippe nullatenus eius principia in Firmamento nata aut scripta inveniebantur. ut ait Daniel, *vers. 27.* Mysticum sive Arcanum hoc, quod Rex petit, non Sapientes, Astrologi, Magi, Haruspices possunt indicare Regi: Sed est Deus in cælo revelans arcana, qui notum facit Regi Nebucadnezari id quod futurum est consequentibus temporibus, &c. Quoniam enim Daniel, velut olim quoque Ioseph, Cabalisticæ scientiæ gnari erant, id est, Spiritus lebore: hic utrumque, theodidactos effecerat: quare & sublimiora ex Spiritu sapiebant, ita ut vera & cælestis lux in iis resplenderet. inde oblivione extinctum insomnium uterque resuscitare secum in Spiritu cælestis virtute poterat, quod alias nullatenus in vires hominis extra regenerationem divinam cadit. Vnde patet, quanta sit differentia inter eos, quos divus Paulus sapientes carnis vocat, & qui Spiritu regenerationis in diversis donis sanctis orna-

ornati sunt. Quare tria omnino luminum dona & munera inter se distinguenda sunt, non tantum habitualiter, ut communis incompra fert opinio, sed vivide secundum efficaciam Spiritus. Magia enim sive vera Sophia exprimit verum lumen naturale eiusque Spiritum: Cabala vero supernaturale lumen Spiritumque in Angelica domo: Theologia continet in se lumen divinum munere Spiritus Sancti expressum. Quas tres ambitu suo Theosophia complectitur. Quemadmodum igitur Iehova vero Theologo sui colloqui aut eloqui genuinum communicat intellectum per Spiritum S.; quod etiam secum talis revera percipit Theologus: Ita Natura in omnibus rebus creatis externis per suum Spiritum vero Sophico, quem prisca illi Magum dicere soliti sunt, se ostendit, ipsi signaturas suas rerum & firmamenti per influentias congruas ostendens. Ita quoque Cabala per virtutis angelicæ angelicum lumen Sopho suo idem præstat, quod ad hanc facit sapientiam: veluti per tale lumen Moses suum à Iehova accepit responsum. Tria hæc insignia regenerationis dona & lumina Spiritus, quæ tamen uniformiter se habent in suo centro, & Sacrosanctam Trinitatem egregie repræsentant, non

non ita præcipitanter confundenda sunt, ut communis fert Habitualistarum error; sed longe sanctiorem & sublimiorem merentur reverentiam. Quod ideo à principio heic statim monemus, ne quis temere ita sua fanatica opinione amplius profaner cœlestia Dei Effata, quemadmodum in hoc cernimus factum sensu. Vti Sacra Scriptura sive Eloquium Dei manifeste proponit, & nobis omnibus sancte sui dispositionem muneris reteggit: sic etiam longe sanctiora exponit mysteria, quæ cœca hominis ratio cœca sua habitualitate neque percipere, neque censere rite poterit. Sibi ipsi noxium præparat iudicium Dei, qui carnali attribitio divina ira leviter æstimat iuxta propriæ phantasie terminos. Simplissima locutione non raro profundiora continentur & sacratiora, quam sapientissimus mortalium in abstrusissimis percensere noscat. O quanta profunditas sapientiæ! merito exclamat divus Paulus. Quemadmodum quolibet Moy sis interna alia, quæ totius mundi & Ecclesiæ Christi cursum præfigurent, continent, uti B. Teutonicus egregie in suo Commentario, quem Magnum Mysterium (quo libro nihil dum vidi in eo genere absolutius, & propterea in manibus omnium

vere

vere Christianorum opus) vocat, hoc luculenter demonstrat. Nec hucusque inventus est, qui talia unquam in Mose deprehenderit, quod merito omnes, eruditissimam quæ sibi tot habitualitatibus profanis vendicant arrogantiam, pudore afficiat. Sed hoc etiam propterea dico, ut cernant omnes, quæ duratio cœlestis in ipsa sua imbecillitate adiecta sit à Deo Imperio Romano, quod certe nemo suis viribus convelleret externus; sit, quicumque velit. Iehova huic Monarchiæ suum terminum usque ad montem Sionis extendit. Licet lutum mysteriale huius Regni cum ferro sit commixtum; tamen firmiter persistabit suffultum suis adminiculis, quæ ipsi non sine singulari Iehovæ addita sunt beneficio & misericordiæ gratia. Etenim quos non sæpius pertulit hoc Imperium motus, quot concussiones, quot perturbationes & dissidia interna! Ex Iehovæ tamen benignitate singulari semper inventa sunt talia remedia, quæ robur novum ipsi addiderint.

Nutationes & paroxysmi Imperij Romani.

SI quis saltem ad notabiliora recurrat tempora, quibus translatio Imperij Romani ad Germanos deputatur,

rum, an non ingentes concusserunt hoc tempestatum procellæ? an non odio, invidia, persecutionibus internis & externis mire sæpius dilaceratum fuit? an non toties idem armorum violentia & belli tumultibus variis terribiliter distractum senserunt maiores? Quas non incursiones gentium aliarum, & proprias rebelliones cum diris seditionibus pertulit? Verum, ne ita facile expugnari aut in ruinam aliquam præcipitari posset, firmi & iusti inventi sunt Ordines & Status, quibus semper in quavis adversa fortuna constanter niteretur. Quorum alii principales fundamentalesque sunt, alii ornamenta conservantia & necessaria habentur huius corporis.

Comparatio Imperij Romani cum corpore humano generalis.

NAM veluti viridum corpus humanum non tantum ex suis partibus essentialibus integris internis & externis, solidisque membris, nervis, ac ossibus constat: sed etiam totius universi & microcosmi centrale receptaculum atque ideam vividam refert: ut merito homo extractum sive miraculum mundi, ac proinde microcosmus,

à la-

à sanioribus & veris philosophis appelletur: Ita quoque Imperium Romano-Germanicum, quod unicum aptissimis suis constitutionibus & commodis dispositionibus satis æquabilem temperiem durationi temporum maxime convenientem refert, respectu omnium Regnorum mundi vere centrale illud miraculum repræsentat. Vnde merito microcosmicum appellites illud regnorum Regnum. Quod in his paulo dilucidius explicari & percipi poterit.

Comparatio Imperij Romani cum corpore humano specialior.

A Principio igitur, homo ex spiritu, sive spiraculo vitæ (ut non frustra S. Scriptura loquitur) & corpore suo constat. Sic etiam Imperium hoc Romano-Germanicum ex spiritu animam suam ducit: & propterea in corpore suo ita radicaliter vivit: Corpus ibidem sua membra sive partes internas & externas iuste continet & alit. Quemadmodum autem deinde anima tribus essentialibus operationib⁹ suum domicilium & vitam inde profluentem exhibet, quas vulgo trium facultatum nomine exprimere solent: Ita quoque tria sunt, quæ vitam aut spiraculum

culum vitæ huic Imperio insigniter suppeditant: ut sunt: 1. Christiana Religio, in vera Verbi cœlestis cultura & vitæ sanctitate solida, ac imitatione Christi consistens; propter quam unicam maiestatem monarchiæ ipsi in sacris Litteris tam curiose cum duratione sua, si Christo modo non reponat ingratitudinem, attribuitur. 2. Leges fundamentales. & 3. Iustitiæ solidæ forma. Singula hæc adeo multa in se continent, ut unumquodque eorum vix singularis libelli conscriptione explicari possit: sed nec est huius loci, quum talibus & his suum aliquando Ichova auxiliante meditemur locum.

Membra Imperij Romano-Germanici alia interna, alia externa.

QVOD ad Corpus ipsam attinet, compositum tunc est ex suis partibus internis & externis, quas Status sive Ordines communi nomine vocant. Isti autem sunt Electores septem, Principes & qui eorum accensentur ordini, ac Civitates. Veluti autem in corpore humano tres partes maxime internæ principales, quæ etiam in ipsa generatione hominis iuxta omnem Medicorum sententiam primitus se exerunt, sicuti sunt

F

Cere-

Cerebrum, Epat & Cor: Ita etiam Electores merito membro principali Cerebro, Principes, & ii, qui huic Statui nobilitatis causa annumerantur, Epati, & demum Civitates Cordi non incommode officii & vigorisatione adsimilari possunt. quod suo loco plenius explicabitur cum fundamento. Electores enim officio suo proprio constituunt Caput certum, tam tempore interregni, aut vacantiae, quam in electionis constitutione. Principes cum reliquis in suo generositatis statu suppeditant quidem robur, succum & sanguinem in dignitatis auctoritate; sed tamen maximae vires fortitudinis in munimentis Civitatum insigniorum & earum fidelitate fixae sunt. Unde apparet, quam graviter illi peccarint in publicum bonum & communem totius Imperii salutem, qui tanto studio, & conatu malevolentiae arduo, hucusque discordias inter Principes & Civitates serere, & extrema odia fomentare ausi sunt, æmulationem nefcio quam inanem cōfingentes: Quum tamen in his omnibus nil effecerint aliud, quam quod communis calamitatis, quae tam misere Germania distressa fuit, promotores fortes & Iuris exemptitii, ut aiunt, osores invidiosos se prodiderint. Rectius Imperator in

Novell. Const. urbium & civitatum electionem ac munitionem quaſivit, quum propterea quoque ita ſevere præcepit, ne facile eius intentio in conſervatione Imperii dirueretur, nec tales qui civitates ſolo iterum adæquatas cuperent, audirentur. Pulchrum quidem eſt, ut ille Imperator dicere ſolitus eſt, Regibus Imperare, (ſic vocavit ſuos Principes :) in quo etiam ſe omnibus vicinis prætulit : ſed longe pulchrius, pietatem cum fundamento in duratiſſione conſervare, quam munitione civitatum exhibet, ut regnum excuſſionibus hoſtis cuiuſvis & devaſtationibus minus ſit obnoxium.

Membra externa Imperij quæ

EX iſtis igitur partibus principalioribus, ut iam dictum eſt, procreatæ aut editæ ſunt partes externæ, corpus hoc ſolide integrantes. Hæc iterum ita ſunt diſpoſitæ, ut aliæ fundatam prærogativam in ordine ſuo præ reliquis habeant à Capite ſuo determinatam, quum earum miniſterium fulcra externa exhibere quædam Imperatoriæ maieltati videantur, ceu recte eas Matth. Stephanus *lib. 2, part. 1, cap. 4, num. 10 & ſeqq.* enumerat, ordine ſingulas proponens, quas tamen priori

loco propterea heic ponimus, ut inde nobis ansa sit, reliqua rectius deducendi. Verba eius sunt: Priusquam autem de Statibus plenius dicatur, illud præmittendum est, ex singulis ordinibus Imperii quatuor viros constitutos; adeoque Imperium Romanum super certis gradibus nobilitatis, nec non etiam communitatibus opulentis, provida sagacitate fundatum esse; de quo ita post sui in Germanos translationem conveniebat, ut maior Sacri Romani dignitas & maiestas esset, & ne status & vires eius paulatim labefactarentur, sed specialibus munitum præsidiiis, principibusque firmatum, iisque ut firmis columnis innixum, adversæ tempestatis procellis & turbinibus validius resistere, & suæ potentix mucronem longe lateque vibrare posset.

Et quidem primo fundatum est super quatuor Ducibus. Primus, est Dux Sueviæ. sed cum hæc domus primitus defecerit in ultimo duce Conradino, FridERICI I I. Imperatoris filio; *Crus. in annalib. Suevic. lib. 2, par. 3, cap. 19*: postmodum titulum Sueviæ Ducatus Serenissima Domus Austriaca usurpat. Secundus, est Dux Brunswicensis in Saxonia. Terrius, Dux Lotharingiæ in Gallia. Quartus, Dux Bavarix, qui hodie dicitur Palatinus Rheni,

ni, de magno Palatio Trevirensi.

Deinde fundatum est super quatuor Vicariis. Primus, est Dux Brabantiz. Alter, Dux veteris Saxoniz, cum equulo albo. Tertius, Dux in VVesterteich. Quartus, est Dux Silesiz.

Tertio super quatuor Marchionibus præminencioribus. Vt est Marchio Brandenburgensis: Marchio Moravienfis: Marchio Misnenfis, & Marchio Badensis.

Quarto fundatum est Imperium Romanum super quatuor Illustribus Comitibus Provincialibus, qui vulgo appellantur Landgravii. Primus est Landgravius Thuringiz: Alter, Landgravius Hassiz: Tertius, Landgravius Alsatz: Quartus, Landgravius Lichtenbergenfis.

Sunt & quinto Generosi Comites Castrenses quatuor: qui vulgo Burggravii dicuntur. Primus, est Burggravius Nurnbergenfis: Alter, Burggravius Magdeburgensis: Tertius, Burggravius Strombergenfis: (Hodie est ditionis Palatinz:) Et quartus, Burggravius Reineckenfis, qui hodie in Comitum Hannoviensium ditione.

Insuper fundatum est Imperium super quatuor Magnificis Comitibus. Maiores quidem in suo gradu, sed inter Principes minores. Primus est,

Comes Schwartzburgensis: Alter, Comes Clivensis; qui hodie est Dux: Tertius, est Comes Ciliæ; cuius Domus defuncta in Prælustres Austriæ Duces, de anno Dom. 1456, feudali iure devoluta est: Et quartus, est Comes Sabaudia, qui in Constantiensi Concilio ab Imperatore Sigismundo, Ducali titulo est insignitus. Hodie autem sola Domus Schwartzburgica titulum & nomen Sacri Romani Imperii Comitum gerit.

Nec non super quatuor nobilissimis Baronibus. Primus, est Baro Limburgensis: Alter, Comes VVesterburgensis; quem Leimugenses iam repræsentant: Tertius, Comes Aldewldensis: Quartus est Baro Tussensis, sive de Dous; (dictus est de Kar.)

Itemq; quatuor Strenuis Militibus. Primus, est Miles de Andlo in Alsatia: Alter, Miles in Strandeck. Tertius, miles de Meldingen; Quartus, de Frowenberch, in Bavaria. At quoniam agnatio Militiæ Meldingensis extincta & mortua est, in eius locum per Maximilianum Regem in comitiis Augustæ surrogatum esse Wolfgangum de Weissenbach, notat Henningus Gæden, *conf. 1.*

Præterea sunt quatuor Insignes Civitates. Prima, est Augusta: Altera, Mogun-

Moguntium: (quidam ponunt Me-
tim:) Tertia, Aquilgranum: Quarta,
Lubeca.

Itemque sunt quatuor Magnificæ
Villæ. Prima, est Bambergæ: Altera,
Schleisstadia: Tertia, Hagenovia: Quar-
ta, est Ulma.

Et demique, ut nullus gradus præ-
termisus videatur, accedunt præmis-
sis quatuor Famosi Rustici: ut sunt,
Colonia, Ratisbona, Saltzburgum, &
Constanctia.

De aliis Comitibus, Baronibus &
Nobilibus Sacri Romani Imperii, &
hæreditariis Officialibus, eorumque
ministeriis, plura tradit aurea bulla
Caroli IV. Qui Principes, Comites,
Barones & Nobiles ad Imperii assi-
stentiam potissimum quidem sunt ele-
cti: Sed tamen omnis Germanorum
potentia totis viribus eo contendere
debet. Et, si Germani Principes Impe-
ratori fideliter assisterent, prout olim
facere consueverunt: tunc non solum
Græcia, sed Ægyptus & Chaldæa con-
tremiscerent, ac ultimæ regiones Sara-
cenorum trepidarent. Nam ut aves in-
ter se volantes & cantantes ad aquilæ
intuitum silent & fugiunt: sic omnes
barbaræ nationes, aliorum insignia ve-
xillaque despiciunt, Romanorum ve-
ro ac Germanorum aquilas timent na-

turaliter, & abhorrent. Protendente nempe Aquila Romanorum ab Europa alas suas, nec gryphones Asiæ atque Africæ satis tutæ erunt. *Sunt verba Pet. de Andloind. Tractatuli. 1, cap. 16, in fin.*

Vires Germaniæ.

HA C T E N V S Dn. Stephanus. quæ ita severissime habent. Præsertim hoc, quod ille heic inserit, bene animadvertendum de potentia & viribus internis Germaniæ, &c. quæ tam natura loci, quam solida membrorum connexio abunde satis Imperatori & Capiti summo suppeditarent, si ita in firma sua conglutinatione nervorum perpetuo ad amissimæ fundamentalium legum operationes fideles sese exercent, nec tam multi in contrarium pro dissolutione continui laborarent.

Situs & natura Germaniæ.

ET E N I M quod ad naturam loci attinet; in Germaniæ ea omnia, quæ ad vitæ sustentationem & splendorem eiusdem faciunt, non tantum pro necessitate ubertim inveniuntur, sed etiam singulorum copiam in tam abundanti numero genitrix ea felix effundit,

Fundit, ut quæ natura sparsim per diversas regiones terræ dissipavit, heic in unum congefisse cumulum videatur. Ceu nec ulla prope datur in terris hominæ natio mortalium, quæ suis ita contenta viribus in tranquillitate vitam transigere possit, veluti hæc gens optima, & maxime industriosa, modo satis sua agnosceret bona, nec nimium indulgeret genio, unde tanta dissipatio ingenii, rerum, actionum & negotiorum oritur, ceu tale exemplum non sine causa nobis in descriptione egregia Constantinopolitanarum deliciarum Iohan. Boterus, in *secunda parte Cosmograph. sue cap. de Imper. Romano & imprudenti translatione ac divisione Imperij Constant.*, proponit. Rerum omnium tanta est affluentia, ubique per omnes Germaniæ provincias dissipata, ut nihil non prope sit, quod non in magno cumulo ad externos & vicinos inde per commercia mutua transportari possit: nisi quod duæ tantum res sint, quarum penuriam quidem recte observavit & indicat D. Boterus: nimirum quod nulla oliveta in illis reperiantur, & minus feraces sint bombycum, ut sericari possent quæque dici: sed talia non tam ad necessitatem, quam potius ad molliem & splendorem vitæ superbæ faciunt.

Proh dolor tamen hodie nimis oliferi
& sericari in iis conspiciuntur homi-
nes! quod utinam nunquam esset in-
troducendum! quum duæ res sint adeo
pestiferæ, ut inde non tantum suo
exuantur auro & argento, & earum
commercio nimis importuno suas di-
lapident imprudentissime divitias in-
que alias effundant regiones; sed quo-
que illi iisdem mediis velut olim Con-
stantinopolitani in delicatissimam &
omnis generis superbiæ deditam vitam
pelliciantur, cumulatimque abripiantur.
Sed iuvat heic audire Bôterum,
lib. 1. Geograph. de Germ. pag. 94.
Multitudo ingens equorum est in Ger-
mania, quorum usus maximus aratro
& agriculturæ destinatus est. Tum
quoque omnis generis pecora ibi in-
veniuntur; sicuti etiam omnigena
animantia aëris, aquæ & terræ. Grana
superflua producit. Vini proventus
maximus in Alsatia, ad Necarim flu-
vium, ad Rhenum conspicitur, & se
extendit usque ad Coloniam Agrippi-
nam, & in Austriam. Serica haut pro-
fert hæc terra; parum velleris, & ta-
men crassi satis; nec est olifera Germa-
nia. Abundat metallorum fodinis:
quippe ferrum, chalybem, stannum,
plumbum, cuprum ubertim profert.
Auri & argenti fodinæ putantur in
pro-

proventibus suis quotannis ultra decem milliones excurrere. Multis etiam locis sulphur, sal nitri, & vitriolium effoditur: velut etiam in multis locis sparsim eximie in magna copia salinae habentur, &c. Hæc quidem Boterus satis accurate ita recenset: quamvis item in eo aberret, quod parum nutritur velleris: quum copia eius tanta sit undique, ut magno commercio ea ad externos transporteretur; unde eximii conficiuntur omnis generis panni; velut in maximo habetur precio propter subtilitatem, quod ex Pomeranicis tonderetur & colligitur gregibus. Eodem modo divitias varias Germaniæ nostræ commendat, *part. 2. cap. de Imp. Rom. viribus*; ubi sic dicit: Maxime abundat frugibus, pecudibus, piscibus: id experientia compertum sæpe fuit. Carolus enim Quintus, ut Turcis resisteret, habuit sub signis ad Viennam 90 peditum, & 35 equitum millia ad Tavarinum contra eosdem Turcas: nec tamen caritas ibi experta fuit. Bello inter Carolum V & Protestantem per aliquot menses abunde se sustinuerunt in campis fere 150 militum millia. Dives quoque est mineris auri, argenti, omnisque generis metalli, super atque alias Europæ provincias: natura quoque largita est ei in regionibus longissime

sime à mari dissitis fontes & puteos aquæ salæ, ex quibus excoquitur sal perfectum. Nec minus mercatrix est, quam fertilis. Indigenæ enim, plusquam ulla alia natio, vacant opificiis, faciuntque artificia miratu digna: estque Germania tam probe à natura donata, ornataque magnis fluminibus, quæ ubique navigantur, ut commeatus & merces faciliter ex uno loco in alium devehantur. Fluviorum omnium maximus est Danubius; ab illo Rhenus, qui Germaniam à meridie ad septentrionem transgreditur; sicut Danubius ab occasu ad ortum: Albis oritur in Bohemia, lambit Misniam, Saxoniam, Marchiam antiquam: Odera oritur in Moravia, lavat Silesiam, duas Marchias, Pomeraniam, Wesara, Neccarus, Mosa, Mosella, Isara, Oenus, Varta, Mœnus. Hic Germaniam in superiorem & inferiorem dividit. Superior est, quæ à Mœno ad Alpes usque se extendit. Inferior, quæ à Mœno oceanum versus excurrit. Germania in plures provincias divisa est. Sed præcipuæ sunt, (loquor de iis, quæ viva membra Imperii sunt,) Alsatia, Suevia, Bavaria, Austria, Bohemia, (quamvis hæc multis privilegiis gaudeat, quæ eam ab oneribus eximunt,) Moravia, Silesia, Lusatia, duæ Marchiæ, Saxonia, Misnia, Thu-

Thuringia, Franconia, Hæssa, Westphalia, Clivia, Megapolis, Pomerania. Ex quibus singulis apparet, quanta sit Germaniæ & Imperii huius uberrima fertilitas, quæ etiam ab optimis quibusvis terræ partibus non poterit vinci in tali beatitudine sua, ut nullo prope externo adiumento indigeat. Luxuria tamen incolarum quum nimia sit, fit inde, ut novitate rerum omnium semper ibi homines præ reliquis vicinis populis gaudeant; Er, quum voluptuosæ vitæ studio nimium accurato attentoque diffuant, arripere ex hac causa circumiacentes gentes occasiones miras & varias, quibus Germanis suas subducere divitias, & omnem vim auri aut argenti vario commerciorum prætextu & artificio in se transferre possint. Quam ob rem olim Div. Carolus V. Imperator Augustus, anno 1530 cum Statibus Imp. egregiam reformationem politicæ communis, in publicis comitiis Augustanis constituit & publicavit, quæ laudatissime omnem vitæ luxuriam in victu & amictu perstringit, & normam iustam cuiusvis Statui & privatis singulis præscribit. Quod non tantum idem Imperator in Comitiis August. anno 1548 repetivit severissime, sed etiam optimus Imperator Rudolphus II in reformatione.

mat. Polit. constitutionibus Franco-
furti anno 1577 confirmavit, additis
correctionibus & monitis. Utinam ta-
les leges publicæ rite in usu observa-
rentur debito; res Germanorum longe
meliori essent positæ loco, & vita un-
-dique sanctior reviresceret in gratia Ie-
hovæ, rectiusque quisque, Christianis-
mo animæ & vitæ puritate addictus,
vivere posset.

Status Imperij quid & qui?

VE R U M, ut ad Status Imperii nunc
revertar, Tenendum hic sedulo est,
quid Status proprie sint, & quæ eorum
differentia, tam in genere quam spe-
ciatim distributa, ratione officii, ho-
noris, dignitatis & loci sive sedis, &
possessionis ac dominii.

Vocantur autem & sunt Status Im-
perii, ait *Steph. lib. 2, part. 1, cap. 4,*
num. 28, qui solum Imperatorem re-
cognoscunt immediatè, & Cæsaris
communique procerum consensu in
album sive matricem Imperii recepti,
ea lege, ut imperio, occurrente ne-
cessitate, certum censum, in albo sive
matricula expressum, pensitent, vel
subsidiũ militare præstent. *sec. And.*
Galk. lib. 1, obs. 21, n. 2. At proprie Impe-
rii Status esse & dici, qui cum Impera-
tore

corale ein Christlich corpus und versammlung, [id est, tanquam Christianum corpus atque congregatio,] vel, eo defuncto, soli, statuendi de republ., vel ius sessionis & dicendæ sententiæ, in comitiis vel conventibus Imperii habent, notat Tob. Paumeyst. lib. 1. de Iuridict. cap. 8, num. 3. vulgo *Stände des Reichs*; Decreto August. anno 1555 Dieu veil aber. E'ν πλατὴν tamen τ' δυνάμεις, sive potentie ratione, etiam in collegium Imperii cooptrati, licet nullam adhuc in comitiis actu sessionem consecuti sint, Status dicuntur: Decreto comit. Rationon. anno 70, Nach dem auch. Petrus Denaisius in iure camerali, tit. 287, verb. Sessio, num. 3.

*Numerus Statuum in generali
distributione.*

IN Statuum numero, imprimis post Imperatorem & Regem Romanorum, continentur Electores tam seculares quam ecclesiastici. Deinde omnes Principes Germaniæ, tam seculares quam ecclesiastici, Abbates, Prælati, Comites & Barones. Idem quidam statuunt de Nobilibus Imperio immediate subiectis, quod, coniunctim maxime, possint dici Status Imperii, cum nimirum feuda regalia ab Imperio Romano

mano recognoscant, & in album Imperii prædicto modo & sine sint adscripti. Quin & easdem peculiare suas *Austregas* habere, patet ex *Ord. cam. par. 2. tit. 3, & 5 & sup. hoc lib. 2, part. 1. cap. 3, memb. 3.* Constitutiones quoque Imperii de arrestis; de pignorationibus, item super litigiosa possessione, nec non de pacereligionis facta, Nobiles istos Imperio immediate subiectos expresse perstringunt & comprehendunt; *d. Ord. cam. §. Vnd in solchen Frieden. Ruland. de commiss. pag. 1, lib. 5, cap. 4, lit. P. sub. num. 51; Meland. in process. cam part. 1, pag. 487.* Sed scissuræ & dictionis sententiæ actuali communicatione, non tantum Nobiles de feudis ligiis investitos, ac præter Imperium alios superiores non agnoscences, sed Barones quoque, Comites & Principes, (licet hi sint variores,) siue mediate siue immediate Imperio obediunt, nullum tamen suffragii ius in senatu Imperii obtinentes, distingui, ex decretis comitialibus, in quibus nobiles immediati non censentur, Comites autem & Barones complures comprehenduntur, ostendit *Paurmeister d. loc. num. 4.*

Tertio loco civitates Imperiales liberæ etiam inter Status merito referuntur, vigore aureæ bullæ Caroli IV. ubi

ubi civitates libera suam sessionem & vota in iudiciis habuerunt, sub Fridrico Imperatore, in reformatione Francofurtensi, & deinceps iuxta ordines Imperii Moguntiae expressis. Hinc & hodie adhuc ad omnia Imperii comitia vocantur civitates; itemque earum legati una cum Imperatorum, Electorum, & Principum legatis, ad externos Reges vel Principes, in causis gravissimis mittuntur. Denique civitates libere, eadem incommoda ferunt, quae Electores & Principes. *Georg. Obrecht. in tract. de iurisd. cap. 6, num. 77. & seqq.* Praeterea illae habent iura territorialia, non etiam iura Principis; de quo inferius, suo loco, *sic. de Civitatibus liberis*. Qui autem in album seu matriculam Imperii est relatus, ille imperii Status habetur, donec exemptio probeatur: nam pro matricula praesumitur. *l. matriculam, Cod. de agentib. in reb. lib. 12. ubi Bart.* Et matricula probat quem esse denumero qui debent immatriculari. *Bart. in l. petit. C. de advoc. diu. iud. Alciat. de praesumpt. reg. 3, praef. 17. Gaud. observ. 21, num. 6, & 7.* Et in specie, quod feudum probeatur per registrum Principis, in quo bona descripta sunt, & tanquam feudalia, tradunt *Barbatia. conf. 18, num. 38. l. 2. Cravet. 276. in pr. Grammat. decif. 77, num. 12, & alii.*

quos refert Menoch. lib. 3, præsumt. 91, num. 42. Mascard. de probat. lib. 2. concl. 768, num. 10. Idem num. 65 ita pergit:

Differentia Statuum Imperij generalis.

SE D generatim Status Imperii constituuntur in duplici differentia. Alii enim sunt ecclesiastici; ut Elector Coloniensis, Moguntinus, & Trevirensis; itemque Abbates & Prælati; Alii sunt seculares; ut Electores & alii Principes seculares, itemque Comites & Barones. Omnes hi absque differentia subsunt Imperatori ratione bonorum feudalium, eademque Regalia in suis terris obtinent Episcopi, quæ Principes, Marchiones, Duces. *Mod. Pist. conf. 49, num. 3, vol. 2.* Unde à sententia Archiepiscopi vel Episcopi devolvitur appellatio ad cameram. *Gail. 1, obs. 30, num. 2.* & condemnantur ob fractam pacem, *ibidē. Gail. lib. 1 de pac. pub. cap. 1, num. 13.* Sane illud constat, seculares Principes & Status Imperii plus iuris habere in suis territoriis, pleniorique administratione frui, quam ecclesiasticos; ut qui suos Ducatus, Marchionatus, Comitatus ad primogenitos deferunt, ob constitutionem

nem

nem Friderici , qua dividi prohibiti sunt. *cap. Imperialem, §. praterca, de prohib. feud. alien. per Frid. & ibi DD.* Licet moribus nostris Germaniæ inter liberos dividantur. *Henn. Goed. conf. 19, num. 163. Gail. 2, obs. 153, num. 2.* ut unusquisque in sibi obtenta provincia iurisdictionem iuraque Imperii in solidum habeat & exerceat. iurisdictiono quippe tanquam res incorporalis per se dividi nequit ; adeoque ad plures successores in solidum transit. *Hieron. à Monte de finib. reg. cap. 11, num. 11. Hart. Hartm. lib. 2, obs. tit. 1, obs. 15, num. 1. Andr. Knich. in com. ad ius Sax. verb. Ducum Saxonia, cap. 3, per tot. Covar. pract. q. 40. in pr. & num. 1. Schneid. in §. 20. num. 30. siqq. Inst. de alt. &c.* Ex quibus patet, seculares Principes & Status Imperii transferre Ducatus & Comitatus suos ad liberos successores ; quibus non nisi legitimis causis privari possunt. At secus est in ecclesiasticis , qui , quando renunciant Capitulo, sive morte decedunt, protinus in eorum locum alius eligitur ; qui tamen non electione tali sit Episcopus , nisi quatenus Regalia ab Imperatore obtinuerit, ut homagium sive fidelitatem præstiterit, &c. Quin etiam seculares feuda habent, ac plenius administrant : Ast eccle-

fiastici vere nudi sunt tantum dispensatores & fructuarii. *Chopp. de dom. lib. 3, tit. 13, num. 7. Dilect. de arte testandi, tit. 1, caut. 3. Knich. ad ius Sax. verb. Duc. Saxonia, cap. 2. &c.*

Differentia Statuum specialis iuxta dispositionem classium.

AT Q V E hæc est generalis differentia Statuum. quorum series specialis ex parte (uti idem Steph. ibidem etiam ponit) hæc est:

Primo septem Principes Electores. Ex Archiepiscopis tres : Moguntinensis, Trevirensis, Colonienſis. Ex Principibus politicis quatuor : Rex Bohemix, Comes Palatinus Rheni, Dux Saxonix, Marchio Brandeburgensis.

Secundo præter Electores quatuor Archiepiscopi : Magdeburgensis, Saltzburgensis, Bremenſis, Vefontinus.

Tertio Episcopi : Augustanus, Bafilienſis, Brixienſis, Constantienſis, Cameracenſis, Eichſtadenſis, Freisingenſis, Hildesienſis, Halberſtadenſis, Leodicenſis, Lubecenſis, Metenſis, Mindenſis, Monasterienſis, Osnaburgensis, Paſſavienſis, Padebornenſis, Papæbergenſis, Ratisbonenſis, Spirenſis, Strasburgenſis, Schuerinenſis, Tullienſis, Tridentinus, Wormatiensis, Wirtzburgen-

burgensis, Verdunensis, Verdensis,
&c.

Ecclesiasticis hisce Principibus ex veteri Prælatorum ordine ascripti sunt, Abbas Fuldenfis, Abbas Hirsfeldensis, Abbas Murbacensis, Abbas Campidonensis, Abbas Corbeienfis, Abbas Purmenfis, Abbas Stabulensis, Magister ordinis Equitum Teutonicorum sive Marianorum, Magister ordinis Equitum divo Ioanni sacrorum, Præpositus Elbangelis, Præpositus & Archipresbyter Berchtelsgadensis.

Quarto Principes politici: Archiducum Austriæ utraque linea, Austriaca & Burgundica: Ducum Baviaræ itidem utraque linea, Bavarica & Palatina: Duces Saxoniar, Marchiones Misnia, & Landgravii Thuringiar: Marchiones Brandenburgenses, Duces Brunswicenses & Luneburgenses, Duces Iuliacenses, Duces Pomeraniar, Duces Megapolitani, Duces Wittebergenses, Landgravii Hassiar, Marchiones Badenses, Duces Saxoniar inferioris sive Lauenburgenses, Duces Holsatiar, Landgravii Lichtenbergenses, Duces Sabaudiar, Principes Anhaltini, Duces Lotharingiar, Comites Arnbergii ab Imperatore Maximiliano inter Imperii Principes suscepti.

Quinto Prælati: & primo Abbates
G 3 &

& Præpositi secundum matriculæ ordinem: Reichenaviensis. Weissenburgensis, Præpositus Weingartensis, Salmens-Weissenfis, VValckentiedensis, VVeissenaviensis, Schuffentritensis, Roggenburgensis, Ochsenhusanus, Gengenbacensis, Marchalensis, Odenheimensis, Elchingensis, Irfinensis, Werthusanus: Præpositus Petershusanus, Keisersheimensis, Heimerani, Ratisbonensis, Monasterii Vallis Gregorianæ, Manchenrodensis, Monasterii Cornelianæ, VVerdenfis, VVipergensis, S. Vlrici, & Abbas Artæ, Augustanus, & alii adiecti.

Abbatissæ sunt, Quedlenburgensis, Essensis, Herverdenfis, Monasterii inferioris Ratisbonensis, Monasterii superioris Ratisbonensis, Lindaviensis, Gerentrodensis, Rotmunsteriensis, Heckbacensis, Guttén-Cellensis, Beintensis.

Prælati annumerantur Commendatarius Provincialis Confluentinus, item Alsatæ & Burgundiæ.

Sexto loco sequuntur Comites & Barones, de quibus agit *auth. Steph. lib. 2. de iurisd. part. 1, 6, num. 110, usque ad finem.*

Septimum & ultimum locum occupant liberæ Imperii civitates, de quibus mox inferius agemus plenius.

Enu-

Enumeratio autem hæc statuum
 Dn. Stephani non est vere secundum
 ordinationem Imperii & matriculæ
 dispositionem absolute composita, nec
 omnes in plena enumeratione conti-
 net status; veluti alicuius matriculæ
 docet copia, quam in Atlante minore
 descripsit suo auctor ille, pag. 352.
 Quippe Episcopi numerantur 47.
 quum Dn. Stephanus tantum 28. re-
 censet. Ita etiam matricula 26. Du-
 ces & Principes continet, quum heic
 solum 22. ponat. Sic & in serie reli-
 quorum ecclesiasticorum, quibus di-
 gnitas *Illustris* adiecta est, ultra 83. nu-
 merantur, quorum vix dimidiam par-
 tem hic recenset: Velut eodem modo
 in ordine Comitum & lib. Baronum
 (qui in duobus subselliis Imperii, Sue-
 vico & VVetterovico, sessiones suas
 habent, & suffragia publica duo sugge-
 runt) ultra 144. nomina in matricula
 continentur, quos obiter heic tantum
 tetigit, dum suo loco eam curam re-
 servavit. *Conferatur hic Reinh. König.
 olim amicus meus summus, in pol. sua, part.
 1, cap. 25, pag. 428, 429, &c.*

De Civitatibus, tanquam tertio membro.

Q UOD autem ad tertium mem-
 brum matriculæ attinet, in quo
 G 4 descri-

describuntur civitates liberæ; earum numerus quidem ponitur ibi 83. Verum, quum in iis non exigua sit confusio; & multæ ab Imperio secessum fecerint, ut sunt maxime Helveticæ, & finibus Galliæ adiacentes, atque ad annum 1525 non exiguus error referatur, Nicol. Reusnerus in *Elogio suo liber. cit. s. & urbium Germaniæ* tantum 65. congeffit, quas ordine ibidem recenset. Interim tamen nos ductum matriculæ merito sequimur: Ac, quum duo in sessionibus publicis habeantur subsellia, scamna, sive latera; quorum prius dicitur scamnum Rhenanum; alterum, subsellium Suevicum: iuxta eorum dispositionem ita recensuimus, uti primum locum in scamno Rhenano habeant.

Enumeratio Civitatum iuxta subsellia Imperij.

Colonia Agrippina, Aquisgranum, Wormatia, Spira, Turckheimium, Hagenovia, VVeisbergium Sebusiorum, Argentoratum, Ober-Eberhæmum, Roshæmiû, Selestadium, Colmaria, Altrachium, Basilea, Cæsaris Mons, Mulhusium, Suntgovie, Monasterium S. Gregorii, Metis, Toula, Verduna, Landavia, Kaufmans Sarpruckia, Besancona, Cameri-

mericum , Francofurtum ad Mœnum,
Fridberga , VVetterovix , Gelnhusa ,
VVerzlaria , Ala , Lubecca , Hambur-
gum , Dormunda , Mulhusum Thu-
ringia , Northusum , Gossaria , Gor-
tinga , Brakelium , VVartburgum , Lem-
govia , Duyzburgum , Dantiscum , El-
binga .

In latere Suevico sequuntur istæ Ci-
vitates : Ratisbona , Norimberga , Ro-
tenburgum ad Tauberrum , VVeisbur-
gum Norici , Donawerda , VVindeshæ-
mia , Schweinfurtum , VVimpina , Heil-
prunna , Hala Swevix , Nordlinga ,
Dunckelspula , Vlma , Augusta Vindeli-
corum , Gienga , Boptinga , Gemunda
Swevorum , Eslinga , Reutlinga , VVila ,
Pfulendorfium , Kaufbeurum , Northu-
sa , Vberlinga , VVangena , Ysui , Leukir-
cha , Memminga , Campidonum , Bu-
chorna , Ravensburgū , Bibracum , Lin-
davia , Constantia , Rotwila , Offenbur-
gum , Gengenbachium , Cella in Ha-
mersbach , Schafhusum , S. Gall , Bu-
chavia .

Maximus est ita quidem amplissi-
marum & opulentissimarum in Ger-
mania civitatum numerus ; sed hoc
omnino observandum est sedulo , quod
matricula non omnes contineat ; sed
patet , ait *reſſe Matt. Steph. in lib. 2. de*
iurisd. part. 2. cap. 1. num. 62. in Imperio

Romano Status reperiri, qui iuxta sty-
lum & observantiam Imperii atque
cameræ indubitanter Status sunt, sed
tamen ad conventus Imperii non vo-
cantur, licet eo ipso, quem Statum
Imperii esse, dictum sit *supra*, lib. eod.
cap. 4, num. 46.

.. *Vera divisio Statuum ex dignitate privi-
legiorum desumpta.*

QUO CIRCA omnis Status Impe-
rii recte dividitur in Statum privi-
legiatum & non privilegiatum. *de quo
late in consul. collegij Ictorum Tribonen-
sium, nuper typis excusso.* Error maxime
tamen inde iudicatur, quod mutatio
matriculæ anno 1525, facta sit.

*Civitatum vera divisio, iuxta moder-
nam Imperij Germanici formam.*

IDEOQUE constat hinc, non simpliciter
duo, ut vulgariter antehac factum
est, sed tria genera maxime civitatum
dari, quum iuxta modernum Imperii
Romani Statum etiam civitates di-
stinguendæ sint. Alia enim & nova
existit Reipublicæ forma à tempore
Imperii in persona Caroli Magni ad
Germanos translata; *asseverante id ita
Steph. lib. 2. de iurisd. pag. 2, cap. 1,
num.*

num. 17. Proinde aliæ civitates sunt liberæ Imperiales & franca; aliæ Imperiales tantum, aliæ mixtum statum obtinentes. Imperiales liberæ sunt, quarum aliæ solum Imperatorem immediate recognoscunt, & ab eo plenam & omnem concessam vel præscriptam iurisdictionem habent, neque quenguam alium præter Imperatorem Dominum suum agnoscunt. Imperiales vero quæ sunt civitates, & iure exemptitio quodam gaudent, partim Imperatorem quoad Regalia, quæ ab eodem habent, partim Electores, vel Duces Imperii, quoad territoria, in quibus sunt sitæ civitates, recognoscunt, quas tamen à principaliori civitates Imperiales rectius dicimus, *Gail. 2, obs. 54, num. 10, & obs. 57, num. 8*, quum non nisi certis cum pactis territoriorum Dominis subsint. *Myns. Resp. 13, num. 10*. Municipales autem, seu mere provinciales, siue Ducales, sunt, quæ in totum territoriorum Dominis parent & subsunt. *Myns. d. loc. & Matt. Steph. d. loc.* Quæ distinctio civitatum illustri præiudicio Caroli IV. Imperatoris confirmatur inter Duces Holsariæ, & civitatem Hamburgensem, ut notat ex *Crantzio Hosom. in disput. de Feud. cap. 24.* seu litteram hanc diremptam dicit *Crantz. lib. 10. cap.*

cap. 2. Quale præiudicium quoque Camera Imperialis exercuit in causa Brunsvicensi contra Ducem Henticum Iulium, anno 1599, die 27 Septembris, *in decreto aperto*. Quemadmodum idem in civitate Magdeburgensi videre est, quæ sua Regalia solummodo ab Imperatore recognoscit, nec ulla in parte alligata est ad Archiepiscopum, nisi quod iuramentum emendæ, propter singularem casum anno 1333, inque Burchardum commissum, præster eum, quum Regalibus Imperii sit investitus, & ab imperatore receptus, ut ita commissarium Imperii agat. Ex quibus & similibus satis luculenter convincitur, non imperfectam modo hanc esse divisionem; sed & sacræ Cæsareæ Maiestatis & Imperii supremam auctoritatem ea convelli; atque acceptas iurium theoricæ de Regaliis, à sola Cæsarea Maiestate dependentibus, everti; nisi tertium, de civitatibus mixtum statum obtinentibus, membrum addatur. *Matth. Steph. d. loc. num. 46.* Velut etiam Nicol. Reusnerus, *in d. lib. de Elog. civit. Imp. pag. 24,* id sedulo inculcat, ita id secundum gradus in omnibus disponens: Ex civitatibus vero, ait, quædam sunt municipales, quæ suis Dominis parent: veluti, quæ Principum, Ducum, Marchionum,

chionum, Comitum aliorumque Procerum ditioni subiectæ sunt; de quibus alias dicendi locus. Quædam vero civitates sunt liberæ, & à jurisdictione alterius, præterquam Imperatoris, immunes; quæ in ditione ac potestate sunt Imperii Germanici; unde & Imperiales dictæ. Ex his rursus aliæ sunt liberæ, quæ suis utuntur legibus ad morem rerumpublicarum; cuiusmodi sunt civitates pleræque Helveticæ, & Saxonix in extremis oræ illius partibus Oceanum usque. Aliæ vero sunt Imperatorix, quæ sunt veluti quoddam patrimonium Cæsaris & Imperii, statimque creati Imperatoris ditioni subiectæ esse intelliguntur. quarum sane numerus seculo superiore haut parum est imminutus: non paucis ex his vel à Cæsaribus magna vi pecuniæ oppignoratis: nonnullis etiam vel bello devictis, vel alio modo à ditione Imperii Germanici alienatis, ut vix ulla spes earum recuperandarum reliqua esse videatur. Sunt ex earum numero præcipuæ Metis, Veson-tia, Constantia, Verodunum, Tullum, Cameracum, Bodobriga, Noviomagum, Vefalia, Daventria, Swolla, Brisacum, Rhenifeldum, Neoburgum Rheni, Mosbachium, Oppenheimia, Ingel-hæmia, Cæsaris Lotharia, Lavingia, Groe-ninga,

ninga, & aliæ nonnullæ. Hactenus Reusnerus. Sic etiam Boterus, *lib. 2. Cosm. sue, cap. de Imp. Rom.*, luculenter ostendit, unde orta sit tanta mutatio, quod tempore Rudolphi prope tota Italia in viribus suis surrogandis defecerit ab Imperatore, adeo ut illi nihil nisi nomen prope remanserit. Atque quum alii Domini aut Principes Vicecomitesque sibi sua raperent dominia; tamen maxime civitates, precio licet interdum satis exiguo, libertatem plenam redemerunt; velut Lucensibus non plusquam decem millibus aureorum, Florentinis sex millibus, ea constat. Quamvis autem ita partim vi, partim clanculatie, partim titulo aliquo specioso, tam Principes quam civitates Imperio se subtraxerint, ita ut Imperium præsentì tempore fere in Germania conclusum sit; tamen, per leges fundamentales. & interna iura sua ac potentiam communicatam invicem, ita arcte per membra sua cohaeret, ut non tantum solidum corpus iuste referat capiti suo devinctissimum, sed & propter religionis conscientiarumque libertatem unice ferme & solummodo veram reipublicæ Christianæ formam repræsentare præ cunctis aliis appareat; licet hodie Belgium & unitæ Provinciæ Impe-

Imperio Germanico prope palmam in hoc summo bono præripere, & proinde omnem fortunam prosperitatemque in se derivare videantur aut cupiant, modo non nuper inutili discordia ab hac laude parum deviasent.

Optima & boni Imperij nota, ex Distingavio.

ETENIM regnis alias & impetiis ant rebuspubl. nihil æque inimicum est, quam conscientias mortalium contra mandatum Christi constringere velle, ait Distingavius, quum Christus solus pastor sit animarum unicus, & ille sibi soli iudicium cum pleno dominio in eas reservarit. ut aperre id declarat erga discipulos suos, quum nimis fervidos evulsores zizaniarum præstare se cuperent. *Matth. 13.* ideoque inhibitione seria illis hoc imponit, ne colligendo zizania, eradicent simul cum eis triticum. atque propterea vult, ut utrumque simul crescat usque ad messem, quum ipse tunc iudicium condemnatorium cum executionis mandato sit exercitaturus; ut habet *vers. 29, & 30.* Sicut & ipse Christus plenius id ita expressis explicat verbis ad petitionem discipulorum, eodem in loco,

loco, *vers.* 37, 38. *usque ad* 44. ubi disertam interpretationem talem addit, quod filius hominis missurus sit angelos suos, qui ex ipsius regno omnia offendicula, & eos qui dant operam iniquitati, colligere debeant, ac pœna æternali eosdem mactare, &c. quod adeo verum quoque pronunciat, ut nec ipse pater cœlestis quenquam propterea iudicare velit; sed omne iudicium filio commiserit; *Iob.* 5, *vers.* 22, & 23. ideoque eum honorem non concedit alii ulli: sed, quum discipuli ex Samaria reverterentur, & de infructifero doctrinæ suæ labore conquerebantur, vindictamque peterent, propter duritiem populi, ut ignis cœlestis consumeret tales incredulos; revocat eos ad pacem & mansuetudinem, dicens: An nescitis cuius Spiritus filii sitis? *Luc.* 9. *vers.* 54. & *seqq.* filii enim secundum Spiritum, *Gal.* 4, *vers.* 29, sunt filii pacis. *Luc.* 3, *vers.* 6. & Christus neminem cupit perdi, sed ut omnes serventur ad vitam; *Luc.* 9. velut propterea vitam suam impendit pro cunctis; *Matth.* 20, *Marc.* 10, *Luc.* 22. Vnde nemini mortalium heic alia iurisdicção, quam doctrinæ competit; non iudicii. velut ipse Christus sedulo & serio id præcipit, inquiens; Nolite iudicare, nec iudicabimini. *Matth.* 7, *vers.* 1.

vers. 1. Nolite condemnare, nec condemnabimini, &c. Quippe Christi regnum non est huius mundi; *Matth. 26.* sed est regnum occultum & spirituale; in quo Spiritus Dei in suis fidelibus operatur suo modo sancto. Proinde Ioh. Nordermannus, in *dissert. sua de iure Principatus*, talibus verbis hanc formavit quaestionem, *th. 26*; ubi ita cam ponit: Ergo, inquis, Princeps habebit imperium in conscientias? Nequaquam. Nulla enim maior tyrannis est, quam quæ hominum conscientis sibi imperare præsumit. Iudæi ad Pilatum contra Iesum ita clamabant *Ioh. 19, vers. 12*: Quicumque se regem facit, contradicit Cæsari: Multo magis igitur is, qui conscientis imperare cupit, se Dei loco constituit, ac se Deum facit. An non igitur Deo & Christo contradicat? O absit talis idololatrica vis ab humano corde! Quilibet se potius potens Christo inferiorem agnoscat, ne similis sit Nebucadnezzari. Conscientiæ enim libertas Dei & Christi opus manet in operatione Spiritus Dei. Mentium enim rex, Deus est. *Curt. lib. 8.* Quis mihi imponat necessitatem credendi (*inquit Laetant. lib. 5, cap. 14. Institut.*) quod nolum, vel non credendi quod velim? Fides suadenda est, non imperanda; &c

H

magis

magis tollitur vana opinio, quæ sensibus infidet, docendo, quam iubendo; monendo, quam minando. *Aug. in Epist. Mons. de Lansac. in orat. sua, habitata nomine Caroli I X. Reg Gall. in Trid. Concilio* Nulla commodior est via, inquit *Carolus V. Imperator in procem. legum publ. iud §. 7.* à fide Christi alienos, aut in avia delapsos, in viam reducendi, & ad spontaneum Dei cultum revocandi, quam si verbo & spiritus potentia hæreses convincantur, errantes sanabilesque cum mansuetudine tractentur. Minime vero quisquam vi, carcere, tormentis, flagris, ferro, fune, flumine, flamma ad colendum numen, cui non nisi voluntaria mentis nostræ & labiorum ac pectoris victima, non thuris neque hecatombes sacrificium probatur, à nostris iudicibus cogetur &c. *Vide infra, thes. 27, lit. b. ubi reliqua verba Imperatoris citantur.* Errat, (inquit *Rex Navarra, in epistol. ad Ordines Gallia Chastelraud, 14. Martij anno 1589 data,*) ita me Deus amet, & res ipsa clāmet, si quis credat, vi & minis à nobis aliud extorqueri posse. Sæpe me religionem meam mutare voluerunt; sed quomodo? Adhibitis semper minis, tanquam sub carnificis manu. Etiam si mea conscientia nullam habuisssem rationem, hono-

honoris tamen mei respectus, quo minus id facerem, deterruisset. Quis unquam fando audivit, Turcā vel Ethnicum aliquem, propter religionem, priusquam an posset converteri tentum esset, occisum fuisse? Non puto, hostium quenquam esse, qui melongius à vero Dei cultu & cognitione, quam Turcæ abesse existimet: Severius tamen mecum, quam cum barbaro agitur. Iam pridem edoctus, veram & unicam rationem populos ad cultum Dei conciliandos, pietatem stabilienti, esse clementiam, pacem, salutaria exempla: non bellum, neque omnium rerum promiscuam confusionem; ex quo omnium scelerum & flagitiorum propago redundat. Huc etiam refectri potest Constitutio Imperii sub anno 1555, §. *Setzen demnach. §. und damit solcher. §. damit auch obberuhret. vers. So soll die Geistliche, &c.* De illo igitur qui simpliciter erat ex humano morbo, non loquor. Hic enim mitioribus remediis, ut convalescat, curandus. lib. 3. *C. de apost.* Hunc itaque misericorditer corripiat ut hominem, & id quod potest lugeat. *August. lib. 3. cont. Parmen. Cyprian. ad dictum Christi Matth. 13, 19. Calv. lib. 4, cap. 12. scilicet. 11. Instit. D. Lutherus de formula Missæ, tom. 1. en. & in adfert. omnium artif.*

per Bullam Leonis X. damnatorum, fol. 326, adfert. 33. Neque de infidelibus, qui sunt extra Ecclesiam, aut hypocritis, vel etiam hæreticis latentibus, (qui omnes Dei iudicio sunt relinquendi;) sed qui blasphema impietate, Dei maiestatem & concordiam Christianam violant, pœnas sumere licet. *Constitut. Imper. sub anno 1530, §. Darouff ordenen. v. vnd ob zum ärttemahl. & in d proœm. constitut. crim. Carol. V, §. 9.*

Velut igitur Christus sui interni & æterni sive spiritualis Regni Imperator est assiduus & unicus, atque manet; Ita quoque in externo Christianus Imperator & corporeo huiusmundi regno, quod alteri habitaculum suum tutum præbet, dominus viget: unde Imperatoris gloria eo maior est undique, & apud omnes terræ incolas habetur, ut nemo eum dignitate vel auctoritate hac superet. Et quidem, *ais Steph. lib. 2, de Iur. part. 1, cap. 1, memb. 1, num. 3, debet Imperator, & ita Imperio præesse, & consulere, l. 2, §. novissime. isti, reipublicæ, cons. D. d. orig. Iuris, eiusque curam gerere, & subiectorum commoda ad instar tutoris investigare. d. l. qui fund. 7, §. si tutor 27. l. tutor 27. D. de admin. & peric. sue. l. interdum 56. §. per. D. de furt. C.*

mone-

monemus. ibi. ne Ecclesia Dei ad nihil redeat, 12. q. 1. ut imperii utilitas maxime incorrupta persistat; ut eleganter Fridericus Imperator prefatus est in tis. de prohib. feud. alien. per Freder. Videatur heic Bened. Carpz. in pulcherrimo libello suo de leg. Reg. German. cap. 3, num. 17, 18. usque ad 23.

Imperium Rom. Germanicum unde in Circulos divisum.

SED ut ad descriptionem ordinariam revertamur, id ulterius heic observandum est, quod, quum cura Imperii huius summa sit, & eius libertas in singulis membris cum tanta amplitudine dispersa, ut prope cuique provinciae suae mores in regalibus competant, & nihilominus ad mutuam Germaniae defensionem ac pacem constringantur, divisae sint Provinciae in ditiones aliquot, quas Circulos appellant, inque iis instituta sint particularia Imperii consilia.

Circuli sive Provincia quot.

ATQUE primo omnium totum hoc Imperium Germanicum sex fuit descriptum provinciis, ait Rouen. lib. 1. de Urb. Imp. quas Orbes sive Circulos

culos vocant: Nimirum in Franco-
 niam, Bavariam, Sueviam, Saxoniam,
 VVestphalian & Rhenoniam. Quod
 factum est anno Christi 1500. Augustæ
 in Comitibus, imperante D. Maximilia-
 no I. Cæsare. His finibus omnes ubi-
 que Principes ac Civitates in Imperii
 comitiis antiquo more censentur: post,
 eodem Imperatore regnante, Colonia
 anno 1512, *5. darauff haben, cum 5. se-*
quent. Saxonia superiori per divisio-
 nem in Superiorem ac Inferiorem, ac
 deinde adiecta Belgica provincia sive
 Burgundia & Electorali Rhenana, &
 Austria, decem Regionibus seu Cir-
 culis Imperium circumscribi cœptum:
 quod & à Carolo V. Imp. in comitiis
 VVormatiæ anno 1521, & Norimber-
 gæ anno 1522, consentientibus om-
 nium Imperii statuum suffragiis, con-
 firmatum est. *Erklärung des Landtsfri-*
dens zu Nurnberg, anno 1522. Ex his
 Imperii Germanici Provinciis Senatus
 sive Consilium Imperii x x i i viro-
 rum, quibus summa Reipub. ob con-
 veniendi difficultatem commissa est,
 subinde legitur singulis trimestribus
 fere Norimbergæ (nisi aliud suaderet
 rei necessitas) haberi solitum hætenus:
 Cuius Princeps est Imperator eiusve
 Legatus: senatores sive adfessores sex
 Electores: principes Imperii duodecim
 partim

partim ecclesiastici, partim seculares: ita scilicet, ut singulis trimestribus ex Electoribus singuli, sex Principibus bini, per vices intersint Consilio. Ad-
diti sunt his ex cæteris statibus Imperii Senatores quodecim: Imperatorii duo: duo item Austriæ & Burgundiæ provinciæ nomine Legati. Præterea ex quatuor Prælati selectis singuli, singulis trimestribus more Principum invicem sibi succedentes: Comes item, vel Baro unus nomine Comitum & Baronum Imperii: Bini quoque Senatores ex octo liberis civitatibus, similiter per trimestria mutuas vices subeuntes. Denique sex Equites aut Doctores ex totidem Imperii Circulis singulariter destinatis; Nempe ex Franconia, Bavaria, Suevia, Rhenana, VVestphalia & Saxonia. Qui autem Principes, Episcopi, Prælati, Comites, Barones, Civitates, quibus Circuli Imperii subiecti sint, sequens docebit recensio. Namque in dignitatum dispositionibus is nunc ordo observatur, ut *Const. habet Norimberg. Paurm. lib. 2. de iur. cap. 2.*

Circuli cuiusque contenta quæ?

1. S V B Circulo Austriaco sunt, Austriæ Exarchatus, & Tirolis Comitatus, cum omnibus subditis regionibus

nibus ac Episcopatibus, Tridentino, Brixiano, Viennensi, Secaviensi, Labachienſi; Comitatusque Hardeck, VVolkenſteyn, Loſenſteyn, Rogen-dorf.

2. Burgundico ſub ſunt tota Burgundia, cum omnibus ditionibus ſubiectis ultra Moſam citraque; ac provinciæ Belgii, & Comites Egmond, Naſſau, Breda, Iarme, Iſelſteyn, Bergen, Walen.

3. Rhenanus ſuperior Electoralis continet quatuor Electores ad Rhenum, cum Prælatiſ, Comitibus, Baronibus, & Civitatibus ſub iſdem ſedes ſuas habentibus.

4. Saxonicus ſuperior complectitur duos Electores, Saxonicum, & Brandenburgicum; Episcopos ſeptem, Miſnenſem, Mersburgenſem, Naumburgenſem, Brandenburgensem, Havelsbergenſem, Libuſienſem, & Caminenſem: Principes, Saxonix, Pomeranix, Anhaltinos; una cum Prælatiſ, Comitibus, & Baronibus horum ditionibus ſubiectis. Abbates ſunt, Salveldenſis, VValkenridenſis. Abtiſſæ, Quedlinburgenſis, Gerinrodenſis. Comitatus, Schwartzburgenſis, Mansfeldenſis, Holbergenſis, Honſteinenſis, Regenſteinenſis, Barbyenſis, Gleichenenſis. Barones, Schonbergenſis, Tautenbergkenſis.

ſ. Sa-

5. Saxonicus inferior habet sub se Archiepiscopos Magdeburgensem & Bremensem. deinde Episcopos Hildesheimensem, Halberstadtensem, Lubecensem, Ratzeburgensem, Suerinensem, Mindensem, VVerdenensem, &c. Duces Brunsvicensem, Lunæburgensem, Megapolitanum, Holfatiz, & Lowenburgicum; una cum Prælati, Comitibus, Baronibus, & Civitatibus, Lubeca, Mulhusia, Northusia, Goslaria, &c. usque ad Mare Balticum.

6. Francicus continet Episcopos tres, Bambergensem, VVurtzburgensem, Aichstadiensem: Magnum Magistrum Teutonicum: Burggravium Noribergensem: Prælatos Cambergenses: Comites Hennenbergensem, Castellatum, Hohenloensem, Schwartzenbergensem, Erpachensem: Barones, Civitatesque liberas eius circuitus, Nurnbergum, Rotenburgum Taub., VVinsheimum, Schweinfurtum, VVeissenburgum Neccariz.

7. Bavaricus ambit Archiepiscopum Salisburgensem; Episcopos tres, Ratisponensem, Frisingensem, Passaviensem; Duces Bavariz utriusque. Landgravios Leuchtenbergenses; Prælatos; Comites Ottenbergenses; Barones; & Civitates liberas, Ratisbonam, &c.

H 5 8. Sue-

8. Suevicus complectitur Episcopos tres, Curientem, Constantientem, Augustanum; Duces, VVirttembergensem, & Teccæ; Marchiones Badenses; Societatem S. Georgii; Equestrem Ordinem Hegaviæ; una cum cæteris Prælatiis, Comitibus, Baronibus, & liberis Civitatibus maxima ex parte vigintisex, quum hic Circulus sit amplissimus.

9. Rhenanus inferior habet Episcopos, VVormaciensem, Spirensen, Argentinentem, Basileensem, Lufanensem, Metensem, Tullensem, Verdunensem; Abbates Fuldensem, Hirschfeldensem, &c. Duces Bipontinos & Simmerienses; Ducem Lotharingiæ; Landgravium Hassiæ; Comites Austrasiæ & VVetteraviæ; una cum cæteris Prælatiis, Comitibus, Baronibus, Civitatibus liberis circum circa ibi iacentibus, numero viginti duabus.

10. VVestphalicus habet sub se Episcopos quinque, Padebornensem, Leodiensem, Traiectensem, Monasteriensem, Osnaburgensem; Duces Iuliacenses, Bergenses, Clivenses, Geldriæ; Comites Nassovienses, Seinenfes, Viernburgenses, Isenburgenses inferiores; & cæteras regiones usque ad Mosellam, una cum cæteris eiusdem ditionis Prælatiis, Comitibus, Baronibus & liberis Civitatibus.

Ordi-

*Ordinatio Circulorum in quibus
consistat.*

I V X T A eam constitutionem, qua hæc Circulorum ordinatio inventa & in suas classes quasi distributa fuit, æquum quidem esset, ut ordinariè singulis annis semel, vel etiam sæpius, si necessitas id flagitaverit, in aliqua Imperiali aut magna alteri subiecta civitate convenirent, ac de contributionibus, monetis probandis, vel reprobandis, præsentatione adlectorum Camera, executionibus contra contumaces à Statibus faciendis agerent: (quibus duo Principes vel Duces, qui conventus indicunt per litteras, vulgo *Kreysdags aufschreiben*, præficiuntur; vulgo *aufschreibende Fürsten*; quorum alter ecclesiasticus, alter secularis esse debet:) Verum, quum in aliquot locis res negligentior habita sit, multum decrevit iste mos. In comitiis autem, quando circulariter quid deliberandum concluditur, in sextantum contrahuntur. *Cammergerichts Ordnung zu Constanz*, anno 1507. *Rutg. Rul. par. 1. de Commis. lib. 3, cap. 4, num. 54. Knich. ad ius. Saxon. pag. 71. Matth. Steph. lib. 2, de iur. part. 1, cap. 4, num. 48.* Atque si alicui Circulo bellum infe-

8. Suevicus complectitur Episcopos tres, Curientem, Constantientem, Augustanum; Duces, VVirttembergensem, & Teccæ; Marchiones Badenses; Societatem S. Georgii; Equestrem Ordinem Hegaviæ; una cum cæteris Prælatiis, Comitibus, Baronibus, & liberis Civitatibus maxima ex parte vigintisex, quum hic Circulus sit amplissimus.

9. Rhenanus inferior habet Episcopos, VVormaciensem, Spirensen, Argentinentem, Basileensem, Lusanensem, Metensem, Tullensem, Verdunensem; Abbates Fuldensen, Hirschfeldensem, &c. Duces Bipontinos & Simmerienses; Ducem Lotharingiæ; Landgravium Hassiæ; Comites Austrasiæ & VVetteraviæ; una cum cæteris Prælatiis, Comitibus, Baronibus, Civitatibus liberis circum circa ibi iacentibus, numero viginti duabus.

10. VVestphalicus habet sub se Episcopos quinque, Padebornensem, Leodiensem, Traiectensem, Monasteriensem, Osnaburgensem; Duces Iuliacenses, Bergenses, Clivenses, Geldriæ; Comites Nassovienses, Seinenfes, Viernburgenses, Isenburgenses inferiores; & cæteras regiones usque ad Mosellam; una cum cæteris eiusdem conditionis Prælatiis, Comitibus, Baronibus & liberis Civitatibus.

Ordi-

*Ordinatio Circulorum in quibus
consistat.*

IVXTRA eam constitutionem, qua hæc Circulorum ordinatio inventa & in suas classes quasi distributa fuit, æquum quidem esset, ut ordinarie singulis annis semel, vel etiam sæpius, si necessitas id flagitaverit, in aliqua Imperiali aut magna alteri subiecta civitate convenirent, ac de contributionibus, monetis probandis, vel reprobandis, præsentatione adfessorum Camera, executionibus contra contumaces à Statibus faciendis agerent: (quibus duo Principes vel Duces, qui conventus indicunt per litteras, vulgo *Kreysdags aufschreiben*, præficiuntur; vulgo *aufschreibende Fürsten*; quorum alter ecclesiasticus, alter secularis esse debet:) Verum, quum in aliquot locis res negligentior habita sit, multum decrevit iste mos. In comitiis autem, quando circulariter quid deliberandum concluditur, in sex tantum contrahuntur. *Cammergerichts Ordnung zu Constantz*, anno 1507. *Rutg. Rul. par. 1. de Commis. lib. 3, cap. 4, num. 54. Knich. ad ius. Saxon. pag. 71. Matth. Steph. lib. 2, de iur. part. 1, cap. 4, num. 48.* Atque si alicui Circulo bellum infe-

inferatur, hoc peculiare ipsis ius est, ut præfectum quendam generalem seu dictatorem sibi constituent; & si non sufficiat unus Circulus, tenentur proximi aut viciniore, ad sollicitationem alterius, statim in periculis hærenti omni subsidio succurrere, ne facile alicuius partis dismembratio fiat, & ita eo promptius salvati possit. Ad cuius rei expeditionem faciliorem illis concessum est ut contributiones particulares exigant à suis statibus: Ac, si quis in mora sit, statutum est ab Imperio, & approbatum, quod debitor possit ad tertium monitoriale emanatum vi aut repressaliis cogi pro solvendo eo, quod ipsius loco fuit expositum, cum interesse & sumptibus additis.

De conventibus & Comitii Imperij.

DV M heic de conventibus certis publicis agimus aut comitiis, necessum est, ut paucis etiam hunc ordinem Imperii pertexamus; & monebimus paucis, quid comitia, & quotuplicia sint.

Comitia quid & quotuplicia.

Generaliter autem Comitiorum verbum accipitur pro omnium, tam uni-

universorum Ordinum, quam partem eorum, ad consultandum aut decernendum de Reipublicæ salute, conventu. Atque is conventus aut est generalis, aut particularis, pro dispositione & necessitate rerum ad quas pertinet.

Universalis Conventus sive comitia in quibus consistant.

Generalis, est Principum & Optimatum pro salute & incremento Reip. convocatio & conventus; unde etiam universalis dicitur, & vulgo *ein Reichstag oder gemeyne Reichs-versammlung*. Quæ in constitutione & dissolutione sua consistit. Constitutio continet solemnitates & res tractandas sive negotia quæ aut ordinaria sunt, aut extraordinaria.

Causa & negotia comitiarum ordinaria.

Ordinaria autem negotia, quorum causa comitia haberi solent, hodie sunt omnia, circa quæ potestas politica ordinarie versatur: legum nimirum ferendarum, belli gerendi, fœderum faciendorum; solvendorum tributorum, iniungendorum; iudiciorum

EXC-

exercendorum, & rerum imperii alienationum causæ: item de formanda & constituenda pace, & tranquillitate publica, de monetis, de matriculæ Imperialis redintegratione, ac avulsis ab Imperio provinciis, civitatibus, & ordinibus recuperandis: aliisque pluribus negotiis ad conservationem Imperii & salutem publicam pertinentibus.

Extraordinaria comitia que?

EXtraordinaria autem haberi solent propter causarum controversarum cognitiones aut decisiones, item supplicationes, aut Statuum investituras, vestigalium novorum concessionem, aut prorogationes veterum ad certos annos, &c.

Conventus particulares.

PArticularia autem Comitia sunt, quibus pars Principum & Optimatum convenit. Suntque duorum generum. Namque aliquando ex universo Imperii collegio quidam selecti conveniunt; aliquando vero certa pars aliqua vel classes, vel certi loci ac regiones Imperii. Ex universo Imperii collegio selectorum & deputatorum

rum olim *conventus* erat *Regimenti*; de quo est tit. 1. decreti *August. Von den zuvanzigen so zue der Koningl. May. und des H. Reichs Regiment geordnet: item tit. von des H. Reichs Regiment, &c.* Quum enim universi ordines Imperii abique ingenti sumptu ac molestia commode pro necessitate occurrente convenire non possent, placuit in comitiis *August. anno 1500 Maximiliano & Ordinibus*, ut præter Imperatorem & eius Legatum viginti personæ ex Ordinibus eligerentur, qui essent loco Senatus Imperialis. *d. decret. Aug.* Erhis ab Imperatore & Ordinibus conjunctim plena potestas data fuit, ius & iustitiam administrandi, ac de quibuscunque subditorum querelis plene cognoscendi ac statuendi, pacem ac tranquillitatem publicam tuendi, &c. *Ordin. Regimenti August. anno 1500, tit 1. 2, & 10.* Hæc Regimenti constitutio crescente Caroli auctoritate in consuetudinem abiit. *Paur. cap. 2, num. 43, &c.*

Ex eodem genere hodie *conventus* Deputatorum & Visitatorum Cameræ est, ex *Decret. Aug. anno 1551. institutus*. qui itidem ordinarius aut extraordinarius, &c. *Paur. d. loc.*

Conven-

Conventus Electorales.

Certæ classis, est Electorum Conven-
tus. cuius causa habetur & modus
in aurea bulla Caroli IV. Qui itidem
aut est ordinarius, & propter electio-
nem Imperatoris habetur: vel extraor-
dinarius, iuxta dictam auream bul-
lam. & dicuntur etiam comitia Impe-
ratoria, quæ aut libera aut coacta ha-
bentur.

Conventus Circulares.

Sed demum ex certis locis ac regio-
nibus congregatorum ordinum sunt
conventus Circulorum; vulgo, ut di-
cunt, *Kreysdage*. Circulorum vel re-
gionum prima mentio in ordinatione
Regimenti *August. Maxim. I.*, anno
1500, *tit. vñe zuvantzig personen &c.*
§. fin. ubi sex circuli constituti sunt,
Franconicus, Bavaricus, Suevicus,
Rhenanus, VVestphalicus, Saxonicus.
quorum simul quisque binorum ad-
fessorum Cameræ nominationem ha-
bet. *Ord. Cam. Maxim. I. Constant. anno*
1507. §. 1. & Ord. par. 1, tit. 1, §. deß-
gleichen. De horum autem conven-
tuum auctoritate & iurisdictione ac
modo exequendo iam ante dictum
est.

est. Vnde vere profert hæc Boterus *part. 2. Cosmogr. tit. de Imp. Rom.*, quando ait: Necessitate exigente, contribuit Imperium maximas pecuniarum summas, colligunturque extraordinarie. Ut ex contributiones facilius colligi possint, est Germania in decem Circulos divisa, in quibus sunt conventus particulares, pro executione edictorum, quæ in diæti Imperii facta sunt; & aliis similibus incidentibus. Sic etiam idem *part. 1. tit. de Germ.*, integre describit processum comitiæ universalium & electionis in Imperatore novo constituendo *pag. 95.* additque solemnitates, quæ in actu coronationis atque festivitatis aliis observantur; uti tales ipse oculis annotavi, quum anno 1612 D. Matthias II. cum coniuge coronaretur.

*Officia publica Electorum in comitiis
Electoralibus quæ.*

VERum ante omnia hoc loco merito annotandum est, quod officium cuiusque Principis publicum in hisce actibus maxime queat observari; veluti unusquisque Electorum deputatum munus tam tempore inter regni, quam electionis cogitur exercere. Namque Moguntino tanquam Archi-

cancellario Germaniæ intra mensis
spacium indictio & convocatio con-
ventus, non aliter quam ex Principis
Electoralis potestate, competit; utpote
qui archivum Imperii totius sibi con-
creditum habet ita, ut præses eius &
conservator sit perpetuus: unde etiam
aulæ Imperiali Vicecancellarius adest,
qui nomine huius Electoris, actis Im-
perii publicis subscribat. Trevirensis &
Colonienfis quidem itidem Cancellari-
ri sunt; sed non Germaniæ. Quippe
Trevirensis Galliæ, & maxime Arela-
tensis regni, ad quod Sabaudia & Bur-
gundia referebatur, olim erat; & Colo-
nienfis Italiæ. quorum officium tum
erat in Imperio, ut, quoties Imperator
Italiam ingrederetur, Colonienfis di-
plomata Imperialia subsignaret, eius-
que nomine & consensu ederentur:
quoties vero se conferret Imperator in
Galliam, tunc idem ius esset Trevi-
rensi. Quæ potestas huc usque à Fri-
derici II. temporibus ferme acquie-
scit; nihilominus officii huius digni-
tas retinetur, ut veteris iurisdictionis
vestigia adhuc declarent & monstrent
notanda in memoriæ testimonio. At-
que, quum constet, hosce Principes co-
mitiis à tempore Caroli Magni inter-
fuisse, Electuræ dignitas illis merito
mansit; adeo ut in votorum colla-
tione

zione priorem tueantur locum. *Arum.*
ad a. bul. p. 125. Ideoque aurea bulla,
cap. 4. vocem primam Trevirensi de-
 putat: secundum vero suffragium Ar-
 chiepiscopo Coloniensi attribuit; qui
 etiam hoc simul obtrinet officium, ut
 diadema regum regi Romano impo-
 nat primus.

Inter reliquos Electores antiquitus
 Comes Palatinus Rheni primum lo-
 cum merebatur, quum præter eligen-
 di Regis & Imperatoris potestatem exi-
 mium hoc ipsi ius esset, quod, vacante
 Imperio Romano, Comiti Palatino
 Rheni, nec non Electori Saxonie, in-
 cumberet, ut vices Imperatoris Roma-
 ni in omnibus & per omnia sustine-
 rent. *Aur. bul. s. 5.* Velut etiam hic usus
 firmiter adhuc observatur; Quum Vi-
 cariatu non aliunde, quam à vi &
 iure præfecturæ Palatii veteris, sive
 Maioratus domus, sub regno Franco-
 rum descendit; & præ aliis duo Pala-
 tini, Rhenensis, & Saxonicus, (quippe
 & ipse Palatinus olim appellabatur, ut
ex veterum aliis apud Magdeburg. constat)
 totius Imperii vicariam administratio-
 nem, divisim inter se limitibus, meriti
 fuerint. Nam Imperium Romanum
 divisum erat in duo regna, Lombar-
 dicum, & Teutonicum. Istud vero
 Teutonicum duplici iure regebatur,

Francico, & Saxonico. Hoc gentem Saxoniam, usque ad Mare Balticum, & Sarmatiam, sive Poloniam: illud tractum Rheni, Franconiam, Sueviam, Bavariam, Austriam, ad Alpes usque, complectebatur. Conveniens itaque visum fuit, ut duo illi Palatini, ceu proximi à Cæsare, eo absente, vel mortuo, vice sacra Regnum totum Teutonicum gubernarent. Hoc à maioribus institutum Carolus IV. in comitiis Imperatoriis Norimbergæ confirmavit, & aureæ bullæ inseruit, & Cæsares tam ante, quam post illum, peculiaribus diplomatis, ut & alia regalia, Palatinis Principibus confirmare consueverunt. *Hæftenus Clut. in syll. rer. cot. th. 24, lit. L.* Quamvis autem olim Rex Bohemiæ esset novissimus, *Krantz. lib. 4. Sax. 28.* ac Palatino dictas ob causas primus, Saxoni medius deberetur ubique locus; tamen Carolus IV. quum videret, Imperii salutem, nisi in usum Othonica sanctio revocaretur, consistere minus posse, transmutavit ordinem; & Marchioni Brandenburgensi primatio, quia filius, ultimum tribuit. *Clut. d. l. & Iohan. Baptist. Egnat. Ven. lib. 3. Rom. Princ. de Ott. 3.* Tertium itaque in electione suffragium per aureæ bullæ constitutionem Regi Bohemiæ, ea de causa, quod

quod is inter seculares ex Regiæ dignitatis fastigio iure & merito primariam obrineret, adsignatum est. Qui enim maiorem dignitatem habet, iure quoque non tantum priorem vocem possidebit, *Fab. de Anna, conf. 40. num. 28. Marzur. conf. 26, num. 9.* Sed etiam Regi Bohemiæ privilegium datum est ab Imperatore Philippo, in comitiis Moguntiz anno 1200. Alias fuit hæc Otthonica constitutio; ut Rex Bohemiæ præminencia quadam prævaleret quidem, & sessura reliquos anteverteret, atque una cum Coelectoribus electioni interesset, sed tantum, si paria essent vota, ipse arbiter & Palæmon existeret. Quo nomine etiam Rex Bohemiæ sibi votum reservavit in præfata aur. bulla. *Clus. d. syll. L.* Dehinc quarto loco succedit Comes Palatinus, qui votum suggerit secundum iuramenti formam. Quinto loco Dux Saxoniz sive alter Palatinus. Sexto vero Marchio Brandenburgensis rogandus est. Talique ordine votis omnium perquisitis, dicti Principes Moguntinum vice versarequirunt.

Præterea in Curiis solemnibus, ut & in coronatione Regis vel Imperatoris, comitiis Imperii & aliis panegyricis Conventibus, aliud illis secularibus est munus. Vnde Rex Bohemiæ

Archipincerna sive Pocillator; Palatinus Pomifer, & Dapifer; Saxoniae Dux Archimareschallus & Ensisifer; Marchio Brandenburgicus Archicamerarius & Sceptrifer dicitur. Etenim Rex Bohemiae in celebratione Curiae Imperialis primum potum Imperatori afferre tenetur, quem tamen sub corona regali, nisi libera voluntate voluerit, non tenebitur ministrare. *Hartm. Maur. lib. de cer. Car. V.* Palatinus Rheni pomum seu globum aureum crucigerum in processu solenni Imperatori praefert; quod est Imperii insigne praecipuum, & ab omni fere antiquitate globus ille signum universalis imperii; quem etiam Augusti statua manu tenens Romae visitur, notat *Vid. Cl. d. l. th. 24. lit. L.* In Curia vero cibum afferre tenetur. Elector vero Saxoniae Portitor ensis & Mareschallus, in processu regionsem nudatum & strictum Imperatori praefert, in signum iustitiae; cuius etiam insigne sunt duo gladii decussatim compositi; uti olim apud Byzantinos fuerunt Spatarii & Protospatarii, atque ceu praefectus praetorio, gladium Imperatori praeferebat in signum meri imperii. Dehinc quoque officium Mareschalli exercere tenetur, avenam in conspectu Imperatoris metiendo. Ast Elector Bran-

Brandenburgicus, ceu cubiculi regii custos, fisci que præfectus, sceptrum (olim etiam clavem) in argumentum gubernationis, Imperatori, quando coronatur, præfert; & etiam in insignibus suis notam hanc gerit; ad mensam vero aquæ exhibet ministerium.

De vicariis Electorum, qui sint.

SI vero Elector aliquis absit, absentis officium is, qui vices eius gerit, administrabit: quod etiam novissime in coronatione Augustissimorum Imperatorum Matthiæ & Ferdinandi I. factum est, ut vidi ipse.

Sunt autem hodie vicarii & subofficiarii Principum Electorum: Bohemi R. Pincerna de Limpurg: Palatini Dapifer de Walpurg: Saxonis L. B. de Pappenheim: Brandenburgici Comes de Hohenzollern.

Ex his patet quidem aliquo modo, quanta sit Electorum dignitas, & quæ iura illis præminentie competant. Sed & alia privilegia obtinent, quæ huius loci non sunt.

De origine Electorum Imperij Romano-Germanici.

SALTEM non prætereundum est, quod multi Politici & Historici se mire torqueant de origine huius status, quum tamen non adeo difficile sit, si recte id advertatur, & quis ad veram historię Saxonicę cognitionem recurrat, ritusque antiquos Germaniæ secum rite reputando examinet. Evidentiarei id facile suggerit, ut non sit opus, adeo sollicitè inquirere, quod temporis momentum primam Electoribus originem dederit. Velut Arnizæus in *relect. pol. lib. 2, cap. 6, n. 9, 10, 69, 70, 73, & 74*, in hoc sibi contradicentia statuit: dum mutationem iurium & legum Imperii in eo potissimum momento quærendam esse asseverat, quo invaluerit auctoritas Electorum; *num. 9, & 41*. Et quamvis *num. 74* expresse confiteatur, tempore Caroli IV. divisum esse Imperium inter Imperatorem & Electores; quum Carolus IV. *cap. ult. aur. bull.* illos in partem sollicitudinis constitutos aiat, item eosdem columnas & latera Imperii vocet, in *d. c. ult.*, quibus basis totius ædificii nitatur, item palmites Imperiales, & septem candelabra lucentia

centia in unitate spiritus septiformis,
in Præfat. aurea bullæ, vociter, &c. qui-
 bus tribuerit potestatem in ipsam Cu-
 riam Imperialem, ut iis incumbat cu-
 ra & facultas errores Imperii corrigen-
 di: &c. Tamen *num. 69* in præcedenti-
 bus ponit pro certo, Electorum pote-
 statem modo invaluisse post Carolum
 I V. Etenim quæ mutatio iurium &
 legum Imperii maior dari potest, quam
 si is, qui supremus est, & caput re-
 rum omnium refert, auctoritatem &
 potentiam suam ita penitus exuat aut
 imminuat, ut iura sua summa cum
 minoribus dividat, iisve se æqualem
 constituat? Nihilominus addit, quod
 amplitudine auctoritateque magis per-
 patientiam sequentium Imperatorum
 creverint; quum tamen contrarium
 verum sit, quod antea & in iis tem-
 poribus magis eorum potentia & au-
 ctoritas floruerit, quam nunc, aut in
 sequentibus seculis tunc postea, ubi
 maxime legibus adstricta tenetur.
 Namque quænam maior potestas? num
 quæ libera, aut legum vinculis impe-
 dita? Sic quænam amplior dignitas il-
 lis obferri potuit, quam quum ab ipso
 Imperatore in dimidiatis Imperii iuri-
 bus celebrarentur & confirmarentur
 æquales? Tum etiam quis sublimior
 locus & potentia illis obtingere po-
 tuit,

tuit, quam quum duo, intet eodẽm, vicarii ipsum locum Imperatoris, tempore interregni occuparent? adeo, ut tam absolute, iuxta consuetudinem veterem utriusque Palatinatus, etiam ante auream bullam, quam ipse Imperator, gubernarent. quæ potestas multum per intervalla aliquo modo decrevit in posterioribus temporibus. Longum foret exempla allegare. Quicquid vero sit, ait *Koning. in pol. sua, part. 1, cap. 31, num. 14*, illud in confesso est, vacantis Imperii administrationem vicariatus iure Comitibus Palatinis, ex antiqua & inveterata consuetudine, etiam ante auream bullam, competiisse. ut etiam constat ex confessione *apud Crispin in vita Ludov. ubi Ludovicus IV. Imperator in Comitibus Francofurtensibus de anno 1339, ante constitutionem A. B. Caroli IV. ita loquitur: Longa & approbata consuetudine inconcussa à maiorum ordinatione hætenus observata, vacante Imperio, ius administrandi Imperii, iura, feuda conferendi, & negotia cætera disponendi, Palatino Rheni debetur. Cuius verba privilegii quoque extant apud nob. dom. Goldast. in constit. Imper. tom. 3, de anno 1339; & Ioh. Volf. cent. 16. lect. memor. fol. 650. Privilegiumque hoc vicariatus confirmavit*

non

non solum Carolus IV. in aurea bul-
la ; sed etiam Maximilianus I. &c.
Quod etiam merito M. Freherus de
orig. Palat. lib. 1, cap. 15, pag. 109, adno-
tat ; quum Elector Saxonix non mi-
nor fuerit vicarius ex veteri Palatina-
tus dignitate in suis territoriis, ubi Sa-
xonica iura servantur, ex Bohemia us-
que ad Balticum mare, quam Palati-
nus Rhenis quamvis studio quasi non-
nihil heic *ex textu auree bullæ*, quod ita
nude loquatur, Gerl. Buxt. *ad cap. 5,*
A. B. th. 56, l. B. hærere velit. Velut
etiam Arnixus, *d. l. num. 48*, ipsi Pala-
tino Rheni suam auctoritatem satis
arcte constringit ad vetusta tempora.
Ast ipsa naturalis rerum & historia-
rum ratio id dictitat, quod tum longe
absolutior fuerit potestas Vicariorum
& Coelectorum, quum nondû consti-
tutionibus legum esset alligata, quam
postquam determinatum modum ipsis
prescripserint leges. uti id *ex tit. 5, A. B.*
apparet, quod quædam regalia iura soli
Imperatori sint reservata exercenda, ve-
lut in vexillari investitura, & aliis. Vi-
deat igitur Arnixus, quam belle hæc
convenient. Si mutatio iurium & le-
gum Imperii in eo momento quæren-
da sit, quando invaluerit auctoritas &
potentia Electorum ; ut *dict. l. num. 9,*
asserit, atque ea vires tum demum
sum-

sumpserit post Carolum IV. per patientiam sequentium Imperatorum, uti *ead. l. num. 69* expresse asserit: quo loco haberi debet ipsa aurea Imperii bulla, & Electorum origo cum auctoritate eorum? quum tamen egregie confessus fuerit antea, *num. 42, & 44*, quod ætas Electorum ante Caroli IV. imperium, & quidem in septenario numero, longe retro excurrat. Obsecro, an non tum mutatio iuris veteris & monarchiæ Imperii certa reddita est potius, quum Electorum numerus ad certum & quidem septenarium numerum redactus esset, quam circa illud tempus, quo invaluit eorum potestas post Carol. IV; ut tunc modo vera eorum origo sit statuenda? sicuti ipse *num. 42.* ponit. Aut quur non magis origo Electorum possit referri ad ea tempora, quibus cœpit electio invalescere, & successionem suppressere? Alterutrum enim tempus debet constitui, aut quo abrogata per electionem successio, aut quo septem Electorum constitutio subordinata sive introducta est; quum ante Caroli IV. ætatem septem Electores prærogativa dignitate usos fuisse præ cæteris Principibus, ipse confiteatur *num. 48.* Nec quid prodest ea distinctio, quam ponit, quod ab initio non iidem extiterint

rint Electores, (quod tamen satis evidenter acuteque Schardius in *tractatu suo de Orig. Elect. cap. 6. & 7* refutat;) quum sufficiat scire, quo tempore desierit successio, & quo primum electionis substituta sit forma. Ibi enim vera mutationis novæ origo absque difficultate statuenda est, ubi Imperium statim in primo actu formam successionis deposuit & electionis continuationem induit. ut absurdum merito habeatur, si qui prius ad momentum, quo Electorum auctoritas post Carolum IV. invaluerit, recurrere, & tum demum exinde eorundem originem censere velit. Tam inanis est hæc subtilitas, & subtilis scrupulositas, quæ remere rem claram involvit, & nodum vanum in scirpo nos quærere docet: ut res controversa æque dubia reddatur, ac si nunquam in disputationem fuisset protracta; nisi quoque magis dubia efficiatur, uti ipse tandem post longas logomachiarum ambages concludit. Quemadmodum etiam frustra Bellarminum ebi peritider: & tamen *num. 37* expresse ponit, Pontificibus relinqui laudem introductæ Electionis: quæ tamen rectius Ottoni III. sic adscribi posset, quum is ab avo Ottone I. didicisset hanc promulgationem, ne Imperator eligeretur, nisi ex
Ger-

Germanis & ab iisdem. *Sigon. lib. 7, hist. Stal. Arn. d. l. num. 19.* Mira sic quidem fuit interruptio formæ in Imperio Romano, ut nunc successio hæreditaria, mox vero electio prævaluerit. Heic vero quæstio est de originali illa electione, quæ adhuc per Electores continuatur, ex tot seculis, donec numerus plurimum in certitudinem septenarii redactus sit; quum antehac omnes omnino principes æqualiter elegerint. *Otto Frising. lib. 6, cap. 27, & 28.* quæ electio, ceu legitima consuetudine ex natura stimulo innata, æquivalentiam legum sortita est, adeo ut nullatenus cum tumultuaria electione illa antiqua militum, qui ne quidem partes erant Reipublicæ, sed precio ad defensionem loci conducti erant, confundi queat.

Quum vero electio, quasi peculiare ius quoddam, apud Germanos ab antiquissimis usque temporibus fuerit, in qua tunc, quum illis, & maxime Saxonibus, nondum rex esset, sed ex satellitarum nutu viverent omnes, unice acquiescerent; semper huic consuetudini optimæ, sub cuius directione maxime virtus se exerere & magis vigescere solet, addicti manserunt. Testis est heic nobis Ammianus Marcellinus, *lib. 13, & 18, pag. Alemann.* Vti quoque
de

de Conventu & electione tali Wernerus Rolevin. in *suo tractatu de laudibus antiquæ Saxonie* ita scribit: Regem antiqui Saxones non habebant, sed per pagos (id est, tractus ditionum, vel regiones alicuius populi) satrapas constitutos: Morisque erat, ut semel in anno generale concilium agerent in media Saxonia, iuxta fluvium Weseram, ad locum qui dicitur Marklo. Solebant ibi omnes in unum satrapæ convenire; ex pagisque singulis duodecim electi nobiles, totidemque liberi, & laici. Renovabant ibi leges: præcipuas causas ad iudicabant, & quid per annum essent acturi, sive in bello, sive in pace, cõmuni decreto statuebant. Vnde versus in historia Caroli Magni:

Sed variis divisa modis plebs omnis, habebat

Quot pagos, tot pæne duces, velut unius artus

Corporis in diversa forent hinc inde revulsi:

Sed generalis habet populos divisio terminos, &c.

Quod itidem Cornelius Tacitus, libro *de moribus Germanorum*, his verbis approbat: Eliguntur in iisdem conciliis Principes, qui iura per vicos pagosque reddunt, &c. Quæ ratio & forma electionis usque ad Caroli Magni tempora posset

posset deduci: ubi ecclesiastici simul secularibus sunt additi; nec præteriri potuerunt, quin semper comitiis interessent: ut inter alios ostendit Gunth. lib. 1 in *Ligur. de electione Friderici agens*; & Guilhel. Britto lib. 3 *Philippidos*, dicens:

Est etenim talis dynastia Teutonico-
rum,

Ut nullus regnet super illos, ni prius il-
lum

Eligat una nimis cleri procerumque vo-
luntas.

Quod idem Arum. sentit in *dis. 3 ad A. B. th. 8.* nec non chronicon Scabina. Magdeburg., & quidam annales manuscripti, quos Crusius & Dresserus allegant. *Col. de iure Imp. Germ. th. 46.* Proinde hic meus amicus recte statuit, quod sensim Electores cœperint; ceu idem ex ipso probat Dressero. Quemadmodum quoque ante Otthonem III. Henricus Auceps anno Chr. 920 Frislarix in conventu Principum Franconix à Moguntino & Saxonum Duce, *Peuc. lib. 4, fol. 468*; Otto I. ab ordinibus Imperii Franconix & Saxonix; Otto II. Wormatix anno Chr. 961, electi sunt. Tanta omni, inquit Heig. *quæst. 4, num. 61, lib. 1.*, veterum Principum in Religione devotio fuit, ut sine Sacerdotibus & Episcopis nihil magnum.

magnum feliciter absolvere se posse sperarent; & ita demum omnia recte processura crederent, si religionis antistites suis consiliis præsentes haberent. adeoque zelo religionis in tantam evecti sunt potentiam, ut non tantum amplissimarum ditionum domini sint, verum etiam Archiepiscopi Electores omnibus privilegiis, *ut Lupo. Babenberg. cap. 10. de zelo Germ. vet. Principum*, consuetudinibus & singularibus honoribus, quibus ceteri Principes sæculares, in electione Regis seu Imperatoris Romani ius habentes, qui præ ceteris Principibus Germaniæ multis specialibus privilegiis, consuetudinibus & honoribus sunt muniti, perfrui ac gaudere noscantur. Omnes quoque alii Archiepiscopi & Episcopi ecclesiarum, & Abbates monasteriorum Germaniæ, à regno & Imperio Regalia tenentium, eisdem privilegiis, iuribus & honoribus perfruuntur, quibus ceteri Principes sæculares Germaniæ, in electione prædicta ius non habentes, communiter perfrui consueverunt, &c. Sic consuetudo una peperit aliam, ut tandem Ecclesiasticis Electoribus dignitas Electuræ, non ut Ecclesiasticis, sed tanquam Principibus præcipuis Imperii attributa sit. *Arum. disc. 3. ad A. B. th. 8. Sic uti*

pari ratione consuetudo talis insensibilis ius certum familiis illustrioribus acquisivit, quod assiduis actibus in usu conservarunt vegeto. Quæ, si per impetum aut violentiam introducantur, vix unquam illud robur attrahere possint; si vero cum gratia instillentur, velut arbor, occulto ævo longe in fortiores excrescunt vires. Quæ enim paulatim irrepere solent, vix unquam percipiuntur; secus, si conversio fuerit subsecuta, ait *Heig.*

Quum igitur Carolus IV. in *Aur. B. tit. 2, §. Und dievveil &c. & tit. 4, n. fine, & tit. 5, §. Und vviervol &c. item tit. 9, ac passim alias*, fundamentum consuetudinis inveteratæ præsupponat, nec de alia sit sollicitus basi aut origine primordiali; supervacaneus labor tam operosæ huic sollicitudini & digladiationi impenditur, qua tot scriptores se mire divexant invicem. Sufficit enim satis abunde, quod consuetudinis ius dignitatibus & familiis acquisitum, pro evitanda discordia multiformi, & mutatione periculosa ulteriori, per Carolum IV. tam liquide sit confirmatum, ut in eo *secundum Heig.* merito sit acquiescendum. Quippe Consuetudinis hoc proprium est esse, ut temporis diuturnitate, & quasi latentibus incrementis,

tis, introducatur; unde legis vigorem
 sortitur. *l. 3 ff. de ll. Eichrod. de iure non
 script. th. 6, 7, & 42.* Initium enim
 huius non solet constare eo, quod in
 vetustis origo ignoretur. *l. si arbiter
 28. ff. de Prob.* Unde regulariter in con-
 suetudine non consideratur, unde sit
 orta, *VVesemb. in par. de ll. num. 9.* quum
 eius natura sit, ut ignoretur, *Conn. 1.
 iur. civ. cap. 10, num. 3.* Quin imo iam
 habemus firmam originis certitudi-
 nem, quum legis fundamentalis natu-
 ram in Imperio per constitutiones A.
 B. & auctoritatem Imperatoris induerit;
 quæ absque convulsione Imperii
 & eius statuum infringi nunquam
 poterit. ut iam essentialis, in hoc re-
 gnum, consuetudinis & rationis sit
 concursus. Velut alias D. Constantinus
 Imperator exæquationem atque com-
 parationem parium ita instituit inter
 consuetudinem, legem, & rationem ac
 rescriptis: non esse maiorem vim con-
 suetudinis, quam rationis & legis; ut
 videlicet intelligeremus, illa, quibus
 æquitas ac ratio contrariantur, &
 quæ lege induci nequeant, neque con-
 suetudine confirmari posse. *Eichrod.
 de iur. non script. th. 303.* Sed tantum
 hac vice de Electoribus de quorum
 origine, quum tam mira sit inter
 scriptores digladiatio, hæc paucula

inferere volui, ut agnoscant multi vanitatem scrutinii non necessarii, dum propriæ nimis student gloriæ.

Verum ut tandem ad scopum perveniamus, Ducum secularium reliquorum status ordine paucis subiiciam. Proximum igitur heic ab Electoribus locum in tali serie merito potentissimi Archiduces Austriæ obtinent; veluti etiam à dextra eorum proximam habent sessionem in comitiis; ut primi sint inter Duces; qui etiam ob id Archiduces appellantur, quasi supra Duces locum summum & principalem ex singulari privilegio sibi concessum possideant; sicuti Archiepiscopus est supra Episcopos. *Mezz. in tract. feud. t. de his qui feud. dar. poss. num. 16. Don. Garf. Mant. de Magist. lib. 4, cap. 4, num. 15.* Atque hæc dignitas regalis Domus Austriacæ adeo propria est, ut Duces alii, licet id serio ambire aliqui studuerint, ad eundem præminentiam gradum nunquam evehi, aut ab Imperatoribus impetrare potuerint. *Sixtin. de Reg. cap. 4, num. 31.* Quippe habent quædam privilegia ita peculiaria, in quibus ex parte superiores sunt Electoribus; quum nova vectigalia propria auctoritate instituere, & non solum nobiles, sed etiam Comites & Barones creare, iisque insignia dare pos-

possint: veluti etiam ius Archivi habent. *Rusg. Kul. de Commiss. cap. 3, num. 23.* Quod privilegium verbotenus in cosmographia Munsteri recensetur, *lib. 3, cap. 399, & seqq. Gylm. Re-cess. Cam. lib. 2, decis. 54, num. 59.* Atque, uti famæ quem restituere, spurios legitimare; ita quoque omnes dignitatibus concessis abutentes privare iisdem possunt. Sic & exempti sunt à iurisdictione Camerae Imperialis. *Munsterus d. l. Thom. Michael. de iurisd. con-til. 23.* Fuit autem Austria olim Marchionatus, quum esset eo commodissimo loco sita, ut tutelam Germaniæ exhibere posset. Deinde vero à Friderico Imperatore de anno 1178. Ducatus titulo est decorata. Tandem, quum ad tantas opes & fortunam adscendisset, ut cæteros omnes Ducatus exuperare videretur, dignitate Archiducatus Fridericus secundus eam insignivit. Si tamen Emilio Veronensi *lib. 3. histor. Franc. credimus, ait Don. Gars. Masvil. d. l. num. 8,* nomen hoc Archiducis primum Brunus frater Othonis I. Imperatoris adsumpsit; & id deinde Principes Carinthianorum usurparunt; quibus extinctis, ad Austriam primariam familiam una cum ditione pervenit; & inde successu temporis ad Rudolphum I. Imperatorem & Comitem

mitem Habspurgensem, qui, dum Provinciam prædictam Alberto filio (qui post Imperator factus est) donasset, & Imperiali dignitate fulgeret, Ducatum Austriæ Archiducatum nominavit. & ita communiter habetur ex multis, & præcipue Mart. Cromer. in hist. Polon. lib. 9, in fin. Ioh. Candid. in hist. Aquil. l. 5. Carol. Sigon. de Reg. Ital. lib. 12. & novissime Dn. Camil. Borel. de præstant. Reg. Cath. cap. 46, num. 237, & seqq. Arumæ. in disc. 4. ad Aur. Bul. num. 16, pag. 201. Unde etiam Regem Hispaniarum, quum recta linea ab Alberto suam repetat originem, hoc titulo gaudere & uti, affirmat Garf. Mast. d. l. num. 12. Habentur etiam alias Magni Duces, *Grands ducz*, ad imitationem huius dignitatis regalis, quam Cosmus Medices quoque Florentiæ Dux olim in Italia cum habitu, insignibus atque corona regia, cum titulo Serenissimi, à Pontifice Pio V. accepit, salvo tamen iure cæterorum Ducum, &c. ut ait Garf. Mast. d. l. num. 19.

Post Archiduces ponuntur regulariter Duces; à gubernando exercitum ita dicti; velut etiam Germanica vox sonat *Hertzog*, quasi *Dominus copiarum* aut *exercitus bellici*, *ein Herr des zeugs*. Inter quos non quidem est differentia, nisi quod ordo in sessionibus

bus teneatur; unde alii *Duces Imperii*, alii vero simpliciter *Duces* vocantur. *Schonbor. 5. Pol. cap. 38. Gloss ad art 58. iur. Sax. De Ducum dignitate cognoscatur Don. Garf. M. lib. 4, cap. 5, de Mag. Caroli Magni tempore Duces erant, quibus duodecim Comites subessent. Heig part. 1, q. 2, num. 38. At nunc res aliter se habet, quum merito in Imperium accreverint. Unde Ducum dignitatis quoque participes sunt Principes Silesiæ; qui in quatuordecim Ducatus dividuntur; quorum singuli nomen à Metropoli sua impositum gerunt: 1. Ratiborniensis, 2. Tropaulensis, 3. Teschnicensis, 4. Oppolienensis, 5. Brigenis, 6. Niessensis, 7. Vratislaviensis, 8. Olsnicensis, 9. Lignicensis, 10. Monsterbergensis, 11. Suenidienis, 12. Taurensis, 13. Glogovienensis, 14. Saganensis. Ex quibus tres tantum familiæ sunt superstites; Lignicensis, Teschnicensis, & Monsterbergensis. *Tob. Paurm. lib. 2. de iurisdic. cap. 9, num. 9. Dan. Ott. de iur. pub. cap. 18.**

NOTA. Sed hodie quoque Marchiones Brandenburgici Crossoniensem & Iegerdorsiensem Ducatus obtinent, & familiam ibi foveant. At Saganensem Ducatum propter virtutes & merita summa invictissimus Imperator

noster Ferdinandus II. non tantum in Heroem excelsum & inclutum Albertum ex familia celeberrima Waltheimianorum oriundum tranſtulit, ſed etiam Ducem Friedlandiæ ipſum creavit, ut ita auctus ſit numerus Ducatum in Sileſia.

Dehinc ſequuntur Principes. Et quamvis nominis huius varius ſit uſus in deſcriptione dignitatum ſummarum; quum in Latina lingua arduum ſublimitatis mereatur locum; & dicatur *Princeps* ex eo, quod rerum omnium *primus* ſit; Tacit. 1. annal. Tob. Paurm. lib. 2. de iuriſd. cap. 9, num. 1; aut quaſi *primas partes capiens*: unde Germanicum illud *Fürſt*. quaſi *Führſteher*: tum *ἡγετ' ἐξοχλῶ* ipſe Imperator ita vocatur in præem. Inſt. §. ſed. tit. de iur. nat. gent. & civ. l. 31. ff. de leg. Et licet proinde transferatur in omnes dignitates eminentiores uſque ad ſtatum Comitum, ut omnis Elector, Dux, Marchio, Landgravius, quoque Princeps quidem ſit, ſed non è contra: Tamen obſervandum eſt, quod ex eorum numero ſint, in quos ſpeciali nomine & titulo hæc dignitas abſque regali officio collata fovetur. *Landrecht lib. 3, art. 58*. Tales ſunt in Imperio Principes Anhaltini, Principes Rugiæ, quo titulo nunc Marchiones Brandeburgici,

ci, Ducesque Pomeraniæ salutantur, familia illa extincta. *Ioach. Clut. syl.* *th. 26. litt. C.* Erant & Principes Heu-
nebergiæ; Et Ernestus Schawenburgi-
cus hac dignitate donabatur ab Impe-
ratore ante aliquot annos; cui se Rex
Daniæ opponebat propter Ducatum
Hollatiæ, ne iuribus eius inde quid
esset periculi, &c. Sunt quoque Co-
mites Palatini, sive Præfecti Palatii Im-
perialis; quum Palantia ædes Impera-
tori consecratæ dicerentur. *l. Vnica; C.*
de Pal. & l. 3, C. de privil. eor. qui in sacra
Pal. &c. l. ab omnib. C. Theodos. eod. t.
Vnde Germanicum *Pfaltz*, & in vernu-
sto idiomate *Pfallentz* in Speculo Saxo-
niæ est; quod sedes solius Imperatoris
eo nomine salutaretur. Atque hinc
Comites Palatini dicebantur, qui in
Palatio Imperatorio militabant, ac sa-
cræ Palatii constitutiones publicas pro
Imperatore conservabant. *Chass. de glor.*
mundi, part. 5, consider. 24, num. 123.
Marg. Fieb. lib. 1. de orig. Pal. cap. 2.
Kirch de rep. disp. 11. th. 4, per tot. Velut
olim Imperatores Palatia sua potiora
Romæ & Constantinopoli habebant.
Ita quoque in Germania Magdeburgi
& Norinbergæ principaliora erant. Vn-
de Palatinatus Saxonie cum iuribus
suis: quæ Speculum Saxonie declarat.
VVeichb. art. 44 & 47, &c. Alter vero

Rhenanus cum iure Franconico in Speculo Franconiae. Post hos sunt Landgravii sive Comites provinciales; qui praefecti erant provinciae alicuius & iudices. *Peuc. Chr. 5, pag. 998. Saxonibus Graef iudex est. VVeichb. Sax. art. 12. Landk. lib. 2.* Adfunt ita quoque Marchiones, sive Comites limitanei, quod finibus tuendis Imperii praefecti essent; quemadmodum *March* Germanice limitem denotat. *Heig. part. 1, q. 2, num. 57. Crantz. lib. 3. VVahdal. cap. 16.* Sic etiam Burgeravii aut Comites castrenses, erant praefecti sive iudices alicuius urbis, arcis aut praesidii, quibus talium custodia commissa erat. *Clut. syll. th. 26, l. G.* Comites vero simpliciter ita dicti nomen habent à comitando & sequendo. l. *Item quid Labeon. §. Comitum ff. de iniur. Turneb. advers. 28, lib. 12.* quod ipsi essent in comitatu Principum: *cen Turnebus loquitur.* Principes pro victoria, Comites pro Principe pugnant. Postea omnibus magistratibus datum est hoc nomen, sacrum comitatum observantibus, aut qui negotio alicui arduo praeponerentur. *Cuiac. ad tit. C. de off. Com. Sac. larg.* Alias Germanis erat *Graef* sive *Grave* nihil aliudquam iudex; & quum variis rebus adhiberentur, appellationes variae hinc deductae sunt;

ut *Cehtgraef*, *Gograef*, *Freygraef*, *Dinggraef*, *Raugraef*, *Holtzgraef*, *Salzgraef*, &c. *Knich. de iur. territ. cap. 4, num. 68. Clut. in Syll. th. 26. l. G.* Sed quum Imperatorum temporibus, non tantum ad singulas provincias, sed etiam civitates Comites ablegarentur; iurisdicctio & territorium, cui præficiabantur, *Comitatus* appellari cœpit. Hi postea hominii & fidei nexu, ita ut administratio fruenda etiam ad hæredes pertineret, quibusdam tributis sunt. Vnde in consuetudinibus feudorum verbi *Comitis* significatio sumitur pro eo, qui de Comitatu investitus est. *Clut. dict. loc. Vid. Don. Garf. Mast. de Mag. lib. 4, cap. 7.* Sunt & Vicecomites, quibus vices aliorum demandatæ erant. *Schrad. in Lex. verb. Vicecom. &c. Don. Garf l. 16, cap. 9.*

Tandem in hoc ordine Barones & Nobiles supersunt. Barones, qui proximo nobilitatis gradu sunt post Comites habendi, & alias olim *liberi homines*, *Freyhern*, quasi *liberi domini*, dicebantur, quod eorum maiores nullam serviissent servitutem, nomen maxime sortiti sunt inde, quod in suo genere vitæ innatam quasi libertatem gravitate & animo ostenderent. Ceu non Inconvenienter Christophorus Besoldus, in *dissert. sua de Comit.*

Comit. & Baron., vocabulum hoc à vetustissima formula loquendi Germanorum deducit, *Bar*; quod pro *libero*, *franco*, *frey*, *ledig*, &c. frequentissime usurpatum demonstrat; ut non opus sit ex Græcismo eius operosam elicere derivationem; præsertim quum Germanicum hoc cum Hebræo *Bar*, quod *filium* denotat, aut *Para*, quod *liberum* pronunciat, tanquam cum antiquissimo concordet. Et quamvis Barones apud Germanos variis nominibus appellentur; tamen nullam esse differentiam, quum Comitibus non sint inferiores, affirmant Dd. *passim. Sixt. in Reg. cap. 4, num. 39. & seqq. Paurm cap. 11, num. 32, & seqq. Clut. in syll. th. 26, l. 1. ubi plurimos allegat Dd.* Sunt tamen alii Imperio immediate, alii mediate subiecti, pro forma infeudationis; quod alterius loci est, si plenius explicari debeat. *VVehn. in obs. litt. F.*

Nobiles denique heic supersunt, qui dicuntur quasi *Noscibiles*, & præ reliquis inter mortales propter virtutes maxime *notabiles*. *Tiraquel. de Nobil. Kirch. in Rep. de Nob. diss. 12, th. 1, l. B.* Nobilitas enim olim etiam apud Romanos quasi seminarium officiorum, munerum & magistratuum togatorum militariumque habebatur; unde etiam

tribus

tribus gradibus distincti erant, patritii, equites, & in specie nobiles dicti. Ita Serenissimi, Illustrissimi, Illustres, Generosi, Strenui, à Nobilibus privatis discernebantur. quem ordinem interturbare sacrilegii instar putatur. l. i. C. ut dignit. Germani vero in Ethnicismo olim non dissimili ratione vivebant; quum haberent suos liberos, libertos, & servos, qui illorum lingua *Edlingi*, *Frielingi*, & *Laszi* vocabantur; quod nobiles, ingenuos, & serviles sonat. Pro diverso idiomate nomina erant nobilium, *Adalinge*, *Athalinge*, *Ethelinge*, *Eddelinge*, *Edilinge*, *Edlinge*, &c. ut passim in gloss. spec. Saxon. notatur, & D. Christ. Besol. in discursu suo de ordine Equestri recte notavit. Si vero ad hodiernum Imperii Romano-Germanici statum respiciamus, quidam directe Imperio parent; alii Principibus & Ordinibus supradictis & consimilibus subiiciuntur; ac dicuntur universali nomine *Landsassii*. Cassp. Ziegler. in concl. ad prax. Calv. §. *Landsf. num.* 14. Et inter hosce, secundum varias consuetudines regionum, differentia quoque varia exstant. Sic quoque in Electoratu Sax. alii obediunt Principi immediate, alii mediate. illos *Schriftsassios*, hos *Ambassios* dicunt. d. l. Ziegl. §. *Ambf.* quia Toparchis & Præfectis seu Quæstoribus,

bus, quos *Schofferios* vocant, subiciuntur. Liberi vero nobiles ii censentur, qui nulli statui, sed immediate Imperio sunt subiecti. *Recess. Imp. August. de anno 1555. & Ord. Cam. part. 2, tit. 5.* Ac tales à loco, ubi degunt, in tres classes distribuuntur; Franconicam, Suevicam, & Rhenanam. *Recess. Imp. Aug. de anno 1500. Item Spirens. de anno 1542.* Equites vero Franconiæ in sex loca communiter dividuntur. 1. Odenwald. 2. Steigerwald. 3. Geburg. 4. Althemüll. 5. Buchen vel Baunach. 6. Köhn sive Wahren. Suevi in quinque quaterniones separantur. 1. Hegow Bodensee. 2. Ad Danubium. 3. Ad Köcher. 4. Ad Schwartzwalt sive Neccarim. 5. Im Kreichgow. Sic est quoque Rhenana Wetterovica nobilitas, ubi Gonerbinatus viget. Frui autem illos privilegio, quo liberæ civitates, affirmat Gailius, 2. *obs. 62, num. 3.* Unde etiam faciunt statuta sibi propria de succedendo & consilia. *Rul. de com. par. 2. lib. 5, cap. 4, num. 49. Besol. dict. disc.*

Sed tantum de his. Hæ autem & tales dignitates maxime ita ab eo tempore distributæ sunt in Germania, quum Imperium à Carolo Magno ad Germanos esset translatum, ut iam ex tot seculis

culis tam varia dignitatum munera
 sint inuenta, quibus iura maiestatis &
 superioritatis sunt communicata; ita
 tamen, ut iura clientelarum Imperio
 salva & illibata permanserint; & ad-
 huc salva consent. *Iul. Pflag. de repub.
 Germ.* Velut hanc sententiam transmu-
 tationis satis commode ita explicat Ar-
 noldus Engelbrechtus, in *disq. de iurisd.*
Imp. rh. 59, dicens: Ceterum translatio
 postea per Carolum M. in Germaniam
 Imperio, diversa iurisdictionis forma
 incepit. Illud quidem commune cum
 Romanis habuit, quod ditiones in
 provinciarum formam redigeret, & cer-
 tis Magistratibus gubernandas daret.
 Quod autem ab ipso, imprimis vero
 subsecutis Imperatoribus, hi, qui antea
 Magistratus erant, cum provinciis &
 omni territorii iure hereditarie inve-
 stirentur, id quod antea officii erat di-
 gnitas, quo temporale perpetuum fie-
 ret: id vero longe aliam iurisdictionem
 & totius Imperii rationem succes-
 su temporum invexit. ut taceam, po-
 stea simul increbuisse Ecclesiasticam
 Pontificis iurisdictionem, rem superio-
 ri aro nemini auditam aut cognitam.
 Item *thesis* 61. Carolus itaque Magnus
 provinciis à se devictis Magistratus
 præposuit, Episcopos & Duces; utrif-
 que adiunxit Comites, sed ad tempus
 tan-

tantum, & ad arbitrium; quod iam
latius ab aliis monstratum est. Item
thesi 62: Posteriores Imperatores, Or-
tones præsertim; (*Sigon. lib. 5. de Reg.
Ital. De Gallia & Anglia vide Camden.
in Brit. tit. Ordines Angliæ*) regalia &
iura quædam superioritatis communi-
care ceperunt: & quos antea ut Ma-
gistratus in Provinciis vice sacra ius
dicere voluerunt, iis cum dignitate
Ducatus, Comitatus, &c. easdem sub
fide vasallitica hereditarie & perpetuo
concesserunt; atque inde iura territo-
rialia orta sunt. Ab hisce vicissim iuris-
dictio in inferiores, vel sub feudi lege,
ut communius, vel alio modo, transla-
ta fuit.

Vnde evidens est. Imperatorem fon-
tem esse & originem omnis potestatis,
iurisdictionis & superioritatis; adeo-
que ea omnino salva in partem solli-
citudinis adsumpsisse procures suos;
quod & investituræ lex manifestius
ostendit. Petere namque investitu-
ram, est signum devotionis & reco-
gnitionis. *Beretta conf. 28, num. 3. Cra-
vet. conf. 61, num. 6.*

Quomodo vero hisce officiis publi-
cis & summe arduis Ordo Ecclesiasti-
cus successu temporis, postquam etiam
simili modo iura territorialia & rega-
lia ab Imperatoribus, mundanorum
nego-

negotiorum plusquam studii prætextu piecatis obtinuissent, insertus fuerit, id nimis iam longum & operosum, forte etiam nostræ intentioni haut adeo gratum foret: tamen hoc aliquotusque satis, ubi cuique sit constitutus dignitatis locus, manifestat series classium superius posita. Quæ hac vice sufficiant, ne in immensum compendiosa hæc disquisitio excutrat. Forte de his, & similibus summe necessariis, præsertim de origine officioque talium, ac iurisdictione Ecclesiastica, alibi agendi patebit campus. Interim ad Civitates pergemus.

NOTA. Hæc, quæ ex amici scriptis sumpta sunt, introductionis loco in principio statim pro maiori rerum informatione huc referre volui, ut inde dignitas, altitudo, & præminencia cum potestate summa S. Romani Imperii Germanici censeri posset. Nec sane uno tempore tam accurate ardua huius formæ constitutio adornata fuit; sed eam ipsa rerum necessitas, durationi perpetuæ innitens, ita compte elaboratam procreavit, & præcunctis terræ regnis in amplissimo decore, cum successu temporis nitide splendidam reddidit. Verum ut excelsum mortalium familiæ, pro temporum & actionum occasione aut forte va-

ria, mutationibus obnoxia sunt; ita cum iisdem sæpius ipsa regna varios patiuntur paroxysmos aut concussiones: quod etiam nostræ similiter in hoc grandi motuum tumultu Germaniæ accidit. Namque, quum Fredericus V. Palatinus Rheni, contra Imperatorem Ferdinandum II. coronam Bohemiæ subiisset; atque in variis ac multiplicibus conflictationibus Imperator Maximilianus, Bavarix Dux, auxilium adfiduum & succursum præstitisset; gratitudinis ergo Ferdinandus Imperator in Conventu Ratisponensi anno MDC. XXIV, 23. Februarii, post varias deliberationes de condonatione & restitutione Friderici Palatini inter Electores & Legatos habitas, tandem Electoralem dignitatem Bavarico Duci tanquam agnato Palatini, optime de se merito, assignavit; qui etiam postea 25. Febr. Elector S. Romani Imperii investitus est. Quemadmodum simile exemplum habemus in Electore Saxonix Mauricio. Nam, licet Imperator D. Carolus V. devicto prope Mulbergam ad Albim Iohanne Friderico Electore, & dignitate Electorali privato, Mauricio, qui ab agnato suo iam dicto, gradu tertio, in linea æquali, quum duorum fratrum nepotes essent, distabat, provinciarum Iohannis

hannis Friderici maximam partem attribuisse, & Electoratum 4. Iunii anno 1547. in castris ante Wittembergam in villa Bleßern in eundem Mauritium contulisset; tamen sequenti anno MDXLIII, 24. Februarii, in Conventu publico Augustano, solemniter is ab Imperatore Carolo investitus, ac quasi in possessionem cum fratre Augusto, qui vices suas cum plenipotencia Commi Mansfeldensi Hoiero obtulerat, missus est, totum actum inspectante Iohanne Friderico; quo animo, facile quis diiudicare poterit. Veluti deliberationes tales Electorum atque eas solemnitates integre Sleidanus, *lib. 20.* mihi *pag. 625.* describit. Sic etiam nuper Ferdinandus II. Imperator noster gloriosissimus & victoriosissimus, anno presentis 1629, die 6. Iunii, stylo veteri, Viennæ Ducatum Megapolitanensium Ducum, propter bene merita, in Generalem exercitus sui Ducem Albertum Friedlandiæ solemniter transtulit; quod litteræ inde scriptæ ita attestantur: Hodie die simul, circa horam nonam antemeridianam, Imperator Ferdinandus noster Generalem totius Cæsareæ militiæ Ducem Albertum Friedlandiæ in Antecameta sua Ducatu Megapolensi solemniter investivit;

sed tamen unicam eius & singularem
ita recepit personam. Ducis huius Man-
datarii erant, Comes Maximilianus
Walsteynensis, agnatus eius proximus,
qui medium genibus flexis occupabat
locum; deinde supremus exercitus
equestris Præfectus, quem hodie Co-
lonellum dicunt, Dn. de Sanct-Julian,
qui dicto Comiti à dextris adsidebat, à
sinistris vero Iodocus Tillman I.V.L.,
qui oratione supplex infeudationem
petebat. Imperatoriæ Maiestatis no-
mine autem, & loco Vicecancellarii,
respondebat Dominus à Nostitz. His
confectis, iuramentum fidelitatis iux-
ta morem usitatum à Mandatariis præ-
stitum fuit, & peracta simul gratiarum
actio, &c.

Sed in libero Imperatoris arbitrio
est positum, quibus solemnitatibus &
quo in loco conferre feuda velit illu-
stria cum dignitatibus; quum ipse re-
rum caput sit & dignitatum origo.
Omnia enim pro commodo Imperii
ex necessitatis ratione disponit libere,
& officiis bellicis præficit idoneos
Germaniæ defensores, ceu quoque
Carolus Magnus id factitasse olim
legimus, *quod ita recte adseverat Ant.
Col, Sect. de iure Imper. Germ. th. 28.* Vt-
que dum Monarchia Romana ad Ger-
manos devoluta est, officiis bellicis
viros

viros strenuos, qui incursiones hostium acriter reprimerent, sibi devinctos tenuit, velut olim hoc semper egit, ut certos regni limitibus Carolus primus Germanorum imperator præficeret. Quum enim, ait, heros ille Sorabos devicisset, Pannoniam superiorem constituit limitem regni sui versus Orientem, contra Hunnos & Avars. Quumque Germaniam Galliarum conjunctam in duo distinxisset regna; illud, quod ad Galliam pertinuit, nominavit Westreich; quod ad Orientem, Ostreich; (unde Austria;) additis præsidibus limitum seu Marchionibus. Sed limitis seu Marchiarum nomen mutatum postea fuit in Ducatum, multo scilicet post à Friderico I. Imperatore. *Peuc. lib. 4. Chron. in pr. f. m. 445.* Sic Bavariarum nomen quoque compositum dicit idem Peucerus ex Bojis & Avaris, quos Carolus, devictis ac depulsis Hunnis, regioni Boiorum adiecit. Unde & Bavariam tenuerunt ipsius Caroli M. posterii usque ad Ottonem I. qui eam Henrico fratri tradidit, primumque Ducem Bavariarum constituit. Fuerunt autem Avars sive Avari reliquæ quasi Hunnorum; qui populi, Noricis pulsus, in ea terra confedere. Vnde littera adiecta dicitur, velut *Boiaria*, hæc terra, à Bojis Cisalpinæ Gal-

liz populis, qui hoc loco aliquando sedes habuisse leguntur. Et dividitur hæc regio, præter alias divisiones, in Cis-Danubianam & Trans-Danubianam, ut hæc Bavaria Narischorum ora sit, illa vero Nortgovia dicatur; quæ eadem Palatinatus superior appellatur, ad differentiationem eius qui ad Rhenum est Palatinatus, & inferior vocatur.

Verum ne in alium heic prolabamur discursum, redimus ad id, à quo exordium sumptum erat, quod satis ex superioritate Cæsaris Maiestatica, concessione privilegiorum, iuriumque exemptitiorum, attributione dignitatum cum plena potestate imperandi, adeoque ex ipsis membris Imperii summis, præeminentia eius colligere licitum sit: Velut in eius rei testimonium luculentissimum, merito locum insignem Georgii Schonbor., *ex pol. eius lib. 5, cap. 5*, adducimus; qui ita se habet:

De præeminentia S. Rom. Imperij.

Cui libet à quovis iudicanti obviam esse existimo, S. Romanum imperium maiestatis & dignitatis suæ apice, cæteris omnibus regnis, quæcunque latissima Christiani orbis orbita continentur, esse sublimius. Hoc revera quartum illud est, quod Daniel propheta, *capite secundo*, de statua agens, collocat
in

in tibiis ferreis, & pedibus ex ferro & luto mistis: de bestiis vero tractans, *capite septimo*, depingit prægrandis & robustæ belluæ imagine, quæ dentibus suis ferreis longe lateque sit grassatura. Sicuti igitur ferrum robore & duritie omnia metalla superat, omniaque frangit & comminuit: & ut bestia, quo robustiores habent dentes, eo sunt formidabiliores & nocentiores: Ita quoque hoc imperium reliqua regna fortitudine ac perpetuitate longe vincit: eiusque maiestas hactenus invicta semper mansit, nec ab ullo enervari penitus potuit. Neque ulli hominum accepto ferenda est huius imperii conservatio: sed solius Dei benignæ providentiæ, à qua dependet illius dignitas. *lib. 1, cap. de veter. iur. enuch. Nov. 28, cap. 4.* Neque assertionem Zoanetti admiserim, *tit. de Rom. Imp. num. 94*, dicentis, Imperii Romani verticem & cerebrum esse Pontificem. Præiudicio, quod alias omne tollit iudicium, bonus ille vir laboravit: neque aliter potuit, quin, exemplo Baldi, in ditionibus Pontificem pro numine colentibus hanc sententiam defenderet. Similiter illorum oculos glaucoma obsedit, ut puriter non videant, qui ideo Romani Imperii gloriam conantur deprimere, quod alia regna sint

ampliora & potentiora, velut Turcicum, Hispanicum. His responsum velim; summum Imperii axioma non aestimandum esse ex regnorum quantitate: sed ex iure partim successionis, partim gubernationis. Successit nostrum Imperium Romano-Germanicum in locum pristini illius Imperii, eiusque iuribus, præeminentiis, & privilegiis omnibus fruitur. Gubernatio aut divina est, aut humana: illa incomprehensibilis & admiranda: hæc prudens & legibus armisque probe minuta; nullumque superiorem recognoscens, nisi D E V M & ensẽ; uti communi Electorum Imperii decreto, anno Christi 1338, tempore Benedicti XI. P. publicato, pronuntiatur. *Aventin. lib. 8.* Præeminentia itaque Romani Imperii in eo vertitur, quod omnes exteri intelligunt, debere se committere Romani Imperii observare maiestatem: neque enim ullum est in universo terrarum orbe nomen sanctius, *l. fin. 1. cap. 1. de legibus*, nullum vel ipsis remotissimis barbaris venerabilius: &c. Hactenus ille. Quibus hoc addendum, in quo vel solo huius maiestatis radium longe eminentissime in Imperatoribus nostris Romano-Germanis coruscantem in hæc usque tempora vidimus, quod etiam vicini Re-

ges aliquot ex eorum munifica liberalitate se coronatos esse gaudeant. Vin^o exempla? ait *Kon. in pol. par. 1, cap. 23, num. 131*. Respice ad Hungariam; Nonne huic Regno tempore Ottonis III. regia dignitas tributa fuit, & postea ab Henrico II. Imp. confirmata? *Peucer. in complem. lib. 4. chron. Car. in vita Ottonis. Kon. pol. par. 1, cap. 14, num. 35*. Nonne Poloniam idem Imperator Otto III. similiter ad regium culmen evehit? *Alex. Guagnin. tom. 1, ver. Pol. in vita Boleslai. Peuc. d. l.* Etenim Otto Russus, tertius eius nominis Imperator, (dicente ita *Salö. Neugebau. de Codano, in vitis Princip. & Reg. Pol. in vita Bol.*) reliquias novi Martyris Adalberti à Prutenis occisi visitans, hunc Boleslaum Regem solemniter creavit, sociumque & amicum Romani Imperatoris, à tributo & omni iurisdictione imperatorum cum posteris immunem declaravit. Et quo arctior inter ipsos & posteros ipsorum esset necessitudo, Richsam Erenfridi Comitis Palatini ad Rhenum filiam, sororis suæ Mechtildis neptem, Mietzislao Regis filio despondit, &c. En quoque Fredericum I, Barbarossam cognomento. Is Petro Daniæ Duci regia stemmata dedit, ac regali potestate beavit. *Tritheim. cap. 17*. Velut etiam Otto Fri-

singensis hunc ita loquentem introdu-
 cit: Hominio ac fidelitate nobis fa-
 cta, coronam de manu nostra Petrus
 Danorum Rex suscepit: iis tamen le-
 gibus regios honores est adeptus, ut in
 fide ac obsequio perpetuo Imperii Ger-
 manici permaneret: &c. Eodem mo-
 do Præfecturam Bohemiæ Fridericus I.
 Imperator regia appellatione suborna-
 vit; ea tamen lege, ut nihil de maiesta-
 te ac iure Imperii Germanici detrahe-
 retur. *Bedin. lib. 1, de rep. cap. 9, num.*
144. Peuc. lib. 4. chron. Carion, in vita
Fried. Quin & Sigismundus Imp. Adol-
phum Secundum Cliviæ, & Amadæum
Sabaudia Comites, in sublimiorum
Ducum Imperii sedem collocavit.
Peus. lib. 5. chron. Car. in vit. Sig. Bed. d.
cap. 9, num. 127. Etiam à Maximilia-
 no I. anno 1497. in comitiis Worma-
 tiensibus Comes Eberhardus Barbatas
 Wurtembergensis creatus est primus
 Dux. *Cussp. in vit. Max. Matth. Dress.*
part. 4. isag. Hister. de Duc. VVurteb. &c.
 Ut ex his & similibus satis constet, in
 quanta potentia gloria semper præ-
 cunctis terræ regnis Imperator Roma-
 no-Germanicus floruerit. Quippe du-
 plici auctoritate magis iam potius
 est, quam quum olim populus Roma-
 nus in Principem summum omne im-
 perium suum & potestatem contru-
 lisset.

lisset. §. 6. *I. N. G. & C. l. 1, ff. d. Const. Princ. §. sed & hoc. vers. quum enim ff. de concept.* Namque & Germani, cum Sarmatis, suos habuerunt semper reges, ex quo à Tuiscone, qui primus Germanorum Mercurius sive Nuncius & interpres deorum, à *Tuitschen*, sive *Deuten*, interpretari, dictus fuit, propagationem sui generis acceperunt; velut per annos 175. regnasse, & filium suum Mannum Sarmatis ac Germanis ad Rhenum regem reliquisse, circa tempora Belochi Prisci & Abrahæ, in historiis est; cuius filius postea Trevir Treviros sive Germanos primos in Gallia Belgica condidit. *Chronol. Alst. de reg. Germ.* Et postquam Mannus per annos 66. regnum tenuisset, Ingævon per annos 45. ipsi successor fuit; veluti sic viginti unus Reges, usque ad tempora Davidis, anno mundi 2890. & circiter, ante Christum natum anno 1081. ab *Alsted. d. l. chron.* numerantur; quorum postremi fuerunt tunc Kels, Gall, & Hyllir, tres filii Wolfheimii. Verum, quinam hinc per quinque prope secula ad tempora Nebuchadnezaris & captivitatis Babylonice, quæ incidit in annum mundi 3365. ante Christi nat. 606. quum simul Tarquinius Priscus apud Romanos regnum teneret, in Germania gubernave-

naverint, de eo nihil certi affirmare quis poterit: quamvis constet Galliam & Germaniam uno coivisse tunc regno. *Alsted. chron. tit. 52, pag. 202.* At tamen hoc testantur historiae, quod Landinus, Germanorum Orientalium rex, Darium Hystaspi per suos Scythas, Sacas & Getas evicerit; nec curaverit Darium, quamvis eius filiam in matrimonium petiisset. unde iste monarcha Persarum vindictam sui contemptus quærens, in Darium septingentis millibus hominum irruere ausus fuit, pontem Danubio imponens. Quo tempore Consules Romæ, eiectionis regibus, rerum primas tenebant. Sic etiam de Brenno, filio regis Angilorum in Suevia, hoc constat, quod ille circa annum mundi 3584, ante Christi nat. 387, innumero Germanorum & Gallorum exercitu Italiam ingressus sit, & Romanos qui à Clusianis in auxilium advocati erant, prope fluvium Alliam evicerit, posteaque ipsam Romam occupavit; ac, nisi Camillus, quem tamen antea in exilium ingrati eiecerant, patriam fortitudine sua salvasset, & hostem septimo mense repulisset, sedem procul dubio figere constituisset. Unde Romani, Germanis & Gallis inferiores redditi, sæpius admodum servido semet invicem depugnarunt bello, in pri-

inprimis tempore Fabii Maximi & Scipionis. Nihilominus, quum Germanorum reges ita fortiter pergerent etiam longinquas adoriri terras, tantus Germanici nominis terror undique fuit, ut etiam reges non laceffiti ultro pacem ingenti pecunia mercarentur ab illis. Quis fuerit Ariovistus rex, Germanice Ebrvestus alias dictus, id historici testantur; & ipsa C. Iul. Cæsar, in lib. suo de bello Gallico, cum in plurimis rebus gestis describit, eisdemque simul, quum satis elatum legatis suis responsum dedisset, quod in consulatu suo rex esset à Senatu Romano salutatus, & tamen ipsi colloquium denegaret, exprobrat. Ast, ut illum circumveniret, prælio satis astute sollicitèque omnia disposuit; unde victoriam quoque reportavit ita, ut Ariovistus vix fuga elaberetur. Et quamvis etiam Belgas, cum Germanis Transrhenanis vindicias agentes, dissiparet; tamen Eburones Germani Cisrhenani inter Mosam & Rhenum legatos Cæsar's & legionem eum quinque cohortibus interfecerunt. Hac itaque clade audita, quum Cæsar compertum haberet, Germanos esse invictos, neque Gallos sine eorum favore in officio quietos contineri posse, trans Rhenum in Germaniam misit, qui animos Ger-
mano-

manorum, quos ferro non poterat cohibere, auro sibi conciliaret. Quod quum ita satis feliciter muneribus largis obtinuisset: ab ipsis equites peditesque stipendiis accersivit suis, quorum opera Galliam perdomitam felicissime in provinciam redegit. In bello deinde civili Cæsar opera Germanorum semper usus est in Græcia, Hispania, Europa, Ægypto, Asia & Africa. Nihilominus post mortem Cæsaris semper Germani laceßere ausi sunt Imperatores. Duos quippe perpetuos hostes, Parthos atque Germanos, hinc Occidens, illinc Oriens, Romanæ maiestati velut obices fataliter obdiderunt: quum præsertim Germanis virtute ut plurimum præpotentes reges ducesque præessent; ceu fuit Corisonus, Marobodus, Harminius, Vodenus, Vectius, Vecta, Wetgillus, Hengistus, &c. Item Odoackerus, Hermenfredus rex Thuringiæ, Alboinus, Bertoldus, Sighardus, Ditericus, Edelhardus, Warnekindus, &c. Et quamvis variis modis, nunc connubio, nunc muneribus, nunc fœderibus, Romani Imperatores Germanorum Principes, quorum tunc duodecim erant, ex quibus rex eligebatur, *Bunt. chron. Brunf pag. 14*, sibi devincire studerent; tamen Germani semper ad ingenium reversi, non potue-

potuerunt ferre iugum Romanum. Hinc varia orta sunt bella, & admodum dura; puta Dacicum, Gothicum, Saxonicum, & similia, usque ad annum Christi 772. Quo tempore Carolus Magnus cum Rege Witekindo fortissimo primum congressus est, & primam victoriam apud Osnabrugam reportavit: indeque ad Eresbergam, siue Venerationis Montem, contendit celeriter, ut famosissimum illud tutelare & commune idolon gentis Irmenfulam destrueret: quod rite perfecit, & idololatrias cultus omnino abolevit. Quamvis autem Wedekindus ex eo tempore & loco semper arma repararit, & ubique vires usque ad annum 786. recuperarit suas, adeo, ut illum variis & interdum satis ambigu:is præliis suppresserit: tamen tandem, quum solus ex sui Wedekindesburgi obsidione clam aufugisset, se Imperatori Carolo dedere coactus est, pace prius confecta. Quod factum est prope Mindam, ad Visurgim; ubi adhuc rudera arcis monstrantur, & Mindam inde ita nominatam dicunt, quod Witekindus Carolo M. dimidiatam eam arcem hac voce, quasi *Meum Tuum, Mein-Dein*, esse deberet, tradiderit. Non solum ita Carolus M. Imperator gloriosissimus variis bellis attritos Saxonas tandē in ordi-

ordinem redegit, & ex nimia feritate ad mansuetudinem & humaniorem vitam retraxit; sed etiam eorum iura cum regali sceptro in sese transtulit. In cuius rei apertum signum & memoriam æviternam de novo VVitekindum dignitate Ducali donavit, & insigne clypei eius, equum videlicet nigrum in album, convertit, memoriam & testimonii causa, quod sese ad Christianæ Fidei confessionem convertisset, ethnicismumque priscum penitus abieciisset. Insigne hoc equi albi semper Ducum Saxonie solemne fuit, ultra 400. annos, donec tandem, Henricus Leo, Dux Brunsvicensis, tanquam principale clypei decus, galeæ frontispicio imponendum rectius censuit. *Bunt. in chron. Brunf. pag. 16.*

Ex his igitur liquet, quanta gloriæ autoritate & iure, quanto maior effulserit Carolus Magnus: Eadem quoque hodie merito splendent successoribus eius omnes.

Conclusio Proæmij.

VERUM, quum iam ex supradictis factis appareat, quæ constitutio sit Imperii Romano-Germanici; iam ad scopum nostrum nos convertimus,

ut reliqua, quæ ad conservationem
& durationem huius Imperii perti-
nent, in munimentis & ornamentis
eius necessariis, quæ in Civitatum
aut Urbium cultura & earum iun-
ctura consistit, plenius percenseri
queant. Quantum igitur boni in par-
ticulari & famosissima ea civitatum
Hanseaticarum Societate, & eius Re-
buspublicis lateat, id sequens
libellus satis luculenter, pro
temporis iam ratio-
ne explica-
bit.

OF GREAT BRITAIN

IN THE

SEVENTEENTH CENTURY

BY JOHN HANCOCK

OF THE

UNIVERSITY OF CAMBRIDGE

PRINTED

IN THE

PRINTING

OFFICE

1710

1710

1710

P A R S P R I M A

De

CIVITATVM

HANSEATICARVM

Fœdere celeberrimo, &
eius fundamentis re-
motioribus po-
liticis.

C A P. I.

*De Universitate, Communione & ori-
gine civitatum. Ubi insignis ex hac occa-
sione locus Platonis ex symposio eius,
iuxta Teutonicum, ex-
plicatur.*



Vnde Duo maxime sunt,
quæ cuiusque regni aut
reipub. salutem in dura-
tione sui firmiter con-
servant; videlicet mu-
tua subditorum & gubernantis affe-
ctio, atque civitatum solida muni-
tio: ita quoque in Imperio nostro

Romano-Germanico hæc duo uber-
tim præ aliis terræ regnis florere, ex in-
troductione superius allegata constat.
Quæ etiam tanta cum cura semper
prudentes Imperatores observarunt, ut
nihil æque magna sollicitudine animi
dispexerint, quam quæ ad duo hæc
fundamenta recte disponenda face-
rent. Inprimis semper hoc anxie ege-
runt, ut animos subditorum sibi sin-
gulari cultura & beneficiis variis con-
glutinosos tenerent, & sequaces usque
sibi per quamvis sortem traherent.
Vnde etiam tot dignitatum & hono-
rum ac liberalitatum in distribuendis
bonis exortæ sunt communicationes.
Maximus artifex præ cunctis in tali-
bus fuit summus ille heroum Carolus,
qui etiam propter tot incluta facta he-
roica verè Magnus dictus est. Quippe
quum tanto labore & conatu sibi vin-
cendos esse Saxonas fortes cerneret,
Witikindum eorum regem statim à
principio post obtentam victoriam,
reddita Ducis magni auctoritate &
dignitate, sibi ita denuo devinxit, ut
per eundem etiam Saxonum animos
emolliret, & eo tenacius sibi constrin-
geret. Ac nisi Ducem eorum in tanto
habuisset semper precio, seque præbu-
isset illis placidum, vixdum eos impe-
rio cohibuisset, quamvis viginti sex
præ-

procelis acerrimis gentem fortissimi
 cordis debellaverat. Tandem tamen
 illis consuetudines eorum ad Christiani-
 tatem reductis confirmavit. Ita ho-
 mines, incondita alioquin præditi au-
 steritate, flexibiles redduntur maxi-
 me, si in tempore clementiam aut co-
 mitatem adhibeat potentior & causæ
 victor. Velut autem Carolus Magnus
 hoc artificium sedulo observavit in
 omnibus gubernationis suæ actioni-
 bus, ita etiam eius exemplum sancte
 sequuti sunt Ottones illi augustissimi,
 qui propterea ad tantum fastigium
 evexerunt auctoritatem Germanici Im-
 perii, ut ex sancto subditorum studio
 & amore sibi invictam conciliarent
 gloriam & perpetuitatem. Habent
 enim (*recte dicit Boter. lib. 1. de orig.
 urb. cap. 1.*) humanæ res se invicem ut
 catenæ circuli, qui mutuo amplexu
 hærent, seque invicem sequuntur:
 quod si unum ex eis quemcunque
 tandem attrahas, tota catena cum suo
 principio consequetur: Ita etiam in
 vitæ negotiis tibi sumas: reliqua ne-
 cessario sequi ordine continuo succe-
 dentia deprehendes. Verbi gratia, si
 quis agriculturæ studeat, an non opor-
 tet prius haberi artem factorum ligna-
 riorum, & ante illam arariorum?
 Quam rursus metalla fodientium ars

præcedat, opus est. Item qui fodinis vacant, ruri ut degere possint, corpore tegantur necesse est, ad quod textores ac domus structores requiruntur. Similiter & alia omnia, si quæras & scruteris, inter se connecti reperies. Quibus verbis optimus auctor non tantum conglutinationem humanæ societatis aut conversationis indicat, sed etiam id intendit, ut inde cognoscatur, quam arcto connexu inter se constringantur mutuæ cohabitationes mortalium. Cuius vinculi triplicia requisita ponit Thol. *in republ. lib. 1, cap. 3, num. 12*, licet ad duo capita reduci commode satis queant, tamen audiamus eum. cuius verba sic se habent: Tria necessaria in summa colliguntur ad conservationem humanæ societatis & rerum omnium conditarum, quibus omnis civitas & congregatio humana vinciatur & colligatur. Primum dilectio & amor, quo omnia animalia se & suos tueantur, generent, & educant. Et hoc complectitur *σέπας φιλίας*. Retinet coniugium amor: idem facit ex duobus corporibus unum quoddam. Erunt duo in carne una. (*sic sacra Scriptura.*) Et, Masculum & fœminam creavit hominem Deus. Ex homine mulier facta à Deo. Ut fieri non possit, quin inter huiusmodi perso-

personas non sit quædam naturalis, eademque summa amicitia : quum nemo seipsum , aut suam carnem odio habeat; sed diligat & foveat. Vt etiam in ænigmate expresserit Plato, *In Convivio, vel de Amore*; tria hominum genera olim fuisse, non solum quæ, nunc duo, mas & femina, verum, etiam & tertium ex utrisque compositū, cuius nobis non extat nomē, quoniam periit. Nam in Adamo primū duplex genus erat, quia ex illius, costa Eva sumpta est mulier. ex his, progenies, quæ non potuit non amari. hincque prima civitas & cœtus, qui postea in universum mundum diffusus. Alterum, quod necessarium, & pariter datum à Creatore fuit huic civitati, sive cœtui universo hominum, ad colligationem & vinculum firmissimum, sunt notiones de moribus, de æquo & bono, de honesto, omnium hominum animis insculptæ, ut societates creaturarum rationalium cum propria natura vivere possent, non temere aut instinctu corporearum affectionum, more brutorum. Tertium fuit prudentia indita quædam, qua prospiceret sibi, & necessitatibus quotidianis, præsentibus, & futuris. Et heic constitutum est ius, quod dicitur ius gentium &

commune: ut naturale. cui & C. Gotta addebat, iuris quoque naturæ esse, & commune omnibus rebus natis, vivere & mori. communis etiā omnium possessio, acquisitio eorum quæ terra, mari, cœlo, occupantur, & similia, fides, consensus, voluntas, &c. Ex hoc iure gentium cœperunt seorsum fieri alii cœtus, aliæve civitates, & similiter ex illis alia iura, quæ & civilia à seorsum factis & positis congregationibus seu civitatibus legitimis dicta sunt, &c.

Admodum illustris est locus iste, quem Tholosanus heic ex Platonis symposio adduxit. Sed quum ipse non intelligat, ut ex dictis apparet, quid allegarit, operæ precium omnino faciemus, si ex Teutonico eum explicatum demus. Plato certe inter omnes Philosophos, quorum scripta adhuc integra extant, solus & unicus est, qui veritatis professionem ethnico more quam proxime secutus est; ut tota logomachia Stagiritæ vix nomine digna sit præ huius studio, quum semper realis in sapientiæ cultura deprehendatur; alter vero nil nisi sumum vendat picta imaginis specie. Quippe Plaro sapientiam Ægyptiacam Magorum, qui ductum Abrahami & Trismegisti sequebantur, penitus perspexerat; unde

de longe sapientius naturam rerum
 usque ab origine prima percensere po-
 tuit. Quoties ille de mente divina,
 (quam semper in suis scriptis spirare
 videtur,) de angelis, anima hominis,
 spiritu mundi, &c. verba facit, longe
 altiora intendit, quam ut possint pro-
 fanæ mentes eius adsequi sensum. Mar-
 filius Ficinus, qui fidelis Platonis su-
 periori seculo sectator fuit, & prope ad
 unguem eius sermonem calluit, ipse
 sæpius confitetur, quam arduus sit in
 discursibus eiusmodi. Proinde eum
 toties mysteria locutum esse excla-
 mat, velut etiam de libris illis duo-
 bus, quos Symposion & Phædrum ap-
 pellavit, & in quibus de amore agit,
 quid & unde is sit, asseverat, quod
 mera mystica ibi pettractatit, quum
 in Amore talia admiranda constituat,
 quæ omnis generationis modum exu-
 perent. Huius enim Amoris officium
 esse, ait, ut inter Deum & homines in-
 terpretis & quasi portitoris fungatur
 munere: mediæ autem illius inter di-
 vinam & mortalem naturæ originem,
 adhibita imagine, repræsentet: illum
 videlicet paretno & materno genere
 longelateque diverso natum, &c. In
 his & similibus, dum tam mystice lo-
 quitur Plato, nil aliud ostendit, quam
 ut recurrat ad illam primam genera-

tionem & propagationem sui, qua Adam ante lapsum & conditam foeminam donatus erat, ut non ita per coniunctionem externam sui simile ex se procrearet, sed ut magice ex semetipso, iuxta modum paradisiacum, cui à principio creationis deputatus erat in æternum, progeniem suam ederet. Qui rationi externæ mundi in falsa & phantastica philosophia mundana, iuxta elementa eius inservit, hæc vix capiet, quum tantum suo tenebrarum & occæcationis spiritu agitetur. Sed potius iuvat, & rectius est, ipsum audire Teutonicum. cuius verba in *libello de incarnatione Filij Dei cap. 4*, sic se habent: Ratio mundi externi hoc omnino obtinere cupit, quod Iehova hominem in creatione ad externum regimen destinavit, iuxta stellarum complexionem & quatuor elementorum. Si hoc verum, idem creatione sua quoque dolori & morti destinatus esset, quippe cælo stellato suus constitutus est terminus: atque, si hunc assequatur, deserit eam creaturam, cuius ductor erat: atque tunc diffluit regimen & subsistentia creaturarum, quæ externo huic cælo subiectæ sunt. Ita cernimus nos satis, quam caduci sumus, & morte absorbeamur, si nos cælum externum cum suis elementis deserat,

erat, ut etiam infans in utero materno
 sat ætatis ad moriendū consecutus sit,
 atque sæpius dissolvatur; quum etiam
 adhuc absque vita & congelatione re-
 giminis externi corporea sit, priusquam
 centrū naturæ ignem animæ exuscitet.
 Veluti sic omnino mortem & obitū in
 lapsu Adamī agnoscimus, quod Adam
 statim, simul ac terrenam imaginem
 induit, paradiso sit demortuus, atque
 regno Iehovæ se per mortem privavit.
 Proinde etiā necessitas ipsa regeneratio-
 nem nobis imposuit, alias impossibile
 foret, ut vitæ restitueremur. Quum ve-
 ro Iehova Adamo terrenum, qui sub-
 mixtus erat, fructum interdiceret, ne il-
 lum tangeret; atq; solummodo unicum
 crearet hominem, virili & fœminea
 proprietate in utraque Instura, vide-
 licet ignis & lucis, in amore, eundem-
 que è vestigio in paradysum traduce-
 ret, imo ipse in paradiso crearetur: ideo
 nullatenus rationi id concedere possu-
 mus, quoties ex instinctu diaboli ita
 clamat: Quod homo terreno modo
 creatus sit. Namque omne quod ex ter-
 rena qualitate solummodo uniceque
 creatum est, illud animale est, princi-
 pium finemque habet, nec consequitur
 æternitatem. Quodcunque igitur non
 ex æterno productum est, istud cor-
 rumpitur, & saltem speculum aliquod
 refert,

refert, in quo æterna sapientia se, tanquam in figura & similitudine creando depinxit. In tali re nihil amplius remanet quam umbra absque qualitate & essentia: transitque sicut ventus, qui se ostentavit, atque iterum mox evanescit. Propter eiusmodi creaturam Verbum Iehovæ non est caro factum. Æternum illud non propter corruptibilitatem introivit in corruptibilem essentiam. Non ita terrenum adsumpsit, ut terrenam corruptibilitatem in potentiam maiestatis evehere & introducere vellet: sed propterea, ut illud, quod ex potentia maiestatis erat progressum quidem, ast in malitiam & terreitatem prolapsum, atque ita quasi in morte abolitum fuerat, inde iterum vitæ restitueret, resuscitaret, & ad potentiam maiestatis denuo extolleret in ea possessione, veluti erat, antequam erat creatum. Ideo alia ratione homo agnoscendus, quam hactenus factum est, dum mere animale iudicavimus. Animalis quidem redditus est secundum proprietatē mundi, quum moreretur in Adamo: proinde vivebat huic mundo, & nullatenus Deo. Quod si vero spiritu voluntatis suæ in Iehovam ingrederetur, tunc in nova creatura & spiritu voluntatis iterum nobilem imaginem obti-

obtineret, & in Deo iuxta eam imaginem viveret, nec secundum animales proprietates huius mundi. Ita homo in morte erat, & tamen vivebat: Atque propterea Verbum Dei homo factum est, ut Deo hunc rursus aduniret, atque denuo totus in Deo crearetur. Sic quoque paradisiaca imago nobis considerata est. Dicimus & agnoscimus, quod Adam bonus, integer & omnis expers maculae non minus ac Lucifer cum exercitu suo creatus fuerit. Ille donatus erat oculis purissimis, atque hoc duplici modo. Quippe utrumque in se continebat regnum, videlicet Dei atque huius mundi. Verum quemadmodum Iehova dominus est potens omnium rerum, ita etiam homo in potentia Dei debuisset in mundum extendere dominium suum: Velut Iehova dominatur in omnibus, & omnia pertransit insensibiliter; ita quoque homo interne divinus atque caelestis omnia permeare poterat & perspicere.

Homo externus quidem in externis vivebat; ast dominium acceperat in externa, & erant ipsi subiecta cuncta; nilque ipsum subiugabat. Is potuisset scopulos confringere proprio motu & viribus naturalibus. Tincturam terrae plane perspectam cogni-

rissi-

tissimamque habebat : omnia miracula terræ penitus exploraverat. Quippe in eum finem ad hæc externa creatus erat, ut quodlibet figuris suis manifestaret, atque in actum produceret quidquid in æterna sapiëntia prævisum fuerat. Etenim virgineam possidebat sapientiam. Aurum, argentum, & pretiosissimum metallum, est quidem ex cœlesti magia cum inflammatione ita inclusum : est aliud quid tamen, quam terrenum. Homo quidem hoc amat, & eo utitur ad victum suum; verum eius fundamentum & originem minus intelligit. Non frustra id ab animo ita amatur : eius origo ardua est, si id recte perpendamus. Sed merito in hoc iam muti sumus, quum homo alias eius nimio teneatur desiderio, & se à Spiritu Dei per id separet. Neminem decet corpus potiori fovere amore quam spiritum, quia spiritus est, & parit vitam. Saltem in similitudine vobis id censendum propinamus ; silentio tamen præterimus materiam cum fundamento eius & origine. Nihilominus hoc noscatis, quod homini lusus & ornamenti causa conceditum fuerit : Ipse ex iure naturæ id possidebat : ipsius erat proprium. Sed subintellige corpus externum ; quia illud cum sua Tinctura, & metallica
tinctu-

tinctura, inter se arctissimam fovet
 cognationem. Quum vero externi cor-
 poris tinctura desiderio satanico infi-
 ceretur, tunc quoque retro cedendo se
 metallica tinctura ab homine abscon-
 debat, & hostili odio erga eum afficie-
 batur. Quippe longe purior est, quam
 corrupta in homine natura. Hæc vo-
 bis, vos perscrutatores metallicæ tin-
 cturæ, dicta & detecta sint. Si vestrum
 quis lapidem philosophorum quærat,
 is se ad regenerationem in Christo præ-
 parat; alias inventu vobis minime fa-
 cilis erit. Tinctura enim hæc com-
 municationem ingentem habet cum
 cœlesti essentia; quod si hæc à facibus
 suis immixtæ turbæ liberaretur, &
 perduceretur ad fixationem iuxta cry-
 stallinum splendorem sive perfectio-
 nem sui, facile materia illa agnosceret-
 tur. Splendor sive illuminatio eius
 denotat aliquid. Quod si nobis paradi-
 siaci essent oculi, id omne quam fa-
 cillime agnosceremus. Mens quidem
 nobis aliquid indicat, ast intellectus
 & plena cognitio mortua est paradi-
 so: atque id propterea maxime, quod
 imagine eius nobili in Iehovæ igno-
 miniam & nostri ipsius perniciem
 abutamur, neque per hanc Iehovam
 colamus, aut nostro spiritu in Iehovæ
 ingrediamur Spiritum; sed linquamus
 Spiri-

Spiritum, & in externa hæreamus essentia: inde nobis metallica tinctura in mysterium evasit.

Homo creatus erat, ut esset dominus Tincturæ; atque ipsi ad obediendum adstricta erat: ast servus eius fiebat, & quidem alienigenus. Atque ita quærit aurum, sed reperit terram, propterea quod Spiritum deseruerit, & spiritu suo ingressus sit corporeitatem. Inde corporeitas eum captivum trahit, & morti includit; ut ex hoc tinctura terræ exclusa iaceat usque ad iudicium Iehovæ, nisi à corporeitate excedat, atque in Deo regeneretur. Namque quum diabolus dominium absolutum cum turba & matrice æterni sui ignis in cœlestem essentiam, appeteret; propterea ipsi potentia occludebatur corporalitate elementorum in creatione, quæ propter infectionem eius in terræ crassitiem & lapides meros, tanquam in patrem venenatam evasit, ut ita nullatenus dominus, sed captivus iræ suæ permaneat. Atq; ipsi nihil prodest essentialitas, quia spiritus est, atque spernit cœlestem essentialitatem, matricemque naturæ venenatam incendit; quæ matrix omnia statim è sensibili & corporali produxit materia, unde talia Spiritus Iehovæ in huiusmodi creationem convehbat. Homini autem

tem ea erant sat cognoscibilia. Quippe
 tincturam solvere poterat, & nobili-
 tatem eius producere ad lulum & gau-
 dium suum, atque simul in honorem
 Iehovæ & miracula eius, modo in sta-
 tu permanisset innocentiae.

Quod vero ad hominis cibum &
 potum attinet, quibus ignitæ animæ
 suæ nutrimentum & essentialitatem
 præstaret; hæc ita se habent: Dupli-
 cem in sese fovebat ignem, videlicet
 animæ ignem, & externum solis at-
 que stellarum. Iam vero qui vis ignis
 suum requirit sulphur aut essentialiam
 materiæ; alioqui subsistere non po-
 test, id est, urere nullatenus valet.
 Exinde satis percipitur, quodnam ho-
 minis nutrimentum fuisset iuxta divi-
 nam essentialiam. Etenim, velut supra
 dictum est, animæ nostræ ignis Dei
 amore, mansuetudine & essentialitate
 cibatur, cum unoquoque eo, quod
 Deitatis centrum procreat. Quia ani-
 ma ex æterno igne magico edita est,
 quæ propterea etiam Magicum experit
 cibum, veluti imaginationem. Si ima-
 ginem Dei in se continet, imaginatio-
 nem quoque unice in Iehovæ dirigit
 amorem, ceu in essentialiam Dei, atque
 inde cibum Dei attrahit, quo cibo
 etiam angeli vescuntur. Sin vero mi-
 nus; tunc cibo eo delectatur, in quem

imaginatur, aut imaginationem suam
proicit; nimirum terrena & infernali
qualitate fruitur, atque in eandem
matricem se præcipitat: quamvis non
cum substantia in eam irruat; tamen
illa matrice repletur, cuius qualita-
tes ebullire cum illo incipiunt, perin-
de ac venenum quoddam in carne
operantes. Sic etiam externi corporis
cibus satis cognitus est. Homo exter-
nus quidem erat; sed homo iste exter-
nus quasi ab interno prope absorptus
erat. Quia internus totaliter per uni-
versum obtinebat imperium. Atque
ita unaquæque vitæ, suo fruebatur nu-
trimento proprio, ex quo vivebat.
(Vnde Christus vere ait; *Matth. 4.* Non
vivit homo tantum ex pane; sed ex
unoquoque Verbo, quod per os Dei
transit, qui textus nunquam absque
huius rei informatione vera intelligi
potest.) Videlicet imago Dei in homi-
ne, sive animæ Spiritus & Effigies, co-
medebat cœlestis essentiae divinita-
tem; atque corpus externum extra
crassitiem manducabat paradisiacum
fructum ore tenus, nec in corpus tran-
sibat. Namque veluti externum cor-
pus quasi ab interno prope absorptum
starebat, ita quoque fructus paradisia-
cus ad id proportionatus erat. Essen-
tia divina per terrenam evirescebat,
atque

atque terrenam illam in paradisiaco fructu absorptam tenebat, ut ita fructus ille nullatenus terrenus agnosceretur. Atque inde paradisi nomen est, quod pulchre per turbam eviresceret, ubi amor Iehovæ in media ira effloresceret, & fructus ederet lautissimos, veluti lingua Naturæ absque ulla interpretationis phantasia opinabili satis aperte hoc percipit. Ex quo ulterius hoc conficitur, ut intelligamus, quomodo Iehova hunc ineolat mundum: & mundus in ipso tamen quasi absorptus est. Mundus in eo est plusquam impotens; ipse vero omnipotentissimus. Ita quoque erat homo, & ita simul suum terrenum comedendo nutrimentum convertebat in cœlestem cibum. Vnde etiam hoc novimus, quod ita in regenerationem nobis sit redeundum. Velut nec aliter fructus paradisiacus ex ira progeneratus erat essentia cœlesti: vel quemadmodum cernimus, quod optime dulcis herba ex terra acerbissima repullulascit, quam solis calor alia qualitate perfudit. Ita concoquebat homo sanctus fructum paradisiacum in ore suo, ut ita terreatas absorberetur quasi in nihilo, nec hominem uspiam afficeret sensualiter: Ceu quoque agnoscimus, quod mundus hic in ultimo termino

suo absorberetur, nec amplius extabitis
sensibile corpus. Ita simul externus se
habebat cibus hominis: ille ore co-
medebat fructum, nec tamen dentium
ipsi opus erat attritione, aut dentibus
ipsis. Namque in ore statim ipsi ad-
erat separationis & concoctionis vis.
Duo contra virtutes in ore Adami
existebant, utrumque appropriatum
suum attrahebat: terrenum in coele-
stes transformabatur qualitates, ve-
luti inde compertum habemus, quod
secundum corporis nostri constitutio-
nem transformari debeamus in no-
vum coelestis virtutis corpus. Pari mo-
do transmutatio in ore erat, atque cor-
pus eius sanctas excipiebat vires. Nam-
que regnum Dei in potentia consistit.
Velut etiam homo in regno Dei consi-
stebat: quippe immortalis erat, & fi-
lius ipsius Iehovæ. Quod si vero ci-
bum visceribus ita abligurire debuif-
set, atque tantum secum in ventre por-
tare foetorem, velut iam gestamus,
merito quaereret ratio. An hæc para-
disus sit? & num Spiritus Dei in ea ha-
biter? quum tamen Spiritus Dei in
Adamo habitare deberet, tanquam in
Iehovæ conditoris creatura.

Labor eius paradisiacus simpliciter
puerilis quidem erat, sed tamen divi-
næ sapientiæ plenus: Concessum ipsi
erat

erat plantare arbores, & alias herbas, omniaque ex sancta lætitia peragere: In omnibus ipsi germinabant & edebantur paradisiaci fructus; singulaque ipsi pura erant. Quicquid ille agebat aut actitabat, in omnibus erat iustus: nec ulli subiectus erat legi, nisi legi de imaginatione aut libidine, quam cum spiritu suo defigere debebat in Deum, atque sic mansisset in æternum. Ac licet Iehova terram mutasset, nihilominus ipse mansisset absque necessitate & morte: Omnia ipsi saltem in cœlestem essentiam fuissent transfigurata.

Simili modo hæc percipiat de eius potu. Homo internus hauriebat aquam vitæ æternæ ex Dei essentia; externus bibebat aquam terræ. Verum quemadmodum sol & aër aquam in se abliguriunt, nec tamen ab ea adimplentur, sic etiam colliquescebat ea in ore hominis. Vtraque recedebat in mysterium. veluti id cognitione adsequi possumus, & certo novimus, atque idem ipsa veritas est, quod Iehova omnia ex nihilo fecerit, saltem ex virtute sua; ita qualibet terrena per os hominis reverti debebant in hoc, quod erant ante mundi creationem. Homini competebat enim spiritus & eius potentia, & non terrena moles corporis.

Namque Deus ipsi semel addiderat corpus, quod æternum durare debebat. Non indigebat ulterius ulla creatione. Thronus erat principalis; intellige Adamum ex cœlo & terra confectum, nec non astris & elementis: tum ex ipsa Dei essentia, ut esset dominus mundi, & filius Dei.

Annotate hoc, ô Philosophi; verum est hoc fundamentum & ipsa summa sapientia. Cavete ne litem ullam scholasticam heic submisceatis. Satis hæc manifesta sunt. Opiniones nihil ad rem faciunt. Verum Spiritus intelligentiæ verus, qui ex Deo progenitus est, ille veritatem novit. Quælibet opinio absque huius cognitione in terrenam abit stultitiam, & terram solum aut quatuor vix Elementa percipit; Imo quatuor in eo latent occultata: Nec tamen quatuor in Adamo regimen obtinere, sed ab unius imperio quatuor coërceri debebant; nimirum elementi illius cœlestis, dominio cogentis quatuor mundi elementa: Atque sic ad idem reduci cogemur, si paradisi possessores, quam ob causam Deus est homo factus, evadere cupimus. Dictum hoc vobis sit, ô Scholastici, vos litigatores: Lambitis vos circulum, nec ingredi eum valetis; Non aliter, ac si felis pulcem nimis ferventem

rem ambit; dum adustionem eius timet: ita ignis Iehovæ vos metu & pudore repellit. Et velut felis pulcem talem prorsus attingere nequit; quum saltem oras subolfaciat eius; sic multo minus etiam talis homo fruitur fructu paradisiaco, nisi prius Adami corium, quod usque adeo diabolus corruptione devastavit, exuat, & ad Christi regenerationem se recipiat. Circulum hunc ingredi oportet, & rationis ablicere obvelamentum; sic hominis veri accipit intellectum & divinam agnitionem. Nil prodest doctrinalis habitus, sed regeneratio nova, &c.

In his quidem ex singulari revelatione Teutonicus satis commode intelligentibus primi amoris vim inculpatam cum toto hominis primi statu delineavit. Sed, quum etiam dilucidius in *mysterio magno*, & *commentario suo in Genesios caput 18*, de regno paradisiaco, &c. idem explicet; etiam cum huc locum, gratioris informationis gratia, in tam illustri arduæ sapientiæ lumine, quod vix aliquibus cognitum est, adducemus; præsertim quum sanctam primi regiminis faciem, quomodo ea constituta, fuisset, nisi Adam in lapsum incidisset miserabilem, in mundo paradisiaco depingat.

CAP. II.

*Ultior explicatio loci Platonici de fundam-
dentali origine societatis : & , de
mysterio regiminis paradisi-
ci, sancta ex Teutonico
informatio.*

VERBA eius sunt: Adam (ante lapsum
videlicet) & vir erat & foemina;
nec tamen quid horum, sed virginea
quædam persona, castitate, honestate,
& puritate plenus, velut ipsa Dei ima-
go. In se continebat utramque Tin-
cturam, ignis & lucis, in qua coniu-
ctione amor vetus, tanquam virginal-
le centrum, consistebat, quasi pul-
cherrima paradisiaca rosa & hortus
amœnissimus, in quo semetipsum di-
ligeat: Veluti in resurrectione mor-
tuum tale quid denuo erimus, sicut
Christus, *Matth. 22, vers. 30*, ait, quod
in resurrectione neque uxores duca-
mus, neque nuptum demur: sed ange-
lis Dei similes simus. Taliter homo,
velut Adam erat ante Hevam suam
conditam, resurget, & paradysum de-
nuo occupabit atque possidebit in
æternum. Non mas aut foemina eritis
sed, velut sacra Scriptura loquitur,
ipsi virgines sunt, & Deum atque
agnum

agnum sequuntur, similes angelis Dei. Ast neque mere spiritus, ut angeli, sunt, sed in corporibus cœlestibus, in quibus spirituale angelicum corpus habitat.

Quandoquidem igitur Adam in imagine Dei creatus, & inde æternæ vitæ paradisi destinatus erat, atque lehova ipsi vitam per spiritum suum inspiraverat: licitum nobis erit, ut eius describamus conditionem, qua indutus fuerit in innocentie statu, & quomodo lapsus, ac quis inde nunc sit, qualisque denuo futurus. Quod si lehova illum creatione sua, terrenæ, fragili hinc, miseræ, desolatæ, morbidæ & laboriosissimæ vitæ destinasset, non certe eundem in paradysum introduxisset. Quid si animale concubitus impressionem & propagationem eius exparivisset, statim à principio Deus marem & foeminam creasset, & sic uterque sexus in verbo FIAT in separationem utriusque rincturæ abiissent, velut in aliis terrenis creaturis id videre est. Vnaquæque creatura indumentum suum ex utero materno secum affert in mundum: At homo miserrime nudus & detectus prodix in extrema paupertatis & imbecillitatis constitutione, nec ullius est facultatis: sed in suo ingressu huius mundi miserrima

ma & pauperrima creatura, inter omnia genera eius, existit, quæ sibi met-
ipsum auxilio nullo esse potest. Hoc no-
bis satis indicio est, quod nullatenus
huic miseriæ in creatione sua deputa-
tus sit à Deo; sed quod alia eius fuerit
perfectio, velut etiam reliquarum in
suo genere creaturarum; quam tamen
omnium primus homo per libidinis
suae falsam imaginationem amisit. Un-
de eum postea Iehova in somno suo
demum ad vitam naturalem in maris
& foeminæ figura iuxta omnium ter-
renarum creaturarum proprietates in
externo illo F I A T plasnavit, atque
ipsi cadaverosum corpus cum brutali-
bus membris ad propagationem sui ad-
glutinavit; in cuius rei ignominiam
etiam adhuc anima pudore afficitur,
quod brutali hac mole corporis affe-
cta sit.

Duæ constantes & fixæ essentiae fo-
vebant Adamum; nimirum corpus spi-
rituale, ex amoris essentia cœli illius
interni, qui templum erat Iehovæ; ac-
que corpus externum, tanquam limus
terræ, quod corpori interno spiritali
domunculam & habitaculum exhibe-
bat, quod nullo modo iuxta vanita-
tem terræ erat manifestatum, quia li-
mus erat purissimus, extractum vide-
licet optimæ partis terræ, quod in
terra

terra in iudicio extremo ab omni vanitate carnis & corruptione diaboli separabitur. Iſtiusmodi duæ eſſentiæ, nimirum cœleſtis interna, & externa corporea, inter ſe quaſi firmo connubio combinatæ, unoque corpore conſociatæ erant, in quo ter ſancta Tinctura ex divino igne & lumine, tanquam lætabunde voluptuoſi amoris permagnum deſiderium, erat orta quod inflammabat eſſentiam eam ita ut duplices illæ ſubſtantiæ pluſquam ardentiffimè in amoris deſiderio inter ſemet invicem mutua affectione coirent, & ſeſe flagrantiffime foverent. Internum illud ardebat immenſe externum, tanquam ſui manifeſtationem & perceptibilitatem: Similiter externum ardebat internum, tanquam ingentem ſuam dulcedinem & voluptuoſitatem, ceu margaritam nobilem & amabiliſſimam coniugem. Nec tamen duo erant corpora; ſed unum; at tamen binæ eſſentiæ; nimirum interna una, cœleſtis, ſancta; & altera ex temporis progenita eſſentia; quæ æternitatis conſugio conſociatæ vigeabant.

Interne autem in hoc igneo deſiderio mutui in ſeſe amoris conſiſtebat magicus conceptus ſeminis ſancti & partus eius. Namque tinctura pertransibat utramque eſſentiam, per in-
ter-

ternam & externam commenceando, atque ita desiderium excitabat, optime id fovendo: ac desiderium illud sanctum erat per illud *F I A T*, quod amoris voluptatem concipiebat, inque substantiam producebat. Atque ita æqualitas imaginis in substantia ista concepta manebat, tanquam spiritalis imago iuxta primum hominem: quemadmodum illud *τὸ F I A T* primam imaginem in Adamo conceperat, & efformatam expresserat: Nec aliter æqualis temperies primum ad propagationem sui concipiebatur, atque in eo conceptu statim aderat magicus partus, ubi in ipso partu editam simul spirituale corpus, confestim in externum exprimebatur. Hoc ita percipite; Quod si Adam in probatione sui ita substitisset, tunc partus magicus ea ratione se exeruisset: non tamen per singularem naturæ egressum ex Adami corpore, ceu iam fit: sed quemadmodum Sol ignem perlucet, & tamen nequaquam hunc pertrumpit; pari modo spirituale corpus, uti partus eius proprius, egressum fuisset, atque in editione sui substantiam induisset, absque ullo labore & angustiis. Quod in mirifice sincera voluptuositate & delicio factum fuisset, iuxta eum modum, velut utriusque semen, viri & mulieris,
in

In coniunctione sua deliciosum occursum sibi invicem præstat. Sic etiam magicus conceptus & partus fuisset virginea imago iuxta primum hominem omnino perfecta, quæ postea, quum Adamo veneris matrix erepta & in fœminam transformata esset, in dolorum anxietates & labores, cruciatus, & tormenta, redacta fuit; uti Iehova ipse hoc Evæ imponebat, dicens: Tibi multos creabo dolores, quum gravida facta fueris: In dolore edes tuos liberos, atque tua voluntas subiecta erit marito. Quare autem hoc? Propterea, quia ex voluntate mariti procreata erat. Atque Eva erat dimidiata pars mariti; velut ea pars in qua Adam se amare & concipere debebat. Hæc ipsi ita, quum subsistere nequiret, in somno eripiebatur, atque inde mulier formabatur. Ideoque, quum eam evigilans adspiceret Adam, aiebat: Vocabitur illa virago inde, quod ex viroeducta sit.

Homines quoque in terra nudi ambulassent. Quippe cœleste illud pertransibat externum, quod ipsi loco vestimenti fuisset. In summa semper formositate, gaudio, & lætitia exultaret, sed in filiali simul animi ardore erga Deum. Magico quoque more comedisset & bibisset, non quidquam in
corpus

corpus absorpsisset, veluti nunc fit; sed in ore ipsi erat concoctionis separatio: quia fructus paradisiacus eodem modo accommodata ipsi erat. Omnia ipsi pro lusu suo inserviebant; Nullus eum capiebat somnus: Nox ipsi velut dies erat. Namque oculis transfigurare pellucidis omnia perspiciebat in proprio luminis intuitu. Homo internus tanquam oculus internus prospiciebat per externum; sicuti in altero mundo haud ullo solis lumine indigebimus. In aspectu enim divino & eius lumine omnia nobis erunt obvia per lucem naturæ eius. Calor nullus, nec frigus ullum affecisset illos. Nec erat hyems in terris manifestatus: Quoniam in paradiso æqualis erat temperies; atque terræ tinctura lusus eius erat. Metalla omnia lusui ipsorum se exposuissent ad illud usque tempus, donec Iehova mundum externum mutasset. Nihil illis timori aut metu fuisset, neque lex ulla ad aliquid faciendum aut omittendum. Adam omnium fuisset princeps magnus; ac vixisset in mundo quidem, sed simul in cælis, atque ita in utroque habitasset mundo. Paradisus quoque per totum floruisse mundum.

Quum vero providentia Iehovæ satis agnosceret, quod Adam non esset

set constans permanens; quum terra in perniciem pridem ex malitia principis sui prioris abiisset; ex quo ira Dei se concitaverat: ipsam ac essentiam eius, in compressione concluderat compacta. Proinde Iehova omnigenos fructus & animalia, etiam omniaria pharmaca aut remedia contra futuros morbos hominum creabat; tum quoque varios cibos, ut homo in hoc mundo victum & amictum inde sumeret. Namque decreverat, quod alium esset missurus Principem, per quem ex morbo & morte hominem liberaret, terramque per ignem Dei probaret & purgaret, atque illam in sanctitatem eam reduceret, in qua erat constituta, quum Lucifer adhuc angelum ageret lucis, priusquam in talem abiret creaturam. Adam ita creatus erat in imaginem Dei, ut æternus esset. Atque licet in ira Dei præcognitum erat, quod homo lapsum esset commissurus; attamen in amore Iehovæ prævisa erat regeneratio, cui hierarchia hæc in regiam possessionem loco Luciferi tradi deberet. Ne autem lapsus ex divina ordinatione initium sumeret suum, propterea Iehova hominem perfectum creavit, & in paradisum deposuit atque constituit;

nec

nec non simul severo mandato ipsius libidinem falsam, quam Diabolus per linum terræ in Adami externo corpore cum mendaci sua imaginatione & esurienti desiderio concitatur, cohibuit. Atque sic Adam per quadraginta dies ante conditam Evam suam in paradiso vixit in tentatione, priusquam Iehova mulierem ex eo conderet. Si probam hanc supergressus fuisset, Deus æternitatis addictum consecrationi confirmasset.

Quod vero, contra reliquorum scriptorum morem & sententiam, heic quadraginta dies interponam, eius rei cognitionem & rationes habemus, non ex sola opinione, sed maxime ex certa quadam scientia, in quem finem typos eius figuræ vobis demonstrabimus. 1. Apud Moysen, in monte Sinai, in traditione Legis consumebantur quadraginta dies, & tentabatur Israël, num in obedientia erga Iehovam constanter perseverare vellent. Quum vero vitulum & idolon sibi conficerent, atque à Deo deficerent, cogeatur Moyses priorem Legis tabulam confringere; quod Adamum primum in Lege divina denotat, à qua deviarat, unde etiam ipsi hæc abrumpebatur, & incidebat in corruptionem sui corporis, veluti Moyses tabulam

eam

eam discernebat. Ac sicuti Iehova Moisi aliam scripturam in globo exhibebat, quæ indicat secundum Adam Christum, qui primum restituere deberet, & suam legem in cordis eius globum, tanquam in vitam humanitatis introducere atque inscribere vivifico Spiritu in dulcissimo nomine Iesu: Ita quoque secunda lex scripta erat, quemadmodum Iehovæ amor iram confringere cuperet, cuius fœdus in Lege imaginem repræsentabat, ceu postea in Moisi explicatione detegeretur. I I. Secundam figuram Adami in paradiso referunt quadraginta dies in eremo, quum Israel in Lege per cœlestem mannam tentaretur, num Iehovæ obedientiam præstare cuperet, ne tam multos ira absorberet. I I I. Tertia figura veram exprimit imaginem; ubi Adami durus status cum Christo in eremo comparatur, quum is loco Adami coram diabolo & ira Dei in probatione subsisteret, & per quadraginta dies magico vesceretur cibo, videlicet verbo Domini; in quo etiam Adam tentabatur, an ille penitus in voluntate Iehovæ demissus permanere posset. Christus in Adami tentatione tentabatur, & in omnibus singulatim, in quibus tentabatur Adam; uti postea dicitur. I V. Quarta figura consistit in

O qua-

quadraginta horis Christi in sepulchro, quum Adamum ex primo resuscitaret somno. V. Quintam figuram significant quadraginta dies, postquam resurrexisset Christus in ultima proba, quum humanitas ultimo tentaretur, num satis tandem subsistere, & in Deo demissus esse veller, quum mors confracta, & interna hominis vita in Deo regenerata esset.

Hæ quinque figuræ pertinent ad quinque gradus Naturæ, à prima naturæ forma usque ad quintam, tanquam ad centrum sanctum amoris parturientis. Nisi res foret nimis ampla, posset satis clare demonstrari, quod suo explicabitur loco. Per hosce quadraginta dies Adam experimento tentationis fuit exploratus, num veller & posset sufficiens esse, ut Luciferi sedem possideret tanquam hierarcha & princeps Iehovæ. Sed quum Iehova prævidisset, quod nequiret id adsequi, decrevit per profundissimum amorem in hac Adamica angelica imagine interni sancti hominis, qui in Adamo expirabat, se commovere, atque illum de novo regenerare, velut in semine mulieris, (percipite hoc,) in amoris desiderabili semine, in quo Adam se magice concipere atque parturire deberet. In semine isto promissus terminus

fcede

fœderis cum Christo constituebatur, qui imaginem angelicam reduceret, & divinum hominem; uti factum est. Per quadraginta istiusmodi dies Adam, vel potius anima Adami, in carne inter tria principia tentata est. Etenim unumquodque principium trahebat animam in carne, & imperium appetebat: Quodvis supremam sibi gubernationem vendicabat. Atque in eo vera perspiciebatur probatio, quid libera voluntas animæ perficeret; num cuperet in divina subsistere harmonia; an vero in sui amorem ingredi studeret. Sic ergo in anima & corpore simul ille tentabatur, atque ab ipsis tribus principiis attrahebatur, dum eum singula stratagematis suis vincere conaretur. Non quidem lucta inde erat, quod principia ea in mensura & pondere inæquali viguissent; quum eum omnino æquali foverent pondetis temperie; extra illum tamen non eadem erat ratio: tum & diabolus falso suo desiderio aut libidini iuxta iram Dei in primo principio plusquam omnem impendebat conatum, imaginationem suam introducens in animam carnemque externam, utpote in limum terræ, atque in primum principium velut in animæ igneam proprietatem & æternitatis

naturam; ut inde primum principium in anima commoveretur, & se in diaboli imaginatione contemplaretur, quasi se in magico patto informaret, quomodo & quidnam malum bonumve ibi esset; quomodoque id essentiam inæqualem saperet & se haberet. Unde libido animæ exsuscitata est. Atque sic in externa parte animæ se exerebat terrenalibido, quæ multivarias proprietates qualitatū manducare satagebat. In interna ignea vero parte animæ se exerebat superbiæ libido pro cognitione boni & mali, ut eam probaret in æmulatione Dei: velut diabolus idem factitabat, quum artificem agere cupierat in magico patto. Quod idem Adam heic desiderabat. Attamen Adam non cupiebat primum tangere principium, quod Lucifer factitabat. Etenim eius libido id intendebat, ut bonum & malum olfaceret atque probaret in vanitate terræ. Externa anima exsuscitabatur, ut esuries in matricem suam ingrederetur, unde protracta, & in aliam qualitatem introducta erat. Quum itaque esuries ista in terram se ingereret, ut ex bono & malo cibum caperet, tum desiderium sive appetitus arborem tentationis in F I A T producebat, atque eam Adamo in adspēctum opponebat.

Inde

Inde quoque strenuum à Deo edebatur
mandatum, ut ita alloqueretur Ada-
mum: *Genes. 2, vers. 16, & seqq.* De
fructu quidem omnis arboris huius
horti libere comedas: De fructu vero
arboris scientiæ boni & mali, de isto
ne comedas: Nam quo die comede-
ris de illo, utique moriturus es. Nec
Adam quidquam de eo comedebat in
ore, attamen imaginatione aut appe-
titu desiderii de eo comedebat, ex quo
Cœlestis Tinctura abolebatur, & in
principium sui centri recedebat; quæ
alias ignito amore in ipso fervebat, &
terrenalibido in animæ proprietate se-
se exsuscitabat; unde cœlestis imago
Dei occultabatur. Ecce ita misere ex-
tinguebatur magicus partus in homi-
ne, nec amplius se exerere poterat. li-
cet Adam adhuc in paradiso esset con-
stitutus, tamen nihil ipsi proderat,
namque in imaginatione, aut boni &
mali desiderio, iuxta libidinem homo
externus evigilabat, & imperium regi-
minis obtinebat. propterea eximia il-
la imago veri Adami in impotentiam
sui incidebat, & à propria quiere sua
prolabebatur in somnum. Cœlestis
enim illa Tinctura à terrena libidine
captivabatur. Quippe externa illa li-
bido ex vanitate mundana venenum
hauriendo sibi imprimebat. unde ho-

mo obtenebrabatur, & clarissimi eius oculi verum amittebant visus lumen. videlicet id quod ex divina essentia depromptum, cuius ope antehac in omni lucis vigore omnia perlustravisset.

Merito igitur nunc inde sic ait Moïses; Iehovam dixisse: Non est bonum quod homo iste sit solus; faciemus ei adiutorium, ut circa eum sit. Quum Iehova omnes res creatas quidem cum tota creatione absolvisset prius, ait Moïses: Et Iehova adspiciebat omnia, quæ fecisset, & ecce hæc omnia erant admodum bona, ut ita unumquodque confirmaret in sui generis propagatione. Hic vero ita loquitur de homine; Non esse bonum, ut solus sit. quia adspiciebat supra modum miserabilem eius lapsum, quod penitus nequiter se magice propagare, unde dicebat Iehova; Conficiemus ipsi adiutorium, &c.

Hactenus ille B. Teutonicus. Quæ sane non absque singulari revelatione, aut stimulo altiore agitatus protulit. Profundissima est locutio quidem; sed videat lector pius, ut absque præconcepta opinione eam cognoscat & censeat, ne inde quid, pro sanctiori informatione, offendiculi in sui ipsius præiudicium gravius percipiat. Vacuum igitur nonnihil

à vanis aut venenatis animi perturbationibus aut cogitationibus si Spiritui Iehovæ se tradat, & eidem tranquillum submittat, proculdubio ingentem in his reperiaturus est sapientiæ thesaurum, quæ ipsi postea in cunctis aliis lucem clariorem iudicii præferre possit.

De tribus autem Principiis quod inferuit, in eo consistit fundamentum omnis cognitionis sacratioris. de quo eius extat scriptum. hoc videat quisque ut sibi rite comparet; atque sic syncerius iudicium formare de sublimioribus poterit. Veluti etiam de triplici vita hominis insignem inter alios plures conscripsit libellum, ad quem, cum Mysterio magno, remittam piæ lectorum, & indagatorem veræ sapientiæ. Interim obiter hoc quivis noscat, quod in tria principia ipse reponat omnem veritatis cognitionem, & quod hæc tria semper in unum recurrant. Vnde Trinitas sacrosancta Deitatis pernoscitur, & triplex mundus in suis naturis. Etenim Natura alia est æterna, & alia temporalis, quæ ex æterna profluit & inde originem sumit. Natura vero æterna in se duo continet principia. quorum primum mundum tenebricosum constituit, in fervido calore &

frigore consistentem, ceu in Saturno, Marte, & Mercurio, id est, Sole, Sulphure & Mercurio. Hic tamen mundus nihil aliud in se est, quam dura & obscura quædam æternitatis acrimonia, in igne suo omnis luminis experts, & in sua dicitate sibi sepulta latens. Alterum autem principium mundum æterne solarem & lucidum cum luce constituit, in spirituali lumine Iehovæ & angelorum consistentem; unde & mundus Angelicus dicitur; qui nihil nisi meram ponit mansuetudinem, & regeneratos suos fovet ministros, Venerem, Iovem, & Lunam, ex Sole æterno quam candidissime prolucen-tes. Tertium denique est principium, quod mundum visibilem in macrocosmo & microcosmo constituit, qui ex iam dicto spirituali mundo, tanquam ex profluxa Deitatis potentia, per Tincturam suam productus est, atque obiectum & oppositum recipiens, exhibet spirituali mundo. Spiritualis enim in externo visibili fundamentum exhibet internum; velut etiam visibilis hic mundus subsistit involutus spirituali. Namque mundus hic tertius initium sumpsit cum tempore. quum Iehova utrumque internum mundum commoveret, hunc nostrum visibilem ex eo in formam
tem-

temporis procreavit. Vnde iste mundus nihil aliud est, quam profluvius septem proprietatum cœlestium ex virtutibus earum per tincturam editus: quia ex sex proprietatibus operantibus creatus est, atque in septima, nempe in paradiso, consistendo quievit; qui æternum quieris Sabbathum conficit, in quo operatio divinæ potentiae quiescit. Vnde Moises ait, Iehovam sex dierum spacio cœlum & terram cum omnibus creaturis creasse, & septimo quievissse die, & quierem hanc nobis præscripsisse. In quibus verbis vera later occulta sententia: quippe uno die omnia sua absolvere potuisset opera: tum dici nullius prolatio proprie esset, antequam Solis esset existentia; namque in profunditate abyssi unicus tantum & perpetuus est dies. Verum sententia propria in verbis latet. Proinde in operibus dierum creationem sive manifestationem septem proprietatum cœlestium intelligit, &c. ut suo loco explicatur ab eodem.

Sic etiam paucis his notetur vocabulum *Tinctura*, quod denotat distinctivum illud verbum, ex quo septem iam dictæ proprietates in emanationem profluunt, quum in eo temperamentum universale lateat omnium

proprietatum, per quod potentia Dei mysteria sua rebus communicat cum characteribus litterarum, in distributione quam septem exerunt proprietates. Veluti *T.* exhibet triplex *I.* quod patrem Iehovam denotat. *I.* est progenitum illud *I.* in nomine *IESV. N.* refert triplex *I.* in spiritus operatione. *C.* significat aperte Christum in receptione gratiae. *T.* secundum, in quinto spacio, est apertura amoris, in quo pater cum Christo regnum gloriae recludit. *V.* est Spiritus sancti character in tribus apicibus, ubi lux & vita in amore per Christum vivide confluunt. *R.* demum repraesentat regium thronum, propter quem luci cum tenebris pugna est, dum Christus & Satan inter se commiscunt praelium ingens. Lux vero vincit tenebras. unde Christus sanctissimo nomine suo se effundit in mysterium magnum, ex quo mundus ita se visibilem exeruit; ut ait Teutonicus in explicatione Schematis sui.

Sed quæ hucusque in gratiam Platonis & Tholosani nonnihil uberius enucleata sunt, non carent usu evidenti, ut exsequentibus patebit. Ecce enim non tantum factum est, ut illi, qui nimis falsa adamant principia rerum ex communi & admodum vulgari

gari

gari Stagirensis opinione, errores suos agnoscere tandem & veritati sanctiori suum honorem cedere discant; sed ut etiam inde pateat, quam absurde plurimi Politici in suis discursibus, relectionibus, systematibusque aut disputationibus variis, à scopo vero deflexerint, & sæpius pietati veritatique confidentius nonnihil contradixerint, axiomata talia consuendo, quæ scandala horrenda actionibus civilibus pepererant; ut inde potius verba opinionum distorta, quam vitæ integritas elaborata fuerit. Proinde nos ad scopum convertamus.

CAP. III.

Membrum I. De Societate universim, quid sit; & eius veris sive genuinis speciebus, & quomodo inter sese differant, opinionis via prius remota, & re ad veritatem complanata.

EX quo in tam perplexam corporeitatis suæ corruptæ obscuritatem incidit homo, cogitur ex solis sensibus suum mutuari de rebus iudicium. Atque quum illi ministri in facultatibus suis undique adeo brutales sint, ut nihil vere apprehendere possint, quod

quod non tegumentum aliquod exter-
num depravato appetitui denunciaret, &
ita cæcis animum involvat deliciis;
fit proinde, ut in omnibus tenebrosa
opinio imperium obtineat, & nusquam
prope veritati locus in mundo am-
plius concedatur. Dolendum igitur
est, quod potius ex opinione, quam
veritatis informatione vivatur. Fue-
runt quidem nonnulli mortales, qui
sibi præ reliquis acutiorem arrogare
voluerunt indolem, ac multos perqui-
siverunt obscuritatum anfractus: sed
viarum latebras aut latebrarum vias
invenere invias. Quod adeo anxie
quoque agitatum fuit, ut nequirent
acquiescere, donec tandem communis
omnium, maxime Stagirensium, error,
subtilitates terminorum inutiles &
vanas approbavit; quæ tot secula huc-
usque misere torserunt, & variis opi-
nionum dissensionibus distraxerunt
animos mortalium. Res certe misera-
bilis & perniciosa est opinio; quum
non modo totus mundus in sui usque
confusione regatur opinionibus; sed
etiam prope tot sint opiniones, quot
homines, ut ipsum Ius Canonicum
confiteretur, *t. de consecra. dist. 4.* Ni-
hilominus non tantum volunt Icti,
quod communis opinio excuset, *iux-
ta l. 3, 4, & 5, ff. de SC. Macedon.*; sed quo-

quoque tam pertinaciter eidem patrocinantur, ut ipsa ius faciat, *l. 1. C. de testam.* & pro lege habeatur. *Arg. l. si idem. ff. de iurud. O. Ind.* Vnde & communis opinio aliquid vere probare dicitur, *l. si mater. C. ne de stat. defunct.* quum vim consuetudinis habeat, *Bald. c. ne invitari de Const.* & iustâ causa sit credendi, *Bart. in l. cum quidam. §. quod dicitur. ff. de acquir. hered.* Velut Speculator. *in lib. 2.* eandem illam facit cum credulitate. Imo & iudex communem opinionem sequi iubetur, *l. 1. ff. de off. quest.* quum ea in iudicando prævalere debeat, *c. novimus. de v. sig. l. 1. de off. quest.* quodeo usque extenditur, ut hanc rite veritati ipsi præferri, pronunciet Speculator, propter autoritatem rei iudicatæ, *Spec. de sent. §. 9. v. circa hoc.* ; quum communis opinio quoque magis quam veritas attendatur, favore publici instrumenti. *Bald. l. 1. C. de test.* sicuti opinio simul, quæ est in favorem contrahentium, prævalere veritati, quæ est in odium, pronunciatur. *Innoc. c. fin. de rescript.* Quod adeo firmum quoque habetur ab aliquibus, ut velint, opinionem Doctorum multorum excusare etiam quem in foro conscientiz. *Cast. cons. 193. col.* Ast vix iudicantibus, aut foro præsidentibus illis, qui potius opinione & favore,

favore, quam veritate niti cupiunt; quum opinio nullam non tantum animò addat & confirmet scientiam, sed etiam sapius vulneret conscientiam, nedum quod excusationem ei parere queat. Et testatur ipsa S. Scriptura, quod opiniones & cogitationes hominum frequenter sint erroneæ. *Levit. 10, 1. Num. 15, 39. Deut. 12, 8. & 29, 19. 1. Sam. 15, 9. 2. Sam. 6, 6. Proverb. 12, 15. & 14, 12. & 21, 2. Esa. 5, 21. & 7, 12. & 14, 13. & 55, 8. Matt. 3, 14. & 16, 22. Marc. 8, 32. Iohan. 11, 4. & 13, 8.* Ac licet quis vehementius quid opinetur, tamen non est id scire proprie; *ut habet gl. l. 2, § pen. v. sciant. ff. de ag. plur. arcend. Rom. cons. 235.* quum nemo quid vere scire possit, aut ullam sibi scientiam arrogare aut attribuere valeat, nisi ex ipso veritatis dictamine id profluat. Namque ille saltem opinatur proprie, qui verisimilibus coniecturis credit. *Bald. l. cum antiquiorib. 39, C. de iur. deliber.* Proinde etiam opinio motus animi dicitur, elicientis sibi aliquam conclusionem ex aliquibus principiis, *Bal. l. scire ff. de ll.* At veritatis fundamentum fir- mum est, & à se omnes excludit errores, nec mentem sinit in tenebris ambulare, sed eius splendorem & radios luce donat. Vnde nec decet, neque
par

pat est, ut opinio præiudicare possit
 veritati: *c. cum Bertoldus de sent. & re
 iudic.* Sed opinio cedat veritati. *C. ve-
 ritate. dist. 8.* Ceu semper opinioni
 præferenda est. *C. nuper. de bigam. non
 ordin.* Veritas enim per nostrum nega-
 re vel affirmare non immutatur. *l. as-
 sumptio 6. ff. ad municipal.* Quomodo
 igitur subsistet opinio Specular. quæ
 rei iudicatæ potiorem vult auctorita-
 tem, quam veritatis, ut iam dictum
 est? Quale namque iudicium foret il-
 lud, quod præferret opinionem com-
 mūnem veritati? Si omnes homines
 veritatis studiosi esse tenentur, quo-
 modo non magis in eo omne consi-
 stat iudicium, quod velut patrocini-
 um perhibetur veritatis? Frustra fo-
 ret omnis actio, omnis rei ventilatio,
 omnis loquela & locutio, si veritati
 detraheretur victoria in hac conten-
 tione iustitiæ. Apertæ starent omnes
 portæ & fores omnis generis iniuriis
 & calumniis, nec opus esset, ut leges
 Rebus publicis figerentur tanta cura, si
 opinio plus quandoque valere debe-
 ret aut favor contrahentium, quam
 ipsa veritas. *l. 1 §. qui putat. ff. de acq.
 hered. & Innoc. C. fin. de rescript.* Christus
 ait: Non iudicate secundū adspēctum,
 sed iustum iudicare iudicium, *Ioh. 7,
 vers. 24.* Quod si nequidem secun-
 dum

dum adspectum quidquam sit iudicandum, quomodo iuxta opinionem, licet ea sit communis admodum, quidquam determinandum erit? Fallit igitur sententia Dd. & fallitur, qua docetur, quod opinio, quam nutrit consuetudo, sit servanda. *Decian. conf. 6, num. 13, cont. 2.* Non enim tam eius, quod communis consensus opinio & auctoritas fovet, quam veritatis ubique tenenda sunt vestigia; quum neque ex metu veritas sit reticenda. Recte igitur suos opiniaistros exagitat cum Fichardo Knichius ille in *lib. de vestiturar. passionib. part. 1, cap. 3, num. 164, & seqq.* ubi egregie demonstrat, quod saepissime gravissimi errores sub praetextu communis opinionis lateant. quam ita quoque rejicit pluribus, dicens: Regulam hanc postquam animadvertit Fichardus non receptam solum ab omnibus, sed etiam canonisatam; confugit eo, ut adserat communem opinionem saepissime erroris convinci, & à vero quandoque longe abesse; Vnde & hanc sub incudem veritatis revocandam putat, *num. 4. & seqq.* Quod sane & nos non imus inficias: Siquidem Pythagorici contenti & securi auctoritate praeceptoris, etià sine ratione quid affirmantis, iam olim à Cicerone & eruditis irrisi sunt.

Feder.

Feder. Scot. resp. 32, num. 5, lib. 5. & *eleganter resp.* 21, num. 6, lib. 6, tit. 1. *Ioseph. de rustic. an & quando lib. in condit. positi. voc. cap.* 2, num. 55, cum seqq. lib. 1. Ita etiam irridendi sunt Communopiniſtæ, apud quos, & quidem ignorantes, magnum verbum est, dicere, *Hæc est communis opinio. ex Rip. & Caroc. Ioseph. Ludov. decis.* 28, num. 75, &c. Auctoritas itaque Dd. etiam popularis & recepta non prævalet sententiæ melioribus suffultæ rationibus; quo casu contra communem opinionem & consulere & iudicare possumus & obstringimur. l. 1, §. *sed neque. C. de vet. iur. enuel. c. Capellan. v. subtil. rat. de feriis. Soc. iur. conf.* 158, num. 72, vol. 2. *Barb. conf.* 18, num. 23, fol. 676, vol. 1. *Steph. Bertram. conf.* 171, num. 15, vol. 3. *Surd. conf.* 294, num. 29. *Fab. Turret. conf.* 6, num. 37, lib. 1. *Decian resp.* 83, num. 34, vol. 4. *Franc. Viv. decis.* 402, num. 3, & *decis.* 440, num. 15, lib. 3. *Paul. de Mont. Pich. conf.* 1, num. 33. *Schard. de Feud. p.* 9, cap. 7, num. 95, t. 1. *Ioan. Bapt. Merhef. commiss.* 6, cap. 2, num. 29, f. 192, p. 1. *Petr. Dom Magd. de num. test. in testam. requis. cap.* 16, num. 14, & 15, par. 1. ubi infinitos colligit. Sic passim in iure nostro sententia eorum,

qui validioribus niterentur rationibus, semper comprobata fuit. §. 1. *Inst. quib. mod. tut. fid.* §. item *pret. de empt. & vend. l. fin. de contrab. empt. l. 1. C. de sent. pass. l. si quis te C. de condict. indeb. cum sim.* Horum itaque adminiculo Dd. auctoritas vilescit, caditque. *Soc. iur. cons. 1, num. 144, vol. 1.* praesertim concurrentibus qualitatibus egregie. *Id. Soc. cons. 83, num. 28, vol. 3.* Vnde contra communem opinionem pro veritate saepissime consuluerunt maiores nostri, *inquit idem, cons. 4. num. 21, vol. 4.* Expendendum igitur, quibus fundamentis Fichardus destruat communem opinionem. Pinellus enim aut omnino aut funditus evertendas esse receptas sententias, aut relinquendas intactas, dicere solitus fuit. *Garz. de expens. cap. 10, num. 22.* Haecenus Knichius, qui cum aliis syncerioribus Iuris Opinialtorum pertinaciae indignatur merito, si veritati, quae simplicitate gaudet, & eius amica unica est, cedere nolint. *C. veritatis, de iureiurand.* Vnde recte dicitur, quod speciem falsitatis committat, qui veritatem occultare conetur. *l. presbyteri. C. de Epis. & cler. quum praestigiaras subtilitates vincat omnes. Acad. Ingolst. cons. 24. num. 57. tom. 5. nec fucum quaerit verborum, Coras. l. stipulatio.*

num.

num. 3, ff. de verb. oblig. velut sincera
 esse debet, nec involuta. C. à nobis. de
 sent. excom. Quippe veritatem qui se-
 quitur, Deum sequitur. c. quisquis 11,
 q 3. Nec clarius habetur, nisi ex ver-
 bo Dei. Verbum enim ruum est veri-
 tas, ait David in *Psal.* 119. &, Lucerna
 pedum. Proinde merito in tenebris
 ambulant suis, & frustra tot undequa-
 que cogunt colliguntque argutias, qui
 nulla in re, sive externa sive interna,
 absque spiritus Iehovæ ductu & verbi
 cœlestis dictamine quidquam sapere
 cupiunt. Namque, nisi quis indivi-
 duam habeat comitem, ait *Chockier. in*
thes. pol. lib. 2. c. 22, atque sociam, ve-
 ram illam sapientiam, quæ non aliun-
 de, quam à Prudentia illa incorrupti-
 bili quæritur, vana erit & infelix
 omnis humana undecunque quæsitā
 prudentia. Etenim Deus dat mortali-
 bus sapientiam, & ex ore eius pruden-
 tia & scientia. *Proverb. 2.* Apud
 ipsum est sapientia & fortitudo: ipse
 habet consilium, & intelligentiam.
Iob. 11. Hinc virtutum omnium
 sumitur manifesta cognitio; hinc
 sapientia sapore veritatis conditur.
Castiodorus 6. variarum epistolarum 19.

Membrum I I. Verbum Iehova
minime à politicis negotiis separandum, quum unice veras ijs supponat conclusiones.

Quid multa? Ut omnis opinio erroris gignit; ita diſterium Græcorum non inſcite id comprobat, quando dicunt, *Η δόξα βιάζεται & ἀλήθεια*, *Opinio vim inferit veritati.* Quippe omnes inventiones ingenii humani, quæ non in vitæ actionibus nituntur fundamento Verbi cœlestis, in suas abeunt vanitates & crimina, nec tangunt ea, quæ voluntati divinæ conformitatem apponant; sed homo suis se involvit subinde tricus, nec pervenit ad scopum veritatis iustum. Proinde non mirum est, quod in tot falsitatum anfractus incidunt Politici illi, qui, contemptis sacræ Scripturæ principiis, se Christianismum quam optime profanis in politica sua axiomatibus illustrare putant; quum tamen falsa eiusmodi rerum & verborum axiomata sæpius insipientem reddant, qui vel prudentissimum se somniat. Maxime autem hoc contingit, quoties in scopulos principiorum impingunt; ubi ut plurimum impii evadunt, quum tamen

se

se omnino pios venditent. Accidisse hoc illis video, qui absque penitioris cognitione & veritatis exploratione solida tam furiose in Rempublicam Platonis invehuntur, & propterea quoque nimis acriter eius defensores vel adstipulatores perstringunt calumniis, inversionibus, cavillationibusque satis absurdis & inhonestis. Si quis fortem calumniatorem agere dedita opera velit, is quoque ipse Iehovæ sacrosancta eloquia carpere in omnibus non verebitur; ac facile inveniet, quod in ipsa oratione Dominica, in qua omnis Christianismi thesaurus tamen later, convellere queat. Frustra omnes id impugnant, quod non intelligunt. Veluti certe Plato longe diviniora disquirat, quam pseudophilosophi illi terminales, qui nudis vaniloquentiis omnem suam paganicam venditant sapientiam, assequi possint: imo tametsi multoties eum relegant, quum tot præconceptis opinionibus nugarum repleti sint, non valent tamen quidquam eorum vere percipere quæ in fundamentis Plato attingit; sicuti etiam recte hoc statuit ille Politicorum antesignanus Bodinus, quod Stagiteneses sectatores magis contumelia verborum illum lacerent, quam sinceri quid ex eius hauriant fontibus;

quum mentem à proprio illius genio
 prorsus alienam ipsi affingant. Sed
 moribus suis ita innutriti sunt omnes,
 qui potius gloriam sui intendunt,
 quam ut veracognoscere satagant. Pla-
 tonis quidem rempublicam, *lib. 2. de*
rep. cap. 1, p. 285, nec aristocratiam
 nec democratiam, esse ait; sed ex utra-
 - que mixtam appellat *πολιτείαν*. At
 veteres Academici tradunt, id, quod
 re ipsa compertum habemus, Aristote-
 lem Platonis sententias aliter, atque
 scripssisset, protulisse; atque etiam de
 industria (N. B.) obscuritatem rebus
 perspicuis attulisse. quo fit, ut, qui
 ex Aristotelis opinione Platonis sen-
 tentiam metiuntur, sapissime tum
 alios, tum seipso fallant, &c. Pro-
 prium hoc est vitium eorum omnium,
 qui nimia gloriae inanis ambitione
 fervent & turgent, ut etiam recte di-
 cta factaque nimia vehementia per-
 stringant, quo vana in distinctionum
 & confusionum eruditione tanto sub-
 tiliores suis asseclis videantur. Sunt
 quidem varii, qui satis graviter Mar-
 tium Ficinum, Cypræum, Cornelium
 Agrippam, Mirandulanum, Ramum,
 & alios saniores, in hoc culpare au-
 sint; ex omnibus tamen ferventissi-
 mum sese exeruit ante aliquot annos
 auctor Relectionis politicæ; qui sam-

mo studio præ reliquis id agere videtur, ut inversionis & contradictionis vanæ palmam cunctis præripiat. Scandalum igitur quum multi eruditionis veræ cupidi inde sumpserint, quod tam studiose veritas dilucida supprimatur, ipse candor necessitatem cuique bono hanc imponit, ut, quicquid sit tricarum, non nihil clementius dissolvatur: quod etiam nos pro nata occasione in his perfunctorie aliquo modo perficiemus, ne patrociniū iustum veritati denegasse videamur, ubi opus fuit. Etenim ad veritatem promovendam omnes tenentur mortales, quotquot ingenuitatis alicuius cultu gaudemus. Veritatem enim non libere pronuncians, proditor veritatis dicitur, *cap. 11, quæst. 3. C. nolite timere.* Ac veritas quum non defenditur, opprimitur. *c. error. 83. dist.* Vnde & mortaliter eum peccare affirmatur, qui veritatem occultet. *C. quicquid 11, quæst. 3.*

Membrum III. *Summaria Societatis enumeratio.*

Ne igitur nobis idem accidat, quod iis, qui in primo limine aberrant, ut eo longius à scopo devient, quo ma-

iori passu pergunt in sylva progrediendo : id nonnihil luculentius explicatum dabimus, quid inter societatem, collegium ; & universitatem, &c. ex quibus primitus, tanquam ex causis originariis, respublica conflatur, interfit, & quid proprie in suo determinent ambitu : unde quævis contraria opinio per se evanescet, aut conticescere cogetur.

Inter omnes autem, qui hodie politica conscribere themata aut systemata, nemo est, qui rem acu rectius & concisus tangat, quam Christophorus Besoldus in *polit. sua, cap. 12, §. 2.* & Schonbornerus, *lib. 1, cap. 4.* ubi sic eorum se habent verba : Quemadmodum ex personis familiæ, collegia, pagi, municipia : sic ex rebus immobilibus, earumque universitate, territorium : Et denique ex his omnibus civitas sive respublica constituitur. De quibus singulis breviter aliquid dicendum erit.

Simplices societates (*γαμικὴ* nempe, *πατρικὴ*, & *δυναστικὴ*) si adunentur, societates exurgunt ortæ : quæ vel sunt particulares, & cœtus paucorum ; vel universitas, Particularis societas, familiam, & synagogam seu sodalitatem, quæ proprie & magis communiter collegium dicitur, complectitur.

Schon-

Schonbornerus autem ita rem eandem proponit : Dixi, naturaliter homini esse inditum, ut simili cohabitaret : Nunc videndum, quomodo certis gradibus Societas illa creverit. Primo omnium sola fuit maritalis conjunctio: deinde tora domestica societas coaluit : ex illa integræ familiæ gentilitiæ ; quibus extraneæ accesserunt. sic ut distinctis locis habitantes, primo vicos, deinde pagos, post oppida, & urbes, denique provincias & regna constituerent. Vicus est communio ex paucioribus domibus collecta: pagus ex pluribus : Ex multis vero pagis oritur civitas, in uno loco collecta, & commoditatibus maioribus ac ampliori securitate instructa & munita. Ex pagis & urbibus longo intervallo inter se distitis constat districtus sive territorium. Sic & Danæus, in *pol. Chr. lib. 1, c. 3, pag. 23*, eadem prope habet; quæ facilioris cognitionis gratia, & ut inde quoque eorum demum, qui servitutem maxime naturalem faciunt, crassissimus patefeat error, paulo fusius per species & exempla deducendo explicabimus, ut factis credant, si nolint alteri alicui evidentia adhibere fidem.

Membrum I V. *Plenior Societatis & solidior explicatio.*

Socii putandi sunt, quos inter res communicantur, ait *Cic. 5. act. in Verr.* Item: Tecti ad alios esse possumus: Socium vero si metuimus, ius officii laedimus. Vnde maiores eum, qui socium fefellisset, in vltorum bonorum numero non putarunt haberi oportere, *pro Rosc. Amer.* Adeo enim amabile atque amicabile nomen est Latinis Socius, ut individuae fortunae comitem, quem omnis facultatis, incepti, laboris, & periculi nostri participem facimus, denotet. Proinde *Sociare* pro *Adiuvare* dixit Iustinus, in 1. *epist. Dig. praposita.* Atque hinc est quod Societas ita late accipiat a Ictis, ut alia publica, alia privata illis sit. *Florent. in l. 3. de iust. & iur. Vultei, ad pr. Inst. num. 3, & 4. Heig. num. 2, 3, 4. Man. par. 4, dist. 4, num. 3, & consil. 5, num. 1.* Quae tamen rectius in naturalem & civilem sive congregativam dividitur. Naturalis iterum vel communis & communiter ita accepta est, vel privata (ut Ictorum verbum retineamus) sive magis propria est & conventionalis. Naturalis communis, quam alias Icti improprie publicam faciunt,

faciunt, ea est, quam natura inter omnes homines constituit, ut nihil aliud sit, quam naturalis omnium hominum cognatio. Vnde egregie potest ostendi, quomodo propter communicationem rerum introducti sint omnes contractus, omnia commercia, omnesque actiones, ac totius iuris sanctio, quæ non alio spectare debet, quam ad conservandam inter homines naturæ societatem. Vnde etiam merito & rectius Naturalis Societas dicitur; cuius conventio inter omnes mortaliū functiones ad naturalem illam charitatem proxime accedit. Illa etenim exprimit typum cognationis inter nos, quam Deus inter nos constituit, ut res nostras alter alteri gratis communicemus, nihilque proprium existimemus: sed esse *κοινὰ τὰ ἡμῶν πάντα*. *Briss. & Schar. in lex. ad verb. h. 501.* Qualem societatis communionem maxime in sua experit & requirit republica summus ille sapientum Ethnicorum Plato; quicquid hęc calumniose in eius discursibus de rep. & II. taxare conantur inverfores bonæ mentis, aut inter eos quispiam luscus sive myops, cum naso crispante. Non enim optimus ille philosophorum tam absurdus fuit, uti cavillatores eiusmodi ipsum sibi somniant; quum omnia.

omnia ex mutuo amore in publicam salutem profluere & devolvi cupiat, ut harmonicus ille membrorum omnium consensus corpus solidum integre suis partibus constans constituat; uti mox in sequenti aliquo capite patefcet. Quo nomine etiam recte Ficinus præ cunctis aliis hanc formam regiminis commendat, quod omnes partes quasi fraterno amore in ea cohærere videantur, quasi imitamen singulare Christianismi syncerioris heic nobis præfigurare voluerit.

Membrum V. *De Societate privata.*

Privata seu potius propria & conventionem submixta, iterum duplex est; bonorum scilicet vel vitæ. Illa non plena, sed limitata & ad bona restricta est: Hæc vero plenior ad vitam & quæcunque ad illam necessaria. *Alth. in dicaol. lib. 2, cap. 48, num. 3.* Conventionalis proinde hæc bonorum (quæ sic iam propter modo dicta sequatur) societas est, quæ civili hominum auctoritate in quandam contractus formulam producta gignitur, imitatione communis aut naturalis societatis: ut, quum duo pluresve sic contrahunt, ut lucrum & damnum inter

inter eos commune sit, de una re, aut negotiatione, vel de omnibus bonis presentibus & futuris, ut quæstus aut damnum ad unumquemque eorum communiter pertineat. Quam Græci *κοινωνία* vocant. Et hæc societas conventionalis, seu contractus bonæ fidei est, dicitur. Hinc differunt quoque in iure, *societas, communio, & consortes fratres*. Namque hi proprie sunt fratres cohæredes, de quibus Cuiac. 5, *obs. cap. 10*. Communio autem fit sine contractu, ut est inter cohæredes & collegatarios; quæ quasi contractus est. vulgo *Gemeinschaft* §. *item. Inst. de obl. quæ ex quæst. cont. nas.* Cuiacius, 10, *obs. 25*, vocat illam necessariam. Ast societas hæc & socii non fiunt nisi interposita conventionione; unde etiam Voluntariam Cuiacius, *ibidem*, dicit. Societas igitur bonorum quæ sit, ex his ita dictis sat constat. ubi tamen notandum, quod in eo contractu duplex se exerat obligatio, ad quam socius socio obstringatur, ut prior sit de communicatione, altera de separatione rerum communium. l. 67. l. 74, & seqq. l. 4, §. 1, l. 14 l. 63. ff. *pro socio*. de quibus alibi.

Vitæ autem societas est, qua *συμ-
κίσις* contrahitur, & res, operæ, mini-
steria ad symbioticam conversatio-
nem

nem sive cohabitationem illam conservandam conferuntur à sociis. Hæc societas iterum vel est domestica simplex, aut publice orta. Simplex ista, quæ & privata nunc rectius, *iuxta Ath. d. lib. 1. cap. 79, num. 2*, quam antea, dicitur, est, qua inter quasdam certas personas domestica *συμμίσις* contrahitur: Estque vel coniugalis, vel familiaris.

Membrum VI. De Societate Coniugali.

Coniugalis societas rursus aut primaria est & principalis, aut proxime consecutiva. Illa est, quæ inter maritum & feminam contrahitur, de mutuo coniugii officio præstando, & coniunctione in unam carnem pro generatione soboli, *Gen. 2, v. 23. 1 Cor. 7, vers. 4, 5*. Vocatur matrimonium, consociatio, 1 *Esra 10, v. 14*. ætissima coniunctio duorum, & vinculum, *Matth. 19, v. 5*. consortium vitæ, *l. 1, ff. de rit. nupt. fœdus, Prov. 2, vers. 17. Malach. 2, vers. 14*. itopice etiam nuptiæ, contubernium, connubium, totus iugalis, &c. *Donel. lib. 13. Com. cap. 18, 20, & 21*. Quæ vero & quales aut cuius conditionis personæ hæc, quæ contractum hunc inire queant

iuxta

iuxta dispositionem legis divinæ & civilis, esse debeant, unde coniugium legitimum aut illegitimum pronuntiatur: id suo loco docetur: non id iam huc pertinet. Saltem hoc constet, quod marito potestas in uxorem iure divino, naturæ, & positivo compe-
 rat: quum non tantum in statu primo, marito mulier, ut capiti, subiecta fuerit; sed etiam ratione originis. Tinctura ignis in viro, in fœmina vero aquæ Tinctura manifesta sit, ut superius ex Teutonico annotatum est. Unde etiam naturalis amor, Tinctura ignis sui succensus, aqueam illam generationis sociam ardentem appetit. Veluti quoque post lapsum inde maledictio, mariti dominationi subdidit uxorem. *Gen. 3, vers. 16.* Attamen maritus sive paterfamilias in se imaginem & similitudinem habet non tam Regis, quam civis & consocii potius. *Kecker. disp. pract. 28, prebl. 8.* unde & verbum *dominus* à nomine *domus* Henr. Alstedius deducit in *lex. theol. f. 115*, quod in unius domus cohabitatione amabile hoc dominium exercere debeant. Et quia nullum imperium sine potestate cogendi existit; facile inde colligitur, quod viris quoque facultas concessa sit vel invitas in ordinem redigendi. Ast tyrannicum est,

est, si ius vitæ & necis in has sibi velint sumere austeri; velut apud quasdam gentes in usu fuisse Forsterus, in *hist. Rom. ad l. Romuli* 5, refert, & *Lyclam. 7, cap. 27*. Namque vir non aliud sibi ius, nec vel per naturam (si ad fontem verum huius coniunctionis maritalis recurramus) in coniugem suam vindicare potest, quam ipse status originarius in paritate concedit. Quippe, quum homo ante lapsum utramque ignis & luminis Tincturam in sese contineret, atque ita esset (iuxta Teutonicum) creatus, ut viveret in virgineo perfectionis statu, atque inde in sese suum reflecteret sanctum amorem, qui magicum ipsi exinde ederet partum, ipse vero imaginatione sua se ad terrenam animalitatem ex vero & sancto amore Iehovæ converteret, & penitus à Iehova recederet: in hanc sui incidit ita diremptionem, amissa penitus imagine Dei, ut diviso nunc iure in generatione & conservatione sui generis uti cogatur, quum animale regnum cum vita tali pro cœlesti sortitus sit. Factus itaque est in compare sui ipsius alter compos. Unde duo nunc in carne una esse debent, nec in sese mutuo sœvire: velut sancto id inculcat Sacra Scriptura, quod nemo propriam suam carnem odio unquam

quam habuerit. *Ephes. 5.* Nam Deus ipse inter Adamum & Evam, primum illud societatis humanæ vinculum instituit. *Gen. 2, v. 18. Dan. in pol. Chr. lib. 1. cap. 3.* Ex quibus facile convincitur, quam frustraneus sit ille auctor *in relect. suis polit. lib. 1, sect. 4.* ubi decisionem suam interponit vanam & inutilem inter ICtos, qui potius ex iure naturali quam ex iure gentium matrimonium descendere volunt: & ipse tamen decernat pro more, quam animalia bruta, suæ libidini relictæ, nullius honesti, sed utilitatis tantum, rationem in instinctu naturali habeant, & ab honestate aliena sint, quod à iure naturæ minus id derivari queat. Verba eius sunt: Proinde, ait, matrimonium proprie acceptum, pro eo, quod vocabulum præ se fert, seu pro legitima iustave maris & fœminæ coniunctione, ex iure gentium derivandum est. *cum Paul. Castrens.* quoniam consensus, in quo consistit essentia matrimonii, *l. nuptias. de R. 1.* ex iure gentium traducitur *c. tuæ fraternit. de sponsal. in. 6.* Solus autem instinctus, qui libidinis nomine in brutis à Cicerone indigitatus fuit, communis est homini & brutis, &c. An sano satis iudicii modo Relectiones tales relectæ sint, vix homo vere Christianus, cui potior est sacræ

Scripturae quam profanorum aucto-
rum dignitas, mecum credat. Etenim
ubi tunc ullum reperiri potuit ius gen-
tium, quum Adam cum sua Eva esset
solus, & non tantum ex sopore resusci-
tatus conditam ex se Evam agnosceret;
sed etiam confestim in eius coniun-
ctionem à Iehova oblatam consenti-
ret? An non dicebat; Hac demum vice
adeſt os ex ossibus meis, & caro ex
carne mea: Hac vocabitur vira, eo
quod ex viro desumpta est. Idcirco re-
licturus est vir patrem suum & ma-
trem suam, & adhærebit uxori suæ,
&c. & erunt in carne una. *Gen. 2, vers.*
23, & 24. Tantus fuit Adami consen-
sus, & ex eo omnium posterorum,
quum infra natura utriusque & in-
ter se diremptæ Tincturæ id ita exigat,
& homini ex generationis virtute &
necessitate imperet, consensumque
hunc imprimat. Mirum igitur, quod
ICTi penitus rem ponderando intro-
spexerint, quam Medici tales, qui ta-
men naturæ indagatores se semper
fortes & adſidui proclamant. Sed
queinam ex falsis principiis Stagiren-
ſium quis vera agnoscat, quum in
erroribus ſuis vix Tincturæ nomen ad-
mittant? Sic etiam egregie idem non
tantum fallitur eodem in loco, sed
quoque ſibi contradictorius eſt, dum
brutis

brutis omne ius adimit ex auctoritate Ciceronis, quum ratione & oratione careant: & tamen, *cap. 1, sect. undec. num. 20*, confiretur ex Seneca, Quod feræ quoque ipsæ Veneris evitent nefas, generisque leges inscius servet pudor. Vnde constat, quod feræ turpis & honesti discrimine non adeo destitutæ sint, ut ille, contra Galenum suum in *princ. Exhort. ad disc. art.*, statuit. Quin ipse, ex *hist. animal. Arist. 9, cap. 47. Elian. lib. 4, & 5. histor. animal. Plin. lib. 8, cap. 42. Nic. Lyra in Matth. cap. 19*, aliquot exemplis comprobat; ac, iis recensitis in zelo camelorum & elephantorum, in equo Scythico, & alio, cuius Iob. Lupus in *tract. de matribus*, meminit, qui genitalia sibi morsu abruerit, luiturus in ea parte poenam, quæ peccaverat; tandem hæc verba expresse addit: Fluxit igitur in generalioribus animalibus facula quædam eius iuris, quod expolire & ad perfectionem suam deducere debuisset humana ratio, nisi infra brutorum conditionem degenerasset, &c. Conciliet iam quis dicta, & videat, quomodo hæc convenient inter sese, quod nihil iuris cadat in bruta, & tamen faculam iuris simul ipsis adscribere propter carentiam rationis non vereatur. *Nihil &*

aliquid simul eidem inesse, nescio sane quomodo hæc inter se conveniant, nisi si novus sit modus, & forte Stagirensis. Rectius longe Galenus sentit, qui in dict. lib. rationem ita reconditam in animalibus adferit, ut etiam ex natura artes quasdam callere rite statuat. Velut quoque omnium Medicorum antesignanus ille Crollius luculenter id in libello suo de Signaturis internis rerum demonstrat, quod homines quam plurimas suas signaturas vitiorum & virtutum multarum ex ipsis animalibus sumpserint. pag. 75. & 78. uti simul illustre exemplum castitatis, fidei, & constantis amoris conjugalis, in palumbis & columbis proponit. ubi ex Æliano adseverat, quod mas & fœmina, tanquam nuptiis alligati, mutua consensione adeo stabili, certo connubio per summam castimoniam adhærescant, ut neuter alienum cubile attingat: si impudico amore capti, ad alienam uxorem oculos adiecerint, quod eos reliqui circumfidentes discerpant, & fœminæ fœminas, &c. ut animalia inter se quoque lingua propria uti clarum sit, quamvis non articulata voce, ut homines, eam exprimant. quod idem in ciconiis verum esse, nobis certus nuper retulit amicus, & naturæ ad modum Crollii acutus
inda-

indagator. unde merito in pudorem sui coniicit Spinæus homines ex meliori brutorum informatione. *lib. de strang. animi*. Tanti est, ex opinione vel affectibus quid iudicare, & Naturæ ignorasse arcana, quæ sane cunctos latent, nisi mature aniles terminorum opiniones exuant, & ad verum philosophandi modum, cum Theophrasto se recipiant. Sic longe aliud est, quod coniugio ex iure gentium adhæret, quam iste putat: de quo suo loco. Sed hæc de societate coniugali primaria monuisse sufficiant.

Sequitur nunc secundaria, sive ex antecedentis sine principali orta societas, quæ propagationis intuitu ita ex coniunctione mariti & uxoris exurgit, ut *συγγένειαν* cum liberis procreet parentibus.

Membrum VII. De societate paterna & filiali, & utriusque officio.

Quum maritale coniugium (*als Befold. in pol. 5, d. l. 9. 2.*) sic natura sic comparatum, ut humano generi perpetuitatem largiatur, & ex filiorum procreatione iugiter mancant genera renovata, Dei clementia, quantum

possibile est, immortalitatem donante naturæ : recte parentibus hoc incumbit, ut in hac societate regia sui sint officii memores Naturalissimum quidem est, sibi simile procreare; sed non tantum eo reverenter utendum, (*Lemn. 1, de mirac. nat. cap. 3,*) ut in ipso matrimonio castitas sit observanda; verum etiam sedula educationis & paterni imperii aut officii cura ubique tenenda est, atque ita exemplariter vitæ sanctimonia conservanda, ut liberi nusquam scandalum accipiant. Vnde vñ, ait *Christus*, qui uni ex istis pusillis scandalo erit; rectius foret, ut in profundum maris appenso ad collum eius molari lapide submergeretur. *Matth. 18.* Parentes enim sunt, à quibus liberi nati sunt secundum Dei dispositionem vitam, & sustentantur, ac quibus liberi vicissim debita obedientia obstricti teneantur. Liberi vero sunt, qui omnia naturalia accepta parentibus ferre, iisque debitam observantiam in pietate vera præstare debent. Parentum igitur nomen tam sanctum est, ut simul dominium aliquod includat in liberos, determinetque potestatem quandam, quam patriam *Latini* dicunt. Ac licet ipse amor ex natura sanguinis insitus limites satis constituat, quomodo parentes

rentes cum liberis suis conversari, eos alere atque defendere debeant, veluti non datur amor ferventior & solidior quam parentum in liberos, quum ii sint pars parentum, ut *velle Imper. Just. exclamat, l. ult. in pr. C. de cur. furios.* : quis talis affectus extraneus inveniat, ut vincat paternum? Et è contra, quum neque filium patre meliorem amicum invenire posse, aiat gloss. in *l. quidam. ff. de hered. inst.* : tamen, quum natura hominis adeo sit depravata, ut naturali huic storgæ aut ignorantia aut effervescentia sæpius maxima creent incommoda, adeo; ut prope eam extinguat, ideo ipsi tantum parentibus quam liberis toties ad sua recurrendum erit officia. Sæpius enim accidit, ut ita modum superet vindictæ; & velut amor paternus conjugalem longe excedit, ita fit quoque, ut ex summo amore summum nascatur odium; velut & secundo nubentes plerumque obliviscuntur liberorum & propriis in eos muneris. Officium autem utriusque partis in mutuo consistit iuris debito. A parte parentum alii id triplex, alii quadruplex alii quintuplex faciunt, prout quinque principalia dicunt considerari in homine libero; ut sunt, bona quæ possidet, operæ, corpus, libertas, &

vita. Verum rectius hæc ad tria ab aliis retrahuntur puncta; non ut Stagirensis vult, qui ad generationem, nutritionem, & institutionem omnia adstringit; quum ex generatione iam liberi in lucem sint editi, & ad ampliora vitæ necessaria hæc sint extendenda. Consistit itaque munus parentum proprie in educando, defendendo & imperando. Primum officium iterum triplex rite statuitur; in educatione naturali, quod alimenta postulat; morali, ut bene vivat; & spirituali, ut religiose vivat, & pie educetur, nec minus pro iisdem preces effundantur. Secundum est defensionis, quod dilectionem & evitacionem scandali requirit. Tertium est imperii, quod correctionem, elocationem, & procuracionem necessariorum rerum aut patrimonii exigit. Proinde imperium hoc nequaquam est absolutum, sed certis suis cancellis circumscriptum viget. Solus enim Deus absolutum habet imperium, quum lex inferior merito cedat superiori; ceu Deo semper magis obediendum est quam hominibus. Vnde non competit parenti ius vitæ & necis in liberos, ut barbarorum mos fert. Non etenim in atrocitate, sed pietate & humanitate consistit patria potestas. *l. 2. ff. ad l. Corn. de Sic.*

Sed nuspiam rectius quid hac de re,
 quam in ipsa sacra Scriptura legitur,
 quæ omnes huius officii partes absolu-
 te satis depinxit. *Sic quomodo erudiendi
 sint liberi, habetur in Exodo & Deutero-
 nomio. Prover. 13, 24. & 19, 18. &
 29, vers. 15, 17. Hebr. 12, vers. 8, 9.
 Exemplis Iacobi, Genes. 33, 5. Iosephi, 48,
 9. & passim. Quomodo diligendi, Ge-
 nes. 42, vers. 36, 37. 2 Sam. 12, vers. 16,
 17. 1 Reg. 3, 26. Tob. 5, 23. & 10.
 vers. 1, 2. & c. Quomodo in pietate infor-
 mandi. Exod. 12, 27. & 13, 8, & c. Deut.
 4, 10. & 6, 7, 20. & 11, 19. & 32, 46.
 Ios. 4, 6, 7. 21, 22. & 22, 24. Psal. 78, 4,
 5, 6. Esa. 38, 9. Ios. 1, 3. Ephes. 6, 4.
 Quomodo corrigendi, 1 Sam. 3, 13. Pro-
 verb. 13, 24. & 23, 23. & 29, 17. Hebr.
 12, 7. Coloss. 3, 21, & c. Possent heic
 quam plurima de profana educatione
 filiorum Christianorum, qua non si-
 ne gravissimo æternæ salutis periculo
 tam studiose in Ethnicissimum abri-
 piuntur, monerier, atque simul de-
 monstrari, quam detestabile malum
 sibi parentes cocilient, & ex amo-
 re Iehovæ ac pietate vera se exclu-
 dant ipsos: ex quo fons omnium cor-
 ruptelarum, calamitarum, & malo-
 rum in mundum horribilis profluit.
 verum, quum calamitas hæc epide-
 mica maior sit, quam ut paucis*

queat iam deplorari; & quoque hæc ad reformationem publicæ educationis pertineant; in his modo acquiescimus, & nos ad liberorum partes convertimus.

Officium autem è contra liberorum, quo parentibus adstricti naturali iure tenentur, maxime consistit in obsequioso honore iis exhibendo, ut ex decalogo facile constat. Honoris hoc verbum quidem breve est, sed tam multa in sese complectitur, ut omni amoris & obedientiæ fide vix id assequi possint liberi. Etenim eorum longe maior est obligatio & arctior, quam parentum, & tamen vix amor ita vivide adscendit cum gratitudine debita ad parentes. Nihilominus utrumque nomen, quo & filii & liberi dicuntur, qui ex nobis sunt nati, satis manifeste indicat, quo vinculo naturali adstricti heic teneantur. Veluti filios *ὡς υἱοὺς* sive amicitia non inscite dictos aliqui volunt; quum omnia mentis cogitata & cordis motus nihil aliud in filiis ostendere debeant, quam amabilem decentiam, & suavitatem, quibus parentes suos unice cum reverentia foveant. Nec minus inde liberi appellantur, quod in libertate paternæ affectionis acquiescere, & ipsi liberali ingenio præditi esse debeant,
omni

omni libertatis favore digni, si parentes fideli amore honorent: alias barbari sunt & servi, id est, barbaro & servili ingenio præditi, imo ἀμαρτυρία τῷ φύσει, hoc est, naturæ monstra appellandi sunt. Parentes enim maxime post Deum sunt honorandi. unde de honore Iehovæ, tabula prima; de honore autem parentum, tabula secunda statim in principio agit. Idcirco si eveniat, ut in eadem causa ad contraria vocentur, tum Deo magis quam parentibus obediendum est: sicuti etiam alias in omnibus officiis honestas limitem ponit, nec turpia mandata exaudienda sunt; quum nihil in præiudicium, Dei, iuris divini, & naturæ, torqueri possit aut debeat. Quod etiam in ipso Rege ita verum est. Nam licet Rex quidem sit Princeps Reipublicæ, tamen civis & subditus est naturæ, ac multo magis servus Iehovæ. Qui hoc ignorat, se omni imperio indignum reddit, & semetipsum hostem Dei, ac tyrannum sic declarat.

Sed quodnam filiorum erga parentes in cunctis officium sit, id quam optime verbum Dei explicat. *Genes.* 9, 23. & 22, vers. 7, & 27, 1. & 28, 7. & 37, vers. 14, 15. *Exod.* 20, 12. & 21, 17. *Levit.* 19, vers. 3, 32. & 20, 9. *Deut.*

Deut. 5, 16. & 21, vers. 15, 18. & 27, 16. Iud. 4, 1. 1 Sam. 2, vers. 11. 18. & 3, 1, 7. & 8, 1. & 18, 5. 1 Reg. 2, 10. 2 Reg. 2, 23. & 12, 2. & 22, 1. 2 Paralip. 34, 3. Eccl. 3, v. 1, 8. & 6, 18. & 7, 29. & 8, 7, 11. & 22, 3. & 23, 18. & 25, 10. & 32, 24. Tob. 4, 1. & 14, 5. Iob. 1, 4. & 8, 4. & 32, vers. 4, 6. Proverb. 1, 8. & 4, 1. & 6, 20. & 10, 1. & 13, 1. & 15, 20. & 19, 26. & 20, vers. 11, 20. & 22, 15. & 23, 19, 25. & 28, 24. & 30, 17. Ierem. 35, 16. Ezech. 22, 7. Matth. 4, 20. & 10, 35. & 15, 4. & 19, 19. Marc. 10, 19. Luc. 2, 4. & 18, 20. Act. 7, 14. & 22, 3. Ephes. 6, 1. Colos. 3, 20. 1 Tim. 5, 1. 1 Pet. 5, 5, &c.

Quamvis autem hæc & similia officia perpetua sint, & cum natura durent; cum ex eius iure profluant: tamen, quod patriam potestatem concernit domesticam, ea quinque modis expirat: morte, amissione civitatis, servitute, quæ mortuo adsimulat aliquem, emancipatione, & magistratus dignitate, quum rempublicam repræsentet. Alias violationi huius officii filialis, pro diversitate delicti, suæ destinatae sunt poenæ, utpote, maledicentes morte mori cogebantur. Exod. 21, v. 7. sic & parricidæ gravissimo supplicii genere mactabantur. Velut etiam in immorigeros apud Romanos

manos parentibus vitæ & necis potestas competebat. At hodie, si delictum est leve, parentibus castigatio incumbit; si gravius, exheredari possunt.

Membrum VIII. De Societate familia, & eius notatione.

Atque ita se habet coniugalis & paterfamilias Societas, siue consecutiva eius ex iure naturæ unice orta: sequitur nunc ea, quæ est de familia, & ius naturæ imitatur, vel æmulationem ipsi ad sociando annectit ex iure gentium. contrahiturque duplici modo: aut adoptione, aut conductione servorum vel ministrorum, quæ herilis dicitur.

Antequam autem de duabus istis speciebus societatis agamus, necesse est ut vocabulum familiæ, quomodo id accipiat, & ea quid sit, hoc loco recte explicemus. Famuli origo, inquit *Pomp. Festus*, ab Oscis dependet (populis Campaniæ,) apud quos servus *famel* nominabatur: unde & familia vocata. Addit & hoc: Famuletium dicebatur, quod nunc servitium. Ceu quoque *dehil* apud Ennium legi & *subril*, affirmat Taubmannus in *annot. suis ad Plaut. pag. 35*, ubi duplici modo id, *famel*, & *famil*, pronunciatum fuisse dicit. Vnde recte Alciat, *all. l. 195, ff. de V.S.*

V.S. secundum antiquam Oscorem locutionem, quidem familiae vocabulum à *familiari* derivat; attamen usum eius tam late Ictus Vlp. in d. l. extendit, ut sex significationes ipsi applicet, (quas ordine in *commentario suo* Goddæus explicat,) quum tam rebus in familia herciscunda, & corpori, possessorisque iuri, quam personis accommodetur. Ad personas autem nomen familiae relatum, quatuor sortitur significationes, ait *Godd.* Aut enim ad singulares personas dirigitur, aut ad plures. Si ad plures referatur, triplici id iterum fit ordine. Primo, quando ad liberas personas & servos sive mancipia pertinet; ubi simul corpora duplici modo exprimi, auctor est Goddæus. Namq; & servorum est familia; & ipsi servi sunt in familia. l. 40, §. *fin. ff. de V.S.* Deinde ad solas liberas personas refertur, quæ sub eiusdem potestate sunt naturali aut legitima. Demum ad universam agnatorum gentiliumque cognationem, seu ad omnes ex eadem domo & gente prodeuntes excurrit. Heic vero penultimam atque antepenultimam maxime retinemus in hac distinctione, quatenus partes integrantes herilis imperii in una domo patrifamilias personæ subiectæ constituuntur. Alias enim familia totum

rum

tum corpus unius domus, id est, caput cum suis membris collective complectitur; quum talis familia imaginem quandam reipublicæ privatæ repræsentet, & æque ac collegium per unum principalem conservetur: diciturque proinde societas mixta, & composita ex diversis membris; utpote quæ effectum primariæ & originalis societatis exprimit, si coniugialis societas tanquam simplex cum herili coniungatur. Ex quo patet, quantum illi aberrant in politices tractatione, qui exordium eius à familiæ declaratione, tanquam causæ explicatione sumunt: quum per naturam rerum fieri non possit, ut effectus producat causam; sed contra est, quum causa sit origo, ex qua resultet effectus. Quod ideo heic monetur, ut inde constet, quam duplici modo peccet & se præcipitet Arnisæus in suis *relect. pol. cap. 1, sect. 6*, dum tam temere Vlpianum in *d. l. 195*. perstringit, & methodi suæ rationem inutiliter deducit. Non una vice enim Vlpianum iniuria afficit, dum aliis persuadere conatur, quasi ille *d. l. 9. 3.* definitionem familiæ instituere voluerit, quum tamen nudam tantum significationis interpretationem in acceptione talis vocabuli indicare voluerit,

ut

ut ipse Godd. *d. l. n. 3*, satis manifeste id declarat. An indicatio significationis idem est quod definitio? Patrem-familias quidem paulo post definit, at non familiam. Deinde non candide cum ICto agit in eo, quod tantæ ignorantiae reum ipsum convincere laborer, quasi nesciverit inter materiam & formam distinguere, & personas loco depravati generis contra omnes bonæ definitionis leges posuerit: quum tamen de pluribus personis hanc significationem prædicet, quod unius potestati aut natura aut iure subiectæ sint. Quid vero aliud hoc est, quam si tales personas potestati unius subordinet, & loco subiecti habeat personas tanquam materiam, quibus forma potestatis unius sit superinducta? Quæso quid clarius à ICto potuit dici aut pronuciari? An non igitur ille potius sententiam Vlpiani depravata mente accipit, & diffamat? Tum quoque ICTus non enumerat partes huius significationis omnes, sed tantum exempli causa subnectit notationem patrisfamilias, matrisfamilias, &c. velut quoque expresse id innuit, dum adiicit verbum, *Et deinceps*. Quare in hoc etiam paulo iniquior est ICto, quasi definitionem latiore definitio protulerit. Simili modo frustra præoccupare stu-

det accusationem, qua illi potest obici, quod omnino contra bonæ methodi dispositionem egerit, effectum causæ præmittendo. Etenim causæ undique prior est effectus; velut ipse quidem confitetur, sed ramen oblique illud quod contrarie commisit, diluere studet in acceptione generali familiæ. Ait: Exurgit enim ex societatibus, tanquam ex partibus; quæ, dum conspirat in unum, producant novam societatem, reliquas omnes sub se complectentem. In quibus semetipsum captivum ducit, atque expresse declarat, quod totum hoc caput *De familiis in genere* non suo iusto collocatit ordine; quum familia ex societatibus tanquam ex partibus exurgat. Ergo societates merito priori loco ponuntur, quum effectum redolet familia, etiam secundum propriam eius confessionem. Nec quidquam ad rem facit, quod hunc errorem obtegere cupiat aut dissimulare nova societatis plenioris productione: quippe si unumquodque secundum causarum & principiorum rationem ordinari debet, ut eo rectius intellectui & rerum cognitioni inserviat; inconveniens est, si effectus causæ præponatur; quam tamen seriem se in his sequi ostendit. Simplex enim natura prius est suo

composito aut mixto. Et ipse confitetur, *sect. 5, num. 6*, quod origo nominis familiae comprehendat tantum famulos & servos, quæ tractatio anterior esse debuisset, tamen si *capite tertio, & in pol. syst. cap. 4*, eam postea subnectit: Longe rectius Timplerus, & Christianus Matthæus id præstiterunt; quorum hic iustum procedendi modum in simplicioribus explicandis à principio observavit quidem; sed alter adhuc perfectiori modo, & inter politicos scriptores omnium optime, rationes cognitionumque gradus, pro facilitate & doctrina, ordine tradidit, ut sit concinnam declarent connexionis seriem. Vnde *capite quarto* ad partes compositas populi (qui vere & proprie subiectum politicæ exhibet, non civitas, ut idem erratice cum aliis docet, & infra mox *cap. 5*, explicabitur plenius) partim familias, partim collegia refert. Alii nec inscite, secundum partes constituentes Rempublicam, ex quibus constat, doctrinam politicam disponunt. quumque sit potestas imperandi una, & altera subditorum aut parentium numerus; & ex capite rectius dignoscantur membra: eius methodi ductum in rora compositione sequuntur. *ceu ex Besoldi & Kirchneri disquisitionibus id ludulentius apparet.* Sed

hæc dictas ob rationes obiter inferere volumus, ut iuniores eiusmodi scopolos rectius evitare discant, ne illis multorum vaniloquentia quid imponat erroris. Iam redimus ad scopum, unde paulo ante digressi sumus; quum constet iam, quid per familiam hoc loco maxime intelligamus.

**Membrum IX. De Societate
herili, & eius potestate.**

Herilis autem societas, quæ inter dominum & servum intercedit, quum sit frequentior adoptione, merito eam præponimus; quum etiam tertium gradum iuxta communem opinionem in hac societatis necessitate, qua coniugium in conservatione sui indigere dicitur, mereatur; quum paterfamilias habere & possidere debeat, qui manus ipsi commodent. *Arn. lib. 1, rel. cap. 1, sect. 4, num. 12.*

Dominus igitur, est persona servis sive ministris imperans, in eosque potestatem exercens. Veluti inde dominatio, potestas cum iure imperandi iubendique dicitur, dominanti competens, cui ius alium regendum & defendendum subiecit. qui ideo dominus appellatur, servientis respectu, *l. 1, §. 1, l. 2, ff. de hi, qui sunt, & c. Exod.*
R 2 cap.

cap. 21, vers. 20. qui dominium in subiectum eiusque iura exercet: *Matth.* 18, 23, & *seqq.* 2 *Reg.* cap. 4, 1, 2, 3. *Exod.* 21, 7, 8. & 22, 4, 29. *Deut.* 15. *Levit.* 25, 39. *Genes.* 29, 18. & *seqq.* consistens in gubernatione & directione pia & fidelis; 1 *Pet.* 2, 13. cura & providentia pro subiecti bono & felicitate; *Rom.* 13, 4. 1 *Tim.* 5, 8. cum facultate inobedienti infligendi pœnam, coërcitionem, castigationem; *Proverb.* 20, 30. *tit. C. de emend. propinq.* 1. *Pet.* c. 2, 19, 20. *tit. ff. de pœn.* *Alth. pol. cap.* 1, num. 13, & *seqq.*

Potestas autem hæc, & talis quam homo in hominem sibi in regno itæ Dei arrogavit, duplex est: privata & publica. l. 215, de verb. sign. Potestas hæc publica quum ex universitatis & totius populi confluxu & eius iure exurgat, hac vice de ea iam non agemus; sed alius ipsi deputatus manet locus. Proinde nos ad alteram convertimus. Privata igitur potestas, quum ratione originis quoque prior sit, & publicæ imitamen, aut præfigurationem aliquam proponat, ea hoc loco attendi debet. Diciturque ea, quæ privatam dominantis privati utilitatem & onus respicit. Estque duplex: prima, quæ tribuit ius & potestatem in personam & rem eiusdem: altera, quæ tantum

ius

ius in personam. Priorem rursus domesticam vel administratorem rite facit Alth. *in dic. lib. 1, cap. 27, num. 5*. Domestica est, quam Princeps & caput familiae habet in personas domesticas familiae, cui praest. *1. Tim. 5, v. 8. Prov. 27, 23. l. 195. & l. 196, ff. de V. sig.* Dicitur potestas familiae, *l. 10. C. de suis & leg. h.* habetque sua commoda & onera in praestandis alimentis. Haec vero iterum vel plena vel minus plena est, respectu absoluti alicuius dominii. Ista autem, quae in moderamine aliquo iuris & aequitatis consistit, eiusmodi est usus personarum domesticarum, ut iuxta conductionis modum herus sive paterfamilias earum obsequio & operis utatur cum quodam iure proprietatis. *Inst. de noxal. act. l. 1, §. 1, de rei vind.* Obsequia consistunt in obedientia, exhibitione honoris, in reverentia, observantia & pietate, &c. *Eph. 6, 5, & seqq. 1. Tim. 6, 1, 2. Coloss. 3, 2, 3, &c.* Opera vero consistunt in servitiis & ministeriis praestandis, &c. Unde dominus, tanquam onus, pro modo facultatum, eos, quos ita conduxit, alere tenetur, disciplina domestica regere, & nomen familiae ac ius civitatis suae cum defensione communicare. *l. 19, ff. de stat. hom. Genes. cap. 30, 4, 5, &c.* Continet autem haec mi-

nus plena potestas iterum in sese ius herile siue patrisfamilias, & ius patronatus.

Membrum X. De iure patrisfamilias & patronatus.

Ius enim siue potestas herilis, siue patrisfamilias, in eo maxime differt à iure patroni, quod illud sit generalius, & conductione locatione consistat, atque circumscriptum tempus habeat, quo omnis generis homines pro usu loci & facultatis quid conducere possint, & pro operis praestitis tunc teneatur paterfamilias solvere mercedem aut precium, quod inter illos convenerat; nec amplius tunc illis in libertate sua derogatum possidet, sed cum ipsa dimissione aut temporis expiratione plenam libertatem ipsi recipiunt, quam eoque cum operis suis elocant domino. Vnde etiam rectius famuli, vel famulae, ministri seu ministrae, mercenarii ministrantes, ancilla, &c. quod ministrando famulitium suum praestent, quam servi aut servae, vocantur; quum libertati nihil aequè inimicum sit, quam in duriori acceptione ad servitutem teneantur.

Patroni vero ius specialius quid sub-

subiecto suo imprimit, & versatur circa libertum. Arque dicitur patronus is, qui servum suum manumisit. Libertus autem, qui servus fuit, & sui ipsius potestatem à domino seu patrono suo accepit per manumissionem. *tit. C. de ing. & manum.* Vnde manumissus appellatur; quum manumissio nihil aliud sit, quam libertatis datio. *tit. Inst. de libert. Cuiac. in parat. C. de man. vindict. & C. de Latin. libert. sol. lend.* Velut etiam apud Iudæos olim manumissi plenam libertatem consequabantur. *Exod. 21, 2, 3. Deut. 15, 12, & seqq. Levit. 25, 40. Ier. 34, 14.* exceptis dedititiis. *Ios. 9, v. 21, & seqq. item, cap. 2, 3, & seqq. 1. Reg. 9, 20, &c. Nebem. c. 7, 60.* Quamvis autem libertus ita egrediretur potestatem domini, & suus sibi in libertate communi restitueretur; tamen manebat respectus obligationis, in iure patronatus; ut patrono etusque liberis in bona defuncti, aut tota, aut dimidiata, aut partem, pro ratione dispositionis, & eius operas, competerent, arque teneretur pro modo facultatum ipsi, liberis, & parentibus eius præstare. *l. 5, 6. 10, & seqq. l. ult. ff. de lib. agn. & alio. Vide etiam tit. Inst. de success. libert. & tit. de bon. libert.* Plena vero potestas domestica est, qua quis dominium uni-

versum in hominem & eius bona exercet. l. 4, §. 1, & l. 5. ff. de stat. hom. *Levit. cap. 25, 44, & seqq. §. 1, Inst. de iure pers.* Dicitur servitutis dominium, l. 7, l. 8, l. 9. l. 23, l. 24, l. 42. ff. de lib. caus. possessio servitutis, l. 1. l. 12, §. 1. l. 25, §. ult. *ibid.* Vnde homo talis, qui ita subiectus & libertate sua omni privatus est, dicitur servus, à servando, vel serviendo; quod ita utrinque servetur ad servitium obligatorie in servili statu, omni exclusus libertate, præstandum. Cui nomini agnatum est mancipium. *tit. C. de mancip. & colon. lib. 11.* Namque domino in talem servum etiam ius vitæ & necis competebat, ut interdum quoque levissimam ob causam occiderent. *Senec. lib. 2, de ira, cap. 40. Tacit. lib. 14. Cic. pro Rosc.* Verum crudelitas illa, quum vindicta privata ea maxime sit, merito reiicitur, nec in Republica honesta toleranda est. Nihilominus in pleno dominio, proprietate & usufructu domini, servus esse dicitur. l. 4. ff. de stat. hom. *Exod. 21, 1, 2, 3, & seqq. Levit. 24, 45. l. 10, ff. de acq. ver. dom. §. 1. Inst. de iur. person. §. 4, per quas pers. l. 21, ff. de usufr.* veluti inde & servus in commercium ita incidit, *Exod. 21, 7, 32. & Levit. 24, 17, 25, 44, & seqq.* ut æstimationem recipiat, *Exod. 21, 32. l. 32, ff. de minor. qui*
nihil

nihil proprii habeat, *Inst. de stipul. serv.*
 quadrupedi æquiparetur, l. 2, §. 2, ff. ad
 l. Aquil. Genes. 30, 43. c. 47, 25. imo &
 mortuo comparetur, l. 109, ff. de R. l. &
 l. 32, ibid. qui nullam iuris habeat com-
 munionem. l. 20, §. 7, ff. qui testam. fac.

Membrum XI. De servitutis spe- ciebus apud Romanos.

Tam apud Iudæos, quam Ægyptios
 Græcosque olim, maxime tamen
 apud Romanos, multiplex servorum
 species fuit; ut alii bello capti, alii te-
 stamento relictæ, alii ære redempti, alii
 alia ratione aut prætextu iuris acqui-
 siti dicerentur. Qui ex servo & ancilla
 prognati erant, vernæ vocabantur.
 Omnes tamen sub nomine Mancipii
 comprehendebantur simul. *tit. C. de*
nud. iur. Quir. toll. Dedititii servi erant,
 qui se ex obsidione dederant in pote-
 statem victoris; quorum alii libertini,
 alii peregrini nominabantur. Nec à
 servis multum distabant adscriptitii,
Cuiac. ad tit. C. de agr. & cens. & lib. 12.
obs. cap. 35. Servi conditionales, l. 7, C. de
iur. fisci. cens. et glebæque adscripti, qui
 cum agro una domino serviebant; &
 una cum fundis mancipabantur, alie-
 nabantur. *Pignori de serv. fol. 1, 2, &*
 252. Sic erant olim coloni Palæstini,

coloni patrimoniales, saltuenses, emphyteuticarii, burgarii, colonarii, inquilinarii, coloni rei privatae, dominici, fiscales, servi tamiaci, marileguli, monetarii, &c. *tit. C. de col. Palest. Thracens. Illyrican. lib. 11. de mancip. de fugit. col. patrim. &c.* Ac veluti prisci suis necessitatibus vitae inservientes habuerunt; sic etiam rebus sacris & cultui sacro peragendis habuerunt addictos. ut Levitæ; *Exod. 19, 22. & 24, 5. Num. 8, 16. & 18, 5. nazaræi; Num. 6, 2, 3. & seqq. 1 Sam. 1, 11. & seqq.* homines talliabiles; *Fab. iurisp. tit. 5, illat. 7. Alb. dio. lib. 1, cap. 27, num. 16.* Nec minus Romani suis deliciis & luxuriosis admodum conviviiis habuerunt destinatos servos, qui dicebantur strutores, scissores, diribitores, chironomantæ, trapezonomi, &c. *Sen. epist. 47. Com. Rosin. de ant. Rom. lib. 5, cap. 29, in paralip.* Alii sunt servi lautiores, alii atrienses; sed tamen servi æque actu. *Cic. in par. Borch. ad §. servi, Inst. tit. 3.* Nulla est differentia, ait *Imp.* Ita libido imperandi, quæ omnibus innata est hominibus, varia sibi effinxit servitia, ut ditiores luxuriam vitæ suæ rectius pro voluptatis nutu explerent. Quæ perniciēs in publicam quoque profluxit calamitatem, ut inde miseriæ humanæ variis adau-

ctæ

etæ fuerint modis, donec etiam progressi sint violenti superiores usque ad conscientiarum persecutionem, ut simul ipsas hominum animas lehovæ imperio eriperent, & sibi redderent servas.

Membrum XII. *An servitus sit à natura?*

Verum quum ipsi ethnici & gentes barbaræ ex conscientia stimulo in ipso tenebrarum suarum regno tandemprehenderent, quod iustum naturæ dictamen nimis invereconde ac crudeliter convulsissent; sed tamen ut auctoritate aliqua se ex eo summæ detestationis vitio exolverent; varios remissionis & moderationis huius savitiæ modos excogitarunt pridem antea. Quorum præcipuus est, cuius mentionem paulo superius fecimus, manumissio. *Donell. lib. 2, cap. 15.* Proinde Florentinus Ictus, postquam definiverat libertatem, quod sit facultas naturalis; recte invehitur in servitutem, quod constitutio iuris gentium sit, qua quis dominio alieno contra naturam subiiciatur: *l. 4, ff. de stat. hom.* quum iure naturæ non solum homines, *§. ius antea. l. de iur. nat. gent. & civ.* sed etiam res quæque, quas rerû natura gratia

gratia hominum comparavit. *l. 28, §. 1. ff. de usur. §. in pecudum. ff. de rerum divis. liberae sint.* Etenim homo ab origine à Deo in integritate sua iuxta regnum gratiae ad liberum dominium conditus & in hunc mundum creatus erat : utpote qui eius imaginem sanctam in omnibus exprimeret, ceu microcosmus. ac postquam lapsus est Adamus, omnes in eadem paritate constituti sunt & manent ; ut, quoad naturae conditionem, nemo sibi quid potius in vigore naturali arrogare aut vindicare præ altero queat, quam quod sit servus peccati redditus, *Rom. 6, 17, & sub peccato venditus, ibid. Dd.* indeque morti corporali, ac quoque aeternae destinatus ; unde nemo se liberare aut extricare potuisset, nisi Christus Iehova nos ex regno hoc iræ & mortis liberatione sua gratiosa & restitutione meritorum suorum exsolvisset, Patrique Iehovæ mirabiliter reconciliavisset ita, ut nunc filii libertatis aeternae & regni coelestis dicamur. Quamvis autem eousque non pervenerint ethnici, ut talia secum rite examinare, aut diiudicare potuerint ; tamen quasi conscientiae in sinu hanc ob causam convictos sese sentire : atque proinde libertatis modos constituerunt secum. velut id imprimis apud Roma-

Romanos videre est, qui id manifestis relaxationibus servitutum demonstrarunt. Status libertatis igitur varius olim apud illos fuit. Maior videlicet sive iustus, minor, & infimus. Erant enim cives Romani, Latini, sive Iuniani, & dedititii. *de quibus agitur §. 3, Inst. de libert. Gai. lib. 1, tit. 1. & Vlpian. tit. 3. Conna. lib. 2, c. 6, & seqq.*

CAP. IV.

De servitute; quomodo libertati sit opposita natura, quod exemplis declaratur.

I. Romanorum.

Rеспублика Romana, iuxta communem opinionem, uti erat liberrima, ex libero populo, ita quoque mere liberos continebat cives. nec civis vere dici poterat, qui non esset in libertatis statu constitutus. velut etiam Carolus Sigonius, *lib. 4, cap. 1, de antiq. iur. civil. Rom.*, incolas eius sic describit, quod sint homines liberi, qui urbem agrumve Romanum inhabitant. Et post; Optima, inquit, lege is mihi civis Romanus videtur, qui domicilium, qui tributum, qui bonorum potestatem est adeptus. Etenim civis Romanus mul-

tis

tis privilegiis erat donatus : esset cuiuscunque ordinis vellent, unam ex trigintaquinque tribubus habere cogebatur, nec de capite eius nisi in centuriatis comitiis agebatur, ut neque iniussu populi Consules sententiam talem ferre possent: candidis vestibus incedebant, quoties solemnitatem peragerent; alias rogati, &c. gestare aureos annulos illis licitum erat. *l. penul. de iur. an. aur.* Ius habebant suffragii & ingenuitatis; quibus licitum erat ea peragere & possidere, ad quæ libertus nullus poterat adspirare. *Rosin. lib. 1. de antiq. Rom. cap. 20, in paratip.* Et in principio huius capituli ait: Sæpe mentio fit in veterum scriptis libertorum, libertinorum & ingenuorum, quorum tamen vocabulorum propriæ significationes non omnibus obvix sunt, &c. non eodem (tamen) semper modo hæc vocabula accepta sunt. Primis enim temporibus ita fuerunt distincta, ut ingenuus diceretur is, qui ex duobus ingenuis sive libertinis natus esset: libertinus, qui ex duobus libertis; libertus, qui aliquando servitutem serviisset, & ex illa manumissus esset. Aliquanto autem post Appii Cæci Censuram, liberti & libertini pro iisdem accepti fuerunt; & tum ingenui dicti, qui vel ex libertis vel libertinis, id est, iis, qui ali-

aliquando servierant, & manumissi erant, fuerunt nati. Vbi tamen hoc disertimen inter duo ista liberti & libertini vocabula observatum fuit, ut liberti dicerentur respectu patronorum; libertini, respectu ingenuorum: & ita vocabulo liberti privatus quidam respectus; libertini autem vocabulo publicus respectus, videlicet hominis conditio, significaretur, &c. Ita accurati erant in distinctione graduum & ordinis, ut non omnia omnibus in libertate plena competere. Poterant quoque libertini ius annulorum petere; quod signum ingenuorum erat; sed tamen non poterant naturalibus restitui. Proinde donati annulo imaginem solum ingenuitatis, non autem statum habebant. *l. 1. C. ad l. Velsam.* Annulorum quoque distinctio hæc erat, ut ferrei servis, argentei libertinis, aurei vero ingenuis attribuerentur. *Isid. lib. 19. Etym. cap. 32.* Præterea liberti non admittebantur facile in curiam, quod tamen concessum erat certo respectu libertinis: nec ad publicum illis munus aut officium erat accessus, nisi apparitoris aut coactoris. Sic & libertini filius aut liberti nepos iure meliore uti poterat, quam ipsi suffragium in tribu rustica concederetur: ast pronepos adhuc melio-

meliore iuris conditione fruebatur, utpote qui Eques Romanus effici valebat. Nihilominus liberti ad maiorem libertatis statum admissi dicebantur, quum publica solemnitate vel testamento manumissi essent, cuius tres modi erant, *ceu notat Sigon. d. l. & Rosin. d. l.* ac numero Civium Romanorum, cum patroni tamen respectu, accensebantur. Latini autem Iuniani solummodo minorem assequebantur libertatem ex lege Iunia Norbana, quum minus publice aut iudicialiter in praetorio, sed vel per mensam, aut epistolam, aut inter amicos, à patronis obtinuissent manumissionem. quos tres modos Icti naturales dicunt. Dedititius vero libertus, ex lege Ælia Sentia, infimam accipiebat libertatem, nec dignus censebatur altiori gradu, si forte servitutis tempore propter delictum aliquod in carceres publicos fuisset coniectus, aut stigmati alicuius nota in fronte perustus. *Cuiac. lib. 5, obs. cap. 13. & lib. 7, cap. 20. Ravard. lib. 4, variar. cap. 9, & lib. de auctor. Prud. cap. 7.*

Sed neque hoc prætereundum est, quod libertate donati vestitu omnino ab ingenuis & patriciis non tantum fuerint discreti, utpote qui uterentur prætexta, ac raso capite pileum gestarent,

rent, eeu inſigne libertatis: ſed interim quoque auribus pertuſis ſigna ferre coacti ſint; veluti Romæ venalium ſervorum notæ fuerunt; ſub corona ſtare, ocreatos habere calceos, & aures perforatas, ſtrobilis aut rotulis aureis ornatas pro vendibiliſiori modo, &c. *Reſ. in paral. d. l.*

Eo uſque nimia ſemper & invidioſa accreverat Romanorum ſuperbia, ut civitatis ſuæ iura, libertatis admodum duro, imo duriffimo laboris & vitæ precio communicarent ſervis, nec etiam facile alios vicinos in libertate natos reciperent. Civis enim nemo iſſis erat idoneus, qui non aut Romæ eſſet natus; aut in tali municipio, quod non modo munere honorario cum Populo Romano uteretur, ſed & civitate & ſuffragii ratione adæquatus. Qui mos ad annum 662. duravit. ubi populi Italici, primum Aſculani, Vicentes, Veſtini, Marſi, Latini, Peligni, Umbri, Marrucini, Lucani, Samnites, coſſ. Sex. Iulio Cæſare, & L. Martio Philippo, bellum vehementiſſimum contra ſenatum populumque Romanum, inde, quod lege Licinia ius civitatis & eius dignitas, pro qua tot labores & certamina plenis periculis ſuſtinuiſſent, denegaretur, ſuſcitabant. Quum enim multi ius Romanæ ſocietatis

tatis appeterent, L. Licinius Crassus, & Q. Mutius Scaevola, Coss., legem tulerunt, qua cavebatur, ne deinceps ulli civitati Italiae tribueretur ius Romanorum civium; sed ut singulae suo iure essent contentae. Quod quum in contumeliam suam & extremum contemptum vergere putarent Itali; desistentes tam inauditam superbiam, noluerunt indignissimo servorum loco haberi; & sociali convenere foedere ac bello, & tam diu continuo certamine enervarunt superbiam Romanorum, ut non tantum exercitus eorum multis in locis funderetur, sed etiam usque ad saga iretur, paulatimque obtineretur, quod petebant; proinde quoque maximae parti Italiae civitas aperta data fuit. Tandem innumerabiles peregrini senatores facti sunt. Quippe C. Caesar quosdam e semibarbaris Gallorum recepit in curiam. *de quare vide Suetonium de bello sociali. vide Flor. lib. 71, & seqq. Appianum lib. 1. de bell. civ. Plin. cap. 63, 75, de vir. ill. Aug. de civit. Dei lib. 3, cap. 23. Plin. cap. 1, lib. 33, natur. hist. Entrop. lib. 5, cap. 1. Oros. lib. 5, cap. 18. Strab. lib. 5. Plut. in Sylla. Ioh. Ros. in virt. Rom. p. 152, &c.* Ex hac & aliis pluribus historiis constat, quam insatiabilis libido subjugandi gentes semper tenuerit Romanos,

nos, quantum etiam vicinis, qui tamen quam optime de illis meriti fuerant, opimiorum libertatem cum dignitate inviderent. In omnibus terrarum partibus, ubi victores erant, homines penitus libertate exuebant, & servituti destinabant satis crudeli. Vestigia eius suppressionis adhuc passim extant, ut, ubi modi non fuerint ulli ita inconvenientes, tamen mox varii & mite excogitati prodierint ad ipsorum informationem. Quod si saltem Germaniam, relictis aliis regionibus & provinciis, in exemplum pertrahere velim, satis manifeste apparebunt vestigia huius infectionis.

I I. *Germanorum mores, antea
semper libertati addictorum,
à Romanis infecti.*

Etenim Germaniam nostram veros servos nunquam priscis illis temporibus habuisse, satis ex victus ratione & facie regiminis constat, *velut testis est Cornel. Tacit. de morib. Germ.* quum tamen apud ceteras gentes omnia servorum essent plenissima. *Vult. ad §. servari. Inst. num. 3. Quod etiam rite adfirmat Knichius. de vestit. Part. part. 2, cap. 3, num. 3, & seqq.*
S 2 dicens:

dicens: Germaniam servitutis à Romanis invec̃tæ nesciam fuisse, veluti per manus traditum, nostrates adferant. Etsi enim servi quoque dominis additi fuerant; attamen tanta non erat potestas, tantusque nexus: verum ipsis agricultura, nec non armentorum pecorumve greges demandabantur veluti colonis, quorum conditio adhuc in usu. *Iacob. Vill. in Tacit. p. 1, cap. 33. quem sequitur Beuth. in eund. cap. 43.* Quod autem Tacitus tradit, victum alea servituti fuisse mancipatum; pervicaciæ indicium est, & ipsi victori quoque probrosum extitit. Subiiciens enim se servituti spontaneæ, indignus libertate existimatur. *l. 3. ff. quibus ad lib. proclam. non lic.* Eiusmodi ferinam pervicaciam referunt hodie Sclavi ad triremium ergastula condemnati, qui, dum ipsis quandoque liberum permittitur abire, aleæ se committunt, victusque ad illa redit. Constat itaque raritas servitutis apud Germanos, eaque erat satis tolerabilis. Numerus vero Romanis reperitur, ut fidem nostris moribus fuscillet. *Lips. lib. 3, annal. Taciti, f. 174. ubi ex Plinio notat, Cælio cuidam Isidoro quinque mille servos tributis; & ex Athenæo, viginti millia, imo plures, quosdam habuisse.*

III. *Franci maxime primi servitutis introductores in Germaniam.*

Cæterum Clodovæus primus Francorum rex, quum Alemannos, id est, Helvetios, Suevos, Bayaros, Tyrigetas, Catos, Misnenses, ad Tolbiacum in Vbiis, circa annum Chr. 499, debellasset, non solum hi, modo neperirent, servitutem polliciti sunt perpetuam, *Trith. lib. 1, annal. Franc. f. 40, ad fin.*, verum etiam ille, ut nunquam resistere possent, arma ipsis ademit, servitutique mancipavit, *Paul. Æm. Clodov. 1. Reg. lib. 1, f. 7, cum seqq. Iohan. Tilius, chron. de Reg. Franc. ad dist. ann. 499. Galiel. Paadin. ann. Burgund. lib. 1, f. 81. Nicol. Vignier. chron. Burgund. ad ann. 499, fol. 18. Iohan. Stumpf. chron. Helvet. lib. 3, cap. 57, & lib. 4, cap. 27. Munst. cosm. lib. 3, cap. 17.* Et licet postmodum plurimi libertatem pristinam consecuti sunt meritis, prece, precio; attamen aliqua ex parte remansit servitus. Reges siquidem Francorum aliis concesserunt non tam pro donato, quam beneficiario titulo fiscalinos, hoc est, Regis homines proprios re & corpore, *des Königs geeygnets*
S 3. knecht-

*knechte, deren leib und guet Koniglicher
kammer undervorssen Stumpf. d. cap. 27.*
In cuius testificationem unum referre
sufficit: Ludovicus Caroli filius Ein-
hardo Cancellario patris sui contulit
prædia Michlenstad cum servis Regis
propriis quatuordecim, & uxoribus
suis & liberis tredecim. *Chron. l. aurih.
ad ann. 805, fol. 64.* Cuius sanctione
Aldiones vel Aldianæ simili lege vi-
vere tenentur in Italia in servitute do-
minorum suorum, qua fiscalini vel li-
di vivunt in Francia. *Ansegis. lib. 4,
cap. 102, &c.* Quamvis autem proprii
homines quoque vocitentur vasalli
feudatarii, vel etiam subiecti feudi Re-
gis, qui eius ditioni subiiciuntur; *d.
aut. de pact. his vest. cap. 5, num. 64:* At-
tamen nemo est, qui nesciat, vasalla-
gium, cuius intuitu vasalli sic dicun-
tur, à mancipiis prælibatis longe la-
teque discerni; ut puta, quæ annexa
sunt fundo, eiusve partes censentur, nec
non prædiarias inter res ipsas compu-
tantur, *l. si quis i. l. 3, ff. de diu. præscript.
l. 14, C. de SS. Eccles. Bald. l. 1, num. 30,
C. de serv. fugit. Chopp. de cir. Paris. mor.
lib. 1, tit. 1, num. 17, f. 24.* & inter im-
mobilia referuntur. *Greg. Lopez. part.
2, tit. 17, lib. 1, f. 35.* teneturque eos do-
minus tradere sicuti partem fundi.
Guilel. Bened. c. Rayn. verb. & uxo. nom.

Adil. decis. 5, num. 395, cum segg. extr. de testam. In Gallia adscriptitii vocitantur homines manus mortuæ; *Bod. de rep. lib. 1, num. 109.* qui sine consensu domini testari nequeunt; iisque sine liberis eiusdem conditionis decedentibus domini succedunt. *Molin. in cons. Par. tit. 1, gl. 3, num. 2, cum seq. & 5. 41, num. 55. Ranchm. de succes. ab int. 5. 23, num. 3. Chop. de dominio, lib. 1, tit. 14, num. 11, & 12, &c.* Non tamen unius sunt generis. Nam alii servitutem magis, magis alii libertatem redolent nostris moribus. *Zaf. 5. præiudic. num. 15. Inst. de ac.* Non solum vero servi proprii functiones & operas exhibent; verum etiam domini emolumenta successoria. Si etenim decedit servus proprius, nuptiis contractis cum libera; nihilo secius liberi, conditione patris intinguntur, nec partus ventrem sequitur. *Forcat. rubr. de servit. num. 11.* Mortem Tholosatum conferendo, domino debetur triens mobilium. Sin autem proprius decedit, relictis liberis, dominus sibi vindicat aliquid de morte mancipii. *Das hauptrecht und vuyd-maal, als ein hauptviehe, bestes pferdt, bestes kleydt, vel simile quid. Stumpff. d. cap. 27. Crusius annal. Suevic. par. 3, lib. 10, cap. 11, fol. 575, &c. Hattenus Knichius.*

An non ex hac enarratione satis clare constat, quam facili imitamine servitutis pestilentem illum morem & consuetudinem Romanorum Clodovæus in suos quoque subditos & devictos vicinos transtulerit? Antehac enim quum omnes populi Germaniæ, quam late se ea extendebat, adsuere essent libertati, eiusque preciosissimæ ingenuitatis studiosissimi essent, servitutem semper tanquam rem ipsis odiosissimam à se propellere laborarunt. Ast clades hæc interna, qua Franci & Alamanniæ populi inter se tot bellis civilibus coierunt, fecit, ut tandem ex libertate sint in durissimam hanc servitutem detrusi. Ipsa enim nominis origo est à libertate; ait *Renec. in postest. ad vit. Carol. M.* sive sit compositum; *die freyen ancken*, id est, liberi coloni: sive simplex; ut *frey & franck*, quod liberum significat.

Quod vero Clodovæus hunc modum subiugandi ex Romanis didicerit, non solum ipsa res & tot diversæ servitutum species in eadem similitudine monstrant; sed etiam testatur *Lehman, in chron. Spi. lib. 2, cap. 20*; ubi ait: Quandoquidem Clodovæus apud Romanos observarat consuetudinem, quod illi victis servitutem imponerent, atque hoc modo omnia il-

lis belligerandi media abscinderent; simili ratione severitatem & atrocitatem hanc suscepit, & Alemannos omnibus armis suis privavit, nec non loco eius, quod mares, feminas & liberos eorum vita donaret, simul omnes in servitutem redegit, atque cum vitæ & bonorum potestate sibi appropriavit. Vnde ex antiquissima illa Germanorum libertate in tantam ruinam eos præcipitavit, ut nec vel ipsi vindictam exercere bellicam, nedum vel ad officia bellica apti aut magistratus ullius munere digni iudicari possent; sed servi & libertate armorumque iure prorsus exuti mori cogerentur. Plena fuit servis & servitutibus Alemannia nostra, cuius magna pars hodie Helvetia est. nec est, quod sciam, montanus pagus aliquis Helveticus, qui, rebus Francorum florentibus, durissimam illam servitutem non servierit. Extant enim tabulæ veteres, quæ hanc rem clarissime testantur. *Vad. in epist. apud Goldast. tom. 2, antiq. Alem. fol. 84.*

Exemplum hoc postea Carolus Magnus secutus est, *Amyl. lib. 2, sub Carol. M.* quum Saxones & Westphalos evinceret; quorum regionibus servitutem hanc sic propriam fecit, ut non tantum disarmari simul, sed etiam pro-

diversione novæ conspirationis nobilissimos eorum ultra triginta millia è Saxonia extruserit, & usque ad Coloniæ Belgiumque expulerit, ibi sedes quæsituros sibi atque constitutos.

Ex Clodovæi temporibus, & circiter annum Chr. 500, durissimæ & improbiissimæ servitutum hæ species magis magisque accrevèrè, ac se latissime pedetentim effudèrè. Velut etiam mancipati tales servi ingenti multitudine ultra Rhenum transplantati sunt; alii donationis munere aliis oblatis, & undequaque in servitutem adeo distributi, ut oppida, urbes, pagos & villas expleverint, &c. Hactenus Lehmannus ille.

I V. Historica deductio, quomodo Saxones per aliquot secula libertatem conservarint suam contra quamvis vim forti manu: cum correctione aliquot Historicorum.

Non igitur Saxones quoque ab hoc mali veneno, tam latissime serpentis, tuti esse potuerunt. Namque licet populus iste ita obstinate subiectionis iugum excuteret à se, ut ad libertatem

ratem quasi natus diceretur : *iuxta*
Krantz. lib. 1. Sax. cap. 7 : tandem ta-
 men idem, post tot exantlatos labores
 & damna , eiusdem sortis rigorem
 subire coactus est. Mira fortitudine li-
 bertatem suam tam contra externos
 quam vicinos per aliquot secula de-
 fendere non desierunt : subierant
 etiam pro vicinis multifaria pericula
 boni publici & communis libertatis
 Germanicæ causa . Ante tempora
 Ariovisti septies se Cymbris (qui veteri
 Gallorum lingua Latrones vocati sunt,
 quasi ex Vandalis, Danis & Saxonibus
 collecti, *Krantz. lib. 1. Sax. cap. 8, & 9.*)
 submisceverunt , & transcenderunt Al-
 pes, totamque invasere Italiam incre-
 dibili cum exercitu. Iul. Cæsar ipse de-
 scribit satis, qualem defensorem pa-
 triæ & adiutorem vicinorum se Ario-
 vistus ille cum suis Saxonibus præsti-
 terit : sic & Harminium heroem ex-
 pertus est Quintilius Varus astutum &
 fortissimum inter Amefin & Lippam
 fluvios. *Bunting. in chron. Brunf. p. 6.*
 Quale Samsonis opus invicto animo
 Swertingus Princeps Saxonum , quum
 ex morte Hanesi vestigales Danis Sa-
 xones redditi essent, pro liberanda pa-
 tria ex servitute subierit, ut se simul
 & Regem Frothonem Danicæ , paratis
 omnibus ex composito quæ confla-
 grandæ

grandæ domui inservirent , fortiter
comburendos tradiderit , id constat
ex historiis. *Crantz. lib. 1, chron. Sax.
cap. 11, & 12. Bunt. d. l. p. 8.* A qua
parte Germaniæ hostis ingrueret aut
immineret aliquis , illi socios se con-
terminis suis fideles obtulerunt , adeo
ut propterea quoque ferme per tria se-
cula , ceu homines integræ solidæque
fidei , simplices , & nullius gloriæ cu-
pidi , qui solummodo publicam com-
munis patriæ salutem in conservatio-
ne sui liberi status respicerent , atque in
bonum hoc omnem conferrent opem ,
absque privato ambitionis aut com-
modi respectu , suis nomine tali vici-
nis & gentilibus adscripti fuerint ,
velut etiam plærumque sub Carris si-
mul sunt cõprehensi ; ut recte hoc annot.
Crantz. d. l. cap. 13. Namque alias , quo-
ties in quiete vitâ illis transigere datû
fuit , modeste in summa castitate abs-
que luxurioso vestitu & æquitati uni-
ce addicti inter sese vixerunt , *Bunt. d.
l. p. 4.* Vigilantissimi tamen interim
suæ libertatis semper fuerunt vindices ,
qui omnino nequirent iugum alterius
ferre Domini. Proinde ; quum raro
essent absque motu , & gentiles lu-
benter eorum uterentur auxilio , para-
tos se exhibuerunt iis ex omni parte ,
maximamque coluerunt tum amici-
tiam

riam cum Francis. Vnde temporibus Diocletiani, Imperatoris illius ultra mortalitatem truculentissime superbi, circa an. Chr. 300, Franci cum Saxonibus mare per Armoricæ & Belgicæ tractum infestarunt. *Auctores sunt Eutrop. lib. 9. Oros. lib. 7, cap. 25.* Dehinc cum Francis partim Romanorum beneficiis deleniti, partim cladibus fracti, continuerunt se intra fines suos usque ad Valentiniani Imperium circa ann. Chr. 370. Tum enim, cum Francis renovata societate pristina, coniunctis viribus terra marique Galliam depopulati sunt, quod Alemanni & consortes illorum ex ea parte mire infestarentur ab Imperatore. ubi & Saxonum nomen iterum inclarescere cœpit ob fortia facta, ut prima irruptio Saxonum in Romanos limites ducta fuerit. *Ammia. Marc. lib. 27. Buchol. chron. p. 218.* Sic etiam quum Attila ille, Hunnorum Rex ferocissimus, totius orbis terrarum imperium mente concepisset, & ex oriente circa an. Chr. 451. in occidentem venisset, nec non Germaniam spe prædæ & subiugationis obruere totam tentaret, exercitu ad septingenta millia militum coacto, properaretque in Galliam, quam prope occupasset, nisi fortissimus ille Romanorum Consul Aëcius, aucto-

auctoritate Theodosii Imperatoris, inter alios Theudoricum Gothorum Regem quoque in auxilium contra communem omnium regnorum hostem advocasset; tum maxime Saxones Attilæ & Hunnis, tanquam potissimi zelotes & vindices libertatis, in primæ acie oppositi fuerunt. *Krantz. l. d. cap. 23. Bunting. d. l. p. 10.* Clodovæus Rex Franciæ, anno Chr. 514. mortuus erat; & quatuor reliquerat filios; Theodoricum, qui Metis regnabat annis 27; Clodomirum; Clotarium; & Childebertum Parisiis gubernantem: quippe dividerant inter se amplissimas regni provincias. Primus horum Theodoricus alebat discordiam cum Rege Thuringo Ermenfrido. quem quum non ita facile expugnare posset, ac, ne Saxones in societatem belli Thuringis accederent; ex consilio Procerum Saxones ante omnia cum magna agrorum promissione in suas partes pertraxit. qui nec difficulter invitati promissa quidem arripuerunt: at, si non cautiore fuissent, clanculariam pacem in exitium eorum cum debellato Ermenfrido iniisset. Nihilominus Theodoricus promissam Saxonibus terram cedere coactus est; & urbem, quam expugnauerant, perpetuo habitandam donavit; ubi postea arcem

ad montem eum, quem Vnstruda al-
luit, in perpetuam tui memoriam, &
ut ea termini discriminati utriusq; re-
gionis indicarentur, crexerant; quam
adhuc Elector Saxoniz tanquam præ-
fecturam in ditione sua possidet.

Dum in hoc rerum statu (ait
Krantz. d.l. cap. 29.) Saxones agerent,
Francis pacati, Thuringis (quibus Fran-
ci præerant) non molesti, quod terras
à Francieis permissas incolerent; Albu-
nus Longobardorum rex, iam diu in
Pannoniis sedens, per Narsetem Ita-
liæ Præsidem, quem Sophia Iustini
Imperatoris coniux insigni eunuchi
iniuria affecerat, vocatus fuit. Atque
is ex Saxonibus, Longobardis, Gepi-
dis, Bulgaris, Sarmatis, Pannoniis &
Suevis quum ingentem exercitum an-
no Chr. 568. collegisset, felicique suc-
cessu Italiam prope totam excepta Ro-
ma occupasset, Saxonum ope potissi-
mum floruit, & regnum novum sibi
ibidem, quod per 206. annos usque
ad Caroli Magni tempora duravit,
quidem constituit. Verum Saxones
(*verba sunt Krantz. cap. 30.*) quum
aliquandiu sub Longobardis in Ita-
lia militassent, pertæsi alieni imper-
rii, qui se ad libertatem natos arbi-
trarentur, in patriam respexere. Ac-
cessit Francorum Regum non obscura
fugge-

suggestio: Quid vellent in Italia fervire, qui in libertate nati, etiam aliis (si satis niterentur) imperarent. Vrebat quidem Francos gloria Longobardorum, quod locupletem provinciam, & dominam gentium tam facile cœpissent, imminerentque terrore vicinis gentibus. Quocirca volentes Longobardorum Franci potentiam minuere, tale aliquid Saxonibus per submissos instilavere. Facile persuaseris homini libero, suo iure vivere. Non surda aure Saxones acceperunt, in quod sua sponte propendebant, &c.

Interea autem, quum per 15. annos abfuissent, ex conniventia & approbatione Regis Francorum totam prope Saxonum sedem occuparunt & suis posteris destinarent Suevi rursus; & sui quoque reditus iter omne illis præcluserat armata manu Ennius Momulus Romanus. Vnde, prius repulsi ex via, coacti sunt fœdus inire cum Sigeberto Rege Francorum Metensi sive Austrasiæ, ut ita non sine difficultate ad suam redirent per tot asperam damna patriam. Imo quum Suevi ita planecedere nollent, ut etiam alio titulo Sueviæ Saxoniam nominitarint, & conflictioni acerrimæ succubuissent Saxones, donec tandem adiuumento novo Regis Francorum non sine oppi-

oppignoratione libertatis expulerint Suevos; ex rancore se converterunt ad novas leges patriæ confingendas, quibus inter alia muliebri sexui imposuerunt, ne ulla cuiquam ex Suevorum natione nuberet, sub pœna exclusionis è paterna hæreditate. Vnde Saxonici iuris aut speculi origo pro parte emerfit, quod postea ex consuetudinibus Francorum, quum ipsis tandem quoque vectigales redderentur, variis modis adauctum & demum ex variis opinionum anfractibus conflatum fuit, ubi simul mulierum conditio in multis deterior facta est. Qui certe primus lapsus, quod cœperint à libertate deviare, & posteros suos ad gradum aliquem servitutis propria adstringere culpa. Atque ista heic cum in finem monentur, ut iuris Saxonici, quod *Speculum* dicunt, & *Landrecht*, vera origo, in qua omnes prope Commentatores, ac Historici, ipse quoque Glossator, ut recte sentit Krantz. d. l. in fin. cap. 30, mire hallucinatus est, clarius percipi queat. Quamvis autem ex eo tempore novæ successionis suæ in patria firmiorem sedem nova constitutione Reipublicæ per 50. annos prope adornare studuerint: accidit tamen, ut, postquam Clotharius Rex Franciæ, quem alii Lotharium recte

vacant, Dagoberto, an. Chr. 624, regni sui eam partem quæ Austrasia dicta fuit, maximam Germaniæ partem complectens, ex Metensi Regia tradidisset regendam; Bertoldo, sive Beroaldo, quem etiam Regem Frisiæ alii dicunt, (*vide Seth. Calvis. in Chronol. b. an.*) Duci Saxonum, vicini Regis potentia, utpote qui etiam Thuringiam possidebat, suspecta videretur, atque occasionem omnem imminuendi vires eius quæreret.

Ortum est igitur bellum anno Christi 630. inter vicinos de finibus; vult quoque antehac discordiæ fuerant ex terminis Thuringicis. Dagobertus copiis validis in Metensi regione perarmatis Rhenum traiecit, ducturus eas in hostem. Nec segnis Bertoldus Saxonum Dux, ad arma vir impiger, iam dudum quoque bellum sitiens, iuveni Regi Dux veteranus occurrit. Conseruntur manus, & gravi utrinque prælio multicaidunt. Dagobertus acri certamine premitur ab opposito Saxone, ut, decussa galea, partem cutatam capitis cum adhærentibus capillis in terram demitteret, &c. Ergo attritis exercitus sui viribus, paulatim se retraxit Dagobertus, victoriam permittens hosti. *Krantz. d. l. cap. 31.* Mittit igitur ad patrem Clotharium, qui auxilio advenit

venit filio, & ad Ingelheymium acerrimo prælio cum hostibus pugnans, Beroaldum Saxonum & Frisiæ regem obruncat; Adeoque pertinaciter persecutus est victoriam, ut omnem Saxoniz provinciam igni ferroque vastaret; nec abiit donec prodeuntes obviam procures de pace agerent. Summa fuit, ut Saxonia, annuo Francis penso tributo, dominos ac maiores suos agnosceret. Regnaverat Bertoldus annis sexaginta. cui, beneficio Clotharii, Adgillus successit in Frisia: at Saxones sibi postea elegerunt Regem Sieghardum. Verum, quod ita Francis tributarii redditi essent, mordebat acriter Saxones. Proinde capta occasione, quum Winuli ex gente Vandalorum, quos alii Winnidos dicunt, tum in ea habitantes provincia quæ hodie Brunsvicensis est, in Thuringiam irrumperent, Saxones miserunt ad Dagobertum, sese offerendo, quod essent Thuringiam ab omni incursione liberaturi, si ipsi à tributo liberi & amici Regis in reliquum tempus scriberentur. Quum itaque Francis per Saxones redita esset sua Thuringia, Saxones non tributarii, sed Francis fœderati habiti sunt anno Chr. 640. Tum vero Saxones iterum, quum tot periculis edocti essent, ut eo rectius suum stabilirent regnum,

ad comportationem legum, iuxta consuetudines Francorum ac Longobardorum, ex quorum plurima didicerant moribus, se converterunt. Etenim necessitas hoc exigebat, ut eo rectius cum Suevis, qui non penitus expelli potuerant antehac, convenirent. Namque Suevi iam pridem moribus Francicis se accommodaverant, & introduxerant multas talium iurium consuetudines, à quibus olim penitus Saxones abhorruerant, utpote qui semper magni libertatis filii & vindices dici expectabant. Quare, velut inter alia multa, etiam heic errat Pomarius, in *chronico suo Saxonia*, pag. 14, quod sub Iustini annos, circa annum Christi 526, statim post obtentionem partis Thuringicæ terræ, Ermenfrido interempto, Saxones suum ius in tranquillo vitæ statu confererint. Quamvis non incompte iisdem honestam adscribat vitam, quod secundum legem naturæ adeo decenter vixerint, ut inter se unice æquitatis normam respexerint: Attamen statim Idem inculcat, quod nimium studio Romanæ divinationis & idolatriæ addictus ipso- rum fuerit genius: Vnde etiam ipso- rum admodum corrupta sint iura, & leges, quas sibi in ea vanitate confinxerāt. Intercessit autem totius seculi spacium, & ultra, prius-

priusquam ad tranquillitatem aliquam pervenerint : Quum tot à tempore Theodorici Regis Francorum Australiæ, & longe plures, quæ ob defectum Scriptoris non annotatæ sunt, intervenerint historiæ.

Error Chyonicæ Buntingi.

Sic quoque Buntingus non levem errorem in *chronico suo Brunsvicensi* duplici modo committit; dum ita inconsiderate in annorum supputatione Saxoniarum Reges Sieghardum & Theodoricum connectit, ut alterum anno 630. à Saxonibus, continuo post cladem à Lothario & Dagoberto Regibus Franciarum acceptam, electum, & hunc tanquam eius filium substitutum, qui anno Chr. 723. à Carolo Martello captus sit, faciat; quasi hi bini Reges totius seculi cursum in gubernationibus compleverint. Testatur autem historia de vita Suitberti Episcopi Westphalorum & Ultrajectensis, quod Saxones Duce Brunone admodum atrociter vicinos suos Bructuarios persecuti fuerint, graviterque eosdem affligerint, quod religioni Christianæ nomen dedissent. Velut quoque ex suis, tempore Childeberti, quum Iustinianus I. crudelis Imperium, auxilio Bulgarorum

rum, recuperasset, circa an. Christi. 708, expulere ditionibus, quotquot Christi nomen professi fuerant. Vnde Suibertus, quum locum nullum amplius propagandi religionem haberet reliquum, Coloniam ad Pipinum Caroli Martelli patrem reversus est. Constat igitur ex hoc, quod alius adhuc Bruno fuerit ante Warnekindi filium Brunonem, qui frater fuit Witekindi, & ante huius ex Wigberto filium Brunonem, quem huius nepos, Bruno videlicet quartus, secutus est, qui inclutam urbem Brunsvicensem anno Christi 861. condidit, & eidem ex se nomen dedit; quum solummodo Buntingus trium mentionem faciat. Sed ipsa computatio annorum sat eius errorem detegit. Fortassis hoc ipsi imposuit, quod Krantzius, *lib. 1. Sax. cap. 32*, inter historiam Thuringiae Dagoberto Regi Franciae à Saxonibus restitutæ, & Caroli Martelli, tam exiguum relationis interstitium interponat, atque omnia tam concise constringat, nec non statim capite ultimo tam insignis Herois, quem malleum hostium vocat, facta stupenda subnectat; quum tamen à Dagoberto I, quem Magnum dixere populi, usque ad Theodoricum Dagoberti II. filium, decem Reges Franciae mortui sint, & pene totius interea con-

consumptum sit seculi tempus. Nec omnia de Saxonibus constare poterunt, quum eorum non fiat mentio, nisi iis motus cum talibus fuerit vicinis, qui clariores consecuti sunt scriptores, Paucis itaque persequitur hoc quod ad continuationem faciat eius discordiæ, quæ prope Saxonibus perpetua fuit cum Thuringis. Ait: Assiduum deinde bellum Saxonibus intercessit de Thuringia, Francorum Provincia; in cuius finibus iam, quia Saxones nonnihil iuris elaborando quæsierant, cotidiana de terminis erat quæstio. Sed & Francis Christianis Principibus odiosum erat Saxonum nomen, quod adhuc gentili sorderent errore. Quocirca Carolus Martellus, Pipini Brevis filius ex Alpiade licet pellice natus, (quem merito Krantzius, *lib. 1, cap. 33*, virum illi seculo felicissimum vocat; qui nisi contigisset, actum fuisset de Gallis,) aulæ præfectus, (qui Maior etiam domus dicebatur,) pacatis in occidente rebus; quum Saracenos suis & Romanis provinciis expulisset; conversus in alterum latissimæ ditionis angulum, etiam illum purgare sordibus constituit. Saxones erant ea tempestate dæmonicolæ, & qui Christianam religionem adspernarentur. ait *Krantzius*. In eos conversus Martellus,

tellus, bellum instituit, & bellum inchoavit, quod demum nepos eius ex filio Caroli Magni peregit. Tantæ molis erat, Saxonicam gentē à patriis ritibus avertere. Magno tamen tum bello pressi Saxones, & exhausti, Carolo quidem Martello manus dedere, componentes cum illo per quaslibet conditiones pacem; sed leges Christianas accipere necdum consenserunt, &c. quæ peracta sunt circa annum Christi 740. Ita quoque post obitum huius patris sui Carolomannus, Princeps religiosus, circa an. 745. in Saxonas exercitum duxit, & eos quidem tum perdomuit, ut legibus seculi parerent ad æquabilitatem: Sed Christi religionem neque verbis suadere nec armis inducere poterat. Proinde etiam Pipinus, simulac Coronam regiam obtinuerat, anno 751, pro prima expeditione hoc suscepit, iuxta *Krantzium*, ut arma in perfidos Christo Saxones veteret. Magno igitur in eos apparatu ducens, bellum iis gravissimum intulit; sed tanta fuit gentis moles, ut non statim ad mutandam religionem armis cogi posset. Ea igitur expeditio frustra fuit, licet repetitis vicibus idem tentarit. Peracta talia sunt sub Ducibus Theodorico & Edelhardo; qui, strenui & fortes, adeo se communi accommodare popu-

populo, ad iugum alterius ferendum prorsus infueto, ubique cogebantur. Quamvis igitur recte dicat Krantzius, *d. lib. 2. cap. 21*, (ubi merito compilatorem & glossatorem speculi Saxonici, propter ignorantiam temporis & suggestionem plurimarum falsitatum, quæ evidentiam suam undique produnt, reprehendit & exagitat) quod exigua satis civilitas gentis huius fuerit, nec tempore Caroli Magni leges ab initio quæsierint; utpote qui contenti iis vivere poterant quæ universo orbi satis essent: tamen res ipsa loquitur, & tam multiplex fortisque relictatio, quod nullatenus in confusione vixerint, qui toties dissipati tam faciles potuerint recolligere vires, & bono edere semper ordine. Quin & tacitis moribus imbibebant ex tot calamitarum & persecutionum informatione, ac conversatione Francorum, Longobardorum & domesticorum Suevorum, quod non diu potuissent inter se rite convenire, aut servitutem toties ipsis destinatam a se propellere, nisi ordinationem & legum & hominum observassent. Ita enim pridem inter eos convenerat, ut essent inter sese bipartiti: quum alii dicerentur Nobiles, qui primarii erant in expeditionibus, incursionibus aut defensionibus;

bus; alii ignobiles. Distributi vero omnes erant in duodecim ditiones vel pagorum provincias; atque unusquisque locus designatus suum habebat Directorem aut Principem, quibus demandata erat boni publici curatio. Ideoque singulis mensibus, aut quoties rerum necessitas hoc exigeret, inter se conveniebant deliberationis ergo, ut ea in tempore disponderentur, quae ad status conservationem facerent. Cui conventui olim, velut etiam universo regimini, unus quis eorum per anni spacium alternatim praesidebat, & iudicabant etiam ipsis ex Adelungis adiuncti lites controversas. Quod si vero hostilitate aliorum premerentur, ut plurimum ille, sub cuius praesidio Saxonum infestarentur, aut quem maxime virtute animi praevalere noscerent, eligebatur in Regem, ut Dictaturam quasi & expeditionem totam perficeret, quam diu duraret periculum, aut res in dubio erant positae. Vnde factum est, quod non faciliis mutatio sit admissa, propter experientiam rerum, & claritatem nominis. Quod tamen diversimode Buntingus in *chron. Brunsv.* pag. 14, f. 2, & Pomeranus in *Saxonia chronico*, pag. 50, & subimet ipsis contradictorie recentent. Sed quod mutatio non adeo facilis fuerit, ipsi in

in antecedentibus, & familia Theodorici, confitentur: velut etiam eiusmodi morem Saxonicae genti in libertatis suae administratione, insignis ille & historicorum Germanorum antesignanus Reynerus Reneccius, in *comment. suo ad Annal. Poët. de Carol. Mag. lib. 1, pag. 13*, adscribit, cuius verba notatu dignissima hæc sunt: Duces provincii præerant, & rem militatam curabant, Comites ius dicebant, & Ducibus parebant. Documenta omitto. Interim utrique ex Adelingis creabantur. Hac voce Nobilitas intelligenda; ea, inquam, quæ nunc *die Herrschaft*, nam Equestris, quæ vulgo *Ridderschaft*, aliis olim appellationibus veniebat. quæ ex annalibus, diplomatis, aliisque id genus instrumentis & monumentis petenda. Neque vel Duces vel Comites, ulla hæreditaria successione gaudebant, sed pro Regum arbitrio creabantur, sic, ut dignitates illæ Nobilitati communiter paterent, nec ad familias restringerentur. Atque inde tot in annalibus Comites, plerique etiam Duces, absque locorum mentione relati. etsi merita interdum huic consuetudini derogarunt. quæ de Agilolfingorum è Lege Boiaria exemplum in medio. Eadem multarum aliarum Domorum sors exitit, donec

donec καὶ ὅλα exempla in legem versa. Unde ius feudale, & inde rursus hæreditariæ successiones, tandemque hæreditarii tituli, qui per Germaniam hodie in usu. Nam ut exteræ gentes varient, notum est. Hactenus ille. Mos sane eiusmodi non improbandus fuit; quum hoc modo omnes viæ, portæ, & fenestræ ad virtutes apertæ steterint cunctis simul mortalibus istius nationis, & quisque stimulo acriori concitatus fuerit ad honestatem vitæ rectius decurrendam. At nunc vix amplius locus patet pietati, iustitiæ, integritati, fidei, & veritati; dum sic præclusæ sunt iis fores qui ex ingenuitate & candore pio vitæ normam sibi conficere gestiunt; atque vix ita veriori culturæ quid restat: ut omnia ad scopulos adstricta hereant suos, & inde libertas vera servituti captiva ducatur. Vnde tum quoque apud Saxonas ea magis decrescere cœpit, quum nimium affectate moribus alienis sese accommodarent, & plures servitutum species, Romanorum imitatione, induerent.

Locus notabilis Reyn. Reneccii.

Quare idem Reyn. Reneccius, d. l. 4. p. 59, fol. 2, & 60, in illos proprium retor-

retorquet defectum, quando tacitam
 sic insinuat exprobrationem iisdem.
 Quatuor, ait, differentiis Saxonum
 gens consistit, Nobilium, Liberatorum,
 Libertorum, & Servorum. Totidem le-
 ge Saxonica inculcantur; sed pro Li-
 bertis Liti memorantur. Totidem à
 Witichindo Monacho. *lib. 1*, nisi quod
 is denominationes omisit. At Nithar-
 dus; in *historia de dissensionibus filiorum*
Ludovici Pij, tantum tres adstruit: Ed-
 lingos, Frilingos, Lazzos. Res tamen
 eodem redit. Ut enim, reticeam, Laz-
 zos (*die Lassen*) etiam ab auctore Spe-
 culi Saxonici, *lib. 3, art. 44*, non igno-
 rari; Lex Boiaria, *cap. 11, tit. 10*, deri-
 vavit inde Fridlatzos. Sunt itaque Laz-
 zi Servi; Fridlatzi Libetti sive Liti.
 Quanquam de his nova *instituta* nasca-
 tur. Sed definita res *legis Ripuar. tit. 64,*
§. 1. Vbi Litus tributarius exponitur.
 Hinc Litos concipio servos manumif-
 sos, sed interim patronis certis condi-
 tionibus obligatos. Stabilis eam con-
 iecturam talis Ludovici Pii Constitu-
 tio apud *Ansegisum lib. 4, c. 102*: Aldio-
 nes vel Aldianæ ea lege vivant in Ita-
 lia in servitutem dominorum suorum,
 quæ Fiscalinæ vel Lidi vivunt in Fran-
 cia. Stabilis lex Saxonica: *tit. 10, §.*
1: Quicquid Servus aut Litus iubente
 domino perpetravit, dominus emen-
 det.

det. *Stabilit Frisiorum, tit. 11*: Si litus semet ipsum propria pecunia à domino suo redemerit, &c. Attexamus dehinc cætera, ad scholam hanc pertinentia. Nobileseodem modo assignantur Frisiis lege ipsorum, Burgundis Gundobadi, Longobardis Rotharis & Luitprandi legibus. Nam Paulus Diaconus, *lib. 1, cap. 14*, Longobardicos Adelingos dixit. Et idem nomen de Anglicis invenias in Anglorum & Thuringorum lege. Re autem & veritate Nobiles sive Adelingi ii erant, de quibus Comites nonnulli in hunc usque diem vocantur *die edlen Herren*. Etenim ut Saxones ex iis Magistratus suos, id est, Principes, legebant, & belli tempore è Principibus sive Regem sive Ducem desumebant; ita Franci, Saxonum domini facti, ex iisdem Comites & Marchiones designabant. Exempla subministrant quæ sequuntur. De liberis id *ἐν πλάτῃ* teneatur, qui quatuor mansos (hac appellatione certus iugerum numerus veniebat) possiderent, ipsosmet militare: qui pauciores, certa proportionem coniungere se coactos. Consulenda ad Longobardorum legem Caroli magni appendix, *cap. 3*. Prodiere igitur hinc, qui *ἐξ ὀχλῶ* dicti Liberi, seu Liberi domini, ut Speculum Saxonicum, *lib. 3, art. 45*,

art. 43, *die Freyen*, vel *Freyhern*. Prodiere Milites, *die Ritter*; & inde Militares, *die Ritterschaft*. *chronic. Saxon.* Alt Gutemanni, hodie proprie Nobiles; *die Ionckern*. etsi hoc nomen aliter eadem chronica usurpent. inde, qui volet, repetat. Postremo de servis addo, eos lege Lombardica duplices indicari; Ministeriales, & Rusticos. *De illis agit tit. 32, & seqq. de his tit. 44.* Et Rustici quidem servi etiam nunc in Westphalia superant; ii videlicet, qui vulgo *die Eygene* vel *Eygene leut* dicuntur. Vt Litos quodammodo representent, qui tam per Ostvalorum, quam per Westvalorum Saxoniam, vicos & oppida incolunt, &c.

In his satis luculenter monstrat optimus Historicus Reneccius quis status Adelingorum sive Nobilium fuerit à principio, & quomodo successu temporis etiam is in varios gradus diremptus sit. Ita quoque gradus servorum ordinati fuerunt quidem: verissimum tamen est & manet, quod quacunque servitutis appellatione omnes omnino species subiectionis veniant vocandæ, quæ juris aliquid ac potestatis in persona producant; sicut & Libertatis appellatione omnis conditio accipienda est, alieno iuri non subiecta. Secundum ex priore fluit, &c. *Frid. Hufanuss de hom. prop.*

prop. cap. 2, n. 35. Quum itaque servitute nihil durius, neque hominis naturæ quid magis in ingenio contrarium sit; proinde quidem tam sæpe pro calamitatum & temporis ratione Saxones tum cum Carolo Magno pacem inierunt. at propter aversionem & metum servitutis, quod ignobile onus & contemptuosum sibi putarunt, sæpius ruperunt vinculum hoc, & pristinam anhelarunt libertatem; quamvis neque eam amplius, ut iam dictum est, integram obtinerent. Ut plurimum igitur quum ducerentur inclinatione in suos genuinos, & quos ipsi sibi electione sua præfecerant, Principes & Reges, exinde minus adsuescieri poterant exterorum iugo, præsertim eorum, quos ita impensius semper odio persequabantur, ut superius notatum fuit. Ac nisi Carolus Magnus se ingenio populi huius accommodasset paululum, ac Witekindum sibi reconciliasset prudentius, amulationes sustulisset, & separationem atrociorum instituilset; inclinationem maioris partis vulgi non ita facile, neque vi extrema, lucratus fuisset. Sine dubio enim (*sic ibid. Renec.*) tanti viri exemplum non modo apud Abbonem, sed & apud cæteros Proceres valuit plurimum. Sic paulatim illis placatis condi

di etiam Episcopatus per Saxoniam
 cœpere, &c. Interim ut æmulo: &
 invidos rei bene gerens nemo effuge-
 rit; ita & in Saxonum Principibus re-
 perti sunt, qui Witekindo inviderent.
 de quo argumento supra. Cum iisdem
 multorum capitum bellua multitudo
 facere, inprimis pertinaciter adversari,
 atque in armis perseverare, quibus bel-
 lo bellicque licentia opus est, solita
 fuit: donec Carolus Transalbinos, vel,
 ut alii, utramque Albis ripam acco-
 lentes, cum uxoribus & liberis in
 Franciam migrare coëgit, seu, ut Egi-
 narrus in vita Caroli loquitur, huc at-
 que illuc per Galliam atque Germa-
 niam multimoda divisione disperfit,
 pagosque eorum Obotritis Sclavis at-
 tribuit. Eadem severitas forsan reli-
 quos rebelles fregit, & ita fregit, ut
 communi consensu arma deposuerint,
 iisque, quæ partim Caroli Bremensi
 diplomate, apud *Albertum Stad.* pag.
 81, & *segg.*, *Adamum Brem.* lib. 1, cap.
 10, *Crantz.* Sax. lib. 2, cap. 15, *Me-
 trop.* lib. 1, cap. 7, partim ab auctore
 Annalium, exponuntur, conditioni-
 bus compositionem admiserint. Tem-
 pus non, ut auctor ille iam dictus,
 annum DCCC III, sed DCCC V, ap-
 pono. Quum enim bellum adversus
 Saxones decretum & inchoatum sit

anno D CC LXXIII duravit annos XXXIII;
 quod utramque ab *Auctore Annalium*
 adferitur, repetiturque alterum ab *Ai-*
monio, l. 5, cap. 4, *Adamo Brem.* lib. 1,
 cap. 12, *Crant.* Sax. lib. 2, cap. 9: finis
 cadat, necesse est in annum D CCC V.
 Huc usque *Glossa Reneccii* in aucto-
 rem *Annalium*. Carmina vero eius
 sic se habent; lib. 4, *Indict.* x:

Tunc sub iudicibus, quos Rex impone-
ret, ipsis,

Legatuque suis, permissi legibus uti
Saxones patriis, & libertatis honore,

Hoc sunt postremo sociati fœdere Fran-
cis,

Ut gens & populus fieret concorditer
unus,

Ac semper Regi parens aqualiter u-
ni, &c.

Hæc igitur patris sub conditione fide-
les

Se Carolo, natuque suis, stirpique ne-
potum

Ipsius, iuravêrunt per sæcla futuros.

Quos per te denos & tres tam duriter
annos

Linquere protracti penitus conamina
belli

Plus Regis pietas & munificentia fecit.

Quam terror, Nam se quiquis commi-
serat eius

Egri-

Egregia fidei, ritus spernendo profa-
nos,

Hunc opibus ditans ornabat honoribus
amplius.

C A P. V.

De callida & secreta quadam servi-
tutis dura suggestione, & eius
effectibus diris.

QVod igitur Romanorum nemo aut
Imperator aut Heros omnium con-
tra Saxones vi & armis à temporibus
usque Atiovisi (quem tanti censet Iu-
lius Cæsar ipse in lib. 1. de bell. Gall. anno
ante Chr. Sal. nostr. nat. 58.) obtinere po-
tuit ad annum 805; ut ita in lucta li-
bertatis, priusquam ad servitutem ab-
ripi potuerunt, 863 annos consumpse-
rint Saxones: id tandem post tot secula
non sine ingenti labore & artificiiis va-
riis perfecit magnus ille heros Caro-
lus. Vnde illi merito quidem insignis
adseribitur æternæ laudis gloria. Ni-
hilominus tamen speciem aliquam &
vestigia admodum dura truculentia
alicuius in eo reliquit, (ut aiunt hi-
storici) quod nova prorsus inauditaq;
forma contra ius & æquitatem natu-
ralem constituerit quoddam Iudicium
occultum in Westphalia & vicinis ei

locis, quod ita inhumano prorsus modo erat conceptum, ut absque ullius causae cognitione homines suspecti, tanquam conscii, obtorto collo statim, cum iniectione laquei, à Scabinis (iudices sub praesidio alicuius Comitum ita vocabantur) ad patibulum vel potius deputatam aliquam arborem arriperentur. Namque tum demum cuiusque criminali iudicio illi retegebantur, quum praepostere in executionem essent rei abducti, & è medio pridem sublati; & simul à *Freygravio* sive Comite libero pronunciata est sententia talis absque ulla vera propositione criminis, quod secundum iura solida occulti banni, homo ille malitiosus rite, iuxta meritum, supplicio iusto affectus fuerit. Vocabatur autem iudicium illud cruentum *Veem-gericht*; velut propter hanc crudelitatem subditi cogerentur illum Germanicum dolorem *VVe* exclamationibus indignis exprimere, quasi *va va*, nobis ex hoc iudicio quod ortum est. Pomarius, in *chron. Sax. pag. 19*, & alii, ex suggestione Leonis Pontificis id ita institutum aiunt. Vnde & iurisperiti dixere iudices eos *Bansellos*, & *Vie-maros*. Quod etiam *Visurgim* transierat, & per aliquot secula dirissime exercitatum fuit. Propter moderationem

tionem vero administrationis non tantum Archiepiscopo Coloniensi eius inspectio est concredita, sed etiam Fredericus III. Imperator castigationem & correctionem adhibuit. Nihilominus avaritiæ hoc flagellum crudele adeo torfit homines, ut non desierint Banselli sub ea specie tyrannidem exercere suam, unde publicæ querelæ in Comitibus Imperialibus aliquoties propterea institutæ fuerunt; quum iurisdictionem non veriti sint illi iudices ultra terminos extendere, & ad suam ex alieno territorio retrahere executionem. Ex quo factum est, ut etiam aliæ confusiones iudiciorum introductæ sint, quæ multis concusserunt ter-
triculamentis subditos Magistratum. Iniquitatem & vehementem atrocitatem vide apud Pom. d. l. & Munst. cosm. lib. 3, cap. 45. Ut vero tandem remedium aliquod inveniretur, & confusioni iustitiæ rite applicaretur; aliquot civitates sua comportarunt gravamina, & in magno illo & diuturno distractoque satis Concilio (quod D. Imperator Sigismundus, Caroli filius, Constantiæ instituerat, anno 1414, circa mensem Maium, ac per integrum quadriennium duravit) cum supplici singillatim exhibuerunt libello. Factum itaque est, ut civitates tales

310 R E S P U B L I C A E
singulari privilegio donarentur, quo
interdicebatur cunctis magistratibus,
ne cives aut subditi civitatum talium
in alienum trahi aut advocari deberent
iudicium, excepta Camera Imperiali,
aulicaque. Velut etiam tum temporis
Italicæ sic vigilarunt civitates. Quum
vero pluribus historiæ ac privilegia
huiuscemodi incognita sint, & ex
ignorantia multos in ea peccare auli-
cos & Principes, eorumque consilia-
rios, ipse viderim; exemplum Brun-
svicensis Privilegii huc referam, quod
ipsa urbs, anno 1597, in Exceptioni-
bus reperitis, artic. 70, in causa Ho-
magiali, contra Ducem Henr. Iulium
Brunsvicensem allegavit, & Spira in
Camera Imp. 21 Ianuar. an. dicto co-
pialiter produxit.

*Privilegium Sigismundi Impera-
toris contra nimiam subiu-
gationem iudicio-
rum, &c.*

S I G I S M V N D V S, Dei gratia Ro-
manorum Rex, Semper Augustus, ac
Hungariæ, Dalmatiæ, Croatiæ, &c.
Rex; Ad perpetuam rei memoriam.
Licet circa universorum quietem pro-
movendam quodam fervore regio no-
stra

stra continuo versetur intentio; ad illorum tamen libertates ampliandas, & novas gratias concedendas nostri culmini adspirant. interna, quos in nostris & Imperii sacri fidelitate & constantia novimus, singlari affectione perstitisse, ut tandem ipsorum fidelitates regio benigno respectu præventi, etiam pro Reipubl. cura, pervigili meditatione sollicitos se exhibere possint & fructuosos. Sane pro parte honorabilium proconsulum, consulum, incolarum, & universitatis oppidi Brunsvicensis, Hildensemensis, & Halberstadiensis diœcesios, nostrorum & Imperii sacri fidelium dilectorum, nostræ Celsitudini oblata petitio continebat, quatenus ipsis, Ne in ullis causis mere civilibus, vel criminalibus, extra dictum oppidum Brunsvicense ad alia forensia & secularia iudicia, sive publice sive privatim, in specie vel in genere, excepta nostræ Maiestatis Curia & Iudicio, evocari vel trahi possint, de speciali nostræ Maiestatis clementia indulgere & auctoritate Romana regia concedere clementissime dignaremur. Nos igitur dictorum proconsulum, consulum, incolarum & universitatis sinceræ fidei affectionem, ac probatæ constantiæ integritatem, & sedulæ devotionis

puritatem, quibus dicti proconsules, consules & incolæ ac universitas in nostræ Maiestatis oculis propitios sibi meruerunt suffragari favores, debita consideratione revolventes; ipsorum supplicationibus favorabiliter annuentes; eisdem proconsulibus, consulibus, incolis & universitati Brunsvicensi, animo deliberato, non per errorem aut improvide, sed sano & maturo Principum, Comitum, Baronum, Procerum & Nobilium ac aliorum sacri Imperii fidelium nostrorum accedente consilio, ex certa nostra scientia, Ne in ullis causis mere civilibus, veletiam criminalibus, extra dictum oppidum Brunsvicense, ad alia forensia & secularia iudicia, quæcunque seu qualiacunque ea fuerint, publica vel privata, in specie vel in genere, excepta nostræ Maiestatis audientia, trahi seu evocari queant: quin imo ibidem in dicto oppido, si, & in quantum, actori vel attrici iustitia manifeste denegata non fuerit, iuxta dicti oppidi municipalia iura & Imperialia statuta, iuri & diffinitioni stare debeant, indulgemus, & auctoritate Romana Regia de plenitudine Romanæ Regiæ potestatis concedimus per præsentis. Volumus tamen, & eadem auctoritate decernimus, ut unicuique

cuique coram sibi competente iudice
 & non suspecto ius, prout æquitas &
 ordo dictaverit rationis, administre-
 tur, obstaculis semotis quibuscumque,
 nostris & Imperii iuribus semper sal-
 vis. Mandamus igitur universis & sin-
 gulis Principibus Ecclesiasticis & Se-
 cularibus, Comitibus, Baronibus, No-
 bilibus, Militibus & Clientibus, ac
 quarumcunque Civitatum, Oppido-
 rum & Communitarum Rectoribus,
 cæterisque nostris & Imperii subditis
 & fidelibus, Ut ne dictos proconsules,
 consules, incolas & universitatem
 Brunsvicensem, contra nostras con-
 cessionem & gratiam, ac indultum
 supradictum, ullo pacto coram ullis
 iudicibus, nullisque in iudiciis, seu
 publicis seu secretis, extra dictum op-
 pidum ad causam vel litem trahere
 præsumant; sub pœna indignationis
 nostræ gravissimæ, & quinquaginta
 marcarum auri purissimi; quas ab eo,
 qui contrafecerit, exigi, earumque
 medietatem Imperiali arario sive fi-
 sco, residuam vero partem iniuriam
 passorum usibus, volumus applicari.
 Et id quidem sub nostræ Maiestatis
 sigilli litterarum testimonio. Datum
 Constantiæ, anno à nativitate Do-
 mini millesimo quadringentesimo
 quintodecimo, prima die Februarii

Regnorum nostrorum anno, Hungariae vigesimo octavo, Romanorum quidem electionis quinto, coronationis vero primo.

Eodem modo & iisdem quoque verbis simile privilegium ab Imperatore Sigismundo obtinuerunt Magdeburgenses quidem; sed quum iudicii illius rigorosi auctorem Papam Rom. noscerent, noluerunt in hoc acquiescere; quin etiam ab ipso Pontifice Iohanne XXII, quum adesset Constantiae, tale eodem tempore obtinuerunt. quod ita se habet:

Iohannes Episcopus, servus servorum Dei, dilectis filiis, proconsulibus, consulibus, & communitati civitatis Magdeburgensis, salutem & Apostolicam benedictionem. Quotiens a nobis petitur quod paci ac honestati convenire dignoscitur, animo nos decet libenti concedere, & devotorum perentium desideriis effectum congruum imperiri. Hinc est quod propter amorem & fidelitatem quam erga nos & Romanam geritis Ecclesiam, vestris in hac parte supplicationibus nos inclinati, vobis (quibus, ut asseritur, dudum felicitis recordationis Alexander Papa quartus, praedecessor noster, per quasdam suas duxerat indulgendum, ut locorum ordinarii & delegati, subdelegati,

gati, executores, seu conservatores, à sede Apostolica vel eius legatis dati, vos consules qui essent pro tempore civitatis Magdeburgensis & vos communitatem, extra muros vestrae civitatis, ad ecclesiastica iudicia evocare non præsumerent, absque mandato sedis eiusdem speciali de hac re indulto, plenam & expressam ac de verbo ad verbum mentionem faciente; dummodo ipsi consules ac communitas parati essetis coram Archidiacono vestro, qui foret pro tempore, omnibus qui de vobis conquerentur, iustitiæ plenitudinem exhibere; Decano Ecclesiæ Magdeburgensis, qui esset pro tempore, earundem literarum per ipsum prædecessorem executore deputato: quas quidem literas, cum omnibus & singulis clausulis in eis contentis, quondam Bonifacius Nonus submisit compellatus, etiam per suas literas ad singulares personas prædictæ civitatis extendit: prout in ipsis literis plenius dicitur contineri) ex abundanti cautela, autoritate Apostolica, tenore præsentium indulgemus, ut ordinarii, nec non delegati, subdelegati, executores, seu conservatores prædicti, à sede vel eius legatis dati & dandi pro tempore, vos proconsules, consules, officium eiusdem civitatis, successores, nec
non

non easdem singulares personas quæ erunt pro tempore, & vos communitatem, extra ipsos muros ad supradicta iudicia nequeant evocare, absq; mandato dictæ sedis speciali, de indulgentia nostra huiusmodi plenis & expressis ac de verbo ad verbum mentionem facientis dummodo vos, aut prædicti successores & personæ quæ sunt & erunt pro tempore in eadem civitate, parati sitis coram eodem Archidiano iis qui de vobis conquerentur stare iuri, ac iustitiæ plenitudinem exhibere, non obstantibus quibuscunque literis seu indulgentiis à sede prædicta impetratis aut etiam impetrandis, per quas huiusmodi iuris concessio valeat quomodolibet impediri. Decernimus etiam irritum & inane, quicquid contra eiusdem concessionis nostræ tenorem, à quoquam, quavis auctoritate, scienter vel ignoranter, contingeret attentari; omnisque excommunicationis suspensi & interdicti sententias, si quæ contra dictam concessionem nostram, etiamque privilegium forsan, suppeditabunt, nullius esse firmitatis. Nulli ergo hominum liceat hanc paginam nostræ concessionis & constitutionis infringere, vel ei ausu temerario contraire. Si quis autem hoc attentare præsumpserit, omni-

omnipotentis Dei & beatorum Petri & Pauli apostolorum indignationem se noverit incursum. Datum Constantiæ, anno 1415, nono kalendas Ianuarii, Pontificatus nostri anno quinto.

Iohannes episcopus, servus servorum Dei, dilectis filiis abbati in Berga extra Magdeburgenses, & sancti Iohannis extra Halberstadenses muros, ac in Litzka, per præfides solitorum gubernari Brandenburgensis diocesis præpositis monasteriorum, salutem & apostolicam benedictionem. Hodie dilectis filiis proconsulibus, consulibus, & communitati Magdeburgensium, nostras litteras concessimus in hæc verba: Iohannes episcopus, servus servorum Dei, dilectis filiis, proconsulibus, consulibus, & communitati civitatis Magdeburgensis salutem & apostolicam benedictionem. Quotiens à nobis petitur, &c. Datum Constantiæ, anno 1415, nono kalendas Ianuarii, Pontificatus nostri anno quinto. Volentes itaque ut prædictæ literæ nostræ debitum sortiantur effectum, discretioni vestræ per apostolica scripta mandamus, ut vos sive ambo, sive alteruter vestrum, ipsimet vel per alium aliosve, supra nominatis proconsulibus, consulibus, singularibus perso-

personis, & communitati, super dicto privilegio contra eiusdem concessio-
nis nostræ tenorem à quoquam im-
merito vim inferri prohibeatis: nulla
re cunctis quæ in iisdem literis nostris
expressa sunt obstante, quidquid tan-
dem à sede prædicta aliquibus indul-
tum sit; ita ut arcessi, suspendi, vel ex-
communicari non possint, literis Apo-
stolicis non facientibus plenam & ex-
pressam ac de verbo ad verbum de in-
dultentia huiusmodi mentionem:
contradictores per censores, ecclesia-
sticis appellationibus postpositis,
compescendo. Datum Constantiæ,
anno 1415, nona Kalendas Ia-
nuarii, Pontificatus nostri anno quin-
to.

Ex his & eiusmodi exemplis varia
& multa quidem possunt colligi, quæ
ad rerum & historiarum veritatem pe-
nitius introspiciendam faciant: Sed
nos in præsentiarum duo hæc maxime
respicimus. Quorum primum est, quod
Imperator ipse nimiam libertatis sup-
pressionem agnoverit, & propterea
privilegii huius concessionem indulse-
rit fidelibus suis subiectis, ut inde cul-
minis sui celsitudo & dignitas magis
resplendesceret, si auctio quædam,
vel, sicuti ipse loquitur, ampliatio li-
bertatis iis accedere possit qui pro rei-
publicæ

publicæ suæ cura sollicite vigilarent. Deinde maxime improbat & detestatur hoc, quod iustitiæ sanctæ prætextus in tantum abreptus sit abusus, ut potius libidini mortalium, quam causarum solidæ inspectioni patrocinari cogatur. Proinde non tantum secreta illa absurdissima, sed etiam quævis alia, quæ fascinationem tantam exinde sumperunt, acriter taxat, & repudiando severe prohibet, adeo, ut poenam, quæ tamen longe graviori pondere digna erat, pecuniariam abutentibus imponat. Vere itaque conquestus fuit Lehman, *chr. Spir. lib. 2, cap. 20*, ut supra ostensum est, de nimia Caroli Magni libertatis privatione, & servitutis durissimæ propagatione; quum tot & tanta mala inde tot seculis post eum propagata fuerint. Idem privilegium aliæ quoque tum civitates obtinuerunt, inprimis Magdeburgensis; qui hanc simul adhibuerunt prudentiam, ut impetrarint una protectores & executores illius. Etenim, quum unicuique legi aut privilegio ab invidis plerumque sua fraus aut maligna interpretatio annectatur, ut vigor genuinus derogetur eius observantiæ; secundum illorum petitionem Imperator Sigismundus Episcopo Halberstadenfi, Abbati Bergenfi, & Principibus

bus Anhaltinis, iniunxit, ut auctoritatem & vigorem huius Imperialis concessionis non tantum conservarent, sed etiam eiusdem perpetuo essent defensores; & Magdeburgensibus contra quoscunque violatores huius privilegii auxiliatricem præstarent manum. Quod officium protectorium etiam inviti nuper imploranti civitati Magdeburgensi in diversis actibus anno 1622. & 1623, contra Hildesheimensem & Halberstadiensem præstare coacti sunt, quum aliquot cives, quibus crimen corruptæ monetæ imputabatur, ibi incarcerati detinerentur: velut quoque huius privilegii metropolitantiam tum alii tum Helmstädiensis quidam Polyphemus, quum clandestinam incarcerationis litteris à Principe Guelpho obtentis vim bono alicui viro intentaret, ipse cohibere coactus est. Quamvis autem omnis iustitiæ abusus per se condemnabilis; tamen maxime natura ipsa abhorret tale iudicium occultum banfellaticum, quum meram importet tyrannidem. Ideoque ex consilio Iustini Gobléri. Icti optimi, recte illud tandè in suo Ducatu Ericus senior Dux Brunsvicensis penitus abolevit. Etenim non tantum plane barbaricos mores & sævitiam talis absurditas gignit; sed
etiam

etiam omnino contra naturam humanam pugnat, & plusquam irrationale servitutis jugum denorat, quod auctori suo summum addit dedecus. Nihilominus tantæ molis fuit, ut absurditas hæc tyrannica vix in tot erui potuerit seculis. Memini, quænam hæc aliquot male politicorum frivola & incomptæ soleant esse excusationes, aut effugia vanissima, quod interdum necessitas, propter gentis duritiem aut feritatem nimiam, id postulet remedium, quod alias populis mature in viam redeuntibus non esset applicandum, &c. An vero mala propterea sint facienda, ut inde bona eveniant? An cruenta crudelitas & vis tyrannica procreet iustitiam? An iniustitia mater iuris sit & æquitatis? An hoc necessitatis extremæ est, quod mansuetudinis exigit moderationem? An talem processum exigit Christianismi propagatio? An iubet Christus ita informari & instrui suos, ut evellantur? An non potius omni petitionis modo cupit eos adduci (*Luc. 14.*) ut impleatur domus Iehovæ? Non sane Christi regnum sanguinis effusione truculenta, aut si homines simul anima & corpore priventur, implebitur. Ipse iudex suum perficiet in extremo die iudicium. Ideoque hominibus, siye maxi-

me Christianis suis, nullam aliam hoc
amplificandi potestatem concessit,
quam amoris, charitatis mutuae & re-
dificationis, & doctrinalis commina-
tionis aut adhortationis, & ut absti-
neant demum ab eorum conversatio-
ne, si prorsus nequeant converti. Quae
etiam vera & genuina solummodo
Ecclesiae Dei sunt Regalia; quum haec
unice ex operatione Spiritus Sancti
profluant; veluti quisque in Regno
Christi, siue supremus siue infimus sit,
perfectionem eam, quae in dilectione
proximi & mansuetudine consistit,
ambire debet; ut Christus ipse tot no-
bis praeceptis *Matth. 5, 6, 7, &c.* incul-
cat. Atque sic vere infranem populum
relligione contineri, si armis placari
non possit, oportet. *Krantz lib. 2. Sax.
cap. 23.* licet eo loco aliter id accipiat,
sibi contrarius: Ecclesia enim, siue Re-
gnum Christi, quum civitatem illam
Dei beatam, *iuxta Apostolum*, in his
terris repraesentet, nullatenus sangui-
nis conspurcanda est effusione fero-
ciori. Saepe etiam praeciditur ita ini-
quissime & crudelissime animae alicui
terminus, quae longe mitiori via po-
tuisset ad Christum deduci. Videant
igitur sanguinolenti illi consiliarii &
sufflatores truculenti, quas clades æ-
ternæ damnationis suis suggerant do-
minis,

minis, dum se salutis publicæ maxime succurrere arbitrantur. Extra verbi cælestis expressam auctoritatem, & genuinum eius intellectum, nullum verum, etiam in politicis negotiis, subsistit consilium.

Sed ad servitutis durissimæ conditiones, cum natura & libertate hominis ipsa pugnantes, quibus tota Germania tot sæculis exposita & flagellata fuit atrocius, revertimur. Huius status difficillimus, ait *Lehm. d. l. 2. chron. cap. 20, pag. 96.*, ex sequentibus articulis percipi potest: 1. Vir & femina cum liberis & omni suppellectile ac sumptu una cum operis venales fuerunt, & ita ad possidendum emptori & successoribus traditi sunt. 2. Non licebat servo aliam sibi matrimonio copulare, nisi coæqualem, hoc est, servam; nec quamlibet, sed eam solam, quæ eiusdem dominii esset, nisi aliud conventionepaciscentium dominorum licuisset. 3. Quæcumque labore & sudore suo comparaverant, ea omnia domino eorum fuerant lucrati, ita ut nihil proprii in iis possiderent; & licitum erat dominis impune illis talia eripere. 4. Sic nec colono aut fiscalino licitum erat traditiones facere, aut per testamentum iustum aliquid in liberos, nepotes, aut

Ecclesiās transferre ; sed competebar ius dominis optimum quodque prius ex bonis sibi seligendi & appropriandi. 5. Ita quoque quotannis cogeantur certas pensiones ex hortis, arborum fructibus, panibus, piscibus, carnibus, pullis, gallinis, & eiusmodi generibus, quasi pro usufructu solvere, qui redditus in dominos redundabant.

6. Quod si quæpiam persona serva nimiam ob turbationem, aut torturam, aliamve ob causam in alium concessisset locum, non tantum à quovis revocari poterat ; sed etiam Magistratus statim, ad indicium fugæ factum, expellere eam ultro cogeatur : unde lex hæc : Servi fugere, latitare, statum dissimulare, infamiae nota & amplioris pœnæ irrogatione vetantur. *Vad. de colleg. & monast. Germ. fol. 75.* 7. Quod si quoque vir, mulier, famulus, aut ancilla, à domino aut hero suo esset interfectus, quocunque modo id quoque fuisset perpetratum, exilem solvit mulctam : at si non statim post facinus obiisset, sed ante obitum aut expirationem læsi intervenisset spacium diei, nulli pœnæ subiectus est heres, quum tanquam proprium possederit, &c.

Hem, quo redacti sumus ? merito quis cum Comico exclamet. Quis enim

enim excelso animo ac forti mortem
 oppetere non malit, quam ita turpiter
 servire? ait *Bod. lib. 1. de rep. cap. 5.* Ger-
 mania nostra, iuxta *C. Tacitum de mo-
 ribus Germ.*, nunquam quidem antea
 veros servos agnoverat; nunc tamen
 tanta distrahitur libertatis iactura, in
 ipsa libertatis gloriosa venditione &
 iactantia vana. Quamvis enim iura
 veteris servitutis, in quinque illis ge-
 neribus, quæ *Bodin. d. l. cap. 5. in princi-
 pio ponit*, inter Christianos hodie abo-
 lita prorsus censeari queant, iuxta *Bod.
 & Christ. Besol. pol. 1. cap. 10, num. 54.*
 quum Christianismus, postquam ali-
 quos ritus paganismi in externis de-
 posuit, maius quid humanitatis & æ-
 qualitatis consecutus sit, ut idem *Bes.*
affirmat; attamen passim per orbem
 Christianum vestigia adeo eius mani-
 festa supersunt, ut vix servitutis con-
 ditiones tantæ in gradibus mitigatæ
 appareant.

Quippe attestatur Bodinus, *d. l. pag.*
 66, quod Lusitani in Hispania adhuc
 Mahumeristarum exempla sequantur,
 quum venalitios ex Africa religionem
 Mahumeris eiurare, ac nihilominus
 Christiana imbutos cum liberis & ne-
 potibus perpetuam servitutem servire
 compellant; ita ut servorum greges to-
 ta veneant Lusitania, & quidem pu-

blice, pecudum in morem. Ac tamen si Carolus V. Imperator servos omnes Americarum insularum liberos esse iussisset, anno 1540: nihilominus, seditione coacta, propter avaritiam ac libidinem potentiorum, Gonzalam Pizarrum, regionis Præsidem, à Carolo defecisse.

Muscovitæ non cupiunt ultimi inter Christianos dici: attramen barbarica servitus nuspiam magis floret; quum tota gens ad nutum sui Principis ita brutaliter adstringatur, ut etiam aliquando nefanda, detestanda, & execranda adorent & exosculentur; sic omnes iuxta politicos & spirituales durissima servitute sibi subditos atque subiectos habet. Ea vero (ait Mich. Neand. in expl. orb. ter. pag. 2209. talis tantaque est, ut nulla gens in genere humano similem servitutem sustinere existimetur. quæ paratam illam gentem facit & promptam ad omne Principis arbitrium imperata facientem; etiam tum, si dicat, Abi cito, (quod apud Comicum scriptum est,) & suspende te. quum tanta præterea sit armatus auctoritate, potentia, tanto militum robore, tanto satellitum atque prætorianorum numero, ut ne, si velit quispiam refragari eius cruentæ voluntati, facile possit, &c. In

tam profunda subditi servitute sepulti jacebant ante pauculos annos, ut tempore Basilidis nemo sibi proprietatis quidquam in ulla re, etiam vilissima, adscribere auderet: Si quis quaerebatur; Cuius hoc vel illud est? nisi responderebat; Est in dominio & possessione Dei ac Ducis; ille putabatur ingens commisisse crimen laesæ Maiestatis. *Heinr. Rötlen. in vita Basil. par. 3.*

Sic & Lithuanorum durissimam conditionem describit Alexander Guagninus, *tom. 2. rer. Pol.* Ut quisque dominus famulorum caterva stipatus, domum coloni alicuius ingreditur; impune quidvis facere, res quasunque rapere, absumere, & colonum etiam verberibus crudeliter cadere potest. Nec colonis ad dominos suos sine muneribus aditus pater: & admitti illico ad officiales reiciuntur; qui, nisi donis mitigentur, nihil iuste decernunt. Et profecto in Lithuania quodlibet iudicis verbulum, aurum est. (ubi non etiam alibi?) Præterea singulæ septimanæ in operasita distribui solent, ut coloni quinque aut sex dies negotiis dominicis impendant, die vero lunæ res privatae curent; & sic plerumque diebus solis (namne festis quidem diebus sunt feriati) quodvis opus absolvant, aran-

do, occando, runcando, pastinando, metendo, trititando, & id genus. Adeoque, si quis Roxolanum interrogaverit: Quare Dominico die laboras? continuo is respondebit; Quia & Dominico comedere oportet. ut post Ganguinum refert Lansius *in consult. de Princ. Europa.* & affirmat simul, quod Nobiles in servos, quos *Kmethones* vocant, ius vitae & necis habeant passim, & si quis ex his forte capitis damnatus fuerit, tum de se ipso, iubente domino, supplicium sumere, suisque manibus se suspendere, minis, loris & fustibus impellatur. *Sal. Neugeb. lib. 1 rerum Polon.*

Poloni quoque Nobiles olim, dum interfaciebant, ditipiebant villas rusticorum, & eorum sumptu proficiscebantur. Sed Casimirus I. illud correxit, anno 1180, & possessiones *Kmethorum* tutas à vi dominorum reddidit: ex quo coeperunt bonis suis pro arbitrio, salvo iure domini, uti, & possessionem ad hæredes transmittere. *lib. 1. Stat. Pol. cap. 17, art. 3. Crem. lib. 6. hist. Pol.*

Eandem esse conditionem rusticorum apud Russos, Sigismundus Baro *in hist. Muscov.* refert: quum non tantum sex dierum operas perpetuo debeant heriis suis, & tantum septimum suæ

sux vitæ necessariis impendant : sed etiam ita adstricti hæreant ditioni Dominorum , ut neque aliose conferre , nec liberam voluntatem in contrahendo matrimonio exercere queant, &c.

Nec Germania ab istis vestigiis diræ servitutis huius prorsus libera est, quum reperiantur quidam aliis strictiore iure devincti, ad servorum proprius , quam liberorum conditionem accedentes; qui quum revera servi non sint , novo nomine homines proprii, *Leibeysen*, appellantur. Quorum tamen omnium non eadem est ratio. Quibusdam enim in locis, ut in Westphalia , & Holsatia &c. deteriori iure habentur, quum illi, quorum hi proprii sunt, his ipsi defunctis succedant in semissem, & extra consortium priorum hominum hi liberos suos elocare nequeant, nisi ab illis, quorum utilitati parent, impetraverint. Sic aliquot exempla tyrannica quoque ante paucos annos vidimus in Holsatia , ubi Nobiles mire torquent suos proprios. Velut etiam in aliquot locis Marchiæ Vandalicæ tales vivunt servi. Alibi sunt paulo conditionis melioris, qui haut secus, atque reliqui proprii, minus liberam bonorum suorum habent administrationem. Atque

ut defuncti quodammodo videantur
fuisse proprii, liberi aliquid solvunt ex
bonis quod consuetudo aut pactum
ferat. Quare Gæddæus *de contr. stip.*
cap. 7. concl. 6, num. 76. Germaniæ eius-
modi servos non proprie servos, sed in-
stat colonorum conditione sua colen-
tium & adscriptitiorum esse tradit.
And. Gail. de pig. obs. 7, num. 1. plenius
Huf. in tract. de hom. prop. In Gallia sa-
ne adhuc hodie plebs pene servorum
habetur loco. Non tantum operas ab
iis domini exigunt, sed etiam si domi-
cilium originis sine domini venia mu-
tarint, capistro domum reducere sibi
licere contendunt. *Bodin. 1. de repub.*
cap. 5. Quales historias crudelitatis et-
iam in Holsatia vidimus nuper dire
perpetrare Nobiles.

Apud Wandalos in superiori Lusatia
rustici nobilibus suis corpore fortunis-
que toti sunt addicti, usque adeo, ut
quoscunque labores illis gratis exant-
lare, agros colere, peregre excurrere,
fruges demerere, & omnia alia, quæ ad
rem familiarem & æconomicam per-
tinent, negotia expedire teneantur, ne-
que solum commutare patrum sine
consensu voluntateque suorum Nobi-
lium audeant, ut refert *Meland. in Idea*
sua, fol. 27.

Quin & Bohemiæ Ordines & Nobi-
les

les rusticos suos (*scavos*; quos & *klappen* vocant) pro mancipiis habent: nec in alterius territorium vel occasione matrimonii se conferre eis integrum est, nisi impetrata venia dominorum, & litteris dimissoriis. Sed & ad cæteros annos seu tempus domini invicem eos locant, permutant, & donant.

In Ducatu Brunsvicensi paulo liberiorum agunt conditionem; vitæ quidem, ut propria bona possidere & emere, atque testamenta facere queant; sed tamen ad operas præstandas per certos aliquot dies singulis septimanis teneantur: Messis vero tempore cotidie alligati sunt ad quævis necessaria præstanda. Erat in aula Guelphica quis principalis Woberen nomine, quem nimia nihilominus duræ servitutis huius libertas occulte mordebat: à quo audiivi ipse, minime illam rusticis aut civibus, quum plane indigni essent etiam minutissima possessione, competere. Omnia enim, aiebat, ad unicam nobilitatis statum sunt referenda, adeo ut nemo ulterius quid in ulla re proprietatis sibi vindicare debeat, qui extra hunc equestrem vivat ordinem. Reliquis igitur mortalibus cunctis assignabat sola tria *k*, quibus tria hæc verba notabat, *eyn kniep, kittel, & knausz broot*, id est,

est, quod nihil proprii in bonis terrarum huius externi unusquisque, qui non esset nobilis, ulterius possidere deberet, quam *cultellum, tunicam, & frustum panis*, unde vivere posset. Atque, quum is Principis cor quasi in manu teneret, ita tyrannico plane conatu & immanitate insatiabili subditos iterum in extremam satagebat redigere servitutem, ut ita antiquum servitutis ius in vigorem revocaretur. Sed Iehova potentior fuit in excelsis, & miro genere mortis illum ex terra sustulit.

In Germania tamen nusquam clementiore servitute tractantur rustici, quam in Misnia & Thuringia; ubi patritii habentur subditi ea ex gente, nec amplius obligati tenentur domino aut nobili suo, quam quotannis ad tria potissimum anni tempora, ut sationem & messem conficiant, & certam lignorum vecturam praestent. Si quis ulterius quid postulet precario aut cum aliquo rigore, continuo ad eorum petitiones inhibitione iudicii provincialis retrahitur, & in jus vocatur: quales actiones saepius subire coactus sum: namque omne precarium illis suspectum est.

Ita undique mortalibus nomen servitutis detestabile & horrendum apparet,

paret, ut nemo omnium id lubenti animo sustinere, nemo humeris onus hoc imponi suis velit; quum id contra naturam libertatis, cui quisque senatum dicit, pugnare recte putetur:

Quare non sic penitus circa annum Christi 1250, aut paulo ante sub Frederico Imp. II, qui anno 1210 electus est, servitus antiqua sublata est; ut *Be-söl. d. l. pol. cap. 10, num. 54; ex mente Thom Smith. 3. d. rep. Angl. cap. 10; & Lyclam. 4. memb. eccl. 11; Bartol. in l. hostis, ff. d. capt. & postl; & Laur. Pignor. de servis, fol. 195, & alii, asseverant*: quamvis ita non amplius venalicii haberentur, ut olim ante aliquot secula, quam Christianorum mutua dilectio & humanitas religionis confortes à servitute promptius liberare inciperet. Deferbuit enim iste zelus pietatis adeo, ut quisque ferme ex proximo servum facere satagat suo magis, quam ut liberum cernere velit. Exempla sunt odiosa:

Priusquam vero ulterius progrediamur, necessario inserenda heic venit quaestio, quæ sæpius Imperatori & Ictis de servitute contra naturam movetur, quæ quum illitam misere dilacerentur, paucis id enucleandum erit. Res quippe digna est notatu.

CAP. VI.

*An iuste Imperator in Florentino refu-
retur ab aliquibus, quod servitu-
tem contra naturam
statuat?*

ADmodum heic acrese ICris aut po-
tius Imperatori ipsi movisse præ-
cunctis bellum, auctor ille Relectio-
num polit. existimat, si illis neger,
Quod servitus non sit contra naturam;
quum eam sententiam non immerito
cum Florentino, l. 4. ff. de stat. hom.
omnes defendant. Nec minus hoc si-
bi plane persuasum habet, se perquam
nitentem abstulisse victoriam, si eos
vanis vel captiosis Stagirensium eluse-
rit terminis. Sat ambitiosa eius sunt
verba: iuvat incipere à primordiis na-
turæ, & cum ICris manum conferere;
An non servitus iustissima prodeat ex
iure naturæ? in Relect. pol. lib. 1, cap. 3,
sect. 3, num. 1. Atque ut ICros omnes,
cum Imperatore in Florentino suo, &
Cothmannum, penitus in ruborem
cogat & confundat, Florentinianæ
servitutis descriptionem, quam ille
exactam facit, hic mirifice exagitat:
quum in ea quidem definitione ver-
bum nullum sit, iuxta eius effatum,
quod

quod non possit vellicari. Nimirum hic stylus est communis Stagirensium omnium, quod etiam naturæ eorum insitum est adeo firmiter, ut nihil nisi vellicationes, & maledictiones consue-
 re adament, quoties vident, quod terminali illi futilitatum magistro suum infringatur alicubi censo-
 rium tribunal. Etenim singuli eius alumni in hoc unice omnes impen-
 dunt mentis, cordis & virium labo-
 res ac nusus, & hoc cavent maximè, ne
 alicubi ipsius flagellerent auctoritas. Si
 quis sit, qui non nihil huic contradi-
 cere velit, & veritatis limen propius
 pandere exoptet; is certe non sine leo-
 ninis unguibus notatus abibit: ad
 minimum haud à moribus iniurio-
 sissimis erit liber. Vbi nec parcunt iis,
 quibus omnis reverentiæ honores de-
 bent; quum se pro aris & focis for-
 tem hanc depugnare luctam arbitren-
 tur; si Stagirensis uspiam sint diluen-
 dæ culpationes aut distractionum sug-
 gestiones. Sic etiam servituris natura-
 lis nimis operosum amatorem hunc
 non pudet in verecunde ipsum perstringe-
 re Imperatorem, quem in Florenti-
 no agnoscit præsentem sibi: nec dubi-
 tat hunc terræ dominatorem poten-
 tem cum vanitatum venditore suo
 conferre inconsideratus, *d. l. num. 16.*

Mul-

Multum illi de cognitione naturæ gloriantur quidem, & hanc sibi totam perspectam putant, quum omnia in substantiam miseram & accidens dirimere, simulque huic fucō pallium terministicum conceptivum superinducere didicerint; At in quantum ipsi ab omni naturæ perlustratione abſint, id notorie constat; quum nil nisi inanes terminos loco scientiæ confingere noscant. Ac ne quis cautior hæc introspiciat, vah quanta tela syllogistica cum calumniis ferventissimis in huiusmodi fuci detectorem evibrant? Cerebrosus autem quilibet facile invenit, quod sugillet. Vnde etiam hodie in medio Christianorum numero, titulo hoc æu glorioso tumentes inveniuntur, quibus minus peccatum vitiumve videtur esse, si in gratiam Stagirensis sui Sacræ Scripturæ, adeoque ipsi Spiritui Sancto, etiam directe contradicere queant. Ichova vero verbi sui vindex severus & potens quum sit, ab istoc peccato cavere sibi prudentiores opto. Sed quomodo hæc res sese habeat, id nunc heic explicandum erit.

Agit ille suarum opinionum Relector ubertim de hac materia in novem sectionibus. quæ sane omnes erroribus, nec paucis contradictionibus, abunde

abunde scatent. uti hoc admodum af-
fine cunctis, quibus nunquam verum
principii fundamentum attingere,
multo minus penetrare conceditur,
esse solet. Sic etiam heic temere flagel-
lat definitionem Imperatoris; quum
tamen potius decisionem eius cum re-
verentia agnoscere deberet. Definire
enim in iure nil aliud est, quam in ge-
nere iuxta legis modum quid consti-
tuere, *l. 4, §. puto. ff. de hered. instis. l. regula, ff. de iur. & fact. ignor. Vide Erenb. 2, de fœd. cap. 1, num. 2, 3, 4.* Nihilominus
perpendemus argutias hominis, & vi-
debimus, an non potius semetipsum
quam Imperatoris verba tam inique
perstringat. Primum omnis illusio
consistit in terminis aut vocabulis
istis, libertatis, domini, facultatis,
licentiæ, potestatis, servitutis, vio-
lentiæ, & naturæ: quæ ita, temere,
sive studio, inter sese convolvit, ut
vera significatio aut acceptio ferme-
nuspiam recte applicata videatur. Vel-
ut autem talis philosophiæ sectatori-
bus usitatum esse solet, ut communi-
ter distinctiones faciant inter vocabu-
lorum noëmata sive acceptiones, ita
quoque heic factum ab illo opportuni-
set nonnihil evidentius, quam in au-
tecedenti sectione id præstiterat. Tieu-
lus quidem 2, *sect.* hanc habet inscrip-
tio-

ptionem, quod monstrare velit, Quid sit libertas, & huic opposita servitus; sed si quis totam sectionem perlegat, nihil potius in ea & in proxima sequenti inveniet, quam quod verba Imperatoria, l. 4, ff. de statu hom. cum glossatoribus & Dd. suis cavillatorie perstringat; nimirum illud egregie præstat, quod in se perquam animose non sine exagitationibus susceperat. Mos alioqui vulgaris est eruditorum, ut verbi alicuius ambigui significata, statim à principio disquisitionis, exacte, & cum perspicua declaratione quid in iis determinatum velint, explanent. Velut in philosophiæ suæ exordio id facere solent. Vbi vocabulum istud duobus modis accipi affirmant; ἀνέγος vel κρύβος. & ἀνέγος vicissim in duplicem modum abripiunt; ut aliter late, aliter anguste accipiatur. Latissima eius significatio, aiunt, in eo consistit, quando pro omni doctrina & scientia, quæ homini non innata, sed studio & industria acquisita est, haberetur. atque ita non tantum philosophiæ partes reales, verum etiam intentionales, imo omnes facultates superiores, theologiam, iurisprudentiam, medicinam, &c. adeoque omnes artes mechanicas complectitur; sicut videtur esse apud Stagiritam 6, eth. cap. 7.

Postea

Postea anguste accipitur quintuplici modo ; ut etiam pro sola metaphysice vendideretur interdum. *vid. Gocl. & Chr. Mat. disp. 1, metaph. disp. 2.* Sic & vovula Naturæ plurima denotat : Illud autem heic natura vocatur , quod est principium & caussa motus , quietisque, eius in quo est primo , per se, & non per accidens ; *aut Corn. Mart. in disp. 2, phys. de nat. anno 1612, Helmst. excusa.* quum tamen in his nullatenus Naturæ verum E s s e tangatur. Quod si eodem modo ita candide cum Imperatore ex mente eius , ut verba eius se habent, *sect. 3, num. 15,* & non cavillatorie aut sophistice , agere voluisset ; debuisset quoque illud, quod in sectione præcedenti, & in hoc titulo , in se susceperat , prius recte expeditum reddere absque perpetua amphibologia, neque in tam diversis libertatis & servitutis significatis tam firma in rerum veritate confuse eludere summam Imperatoris mentem & auctoritatem. Etenim utrumque hoc verbum , ut ipse toties in antecedentibus , sed satis tamen involute , innuit , polysemon est ; & nunc striete sive proprie, nunc improprie, sive latissime , multo pluribus modis, quam ipse indicat, accipitur. Iam ille igitur primum omnium examinare rite debuisset , de

quam acceptione libertatis & servitutis Imperator per Ictum suum Florentinum *in d.l.4.* ageret; videlicet de ea, quæ mutuam oppositionem in iure determinat; quatenus etiam in naturalibus facultatibus externis se mutuo infestant & oppugnare maxime videntur; quum eousque servitus naturæ hominum iniqua sit, & propterea simul sub considerationem legum civilium merito utraque veniat. Si hoc solummodo rite pensitare voluisset, inanem suæ verborum & sarcasmodum variorum copiam in pluribus restringere, & candidiorem sinceræ veritatis indagatorem præstare potuisset. Ideoque Montecatinas satis scite Iureconsultos excusavit, quod omnimode ad ius gentium respexerint, quum inde maxime talis oppugnatio libertatis in sua natura profluxerit, quæ adiumento ll. civilium corrigi debebat; ut sic homines cum iniquitate summa servi reddit ad liberum statum reducerentur, qui ipsi iuxta naturæ dispositionem in communi dominio, ad quod omnes nati erant, competebar. Nam, ut ipse id confiteatur, *sect. 3, n. 10*, nec abnegare potest, in prima creatione, quum lex naturæ implantaretur, datum est homini imperium in universam terram, in omnia

nia animalia, quæcunque vel in terra, vel in aëre, vel in aqua degunt; *Gen. 1. Psalm. 8.* & hoc imperium natura competit homini, etiam si animalia illud non agnoscant, propter imperfectionem animalium & hominis sublimitatem perfectionem, &c. Quis tamen hoc naturale imperium, & libertatis dominium commune, quod cum lege naturæ in tam sublimi perfectione hominibus statim à principio implantatum agnoscit, adeo contemptum habet, ut hoc cum omni libertatis dominio, in gratiam Stagiritz sui, servis prorsus in antecedentibus abscindat? *scilicet. ead. n. 4. & seqq.* Ait enim: Iam constat experientia, duas hominum classes ubique inveniri, quarum alii nati sint ad serviendum, alii ad dominandum. Rationes item contra semetipsum has addit: Alios instruxit natura magnis animis, & provida soletia: alios abiecit. (N. B.) usque ad ignominiam brutorum, solius patientiæ & laborum gloria superbos, &c.

Fertur quippe Prometheus addere principi

Limo coactus particulam undique

Defectam,

(*Hor. lib. 1, od. 16,*) & pro conditione suam cuique indolem distribuisse, &c. Quod & planius expressit

Homerus, *Odyss.* 17., dum ait : Iovem auferre dimidium mentis illi, quem in servitutem destinavit. quem versum ad servos natura accommodavit Plato. *lib. 6. de rep.* Nam & idem *lib. 2. de repub.* cives inter se differentes, & singulos ad singula opera paratos, à natura produci affirmat. Et *lib. 3. de ll.* septem ordines imperantium & parentium ex intentione naturæ deducit, &c. Item *num. 5* : Ex æquitate naturali ; quando præstantius, quod universo semper prædominatur, incumbit deteriori, &c. Adeo unanimi consensu gentium imperium defertur meliori & præstantiori, &c. Vnde idem *num. 6*, servitutem naturæ legi iustitiæ convenire affirmat, &c. Nasci enim quosdam usque adeo impotentis animi, ut nec suis commodis prospicere, nec in longitudinem consulere possint, indigos ad omnia consiliis ; quis non in media plebe & manipulis rusticorum cotidie advertit ? &c. Tandem *sect. ead. num. 9*, hunc locum ferme ita concludit ; (quod majusculis notetur litteris :) Quantum vero cognitionis est in animalibus brutis, tantum & in iis hominibus, quos natura servos vocavit Aristoteles. Itaque non magis ad libertatem facti censentur, quam bruta, quæ naturaliter homini subie-

Et facit Aristot. 1, pol. 3, & Ovid. 1, Metam.

*Sanctius his animal, mentique capaci-
cuius alte,*

*Deerat adhuc: & quod dominari in
cetera posset*

Natus homo est.

Quæso, quid heic aliud agit auctor ille, quam ut ipse sibi sit contradictorius, imo & in totam humanæ vitæ societatem iniuriosus? Confitetur enim, homini cuivis, id est, universo huic generi, datum esse imperium in universam terram, & quidem in sublimi perfectione, licet animalia reliqua propter imperfectionem imperium hominis non agnoscant: Et tamen interim ita in duas abripit classes genus idem humanum, ut non tantum usque ad ignominiam brutorum abiciat unam eius partem; sed etiam vix tantum cognitionis eidem nationi servorum attribuat, quantum in animalibus brutis superest. Rogo iterum quemvis candidæ libertatis amatorem; vel potius iudicet quivis, etiam is quem talis cognitio in animalium imam sortem & sellam transposuit; an Imperatorem heic & eius Ictos, vel potius semetipsum refutet? Affirmat enim & negat idem de eodem. Si hoc philosophari est, nil prohibebit quin &

ipsa brutorum. noticia tantidem praestet; idque fortasse dexterius, si modo perinde libet ipsis ac eiusmodi blateratoribus linguæ usus concederetur. Etenim, num genus humanum mentis capax, & sublimi in universam terram imperii perfectione absolutum, concipi potest, quod tamen propter imperfectionem & defectum cognitionis adsimiletur simul brutis, quæ luce aut vi mentis omnino carent? An non hæc quoque sublimis aut insignis est iniuria quæ in Deum & homines effunditur? Stagirita olim dicebat, animum hominis se habere instar rasæ tabulæ, cui nihil esset inscriptum: sed tamen omnia possent inscribi. Si hoc verum; servos certetum non habuit in numero hominum: aut fortasse sui oblitus est: aut iste impugnator præcepti Imperatoris non idem observavit, & summum pro veritatis indagatione nobis obtrudere conatus est. Verum error talium inde est, quod ipsi ex falsa adulterina Stagiritæ philosophia, quæ nihil nisi logomachias concoquere, eas in mundo disseminare, controversiarum ambiguitates vendere, & terminales congestiones rerum veritati obducere novit, nunquam ad veræ philosophiæ principia, tam cæco detenti ductu, pervenire queant.

queant. Etenim, an non in lapsu Adamico primo omnes nos in eandem incidimus conditionem naturæ; ut, quod ille amiserat in imagine Iehovæ, id quoque nos omnes, ex eo nati cum tota progenie, similiter amiserimus? Nonne inde imago Dei, Adamo per creatorem impressa, in suum divinitatis, ex qua efformata erat, centrum rectorum abiit, & ceu lumen extinctum in sui principii penetral recessit penitus, adeo ut non nisi per Christum & eius regenerationem in nobis resuscitari, & cum lumine suo sancto ex Spiritus Iehovæ gratia reddi nobis & restitui valeat? An non inde legis naturæ debitores facti sumus omnes in eodem gradu cum Adamo, ut nemo posterioris iuris præ altero dici aut fingi possit? Annon Adamus hoc lapsu purum amorem sanctamque cupiditatem, quam imaginatione sancta in Iehovam unice dirigere debebat, in terrestribus fœditatis libidinem turpem & monstruosam nobiscum transformavit, ut inde omnes in eodem perditæ naturæ luto hæreamus monstri? Quum igitur omnes ad unum, nemine excepto, ex lapsu Adamico eiusdem conditionis filii aut propago simus; certe aut erimus omnes simul domini, aut servi, iuxta creaturæ

seriem in naturalibus facultatibus .
Quod vero verat, quin poenam utrum-
que? sed non ex eo fundamento , ve-
luti servitutis ille nimis rigorosus ad-
sertor & amator facere gestit. Etenim
domini sumus secundum hominem
internum, qui in Adamo ante lapsum
tunc manifestatus erat, quum adhuc
externum illum secum occultatum &
quasi ab imagine sua divina absor-
ptum sive sepultum teneret; servi ve-
ro secundum hominem externum, qui
postea in lapsu ex carcere suo cæco in
manifestationem huius externi proru-
pit, & hac crassitie palpabili se im-
buit, non sine macula suæ turpitudi-
nis. Quare falsus & nugatorius omnis
est ille discursus, qui futilibus paganis-
mi gentiliterminis deformatus, duas
illas classes mortalium, propter nu-
dum complexionis externæ instin-
ctum, aut incitationis indolem na-
turalem, ita contradistinguit, ut inde
imperantes & parentes, aut domini &
servi dici mereamur. Longe deterius,
vel multo iniquius illud est, quod
bestiali numero censeri ii mortales
debeant, quibus clementior ingenii
favor præstantiorve genius in procrea-
tione insitus nullus est. Sed bene se
res habet: Quod si inde aut liberi
aut servi censeri debeant; quæso quo-

tus quisque non ex throno potestatis suæ vel rex aut princeps ad numerum brutorum deturbandus erit ? quum ex historiis quoque pateat, quod inter mille imperantes vix decima pars inveniatur, qui digne satis suum administraverint locum. usque adeo rarissime influentia illa solaris, quæ principatum rebus & regiminibus maximopere applicat, regentes benignitate sua beat ? E contra maxima pars servorum, quos iniquitas sortis malignæ aut potius terrigenarum improbitas in servilem detrussit conditionem, ad summa rerum fastigia foret evehenda, ut primas capefferet in statu regiminis. An vero non inde cuiusvis regno aut reipublicæ maxima extimescenda esset confusio ; si secundum generositates animorum aut domini aut servi censendi & suo loco habendi viderent ? Platonem iste, *cap. 1, sect. 10, num. 2*, exagitat satis proterve, quod ideam suæ reipublicæ confingat quæ nusquam locorum in terris possit dari, quum ab omni hominum conditione amota sit. Nunc certe longe acriori censura notandum se exhibet, quam Plato, qui optimam reipublicæ formam ex amore sincero progenitam delineare voluit, dum iste in talibus abortivis pigmentis plane confu-

confusam eam in proscenium mortalitatis protrudit. Etenim ubi non servos, quos ita homines servos faciunt, potius bonos, & è contra liberos aut ingenuos malos vel etiam pessimos invenias? Si permutatio esset instituenda in dignitatibus, totus commoveretur mundus, nec ulla rite sibi constare posset Respublica. Sed glossatores tales sibi ipsi sunt oneri in tot refutationibus amphibologicis, dum aut vere distincta non distincte suis applicant locis, aut distinctiones fingunt, quæ rem magis involvant. Inde error unus parit alterum, ut ex una ignorantia in alteram & longe crassiores incidant. Quod heic etiam factum, facile saniores & veræ philosophiæ cernunt alumni. Quare non dubito, quin cautius in his suum ostentasset iudicium, si ipsi verioris philosophiæ lux affulisset clarior. Qui ex illuminatione mentis sanctiori nescit septem proprietates æternæ naturæ, & quomodo ex eiusdem tribus principiis se naturæ temporali & huic mundo insinuant, ac tandem centraliter in microcosmum confluant, quomodo etiam spiritui mundi submissus sit Adamicus homo post lapsum; illi nec de naturæ veræ constitutione, neque de eius processu & complexionibus sibi quidquam

quam cognitionis aut iudicii polliceri rite poterit. Etenim heic non sufficiunt unde conficti. termini phrasum, quum realis rerum exploratio vera veram menti addat sapientiam, ut sic inde sanum de re quacunque possit ferri iudicium. Nam licet homo ex lapsu suo, ex quo ita spiritui sydereo mancipatus, nunc vitam hanc trahit, in eam se præcipitaverit corruptibilitatem, ut inde influentiis superiorum maxime sit obnoxius, quæ illi iuxta prædominationem constellationis instillent naturalem instinctum, secundum quem suam naturæ huius corruptæ, si maneat extra Christianorum regenerationem, traducat vitam; tamen multiplex hæc influentiarum constellatio tam varia atque infinita est, ut nulla ratione ad duas classes solas illa constitutio mortalium in hoc mundi externo regno redigi, & eatenus ita inter se distingui iuxta internam suam essentiam possit aut debeat; sed si mortales iuxta prædominationem influxus ex septem proprietatibus naturæ censeretur deberent, potius ex generationis suæ virtute, ad eam complexionem forent redigendi, quæ prædominium in unoquoque hominum obtinet. Velut id philosophi ii, qui philosophiam san-

norem

niozem vel à primo salutarunt limi-
 ne, rectissime intelligunt, & cum iis
 faciunt omnes, qui astrologiam natu-
 ralem penitus introspexerunt, sine qua
 nemo quidquam in natura sapere aut
 rite cognovisse dici poterit. Videatur
 & consulatur modo insignis Sendi-
 vogdii tractatus de tribus principiis
 vere naturalibus, & longe excellentis-
 simum libellum de spiritu universali
 mundi omnia plene vivificante, qui
 ita inscribitur: *Traitez de l'harmonie
 & constitution generale du vray sel, secretes
 de philosophes, & del'esprit universel du
 monde, suivant le troisieme principe du
 Cosmopolite: Recueilly par le sieur de
 Nuisement, receveur general du Comte
 de Ligny en Barrois. Paris. edit. anno
 1621.* qui libellus mox latinitate do-
 nabitur. Iniuria igitur non levi, imo
 summa, non tantum genus humanum
 in universum, sed etiam ipsos natu-
 rales influxus, quibus suum ita pro-
 prium infringit officium, temere af-
 ficit, quando tales servos naturæ
 constituit, qui ne quidem ad ullius
 virtutis studium idonei aut apti dici
 queant, quum prorsus brutis adsimi-
 lentur, qui nec aliam vitam vivere
 possint, quam quæ brutis sit æqualis;
*ut toties sect. 3, n. 4, 9, & sect. 7, n. 15,
 repetit.* Et in primis hoc valde iniu-
 riosum

riofum apparet, quod maximam partem hominum huic sorti durissimæ deputer, & ad has absurdas extremitates reiciat; quum ex mente ipsius Stagiritz, alios propter magnitudinem animi & providam solertiam solos imperio natos, alios ex defectu talium virtutum, quum illos natura non adeo firma instruxerit, sed dura iis extiterit noverca, servos prorsus faciat; impetrantium vero, respectu cætus universi in mortalitate hac, admodum sit exiguus numerus; & è contra maximus semper parentium, quibus servitutem naturalem assignat: *sect. 3.*

Sic etiam maxime scandalosum, nec sine absurditate, *sect. 1, num. 10*, hoc ab ipso Arnisæo prolaturum est, ubi dicit: Virtutis studium in servis natura frustra quæsieris, qui parum absunt à brutis: sed tamen & secundum hoc, & secundum cultum divinum, dum sibi consulere nesciunt, directioni domini subiacent.

Vix ita aliquid discriminis inter bruta animantia & homines admittit tales. velut in sequentibus id clarius adhuc deregat, ubi ait: Reliqui, quos servitutis cæno immergit fortunæ quædam iniquitas, etiamsi libertatem animi perpetuam retineant, & inviolabilem, nec in extrema servi-

servitute definant velle quodlibet; tamen contra naturam voluntatis liberæ coguntur aliud agere quam velint, & arbitrium alienum in medium animum recipere, non quod voluntas, quæ semper in sinu suo libera manet, & suæ spontis, per se subiiciatur arbitrio domini, sed quod actus voluntatis; dum non licet ipsi agere, quod vult.

Quæso, an igitur nulla alia est differentia inter tales homines & bruta? Etenim si cœno tanto iniquæ fortunæ adeo profunde immergi hærent, ut contra naturam voluntatis liberæ cogantur aliud agere, quam velint, & per se subiiciantur arbitrio domini; tum etiam frustra quærat in iis virtutis studium; profecto nihil differunt ab animantibus brutis quæ eodem modo suis inserviunt dominis, si imperentur similiter; præsertim si hoc accedat, quod etiam vitam, animum & quicquid denique suum possident, domino debeatur. Ast omnis eruditorum tamen schola, homini cuius animam rationis compotem attribuit, & inde à brutis ita distare dicuntur singuli ut etiam in ea dominium ipsi comperat. Quod si vero iam omnis virtutis studium in capacitate interna aut facultatibus genus servile amiserit, aut par-

ticeps

ticeps nunquam sit, aut fuerit, ut contra naturam voluntatis liberæ aliud agere cogatur, quam velit: quid prohibet, quin ipsi longe deterior status naturæ infra bestias adscribatur? Quippe notorie constat, & experientia cotidie ante oculos mortalium id testatur, quod vel nutu quoque cicurata animalia, absque violenta cohibitione, possint regi. Num igitur adeo penitus exclusi sint tales naturæ servi ab omni rationis consortio, ut importunis solummodo ducantur affectibus, nec quid profit ulla educationis informatio? Si hoc verum iuxta mentem huius auctoris, certe nec homines erunt, nec anima rationali præditi, sed monstra prorsus in sua effigie humana inutili, & animam habebunt cum brutis mortalem, ac cum ipso corpore extingubilem. Nam si virtutis studium frustra in iis quæritur, ne quidem facultates habebunteas, quibus id recipiant, aut exerere queant. atque si hæ non adsint, nil distant à bestiis, animasque fovebunt evanidas, nec alius locus illis assignari inter mortales poterit in conversatione civili quam animantibus: soli autem domini erunt veri homines. quod absurdorum absurdissimum. Tum etiam hoc inde sequitur, quod necessitati

fati incorrigibili adstricti & alligati
hæreant, quum ita à facultatibus ani-
mæ rationalis sint prorsus exclusi, ut
contra naturam voluntatis liberæ,
cogantur aliud agere, quam velint;
quod non tantum itidem absurdum,
sed etiam Christianismo vel potius sa-
cræ Scripturæ prorsus contrarium est;
quæ undique nobis viam planam ad
gratiam Iehovæ explicat, modo quis se
pœnitenti vita pietati veræ devovere
velit. Imo ipse sibi est contrarius, dum
eam curam in dominum servorum
relictit, ut operam det ne animi cul-
tus & perfectio illis desit, *sect. 1, num.*
10. Quod si vero dominus ipse in tali
excellencia naturæ natus non sit, qua-
lem ille in omnibus necessario præsup-
ponit, & pro liberalitate naturalis li-
bertatis constituit, quam ipsa natura
suo proprio iure ex imperiali necessi-
tate cunctis dominis impertire debet;
sed tali communicatione primæ clas-
sis inter homines careat: tum aut ser-
vus domini locum merebitur, quem
ipsi cedere cogetur vi distinctionis ad-
ductæ; *sect. 3, num. 4*; aut uterque ad
secundam classem relegandus erit, ut
parili urantur fruanturque bestiali-
tatis miseria, & fortunæ iniquitate,
in hoc cœno servitutis. Verum ne-
que tunc res hæc nova carebit diffi-
cultate,

cultate, quum sic totum hoc loco relationis prædicamentum in nihilum redigeretur. Etenim servus non potest dari aut esse nisi respectu domini, nec dominus esse absque servo; quum relata æque nota ac ignota sint, & in suo fundamento fundanda; quippe nugæ sunt, si quis definiat cum Ramo (ait iste auctor, *sect. 2, heic, num. 20,*) subiectum, quod habet adiunctum, & vice versa, aut patrem qui habeat filium. Qui enim nescit, quid sit servitus, nec is quidem sciet, quid sit dominium; præsertim si talis confusio naturæ inter dominum & servum intercedat, ut uterque ad sibi quam aliis vivendum ineptior sit, *Id. sect. 7, num. 20, & sect. heic 7, num. 15,* & nesciant natura ferre libertatem. *Id. sect. 3, num. 7.* Adeo unanimi consensu gentium imperium defertur meliori & præstantiori: semerque verum est, quod de agris dixit Vlpianus, *l. 1, §. fin. ff. de aq. plu. arc.*, inferiorem servire superiori naturaliter: id quod non tantum ordini naturæ, quem ubiqueprehendimus, sed & iustitiæ ex naturæ fontibus hausta summopere convenit. Tum demum enim (pergit ita iste auctor suo modo philosophari, *sect. 3, num. 6,*) officia & dignitates iuste distributæ sunt, quando quisque

obtinuit quod conditioni naturæ suæ congruit, 5. *eth. cap. 3.* Nasci autem quosdam usque adeo impotentes, ut nec suis commodis prospicere, nec in longitudinem consulere possint, indigios ad omnia alieni consilii, quis non in media plebe & manipulis rusticorum quotidie advertit? Quotus quisque est ex infima vulgi face, qui, nisi serviat, & ex quotidiano labore vivat, propria industria victum sibi parandi copiam habeat? &c.

Sic videlicet plusquam egregie se iterum auctor hic confundit, atque dum pro dominis adeo operosam disquisitionem se instituere putat, maximam certe præstat opem servis contra ingeniorum aliorum naturam. Namque si tum demum, nec unquam aliter, officia & dignitates iuste distributæ dici debent, quando quisque obtinuit quod conditioni & naturæ suæ congruit, vah, bene Deus, quam necessum omnino erit, ut mundo alia distributio dignitatum imponatur mature, quam adeo naturæ conditio iam passim inveniat, ut inversa aut vacillans, ut nec ex iustitiæ fontibus quid haustum videatur; Adeo naturæ servitio nimis impotenter omnes laborant, (qui tamen sæpe summos, unde directorium regni dependere debeat, occuparint locos,)

cos,) ut nemo non propriam duplici-
tate conscientiæ impugnet libertatem.
Ceu ego ipse olim & plenus senato-
rum confessus quodam ex consule, qui
ex advocatura ad eam dignitatem vix
antea evectus erat, audire cogebamur,
quum non postremam in hac licentiæ
perulantia sibi quærebat gloriam :
quippe putabat, quod quam optime
sibi prodesse posset, si ad commoda
& utilitatem naturæ se ita alligaret,
ut iuxta Senecam in pravitates se so-
lertem monstraret. c. 5, de vit. beat. Id.
lib. 3, n. 9.

Taminiue igitur quum semper in
hoc mundi perversi regno comparatum
sit, ut illi in libertate magis & pore-
state dignitates occupent, qui ab omni
integritate & conscientiæ pietate ab-
sunt, prorsusque inepti apparenti atque
è contra optima quæque ingenia con-
tra naturam servitute dira suppriman-
tur, quibus cura rerum satis tuto com-
mitti sapius possit, nec respectus sit ad
illos, quibus regalis solis influentiæ
statum regiminis adiudicat : merito
Icti violentos proprii commodi ex-
actores, iuxta S. Scripturæ præscri-
ptum abhorrent, & servitutis iniu-
riosæ inventores acerrime detestantur.
Etenim ut inhumanum est, optima
quæque ingenia perpetua servitute

inique premere; ita incommodum est
reipublicae, ut hebes quisque, & cu-
ius virtutem depasta est invincibilis
egestas, ad noxiam libertatem intro-
datur; ut ipse relector constetur hoc l. sed.
3, n. 13.

An non ergo rectissime Vasquius, in
præfat. illustr. contro num. 5, Stagirita il-
lius profani sententiam prorsus, con-
demnat ut imp. am? Merito certe id
repetit lib. 1. contr. cap. 11, num. 4. Et
quid non omnes hodie sani & veræ li-
bertatis Christianæ amatores, cum
Imperatore, atque Florentino, & Vas-
quio, eandem huius, servitutis ini-
quissimæ defensoris, qui ad brutorum
consortium in naturæ servitute abi-
cit mortales, & eos omni virtutis stu-
dio & stimulo privat, sententiam con-
demnent, atque impiam pronuncient?
Sed restat, ut paucis percurramus ad-
huc eius examinationem, quæ Impe-
ratoris descriptionem, in servitute con-
tra naturam determinanda, vellicat;
ac quibus tandem rationibus Ictos,
talium Imperatoriorum verborum in
d. l. 4, ff. de stat. hom., interpretes re-
pellat.

CAP. VII.

In quo servitutis definitio, ut ab Imperatore est promulgata, & à Ictis explicata, iuste defenditur, & à calumniis vindicatur.

Imperatoris verba sunt: Servitus est constitutio iuris gentium, qua quis domino alieno contra naturam subicitur. Hic primum vellicat vocabulum constitutionis, quod in tribus non recte positum existimat vitiis, quum non tantum sit genus nimis longe remotum, & potius ius constitutum dici debuerit, sed etiam cum libertate æquale genus ex contrario opposito requirat. Verum eo ipso demonstrat, quod ille significationem voculæ huius non recte intelligat. Etenim constituere servitutem singularis est locutio in iure, quod non est simpliciter cedere, sed reipsa eam imponere alicui, quum servitutes constituantur per patientiam vel per traditionem, l. 13, §. 1, ff. de Publ. l. 3, ff. de usufr. l. fin. ff. de servit. rust. veluti patientia quoque ea pro traditione habetur. *Id. arg. l. pen. ff. de servis.* Qui enim servitutem debet, pati debet; *affirmans ex l.*

ex *l. quoties 15. ff. eod. tit.* quæ quidem patientia est de natura servitutis. *d. l. quoties.* Ideoque patientia etiam pro constitutione habetur. *d. l. 15.* Unde talis constitutio non adeo remotum genus exhibet aut designat, ut ille censer; sed ex propria locutione id sibi ita format. Proinde constitutio talis servitutis ius dicitur potius, quam ius constitutum; quum constitutæ servitutes, *vigore l. 10. ff. si serv. vend.*, et vocentur, quæ pactionibus, stipulationibus, legatisve imponuntur. Præterea etiam, quum ex iure gentium haud dubie servitus, ut iam satis patet, & quemadmodum id nobiscum ipse auctor relectionum, *d. sect. 1. num. 12.*, expressis verbis confiteretur, deducatur; constitutionis vocabulo omnino heic uti debuit Ictus. Quippe hæc vox non caret singulari emphasi, quum simul iussum ex consensu gentium importet cum ipso iure. Namque istud ius est quoque constitutio; *Don. com. lib. 1, cap. 5*: licet & differentia quædam ponatur, ut ius veteres leges appellent Icti; constitutiones vero, posteriores, quæ aut aliquid benigne aut severe contra ius introducant. *l. falsa. ff. de condition. & demonstr. l. 4, §. contra. ff. de deli. excepte. Cuias. 7, obs. 19.* Quod vero servitutem non cum

com-

communi genere libertatis comprehendere I Cris & facultatem hanc dicere voluerit; id multo minus potuit: quum libertas in opposito suo contrariolongese latius extendat quam servitus; adeo ut ipsi non tam servitus, quam violentia opponatur; velut ipse auctor istud in *eadem sect. num. 15.* confitetur his verbis: Iam vero constat, quod vis actum facultatis ubique impediatur, & proinde in tantum libertatem tollat, in quantum dominatur. Violentia enim opponitur libertati, 3. *eth. cap. 1.* Vis autem infert violentiam, ideoque tollit libertatem. Quid enim est servitus, aut unde orta, vel I Cris ipsis iudicibus, nisi ex vi bellica, qua contra naturam alter alterius dominio per vim subternitur? l. 4, ff. *de iust. & l. &c.* Quum ipse igitur ita egregium patronum I Cris heic contra voluntatem propriam prestare cogatur, & non tantum confiteatur expresse, quod oppositum libertatis non tam sit servitus quam violentia, & servitus rectius dominio disquiparans relatum exhibeat, ut in *ead. sect. num. 20* posuit; quur, quur, tam temere tamen eos vellicat aut cavillatione sua non nihil acius perstringit? Eo ipso enim servitus nil aliud est, quam instrumentum violentiae, quo

utiturvis, ad retundendam aut tollendam libertatem. Instrumentum vero non potest cum re ipsa per naturam suam coincidere ita, ut ad unum redigatur genus; quia res utens, non est idem cum instrumento, quum toto genere differant, ceu securis & faber. Præterea quoque ingens est discrimen inter libertatem animi, & eam quæ in corpore & externis actionibus consistit; velut hoc ipsa etiam glossa agnoscit, & *ad d. l. 4* satis id explicat; simul innuens quum servitus non potuerit per facultatem describi; quum eius propria origo ex iure gentium dependeat; libertas generalis vero animi facultatibus naturalibus inhæreat adeo, ut etiam quivis in sua conditione possit facere quæ velit, inspecto iure animi naturalis, nisi vi, id est, de facto, aut iure quolibet prohibeatur. *d. gl. ad h. l.* Nam servus (ait ipse Relector) facultatem retinet æque liberam; *sect. 2. h. l. num. 183.* (ubi captivum, non naturæ, intendit:) quum vincetus propter vincula non perdat libertatem. *l. 23, §. item quero, ff. de acq. poss.* quod innuunt verba Icti, ubi ait: Si vinxeris hominem liberum, eum te possidere non puto. Ut enim possideatur aliquis, & acquiratur domino, ad ius pertinet, non ad nudam

nudam facultatem agendi, vel non agendi. *d.l. num. 19.* Vnde etiam tale ius in facultate siue (ut gl. loquitur) possibilitate iuris naturæ non simul latet, nec in sese id dicitur complecti. Quare, quam libertas sit fundata in facultate naturæ, contrarium eius obtinere locum eundem non poterit, quod tanquam inimicum instrumentum ipsi pro rescindenda ea facultate opponitur. Eodem modo etiam voculam dominii satis cavillatorie heic taxat, quasi ignotum explicetur per ignotum. Quum enim dominus & servus sint correlata; putat, necessum esse, ut quoque heic debeat explicatio fieri dominii aut dominationis: quod tamen præter rationem solidam expetit. Etenim dominii explicatio suum habet locum, & servitus suam sedem; nec commisceri debent tales definitiones aut descriptiones, præsertim quum de eo agatur tot titulis. *ff. de acquir. rer. dom. l. servo 13. C. de pænis. l. potestatis. ff. de verb. signif. l. cum heredes. ff. de acq. possess. & passim* *Dd. ad dict. sit. præsertim VVesemb. ad tit. de acq. rer. d.* Nec tantum ex præsuppositis, sed etiam per se constat, & cuique conscientia sua hoc dictitat, quid dominium importet, quum quisque quasi naturali instinctu ex amore libertatis

bertatis affectet dominium aliquod. Sed tamen recte monet Besoldus, dominationem ex iure gentium introductam esse; quod tum iuris nostri conditores, §. 2, *Inst. de iur. nat. & l. 4, ff. de iust. & iur.* tum alii, quos laudat Christ. Coler. *parerg. cap. ult.* voluerunt. ait Bes. *pol. cap. 2, num. 51.* Atque in tali quoque significatione maxime heic accipitur dominium, quum ita illi servitus correspondeat, quæ ex iure gentium originem sumpsit suam. Vnde apparet necessitas, quod nulla ratione domini mentio heic propter talis essentiae constitutionem omitti potuerit. Velut etiam proinde non frustra positum est. quod talis subiectio servitutis fiat contra naturam. Quippe iis verbis maxime specifica differentia exprimitur, ut inde pateat, quod dominium & quænam servitus heic describantur, quibus iuris civilis constitutionibus esset obviandum, & alia quærenda medela.

Sed quum has obiectiunculas (ut vocat) ad scholas remittat, & tria ulterius tamen in his Imperatoris verbis, quæ definitionis nomine comprehendit, desideret; etiam hæc paucis in Imperatoris gratiam, cuius honor merito nobis in Romano Imperio venerandus semper existit, examinando

nando declinabimus. Primum conqueritur valde de eo, quod in tota definitione servitutis, superius posita, non specificè expressos potuerit invenire servos, de quorum iure heic agitur. Quod certe mirum alicui merito in tam acuto, ut se venditat, philosophò videatur. Non tantum enim personarum servorum omnium luculenter in particula *quū* (id est, *quisquū, quilibet, aut omnis, sive unusquisque;*) sunt expressæ; ut omnes ea vocula *quū* contineantur, quicunque dominio alieno, id est, ab æquitate & charitate proximi averso, & propriæ ambitioni avaritiæque dedito, obnoxii aut contra naturam devincti tenentur, sed etiam manifestissime specificā differentiam depromit, ea forma verborum, ubi ponitur, quod illi omnes heic intelligantur servi, quos ius gentium contra naturam in subiectionem abripuit. An vero hæc servitus exacte in omnes quadraret cives, & corruptæ alicui ex rebus formis reipubl. obnoxios, id iudicer æquus censor. Qui sibi plures fingit muscas, quam capere possit, exactiorem suscipiet de rebus amplificandis curam. Nec ad hoc examen pertinet, quænam forma reipublicæ sit sincerior aut competentior; & num apud Turcas, Tartaros, Persas & Moscovitas,

vitas, aut alios Europæ incolas, sic
 quærenda. Sit ubicunque velit corru-
 pta; nuspiam sincera aut vera apparet,
 multo minus solide Christiana, ubi
 servitus tanquam contrarium liberta-
 tis privativum, & carentia illius facul-
 tatis quæ hominem universi iuris con-
 creati expertem & incapacem reddit,
 introducta viget. *ad. Donell. com. l. 2,*
cap. 9, Oserv. Hill. h. litt. H. Etenim &
 iura & respublicæ ibi contra naturam
 pugnant, quum dilectionem proximi
 penitus tollant & extinguant. Ve-
 lut lex ea naturæ universalissima est,
 quæ dicit: Quod tibi non vis fieri, al-
 teri ne feceris. Nec opus est, ut de bel-
 lo aut eius vano vel crudeli iure heic
 multa subnectamus. Etenim quod
 ferro subigitur, alienissimum est ab
 omni dilectione proximi. & multo
 magis ab amore Dei aut pietate Chri-
 stiana. Ideoque, an ferri imperium
 contineat in se vere dominicum offi-
 cium, id belli sufflatores discant ex
 Teutonico nostro, cuius verba in *My-
 sterio magno sive commentario ad Genesin*
Mosis cap. 33, in quo de initio secunda
Monarchia, & fœdere Iehovæ cum Noa-
cho omnibusque creaturis agit, sic se ha-
 bent, quæ cunctis, præsertim hoc bel-
 licoso tempore, bene notanda sunt.
 Vnusquisque, ait, miles, itæ Dei est vir-

ga, qua in furore suo nequitiam mortalium affligit, & absorbet; nulloque pacto ad ordinationem naturæ referri potest aut debet; sed locum in cupiditate Turbæ magnæ obtinet; in eo videlicet sitibundo furoris ordine, per quē ira Iehovæ populos cum regnis subvertit. Ordinatio hæc propria est tenebricosi mundi in natura sua, quæ violentiam suam tempore malignitatis humanæ exerit, Iehova id ita permitte; atque tunc omnia secundum voluntatem furori succedunt, donec is satis se exsaturavit in sanguinis humani effusione. Namque hic furor ipsissima iræ Dei vindicta est; de qua habentur verba, quod velit sanguinem vindicare hominis. Inde sæpius hic furor alterum protrahit mortalium, atque in furoris huius ira per unum alter interimitur, quantum meriti sint ambo suam pœnam. Siquando enim potentes terrarum tyranni in innocentis sanguinis effusionem irruunt, tunc se exerit ira Dei cum præfectis suis, & rursus eorum hominum sanguinem effundit, & ensem turbæ in illos recondit. Exinde bellum exurgit; minime vero ex ordinatione divina integræ naturæ, in qua Iehova cum sapientia sua gubernator existit. Sapientia Iehovæ nullum prorsus expectit

tit bellum ; sed ira Dei , secundum tenebricosi mundi naturam , illud semper fitit , & peragit idem in vanitate hominum & malitia. Si inter nos invicem velut filios decet Iehovæ , viveremus ; nusquam indigeremus bello. Belligeratio igitur nostra omnis manifestum nobis exhibet testimonium quod solummodo filii huius mundi sumus : dum absurde gerimus tot bella , & praeliamur inter nos propter hereditatem alienam , quæ paulo post nobis derelinquenda est. Hac itaque malitia tantum iræ Dei inservimus in nostri ruinam , tanquam ei obligati servi. Etenim nemo militum omnium valet hæres esse regni Dei , quamdiu talis existit ; sed regeneratus Filius in Spiritus Iehovæ amore , qui mundi huius vanitatem deserit , verus hæres erit. Haftenus ille veritatis vates. ex quibus quisque suum sibi examen in conscientia penetrati colligat. Sed interim ad secundum refutationis membrum nos convertimus.

Deinde offensionem valde quidem mordacem inde arripit , quod origo servitutis reiiciatur ad ius gentium tantum ; sed tamen solito more sibi in ipsa stomachatione contrarius est. Vult enim , mox quod ex iure civili servi oriantur ; & tamen in eadem linea

nea confitetur statim, quod ex iure gentium servi prodierint. Ita uno halitu oris efflare calida simul frigidaque novit; non aliter ac pinnula in summitate templi ventis diversis exposita circumvolvitur. Qua tamen confessione ingenua, ipse sibi cornua decurrit, quibus tanto conatu verba Imperatoris in Florentino oppugnatum iverat. Mire heic sese torquet, & mirabilis est eius locutio. ait: *Quamquam primitus servi prodierint ex iure gentium; tamen definitionem concipi fas fuit secundum rationem temporis, quo edebatur. Tum vero non solum ius gentium; sed & nudum ius civile Romanum servitutis novam constitutionem introduxerat, &c. Non duplex sane; sed triplex heic hominis lapsus est gravissimus. Sic scilicet fit, ut dato uno inconvenienti, sequantur plura. Etenim an decet quenquam ita philosophari, ut definitiones rerum, quæ firmum suum veritatis habent fundamentum, à quo non nisi per vim retrahi queunt, secundum temporum mutationes sint conficiendæ? An ullus eorum, qui sibi alicuius sapientiæ eruditionem singularem inter mortales vendicant, extitit unquam, qui ita res naturales secundum temporis rationem definiendas putaret?*

rit? An non definitio debet exprimere unumquodque sicuti in sua natura est constitutum? Nonne expressis verbis ita statuit, *supra cap. 1. sect. 2. num. 4.* quod res pro conditione subiecti tractanda sit? Vndenunc sibi contradictorius? An vero tempus est genuina genitrix rerum, aut subiectum? An potius res ex suæ naturæ matrice ita procreatur, ut eam induat essentiam ex qua subsistere sibi queat? O amice! Amice, quiste ardor nimius servitutes ita temere conficiendi decipit? Fortasse autem oblitus est, quod Stagirita ex tempore commune fecerit accidens in physicis suis? Quantum igitur distat accidens commune ab ipsa substantia rei? Num vero accidens tale est? vel num producit substantiam? Mirum nî omnes in eum involent Stagiritæ sectatores aut alumni, & hæreseos convincant reum, quod tam procaciter ipsissima ausit eorum principia & axiomata universalia subvertere. Tempus quid est? An non duratio corporis naturalis? Sive id cum Stagirita, numerum motus, ex cœli conversione observatum & definitum, appellare velis: utrumque fit: non tamen res ipsa esse potest, cuius definitionem ponas; alias quidvis quovis tempore satis compte & com-
mode

mode definire posses, licet rem ipsam nunquam in essentia sua tangeres. An vero ita rerum definitiones mutare oportet, ut tempori pro re nata sicut nummi serviant? Non certe bonum consilium, quod nunquam veritatem rerum largiri novit.

Alter vero lapsus in nullitate sua nequaquam minoris est considerationis; quum apertam vanitatem proferat; nisi peccet etiam ex ignorantia historiarum. Etenim tota re clamat antiquitas, uti patrim ex historiis in antecedente capite adductis satis manifeste apparet, quod servitutes supra modum duræ passim in usu fuerint; priusquam ius civile Romæ natum esset, & anno Christi quingentesimo trigésimo quarto à Iustiniano publicatum:

Tum quoque egregie demonstrat, quod iura nullatenus cognoverit, (qui terrius eius est lapsus) sed plane hospitem novum in iis agat; urpote qui collectoris sui primi mentem, quem iuxta suam opinionis dispositionem frustra corrigere studuit, non recte perceperit, quum adseveret, quod nudum ius civile Romanum servitutis novam constitutionem introduxerit. Toto certe cælo errat. Itaque in sua opinione decipitur, nec unquam

Imperatoris veram agnoscit mentem: cuius unica intentio est, non ut in servitutum iniquitate novi quid introducat: sed ut potius illas malignas consuetudines, contra æquitatem omnem, & ipsum Christianismi amorem, ac statum verum ecclesiæ libertatemque eius pugnantes, aut è medio tollat, aut mitiget; mediaque monstrat, quibus huic malo cura quædam iuris melior adhiberi possit. Vnde etiam in ipsa hac descriptione servitutis id declarat aperre, quum servitutem dicit & appellat eiusmodi constitutionem, quæ contra naturam sit introducta. Tantum abest, ut approbet servitutem ullam contra libertatem naturalem, ut etiam maxime noxiam naturæ & eius libertati asseveret.

Nec satis scite ab eodem heic vapulat Cothmannus; quum ita tractum tangit propterea, quod *in disp. 2 sua, th. 6*, dixerit, ius civile sub iure gentium comprehendi. Quæso, an hoc peccatum est, si quis dicat, quod genus includat speciem suam? aut quod est prius, continere in sese quoque posterius? Vel, an non totum quoddam in sese suas comprehendat partes? Si hoc verum, certe iste Arniseus nunquam à tali peccato liber erit, sed cogetur semetipsum condemnare toties.

Etenim

Etenim *sect. 5, num. 68*, ait: Quicquid totum peccat, partes coguntur luere. Item, *num. 67*: Quin etiam licet subditi nihil pro se peccarint, tenentur tamen de facto reipublicæ. *l. 27, ff. de reb. cred. l. ult. C. de navicul.* Sic etiam *d. l. b. sect. 5, num. 2*, optimum Ictorum Donellum ita misere traducit, quasi concedat, ius naturale tolli posse ex parte, licet totum tolli sit impossibile. *com. lib. 1, cap. 12, lit. C. D.* Addit, hanc glossam multis non placere: quia de parte iudicandum, ut de toto; quum eadem sit de parte ratio, quæ de toto. Tam enim (ait porro) à Deo naturæ implantata est pars, quam totum: tam contra ius & honestum agit, qui particulam iusti & honesti suppressit, quam qui totum. Vnde Iustin. *in 5, sed naturalia, Inst. de iust. & iur.*, non de toto iure naturali, sed distributive de iuribus quibuscunque naturalibus affirmat, quod semper firma sint & immutabilia. Nam si particula quævis, sive ius quodvis in particulari possit tolli, per ius gentium introduci posset, ut in dicta causa occidere impune innocentem liceret, utque fas esset latrocinari, furari, aliisve illicitis rebus & à natura prohibitis operam dare; quod esset absurdum, &c.

Pergit ita porro, & ex Stagitita suo

id confirmat, ut eo solidiori fundamento & auctoritate scilicet authentica suam corroboret sententiam, eamque invincibilem demonstret omnibus. Diceris: Ipsum quidem ius nunquam degenerat in iniustum, nec in sua natura ullo modo mutatur. Sed tamen hominum, qui ius arripiunt, & in actum deducunt, opiniones variantur. Quemadmodum in scientiis, quarum apud omnes gentes eadem est veritas, eadem certitudo, infinitas subnasci sectas, & errores videmus: nec tamen error induit naturam iuris; nec falsa opinio, veritatis. Heic autem quaeritur, utrum ius naturæ, iure tolli queat. quod fieri posse negamus, &c.

Locum heic plenius allegare debui, ut inde appateret, quam candide ageret cum Donello. Ideo etiam eius verba erunt audienda. Totum hoc caput inscripsit Donellus & insignivit titulo, *de Mutatione iuris*. Vbi statim rotunde in prima consideratione eius ad principalem quaestionem hæc producit; inquires: Ius civile mutationem quidem recipit, non naturale. §. *pen. Inst. de iur. natur. §. ult. de leg. agn. tut. l. 8. ff. de cap. min.* In illo enim, ait, utilitas, in hoc æquum & bonum spectatur. *l. pen. ff. de l. & iur. Mattheac. 1.*

de via iuris, cap. 1, num. 5. Quam sententiam etiam pluribus enucleat exemplis. Sed si obijciatur, (ait:) Libertas iuris naturalis est; & tamen iure gentium & civili tollitur: Ad instantiam hanc liquide respondet ita: (N.B.) Ius naturale aboleri in totum nequit: (N.B.) Temperari tamen & ex parte mutari, non tamen nisi ex iusta causa, potest. Et hoc est, quod dicitur in l. 6, ff. de iust. & iur. ius civile non per omnia naturali servire. Quare nec libertas universis adimi potest; nec paucis sine causa; quales sunt, captivitas, delictum, &c.

Quæso, quid heio agit aut statuit Iustus de sublatione partis in iure naturæ? Num ipsi unquam in mentem venit, quo vel minimam particulam iuri naturæ absque læsione totius sustollere aut suffurari vellet? Et tamen ita actiter eum incusare audent Relector ille. Num Tollere & Abolere est idem quod Temperari & Mutari? Illud omnino negat Lopez. in animad. suis, cap. 4. Nunquam, inquit, ius civile naturale tollit; sed interdum ad eius observantiam non cogit. Quæ diversissima sunt. & hoc est, non *in servire*. Illud Tollere, non potest ius civile: hoc non *in servire*, potest: imo facere sæpe necessarium est. E. G. Scottatio iure

civili impunis, & lupanaria multis
locis tolerantur, ut ab aliis peccatis
homines abstrahantur: Nec tamen mi-
nus peccat contra ius naturæ, scorta-
tione sepolluens, &c. Exemplum est
Lopezii, licet commodius afferre po-
tuisset. Adducitur autem, ut inde pa-
teat, quam inique Donellum culper,
dum eidem affingit, quæ prorsus ab
eius mente sunt alienissima. An ea
candoris illius facies, quam in prin-
cipio promiserat? Sed spiritui Stagi-
rensi hoc usitatissimum est, ut quidvis
pro tempore & loco sui commodi de-
finiat aut fingat potius. Velut id pas-
sim videre est: & nuper quoque viru-
lentissima quædam & maledicentissi-
ma lingua tale quid in Academia Iu-
lia, sine ullo pudore commisit. Scri-
pserat libellum de processu disputandi.
in quo, *cap. 5, num. 4*, non minus nu-
gis & mendaciis, quam acerbis iniu-
riis & calumniis, amicum mihi opti-
me cognitum, non Theologice, sed
plane diabolice & è centro peccati
traducit, ut videlicet unguibus suis
demonstret habitualista ille, quam
longe sit à Dei centro alienatus. Ca-
lumnias eas, & mendacia apertissima,
nuper quoque quidam eiusdem spiri-
tus habitualista, Genevæ, in Rationali
scilicet suo Theologico, schismaticis

rixosis peridoneo, & bonis viris pietatque ipsius veri Christianismi directe opposito, cum applausu arripuit, & detestatione maligna virum optimum & integerrimæ vitæ deditissimum adortus est. Famosus ille libellus, quum mihi censendus traderetur nuper, & in eo quamplurima invenirem hominibus quidem qui se Theologos mundo venditare audent gratissima, veris autem Dei cultoribus indignissima; amici mei cāussa in negotium inquirere non destiti. Animum enim huius ab omni impietate adeo noveram alienum, ut etiam propter studium veri Christianismi quævis pericula adire non veritus fuerit, dummodo iuventutis & proximi cuiusvis animam Christo lucrari posset: unde etiam Christianum Israëlitam se dicere solebat, ut monstraret nomine sancto, quod homini Christiano nullo pacto sine verbi Dei adûdua lectione, & Christi imitatione vera, in terris esset vivendum. Scripta eius ad manus habui; inveni locum; perscrutatus sum sedulo; Ecce vero, tum quoque deprehendi verissimum illud adagium, quod vulgo dici solet, *Calumniare audacter, semper aliquid hæret.* Ideoque exclamavi continuo: Itane vos agitis, O sycophantæ? Ergo,

*Quid domini faciant, audent sit talia
fures!*

Etenim ita mala fide cum eo actum erat; ut prorsus ipsi mens atque sententia alio & plane quidem contrario sensu esset inversa. Tum quoque nupiam talis verborum contextus reperiebatur; sed, quæ verba olim fuerant Cornelii cuiusdam Martinii contra insignem Theologum Daniele Hoffmannum, ea huic, & quidem in manco & mutilato corruptissime modo, adscripta erant viro. Nihilominus corneus ille & venenatus famosi Processus scriptor miris nugis, figmentis, & sophismatibus ausus fuerat viri boni torquere verba & famam conspurcare. Res ita se habet. Erat Balthazari Meisnero cum quodam Cornelio Martinii tum controversia de mysteriis divinis; & quæstio agitabatur, ut memini, An ea non aliter, quam per formam syllogismi, rationi humanæ credenda applicari possent? Cornelius importunissime affirmabat; alter vero negabat id constanter. Grawerus quidam factitavit quoque hoc antea, statuendo clamandoque quod mysteria quam optime beneficio profanæ logices possent cognosci. Scandalum hoc ingens quum ita temere moveretur iuventuti Academicæ, & quamplurimos

rimos fascinare animos ; ille meus
amicus monstrabat utrique absurdi-
tates, & blasphemias in Spiritum San-
ctum locutiones. Vtrique eos ad of-
ficium retraheret, sua Cornelio in om-
nibus regressit verba, ut inde turpissi-
mum lapsus agnosceret. Explicavit
simul, quod adeo ratio hominis esset
cæca, ut extra gratiam Spiritus Dei &
fidem, quam singularem & gratio-
sam Spiritus Sancti dicebat operatio-
nem, nequaquam ea posset concepti-
va cognitione apprehendere quæ my-
steria cœli denotant; quum talis sa-
pientia carnalis, & prorsus profana,
non posset, *iuxta D. Pauli effatum*, ea
cognoscere quæ sunt Spiritus; imo ne
quidem terrenis percipiendis esset sa-
tis idonea. Confirmavit hæc verbis
Christi, *Iohan. 3, vers. 12.* & Davidis,
Psal. 139, vers. 5, & 6, &c. Addidit
hoc etiam, quod, nisi Spiritus Dei my-
steria institit in Christo nobiscum ob-
signet, omnis cognitio frustranea sit;
quum homo nude naturalis nullum
spiritualitatis principium anteregene-
rationem secum habeat, peccati corpo-
ri potestatique totus mancipatus. Sic
mutua semper manet pugna, ut ex
principiis nobiscum natis nihil inferre
possimus ad spiritualia in quibus pla-
ne stulti sumus, &c. Hic viri illius est
sensus,

sensus, & non alius; ut in toto loci
 talis contextu nusquam verba eiusmodi
 de contradictoriis duobus in ea se-
 rie connexa reperiantur; velut impu-
 dentissimus ille scriptor ea allegat. Et
 quamvis per ironicam quæstionem
 Cornelio suam reposuerit axiomati-
 cam elegantiam; tamen non tantum
 totam eius viri corrupte sententiam
 ille Processionarius, sed etiam potissi-
 ma & explicatoria omisit verba, quæ
 conditionem ab ipso Cornelio addu-
 ctam interpretarentur. An hoc Theo-
 logum, qui optimus debebat dici
 Christianorum, deceat, id iudicet qui-
 vis. Nihilominus contra conscientie
 stimulum verba Christi *Matth. 7. vers.*
12, in suum advocare patrocinium au-
det: Quacunque volueritis, ut faciant vo-
bis homines, ita & vos facite illis. Utinam
 talium falsificorum cordibus rite di-
 ctum hoc inscriptum esset, ut in vi-
 ram quoque verbum Christi, uti par-
 esset, converterent, nec unquam am-
 plius falsitates similes protruderent,
 aut calumniatores agerent impuden-
 tiores. Iehova convertat converten-
 dos, ne sui ipsorum iudices sint in ex-
 tremis. Hi vero sunt fructus scholæ
 Stagirensis. Quod exempli loco supe-
 rioribus obiter adicere volui, quum
 ambo eiusdem patroni sint cuius &
 alumni,

alumni, qui eandem ita egregie tractare didicerunt artem. Atque hoc ideo dico, ut caute quisque bonus tales legat scriptores, nec facile decipiatur verbis falso nitentis Philosophiæ gentilis, quæ nihil prorsus in vera & interna rerum cognitione potest aliud, præterquam inanum litium logomachias disseminare. Sed ad Donelli vindicationem ulteriorem reverti cogimur.

Quamvis autem Relector *dicto loco, sect. 5, num. 4*, satis acriter reprehenderit Donellum, quasi ille ius naturæ ex parte mutare voluisset, ut superius demonstratum est: tamen durus ille censor in omnibus cum Donello facit, & semetipsum refutat tandem his verbis: Contra ius enim nulla iusta causa excogitari potest, qua tollatur; licet ex causa declinari queat, si scilicet sub ius naturæ factum, de quo agitur, non cadere evincamus. Ex quo sequeretur, servitutem, si introducta fuerit contra naturam, utut multis gentibus visa fuerit bona, per multitudinem errantium tamen ab extrema iniuria excusari non posse.

Sic etiam ibidem *num. 8*. hæc repetit, dicens: Quamquam, si verum fieri velimus, non aliud ius naturale poni aut defendi potest, quam quod
ex

ex principiis naturalibus fluit. Principia hæc quum eadem sint apud omnes gentes, nisi erroribus obfuscantur, eadem iurapariunt. Accidit nihilominus, ut, licet dextera pars naturæ fortior sit & principium motui præbeat, ita demutetur inclinatio naturalis, quo sinistra palmam præcipiat dextræ. Quod quando fit, prava consuetudo superat naturam; sicut opinioniones præconceptæ delent naturæ nota principia, ex quibus ius debebat elici. Deletis vero aut depravatis principiis, quicquid inde extrahitur, falsum evadit, aut corruptum, licet verum & sincerum videatur iis qui per errores de eo iudicant. Nam quicquid recipitur per infectum colore oculum, colorem, dum recipitur, mutat: Et pleræque gentes de iure iudicant, non, secundum quæ sentit, principiis naturæ; sed præconceptis erroribus, &c.

In tota hac disputatione, quam adeo severe movit Donello, quæso quid libertatis ille osor aliud agit, quam ut totum velit ita defensum, ut neque suas excludere partes, sed eas ætissime in se contineat, & ut superius quoque inferius suum complectatur, aut ut prius, suum simul posterius, & non è contra. Idem quoque in alio exemplo eadem *sect. 5. n. 36, & 37*, probat

bat in iure gentium, quod hoc maneat
semper inviolatum, nec à corruptis
moribus, sed immotis principiis de-
pendeat: Ideoque querendum est, aut,
vel apud cultiores, vel apud omnes
gentes, &c. Quod si ad hanc regulam,
servitutis ius excutias, non dubium
est, quin victoriæ palmam sit repor-
taturum: quum & cultissimis popu-
lis, & toti orbi terrarum usu receptum
fuerit. Nec refert, quod Christiani se-
cus senserint, aut, servitutisque macu-
lam, *ut ait Iust. l. sancimus. C. de infant.
exp.*, ab omnibus promiscue delere
aggressi fuerint: quam & affectatam
misericordiam contemptim vocat.
sect. ead. num. 38. &c. Hui, quid audio!
An nil refert, aut valet, quod Christia-
ni secus sentiant de servitute, & eam
promiscue deletam cupiant? Dic sodes,
num potius ad mandatum Christi, &
imitationem absoluti magistri, an se-
cundum consuetudines gentium, vi-
vendum erat? An rectius est liberta-
tem in Christo omnibus restitutam
affectare & anhelare, quam manci-
pium se exponere mundi regno? Num
potius est, veræ reipublicæ Christia-
næ studere, an varia servitutis inven-
tione se assimilare Ethnicorum for-
mis? Vtrum magis pium est; inclina-
re in misericordiam, an favitiem?
Vtrum-

Vtrumnam audiam heic potius; Christum; an servitutis obstinatum effugitorem? Ah utinam homines errores tam crassos & absurditates summis cæcitatibus obtenebratas, in profana sapientia carnis agnoscerent? Miretur quis merito; quod tam sedulus ille sic servitutis confector, quum tamen ipse tanto odio eam habeat, ut etiam calami libertate quasi solus vigere, & omnes reliquos ea suppressere aut in opinionibus suis convellere laborer. Sic solus sapientiæ dominium affectat, ut ex ignorantia servitute pridem omnibus emerfus videatur. Verum ne abeamus longius; quum ex ipsa rerum natura, propriaque talium falso glossatorum cōfessione iam constet, quod is, qui totum ponit, aut aliquod universale, etiam partes vel particularia simul includat; manebit quoque Cothmanni supradicta sententia, quod ius gentium simul includat ius civile; & quod is, qui adstringit aliquid ad ius gentium, nullatenus excludat ius civile, tanquam inferius quid & specialius in suo ordine; licet non simul includat ius naturæ, tanquam generalius quid, & superius in suo ordine positum; cui nimirum iura specialiora & particulariora nonnihil heic derogant. Vnde merito quoque

que Imperator, data opera heic, publicaque auctoritate sua interposita, sententiam Iustini Florentini, ut veritari unice conformem, stabilivit; ut ostenderet, secundum naturam omnes esse liberos. Ad quam libertatem quoque omnibus Christianis adspirandum foret: Quicquid heic ipse Stagirensis sectatores vani, tanquam tenebrarum servi, sui que magistri & mundani Regni amatores perpetui, contra ogganniant. Ideoque Ictorum omnium, imo ipsius Imperatoris, invicta manet veritas, quando docent; Servitutem primum introductam fuisse à iure gentium; *l. 4, ff. de iust. & iur. l. 4, ff. de stat. hom. l. si id quod. ff. de cond. indeb. §. servitutis. Inst. de iur. pers. in pr. Inst. de libertin.* deinde ius naturæ fuisse à iure gentium suppressum, & constitutam servitutem contra naturam, *dd. ll. & l. 1, ibi, contraque naturalem libertatem. C. de Sc. Claud. toll.* Cuius ratio ubique adiicitur; quia natura omnes homines nascuntur æquales, *l. quod attinet 32. ff. de R. I. id est, æque liberi. cap. 1. §. natura, cap. 9, verb. sicut enim, &c. Novell. 89.* Ut & Philo ait, *in lib. de vit. contempl.*, servitutem cum natura summopere pugnare. Ea enim liberos omnes genuit: sed avaritia, legum naturæ contemptrix, servitutem

induxit. Proinde frustra etiam veræ libertatis osor ille Ictorum sententiam omnibus distinctionum argutiis eludere heic studet, & suas substituit sophisticaciones. Et nim ipse, *cap. 3, rel. pol. sect. 1, num. 8*, tam durissimam servitutem naturalem ex suo Stagirita, *1. pol. cap. 3*, contra libertatem genuinam conficit, ut dicat: Prolixe & recte Aristoteles, *1, pol. 3*, distinguit inter mercenarios & servos. Mercenarii enim secundum quid subiciuntur domino, nec toti sunt ipsius domini, sed & sui. Servi vero secundum (N. B.) omnia & in universum subiciuntur domino: nec tantum sunt (N. B.) servi ipsius domini; sed toti sunt ipsius, quia possessioni & familiæ adscribuntur, ut partes. Partes vero non referuntur tantum ad totum secundum quid; sed in illo, secundum totam sui substantiam, includuntur: quemadmodum cætera sive animata, sive inanimata, universum domino subiciuntur. Vnde fit, ut, licet dominus & servus referantur ad invicem, & eo respectu id, quod sunt, sibi mutuo acceptum referre necesse habeant; ut est natura relatorum quæ vocantur secundum esse, in *Categ. 1^a 2^a 11*, & *5, metaph. cap. 13, text. 20*: tamen, quum servus sit etiam pars

pars possessionis domini, præter hanc relationem æqualem, inæqualiter se habeat. Dominus enim servi quidem dominus est: at servus non tantum respectivè subiicitur domino: sed (N. B.) vitam, & animam, & quicquid denique suum possidet, domino debet, 1, *pol.* 3, propterea, quod est κτῆμα & pars familiar, &c. Hactenus ille. Diabolica certe hæc proflus vox est & locutio; non hominis. Ab calami pudeat quo tales litteræ sunt depictæ. Si hoc non impugnet imò & subvertat naturæ libertatem, nescio quid sit, rem liberam impugnare velie & subvertere. Et tamen non veretur Stagiritam suam misera aliqua distinctiuncula defendere, *num.* 10; dum facit servos scilicet naturæ, & servos contra naturam. Vtrumque falsissimum & absurdissimum; *ut supra ostensum est*. Natura enim subiciuntur domino, ait, propter imperfectionem; quia animum gerunt imperfectum, cuius gratia applicant se ad id unde perfectionem sperant. Quod ipsa falsitate & absurditate longe falsius & absurdus. Namque primo omnes, quotquot ex Adamo nati extant mortales, imaginem Dei in creatione prima homini insitam per lapsum eius amiserunt ita, (*velut superius dictum est*) ut nemo

penitus sit omnium, neque summus
vel sapientissimus secundum elemen-
ta mundi huius, *ut ait D. Paulus*, neque
minutissimus, qui non hac imperfe-
ctione animi prorsus laboret, atque sic
ex parentibus in hunc mundum pro-
creetur; licet complexio externa, quæ
ex influentia superiorum luminarium
& spiritu mundi causatur, propter di-
versitatem constellationum in corpo-
re externo, quid impedimenti secun-
dum magis & minus accipiat, ut mi-
nus prompte aut expedite in hoc vel
illo virtutes aut vires facultatum per
externa corporis mēbra exercere queat.
Vnde etiam sæpius potentissimi reges
& principes inhabiliori & incapaciori
natura afficiuntur, quam mortalium
pauperrimi. Interim tamen quoad ani-
mæ essentiam omnes mortales inter se
iuxta generationis modum eadem
prorsus conditione conveniunt, nec
ulla est dissimilitudinis talis aut im-
paritatis imperfectionisve ratio. Ast in
statu regenerationis res longe aliter se
habet, quum Christus in nobis imagi-
nem suam merito suo resuscitavit, &
ea realiter nos restauravit in fide &
operantione sancti Spiritus; quæ etiam
omnibus competit vere credentibus.
Ideoque error talium hominum inde
est, quod omnino naturæ internam

con-

constitutionem & essentiam ignorent, nec per falsam illam philosophiam eiusmodi res indagare queant. Si enim distinguere heic rite noscerent, ubi vere quid secundum distinctiones proprias & genuinas ex fundamentis internis eruendum & inveniendum est, facile eiurarent tam inutiles & profanas terminorum logomachias, quibus se & alios decipiunt. Quippe alias inter animam & animum, mentem & spiritus diversos, eorumque facultates & vires; velut etiam inter naturam internam spiritalem atque externam, accuratissime distinguendum est: quæ sapientia vera cum suis genuinis principiis, à talium falso eruditorum mente & oculis plane abscondita est; nec conceditur ulli, nisi cui in centro suo per Iehovæ gratiam imago, ad quam Adamus primus creatus erat, nova Christi regeneratione exfusceretur; quum in ea, divina illa vera & vivida sophia aut philosophia subsistat, quæ nobis & naturæ universæ & rerum cœlestium detegit monstratque cognitionem, ut inde ad sanctum Dei intuitum in fide elevemur clarissima: de qua sophia Salomon in suis libris, & ipse Rex David in psalmis, summa cum lætitiâ passim agunt. Deinde ipsa falsitate & absurditate quoque hoc

falsius & absurdius est, quod natura servus à domino sive hero suo mortali perfectionem suam, quæ animæ essentialis est, ut ipse monstrat Relector noster, acquirere aut sperare possit, ut eius gratia se ipsi applicare cogatur, & in hanc servitutem absurdam dedere. Etenim quæso, an in ullius mortalium est potestate positum, ut pro facultate animæ brutalis, quam ille talibus hominibus impie adscribit, quidquam sibi assumere possit, quod perfectionem essentiae internæ in ulla aliqua tali parte superaddat? Pueri quidem addiscunt studia, linguas & artes, virtutesque alias externas, fucoso habitu indutas & vestitas; quod etiam faciunt adulci: attramen neutiquam in perfectiori anima quam ii, qui se talibus ahsuefecere accidentibus habitualibus, quæ qualitates ipsi dicuntur, quoad essentiam internam propterea gaudent. Nihilominus tales humanas capacitates & facultates omnino libertatis communis hic turbator istis natura servis abnegat; dicens: Virtutis studium in servis natura frustra quæsieris, qui parum absunt à brutis. Quasi talis habitus, fucis vanis palliatus, & interne nulquam vivide correctus, sed suis nitens simulatis pigmentis, tam ardua res sit! Si ad
rale

tale studium non fuerint ullo modo
apri, multo minus ad verum cultum
divinum quem Spiritus Dei præstat,
poterunt adsuesieri, sed profuserunt
ab hominis natura eiusque capacitate
alieni; id est, brutales, nec spiritum ex
æternitate profluentem immortalem-
ve habebunt. Verum nec domini pos-
sunt cuiquam animam perficere;
quum soli Christo hoc competat. Et
blasphemus est in Christum, qui hoc
officium ipsi eripere voler. Concurri-
te igitur heic omnes, ô Christiani, &
tales brutales animas ex regno Christi
expellite, vestræque libertatis & con-
scientiæ vos vindices in hunc servitu-
tis naturalis patronum præstare in
tempore, ne maior apud potentes con-
scientiæ libertatisque suppressio per ta-
les malæ & parum Christianæ politi-
cæ doctrinas subrepat, aut vestra ni-
mis affectata dicatur misericordia, si
fortasse mansuetius arripiatis consi-
lium. Sed tamen malum malo non
est compensandum: quin ipsi melio-
rem precabimur mentem, ut errores
agnoscat suos, & mitius liberaliusque
suppeditamentum libertatis ad aulas
deferat, ne tyrannici concitentur mo-
tus. Quin etiam saniora arripere & ad-
discere debuisset ex Seneca gentili, si
Christianis fidem habere noller: velut

ipſi aures vellicat, ubi eum male intel-
lectum produxit, in *lib. 3, de benef. cap.*
19, ita proteſtante: Errat, ſiquis
exiſtimat, ſervitutem in totum homi-
nem deſcendere. Pars melior eius ex-
cepta eſt. Corpora obnoxia ſunt & ad-
ſcripta dominis: Mens quidem ſui
iuris; quæ adeo libera & vaga eſt, ut
ne ab hoc quidem carcere, cui inclu-
ſa eſt, teneri queat, quo minus imperi-
ſuo utatur, & ingentia agat, & in infi-
nitum comes cœleſtibus exeat, &c.

Merito igitur laudandus eſt Vaſ-
quiſ Ictus, quod in *praef. ill. contr.*
Stagiritæ & eius adhærentium ſenten-
tiam in his proſus condemnet ut im-
piam. Vnde etiam ex ſupra allatis om-
nes reliqui Icti deſenſi ſatis manent;
quum talem ſervitutem omnino ne-
ſciat natura, qualis hominibus indita
per falſam imaginationem putatur.
Figmentum eſt purum, & præſertim
Chriſtiana republica omnino non to-
lerandum, ubi corruptæ naturæ in-
ſtinctus & ſtimuli per ſe ſunt penitus
in ſanctitate fidei, ut ait *D. Paulus*,
mortificandi: & proinde nullus agnoſ-
ci debet ſtimulus aut inclinatio, quæ
in dilectionem proximi, eiſque ædifi-
cationem vergat aut tendat. Quod ſi
vero talis amor prius proximo, uti de-
bet, inſervire cupiat, & ſuperioribus
obe-

obedientiam præstare : tunc vere comes it, libertati suæ servitium sanctum exhibens, & frater cum amabili sorore in lucem prodit, quæ pietatem genitricem in Christo agnoscit. Nec tunc longis opus est disputationum ambagibus; sed dictamen spiritus Iehovæ credentibus suis facile modum præscribit, ut non tam mire diductis opus sit legibus, ex corrupta natura petitis. Nam qui Christum vere diligit ex toto corde renato, ille quoque diligit proximum suum, & exinde iuxta normam verbi cœlestis (quod unice in precio habet nocte dieque) omnes caller vivendi, conversandi, serviendique cuiusvis rationes. Is regit, imperat, & servit simul, ac quilibet status ipsi aptus venit. Quod puri puti illi naturalistæ in regno tenebrarum constituti nequaquam intelligunt, ac ne possunt quidem; quum ius naturale suum ubique exigant, & interim tamen undique sibi metipsis contrarii sint, quoties admodum determinationis in quaque re progrediantur. Velut etiam noster tantæ servitutis formator in naturæ modo sibi ambiguus hæret, *d. l. 3, sect. 3, num. 10.* ubi affirmat modo, quod iura gentium pro conditione personarum rem aliter atque aliter definiant, salvo iure naturali; quum natura

tura modum non determinet : mox sibi contrarius ibidem asseverat, quod modus ex præscripto naturæ definiri debeat. Ita modo ait, modo negat, semper anceps in opinionibus suis. Ita quoque in libertatis descriptione, mox ponit quod nihil ei detrahi possit, quum nec vinctus propter vincula eam perdat; *sect. 2, n. 18, & n. 14*: mox ait, *n. 15*, quum vis inferat violentiam, quod ideo tollat libertatem, &c. Sic & de natura hominis ita loquitur. Quando in homine libertatem, appetitum, opinionem, & tale quid consideramus, non est ad corruptos mores cuiusque progrediendum; sed restringenda consideratio ad hominem naturæ conformem, qui est mensura cæterorum & totius generis humani. *ibid. num. 11*. Nihilominus libertatem servi natura, ad bruta animalia & eorū ignominiam reiecit. *sect. 3, num. 9, &c.* Veluti nec in distinctione libertatis sibi semper idem constat; dum mox eam facultatem voluntatis facit; mox potestatem agendi ut velis, mox politicam, *sect. 2, num. 6*, nec non contradictionis & coactionis, *num. 23*; mox pro facultate naturali aliqua, mox iuris, *num. 17*, mox facti simul accipit: veluti alibi quoque de iusta & iniusta servitute agit. *sect. 5, cap. 3, num. 54*. Verum
quis

quis mutabilitates omnes in talibus semper vacillantes explicet? Vix est pagina in toto illo scripto, quæ non suis scateat erroribus, & contrariis opinionibus, si quis accurate omnia examinare velit: adeo fœcundus & dives est discordantiarum & hæitationum, ut sæpius ipse in multorum verborum præcipitantia & involutione sui immemor se confundat, & in mutua opposita prolatur.

Antequam vero de iusta & iniusta servitute quid agamus, aut ad libertatem Christianam & servitutem eorumque statum ulterius nos convertamus; saltem paucis exemplum aliud adducam, in quo mire hic, cum iis, qui ius belli nimis liberaliter & prompte extendunt, videntibus oculis hallucinatus est. Res est non exigui precii: ideo eam heic censendam putamus; præsertim quum etiam hoc tempore bellum maxime, unde servitutes iustas sibi confingunt homines, vigescat; omnesque peccato minus habent, putantes, iuste licitam esse servitiam in Christianos & confratres religionis; imo ut quisque suam iustificare possit partem, inde mutua condemnatione se prius perfodiunt, & tum ad gladii ferique iura (ut dicunt scilicet) provocant, nec sanguinis dira effusione se con-

spur-

spurcare verentur. Hac autem de re, ardua in primis, agit *cap. 3, sect. 5, num. 56.* ubi, postquam bellum utrinque posse esse iustum, ob probabilem ignorantiam, pronunciaffet, pro tegumento sententiae quaestionem ita format.

Si bellum incidat ob diversas religiones, ut inter Turcas & Christianos, Pontificios & Reformatos; An inter eos quoque bellum utrinque iustum iniri potest; quia utraque pars religionem, pro qua pugnatur, verissimam esse sibi persuasit? Ego negandum esse censeo; & propterea nec bellum Moabitaram, Cananæorum, Amorrhæorumque, &c. contra Israëlitas iustificare possum: *cum Abulensi, in cap. 11. Ios. Covarr. part. 2. rel. c. peccatum, §. 10. num. 6. Alber. Gent. 1. de iur. bell. cap. 6:* quidquid illi de probabili ignorantia obiiciant; quia nec ignorarunt, ut constat ex *Num. 21, 22, 23, 24, & Ios. cap. 1,* nec probabiliter ignorare potuerunt, propter magnitudinem multitudinemque miraculorum, quæ adventum, Israëlitarum præcesserunt. Quod si Turcæ ignorantiam veritatis prætexere velint, aut Pontificii, dicemus, affectatam ignorantiam neminem excusare. Omnis autem ignorantia, contra ius naturale & divinum, affectata est. *Grat. & gl. in §. notandum 1, q. 4.*
Alci-

Alciat. de presump. reg. 3. pres. 10. quia, quod omnes scire obligantur, id ignorando nemo excusatur. *Alphons. à Cast. lib. 2. de pot. leg. pœn. cap. 14, ex Bonavent. 2. sent. dist. 20, art. 2. quest. 2, ad 4.* Et Paulus, *ad Rom. 1.* inexcusabiles, ἀναπολογίταις, pronunciat omnes populos, qui, quum potuerint Deum verum ex luce naturæ cognoscere, gloriam eius cœlestem in humanum cultum seu apertam blasphemiam demontarunt; idque tanto magis, quanto evidentius ex verbo divino patet veritas, quantoque pertinacius ab iis contemnitur.

CAP. VIII.

*De iustitia belli, & servitute eius,
disquisitio & examen.*

AN igitur nunquam possunt Turcæ pro sua religione bona fide bellum gerere, nec Christianos in servitutem vendicare? Respondet: Non certe ex hoc capite; quia Christiani, dum ab idolatria eos abstrahere legitime cupiunt, nunquam iniuriam iis faciunt si eadē aut servitute vindicare queant: nec ignorantia, in quam se data opera, contra manifesta documenta veritatis, conjiciunt, excusatos eos unquam reddit:

dit: Sed illi partim ius in armis ferunt, & patientiam nobis necessitate exprimunt; partim ex iure civili nostrum consensum, & ultroneam subiectionem, modo illa ad servitutem constituendam sufficiat, (*ut sect. 6, videbimus,*) allegare habent. Nam quia de vi Turcarum constat, nec tamen parcimus nos in discrimen agere; non alia quam nostra voluntate perimus. quemadmodum Diocletianus & Maximinianus consolantur eum, qui contractu defraudatus est, &c. & damnum, quod quis sua culpa sentit, sibi debet, non aliis, imputare. *c. damnum 8, R. 1. in 6. l. 4, in fin. C. de fideic. liber. &c.* Quid est omnium militantium vita, quam rapina? *Salvian. lib. 3, de guber. Dei, &c.*

Quicquid unquam mali in mundo suscitari & in unum globum quasi convehi potest, id sane in bello confluit, ut nihil horribilius & detestabilius hoc malo fingere possis. Nihilominus sunt homines, qui ab ipsa hominis natura & cognitione sui in ipso Christianismo tam alieni inveniuntur, ut absque conscientiae respectu ullo plusquam confidenter destructionem generis humani approbent, deque execranda illa violentia mortis, qua animæ mortalium crudeliter & in magnis

magnis copiis ad infernum rapiuntur, iura naturæ maxime conformia conscribere non vereantur. Imo ita acriter defendunt, ut etiam omnia dicta sacrae Scripturae, & ipsius Christi præcepta de amore sancto, *Matth. 5*, invertere, & vanis aliquibus, ex proprio cerebro effictis, eludere audent gradibus. Quod ideo satis fervide agunt, ut ipsi iniustitiæ æquas leges & iura naturalia attribuunt, ne bellum his repugnare dici possit. Atque ut eo magis potentum animos sibi concilient, pia bella proclamant; quasi pium infernum, albam nigredinem, bonum diabolum, iustam iniustitiam, piam defraudationem, lucidas tenebras vocare velis; & ipsum iræ fervorem in dulcissimum amoris favorem convertas. Vide *Hug. Grot de iur. bell. ac pac. lib. 1, cap. 2*. En tanta est affectata mortalium in medio Christianismo ignorantia, ut nihil aut parum discriminis inter pium & impium, regnum diaboli & Christi, vitia & virtutes, improbitatem & vitæ sanctimoniam habeatur; quando temerari illi cruentam crudelitatem liberrimæ licentiæ pervicaciter ascribere non dubitant, si adsit saltem belli prætextus. Quæso, agnoscite hoc, mortales; an non iam consecuti sumus ea tempora, de quibus nos præ-

dit: Sed illi partim ius in armis ferunt, & patientiam nobis necessitate exprimunt; partim ex iure civili nostrum consensum, & ultroneam subiectionem, modo illa ad servitutem constituendam sufficiat, (*ut sect. 6, videbimus,*) allegare habent. Nam quia de vi Turcarum constat, nec tamen parcimus nos in discrimen agere; non alia quam nostra voluntate perimus. quemadmodum Diocletianus & Maximinianus consolantur eum, qui contractu defraudatus est, &c. & damnum, quod quis sua culpa sentit, sibi debet, non aliis, imputare. *c. damnum 8, R. I. in 6. l. 4, in fin. C. de fideic. liber. &c.* Quid est omnium militantium vita, quam rapina? *Salvian. lib. 3, de guber. Dei, &c.*

Quicquid unquam mali in mundo suscitari & in unum globum quasi convehipoteſt, id ſane in bello confluit, ut nihil horribilius & deteſtabilius hoc malo fingere poſſis. Nihilominus ſunt homines, qui ab ipſa hominis natura & cognitione ſui in ipſo Chriſtianismo tam alieni inveniuntur, ut abſque conſcientiæ reſpectu ullo pluſquam confidenter deſtructionem generis humani approbent, deque execranda illa violentia mortis, qua animæ mortalium crudeliter & in
magnis

magnis copiis ad infernum rapiuntur, intra naturæ maxime conformia conscribere non vereantur. Imo ita acriter defendunt, ut etiam omnia dicta sacrae Scripturae, & ipsius Christi præcepta de amore sancto, *Matth. 5*, invertere, & vanis aliquibus, ex proprio cerebro effictis, eludere ausint gradibus. Quod ideo satis fervide agunt, ut ipsi iniustitiæ æquas leges & iura naturalia attribuant, ne bellum his repugnare dici possit. Atque ut eo magis potentum animos sibi concilient, pia bella proclamant; quasi pium infernum, albam nigredinem, bonum diabolum, iustam iniustitiam, piam defraudationem, lucidas tenebras vocare velis; & ipsum iræ fervorem in dulcissimum amoris favorem convertas. *Vide Hug. Grot de iur. bell. ac pac. lib. 1, cap. 2.* En tanta est affectata mortaliū in medio Christianismo ignorantia, ut nihil aut parum discriminis inter pium & impium, regnum diaboli & Christi, vitiæ & virtutes, improbitatem & vitæ sanctimoniam habeatur; quando temerari illi cruentam crudelitatem liberrimæ licentiæ pervicaciter ascribere non dubitant, si adus saltem belli prætextus. Quæso, agnoscite hoc, mortales; an non iam consecuti sumus ea tempora, de quibus nos præ-

præmonuit Christus, dicens : Immo veniet tempus, quum, quisquis vos interemerit, putabit se cultum præstare Deo. *Ioh. 16, vers. 2.* Eousque enim omnes prope in tyrannica processerunt vassania, ut effusio sanguinis humani & interneciones rebus licitis accenseantur, modo iure belli possint aliquatenus colorari, quum illud nihil iniustitiæ in sese continere à sanctionum talium effectoribus dicatur. At vix, ait Propheta, trahentibus iniquitatem funibus vanitatis : & , veluti denso fune plaustrum, peccatum. *Esa. 5, vers. 18.* Vix dicentibus de malo, bonum esse; & de bono, malum esse: statuentibus tenebras pro luce, & lucem pro tenebris : statuentibus amarum pro dulci, & dulce pro amaro. *Ibid. vers. 20.* Obfuscationum rationes quidem heic in contrarium afferuntur quam plurimæ ; ut videre est apud *Timpl. pol. lib. 4, cap. 10, q. 1, & 2.* *Schonborn. pol. lib. 6, cap. 1.* *Bocer. de bell. lib. 1, cap. 6.* *Althus. pol. cap. 29.* Sed nemo omnium est, qui ita accurate collegerit omnes quam Hugo Grotius, in d. l. 1, de iur. bel. & pac. cap. 2; & l. 3, cap. 3. An vero temere verbum Dei possit ad forum contentiosum retrahi aut repelli, ut Vasquius, lib. 1, contr. cap. 9, num. 15, hoc à foro conscientiae dirimit

mit & separati; id Tertullianus, *tract. de idolatr.*, & Lanctantius, 5, *Inst. divin.* 22. & 29, & omnium maxime ipsum æternum & immutabile verbum Patris Iehova Iesus, *Matth.* 5, & 6, diiudicet: quum bene examinandum sit, quid defensionis naturali competat. Recte ait Cominæus, quod bella inceptu & prima facie læta, exitu vero difficilia sint. Atque capropter nemo suadere hodie bellum auit, quasi res levis sit, quæ facile detergi possit. Christus dilectionem exigit. Væ, qui hanc turbant! At iustas confingunt causas. Quasnam vero? Alias videlicet apertas siue manifestas: alias occultas, quæ semper primario & intenduntur. *Schen. lib. 6, pol. cap. 3, & 4.* Manifestæ continent repetitionem per violentiam ablatorum, defensionem contra vim & iniuriam, defensionem religionis, & conservationem pacis, iniustam denegationem transitus per provinciam, ac rebellionem subditorum. *Mench. lib. 6, præf. 96. Pet. Mart. lib. 2.* quas Althusius in *pol. cap. 29*, ad duas redigit: defensoriam, & vindicatoriam. quarum utraque aut publica aut privata est. Occulta vero sunt, quæ semper directorium obtinent, nimirum avaritia, ambitio, propriaque gloria, &c. An vero hæc & similia iuri Evangelico,

ut ait *Grotius*, competant, id mox explicabit Teutonicus noster; modo prius examinaverimus ex nostro Relectore politices paulo ante adductas binas illas quaestiones de Turca & Pontificiis negotium hoc bellicae servitutis attinentes. Interim auctor ero cuivis, nequis opinione sua vana profanaque in hoc tam serio negotio temere Christi verba distrahaturqueatve; quum summum Christi despectum importent. Ceu monet ipse Christus, dum ait, *Ioh. 12, v. 48*, Qui adspernatur me, nec recipit verba mea, habet qui condemnet ipsum. Sermo quem locutus sum, ille damnabit eum ultimo die: Quia ego ex me ipso non sum locutus; sed, qui misit me, Pater, ipse mihi praecepit, quid dicam, & quid loquar. Quare nemo heic tentet, dolo aut falsa interpretatione argutiisve ratiocinii profani expressa Christi verba palliare. Vindex iustus est, eritque semper, in eum qui abuti eius integro cupiat sermone, quem absolute adeo simplici que forma proponit. Quæris autem, quis sit? Eius sinceram mentem *Matth. 5, 6, & 7*, atque perfectissimam legem, summamque omnium, consulito. Quærenti legis perito ita respondet Iehova Iesus, *Matt. 22, v. 37, & 39*: Diliges Dominum Deum tuum

tuum ex toto corde, & ex tota anima tua, & tota mente tua. Illud est primum & summum præceptum. Alterum huic simile est: Diligas proximum tuum sicut te ipsum. Quod autem per proximum non tantum Hebræus Hebræo intelligatur, ut vult Grotius, *d. l. pag. 38*; satis in similitudine de Samaritano id explicat ipse Christus, *Luc. 10. vers. 36, & 37*. Sicut etiam Prophetæ ait; Homo, dictum est tibi, quid sit tibi agendum: nempe, Præceptum servare Dei, charitatem exercere, & humilem te præbere coram Deo tuo, &c. *Hos.* Ita D. Paulus: Estote igitur imitatores Dei, ut filii dilecti; & ambulate in charitate, sicut & Christus dilexit nos, & tradidit semetipsum pro nobis oblationem ac victimam Deo. *Ephes. 5, vers. 1, & 2*. Hæc norma quavis facile decisionem largietur in consultationibus belli, num regno amoris sancti, regnum Belialis & iræ cruentè possit includier. Satis scite quidem has quæstiones de Turca & Pontificiis formatas quilibet iudicabit incautus, qui non vim penetrare novit. Sed si recte rem iuxta conscientiae testimonium ex verbo Dei petatum examinemus, facile patebit, quis error subsit. Namque præsuppositum id falsissimum est, dum

statuit, propter religionem Christianam bellum iuste subiri posse, quum Christus hoc iudicium sibi reservavit soli; ut *sup. ex Ioh. 12, & Matth. cap. 13, v. 30*, patet. Imo nec persecutionem aut vindictam mortalibus concessit propterea, veluti discipulos suos inhibet, *Luc. 9, v. 55*, ne ignis vindictam è caelo postulent; quum tantopere pigeret eos, quod abs hominibus in itinere Hierosolymitano non reciperentur: dicens. An nescitis cuius spiritus filii sitis? Filius hominis non venit ad perdendum animas, sed ad servandum. Sic etiam *Matth. 10, v. 14*, mandat discipulis, ut exeant è domo illa, ubi non recipiantur. Tantum abest quod hominibus velit religionis causa persecutionem concedere. Vnde & *Matth. 13, v. 30*, ait: Sinite crescere utramque usque ad tempus messis: & tunc ego messoribus dicam; Colligite prius zizaniam, & in fasciculos conicite, ut comburatur. Hominibus atque discipulis prorsus non vult id concedere, ne propter ignorantiam utrumque averruncent. Itaque non tantum ob ignorantiam nullum factum atrocius est admittendum, sed etiam quia est expresse prohibitum. Velut etiam Christus reprehendit Petrum gravi comminatione, quum se gladio li-

ctori-

etoribus opponeret, qui Christum ex
 horro captivum adducebant, *Matt. 26,*
v. 52: dicens; Quicumque acceperint
 gladium, gladio peribunt. An igitur
 gladio aut bello possit regnum Christi
 propagari? Spiritus sancti est opus &
 sancta operatio, ut ille in veritatem
 ducat mortales; *ut ait Christus, Ioh. 16,*
 At Christi Spiritus, non est spiritus
 sanguinolentiae, sed gratiae, & dile-
 ctionis, qui omnia in amore sancto
 perficere cupit. Quare gladio proprio
 se invicem iugulantes, in infernum
 præcipites ruunt, quicumque loco
 verbi cœlestis, gladii volent uti iure,
 & eius vigore convertere homines.
 velut non adeo pridem legi alicu-
 ius præcipui epistolam, qui dictum
 superius positum Christi, *Matth. 13,*
 ita perverse ausus est allegare, quasi
 Christus mandarit hominibus, ut zi-
 zantias (quos hæreticos vocabat) fas-
 ciculis colligatas comburere debe-
 rent; quum tamen expresse id prohi-
 beat, sibi que hoc reservavit, ipsosque
 angelos messorum faciat. *vers. 39.* Sic
 pessime Dei verbo illi mali abutun-
 tur. Tale vero remedium omnino
 abhorret Christus, & prohibet unice.
 Proinde propter infidelitatem populi
 alicuius, contemptum aut abnega-
 tionem fidei Christianæ, iusta geren-

di belli causa in æternum nunquam allegari poterit, nedum propterea bellum ullum suscipi, quicquid heic alii suggerant. l. 6, C. de paganis, cap. dispar. 23, quæst. 8, c. Iudæi, Extr. de Iudæis. c. qui sincera 45, dist. Quod etiam tradunt Dee. in c. qua in Eccles. num. 110. Extr. de consuetud. & in c. consuluit 29, num. 10, & 11, ff. de appell. Rainold. Corf. in add. ad Oldrad. consil. 72, & cons. 264. Covar. in c. peccatum. 2, part. Relect. §. 10, num. 1, & 2. De reg. iur. in 6. Boc. d. l. de bell. cap. 6.

Deinde, si Turcæ ignorantiam veritatis aut Pontificii (ut ait) prætexere nequeant; multo minus Christiani, sint cuiuscunque sectæ velint: quum hos minus deceat crudelitatem & cædes sequi: aut merito dici poterit, quod multo magis affectata sit ignorantia eorum, quum contra statum regenerationis, verbi cælestis præscriptum, conscientiam ipsam, & officium Spiritus sancti, Christianitatisque virtutes omnes pugnet hoc immane facinus. Etenim quænam poterit ille converti, & ad veram Dei cognitionem pietatemque Christianam allici aut deduci, quem gladio persequi, & tandem ante diem crudeliter è medio tollere cupimus? An iste modus est licitus, quo quis
ab

ab idololatria possit retrahi? An sic documenta veritatis rite producuntur, dum cæde & morte quis perimitur? An ita ius Spiritus S. in armis gestandum est loco amoris & verbi cœlestis? Quisque suam examinet conscientiam, an ius, an vero iniuria hoc pacto exerceatur.

Tertio, si novit, omnium militantium vitam nil aliud esse quam rapinam; quei ergo Christianis conditio hæc persuaderi possit? Num possint in cæde & rapinis vivere, & nihilominus manere Christiani? Nemo potest certe dominis servire duobus; *ait ipse Christus*. Quomodo Christus & Belial inter se conveniant bene? Dicat alius; quia meum exuperat captum. Attamen & ipse fatetur, *scilicet. h. num. 55*, quod contrariæ causæ nequeant simul veræ esse, nec simul iustæ esse, quum inter contradictoria medium nullum detur. An vero ignorantia talem excusare neutralitatem, & exinde spem bonam, qualem ibidem vult, absque expulsionem alterutrius interponere queat, id prober ille cui maiores probandi vires suppeditant. Ius Evangelicum, iuxta Grotii locutionem, quum lucis iustitiam communicet, talia nō concedit: quum ex amore Iehovæ inter mortales, meros gratiæ, man-

suetudinis, dilectionis & patientiæ dispergat radios. Si quis in ignorantiae nebulis hæreat, an propterea in rapinas, cædes, furta, & eiusmodi extrema flagitia sub specie iustitiæ prouat? Hoc ne diabolicum est, an Christianum? Num nox possit esse dies? Exemplum litigantium de iuramento calumniæ, quod utraque pars bonæ fidei dicatur usque ad determinationem sententiæ, certe nimis fragile est. An usus iste non vulneret conscientiam, decident Christus & D. Paulus, *Matth. 5, 33; & 23, 16, 20, &c. 1, Cor. 6, vers. 7.* O quam multa ex tali iure in præiudicium veri Christianismi profluunt? Quam multis modis eiusmodi ethnica forent corrigenda, si veritati locus amplior pateceret? Securitas mortalium nimia est, adeo ut in iis nullum dens conscientiae locum quæ maxime tamen eam tangunt. Forte nil inde provenit aliud, quam ut in duplicis conscientiae monstrosa virtute, velut ille nobis Consul M. B., homines excellere cupiant. Sed de his quum etiam superius ad iniquum iudicium Banfellicum Caroli M. sit actum pluribus, non opus est ut diutius tam manifestis inhæreamus.

Decisionem huic negotio adiiciat ille Teutonicus, cuius ad 14, cap. *Genesis*

nesios de bello Abrahamico insignis commentarius, capite 38, *sui tractatus*, ita habet: Ex his igitur luculentissime perspicitur, ait, quodnam mortalium studium, labor & intentio, ab ineunte usque ætate fuerit; quomodo ex imagine Dei se in semidiabolicas proprietates intromiserint; utpote in superbiam, avaritiam, ambitionem propriæ potentia; quemadmodum etiam ipse diabolus talia expetebat, & proinde ex suo deturbabatur regno. Namque gentes & Chami posterì Sodomæ & Gomorrhæ, atque in omnibus vicinis regionibus, dominari incipiebant. Inter quos Abraham adventitium agebat, & in Hain Mamre tanquam in deserto aliquo habitabat. Ethnici vero in perpetua concertatione ob mundi huius regnum fervebant, atque inter sese disceptabant (propter eternam dominii potentiam) qua ratione populus populum imperio subiugare posset. Atque huius voluntatis corruptæ libido seu insatiabile studium regnandi usque in hunc perduravit semper diem, & originem suam ex ethnicis & Chami filiis tanquam ex divinis Babeliæ linguis, in quibus vites formati verbi latebant, traxit. Quum igitur proprietates naturæ in tot divisiones abirent, atque

unaquæque aliquid proprii sibi vendicaret; tunc prælia & mutæ conflictiones inde emergebant inter eas. Namque centum naturale tenebricosæ mundi prædominium in lapsus Adamici proprietate obtinuerat; quoniam homines omnino regno Dei, velut in amore & humilitate, mortui erant, atque exinde astris externis & quatuor elementis subditi vivebant. Tum quoque diabolus in serpentino ente hominis sibi arcem depredatoriam crexerat. Ideoque solummodo istud ambiebant, quod ad potentiam & dominationem externam eos evehere posset. quod ex eo manifeste apparet, quia diabolus cunctos in ira Dei misere elusit, ita ut mutua cæde invicem sese confoderent, & temporarias voluptates in maiori precio quam vitam ipsam haberent. quum summa hæc sit stultitia, quando non dubitant ob futilissimam superbiam in extremum se vitæ periculum præcipitare; haud attendentes, an quispiam pro commodo eius rei, propter quam cædes & interneciones subit, vitam sit conservaturus. Ex his satis liquido constat, quod diabolus in invidia & insolentia sua occupatos eos omnes sibi abripuerit. Namque totus latissimi mundi campus & universitas ad inhabi-

habitandum nationibus illis exposita erat: tum quoque quamplurimæ regiones insulæque adhuc à nemine occupatæ patebant. Nihilominus prælia funesta inter semetipsos concitabant, ut alter alterum dominio subiugaret, & exspoliaret simul. Atque sic diabolus, tanquam hostis mortalium acerrimus, in suam detrudebat superbiam omnes, ut sibi servitute sua devinctos teneret. Non igitur illum frustra Christus mundi huius principem appellat. Certe ille est princeps secundum proprietatem furoris in tenebroso mundo vigentis; quum sic iuxta eam proprietatem Imperio suo hominem in corpore, anima, voluntate atque spiritu premar. Etenim quodvis bellum ac prælium ex tenebricosi illius mundi natura & proprietate, tanquam ex quatuor elementis iræ Dei, quæ in creaturis superbiam, invidiam, avaritiam & iracundiam causantur, originem sumit. Atque hæc sunt vere quatuor illa elementa iræ Dei, & elementa quatuor tenebricosi mundi, in quibus diabolus cum malis cunctis creaturis degit. Vnde sic ex quatuor illis elementis bellum exurgit. Namque licet Iehova populo Israëlítico expulsionem ethnicorum iniungeret, & arma inducere eos iuberet;

beret; tamen omne hoc ex ferventi ira Dei, tanquam ex ignis proprietate, iussum proficiscebatur. Namque gentes nimis peccatis furorem eius concitabant, qui devorare illas satagebat. Iehova autem, quatenus ipse Deus vocatur, plane averfatur bellum. neque potest quid mali aut corruptibile expetere; quoniam iuxta secundum principium, quod ipsam lucem edit, semper benignus largitor est, omnibusque rebus semetipsum communicat. At iuxta tenebricosi mundi naturam est iracundus zelotes Deus, & ignis consumens. Quod si in hoc tenebricoso mundo furor eius concitatur, quidquid circumcirca est, altius in eo ebulliens, ac inflammando sese exerens, absorbere id omne expetit. Atque ex ea proprietate præcepit Israëli bellum movere, & gentes delere. Ipsius enim ira in illis inflammata erat; instar ligni, quod igni additur, & tunc ignis absumere gestit. Proinde furor Iehovæ huic populo alterius extinctionem demandabat, ut ex eius furore penitus deleteretur; alias iræ suæ ignis sese inflammasset, veluti Sodomæ & Gomorrhæ quinque illis regnis factum erat. Sic refocillabat furor Iehovæ in vita impiorum, ut in ipsismet eos absorberet, dum alter
alte-

alterum interficeret. Vti in hunc usque id perficitur diem, ubi sæpius homines Iehovam invocant, pro obtinenda sorte victoriæ contra hostes suos, ut eos eade mactent sua: Verum Iehova non illis victoriam in hoc concedit, sed potius ensen iræ suæ, quem precatione & voluntate sua concitarant. Quod si veri essent homines, & filii Iehovæ, non ullo unquam indigerent bello. Quippe Spiritus sanctus non bellatorem agit; sed ille amator est & benignus dator. Ast secundum iræ proprietatem devorat omnem rem impiam, & tamen eo magis exstimulatur. Nam quo plura igni ligna adiiciuntur, hic ipse item stimulator, eo magis vigescit, donec absumat quæcunque arripere valet. Similiter & hoc de ira Dei intelligendum est. Ille furor iracundus Dei in Adamo inflammatus erat, atque ipsi imaginem sanctissimi mundi absumpserat, & inde ex Adamo in omnes depravatio pertransibat. Namque illi in linea fœderis, secundum primum principium, velut iuxta animam atque corpus simul, inflammatum furorem pariter in sese continebant: **Esse** illud serpentinum, iuxta inflammatam animam, crassamque animale[m] mortalis hominis proprietatem, tam Abrahamo quam
eius

eius filiis cæterisque nationibus inerat, excepta linea Christi; quæ peccantis hominis nullatenus existerat substantia, sed in Dei erat potestate; velut cælum in mundo viget, nec tamen alterum alterius E s s e ingreditur; aut velut cælum in inferno & infernum in cælo hæret, nec tamen alterum alterius identitatem sustinet aut complectitur; sive uti nox in die & dies in nocte; sive velut naturæ lux splendore suo in tenebris viget & eas inhabitat. Ita hoc quoque nobis percipiendum est, ad quemnam modum filii sanctorum bella contra turbam impiorum formaverint sua, eosdemque dissiparint; videlicet in iræ proprietate, quæ gladio suo illos pertransibat, ad gentes & Chami delendum genus. Namque Abraham gentibus illis, qui fratris sui filium Lothum ceperant, & secum abduxerant, cum tota domo in armis occurrebat, eumque ex manibus illorum, cæcis gentibus, liberabat. Hoc ita in furore Dei peragebatur, qui filios suos per potentiam iræ suæ liberare solet. Quod enim impiis exitium affert, istud sanctis saluti & liberationi est. Quod vero illi, qui Christiano gaudent nomine, tales vocari, &, quos oportebat cum Christo iræ & furori Dei in

Chri-

Christi morte mortuos esse, bellagere volunt ; hoc certe non ut Christianifaciunt, sed tanquam meri ethnici. Nemo vere Christianus belligerat. Namque si verum Christianum agat, tunc in quatuor elementis iræ Dei, in radice cordis, in & cum Christi morte denatus, & contra in Christi amore vivido, ceu novus homo, renatus est, qui in iustitia, in dilectione, & patientia vivit, nec sibi soli, sed Deo patri in Christo. Quippe verus Christianus conversationem & voluntatem in cœlis transigit, atque in spiritu Christi vivit, ut S. ait Paulus: Conversatio nostra in cœlis est. Quod vero Christiani bella gerunt, hoc ex ethnica, & non ex Christi proprietate agunt. Namque verus Christianus non est ex hoc mundo : regnum eius in cœlis est ; atque ille in Christo mortuus est mundo, secundum novum in eodem hominem. Ethnicus ille, tanquam semidiabolicus homo, qui regnum suum in hoc mundo possidet, in Christianis exercitium desiderat armorum, bella severe cupiens, atque cædes ; cui nullus terræ locus satis amplius videtur, quum in quatuor elementis iræ Dei vivat, utpote in superbia, avaritia, invidia & iracundia. S. Paulus ait ; Exponite membra

bra vestra armis iustitiæ. *Quæ* vero bella suscipiuntur? Nonne propter regnum huius mundi? Et tamen Christus ait, quod regnum suum non sit de hoc mundo. Iam igitur si corpora nostra & animas armis exponimus iræ Dei, & per talem conatum saltem nosmetipsos quærimus, atque propter regnum huius mundi tantam stragem edimus; huiusquam egregios nos probamus Christianos! Iactamus quidem nos tales ore; at corde & anima intus meri sumus ethnici, neutiquam ex Spiritu Christi renati. Abraham quum ethnicos obtunderet, nihil quidquam ex gentium rapinis sibi expetebat; sed regi Sodomæ omnia restituebat, quæ ab gentibus ipsæ erant erepta; & zelotem Domini solummodo agebat. Non ille propter provincias aut subditos & regna arma induebat, sed ut liberaret fratrem suum. Zelus iste veritatis erat, quem Iehova in eo urgebat, ut liberaret suos. Non exurgebat armatus propterea, ut regionem aut civitatem inde lucraretur: ac licet obtinere eiusmodi potuisset, nihil tamen eorum quærebat, sed retro in suum revertebatur locum.

Admodum mirabiliter porro spiritus in Moise heic loquitur; & dicit, quod, reverso Abrahamo ex prælio,

lie,

lio, Rex Sodomæ illi sit obviam egres-
sus, & Melchisedech rex Salem protu-
lerit panem & vinum; qui fuerit sa-
cerdos Iehovæ excelsi, qui cælum &
terram possidet; & benedixerit Abra-
hamo; & quod illi Abraham decimas
persolverit. Ac licet de hoc sacerdotio
alias nihil in sacra Scriptura invenia-
tur; tamen verissime de Christo typus
fuit. Namque spiritus Dei alio in
loco de Christo testatur, quod sit sa-
cerdos in ordine Melchisedech. Ita
plane occulte spiritus Iehovæ figuram
Christi in Abrahamo depingit, & vo-
cat eum regem Salemi, & simul sacer-
dotem Iehovæ altissimi; quasi dice-
ret, Sacerdotem salutis & chrisma-
tis; quemadmodum in sensuali lin-
gua sonus eius exprimitur: id est:
Christus ipse benedixit Abrahamo, &
obtulit ipsi panem & vinum, videli-
cet carnem suam & sanguinem; atque
ita ille ipse fuit sacerdos, qui Abra-
hamum cum filiis suis Deo reconcili-
avit. Namque Abraham gladio iræ
Dei adversus gentes usus fuerat: pro-
inde nunc Melchisedech adveniebat,
& denuo benedicebat Abrahamo, ne
gladius Turbæ illum deprehenderet;
& obferebat ipsi panem & vinum,
hoc est, cæleste ens, quod in semen
Abrahami introducere cupiebat, in-

que carnem & sanguinem mutare :
unde Patris iram in foedere tanquam
in typo reconcilians complacat ei.
Nam sacerdos iste verissime spiritua-
lem exhibet hunc intellectum nobis.
Licet enim Abraham simili modo se-
cum habuerit talem sacerdotem , sub
figura Christi; tamen ait Moyses, quod
fuerit sacerdos Dei, qui dixerit ad eum,
Benedictus sis Abraham altissimo , qui
cælum & terram possidet , & hostes
tuos in manus tuas tradiderit conclu-
sos. Id certe de nemine alio , quam
de Christo intelligi potest , qui sæpius
Abrahamo in tali figura se exhibuit,
& toties ipsi benedixit. Namque spi-
ritus in Moise illum quoque regem
Saleminum vocat. quod nil aliud si-
gnificat , quam regem salutis ; cui
Abraham decimas persolvit. Procul
dubio secum in sacerdotali ordine is
vixit cui persolvit decimas : Ast
hic rex & sacerdos erat ille , de quo
concionabatur , qui cum illo con-
trahebat ita quod esset æternus eius
futurus sacerdos ; cui Abraham deci-
mam , tanquam decimam propieta-
tem humanæ proprietatis , in ignita
lingua animæ devovebat ; & sacer-
dos in eum conferebat panem & vi-
num suum , cum benedictione , tan-
quam amoris ignem ; tincturam vi-
delicet

delicet luminis cum essentia divina, ut Abraham in hoc pane & vino tincturam lucis in ignita anima reciperet, atque ita imago Dei in illo redintegraretur. Proinde quoque Christus eidem mulieris tincturam in lucis ente, ut viri & mulieris proprietates in unam redirent imaginem, reddidit. Atque istud hoc loco indicat spiritus sub specie regii sacerdotis Saleminis. Esdra enim, qui amissa Biblia ex cognitione spiritus Dei scribis suis dictavit ad calamum, satis hæc perspexit, & propterea spiritus Dei hæc ita refert. Vnde satis commode perspicitur, quo pacto Esdra ex visione spiritus historiam hanc Abrahami conscripserit. Namque tota historia Abrahami sub Christi persona præfiguratur, quum sit typus Christi. Hunc sacerdotem Salemi Abraham in spiritu vidit. Quoties Abraham sacrificabat, statim sacerdos iste in victima eius apparebat, & sacrificabat Deo, quia mundum sacrificio suo reconciliare debebat. Inde erat sacerdos Dei. Ipse Abrahami voluntarium sacrificium, velut eius preces fideique vota, in sanctum Iehovæ ens introducebat; in quo ente, tanquam in essentia divina, panis & vinum porrigebatur animæ Abrahami; ut ita in mensa Iehovæ saturare-

raretur ; donec iste Abrahami fieret sacerdos, id est, se Abrahamo in cœlesti corpore velut animæ cibo, in vero pane & vino, manifestaret, &c.

Item *cap. 47* ait : Inter omnes res gestas Abrahami, quas consignavit spiritus Moïsis, duplex intelligenda figura est : exterior nimirum quædam historia, quæ ita peracta sit ; sub qua historia figuram suam Spiritus Dei in fœdere suo tam apposite interfert, quasi meras ageret in ea delicias.

Item *cap. 46* : Quare ita pronunciamus omnia ut Iehova nobis agnitionem largitur. Inde adeo, si quis res gestas veteris Testamenti rite perlegere, & intelligere solide velit ; necessum est, ut binas ille sibi proponat figuras ; nimirum, in externis Adamum, tanquam hominem terrenum ; in internis vero Christum. Si binas istas figuras in unam transformet, continuo intelliget quidquid Moïses & Prophetæ in spiritu locuti sunt. Caveat omnino, ne cœcorum more quidquam aspiciat ; ceu Iudæi & Babylonia fecerunt, qui ex historiis istis rationales conficiunt conclusiones, &c.

Porro, quum eadem haut dissimiliter, sed lucidioribus tamen verbis, *cap. 33. eiusd. lib.*, explicet ; non incommode heic & iste annectetur locus.

Sic

Sic igitur ait : Si quis naturæ præfectus viro iusto vitam adimit suam; eum sane , qui hoc facit , Iehovæ iudicio natura destinat ad audiendum sententiam. Quorsum igitur tyranni illi effugient , qui Verbi sapientiam in mendacia transformant , & Filios Dei propter eiusdem agnitionem & confessionem turpiter suppliciis afficiunt , nec non bello & perniciose regiones & populos subvertunt ? Hi omnes referuntur ad Turbā magnā , iudicio Iehovæ destinati. Namque gladium Turbæ in propriam voluptatem ingerunt ; nisi speciali mandato Spiritus Dei illos instiget ; tunc id officii ratione exsequi omnino tenentur ; velut Israël in gentibus hoc præstitit. Quidquid ex propria libidine , ad potentiam suam extollendam , absque necessitate , aut mandato singulari Dei , sanguinem profundit , hoc à furore Iehovæ ad id exstimulatur & concitatur , & tandem regno huic appropriatur. Vnusquisque miles est iræ Dei virga , quæ furor eius malitiam mortaliū ita punit & absumit : nec ullo modo pertinet ad ordinem naturæ , sed ad appetitum Turbæ magnæ , videlicet appetentem furoris ordinem , per quem Iehovæ ira regiones & regna subvertit. Ordinatio illa

proprietatem naturæ in tenebricoso mundo concernit , quæ potentiam suam tempore malignitatis humanæ exerit per Iehovæ permissionem; atque tum omnia ad furoris libidinem succedunt , donec illa se satis recreavit in sanguine humano. Namque hæc eadem est Racha sive vindicta Dei , de qua dicit , quod ipse vindicare velit sanguinem hominum, &c.

Qui locus ex iis , quæ in proxime antecedenti capite allegata sunt ita contineri sive compleri potest, ut non sit opus pluribus heic eadem repetere. Distinguant igitur, quousque volent, illi iuris bellici tam insolentes commentatores, & privata quoque prælia concedant, quasi licite ex iure naturæ propter iniuriarum propulsationem (*Grotius lib. 1 de Iur. bell. cap. 3. num. 1*) gerantur: reverentia, quæ Iehovæ præceptis & præscriptis debetur , nisi rectius observetur, cuique suum imponet malum , & iudicem nimis sero inveniet qui mature in viam non redierit. Sed forte quis obiiciat; (ut humana ratio semper potiores suarum inventionum partes agit , ac , ne quid culpæ ferre videatur , strenuæ defendit magis, quam ut sese ad mandata Iehovæ retrahi patiatur ;) obiiciat , inquam , quod Christianorum non tantum

tum cœtus , respectu omnium , passim admodum exiguus sit ; sed etiam inter ipsos Christianos esse vix aliquos , qui rem ita intelligant : velut ille quoque clamat : Quid poterunt hi tam pauci numero conficere contra totius mundi præiudicia ? *Arn. rel. lib. 1, cap. 3, num. 36.* Item : Vna hirundo non facit ver. *God. l. 42, ff. de V. S.* Nec ad paucarum gentium mores corrigendus est universus orbis ; imo nec ad multarum. *Id. sect. 5, num. 36.* Effugium quidem magnum videtur : Sed uti sola hominum opinio nihil iuris extruit veri , si iuri naturæ contradicat ; ita multo minus tanti erit ponderis , si verbo Dei quid audeat derogare. Nam veritas religionis non ex principiis corruptæ naturæ , multo minus ex iure gentium , sed ex revelatione divina pendet ; *dicente eodem, d. l. num. 41, Relectore.* Quamvis etiam mire se præcipitat , dum excusare gentes conatur in hoc quod non tantum uno impetu omnes , ex defectu revelationis , quæ paucis obtigerit , aberrarint , & superstitioni alteri post alteram se implicuerint ? sed etiam ex iure belli servitutes pœnæ loco iustas constituerint. Quippe , quum bellum iustum statuat , non curat obiectionem , quam Bodinus ex hostiis hu-

manis aut ipse sibi movet ; nimirum, quod ex luce naturæ gentes potuissent intelligere , contra naturam esse, humano sanguine delectari. Sed respondet ita: Quid tum postea? An non auctor naturæ potuit naturæ detrahere, & multa contra naturam vel ip[s]is Iudæis concessit? Velut exemplum adducit in Abrahamo, cui à Deo demandata erat immolatio filii unici. Et addit : Vt autem hic constanti fide putavit, obtemperandum illi, quem errori alicui obnoxium cogitare nefas sit: Ita superstitio ethnica, persuasione numinis dementata, eo sibi sequendum credidit quo raperetur à falsis oraculis, etiam si in ignem ire iuberetur, in foveam salire cum Curtio, aut in tela ruere cum Codro & Deciiis. Adde, ait, quod duo Deorum genera crediderit simplicitas ethnica; alios, qui noceant; alios, qui benefaciant. *Gell. lib. 5, cap. 12, &c.*

Quænam vero hæc excusatio blasphemia? An non magis est sui ipsius accusatio & refutatio gravissima? Nunquid culpam idololatriæ ethnicae cum tyrannica crudelitate Christianum tam aperte in Deum reicere deceat? quasi ille contra naturam quid sanguinolentum mandet? Quot verba, tot prope errores; nec sine blasphemia,

phemia : quæ nec absque scandalo quis legat pietati veræ deditus. An summus Iehova peccati tam atrocis auctor, aut stimulator occultus insimulari debet, si quando naturæ luci nonnihil detraxerit, vel contra naturam quid præceperit? In tantumne ab oraculis falsis dependere debebant, ut inde persuasione numinis dementarentur, & in ignem aut foveam profili-
rent? Quod hoc? Num hæc potest aut debet dici ethnica simplicitas, si tot fingant deos, ut in duo genera bonorum & malorum distribuant? An quæso hæc simplicitas aut malitia debeat dici, & sapientiæ profanæ argutia? Vel potius arguta arrogantia & superbia? An non hæc directe Christianismo Pauli opponuntur? *ad Rom. 1, & 2.* qui expresse à dixiav hanc impietatem & iniustitiam vocat hominum, quod veritatem iniustitia derinuerunt, & eam in mendacium transmutarunt; unde manifestata sit ira Dei ex cælo? *vers. 18, 25, &c.* An non ipsi in ratiocinationibus suis vani facti sunt, & cor obtenebantur suum, mutaruntque gloriam incorruptibilis Dei in efformatam imaginem? *vers. 21, 23, &c.* Nonne Dei veritatem transmutarunt in falsitatem? *vers. 25.* Quæso, an hæc sit simplici-

tas gentium ? num vero malitia ? De-
 cetne ita turpiter quenquam, has sum-
 mas blasphemias & peccata in virtu-
 tes convertere ? Cuiam potius fides
 sit habenda ; an Spiritui Dei in Paulos
 vel homini vanissimo , qui sibi tot
 consuit contradictiones , quot ipsi lu-
 bet ? Pudeat merito, Christianismum
 profiteri velle , & tamen Christo & si-
 bi ipsi contradicere. Sed non opus est
 pluribus verbis : Ipse sibi sit refutator
 iterum contradictorius binis in locis.
 Etenim paulo ante, num. 30, 31, 32, &
 33, recte pronunciarat , quod errore
 communi gentes & nationes quam
 plurimæ peccarint ; adeo , ut inde ne
 ius quidem induci posset. Quoniam
 iure igitur heic quid constituunt,
 ubi tam graviter etiam in ipsum
 Deum impegerunt malitia sua & in-
 versione rerum ? Deinde , in eadem
 sect. num. 57, recte cum D. Paulo, in-
 excusabiles ἀναπολογήτως, omnes pro-
 nuntiat populos , qui , quum potue-
 rint Deum verum ex luce naturæ co-
 gnoscere, gloriam eius cœlestem in hu-
 manum cultum, seu apertam blasphe-
 miam demutarunt ; idque eo magis,
 quo evidentius veritas ex verbo elu-
 cet divino , & ab iis pertinacius con-
 temnitur , &c. quæ verba etiam su-
 perius allegata sunt. Ecce, quomodo
 hæc

hæc iam ethnica potest dici simplicitas, si inexcusabiles sint, si blasphemii idololatræ sint, si pertinaces contemptores verbi sint, si ipsam naturæ lucem despectui habeant, omniaque convertant in mendacium pro lubitu?

Eodem modo, quo ex simplicitate maligna & blasphemia innocentiam ethnicis adscribit, etiam cunctis, ipsisque Christianis, bellum permittit iustum, ex cuius victoria servitutes iustas constituent. *Ibid. num. 60.* Nihilominus quidem rapinas & cædes damnat, quum belli sint accidentia. Quasi vero bellum aliud quid sit in proprio totoque E s s e suo, quam rapinæ & cædes? per quas victoria obtinetur, & bellum perficitur. Vide heic Costerium in *pol. lib. 10. cap. 8, §. 6*, recte de bello, & quomodo omnis ab eo exulet iustitia, loquentem. Dehinc quoque ulterius istere iicit hos, qui statuunt, victos cedere nequaquam esse licitum, ac proinde nec in servitutem eos abduci debere; quum sit potius, servos facere ex dedititiis, quam eos occidere. Quippe, ait, cædes & servitus non sunt paria. Quæ tamen duo crimina, *vix antea, num. 56*, paria fecerat his verbis: Cædes enim & servitus pari passu ambulant. ut in contradictoriis terminis perpetuo sibi conscius maneret.

neret. Quasi vero non aliud sit remedium clementiae aut misericordiae, quo curari possit dedititius, & ille, qui se dederit victori, nisi aut servitute aut caede sit mactandus? Ast, obicit, duo sunt genera bellorum: aut tendunt ad internecionem; aut pugnatur pro imperio, gloria, ditione, aut alio aliquo interesse. in illis à caede non est abstinendum; in his distinguendum est inter ius summum & æquitatem. nam quod ultra victoriam non sit progrediendum, æquitas suadet; sed iustitia haud prohibet. Quid audio? An æquitas & iustitia ita dissident inter sese, ut quod æquitas non permittet flagitium, id iustitia licite patrari sinat? Nimis liberalis est, in puniendis hominibus & constituendis servitutibus. Merito igitur audiat hoc: Exeat aula, qui volet esse pius. Nimia enim pietas aut misericordia dedecet virum strenue bellicosum, & servitutum compactorem. Sed amabo, dic, num iustitia possit ita licite ab æquitate resiliere, ut illud exequi audeat citra culpam suam, quod æquitatem non redoleat; id est, ut quod iniquum sit, committat? O absit talis iustitia procul, quæ in iustitiæ patrocinium sufferat. Alias enim ius & æquitas iustitiam procreant, ut illa
utrius.

utriusque dicatur effectum; quum æquitas omnino formæ instar sit iustitiæ. Quare si tollas rei formam, sive animam, merito in monstrosum abit abortum illud corpus rude atque mutilatum. Veluti bellum quoque illud utrinque iustum evadit, iuxta eius opinionem, quod veritate & iustitia caret in cognitione causæ iustæ, & ex ignorantia committitur, ut olim Andabatarum erant pugnae & digladiationes. quod quidem, *sect. 5, num. 55*, verum perinde statuit; Sed idem *sect. 4 num. 17*, vix possibile putat; his verbis: Vix enim fieri potest, ut bella, unde prodeunt servi, utrinque iusta sint. & indignum est, ut nati altissimo loco & ingenio in vilissimam servitutem deiiciantur, &c. Quare autem hoc? Forasse, quia transcendit limites honestatis in iustitiâ belli. Nulla enim iustitia vetat hosti nocere; modo non excedatur modus, nec transcendantur limites honestatis, *ait id. sect. 5. num. 65*. At quinam heic limites vere constitui possint, ubi arma furorque vigent, nec locus est dilectioni proximi, nedum cognitioni causæ, id non attinet multis demonstrari. Experientia est ante oculos. Nam quis causam cuiusque disceptabit, quando strepitus armorum non finit voces
 expostu-

expostulantium exaudire, nec ira & cupiditas vindictæ locum facit tribunali rationis? *ait idem.*

Sed hætenus de servitute & iustitia belli. quumque ibi libertati non detur locus, eam nunc paucis in Christianismo quaeremus.

C A P. I X.

De libertate vera, & servitute Christiana; quomodo hac accipienda, & quid proprie sit.

REcte Bodinus, *lib. 1. pol. cap. 5,* & Montecativus, *1 pol. schol. text. 64.* agunt, quod tam accurate demonstrant, in multis adeo rebus gentes & nationes communi errore unanimiter peccasse. Etenim ipsa Scriptura S. attestatur toties, quod omnis homo mendax sit, & ex corrupta sua natura proclivissime ad mendacium feratur. quum simul ipsam imaginem Dei in tale portentum transformarint, ut supra ex divo Paulo ostendimus: qui exinde quoque omnem hominem mendacem proclamat ex *Psal. 62, 101 & 15, 11, ad Rom. 3, 4.* De quo etiam ipse Iehova Christus conqueritur, idemque profanitatis crimē sui in os ingerit Iudæis, qui tamen filii regni cœlestis ex semine

semine Abrahami, patris credentium, unice saluari volebant; *Ioh. 7, 29 & 8, 55.* Quum itaque in cardine salutis ipsius etiam ipse electus populus Dei aberrarit sæpius, & vix ægre se in sanio- rem mentem reduci passus fuerit; quid mirum, quod gentes tenebrarum meliora sapere noluerint, aut non studuerint unquam? quicquid heic per- vicaces ethnicorum & profanitatis tantæ patroni, veræque sapientiæ vani suppressores, ac perversæ servitutis per- petui commendatores obganniant. Ne quid illis desit pro captivis & manci- piis bello abducendis, ita exclamant nonnihil altius; nec id absque indi- gnatione animi graviori: Nam si ius naturæ convellit hæc servitus, & nulla valida ratione probari, vel ab antiqui- tate extrema excusari potest, qua ratio- ne probatur sacris litteris, teste *Augusti- no quest. 67 in Exod. & Rom. an. consil. 288; ubi Mandos. & sub interminatio- ne edicitur servis Christianis, ne do- minis suis se subtrahant propter con- scientiam? ut scilicet. 4, in pr. dixi.* Aut quo errore apud omnes omnino gen- tes, quasi in unum & eundem stupo- rem coniuratas, tanto consensu potue- re principia naturæ exsculpi, ut, quo- cunque verteris oculos, omnia servi- tutum plena deprehendas? Absit vero
ex so-

ex sola opinione hominum ius gentium extruamus. &c. *Arn. in relect. pol. cap. 3, sect. 5, num. 29, & 30.* Nam Aristoteles 5. *eth. cap. 7* non aliud ius gentium agnoscit, quam *φυσικόν*, nec definit illud ex omnium opinione; sed ex eo, quod conveniat principiis à natura omnibus hominibus implantatis. *Id ibid. num. 31.* Satis fortissimum scilicet obicit heic argumentum nobis, iuxta suam opinionem, ut eam defendat variis quibus adsuefactus est contradictionibus. Sed quam elumbe id sit, ad veritatem sacræ Scripturæ & verbi cœlestis paulo accuratius examinetur. Namque ipse Adam post lapsum incepit statim lucem sive adspectum Dei & veritatem fugere, ut non veritus fuerit, se Deo subducere, & culpam suam simulatione ignorantiae velamine obtegere, accusando falso mulierem. *Gen. 3.* Atque hoc est illud principium, corruptæ naturæ implantatum, quod adeo propagavit ille primus omnium parens in omnes posteros, ut cuncti tenebris inhæreant, nec quid à priori amplius cognoscere possint: quum imaginem divinam amiserint sineuli, ut supra ostensum est: nec possint ne in rebus naturalibus quidem ad cognitionem internæ essentiæ aut eius virtutes penetrare, licet

licet ante pedes sint ; ut ait *Sal. Sap. 9.*
 Vnde quoque statim in primo mundo, qui longe sincerior fuit, quam iste
 præsens, adeo graviter de mortalium
 cæca malitia, nimirum quod omne
 figmentum & cogitationes cordis sui
 ad deteriora in dies singulos confer-
 rent, Iehova ipse conquestus est, ut
 etiam cogeretur diluvio submergere
 mundum, quum nemo præter Noa-
 cham (propter lineam Christi) om-
 nium inter tot millions hominum
 inveniretur, qui ereptione dignus ha-
 beri cum suis potuisset. *Genes. 6, vers.*
5, 6. Si igitur tunc in unum eundem-
 que stuporem tanto consensu conspi-
 rare potuere homines, tantique gigan-
 tes, & tam longæ vitæ ; qui tam insi-
 gnes habuere doctores verbi, patriar-
 chas videlicet divinos ; an non etiam
 hoc semper factitarint, quum eius-
 dem malitiæ & cæcitatæ exemplum
 in ædificatione turris Babylonice ha-
 beamus ? *Gen. 11.* Quid non factita-
 runt Israëlita, quum ipsi miraculose
 per mare rubrum à Deo ipso duceren-
 tur, inque ignea nube ductorem coti-
 dianum viæ adspicerent ? qui & sele-
 ctus erant populus. An non inde re-
 cte quoque David regius propheta ait ?
 Defecerunt omnes ; nec est, qui bo-
 num operetur, ac ne quidem unus.

Psal. 14, v. 3. Qualia proinde tales opiniaſtri ſibi ſomniant principia naturæ, quæ prorsus ignorant, nec audire experunt aut cognoscere ex verbo Dei; quum profanitates suas cum sanctis Iehovæ oraculis tam temere commisceant, spiritumque Iehovæ à se prorsus repellant blasphemi, nec ad agnitionem veritatis pervenire possint, propter inutiles logomachias? *ut id D. Paul.* 2, *ad Tim.* 2, *detestatur.* Usque adeo ethnicismi & naturalis cæcitatæ servi omnes esse cupiunt, ut prorsus averſentur libertatem, quam Deus homini contulit primitus, & postea, perdita ea, per Christum recuperatam nobis donavit. An non cæci sint homines, qui oculos adversus verbum Dei nequiter obſtinent quum nequidem id, quod apertissimis adſpiciunt oculis, in veritate spectare optent, aut agnoscere velint? Exemplo res satis erit clara. quid lucidius splendidiusque mundus universus adſpicit lumine clarissimo & amabilissimo ipsius Solis? Nemo non splendore eius & irradiatione se quam iucundissime sentit affici. omnes eius lucem desiderant quoties nox est, & diem votis exoptant anxii. Nihilominus omnes in eius loco & motu hallucinasi sunt turpissime. Nonne in unum eun-

eundemque stuporem tanto consensu
heic conspirarunt omnes? quem etiam
firmis demonstrationibus stabilire co-
nati sunt summi artifices, quos sapien-
tes nominamus; inde, quod terra
tanquam in centro universi quiescat,
& sol circa eam cum luna & reliquis
planetis moveatur? Nonne à temporibus
Ptolemæi mathematici, qui maxi-
me circa ann. Christi 141. floruit, per
tot secula hucusque tot scripti sunt li-
bri, qui hanc quasi firmissimam imo
& demonstrativam defenderint sen-
tentiam? Omnes Dd. Academici
mordicus nec sine acrimonia in hanc
conjuravere mentium opinionem, ut
anathema fuisset habitus, qui con-
tradixisset. Et quamvis summus ille
Astronomiæ artifex Copernicus ante
seculum abhinc ferme, qui natus est
in Regiomonte Borussia, anno 1473,
die 19. Febr., & obiit 1543, die 20.
Ian., tam crassum & supinum erro-
rem omnium in triplici motu terræ
demonstravit, & revolutionibus con-
spicuis id declaravit; ut inde satis ma-
nifestum sit, quod soli non alius
quam centri locus respectu totius uni-
versi competat: tamen ille audiri
non potuit. Ac nisi tam oculares ad-
hibuisset demonstrationes, quibus
revolutionum suarum libros sex il-

lustravit; certe pridem ex orbe toto expulsus fuisset. Quare? Quia communem academicorum patrum, & omnium ex ore talium dependentium viro- rum, ac inde constituti iuris gen- rium & Christianorum opinionem impugnavit & pudore affecit? Quam etiam ob causam veritas tam aperta haecenus identidem quam acerrime suppressa fuit. Novi quidem fuisse vi- ros bonos etiam inter academicos, qui hac de re recte sentirent; & inter eos ipsemet affinem habui Magistrum Henricum Scaperum, virum longe in mathesi exercitatissimum, qui ultra 30. annos academiae professorem egit Helmæstadii. (cuius scripta quoque dignissima sunt, ut tandem edantur, quum prorsus singularia in tota ma- thesi contineant.) hic toties mihi confessus est, quod nulla verior esset sententia, quam Copernici. & ita quoque informavit suos discipulos; velut ego anno 1597. talia ex ipsius prælectionibus observavi tum. Sed ipse cum aliis propter conspirantes omnium opiniones non ausus fuit aperte illa explicare. Tandem ante an- nos aliquot Teutonicus noster idet- iam, sed alio dictamine, sancto & Esdræo, *in libro suo de triplici vita ho- minis, capite 9, ex fundamento na- turæ*

turæ plenissime explicatum dedit. Cuius verba emphatica hæc sunt: Qui asseverant, quod sol cursu moveatur aliquo, illi loquuntur tanquam cæci de colore, nec unquam centrum naturæ agnoverunt, &c. Item: Mundus ex lapsu Adami huc usque monoculus fuit: quia sub sex illis sigillis, id est, sex planetis illis, vixit cum sua cognitione: At septimum sigillum perspicuis solis oculis videbitis mox. Loquimur heic, ut veritatem agnoscamus. Hoc igitur percipite; vobis difficilem complexum enucleabimus. Videte, & animadvertite id modo. Tota constitutio & universitas regiminis huius mundi in omnigena vita ex astris tum sese in cunctas res, bonarum malas, insinuat. Nam & astra quoque causæ sunt, quod quatuor elementa, utpote ignis, ær, aqua & terra, exsuscitentur: alias in hoc mundo omnia plane placata quiescerent. Ideoque præcipue in septem planetis agnoscite imperium superius: hi quippe nobis spirituale regimen exhibent; & id quidem duplici modo. Obtinent Tincturæ imperium, tanquam igneam vitam; nec minus & æris imperium, tanquam aqueam vitam. Tres planetæ, supra solem constituti, una cum sole, igneam vi-

tam & dominium possident : atque
tres infra solem positæ, egressum igneæ
Tincturæ exhibent, eiusdemque simul
descensum, & una cum sole aëreum
imperium fovent, atque femineum
genus continent in sese, quia matricis
essentiam repræsentant, superioris-
que matricis Tincturam. Isthæc Tin-
ctura autem animam in sese com-
prehendit; & altera, matrix, veneris,
animæ spiritum. Atque ita quod su-
perius est, inferius appetit, & è contra
inferius hoc appetit illud superius.
Vnde porro unum conficitur corpus.
quippe sol est cor, & splendorem ma-
iestatis principii huius continet. At-
que inde percipi facile potest uterque
sexus, masculinus & fœmininus. Mas
caput repræsentat, & in se imperium
dominationis continet cum Tinctura
sua ignis; ac, quum Tinctura hæc ani-
mam comprehendat, inde venerem
appetit, tanquam matricem corpo-
ream. Namque anima appetit spiri-
tum & corpus; quod possidet matrix
fœminæ. Atque ita inferius regimen
est fœmineum, & totum eius impe-
rium lunæ obnoxium viger. Sol
enim cor addit eis, & venus Tinctu-
ram; non vero igneam, sed aqueam;
unde ille largitur spiritum aëreum.
At huius Tinctura non in intellectu
confi-

consistit, ex quo ipsa viri subiaceret imperio. quippe Tinctura ignis acriter probat res omnes. Mercurius exsuscitator est Tincturæ huius. Inde in facundiam volubilitatis inclinatur. Et luna obtinet huius matricem, quæ ex omnibus participat planetis, & metuendam terræ se exhibet: inde ita festinat, & in circumvolutione rotæ suæ ex planetis & stellis haurit vires ubicunque potest. maxime appetit solem: inde quoque eius splendorem attrahit, quemadmodum luna solem anhelat; quoniam terrenus est, & appetit cor cœleste. Ita quoque fœminea matrix anhelat anxie cor mariti, eiusque Tincturam, tanquam animam: quia anima æternum illud affert bonum. Atque sic natura æternitatem appetit, seseque ex vanitate exsolvere cupit. Vnde patet, quæ causâ sit movens acerrimi desiderii in utroque maris & fœminæ sexu per universam creaturam, quod utrumque alterius mixturam tam ardentem ambiat. Namque corporea moles illud non intelligit, neque spiritus aëreus; sed tantum binæ illæ Tincturæ noscunt hoc, quæ ita mutuo urgent sese, quum illud verbum F I A T in se contineant, ut inde magnalia cuncta Iehovæ manifestentur. Etenim Spiritus Dei incumbit

aquæ matricis in venere & in jovis matrice, tanquam in cerebri matrice, & gestat illud F I A T. Namque cor possidet veneris matricem, & cerebrum jovis matricem. Atque sic Spiritus lehoræ alis quoque ventorum incumbens fertur in suo principio; & tamen à patre & filio procedit in creatione; manifestatque magnalia summa, quæ in sophia sancta ab æterno sunt provisa. Proinde ipse est fabricator seu opifex rerum omnium, & à Deo ad id opificium missus, &c.

Eodem modo, *cap. 10, eiusdem libri, quod de creatione omnium essentiarum, & quomodo homo semetipsum investigare ac invenire debeat; ac quomodo omnia secreta nature, usque in novenarium numerum, non vero ulterius, perscrutari queat, inscribitur, inter alia hæc habet: Iam ratio hominis quærit; Quum diabolus hunc ita incolat mundum, & in eodem principis dominium obtineat; ubinam ille habitet? In tota abyssu non plures circuitus sunt aut circuli, quam septem; illi se movent atque circumvolvunt instar rotæ, vel quemadmodum vita circa animam circumfertur, & cor in medio tanquam in centro quiescit. Ita quoque sol se habet, atque circuitus illi circa solem sunt septem planetæ, tanquam spiritus*
ab

ab eo centro dependentes; & septimus circuitus est terræ; quæ spacio 24. horarum circumvolvitur, & simul cum reliquis planetis suum anni spacio cursum citra lunam circa solem absolvit. quod reliqui simul peragunt, sed tamen longe dispari temporis spacio; veluti Saturnus in 29. annis, propter nimis longam distantiam: excepta luna, quæ retrogrediendo perficit cursum singulis mensibus, atque ita duodecies in anno, & paulo ulterius transgreditur. Iam igitur hoc omne rotam generationis conficit, in qua verbum *F I A T* consistit. Atque hoc diabolus ex hoc circulo expulit, ut habitet extra hunc circulum, ubi ingentes sunt tenebræ, ex adverso contra coronam stellarum sive zodiacum, in firmamento; unde quoque multæ stellæ nequeunt conspici propter tenebras eas. quod etiam alias ingentem significationem importat propter mortales: quod indicare cuperemus, nisi mundus tanto furore corruptus esset, & potius diaboli servitio se exponeret, qui omnes irridet revelationes, ut eo facilius mirifice excæcare queat mortales. ultimis temporibus tamen aperta erunt omnia filiis eorum, qui binis singula dignoscere oculis noscent. Atque ita satis vicinus nobis est diabolus;

lus; & tamen simul principis dominationem longe profundiotem exercet, propius ad astrorum situm in medio, ubi densissimæ sunt tenebræ. Namque proximitatem splendoris stellarum ferre nequit. unde captivus est, nec audet septem regimina verbi FIAT attingere, nec quid in iis potentiaæ habet. Est ita miserrima creatura sub corona sive zodiaco. Hoc certe haud ullo circino delineari potest. Namque sol in intimo intus fixus perstat circulo; & reliqui omnes longius ab extra distant ab eo ad coronam usque sive zodiacum, qui concludit ambitu suo cœlum externum. Atque istud non potest intelligi, nisi spiritus id concipiat secum; quippe velut ipse spiritus est, ita quoque circulus iste se habet. Non tamen potest rite describi. Quemadmodum enim vita sese in intima involvit usque ad solem; sic etiam illi spiritus vitæ in homine sese animæ insinuant; veluti de tribus principiis meditationes concipere poteritis; ubi extremum, simul intimum omnium est. quod externus (sive sidereus) spiritus rationis nostræ nullo pacto percipere potest: quia solummodo unitatem constituit, nec ternarium numerum assequitur. at animæ spiritus, si regeneratione denno convertatur ad Deum, ut
inter-

internum ESSE introspiciat oculis genuinis, & oculis huius mundi externum, is intelliget. Nam istud detegit visionem Ezechielis de spiritu cum internis & externis oculis, ubi spiritus simpliciter recta procedit quocunque procedit. Ac licet sapientes magi & mathematici confinxerint sphaeram; & totam eam aliquo usque delinearint; tamen hæc non sufficiunt. Idiotis quidem sic præparatur via quædam ad considerandum mysterium magnum: verum rota ea longe subtiliorem intellectum continet, nec unquam in taliratione circino delineari potest. Namque in semetipsum retro tendit ad cor solis, & è contra ex se egreditur ad figuram essentia. Propellitur ad exteriora & interiora simul. Etenim spiritus Tinctura, tanquam vere ignea vita, urgendo tendit sursum ad libertatem Dei, & appetit spiritum essentia; qui se deorsum impellit, utpote sine quo non subsistit ignea vita. Inde se igneus spiritus reconvertit quasi in latus, & semper apprehendere conatur spiritum essentia, & spiritus essentia fugit ignem. Quum vero ex vita ignea progeneretur, nec possit ab eo separari, proinde ille cum igneo spiritu circumgyratur. Quando enim igneus spiritus se in dextrum latus
per

per obliquum convertit; & apprehensionem dirigit in spiritum essentiae, tunc spiritus essentiae terro cedendo ibidem in obliquum ex inferiori parte à latere altero sinistrorsum se elevat. Atque hoc parit involutionem, & alter alterum insequitur: Quippe essentia fugit ignem, & tamen ex igne ortum sumit suum, ceu videtis, si observetur, quemadmodum aër ex igne expiret, & ex aëre gignatur aqua, quæ substantiam illam determinat. Ita ignis in anxietate sua appetit mansuetudinem aquæ, & libertatem extra anxietatem eam, atque apprehendit aquæ scaturiginem; inde mansuetudo tanquam aquæ scaturigo expetit corpus, ut ab igne tuta & obnubilata sit. Hinc ignis festinat ad aquam, & aqua fugit ignem. Namque si ignis sursum evaporaret, & aqua per inferiores partes efflueret, tunc longissimæ distantiae separatio inde exurgeret inter utrumque, ac cuique mors sua esset parata, ita ut evanescerent ambo aut in nihilum abirent. Dum vero se ignis aquæ adsociare cupit, & in ea se recreat, conservatur ipsi vita, & sic spiritum aëris ex se producere potest, ut ita vita subsistat. Ecce ita indicamus tibi mysterium magnum, ut inde cognoscere discas, quousque intellectu tibi

tibi sit progrediendum; addiscasque numerum cognitionis tuæ, & in quo iste finiatur. Namque ignis octavum determinat numerum post septem spiritus illos naturæ, & caussa est septem spirituum. Iam vero nulla creatura in corporeitate sua potest sustinere probam ignis; quia ignis consumit eam; in qua subsistit vita naturalis. Ignis præterea Tincturam efficit; eamque duplicem: Vnam, in sese apprehendentem æternam libertatem placidæ mansuetudinis absque essentia externa: Alteram, extra sese apprehendentem externam substantiam; veluti oleum, quod ex aqua producitur, & ex venere oritur, in quo externus eius splendor & lumen resultat; & ex interna Tinctura in æternæ libertatis appetitu exoritur maiestas libertatis. Quod commodè percipietis hoc pacto. Ignis octavum complet numerum, & interna Tinctura numerum novenarium determinat. Eo usque nobis est progrediendum. Namque denarius numerus ipsum ponit æternum Dei ignem; atque in medio sui, crucem ✝ exprimit generationis; quæ centrum æternæ naturæ in duo dividit regna, uti antea id explicavimus. Quæcunq; vero creatura penetrando hunc ignem petrumperere cupit, illa regnum Dei pervas-

pervadens, in extremitatem à Deo alienatam, & in centrum ignis quod est extra hunc mundum, tanquam in æternas tenebras, relabitur: ubi ignis niger & æterna esurities viger. Incensio ignis luminaris solummodo in cruce ✝ consistit, in mansuetudine novenarii numeri, id est, in uno numero. Nam denarius numerus dualitatem exprimit ad procreationem angelorum hominumque complectendam: sed nil ulterius in centrum crucis ✝ redigendum est: quippe ante crucis ✝ Ternarii sancti faciem omnes subsistere, & mentes suas sub se retro reflectere coguntur in Tincturam humilitatis, usque ad novenarium numerum; ut ita in denarium numerum non sine trepidatione mentis prospiciant; ne creare quid velle aut appetere videantur in hoc denario numero: ne sic in centrum ignis Dei cupiant ingredi, sed potius ante denarium hunc gaudium concipiant æternum, lato concentu gloriosæ laudis cantantes, *Sanctus, sanctus, sanctus sit Iehova noster dominus Deus Zebaoth.* Atque iste cantus representat cibum divini ignis, ex quo progrediuntur in divinis essentis miracula, paradisus, elementa, & cœlestes substantiæ. Velut & ante Ternarium sanctum adstat cœu virgo quædam

dam æternæ sapientiæ Dei. atque hæc est divina illa Sophia. Namque in ea Sophia omnium divinarum essentiarum substantiæ formales comparent. Ad cuius miraculi expressionem nulla nobis seu lingua seu calamus sufficiens esse potest. Solummodo vobis indicamus, quousque ejusmodi revelationes sint indagando penetrandæ. Nam usque in novenarium numerum omnia vobis in intuitu sunt obvia; quia cœlestis vitæ heic adest Tinctura: Conspicitis heic centenarium numerum, & etiam millenarium maiestaticæ coronæ: sed prorsus heic abstineatis à perscrutatione denarii, ubi merus abyssus lustratur: Alioquin extra Deum progredimini, velut Lucifer qui in denario creatorem agere conabatur, & ignem ibi æternæ originis quærebat; unde ibidem, ceu in morte tenebrarum extremarum sepultus, permanere æternum cogitur. Ideoque lector huius sit monitus, ne in his profundis scriptis ulterius quid pervestigare aut voluntatem suam in interiora intromittere tenter, quam ipse possit assequi. Quisque in huius conceptu solo acquiescat semper. Namque dum conceptu adhuc viget tali, subsistit simul in substantiæ perceptiones; unde non aberraturus est, licet spiritus illum

illum ad longe profundiora vellet deducere. Vni enim multo plura præ altero conceduntur. Verum meta & scopus heic est certissimus, ut quisque semper in humilitate erga Iehovam subsistat, atque in eam se Iehovæ dedat, ut hoc velle & facere perficiat quod Iehova vult. Si hoc peragas, in temet ipso es quasi demortuus: quia nil expectis, quam quod Iehovæ voluntas poscit: & hæc voluntas Iehovæ vita est tua, quæ in semet ipsam ad millenarium usque numerum regreditur, & profunditatem Deitatis cum mirabilibus cunctis perquirat. Ille tuam sibi consecratam voluntatem in virginem deducit Sophiae suæ, ut ibi mirabilia cuncta perspicias. Ast noli ab ipso imaginationem retro in mirabilia divertere. Simulac hoc feceris, ex Iehovæ voluntate excidis, quæ æternam libertatem determinat, & in propria tua imaginatione tibi captivus hæres. Hoc diligenter observandum. Namque unaquæque imaginatio substantiam gignit, in qua tibi fixus subsistas, unde mox retrogradus agaris, ne Iehovam videre possis. Ideoque hanc ob causam Christus nos docet humilitatem, amorem, puritatem cordis, & misericordiam; & iubet severe, ut quisque nostrum voluntatem Ieho-

væ quærat, atque in eam se intromittat penitus. In Iehovæ enim voluntate omnia nobis sunt possibile. Nil natura nostra propria perficiat: sed Iehova ipsemet in nobis zeloten agens, est nostrum perficere, si quid miraculose operemur. Nulla enim hominis anima dicat aut cogitet; Ego miracula edam. Omnino hoc non debet esse. Quippe miracula externam naturam exuperantia ex centro æternæ proficiunt naturæ, ex denario numero illo, cuius per se nulla compos est creaturarum. Ast si in voluntatem Iehovæ demissa penitus introeat, tunc Iehova miracula in ea operatur: quoniam ipsius unica est lætitia in imbecillis se manifestare; quum fortis perpetuo in sua voluntate obluetetur, eamque Deo nolit prout par est submittere. Ipse suo semper confidit intellectui; unde ipsius voluntas extra Deum vagatur, & nihil potentiæ habet. Quod si igitur ex semet ipso de Dei essentia & voluntate loqui volet, insipiens nugator erit: quia non ex Spiritu Dei & voluntate eius loquitur, sed ex semet ipso & opinione sua: in qua perpetua dubitatio manet. Vnde quoque lites fidei & cognitionis Dei exoriuntur, cum quisque Deum in sua propria voluntate & scientia quærit. Hominum

perversitas ea est, quod Deum in sua propria voluntate investigare & invenire velint, quum tamen in ea non sit; quia simpliciter habitat in eius voluntate, qui omnimode sese illi cum tota ratione & scientia sua submittit; atque huic ille largitur cognitionis omnis gratiam & vires, ut essentiam suam cognoscere possit. Ergo sustollite capita vestra, & attendite: Nulla lis est, nulla controversia in voluntate Iehovæ; sed in hominis & diaboli voluntate. Hæc est itæ divinæ voluntas. Ne patiamini seduci vos per blandiloquentias adulatorum carnalium, qui in historiis vanis pompose incedunt, &c. *Hactenus ille.*

Ex his igitur pater, quid essentia essentiarum sit, quid eius spiritus atque vita, & quæ matrix generationis creaturis detur, ac quomodo sol omnia illustret ex centro suo, cunctisque rebus creatis oculum vivificum in splendore & calore subministret; atque ut hoc eo rectius perficiat, quomodo circa eum, tanquam universi centrum, omnes circuli exteriores cum terræ triplici motu sphaerice circumgyrentur; isque in medio acquiescat, suum officium omnibus communicans.

Nupex etiam vir insigniter in astro-
nomia

nomia doctus, dominus Philippus Lansbergius, pastor Middelburgensis, ex motuum cœlestium observationibus suis idem protulit, & ipse Copernici sententia maximopere inductus. Et quamvis priscorum & communis omnium consensus errorem nonnullum Tychonis de Brahe pridem etiamprehenderit; in plurimos tamen alios longeque crassiores, quum ille sphaeræ Copernicanæ ordinationem inverteret, lapsus est errores; ut optime illud explicat dictus ille Lansbergius, & eodem *in sua consideratione idiomate Belgicæ linguae conscripta* refutat. Fuit quidem, ait idem *in præfatione huius libelli*, ante 1890, annos in Græcia quispiam Aristarchus Samius, qui itidem affirmare ausus fuit, quod sol in medio universi staret: sed simulac hanc protulit sententiam, statim pessime à Græcis suis condemnatus est, quod communi opinioni contradiceret. Proinde non potuit rectius eandem cum Lansbergio Guilielmus Iansonius Cæsius, Amstelrodamenſis typographus & mathematicus solertissimus, exprimere sententiam Copernici, quam ut sphaeram universalem in sensuali artificio depingeret, quam quisque oculis & tactu manuum palpare posset, ne quis id condemnaret auditu

quod mente conceperat ; quum tanta sit malevolorum negantiumque impudentia. Ipse quoque simile instrumentum mechanicum vidi Harlemini apud quendam , non litteratum quidem , sed in arte sua satis exercitatum, Rudolphum Iansonium nomine, qui adeo apte omnia confecit, ut etiam quisque designationes aspectuum in singulis annis invenire queat. Nonne & similiter per tot secula medici in suis impurorum medicamentorum compositionibus crasse satis aberrarunt, & adhuc satis infelicitate cum prolubio quodam animi in erroribus pergere satagunt ; dum contra apertam veritatem & ipsum conscientiae stimulum in cognitione rerum spiritualium, & earum, quae veram naturae essentiam constituunt, contra chymicos pugnant. Pudeat merito praeter reliquis Sennerium illum sui scripti, quod tam turpiter edidit de differentia medicamentorum chymicorum & Galenicorum. Quercetanus, Hartmannus, Crollius & Nollius, palmam huic saeculo post Theophrastum merito praeripiunt, ut reliqui, qui talia non didicerunt, in ruborem suum abeant. Egregiam relationem Michael Meyerus & Salmuth de novis inventis & repertis conscribere, quae cotidianum rerum usum miris

miris auxerunt undique modis, ut inde constet, quantum ingeniis humanis in cœcitate & imbecillitate sua fidentum sit, quum sæpius uni mortalium, & maxime quem indignum omnes censent, tantam largiatur sapientiam, qua toti mundo veritatis asserendæ causa contradicere cogatur. Quare communi opinioni in nullis prorsus rebus nimia fides est habenda, nisi fundamentum ex verbo Dei pateat, aut id ipsum Spiritus sancti dona in homine singulariter ad id electo confirmant. Sophia enim cœlestis, quæ ex Spiritu Iehovæ est, sola scrutatur & detegit veritatem, etiamque profunditatem deitatis, *ut ait D. Paul. 1. Cor. 2, v. 10.* An igitur quis ex natura quid rite probare possit, qui ipse naturam ne quidem in minutissima superficierum parte intelligit? *Velut ait Arn. pol. cap. 3, sect. 4, num. 1.* A natura pergimus ad ius divinum. quur non potius à iure divino ad naturam? nempe cœci adeo sunt omnes habitualistæ, ut ne quidem intelligant quid magis naturalis in nominis significatione sui importet; multo minus, quid cabalistica in mysticis possit explicandis, audierunt. Incognita pro veritate venditant, modo syllogistica locutione, vanisque logomachiis, atq; technis constringere

quidlibet possint. Miserrimum est instrumentum, quod nihil veri intuitive cognitioni aut rationi applicat, ut tales nihilominus vanissime gloriari solent. Verum insignis est veritatis contemptus, si unacum mendacio colatur; ait *A. M. p. 43, in expl. prim. precept.*

Sed nunc propius iterum ad rem accedemus. Sic ait nostræ libertatis osor & hostis, *sect. 3 d. 6. num. 25*: Dominium vero & libertas non convenit iis quos ad serviendum natura generavit, & proinde inique iis attribuitur. Quod si matrem æqui boni, publicam utilitatem, legislator respicere potest, hæc contueri velit; An quicquam utilius hac servitute, & incompetente libertate detrimentosius, introduci à primis Christianis potuit, dum promiscuo favore vindicias secundum libertatem in universum orbem Ramanorum proclamant. Pro ergastulis enim privatis publica coacti fuerunt excitare noscomia, ne recens manumissi per vicos & compita epidemica fame emorerentur. Nam, qui sibi de victu prospicere sua industria non possunt, quid ex libertate sperare habeant, præter famem & inediam? Quid prodesse queunt publico, nisi, ut, postquam ad liberum matrimonium acces-

acceſſerunt, & miſerorum parentibusque ſimilium liberorum poſt ſe trahunt globum, inutilibus fucis onerent civitatem, qui nihil niſi numerus ſint, & fruges conſumere nati? &c.

Talis locutio ſarcaſtica multis certe ſcater vitiis. Adeo enim abſurditatum eſt ſtudioſus, ut nuſpiam prope vacet locus, qui non naturalem impugnet æquitatem. Nimirum ſemper inclamat ſervos natura, & eos ubique exigit. At naturæ homini nihil æque competit, quam ut id appetat & ſequatur, ad quod natura creatus eſt? Quid vero hoc erat? Nonne dominiū? utrum vero nunc conſultius erit? brutefcerene, an vero libertatis anhelare ſuæ poſſeſſionem? Idcirco pluſquam inique agit proſecto cum maxima parte mortalium, quod eos ad ſervitutem naturæ abiiciat. Quoniam ille abuti- tur vocabulo domini, & ſolos principes, reges, &c. ad hanc ſortem ſeligit; ideo tam multos confundit ſervitutis cumulos, ut ita ſuum ſalvet Stagiritam. Aſt tantæ abſurditati quoque ſe Dn. Coſterus in *pol. ſua lib. 10, cap. 8, §. 2*, rectiſſime opponit, quando dicit: Hæc ſententia tum falſa, tum generi humano pernicioſa eſt. Hinc enim ſuperbiſſima Græcorum ſapientia ius

putabat, barbarorum nationes imperio subdere, iustumque esse bellum, ut deteriores perirent melioribus. Sese vero meliores iudicabant. Quum tamen constet, multas barbaras nationes innocentius modestiusque vixisse Graecis. Verum magnos praestitisse se arbitrati sunt, cum Lydos, Sarmatas, Scythas, Indos in potestatem redegerunt, & se, uti sapientes, stultorum, ut putabant, dominos fecerunt. Ac primum quidem nimium hoc arrogans est, tantum se extollere, tantum alios deprimere, &c.

Sic etiam nimium arrogans est, quod suae auctoritate profanae sapientiae, non ster inutilis Relector, tam multas hominum mytiades ad brutorum stabula relegare velit potius, quam ipsis concedere primatium suae finem creationis. Nimirum propterea ad matrem aequi & boni, publicam utilitatem, provocat euphoniae gratia & nimiam Christianorum humanitatem in abroganda servitute graviter accusat. Quanam vero ipsi publica dicitur utilitas? Videlicet haec ei publica utilitas dicitur ubi quam minimum Christiani amoris erga proximum exercetur; ita ut non necessum sit, publicas facere impensas pauperibus; quum talis libertas sit incompetens, & illa nihil possit introduci

duci detrimentosius. Verum quæso, an non ibi cohabitatio & conversatio sit promptior, ubi liberalitas largior & mutua beneficentia? An non ibi pietas florentior? Forte ait; Hæc nil ad utilitatem publicam faciunt; quæ unicespectanda. At pereat talis publica utilitas, quæ pietatem & mutuam benevolentiam in opere consistentem in exilium agit, liberamque singulorum salutem posthabet. Abeat longe à bona republica tam durus legislator. Verum Iehovæ sit gratia, quod in Christo longe beneficentiorum nacti sumus legislatorem in suo regno, qui nos tanquam liberator theanthropos & solide unicus ab huius & æternæ servitutis carcere liberavit. Illum potius audire iubemur à parte Iehova, *Matth. 17, Marc. 9, Luc. 21*, quam tales perpetuæ servitutis confarcinatores. Is enim nos vult liberos, uti solus liberator est mortalium omnium. Sic enim ait: *Ioh. 8, v. 36*: Si filius vos liberaverit, vere liberi eritis. Vindex is est & restitutor veræ libertatis, quæ à principio nobis erat destinata, & quam per lapsum Adamicum adeo misere perdidimus, ut propter peccata servituti captivitatis temporalis & æternæ obnoxii & vincti traditi fuimus. Etenim servos peccati nos fuisse, te-

statutur D. Paulus *ad Rom.* 6, v. 16, & 20. Atque ipse Christus idem monstrat, dicens: Amen amen dico vobis, quisquis operam dat peccato, servus est peccati. Servus autem non manet perpetuo in domo, filius manet perpetuo. *Joh.* 8, v. 34, & 35. Tantopere peccatum & servitus paria sunt, ut verissime pronuciari de utroque possit, quod pari passu ambulent; non autem ea ratione qua Relector, sibi contradictorius, *d. l. c.* 3. *sect.* 5, *num.* 56, & 61, de cæde & servitute turpiter statuebat.

Recte igitur Augustinus, *lib.* 19, *cap.* 15, *de Civit. Dei*, in mortalium pœnam servitutem omnem reiecit; utpote quæ nos vera libertate naturali privarit. Concitio quippe, inquit, servitutis, peccatori iure intelligitur imposita. proinde nusquam Scripturarum legimus servum, antequam hoc vocabulo Noë iustus peccatum filii sui vindicaret. Nomen itaque istud culpa meruit, (N. B.) non natura. Origo autem vocabuli servorum in Latina lingua inde creditur ducta, quod hi, qui iure belli possent occidi, à victoribus, quum servabantur, servi fiebant, à servando appellati; quod etiam ipsum sine peccati merito non est, &c.

Idem

Idem paulo post : Sicut prodest humilitas servientibus ; ita nocet superbia dominantibus. Nullus autem natura, in qua prius Deus hominem condidit, servus est hominis, aut peccati, &c. Veluti etiam id plenius D. Paulus, *ad Rom. 6, vers. 17*, explicat, atque, quum inde per Christum liberati simus, & servitutem libertati restituti, ita exultanter lætatur ; Gratia autem sit Deo, quod fuistis quidem servi peccati : id est, non amplius tales sitis, &c. Qui enim (ita pergit) servi eratis peccati, liberi sitis iustitiæ. *vers. 20*. quum alias conqueratur, quod venundatus esset peccato ; *Rom. 7, vers. 14*. Velut olim Iosephus in typo Christi venundabatur in Ægyptum, & inde servitutem eius posterius incidebant, eo usque donec per Moysen miraculose ex illa sæva carceris domo per mare rubrum educerentur. Quemadmodum ipse Iehova ad Israëlitas suos id attestatur, quod eos ex domo servitutis eduxerit. *Deut. 8, vers. 14*. In qua figura Ægyptiacæ captivitatis nobis egregie quoque describitur nostra in Christo & per Christum liberatio. Quod merito heic considerandum venit. Totum enim genus humanum, peccato serviens, uti inciderat in regnum potestatemque tenebrarum, id est, Sa-

est, Satanæ, quem ob id Christus principem huius mundi vocat ; ita quoque duplicem heic invenimus servitutem : peccati videlicet unam , & satanæ alteram. Vtraque sane Ægyptiacam gravitate sua multis nominibus excedit. De servitute peccati extat testimonium Christi, *iam dictum*, *Ioh. 8*. De servitute Satanæ mentionem subiicit Paulus, *2 Tim. 2* ; ubi dicit : Ne quando det illis Deus resipiscientiam ad cognoscendam veritatem , & resipiscant à diaboli laqueis , à quo captivi tenentur ad ipsius voluntatem. Et *Ephes 2*, *in principio capitis*. Ab utraque servitute liberati sumus à Deo per filium eius Christum Iesum, servatorem ac dominum nostrum. De liberatione à peccato dixit angelus ad Iosephum, *Matth. 1*. Ipse liberabit populum suum à peccatis eorum. Et *Iohan. 8* Christus ipse. Velut etiam, de liberatione è regno Satanæ, *Luce 11* : Quum fortis armatus custodit atrium suum , in pace sunt omnia quæ possidet. Quum autem fortior eo superveniens vicerit eum, universa arma eius auferet, & spolia eius distribuet. Et Apostolus, *Coloss. 1* : Qui eripuit nos , inquit, de potestate tenebrarum , & transtulit in regnum filii dilectionis suæ. Quare caveat unusquisque ne viliorē hanc

hanc liberationem nostram ipsa Ægyptiaca censeat. Quanto enim durior est peccati & Satanæ servitus, quam fuit servitus Ægypti; tanto illustriori argumento nobis constat, habere nos Deum redemptorem & servatorem. Quapropter & nobis proposita sunt liberationis nostræ monumenta, non solum in verbo Evangelii, sed etiam in omnibus pietatis negociis, ne tanti beneficii obliviscamur: deinde, ut liberatoris nostri voluntati ac cultui perpetuo simus addicti, nec unquam revertamur in Ægyptum, novamque nobis servitutem cauſsemur; ceu faciunt illi, qui tam inconsultam distantiam interponunt inter tales aliasque servitutes, ubi nulla viget pietas Christiana. Vbi que certe omnia ad voluntatem Dei sunt disponenda & peragenda. Frustra enim colunt me, repetit Christus ipse ex Esaia, docentes doctrinas & mandata hominum. *Matth. 8, vers. 9.* Er, Omnis planta, quam non plantavit pater meus cœlestis, eradicabitur. *c. 15, v. 13.* Etenim servire Deo, nihil est aliud, quam voluntati illius (quam ille nobis non è cerebro nostro comminiscendam, sed in verbo suo infallibiliter cognoscendam proposuit) se obedientem præstare. Hic cultus ille gra-

tus

rus est, in quo vera libertas Christiani hominis consistit. Velut certe iniquissimum foret, si quis servus hero suo, secundum quod ipsi videretur, & non secundum illius voluntatem, serviret. Deus vero est liberrimum agens, ut *Relector in sua metaph. testatur*. Ideoque illum in vera libertate hic imitatur, qui voluntati eius se dedicat devovetque tantum. Atque hoc est vere servire Deo, si toto corde huic quis sit deditus; & eum, ceu filius parentem diligat. Vti passim talis locutio in sacra Scriptura habetur. *Eccl. c. 4. v. 12, 13, & 15*, dicitur: Sapientia exaltat filios suos, &prehendit manu eos qui quaerunt ipsam. Qui diligit eam, diligit vitam, & qui mane incumbunt in eam, laetitia explebuntur, &c. Qui serviunt illi, ministraturi sunt sancto: Nam diligentes illam, diligit Dominus, &c. Item, *c. 10, v. 28*: Servo intelligenti servient liberi, &c.

Ita quoque elementis mundi inservire quis dicitur, & affectibus, qui nondum in regeneratione spiritus plene vivit; ut D. P. infantibus eos adsimilat. *Gal. 4, vers. 3*; nec non servitus pro conjugalis vinculi obligatione sumitur, *1. Cor. 7. vers. 15*; ac servitus legum est, circumcidi, *Gal. 2. v. 4*.

At Christus propterea servi nomen
acce-

accepit, *Esa.* 42. 1; *Matth.* 12, v. 18, uti per eum libertatem filialem coram Iehova patre nanscisceremur. Vade, Paulus ait, *Gal.* 4, v. 4, 5, 6. Postquam venit tempus, emisit Deus filium suum, factum ex muliere, factum legi subiectum, ut eos, qui legi erant subiecti, redimeret; ut adoptionem acciperemus. Quoniam autem estis filii, emisit Deus Spiritum filii sui in corda vestra, clamentem, Abba, pater. Itaque non amplius es servus, sed filius; Quod si filius, etiam hæres Dei per Christum, &c. Vnde etiam in amicitiam suam ita nos omnes adoptat Christus ipse, ut nolit, nos amplius dici servos, sed amicos, *Ioh.* 15, v. 15, his verbis: Non amplius dicam vos servos; quia servus nescit, quid dominus ipsius facit: Vos autem dixi amicos, quia omnia, quæ audiavi à patre meo, nota feci vobis.

Quum itaque ea libertas plenerestituta sit nobis, per quam omnes, quotquot obsignari esse cupimus eius, qui nos liberavit, spiritu, pristinae statum liberratis sumus consequuti; annon eandem libertatem cum omnibus communicare debemus inter nos? Si maiora possidemus, quare in minoribus adeo sumus invidi, ut per ea iterum maiora amittamus?

Nam-

Namque qui ita imperare cupit proximo suo, ut non in amore dulci concordiam quærat, sed quasi pro mancipio eum habere malit; is solvit amabilissimum vinculum, quo in unum illud corpus, cuius caput Christus, omnes quasi membra æqualiter constricti tenemur. Vnde Christus ad talem æqualitatem omnia sua membra redigit, nec ullam præminentiam in suo regno cuiquam admittit: Imo, *Matth. 20, vers. 27*, dicit: Quicumque inter vos voluerit esse primus, esto vester servus. Quo ipso suum imperium omnino à gentium & mundano regno separat, quando ita dicit: Scitis, Principes gentium in eas dominari, & magnates potestatem exercere in eas. Verum non ita erit inter vos: Sed quicumque voluerit inter vos magnus fieri, esto vester minister. *Ibid. v. 25, 26*. Proinde D. Paulus nos ita commonet, ne quis in servitutem hominum se dedat. Precio, ait, empti estis; ne estote servi hominum, 1 *Cor. 7. v. 23*. Omnes enim filii Dei estis, per fidem in Christo Iesu, &c. Non est Iudæus, neque Græcus: non est servus, neque liber, &c. Quod si vos estis Christi, nempe Abrahami semen estis, & secundum promissionem hæredes. *Gal. 3, vers. 26, 28, & 29*. An non in hac

hac norma nobis ubique sit ambulandum? an non in regno vivendum, ubi Spiritus Domini in vera libertate præsidet? Nam Spiritus sanctus ibi est *eu. 8, 65. 2 Corinth. 3, 17; Col. 1, 14. 1 Pet. 1, 18.* Vbi Spiritus enim Domini, ibi libertas; qui idem eiusdem testis & arrhabo est. Non decet igitur quendam inde pedem reflectere; ut monet acriter Paulus, simul nos convellens. At nunc, ait, quum noscatis Deum; imo potius cogniti sitis à Deo; quomodo convertitis vos retrorsum ad infirma & egena elementa, quibus ad superiora regressi servire vultis? *Gal. 4, v. 9.* Quasi diceret, si ad elementa mundi vos convertatis, non poteritis Deo rite inservire. Servus enim Dei esse nequit, qui quærit hominibus placere. *Gal. 1, vers. 10,* quum talis servitus non ex vero & sincero amore cordis renati proficiat, in quo libertas iucundissime cum servitute liberali conspirat. Namque libertas Christiana charitati, non carnis libidini, vel avaritiæ aut ambitioni, subiecta est; *1 Cor. 8, vers. 19.* Vnde tandem ita concludit D. Paulus: In libertate igitur, qua Christus nos liberavit, perstate; neque egredientes denuo implicamini servitutis iugo. *Gal. 5, v. 1.* Vos enim ad libertatem vocati estis, fratres,

ad libertatem vocati estis, fratres, ait; tantum ne libertatem arripite ut datā carni occasionem: sed ex charitate servite alii aliis. Nam tota lex uno verbo completur; isto videlicet: Diliges proximum tuum ut te ipsum. v. 13, & 14.

Quicquid inde non veras agit radices, nullatenus cum voluntate Dei congruit: Nec prodest quid bona intentio, quæ passim proclamari solet. Nulla enim est bona intentio, quæ contra Dei verbum, ex solo humanæ rationis ductu, aliquid in Dei cultu aut constitutione regni eius statuit. Ne facitote quisque quicquid rectum videbitur in oculis suis: sed quæcunq; vobis præcipio. *Deut. 12, 8, & 11, 8.* Velut nec ipse Christus ex proprio locutus est; sed quæ Pater mandavit. Quod & ipse Spiritus Dei agit; ceu Christus dicit; Ille quum venerit, ex meis sumet, & vobis annuntiabit.

C A P. X.

De fructibus Christianæ servitutis, libertatem demonstrantibus genuinam; deque occulte subrepentibus servitutis speciebus aut modis.

EX his igitur meridiana luce clarius constat, non tantum duplicem esse ser-

servitutem ; internam & externam, si-
 ve spirituales, (quæ bona aut mala
 extat, quarum hæc aut peccati aut sa-
 ranæ est) & corporalem siue carnalem :
 sed etiam quomodo utraque libertati,
 tam spirituali & corporali, opponatur.
 Spiritualis servitus, siue interna, quæ
 sua natura mala est, ita extreme con-
 tradicit libertati internæ, ut etiam in
 æternæ condemnationis præcipitium
 sua via penitus hominem abripiat:
 ipsumque Dei filium humanam mas-
 sam inducere, suaque morte nos è di-
 cta redimere condemnatione oportue-
 rit. Servitus autem ea, qua Deo rena-
 ti, ductuque Spiritus sancti viventes,
 nos in Christo & fide consecramur,
 quum idem præstet quod libertas in
 Christo recuperata expetit: id est libere
 Deo in sanctitate fidei & amore Dei
 atque proximi serviat: inde cum
 libertate Christiana coincidit, & eius
 virtute sancta vestita incedit; uti sic
 rite in hac servitutis Christianæ forma
 filii, hæredes, amici & cohæredes Chri-
 sti dicamur. Vnde triplex iste fructus
 in nobis evidens est. Primum, ut scia-
 mus, conscientias nostras exemptas
 esse omnium hominum potestate.
 1 Cor. 6, 11 & 7, v. 23. Deinde, ut
 caveamus, ne damnemus fratres ad-
 huc rudiores: quum domino stent

aut cadant. *Rom.* 14. v. 4. Tercio, ut veris, id est, spiritualibus cultibus, in integritate fidei vividæ, non mortuæ & verbalis solum, nec in creaturis vanis, Deo serviamus; sed tanquam Christo induti; nec nobis aliisve ad malum simus faciles. Atque hoc est proprie, quod D. Paulus, 1 *Cor.* 7, v. 20, 21, 22, 23, 24; & 1 *Tim.* 6, v. 1 & 2, docet; ubi servitutem carnalem, ob necessitatem temporis & consuetudinem eius, submiscet; ut eos, qui coacti iugum hoc peccati & iniquitatis portant, ad patientiam exsuscitet, ne indignatio ipsis subrepat; tamen si indignum sit, cum servitute premi, qui tanto precio sanguinis Christi est redemptus. nam duo hæc addidit; ut caveant, ne serviant hominum; aut licet sint, ne tamen ob id magnopere contristantur; interim ut adspiret quisque ad libertatem externam; quamquam, si quis sit Christi servus, nihilo futurus sit coram Deo melioris deteriorisve conditionis, siue nunc inter homines dominium habeat siue servitute affligatur. Sic Paulus pro temporis ratione locutus est; & admonitionem eam tam dominis quam servis dedit propterea, ne nomen Dei & doctrina eius blasphemaretur, si scandalum inde exurgeret. Doctrina enim Christi est

verbum pacis, amoris, concordia, & humilitatis, quod ab omni abhorret tumultu & discordia. Proinde de facto quod locutus est, id nequaquam de iure accipi aut intelligi debet aut potest. Nec obstant, quæ *Exodi* 21, 2; *Levit.* 25, *Deuter.* 15, de venditione in servitutem Hebræis ad septimum usque annum permessa, tum voluntaria, tum ob paupertatem pro abigenda fame facta, leguntur; quam quoque Imperatores Diocletianus & Maximianus, *l. 1, C. de patr. qui fil. distrab.*, sanciverant. Namque eadem heic ratio, quam Christus de divortio adducit, videlicet ob cordis duritiem talia contra naturam permessa fuisse, habebit locum. *Matth.* 19, *vers.* 8; *Marc.* 10, *v.* 5. & merito quidem leges tam acriter eorum ulciscabantur proterviam, qui libertatem, tanquam rem inæstimabilem, *l. libertas* 106, *ff. d. R. I.* & extra commercia humana remotam, *l. liberi* 70, *ff. de contrah. empt.* quamque damni causa interciderere iura non patiuntur, *l. 17, §. cum existim.* *ff. de legat.* 11, *l. 1, & 2. ff. de comm. serv. manum.* parvi faciebant. Unde non immerito paria habentur, semet ipsum interficere, ac vendere; quum non tantum improbitate facti, sed & furto sui ipsius lædat rempublicam. Quod

legibus adeo Imperatores voluerunt coërcere aut punire, ut venditio talis non tradat emptori dominium; quia membrorum suorum nemo est dominus; *l. 13, in pr. ff. ad l. Aquil.* nec cuiquam licet in detrimentum reip. civitatum eiurare, & ex libero se servum constituere: quia libertas res est publica. *l. si quis 53, ff. de fideic. libert.* Vnde Imperatores negarunt servos fieri qui se servos professi fuerint. *l. 6, l. 39, C. de liber. caus. l. 22, in pr. C. de agric. cens. lib. 11.* Ceu etiam Adrianus Imperator poenae subiicit qui se castrandos dederint. *l. 4 ff. ad l. Cornel. de Sic.* Imo nec pacta quidem, quibus se sponte quis in servitutem tradidit, subsistunt; *l. post. 36, C. de lib. caus.* quia quæ contra bonos mores fiunt, contraque utilitatem publicam, atque in ruinam pascientium; nullo iure robur ac valorem acquirere valent. Ut inde pateat, quantopere ius externum etiam tali resistat violentiæ libertatis.

Sed ante omnia hoc loco illud bene notandum occurrit, quod tria principalia tempora, quibus mundi totius periodus (quamvis quatuor in sacra Scriptura annotentur) contineatur, veteres constituta dixerunt. Vtpote, primum, quod fuit ante legem, secundum
sub

sub lege, tertium post legem. & tandem his accedit apocalypticum. *Daniel. cap. 12, v. 7; & Apocal. cap. 20.* Duo millia annorum ad tempus ante legem referuntur; quibus includuntur & maxime seculi primi tempora, quando mortales in æquali dominii statu omnes liberrimi simul vivere. ubi nec talis forma reipublicæ superiorum & inferiorum, nec ulla species servitutis cognita fuit, sed omnes naturali libertate æqualiter fruebantur. velut etiam omnes eandem linguam naturalem locuti sunt citra corruptionem; quæ postea in turris Babylonicæ ædificatione, nova comminiscendo statuum genera, ingruere cepit. Quum vero libertas ea mortalium in tantum abiret abusum, ut nulla amplius superesset pietas, nec homines correctionem spiritus Iehovæ admitterent; coactus est Iehova terris diluvium immittere, ut *Gen. 7. apparet*; quandoquidem & pravam libertatem (*Iob. 11, vers. 12. Ierem. 34, v. 15; Osè. 7, v. 16, 2 Petr. 2, v. 18*) quoque improbat Spiritus Dei. Factum hoc est anno mundi 1657. Ac post ingruentem cataclysmum anno 61 incepit regnum Nimrodi, sive Babylonicum; cuius incrementum & tyrannidem egregie describit *Ioseph. lib. 1. ant. Iud. cap. 5.* à quo usque

que ad annum mundi 1757 homines ita inceperunt vires ostentare suas, ut tandem in ædificationem turris mirandæ altitudinis erumperent. & quum hic annus centesimus post cataclysmum fuerit, & iubilæus, cum Sabbathicum dicunt, quo Deus linguis confusis dissipavit agmen Nimrodicum. *Seth. Calv. in chron.* Fuit turris illa artificiosissime constructa, *ut videre est apud Herodotum.* Inde usque ad mortem Noachi, qui prioris mundi amœnitatem & lætitiâ admiratus erat, & alterius undis dilacerati vastitatem & miseriam ingemuerat, numerantur anni 248, quum ætatem suam annis 950 complevisset. Anno autem decimo octavo statim post obitum Noachi Abraham primum iussu accepit à Deo, ut peregrinaretur cum uxore sua & tota domo ad locos ignotos terræ Canaan & Ægypti, quum esset annos natus 75. post diluvium anno 366; sub Ninivæ regno, qui successerat Semiramidi. Ita iam succreverant servitutes, ex quo Noach filium suum Chamum atque Canaanum diris imprecationibus, ob contemptus crimen & pervicaciam erga parentem, ad servitutem devovisset, ut maledictione illa, *Gen. 9, v. 25*, gentes in gentem mutuis belli & subiugationis conflictioni-

ctionibus insurgerent. Vnde principes arbitria sua pro legibus venditare cœperunt, *ut ait Iust. lib. hist. in pr.* Cuius etiam verba de Nino sic se habent: Ninus magnitudinem quæsitæ dominationis continua possessione firmavit. Domitis igitur proximis, cum accessione virium fortior ad alios transiret, & proxima quæquæ victoria instrumentum sequentis esset; totius Orientis populos subegit. Tanta crudelitas non modo nihil remisit, verum etiam cum insatiabili regnandi libidine eousque accrevit, ut mulier quoque Semiramis viri naturam transcendere conaretur. Adeo demutata fuit inclinatio naturalis, ut sinistra palmam dextræ præripere auderet. An igitur non inde prava consuetudo potentior evasit natura, eamque superavit? Hinc videlicet opiniones præconceptæ deleverunt naturæ nota principia, ex quibus elici ius debebat; eæque crudeli protervia in tantum sibi vires maiores acquisiverunt quotidie, ut servitus perpetuo gravior sub prætextu rationis huius erroneæ introducta fuerit, & libertas vera cum iure naturæ apud omnes ferme prorsus pessum ierit, exceptis iis, quos tyrannidis potentia ad summum evexerat fastigium dominationis. id quod exempla in regibus

Sodomæ & Gomorrhæ, *Gen.* 14, & 19. nec non in Israëlitarum servitute durissima in Ægypto, in qua ab obitu Iosephi usque annos 142 miserrime vixerant, clare satis demonstrant. Postea anno mundi 2453, quum intervenissent ex obitu Noachi huc usque 448, à diluvio vero 696, id est, ante natum Christum 1495, quo Israëlitarum exitus & promulgatio legum Moisaicarum insecuta est, quumque Deus probasset corda hominum nimis perversitati adsueta & indurata, tum quoque ut typum mysticum in liberatione filii Christi Iesu in his præfiguraret, relinquendo illis leges adscritas, confirmavit quæcunque ita impensius amarent. Velut *Exod.* 21 servitutem quidem illis stabilit, sed tamen ad tempus eam, in quam quis ob inopinam famem fuit coniectus, à perpetua servitute separat, cui mancipabantur emiti ex peregrinis: tum beneficium liberationis iisdem applicat. Si vero quis septimo anno libertatem oblatam recuperare noller, iussit hunc iudicibus sisti, eique ad postem applicato, perforata aure, perpetuam servitutem imponi, ut ita turpitudinis nota illis esset infamis, quod libertatem à lege indultam tam turpiter respuerint. (quem etiam mortem

rem Romani addidicere postmodum, ut *supra cap. 3. diximus.*) Nulla enim servitus turpior, quam voluntaria, *ait Sen. epist. 47.* Quum igitur homines temporibus illis, quibus sub Lege vivendum erat, minime desinerent suos propagare mores malitiæ, & deviarent semper, tandem in aliam servitutem Babyloniam præcipitati sunt, ut novus inde elucesceret typus futuræ liberationis, ad quam remittebantur, ut in Messia totius mundi ferventius eam anhelate, & desiderio sanctiori ambire inciperent: Donec demum tertio Christus in mundum veniret, legem compleret, suumque plane novum aperiret nobis regnum, in quo gratia Patris esset quidem cunctis reddita, modo ingratitude mortalium semet ipsam tanta salute non indignam censeret.

Exuperavimus nunc igitur hoc quoque tempus, quod post Legem vocant usque ad hanc inclinationem diei sexti. & si singulos millenarios, iuxta vere sapientiam computationem, & mysticum sacræ Scripturæ intellectum, ad singulos referamus creationis dies: iam mox instabit apocalypticum illud optationis affulsionis tempus, & plenioris lucis gratia in tertis his, quum Christi regnum propter multas servitutum confectas formas,
 & te.

& tenebrarum involutiones, vera libertate sua hucusque tam dire privatum fuerit, ut non raro vix vestigia Christianæ concordiae & dilectionis reliqua extiterint. Namque ubi omnia sacra in superbam dominationis formam convertuntur, num ibi vera Ecclesia ædificari queat? Religio quidem vulgo prætextitur; si tamen res ipsa examinetur, imperia quærentur, & iurisdictionis amplificatio; *rel. sect. 7. d. c. num. 8, ait noster.* Quomodo igitur per Christianorum humanitatem eo deventum est, ut inter eos servitus iam prorsus expiraret, excepto eo vestigio, quod in hominibus propriis seu animis mortuis adhuc elucet? *ut idem sect. ead. num. 1 dicit.* Non certe bene agit, quod misericordiae iniustæ reos convincere laborat qui ne quidem fundamenta servitutis in abrogando attingere potuerunt. Nam si causa una tantæ humanitatis fuit, ut proposita libertate multos allicerent ad amplectendam religionem; & altera, quod indignum putarent servire hominibus, qui tam precioso sanguinis Christi lytro redempti essent; *ut ille asseverat iuxta c. 1 de lud. Sarrac:* fieri omnino non potuit, ut modum ulla misericordia inique excederent. Quippe propositam habuerunt libertatem, & liberatio-

berationem à servitute, quam non per se respexerunt, sed propter quid, quod indignum putarent, si Christiani aliis ad servitia obstricti essent. Quod sane nihil aliud arguit, quam studium aliquius gloriæ propriæ; quam affectarunt in eum finem, ne Christus esset principalis scopus, hominumque salus inde dependere videretur; sed ut illi possent solummodo sui studii in hoc declarare industriam. Velut etiam statim à principio in eo graviter aberratum fuit, quod distinctio & differentia talis inter Christianos sit instituta, ut alii spirituales, vel ecclesiastici, alii mundani laicique dicerentur. Quasi vero Christianorum status aliud quidvis esset, quam vita in spiritu; quæ ipsis regeneratis est regnum Christi, nemoque regeneratus dici potest, qui in spiritu non vivat. Dona quidem sunt varia; sed tamen omnes qui ad Christum pertinent, eius sunt membra, infimus pariter atque supremus, *ut supra dictum est*; ut inde nulla sit differentia. Atque hoc est, quod neque inter nationes Paulus distinguat, quum omnes undique sint in Christo tanquam in capite uniti, *ut ait, ad Eph, 6, & Gal, 4*; quum omnibus eadem Christi communicetur iustitia & salus; qui nullatenus ita inter se distare pos-

possunt, ut alter habeat spiritum, qui ipsi spiritualitatem adiiciat, alter vero ab eodem sit alienatus. Imo qui non habet Spiritum Christi in se habitantem, is nec Christi est nec spiritus eius. *Rom.* 8, 9, 15. 26; *1 Cor.* 3, 16; item 12, v. 3, 13; *2 Cor.* 4, 13, & 6, 6, *Gal.* 5, v. 16, 18, 22. *Eph.* 1, 13, & 2, 18, & 5, 15. *Phil.* 1, v. 19, 27, & 5, 19. Quippe sanctificamur spiritu omnes; 2, *Thess.* 2, 13. & 2. *Tim.* 1, 14, 1. *Pet.* 1. 2. Ex quo simul hoc pater, quod non tantum Relector *sect.* 7, num. 9. frustra quærat, an eadem lex omnibus sit Christianis observanda, sed etiam recte contra suam opinionem inferat: Si argumenta ab unitate ecclesiæ petita prohibent, quominus possint esse inter Christianos servi; eadem consequentia extinguant omne ius belli, quia bella scindunt unitatem. & maxime Christianorum bella quid dixerunt à civilibus, quum omnes sint eiusdem civitatis cives?

Vnde quoque recte agunt, qui servitutes inter Christianos in universum damnabiles statuunt. *Bart. in l. hostes ff. de capt. & possl. Salyc. in l. ab hostib. col. 2. C. de captiv. Alciat. in l. hostes. vers. at cum de V. S. Ioh. de Ferr. rubr. contr. rebell. tract. 3. artic. 10. Duar. t. 3. c. qui testam. fac. possl. Covarr. part. 2. relect. c. peccatum, §. 11, num. 6, de R. I.*

Doncl.

Donel. lib. 1. com. Iur. Civ. c. 12. Alb. Gent. de iur. bell. lib. 3. c. 9. q. 3. Arn. relect. pol. c. 3. sect. 7. num. 7. Sic & frustra expetit à Christianis unam civitatem politicam, & perniciosam contra expressum Christi verbum supponit distinctionem, quod bella gerantur non à civibus ecclesiæ, sed à civibus rerum-publ. mundanarum, & quod salva fraternitate spirituali ius gentium colere, ac servos ita confratres efficere queant, quanquam pietati & iustitiæ contrarium videatur, *ut habet ibid. num. 10.* Christus vero ait; Regnum Dei est in vobis. &, Nemo potest duobus dominis servire. Non potestis calicem Dei & calicem simul diabolorum bibere, *addit Paulus.* Ergo si civis reip. mundanæ quis sit & bellum gerat, eo ipso se excludit ab ecclesiâ: ac proinde in bello si occumbat, quonam abiturus est, qui regno itæ Dei servit?

Sed ne latius evagemur, redeamus ad scopum. Iura veteris servitutis inter Christianos hodie abolita censentur prorsus, *ait Christ. Besol in pol. cap. 10. num. 54.* Verum si rem sanis intueamur oculis, adeo heic aberratum est, ut cernamus duplicem maxime superesse in ipso Christianismo servitutem. Alia est occulta, alia manifesta.

Occulta

Occulte latens , passim per omnes tacitis pedibus serpit respublicas , imperia , & regna , quam non adeo sentiunt subditi neque vulgus , ut solummodo hæc species cognita sit aut legislatoribus , aut magistratibus , nec tamen omnibus membris , quum arcana summa in se contineat. Vnde quoque non miror , quod hanc non inter arcana sua , quæ rebus publ. applicavit Clapmarius , retulerit ; ne nimium innotescerent quæ invidiam nimiam conflarent. Hæc mihi praxis per viginti annos variis in locis occurrit , ubi talem observavi apud omnes summo studio tanquam secretum secretorum occultari , cuius quippe energia in autione gloriæ & privati commodi quam potentissima sit. Quoties deprehensum id à me viderunt , ii quorum gloriæ & utilitati cum maxime intererat , statim summo repressus sum odio. Sed videat , ut quisque suæ consulat conscientiae ; ego cupio innoxius heic reperiri. Tamen hæc res alibi aliter aliterque practicatur , pro loci , geniorum & temporis conditionumque ratione , &c. Absit , ut cum periculo vitæ talis non factuta cardinalis malitiæ patefactio ulterius progrediatur.

Manifesta autem servitus , quam in usu adhuc passim cernimus , duplex est,

est, alia familiaris & genuina, alia ex antiqua barbarie aliquid adhuc redolens.

Familiaris est ea, sine qua nulla prope domus sibi & conservationi suæ recte constare potest. Quumque longe sit usitatissima, & unicuique obvia, non opus est, ut pluribus eam describamus, modo id constet, quod sit ea, quæ locationem & conductionem ingrediatur. Vnde eatenus in ius civile incidit, quum personæ liberæ, ministri, famuli, aut ancillæ, operas suas hero aut patrifamilias ad certum tempus pro certa mercede elocant. Proinde decitur contractus facti, dum locator operam suam conductori in re vel persona eius præstat. § *item queritur.* *Inst. h. t. & l. 2. ff. eod. l. 19. §. si quis, ff. h. t. l. 20, l. 65, ff. de contrah. empt.* Hic locator est, qui inchoat contractum, & se alicui prior offert; conductor, qui placitum offerentis accipit. *l. 13, §. 1. l. 25, §. qui columnam. l. opus 36, l. 38, ff. h. t. Cuiac. obs. 28, lib. 2. Borcholt. de pact. c. ult. num. 18. late Gæd. ad l. 5, §. 1, n. 2, de V. S.* Quamvis alii heic distinguant inter personas urbanas aut rusticas, res tamen eodem redit, quoad hanc contractus formam.

Altera servitus, quæ adhuc antiquam duritiem repræsentat, prope est

ad rusticam plebem redacta. Besold. *d. l. pol. num.* 58. ubi ita ait: Porro servitute quia vix possumus carere, ideo ea etiam nunc ab usu haurit plane discessit, sed in rusticis quibusdam fere hæret & agricolis, &c. Practici homines proprios vocant.

Sic & Frid. Huf. *in tract. de hom. prop. cap. 2, num.* 5. id affirmat, dicens: Servitus apud nos potissimum hæret in rusticis, agricolis, censitis colonis, & id genus aliis hominibus rem rusticam tractantibus.

Quamvis autem horum omnium appellationes promiscue vulgo accipi solcant, tamen quum ipsa rei significatione variant nonnihil, rite ea distinguendo is explicat. unde eius libellus consulatur, satis scite conscriptus, si res non ad aliam dispositionem reduci queat. Consuli quoque heic alii possunt, qui in eadem erronea sunt opinione, iuxta Platonis sententiam; qui putant, Christianos illæsa conscientia servorum opera uti posse. *inter quos est Don. lib. 1. com. cap.* 12. *Branch. 1. misel. adf.* 4. *Velft. cent.* 9. *pol. dec.* 3. *tb. ult. Jac. Mart. coll. phil.* 1, *disp.* 10, *disq. ult. &c.* At longe rectius Lehman. *chr. Spir. lib. 1. cap.* 20. ubi abunde id disquirat. Igitur valeant illi turpes barbariei reprobatores, qui affirmare audent,

audent, quod reipubl. expediat, si antiquum ius servitutis, herilisque potestas, denuo in vigorem reducat. Sed hanc barbaristarum talium opinionem detegemus mox in *cap. de republ. Plat. male intellecta.*

Interim non inconveniens erit, Frid. Hufan. in *tract. de hom. prop. cap. 1, num. 34*, super hanc quoque audire quaestionem. quam ita formavit: An vetera captivitatis & servitutis iura, quibus alii alios ferarum in morem & contra naturam subiiciunt, hodie inter populos Christianos obtineant? Respondet ipse sibi, tali modo: Ac satis quidem adparet *ex l. si quis 21, §. 1, ff. de cap. & post l. rev.*, eos, qui in dissensione civili capiuntur, in servitutem redigi, quum ne hostium quidem numero habendi sint. *l. 24. ff. eod.* Sicuti nec ii servi sunt, qui à latronibus vel à confederatis capiuntur. *l. 7. ff. eod.* Itaque quod quis in latronum potestate fecit testamentum, ratum est. *l. 13, ff. qui test. fac. pos.* Quum autem orbis Christianus una quasi sit resp. civitasque filii Dei, domini nostri Iesu Christi, *1. ad mens. 11, q. 3*, interque se & fœdus & societatem & hospitium habeat; *argum. l. 5, §. in pace 2, ff. de capt.* consequens est, eos, qui in dissensionibus civilibus & intestinis laniensis

(quæ atrocinia potius quam bella esse putantur, *Fab. in §. item, ff. de rer. divis. fac. text. in l. si quis, §. fin. ff. de capt.*) in potestatem alterius partis veniunt, in servitutem non incidere, sed libertatem retinere. Idque lege divina sancitum est. Nam *Levit. 25, v. 29, Deut. 24, v. 7, 2. Paral. 8, v. 9*, cautum esse legimus, ne populus Dei, seu gens Israëlita, cives tribulesque suos, utpote fratres, servituti subiiceret. *D. Chyt. in Exod. cap. 2. Bar. in consult. Bitug. §. in gloss. n. 1. des constumes, &c. Ferr. l. all. num. 25, fol. 9.* Hinc videmus antiquissima consuetudine introductum, ut captivi præstita pecunia in redemptionis præmii, quam Græci λύτρον appellant, veniam abeundi impetrent. *Covar. in c. peccat. pag. 2, §. 11, num. 6, de R. I. in 6, & in relect. 4. decret. pag. 2, cap. 3. num. 13. Alicat. in l. hostes 18. num. 3, de V. S.* Quare nec in eos iure belli serviendum, &c. *idem tradidit. &c.* Verum de hac re & iure belli quid ea ratione sit statuendum in Christianismo, ex superioribus plenius patet. Id iam hac vice satis est, ut noscamus ex verbo Dei, quod pietas studium pacis unice in omnibus exspectat, & proinde ei talia inserviant ministeria, quæ servitutem barborum revocari nolint, ut non adeo sit necessaria.

cessarium in Christianismo moribus absurdis vivere, aut Sclavonicam reducere consuetudinem, quam passim etiam ipsæ civium tribus abhorrent. Ac propterea usu receptum est, ut nemo admittatur in mechanica arte libere exercenda, nisi prius publicis litterarum documentis à magistratu is sit approbatus, quod ex tali genere non sit natus. uti hoc passim accuratissime observatur, licet minus sit probandum. Odiosum hoc illis videtur nomen, quum Germanis dicatur *sclavus* ex nomine gentis, quæ ultima in servitutem aut subiugationem potius à maioribus eorum redacta fuit: quemadmodum etiam à devictis gentibus Geras, Dacos, Syros, &c. suos cognominabant servos antiqui. Alias proprie *sclavuny* nobilem denotat. *Bibliand. tract. d. commu. rat. ling. fol. 33.* Servi vero in multiplici variant differentia, pro regionum more, ut præstent varia onera de prædiis, quæ praxis potius observat, quam heic referri queant. D. Augustinus vero *de civit. Dei lib. 19, cap. 16*, optimum præscribit modum cuius patrifamilias æquo in re dominandi, quando ait: Quia igitur omnis domus initium sive particula debet esse civitatis: omne autem initium ad aliquem sui generis finem,

& omnis pars ad universi, cuius pars est, integritatem refertur: Satis apparet, esse consequens, ut ad pacem civicam pax domestica referatur, id est, ut ordinata imperandi obediendique concordia cohabitantium, referatur ad ordinatam imperandi obediendique concordiam civium. Quod ex verbo Dei supplendum est Christianis; non aliunde.

Sed ut absolvamus hunc societatis renorem, revertimur ad id unde tam diu digressi sumus.

C A P. XI.

De residuis privata societatis speciebus accidentalibus & accessoris.

Q Uum omnes hominum actiones, & rerum gerendarum negocia quævis, siue publica siue privata, ex libertate aut necessitate agendi profuant, & inde maximam ii confusione pariant cunctis, difficultatesque creent, qui libertatem nimia servitute supprimunt, & ius illud naturæ amabile constrictioibus tot iniquis & adversis siue contrariis communi societati mortalium eripere conantur: exinde coacti sumus, id paulo fufius expli-

explicare, ut eos retunderemus, qui fundamentum omnis naturalis conversationis ipsum ita misere nobis oppugnant. Quanta enim calamitas inde exorta sit sæpius, non tantum historiæ ubertim testantur, sed memini quoque, quam tristium hinc miseriarum in Germania atque alibi fuerim spectator. Velut id quoque superius exemplo Saxonum declaravi. Iniquus est, & naturam ipsam impugnat, quisquis libertatem eam, quæ communiter hominibus competit cunctis, vanitatis artificio sub specie iuris ficti abscindere & in regalia convertere annititur. Etenim libertas domini, ad quam nati sunt singuli, si ex universo populo ad certum quendam loci aut regionis præsidem coarctetur, is ex tali consensu dicitur omnium potens, & tanti iuris, dignitatis, eminentiæ, cum viribus quas huic singuli tanquam capiti rerum suggerunt, ut ex hac omnium constrictione maiestatem sibi conciliet, & inde verendus atque metuendus merito omnique honore dignandus veniat. Ex hac igitur maiestate si regalia iura dependeant, nihil aliud obtinent, quam ut id suis subiectis communificent iterum, quod salutis omnium & conservationi singulorum cum com-

modo cuiusque proſit. unde & commune bonum recte appellatur. ut privilegiorum longe alia ratio ſit, quam vulgaris id fert interpretatio. namque aut in gratia bene meriti, aut loci commoditate taliter quidem fundatur privilegium, ut tamen nil aliud à ſuperiori retribuatur alicui quam quod & antea tacito quodam naturæ iure illi debebatur. de quo alibi rectius agitur. Interim tamen id agere poſſimum heic volui, quoniam illi libertatis ſuppreſſores penitus hæc conſiderarent, nec ita acriter cohabitantium invidia ducerentur; à pernicioſis quin etiam conſiliis abſtinere melius diſcerent.

Verum ex iis quæ *cap. 3, memb. 9, ſuperius* producta ſunt, reſtant adhuc duæ ſocietatis accidentariæ ſpecies; videlicet adoptio, & adminiſtrationis alicuius competentia: quas nunc paucis explicabimus.

Adoptionem autem, quum non tantum accidentaria, ſed etiam rarior ſit in uſu, huic loco reſervavimus. Etenim nihil aliud eſt, quam imitatio quædam naturæ, qua illi utuntur in ſolacium vitæ ſuæ, qui liberis & progenie naturali deſtituti ſunt. Vnde ex æquitatis favore iure civili recepta & ſolemni conſtitutione confirmata

firmata fuit ; atque etiam ab aliis nationibus usurpata. ut *Exod. 2, v. 10*, filia Pharonis regis Ægypti, Thermuris nomine, non tantum Moschi sive Mosæ hoc extractionis nomen, quod eum in scirpea arca ex flumine extrahi iusserat, imposuit, sed etiam in filium suum adoptavit ; quum alioquin germanis liberis careret, ut ait *Iosephus*, quem successorem regni faceret. Mirabile certe nominis omen ! Nam velut ipse Moyses ex aquæ submersione extractus, à morte instanti per hanc adoptionem liberatus erat ; ita quoque ipse à Deo electus & adoptatus fuit per filiam regis illius, ut populum Israëliticum ex servitute sævissima extrahendo, per medios maris rubri fluctus perduceret, ac è contratyranus ille tyrannici edicti sui, quo omnes Israëliticos puerulos in flumen prolici mandarat, ipsemet in aquarum submersione pœnas daret. *Act. 7. v. 22*, *Ioseph. in antiq. Iud. l. 2, cap. 5*. Similiter adoptionem talem monstrat *Plutarchus in Theseo*, *Demosthenes in orat. αὐτὸς Λεώχαρις*. ut ita apud Iudæos, Græcos, Ægyptios, aliosque populos in usu fuërit. Et licitum erat, tam ex consanguineis, quam extraneis, sibi quempiam eligere. ceu Moyses fuit extraneus Thermuthidi : at Mardo-

chæus erat parrus Hadaſſamæ ſive
Eſthææ, quam moriente patre eius &
matre in filiam ſibi adoptaverat. *Eſth.*
2, v. 7, & 15.

Adoptionis autem nomen generale
quidem eſt; ſed latius accipitur, quam
Weſembecius, *parat. ff. ad t. b. num. 3*,
aliique Iſtri volunt, & ſanctiorem,
quam vulgo traditur, originem haber.
Etenim nos quoque tanquam alieni-
genæ, per Chriſtum patri Iehovæ ado-
ptitii ſumus facti, quum legi mortis
& condemnationis vixiſſemus ſubie-
cti, nec non ſub clementis mundi in
ſervitutem reducti eſſemus; ut *D. Paul.*
loquitur ad Gal. 4, v. 3, 4, & 5. At poſt-
quam venit plenum tempus, ait, emi-
ſit Deus filium ſuum, factum ex mu-
liere, factum legi ſubiectum; ut eos,
qui legi erant ſubiecti, redimeret; ut
adoptionem acciperemus. Quoniam
autem eſtis filii, emiſit Deus Spiritum
filii ſui in corda veſtra, clamantem,
Abba, Pater. Inde merito etiam lætan-
ti animo ita exclamat: Benedictus
eſto Deus & pater domini noſtri Ieſu
Chriſti, qui benedixit nobis omni
benedictione ſpirituale, in cœlis, in
Chriſto: Sicut elegit nos in ipſo ante
iactum mundi fundamentum, ut ſi-
mus ſancti & inculpati in conſpectu
eius cum charitate: Qui prædeſtina-
vit

vit nos , quos adoptaret in filios per Iesum Christum in sese , pro benevolò affectu voluntatis suæ, ad laudem gloriosæ suæ gratiæ , qua nos gratis acceptos sibi fecit in illo dilecto. *Eph. 1, v. 3, 4, 5, 6.* Ut ita adoptio apud Deum Iehovam nostrum sit electio gratuita, qua hominum salus tanquam ex vero & nativo fonte promanat. Namque sicut voluntas illa æterna fons est promissionum , ita est & fidei nostræ fundamentum. Et nisi constet nobis illius voluntas , non poterimus ex eo de fide nostra certificari quod omnipotens sit Deus. Vbi de voluntate eius constiterit , ibi nulla nobis relinquitur ratio dubitandi de gratia & potentia eius. Quippe obsignat nos in Spiritu filii , quod eius simus filii ; ceu Paulus *ad Rom. 8.* id adseverat his verbis : Quotquot enim Spiritu Dei aguntur, ii sunt filii Dei. Non enim accepistis spiritum servitutis rursus ad mecum, sed accepistis spiritum adoptionis , per quem clamamus , Abba, Pater. Et ipse spiritus testatur una cum spiritu nostro, nos esse filios Dei. *v. 14, 15, & 16.* Tum addit; Quod si filii, etiam hæredes : hæredes quidem Dei , & cohæredes Christi ; si modo cum eo patimur, ut & cum eo glorificemur. *vers. 17. &c.* Ideoque adoptio.

non

non tantum est actus imitans naturam, sed maxime gratiam Iehovæ. & veluti per adoptionem talem ex terris transimus ad hæreditatem cœlestem, quam nobis Christus acquisivit; ita quoque gratum est imitamentum hoc, quo filiusfamilias è potestate sui parentis egeni in alienam familiam fortunæ splendidior is transit. *VVesemb. d. l. nam. 1, & 2.*

Alias quoque adoptatio quasi adsumptio dicitur. veluti apud Plautum, in *Cist. act. 4, sc. 2*, servus ille ita ancillam alloquitur; Sed ego rem meam magnam confabulari tecum volo. Sociam te mihi adopto ad meam salutem. quasi diceret, miserum esse in salute aliqua aut felicitate vivere, nec tamen habere quenquam, cum quo aut cum qua possis partiri prosperitates tuas. Felicitas enim absque socio, cum quo communem eam possideas, nulla absoluta dari potest. Quod si igitur non sit aliquis tibi domi natus, necessum, ut ad aliud medium recurras; quod tibi ius adoptionis suppeditat. Inde Romani quoque exemplo aliarum gentium adoptionem introduxerunt, & iuris constitutione singulari rite ordinarunt, ne cuiusquam hæreditas in detrimentum sui & Reipublicæ frustra distraheretur.

Nec

Nec tamen res hæc fuit absque singulari solemnitate, sed tam in persona adoptantis, quam adoptati, iusta requisita complexi sunt. A superiori etiam sive iudice, præsentatione facta, etiam extra locum iudicii, confirmari debuit. Quemadmodum Iosephus historiam Moïsis satis egregie describit; eiusque in adoptione Thermuthis Ægyptii regis filiarite istæ observavit. Tanta, inquit, erat puerilis gratia (in Moïse,) ut inviti homines ab hoc spectaculo discederent. quo factum est, ut Thermuthis hunc sibi filium adoptaverit, quum alioquin germanis liberis careret. allatumque patri ostendebat, dicens: De successore se cogitare, etiam si Deus illi nullum filium gignere dederit. Hunc puerum, inquit, ego educavi, non minus indole, quam pulchritudine divina excellentem; quem Nilus ipse in sinum meum tradidisse videri potest, quem decrevi adoptare filium mihi; tibi vero in principatu ac imperio successorem. & cum dicto patri infantem in manus imposuit. At ille postquam acceptum ad petus appressisset; filiar gratificaturus, comiter diadema suum eius capiti imposuit. Moïses vero, capiti pueriliter detractum, prolabi in humum passus, pedibus etiam calcavit. Id
quod

quod mox ominosum, nihilque regno boni portendere visum est. Sacrorum enim antistes, qui nativitatem eius Ægypto cladem allaturam prædixerat, occidere puerum volebat, vociferans: Rex, puer iste, per cuius necem nobis securitatem Deus pollicetur, vaticinium iam confirmavit, insultando tuo regno, & diadema calcando. Hoc interempto, tam Ægyptiis metum, quam Hebræis spem & fiduciam adime. Thermuthis vero confestim eum eripuit, rege quoque, cui Deus, Moysi salutem providens, talem animum indiderat, non invito. Itaque educabatur quam accuratissime. Quamobrem Hebræi quidem felicitatem suo generi sperabant; Ægyptiis vero suspecta erat hæc educatio: Sed quum nemo extaret vel è cognatis regiis, vel ex aliis optimatibus, qui, etiam si Moses sublatus esset, magnopere videretur procuraturus Ægyptiorum commoda, abstinuerunt ab eius caede. Itaque sic natus, & sic educatus, postquam adolevit, brevi suæ virtutis speciem edidit. &c. Historia isthæc uti notabilis est, ita lepidam certe & vividam in hac adoptionis materia continet ac exprimit effigiem. Namque non solum liberæ voluntatis motu Thermuthis Mosem elegit, patrique tam consensu;

sensus quam confirmationis gratia obtulit, & eum sibi nominavit; sed etiam pro hærede & regni successore declaravit, & in defensione vitæ, periculi aversione, atque educatione sollicita, ea præstitit quæ parentes ipsi tam fideliter præstare vix potuissent.

Sic Romanis quoque solemnitates suæ fuerunt heic singulares. quas Aul. Gellius, *lib. 5, cap. 19*, plene satis describit; dicens: Quum in alienam familiam, in quolibet eorum locum extranei sumuntur; aut per prætorem fit, aut per populum. Quod per prætorem fit, adoptatio dicitur: quod per populum, arrogatio. Adoptantur autem, quum à parente, in cuius potestate sunt, tertia mancipatione in iure ceduntur; atque ab eo, qui adoptat, apud eum, apud quem legis actio est, vindicantur. Arrogantur ii, qui quum sui iuris sint, in alienam sese potestatem tradunt, eiusque rei ipsi auctores fiunt. Sed arrogationes non temere nec inexplorate committuntur, &c. Etenim neque pupillus, (*sic Cuiac. in parat. C. lib. 8, §. 47*) neque mulier, quæ in parentis potestate est, adrogare possunt. Vna negatio deest, quia nec mas, qui in parentis potestate est, adrogari potest. Verum hodie omnes ex solemnitates obsoleverunt, & in adoptione acta
publica

publica sufficiunt; in adrogatione rescriptum Principis. Duo vero sunt casus, quibus patria potestas adoptione non acquiritur. Si mulier aliquem adroget: qui à patre, cui soli competit hæc potestas, assumit applicationem, qua & avita & proavita continetur; non materna, quæ nulla fuit unquam: tum filium mulier habere potest, non filium familias. Item, si pater naturalis filium extraneo in adoptionem det. *quem casum Iustinianus introduxit l. pen. h. t. &c.*

Adoptionem autem talem non eodem modo Icti definiunt. Aliter Caius, Ulpianus, Schneidewinus, Vultejus, Giphanius, & Dd. communiter. Verum quum illorum definitiones ex veteri potius formula adoptionis natæ sint, quam quod iuri hodierno respondeant; suam unicuique relinquimus; saltem hoc in præsens adserentes ex Theophilo, quod sit actus legitimus, quo cognatus aut extraneus in familiam loco filii solemniter adsumitur. Nam tria potissimum heis consideranda veniunt: personæ; quinam adoptare & adoptari queant: modus; quo constituentur, quique species exprimit: & quis sit verus adoptionis effectus.

Quod ad personas attinet, adoptare possunt, quibus potestas vel à natura
vel

vel lege non prohibita est. Natura ar-
centur, qui in perpetuum generare ne-
queunt, & sunt prorsus inepti ad pro-
creationem; § *sed & illud. Inst. hic.*
deinde qui non in plena pubertate
constitutus est. § *minorem. & l. 40, §. 14*
ff. eod. t. licet aliter quoad illos intro-
duxerit Leo Imp. *Novel. 27.* Lege ar-
centur formine. §. 10. & *l. 5, C. h. t.*
Quoad quasdam tamen iterum dissen-
tit Imperat. Leo, *Nov. d. 27.* Prohibetur
deinde adoptionis reiteratio. *l. 37, §. 1.*
ff. h. t. Cuiac. §. obs. 19. Tercio non potest
pater filios adoptare suos naturales. *l.*
7, §. in posterum, C. de natur. lib. Nov.
74, c. 3. Nov. 89. cap. 11, §. adoptionis.
Demum, quando maior natu mascu-
lus annum decimumoctavum exce-
dens, minorem natu quemvis, vel plu-
res in locum filii, filiave vel nepotis,
neptisve, & deinceps, ad imitationem
naturalis patriæ potestatis, solemniter
suscipit; & contra adoptandus ado-
ptantem patrem agnoscit; ut nullus in
mutuo consensu sit defectus. §. 4, 5, 6,
7, 10. *Inst. de adop. l. pen. C. t. eod.* Loco
autem fratris, quum nemo naturæ ta-
lem gignat, nullus adoptari potest.
l. 7, C. de har. instit. Sufficit hoc, si
tempore adoptionis adoptans pater
esse queat, & quidem eius pater quem
adoptat; ideo nec æqualis æqualem

etaterite adoptabit. Olim civis Romanus quivis, non autem peregrinus, & civis Romanus masculus, non foemina, nisi ex indulgentia Principis, ob solatium liberorum amissorum, §. *foeminae*, *Inst. eod. l. 21, ff. eod. l. mulier. C. eod.* (quo casu foemina filium adoptat, non filiumfamilias) & rursus civis Romanus masculus qui ipse in potestate patria non sit, adoptandi ius habebat. Furiosam quoque, quo minus adoptet, morbus impedit. In eo autem, qui adoptatur, tam accurate non distinguitur, foeminae an sint vel masculi? extranei sint an conjuncti, modo cum illis legis sit actio. *Vult. iurisp. R. lib. 1, c. 22.*

Modus adoptionis quum sit diversus, inde duæ exoriuntur species: videlicet arrogatio, & adoptio specialis.

Adoptio igitur specialis est, qua filiusfamilias alterius potestati subiectus, non contradicens, sed patre auctore, & magistratu competente interveniente, ac post contestationem actum adoptantis & adoptati approbante, ab alio coram adoptatur. *Donell. lib. 2. com. cap. 22. Althusf. diceol. lib. 1, cap. 80, num. 18.* Adoptio hæc iterum vel fit ab adscendente, vel extraneo. Quæ ab abscendente fit, firmior & efficacior est, & ius patriæ potestatis & agna-

agnationis plene transfert ac communicat. *l. 7, l. 23, 44. ff. de adopt.* Ab extraneo autem facta non item; quum hic adoptatus maneat in potestate patris sui naturalis, & patri adoptivo tantum ab intestato succedat. *l. pen. Cod. de adopt.* Extraneus enim est, in quo nulla iura naturalia, quæ ad patrem referantur, concurrunt: cui, si à patre naturali filius in adoptionem datus sit, adoptatus filius quidem eius sit; sed non filius familias: hoc est, id quidem ex adoptionis actum adoptans consequitur, ut adoptatus filius eius dicatur, sed non ut in ipsius sit potestate; haud secus atque si ex rescripto Principis aliquem adoptasset fœmina; sed adoptatus manet in patris sui naturalis familia & potestate, nec quidquam acquirit ex eo, nisi ius succedendi in bonis patris adoptantis. *d. l. pen. §. sed hodie.*

Adrogatio vero, ita à *rogando* dicta, (*Donell. lib. 2. com. cap. 23,*) est, quæ causæ cognitione interposita, & rescripto Principis magistratui insinuat, is, qui sui iuris est, ab alio coram adoptatur, & rogatur, an filius adoptantis fieri velit: posteaque rogatus cum capite fortunas suas in familiam & domum adrogantis transfert. Vocatur hic actus translatio in

familiam *Alth. d. l. & l. num. 10.* Hæc olim lege Curiata fiebat apud populum Romanum, hodie lege Regia apud Imperatorem dicto iam modo *Vult. l. R. d. l. 1, cap. 22.* atque quum hæc cum causæ cognitione faciat, quatuor solemnia conditionibus adiectis, observantur. 1. Arrogator teneretur cavere magistratui, quod bona arrogati nolit dissipare ulla sub specie; sed si moriatur is, quod defuncti successoribus ab intestato restituere velit. 2. Caver, quod in quocunque casu expulsionis ipsi quartam partem bonorum sit relicturus, præterea, quæ ipsi attulit. 3. Si sit arrogatus minorennis, quod illum non aliter acceperit, quam si auctoritas tutoris intervenisset. 4. Quod arrogatio non fiat ex causa turpi, ideo eius vita inspiciatur. *Vide Gail. 2, obs. 125. & iur. Sax., Landrecht, lib. 2, artic. 3, Zobel. p. 3, diff. 15. num. 7.*

Horum tamen, qui quæve in potestate parentum sunt, videtur & testamento fieri recte adoptio, si quis sit institutus hæres sub ea conditione, ut nomen testatoris ferat. *l. 63, §. si vero 10 C. ad SC. Treb. de quo modo latius Thesaurus decis. Pedemont. ult. Cuiac. 7, obs. 7.* Vbi tamen recte monet, confirmatione prætoris ad illam

lam opus esse, quod legati verbo in *l. 12. tab.* adoptio non comprehendatur. *l. 120. ff. de V. S. l. 38, h. t. l. 31, ff. de rit. nup.*

Sunt & alii modi quatuor: per baptismum, per arma, per capillum, & per matrimonium, quod contractum ad Morganatica: *Sed de his consulatur Giphani, ad pr. Inst. in h. t.*

Effectus adoptionis utriusque, qui olim fuit, etiam hodie valet, & manifestus est tam in adoptante, quam adoptato. Adoptans suscipiendo patris, & adoptatus filii nomen nanciscitur. *l. 23, l. 31. ff. de adopt.* quod agnatis patris adoptivi eodem iure adnascitur, & ius agnationis cum adoptantis patris liberis cognatisque consequitur, etiam sine consensu agnatorum suorum: excepto nepote, cuius patris consensus exigitur & in adoptato, qui est in potestate patris. Hinc pater adoptivus in bonis talis filii ius & patriam potestatem acquirit. Filius adoptatus è contra in familiam patris adoptivi transit, eius nomen adsumit, & gerit ac proficitur. *Gen. cap. 48, v. 16.* quamvis à naturali filio adhuc differat: cui dicitur adsimilari. & commodis patriæ potestatis fruitur, dignitatis paternæ particeps. Sed tamen non ius ei confertur sanguinis. Nam illud

iure civili nec dari, nec adimi potest. *l. 8, ff. d. R. I.* Sed ius agnationis inducit. *l. 28, l. 26, l. 34, ff. eod.* Ac obtinet hoc, si facta sit adrogatio à masculino: Si mulier aliquem adroget; quia à patre, cui soli competit, ea potestas sumit appellationem, idem arrogationis est effectus, qui adoptionis factæ ab extraneo. Servus item adoptatus consequitur ius libertatis: sed arrogatio servi fieri non potest. § *fin. tit. eod.* Succedunt etiam illi solummodo secundum testamentum ab intestato, &c. Si tamen pater adoptans plures habeat filios, ne lis interveniat, & iura suorum hæredum consequatur, atque antiqua adoptioni vis constet, solent patres, in adoptionem liberos hodie daturi, prius eos emancipare, atque ita sui iuris factos deinceps tradere arrogandos. Quæ cautela iuris est. Ac velut olim iure Iudaico filius adoptatus patris nomen adsumebat, & nomen sanctum habebat; *Gen. 48, 16. Exod. 2, 10. Deut. 28, 10. 4. Esdr. 4, 25. Dan. 9, 18. Est. 2, 7. Esr. 3, 28. Ierem. 7, 10. Num. 6, 27*: sic in dulcissimum nomen Christi Iesu baptizamur, & Christiani vocamur; quia à Christo adoptati sumus. *Roman. 6, 2, & seqq. Act. 11, 26. 2. Cor. 10, 7. 1. Iohan. 1, 7. & 2. 3. Gal. 4, 5. Eph. 1, 5. Rom. 8, 23. & 9, 4.*
quod

quod certe omnium optatissimum in hoc mortalitate accidit. Ideoque iure Iudaico etiam feminae adoptate poterant. *Genes.* 30, 3, & *seqq.* 17, 18, 19. *Exod.* 2, *vers.* 10. *Alth. d. l. cap.* 80, *num.* 9.

Sed nunc ad administratorem societatem pergimus, accessoriam sive accidentalem alteram. Administratio socialis conservatio, frequentior quidem est, quam antecedens; commodum tamen eius, si bona fide officium hoc curetur, admodum exiguum est. si molestias respicias cotidianas, onus & labores longe excedunt lucrum. *Exod.* 22, 22. *Gal.* 4, *auth. sicut*, *C. de legit. ius. l. tria onera. ff. de excus. tut.* Est autem administrationis vocabulum in sua significatione valde diffusum, ut multa in se contineat, etiamque rebus sacris applicetur. ut *Num.* 15, *legitur* & *1. Pet.* 4, v. 10. Deinde administratio est libera rerum; qualem dominus habet quam alii aliam & bassam dicunt. *Olden. Spieg.* Unde & is administrator dicitur qui rerum publicarum seu temporalium curam gerit. at magistratus, qui jurisdictionem exercet. *secundum Azon. Cod. de admin. resp. lib.* 10, *in rubr.* Nihilominus & magistratus maiores dicuntur, quod illi solam meri imperii admini-

strationem habeant. quæ vox cum comprehendit, qui alieno nomine, non proprio, id agit, *ut attestatur Accurs. in rubr. de admin. reip. C. 11, tit. 31.* Vnde & administratores civitatis, curatores dicuntur, *preses, C. de transact. per. l. 3, ff. de administ. rerum ad civit. pert.* Atque hi sunt, qui civitatis negotia gerunt & administrant. *quorum officium explicatur ff. d. t. de adm. rer. ad civ. & C. t. d. eod.* Administrare enim nihil aliud est, quam ipsius principalis munus & ministerium subire; qui omnia ex conscientia agere debet. Verum uti rerum publicarum est administratio & cura, ita quoque privatarum, & ex confluxu privatorum publica conficiuntur. Proinde administratoria hæc societas, quæ initium aut fundamentum cum reliquis supradictis speciebus universitati & societati publicæ subternit, eousque non extenditur; sed eam heic intelligimus, quæ circa curam privatam occupata est, & ibi commissionem impositam exigit.

Consistit igitur administratio talis in officio, quo quis loco principalis ea perficit, quæ ad personæ unius pluriumve & rerum eiusdem curam pertinent. *l. 12, §. 3. l. 18. l. 43, §. 1, ff. de adm. tut. §. 17. inst. de excus. Galat. cap. 4, 2.* Vnde inspectores admini-
strato-

stratoresque appellantur, & informatores, qui talem curam subeunt. Namque cura hæc nihil aliud est, quam diligens & fida gubernatio, informatioque & moderatio personæ eius, quæ quidem est sui iuris, sed in vita recte commodeque instituenda, ætatis aut alterius defectus ratione, sibi ipsi consulere & præesse nequit, unde alieno ductu & administratione indiget. *Gal. 4, 4. §. 4, Inst. de Cur. l. 12, §. 13, de adm. tut. l. 14. ff. de off. præf. l. 12, ff. de tut. & cur. dat. ab his, &c.* Cura eiulmodi in educatione, institutione & defensione: *l. 20, ff. de rit. nupt. l. 1, 2, 3. ff. ubi pupill. educ.* educatio in victu, amictu, locoque honesto; ubi pro conditione & statu persona sustentari debet, consistit. *l. 1, §. 2. ff. ubi pupill. ed. l. 1, 2. C. de alim. pup. præf.* Institutio, quæ fundamentum vitæ & Christianismi concernit, idoneis præceptoribus & doctoribus, quos probatæ pietatis, eruditionis, & modestiæ quisque noverit, est committenda. Etenim in hoc si peccetur, quicquid superstruxeris, corruet per totum vitæ curriculum; quum ab ineunte ætate ad sue fieri melioribus, adeo rei caput sit, ut secundum felicitatis gradum cuivis mortalium exhibeat. Namque à Christianis parentibus nasci,

ordine primum est, secundum ab hoc, rite in pietate Christiana informari, & tertium, omnem hinc vitæ normam ex verbo Dei quibusvis in actionibus desumere. Ex quibus patet, quod cura formandæ pueritiæ ac iuventutis non solum ad privatos parentes, tutores, administratoresve, sed etiam, & quidem maxime, ad magistratus pertineat. quippe in teneris annis spes & seges est futuræ civitatis; ut recte ait *Cas. in sphæ. civ. lib. 4, cap. 9.* Proinde quidem quatuor possit requisita talis educationis: nempe; victum, vestitum, artem, & exercitationem corporis. &, quod in talium moderatione magna requiratur magistratus prudentia. Verumtamen nervum non omnem tangit quam sola externa respiciant hæc, & tamen omnis cura potissimum & ante omnia ad interna sit convertenda. Velut hoc longe rectius percenset Teutonicus ille in *lib. de tripl. vita hom. cap. 15*, ubi mores modernos nostri seculi describit. ex quibus correctio omnis facile colligi potest. quod necessitatis causa heic interferam, ut ex insitæ cognitione malitiæ meliora addiscere omnes discant; quod alias suo loco plenius reperemus. Pueritia sive tenera ætas (ait) omnium primo diaboli addiscit opificia, priusquam

quam alia necessaria discat, tam in
 fœmineo quam masculino sexu. Con-
 tumeliosa, insultatoria & perversa
 superbia, primario addiscitur. quod
 fideliter parentes, & ii qui ipsorum
 loco sunt, approbant, & politico mun-
 danoque exercitio adscribitur, imo ar-
 tis & elegantiae loco habetur. Quod
 si adultiores fiant, brutalis libido la-
 sciviae simul accrescit, & secundum
 opus disciplinae est, ad quod mutuo
 se invicem concitant ephebi. Ita
 adolescentia diabolo statim in primo
 floreatatis cor tenerum consecrat, ut
 nidum in eo conficiat sibi; atque sic
 unius abominationibus capiat alte-
 rum; masculum videlicet fœmella,
 & masculo femellam irretiendo. Si
 quis filium in academias dimittit, ut
 pietatem ibi addiscat, & artes bonas,
 in iis Deo & hominum conversatio-
 ni inserviturus, nihil aliud discit,
 quam superbam elationem atque astu-
 rias, quibus simplicem aliquem bonis
 & sudore exuant suo: quæ argutiae
 pallio velantur, Iuris appellatione
 insignito. Verum enimvero diaboli
 prætextus ille est, & cor istud vi-
 tiarum ipsius dominio mancipatur.
 Quod si forte exoticas linguas ali-
 quousque caller, tamen non am-
 plius iam simplicitati studens, bene
 audit:

audit : superbia sursum evibrationes
quærit : putridi corporis cadaver mi-
re simbriatis scissuris , fasciis , fibulis ,
limbis , ligulisque atque panniculis
obfitum scatet : Græcari , & puellas
violare , apud eos ars politica habetur.
Hi tam subtiles norunt blanditias
vendere , ut multarum filiabus ma-
trum conscientia morsum in cordis
ima defigant. Tales ecclesiis atque
scholis præficiuntur , & pastores Chri-
sti salutantur ; quamvis in cordis la-
tribulo diabolus gestitent , & hospi-
tio suo foveant. Nec minus isti tales
mundi huius regimini insinuantur ;
qui postea ita gubernant prout cordis
hospes eos informat. Atque ita supe-
rior operatur malignitates pessimas ,
inferior autem has ipsas ab eo discit.
Ille excogitat calliditates , quibus infe-
rioris bona ad se traducat. Tributo-
rum exactiones comminiscitur , eaque
boni publici vestit nomine. Ille sim-
plici & misero servitutes duras impo-
nit , ut ita superbiam suam exsaturet.
Nec raro acerbissimis minis compellit
incautum , ut ipsum fortunis emun-
gat , & vinculis corporis eundem con-
stringit. Omnia mancupio rapit , ipse
met præter unicam animulam pecu-
liare nil possidens. & , quanquam fra-
gilis tantum hospes in hoc ipse degat
mun-

mundo ; nihilominus tamen egena servitia illius omnem in servitute sudorem absumere coguntur, &c.

Quis est mortalium, qui tot ærumnas, & calamitates, multipliciæque damna non ante oculos videat ? Quis est miserorum hoc iniuriosissimo tempore, ubi omnia crimina virtutis loco habentur, & zelo pietatis obteguntur furiosissimo, qui id expertus non sit ? Cum probitate pietas omnis toto orbe excluditur. Undenam vero id ? Nonne hæc nocumenta ex sanctioris profuunt educationis neglectu ? Ex hac profecto scaturigine ubertim se ista in totum mundum effundunt. Et nihilominus tamen sat facile saniora possent inveniri remedia, & huic applicari malo. Verum si quis perniciosam eam consuetudinem informationis ethnicæ castigare saniore ductu studeat, statim e medio dirissimis technis removetur.

Si vero scholarum nostrarum fœditatem accuratius contemplemur; quid in iis strenuius excolitur quam impurus ethnicismus, quo mens, cor, lingua & voces ætatis teneræ fascinantur turpissime ? Nihil quereccte dictum putatur, aut ullam sapientiæ micam referre, quod non ab ethnicismo fuerit approbatum. Tanto nobis Christus pu-
dori

dori est, cum verbo suo & sinceræ sanctimonix præceptis; quæ tamen ex sinu Iehovæ patris nobis attulit, atque revelavit, volens; ut omnes singuli-que, nemine excepto, ex iis informantur; nec non ad eiusmodi sanctissimas regulas, actiones vitæ componant. Namque non sufficit audire doctrinam Christi; opere etiam atque vita exprimendum est quod ille præcipit: alias nemo beatus erit. Ceu ipse testatur: Si feceritis, beati estis; *Ioh. 13, 17. & Matth. 7, 12*: Non omnes, qui dicent, Domine, Domine, regnum cælorum ingredientur; sed qui voluntatem patris qui in cælis est facit. Itē, *v. 24*, solus exsecutor prædicatur sapiens. Et *Matth. 12, v. 50*, factores verbi & voluntatis Dei, amicos & fratres suos vocat Christus. Item: Si manseritis in sermone meo, mei estis discipuli, & agnosceris veritatem, & veritas hæc liberos vos efficiet. *Ioh. 8, v. 31*. Quia verba, quæ ego loquor, (ait Salvator,) sunt spiritus & vita. Qui me diligit, ille servabit verba mea. *Ioh. 15, v. 13*. At quomodo Christum homines ament, sui patris voluntatem faciant, in sapientia illius educantur; si eiusdem verba statim à principio tenellis non modo non implantantur animis; sed ethnicis fabulis

bulis & omni profanitatis veneno è
contra fascinantur? Omnia ex amore
pio in Deum & proximum proficisci
debent: At quomodo amor fascitabi-
tur in corde hominis, nisi teneris ani-
mis verbum Dei assidue instilletur?
Gentiles ibi generentur oportet, ubi
tales incantationes gentilium vanita-
tum, procul oculis atque auribus non
arcentur, ne ad corda penetrare que-
ant. Videant igitur & parentes, & ad-
ministratores, & magistratus omnes,
quam multas Christo animas eripiant,
& in profanitates detestandas præci-
pitent, dum nemo in hoc laborat, quo
scandala huiusmodi perniciosissima è
scholis exstirpentur. Doctrina certe
omnis, quæ Christum non tota sapit,
& eius imaginem nobis integram non
adumbrat, sine peccato addisci non po-
test, multo minus sine labe in vitæ
exercitium converti. Commendant
quidem multi multas quas vocant
Christi virtutes, & verborum lenoci-
niis vanissimis per totos venditant
dies: sed quales virtutes? nimirum
ἀντιστάτες & habituales tantum, in
meris opinionibus suam habentes sub-
sistentiam, vitiorum autem substan-
tiæ ne mininam quidem particulam ex
radice cordis evellere valentes, om-
nique fidei & pietatis carentes fructu;
per

per quas meri hypocritæ & Spiritus S. contemptores efficiuntur. Sed hæc alibi possent demonstrati & explicati luculentius; nos iam ad officium tertium administratoris revertimur, quod in defensione consistere diximus.

Defensio nil est aliud, quam protectio, qua vis omnis & iniuriæ illatæ propulsantur à persona, quæ fidei alicuius, hanc in se suscipientis curam & administrationem, concredita est. *l. 30. l. 10. ff. de adm. tut.* unde & specialiter tutela dicitur. *l. 1. ff. de minorib. l. 7, §. 16. ff. de sol. matr. l. 14. ff. de off. presid.*

Administratio igitur hæc universim est bonorum, rerum, & negotiorum utilium ac ipsi personæ commissæ necessariorum susceptio atque expeditio, quæ administratori huic tanquam patri familias & domino incumbit. *l. 27, ff. de adm. tut. l. 7, §. 3. ff. pro empr.* Succedunt enim hi administratores in locum patris; unde rerum & personarum sibi commissarum domini quodammodo dicuntur, & quasi patres familias. *Alth. diceol. lib. 1, cap. 31, num. 7, & seqq.*

Administratorium hoc officium duplex est; aut tutorium, aut curatorium. *ut ex dictis apparet.* Tutorium
sive

sive tutelare spectat ad pupillum vel impuberem invitum etiam tuendum, & res eius universas administrandas. *l. 3. C. de tut. vel curat.* Curatorium vero proprie & principaliter ad eos pertinet qui minorum vigintiquinque annis res administrent; si consentiant, aut velint, aut petant; vel si necessitas ita requirat, propter imbecillitatem eorum, &c. §. *item invit. Inst. de curat.* Curatorium hoc aut plenum, aut minus plenum est. Plenum, quo quis bonorum, corporis, & salutis personæ curam & administrationem sustinet. *l. 48. ff. de adm. tut.* Atque hoc duplex iterum est; vel correctorium, vel clientelare.

Correctorium hoc ad morum vitæque inspectionem emendationemque in monendi & docendi cura pertinet; quum ante viginti quinque annos vix quispiam ad vitæ prudentiam & confirmatum iudicium perveniat; uti invitis quoque propter fervorem juvenilem pro cohibendis cupiditatibus moderatio apponitur. In Abrahamo habemus exemplum, quod ministrum mediante iuramento præfecerit etiam filio obedientissimo, quum ipsi concederet eum in itinere ad coniugium conficiendum. *Genes. 24.* Adeo fidelis omnium in tenera iuventute sem-

per habenda cura est. Porro correctorium hoc officium aut in propinquos aut in discipulos sese exserit. In propinquos quidem propter *sympulw* naturalem & necessitudinis coniunctionem, ut eo facilius minores duci se atque flecti patiantur. *De hoc vide* 1, *Pet.* 5, 5. 1, *Timoth.* 5, 4, 8, 8. *Matth.* 7, 9. *Tit.* 2, 3, 4, 5. *Num.* 8, 26. *Exod.* 18, 17, 19, 24. *Proverb.* 23, 13. *L. ult. C. de offic. official. lib.* 12. *Num.* 11, 16. *Deut.* 21, 2. *Matth.* 15, 2. *Syrac.* 25, 6. Quæ vero functio sic præceptorum apud discipulos suos, eam passim colligere licet ex verbo Dei. *Dan.* 13, 3. & *cap.* 2, 27. *Matth.* 5, 19. 1, *Tim.* 5. 2, *Tim.* 4. 1, *Cor.* 4, 19, 20, & *segg.* *Prov.* 13, 24. & *cap.* 22, 15. & *cap.* 23, 13. 1, *Petr.* 5, 5. *Hebr.* 12, 7. &c.

Clientelare demum est, quod competit dominis protectoribus in clientes, quorum patrocinium in se susceperunt. *l.* 89. *ff. de furt. Val. Max. lib.* 2, *cap.* 1. *tit.* C. *ut nemo ad suum patron. lib.* 11. *Gail. lib.* 2, *obs.* 54. *Gellius lib.* 15, *cap.* 13. Clientes autem tales sibi eligere solent, quibus se & res suas defensionis aut promotionis causa offerant; unde etiam dicuntur *homines ligii*.

Denique non plena administratio est,

est, quæ rerum sibi creditarum custodiam solummodo commissam habet, & prospicit ne distractione vana res deterior alicuius reddatur. l. 2. ff. *de curat. furios.*

Atque hæc de societatis naturalis & privatæ quasi speciebus sufficiant, quæ propterea nonnihil prolixius fuerunt explicanda, ut errores aliorum in talibus principiis rectius caveantur. Priusquam autem ad civiles & publicas societates progrediamur, propter insignes iniurias & exagitationes, quibus ex errore nonnulli, plurimi ex ignorantia, alii vero ex malitia, afficiunt Platonem, quasi bonorum, mulierum, &c. turpem communionem, aliaque vitia maxime enormia suæ inseruerit reipublicæ ideali, & prorsus naturæ repugnant; paucis de republica Platonis agemus; & videbimus, an illi iuste an vero iniuste cum tanto philosopho, quo Græcia nullum excellentiorem & sapientiores vidit aut habuit, (quantum constat de illis temporibus,) agant.

CAP. XII.

*De republica Platonica : quod illa pro-
xime ad Christianismum accedat, &
pro reliquis quam commodis-
sime ad veram caritatem
reduci possit.*

VT salutaris herba inter spinas non
crescit, ita veritas errorum vincu-
lis suppressa non lucet; ait *Cas. in spher.*
civit. lib. 2, cap. 1. Quare ut spinas ra-
dicitus evellere, si terræ fertilitatem;
ita errata funditus extirpare debes, si
veritatis speciem ac pulchritudinem
intueri velis. Axioma hoc quidem ve-
re protulit Casus, utinam vero ipse
suorum verborum & effati huius ob-
servator sedulus fuisset, non certe ita
turpiter cum aliis & sui similibus se
præcipitasset in premenda & oppu-
gnanda veritate, dum quam iniquis-
sime Platonis rempublicam dilacerare
conatur. Socios is in hoc calumnian-
di & nequiter traducendi studio plu-
res habet, quibus veritas tanto odio
est, ut nihil æquum aut verum pu-
tent, nisi quæ communis ille totius
mundi irrisor Stagirita, quem merito
D. Lutherus diabolum incarnatum
olim proclamavit, ex phantasticis
opinio-

opinionibus suis conficta prius appro-
 barit. Dum igitur tam ad auctorita-
 tem vanissimi hominis tam temere se-
 se homines adstringunt, non mirum
 eos in tot turpissimorum errorum la-
 byrinthos incidere. Etenim ipse Ca-
 sus statim in sequentibus confitetur,
 invidiosum illum Stagiritam, & infi-
 diosum impostorem, Platoni, Phaleæ,
 Hippodamo, aliisque nonnullis, qui
 novas civitatis administrandæ formas
 invexerant, indicere quidem bellum;
 intentionem tamen eius in hoc prodi
 manifeste, dum ad lædendam Plato-
 nis famam aditum sibi duntaxat aper-
 rit, qui tum temporis propter opinio-
 nis novitatem, & nominis divinita-
 tem, per hominum ora volitabat. Ec-
 ce egregium certe institutum, quod
 suo cum auctore detestati, & ad in-
 fernum, unde ortum maledicentia
 sumpsit, relegare omnes merito debe-
 rent. Id ipsum & sectatores eius; nem-
 pe divinitatem singularem in Plato-
 nis sententia agnoscere, propter novum
 tamen dogma, & nominis claritatem,
 tam acerbè eum impugnatum fuisse,
 aperte satis confitentur. Taliæne veri-
 tatis studium repræsentant? Num ob
 ista petulans ille veritatis inversor tam
 atrociter eum suppressione recte sen-
 tientium est defendendus?

Cæterum, quod plerique solent qui rerumpublicarum inter se invicem collationem instituerunt, id agit & cum Caso nostro Relectionum ille compiler multoties iam dictus, dum videlicet variis eum modis misere torquet atque dilacerat. Quum igitur Platoni iste præ reliquis multa partim affingat, multa invertat, partim absurditatis reum agat; ceu forma ipsius non tantum naturæ adversetur, eiusque storgas naturales tollat, & impossibilia proponat, sed etiam verbo Dei contradicat: operæ precium facturi sumus, si paucis talia crimina, quibus tam misere flagellatur, diluamus, & ab iniuriis non nihil eum vindicemus. Hoc autem cum maxime mihi contendendum video, ut liberetur à blasphemis, contradictione, & impietate, qua contra verbum Dei nonnulla ardua statuisse dicitur. Et ut eo rectius id obtineatur, & quisque maiori cura Platonem lastrare discat; mentem eius in reip. solidæ iuxta caput humanum constitutione, & qualem ille expetat, prius perspicimus: si fortassis è multiplicibus calumniis offensionem capere, & è manibus eum ideo seponere nonnulli cessabunt, priusquam eius sanam doctrinam evolverint riteque perceperint.

Etenim

Etenim hoc summum diaboli semper artificium fuit, ut anſam omnem, omnemq; modum arriperet, quo non modo ſuſpectum aliquem, ſed etiam proſus deteſtabilẽ redderet, cuius ſcripta nollet legi, ne veritatis auctoritas planior clariorve invaleſceret. A principio illi perpetuus hic mos fuit, ut, quicquid vi aut inſidiis argutis non poſſet, id calumniis expugnare tentaret. Merito Græcorum autem primus ſapientiæ adſertor Plato audit, adeo omnia ex informatione philoſophiæ verioris, quam in Ægypto à ſecretis veræ ſophiæ patronis acceperat, ut plurimum produxit. Quod etiam Piccolominæus præ cunctis aliis Stagiritanis confitetur, *eth, lib. ſeu grad. 10, cap. 25.* ubi ita ait: Accipio ſecundo, Platonem & Ariſtotelem vario modo conſueviſſe res conſiderare. Plato elevabatur ad ideas rerum: inſpiciebat rerum conditionem ſecretam, ſeiunctamque à cæteris, ac (N. B.) ut reſulget in primis cauſis. Iſte vero contra, neglectis ideis, per ſenſus (N. B.) philoſophabatur, reſq; materiatas conſiderabat iunctas cum affectibus ſuis, ut in materie exiſtunt & ſubſiſtunt, &c. Magnâ Piccolominæus diſtantiã inter utrumque innuit; ſed tamen non omnem. Etenim Stagirita ille ne hoc quidem

attigit in ipsa rerum cognitione materiatarum, ut potuerit affectiones recte diiudicare, & res considerare uti in corporeitate sua existunt. Namque ita totus sensualis fuit, ut ad internum **ESSE** naturæ, unde affectiones profluunt, ne quidem in minutissimis perstringere potuerit; sed omnia in phantasticos speculationum inanium terminos solummodo abripuerit: ex quibus distinctionum tot futilitates terminalium ingeniorum profluxerunt: ipsique & docentes & discentes vitam misere in iisdem conterunt, nec tamen earum ope quidquam in ipsa natura perspicere valent: quin, ut D. Lutherus ait, agricola & ferrarius faber, quam talis Stagiritanus physicus, in arte sua doctiores sunt. Interim tot inter vanos doctos litigia diabolus ridet, dum tempus & sumptus cum exquisito animi labore utrinque tam inaniter absumuntur. Quod passim in scriptis suis monstrat Plato, & vanos reiecit conatus ingeniorum sophisticorum, qui rei publicæ in fundamento mutuae concordiae, unitatis meta, in qua cœu publica salute omnes confluere debeat actiones hominum, unice non conducunt. Hinc est quod ociosi illi futilitatum magistri, qui semper in profanis terminis speculativis sum-

munum quærunt gaudium, & ab omni virtutis veræ cultura, operibus exprimenda, abhorrent, merito suum Platonem exosum habeant, & novitatis auctorem proclamant. In qua gravissima profecto accusatione ipsi sunt nugaces admodum. Etenim ipse Piccolominæus *d. l.* attestatur expresse, quod primus huiusce sententiæ Plato non fuerit; sed etiam à Massagetis iuxta Halicarnassæum, longe ante fuisse receptam: à sapientibus item Persarum, qui Brachmanes dicti: qui communibus uxoribus usi (non abusi) fuerunt: Garamantes etiam in confinibus Africæ, secundum Pomponium, omnia communia habuerunt, &c.

Inter omnes acerrimus innocentissimus Platonis castigator est ille politicorum Relector, qui *in polit. doct. cap. 2.* ex Serrano acerbissime exagitat optimum auctorem, quasi sacris oraculis repugnans, familias & rerum discrimina ipsasque storgas prorsus tollat, quas non tantum hominum sed & brutorum animalium animis insculpserit natura, &c. Item, paulo post ait: Est hoc quidem in republ. Platonis satis magnum absurdum, quod naturæ ius oppugnet, cui nulla constitutio præiudicare debet, *dist. 9, in prin.* Sed al-

rerum maiori laborat absurditate, quod incestos introducat concubitus, tam naturæ, quam pietati inimicos, &c. Sic & in *relect. pol. cap. 1, sect. 10, num. 2*, talia repetit; & addit quoque, quod non tantum ipse suæ reipublicæ formam huic mundo impossibilem faciat, *lib. 6, de repub. & lib. 9, de repub. in fin. item lib. 5, de ll. sed etiam (asserit aperte num. 5, ibid.)* Platonicas ideas adeo esse ab hominum conditione amotas, ut, nisi Deos aut meras ideas illos faciat, nullam in societatem introduci queat. Idea enim (inquit) Platonica prorsus repugnat naturæ humanæ, adeo ut homines oporteat prius ciurare naturam, quam subigi possint sub regimen talis reipublicæ. Idem *num. 6*, ita cum austeritate quadam reiicit Piccolominæum & Bessarium: Nescio enim (ait) quæi possit à Piccolominæo & Bessario naturalis hæc vocari respublica, quæ tot machinis oppugnat naturam humanam; tam ex amussi contraria est iis, quæ præscribit inclinatio animalis, &c. Item, *num. 9*. in hanc erumpit quæstionem: Quoniam igitur pacto communio Platonica consentit cum naturæ dictamine? Aut quænam est tam crudelis natura, quæ velit sibi omnia conformia reddi cum præsentanea perniciæ? &c.

Nimia

Nimia profecto est vehementia istius glossatoris politices, cui tanto odio est talis hominum status & conditio, quæ aut solidioris quid sapien-
tiæ, aut pietatis sanctioris in civitati-
bus & republica sapit. Vnde tam sol-
licite summoque conatu adolescentes
& eruditos à vera perscrutatione rei-
publicæ Platonice arcere laborat, ne
quis penitus rem intueatur & consi-
deret. Verum si non tantum cum Mar-
filio Ficino, viro Platonice eruditissi-
mo, demonstramus, quod Platonis no-
stri mirifica in genus humanum chari-
tas fuerit; adeo ut nihil in informatio-
nibus suis intermiserit quod ad homi-
num salutem quavis ratione conduce-
re videatur; *Fic. in lib. 2, Pl. de ll. in pr.*
diligentissimus generis humani pæ-
dagogus existens, & ad legalem iu-
stitiam, id est, universam virtutem,
per ipsam iustitiæ pulchritudinem ge-
nus hominum provocans, atque ab
iniustitia per iniustitiæ turpitudinem
eosdem deterrens: *Fic. in lib. 10, de
rep. in prin.* sed etiam ex ipso verbo
Dei maxime clarum faciamus, quod
à Christi & D. Pauli regulis eiusmo-
di constitutiones tanti philosophi non
multum distent, atque in plurimis
convenient: Patebit sane, quam lon-
ge à veritate, imo & ipso Christianis-
mo

mo absint, & brutali è contra natura ducantur, in eaque suarum idearum turpes imagines cum propriis larvis conglutinent, qui de industria ita turpiter, & absurde se Platoni opponunt. Id vero omne satis dilucide constabit, primum ex ipsius Platonis intentione, dum rempublicam suam veram remotione vitiorum & introductione virtutum depingit, quibus illam tam curiose vestitam cupit: deinde ex ipsius verbi cœlestis cum huius philosophi, inter ethnicos summi, proposito collatione.

Plato igitur, de omni societate humana, quum eam tot calamitatibus cotidie confundi, & varia bestialitate in plures pluresque extrudi miseras cerneret, quam optime mereri studens; satis acutis oculis varias hominum vices & ipsas corruptiones perspiciebat; & examinatis morbis, quomodo sanitas integra, aut saltem aliqualis, in corruptissima societatis corpus per communem cohabitationem reduci posset, percensebat alacrius. Nec sane hoc ex nudis rationis ethnicæ inventis addidicerat; sed, ut ipse dilucide aliquoties in suis ostendit scriptis, rum in Ægypto à magis & sapientibus secretiorisve sophiæ doctoribus, (penes quos Abrahami & Iosephi sapien-

tia relicta erat; ut *David Propheta Psal. 105, testatur*,) tum ex ipsis cognoverat sacris literis; ut in *Timao, Menone, Alcibiade, Politico, &c.* id expresse indicat; præsertim in *Politico* aperte, te paulo altius repetita, confitetur, hominem à Deo è terra conditum esse, & primum in felicissima ac vere aurea conditione (in paradiso videlicet;) quæ tamen ex optimo statu in pessimum prolapsa fuerit; ac proinde humanum genus, quum in has angustias deciderit, adiumento opus habere ad illa ἀνέστροφας (qua ipsius animus involvatur, & universa vita referta sit) incommoda propulsanda. His explicatis, imperandi modum & rationem præscribit; & docet, non esse infinitum regis seu politici imperium, ut pro arbitrato quidvis agat: sed oportere, ut pie, iuste, sapienter imperet, ex legum præscripto: non ut summo strictoque iure agat, & eodem modo leges omnes omnibus accommodet; sed ut habita rerum, personarum, locorum, temporum, ratione, legum mentem finemque (quum leges veritatis imitationem exprimant) iusta moderatione unice respiciat. Veluti in medico sapienti, exercitato, & fideli, videre est, quod ille cum prudentia & accurata circumspectione mede-

medelis instrumentisque suis apud
ægrotos utatur, quum his eum uti
omnino oporteat. Vnde etiam perfe-
ctam administrationem regiminis non
multitudini, sed uni aut paucis, & iis
maxime vult conceditam, qui pietat-
is & virtutis, temperantiæque, cum
matris virtutum, & civilis sapientiæ,
præpolleant studio.

Virtus autem quid sit, & quomodo
nobis vere adsit, id in *Menone* luculen-
ter explicat: & demonstrat, quod ea
non aliter se in homine habeat quam
sanitas solida. Si alicui sive viro sive
feminae sanitas insit, eam in recto ro-
bore suo exercere sese atque exercere:
idem quoque virtutem præstare debe-
re, ut se exercitatum declaret; alio-
quin nihil prodesse. Exercet autem se,
quando ad finem suum dirigitur. Hinc
virtutum species plures enumerat, pro
virium animæ actuumque diversita-
te: ut sunt, sapientia; quæ ad men-
tem: scientia; & prudentia; quæ ad
rationem: opinionis sagacitas; quæ
ad phantasiam: iustitia & liberali-
tas; quæ ad voluntatem: fortitudo
& pedissequæ eius; quæ ad vim ira-
scibilem: continentia & temperantia;
quæ ad concupiscentiam referuntur.
Hæ vero omnes virtutes diversis mo-
dis acquiruntur: sed ita tamen ut
nulla

nulla succedat, nisi divini numinis efficacia, quæ sola homines vera instruit virtute, accedat. quasi dicat, nil sine pietatis veræ ductu solerter agi posse. Idem quoque in *Theage suo obstericio* de sapientia affirmat; rem esse adeo præclaram, ut merito omnium scientiarum princeps existat; quippe non tantum circa iuventutem, quæ seminatum omnis reipublicæ facit, recte excolendam, sed etiam in universa generis humani societate, continenda occupetur; ex eaque omnia iusti & moderati imperii instituta promanent; atque adeo illius ope omnis intemperies, quæ præsentissimum populorum exitium, evitetur. iam vero, illam quidem civilem sapientiam sapientum usu & consuetudine addisci: veram tamen efficacemque illius consequendæ rationem pendere à Deo; qui solus nimirum efficiat, ut illa etiam hominum prudentum conversatio & consuetudo possit esse fructuosa.

Quum vero nemo ad ullius rei cognitionem pervenire possit, qui semet ipsum ignoret; sui cognitionem omnibus identidem fideliter inculcat: velut in *Amatore suo* cum quadam emphasi adseverat, minime illum sapere, sed prorsus desipere, qui semet

semet ipsum ignoret; è contra autem qui semet ipsum noscat, hunc vere sapientem esse. Sic & in *Alcibiade priori* ait; Sciemusne unquam qua arte meliores evadamus, quamdiu nos ipsos ignoramus? A' *δύναται* impossibile est; respondet Alcibiades. Vtrum vero (pergit Alcibiades) res levis se ipsum cognoscere? an ardua nec cuivis homini concessa? &c. Sed si ve res levis sit, ait, ô Alcibiades, si ve difficilis; nobiscum certe sic comparatum est, ut, hanc intelligentes, simul intelligamus qua ratione curari possimus. Ignorantibus vero hoc, omnino impossibile est, &c. Ignorantiam autem talem non aliunde proficisci, quam ex nimio amore sui, qui tantopere obcæcat homines, ut suis semper affectuum importunitatibus servi vivant, idem passim docet. Proinde in *Alcibiade eodem* adhortatur quemvis, ut ante omnia curam sui ipsius recte ineat, & quidem veram, non falsam; ne non ipsos fallamus, non curantes nosmetipsos, quum belle curare putamus; alias enim nemo nec sui nec suorum curam rectam habere poterit. At corporis amor impedit omnia. Vnde hominem aliud quid esse quam corpus dicit, quando nihil aliud eum quam animam esse contendit. Cuius amatorem unice in
omni-

omnibus requirit. Etenim ait; Nonne tui corporis amator, quum prima species deflorescit, abienste deserit? At vero qui animam tuam diligit, nunquam te deserit usque adeo donec ad meliorem frugem pervenias. Ita sane longe penetrantiorum amorem in quovis requirit, quam ipsi vulgares Christiani hodie intelligunt & exercent. Propterea tales ethnici certe in extremo die iudices Christianorum erunt; ut *Christus Matth. 12, 27; & Lucæ 11, 19, & Paulus Rom. 3, de Iudeis pronunciant*. Nihilominus, ut ad animæ cognitionem quisque eo rectius perveniat, & inde ad amorem ferventiorum erga Deum & reliquos mortales concitetur: modum & similitudinem ab oculo sumit. Quemadmodum enim per reflexionem facies hominis, in oculum alterius intuentis, in oppositi visu reluceat, simulacrum aspicientis existens, &c. oculus item, ita deum seipsum cernens, quando in alterius oculum intuetur, in id præterea quod oculi optimum est & per quod oculus ipse videt intendat: &c. Sic quoque, num reperire, inquit, possumus quidquam in anima divinius hoc ipso circa quod intelligentia sapientiaque versatur? &c. Id igitur in anima divinitati simillimum, est in quod sa-

ne qui intuentur, Deum & sapientiam agnoscunt, itaque semet ipsos simul agnoscunt, &c. Quod si vero quæ nostra sunt ignoremus, nonne & quæ ad hæc pertinent, intellectum fugient nostrum? &c. Vnde qui sua ignorat, ignorat itidem & aliena. Nonne igitur, qui aliena etiam quæ reipublicæ sunt ignorabit? Omnino necesse est; *respondet Alcibiades.* Οὐκ ἄρα ἀγνοῖ τοιοῦτος ἀνὴρ πολιτικός. Nunquam ergo vir istiusmodi civilis erit. Οὐ δῆτα. Nequaquam certe. &c. Nec, quod agit, intelliget. Ignorans autem nonne errabit? Qui aberrat, an non male ager, & privatim & publice? &c. Nemo itaque felix esse potest, nisi sapiens sit atque bonus. Sequitur, ut mali homines miseri sunt. &c. Si recte igitur & præclare civitatem gubernaturus es, *inquit porro*, virtute imbuendi erunt cives. &c. Num dare vero quis potest aliis quod ipse non habet? Ergo virtute prius ornatus ipse debet esse, quicumque non sibi tantum ac suis, sed reipublicæ etiam, & iis, quæ ad eam spectant, imperaturus est. &c. Nec igitur principatus, neque licentia quilibet faciendi, verum iustitia potius & prudentia, tibi atque reipublicæ comparanda sunt. Iuste enim ac prudenter agentes, & tu simul & tua respu-
blica

blica Deo gratum opus facietis, & sic, quemadmodum supra diximus, in divinum splendorem intuentes agetis. Quin etiam illuc respicientes, vosmetipsos vestraque bona perspicue discernetis. Nonne sic rectam felicemque agetis vitam, beatique eritis? Contra, si iniuste vixeritis, intuentes in tenebras, divinitatis expertes; consimilia tenebris opera, quemadmodum necesse est, facietis, vos ipsos penitus ignorantes. Quasi cum ipso salvatore nostro Christo Iesu locutus fuisset, ita ex eius ore hæc omnia produxit quæ in ista continentur similitudine; *Matth.* 6, 23 : Si oculus tuus improbus fuerit, totum corpus tuum tenebrosum erit. Ergo si lumen, quod in te est, tenebræ sunt, ipsæ tenebræ quantæ? *Vide Iohan.* 3, 19. & 8, 12. & 12, 35, 46. *Rom.* 2, 19. & 13, 12. *Eph.* 5, 11. *1. Ioh.* 2, 9, 11. &c. Sed ita pergit Plato, (qui non frustra Ethnicis fuit *divinus ille dictus*,) ut omnium hominum, etiam societatis civilis actiones, in Deum retrahat; dicens: Cui enim, ô amice Alcibiades, potestas adest quidlibet faciendi; is vero si mente captus sit, ad quidnam pietas illi contingeret; seu nunc privatus, seu in republica ille sit? Velati, si ægrotanti cuidam libera licentia sit medicinæ rationem

habendi nullam ; sed tanquam tyrannidem eam repellendi , in tantum etiam ut hominem abstergere nemo valeat ; quid illi eventurum putas ? Nonne verisimile est , corpus interiturum esse ? &c. Nonne omni reipublicæ omnique imperio & dominationi , cui virtus deficit , contingit , ut male agat ? &c. Tyrannis ergo , optime Alcibiades , neque nobis neque reipublicæ paranda est ; sed virtus , siquidem felices esse volumus. &c. Cæterum antequam virtus adsit , à meliore regi , non puero solum , sed & viro , quam regere , conducibilis erit. &c. Nostine quo pacto id , quod nunc te occupat , fugare queas ? Nolim enim istud in claro homine nominare. *Al.* Novi equidem. *Soc.* Quomodo igitur ? *Alc.* Si ipse volueris , ô Socrates. *Soc.* Haud recte loqueris , Alcibiades. *Alc.* Quomodo ergo loquendum est ? *Soc.* (N.B.) Si Deus voluerit. &c.

Ita omnes actiones externas , sint quæcunque velint in politicis , ad Deum refert , & ubique eius amorem ante omnia concitari in hominum pectoribus cupit , ut ei prius unice invigilent ; & inde amicitiam suam in mortales obvios derivent. Fons enim in origine limpidius , limpidas quoque communicat aquas rivulis , & sibi

sibi inde amicales reddit. Velut amore legitimo puri cordis nihil conducibilius ad beatam huius vitæ possessionem adipiscendam inveniri. ait in *symposio* pag. 331. Quamobrem, amorem ab omnibus hominibus honorandum censeo, inquit *ibid.* Etenim amatoria hæc colo, meque summo opere in his exerceo, aliosque ad ea exhortor; quum amor sit verum amicitiae medium, *ut* *explicationem hanc addit Ficinus.* quoniam amor iste circulus est bonus à bono in bonum perpetuo se evolvens; dum quasi circulo quodam in idem, unde manavit, iterum remeat. Circulus itaque unus & idem à Deo in mundum, à mundo in Deum, tribus nominibus nuncupatur, ait *Fic. in com. ad sym. orat. 2, cap. 2.* Nam prout in Deo incipit, & allicit; pulchritudo: prout in mundum transiens, ipsum rapit, amor: prout in auctorem remeans, ipsi suum opus coniungit, voluptas dicitur. Amor igitur à pulchritudine incipiens, in voluptatem definit. Quumque ita virtutem veram patiat foveatque, Deo amicus efficietur qui omnia ex amore vero aget. Namque, ait in *symposio*, huius amoris officium est, ut inter Deum & homines interpretis, & quasi portitoris fungatur munere: mediam

autem inter divinam & mortalem naturam, adhibita imagine ideali, repræsentet. Velut etiam amorem aviditatem angelorum dicit *ibidem* Ficinus, quum quoddam desiderium sit iucundum. At simplex & mutuus esse debet, si in amicitiam, & maxime publicam, quæ societatis omnis conservatrix alatrixque recte dicitur, abire debeat. Unde quoque in *Lyfide* amicitiam societati generis humani tantopere commendat, & veram à falsa separat; studiorumque consensionem, omniumque aliarum rerum communiter ab omni invidia liberam & immunem (utpote quem eius causa efficiens Deus sit) in ea demonstrat: præsertim quum non cadat in improbos; sed semper æqua iustaque postulet: quippe iustus nunquam lædit, sed unicuique semper prodesse cupit; uti in *Clitiphone* loquitur. Opus iustitiæ proprium, inquit, nullius alterius facultatis est, quam amicitiam in civitatibus parere; quum amicitiam nil aliud quam iustitiæ bonum eiusdemque effectum esse, concessisset: velut idem & lib. 2. de rep. ita affirmat, quod iustitia concordia & amicitia genitrix sit; quum è contra iniustitia, meras seditiones, inimicitias & contentiones procreet. Proinde etiam homine vere iusto nihil

Deo

Deo similis pronunciat in *Theateto*, utpote qui iustitiæ vim omnem in se complectatur, nec ullo modo usquam iniustus dici possit.

Quum igitur hisce binis columnis, mutuo nimirum & vero amor, solidæque iustitiæ, quibus Deus ipse semper fundamentum substernit, omnē reipublicæ molem superstruere conetur; nec aliud quidquam, quod ad talem conglutinationem non faciat, admittere velit; Ideo libros suos decem de republica conscriptos, simul titulo *ἡ δὲ δυνάμις*, *de iusto*, insignire voluit, quod veræ & solidæ reipublicæ nihil magis quam iustitia in proprio suo officio competat; & id quidem tunc maximopere, quando amoris radix putrescere paulatim aut decrefcere & in lassitudinem abire incipit. Quum vero impossibile sit, ut ait in *Theateto*, male penitus extirpari; quum bono semper oppositum quoddam esse necesse sit: propterea etiam instrumenta iuris, quæ leges constituunt, reipublicæ statim apponenda esse censuit. hinc factum, ut propter res admodum in republica diffusas duodecim de legibus libros conscriberet, ex quibus scientiam & civilem peritiam sibi merito quisque comparare debebit, qui gubernationem eius rite

subire volet ; uti passim in politicis suis scriptis docet. quamvis illi , qui rectæ gubernationis formam intelligunt , non semper legibus astringantur ; si nimirum civilis societatis rationi , quæ sæpenumero moderatione habet opus , quoad iustitiæ amorem , sapientia sua satisfacere possint : quæ pluribus ab eo in politico suo explicantur. Quare etiam eos , quos præsides reipublicæ expetit , philosophos , non vero sophistas & inutiles rerum disputatores aut glossatores dicit ; in *Theæteto* atque *Protagora suo* hos ipsos reiciens , Præclare se habent eius verba lib. 5. de rep. p. 446 : Nisi vel Philosophi civitatibus dominantur , vel hi , qui nunc reges potentesque dicuntur , legitime sufficienterque philosophentur , in idemque civilis potentia & philosophia (*vera, non falsa*) concurrant , neque (*quod nunc fit*) à diversis duo hæc tractentur ingeniis ; non erit civitati , vel , ut mea fert opinio , hominum generi ulla malorum requies , neque talis respublica , qualem proponimus , ante orietur vel solis lumen adspiciet.

Atque idipsum est quod ego iam dudum dicere vereor , quum fidem dictum vix inveniat. Nam ægre persuaderi potest nullam aliam gubernationem

tionem privatam vel publicam felicem futuram, &c. Hoc itaque conqueritur, quod nulli sunt tales philosophi reales, qui solidum amorem in Deum, & inde in homines, foveant, ac rite propterea iustitiæ addicti sint, eiusve sanctam intelligant informationem. Quum itaque nulla sine legibus res publica dari possit, ne illa quidem quam ipse Plato expetit: amorem ita sincerum (maxime autem in regentibus) requirit, (uti mox subiicit,) qui non sit in seipso divisus, ut partim aliquid diligat, partim minime; sed erga totum totus afficiatur. Verum ita querelam suam *lib. 5. de ll.* pertexit, inquiens: Omnium certe maximum quoddam malum in multorum hominum animis est innatum: Cuius quidem, quum facile sibi invicem id condonent, remedium nullum excogitant. Est autem hoc, quod dicere solent, (N. B.) Quod natura quisque sibi amicus est. Recteque id ita sese habet: Sed revera nimius in se ipsum amor (N. B.) omnium omnibus peccatorum perpetuo causa est. Obccatur quippe circa rem amatam qui amat. Quapropter, qui semetipsum quam veritatem magis colendum putat, quid iustum, bonum, pulchrumque sit, male diiudicat. Eum sane, qui

magnus vir futurus est, (N. B.) neque seipsum, neque sua, sed iusta, siue à seipso, siue ab alio quo vis gerantur, diligere semper decet. Ex hoc ipso delicto accidit omnibus, ut suam ignorantiam sapientiam esse opinentur. Hinc porro fit, ut, quamvis nihil, ut ita dicam, sciamus, scire tamen omnia arbitremur. Quum vero nec aliis permittamus facultatem agendi in iis, quæ ipsi agere ignoramus, agendo errate compellimur. Quamobrem nimium sui amorem fugere quisque debet, & meliores se sequi, nullo rubore verecundiae impeditus, &c.

Quam adhortationem in inferioribus ita pertexit: Quo quidem nihil civitati melius, quam videlicet ut cives & alios invicem, & seipso cognoscant. Vbi enim non lux sed tenebrae inter cives in eorum moribus vigent, ibi nec honores pro dignitate, neque magistratus recte dabuntur, neque ius suum cuique tribui poterit. Nihil est autem, si unum uni conferas, in quo maius studium in omnibus civitatibus ponere quisque debeat, quam hoc, ut nec ipse cuiquam alii, nec alius sibi, fraudulentus unquam, sed (N. B.) simplex semper atque verus, esse comperiatur. &c. Ac quæ maior aut gratior membrorum tum
impe-

imperantium cum parentium harmonia dari in republica potest, quam si ita mutuo amoris vinculo inter sese amicissime vincti & constricti teneantur. Merito hæc laudes primas cum felicitate summa aufert. *uti id in sequentibus idem exprimit* : Recte sane agetur, si optima respublica, & secunda, & tertia, proponatur; & optio cuique pro arbitrato suo quamlibet detur eligendi. Id nunc similiter & nos agamus. Et quum primam in virtute rempublicam, secundamque, & tertiam, exposuerimus, Clinix, & unque hæc suo mori deligenti, patriæque suæ, quod sibi placet, tribuenti, optionem concedamus. Prima igitur civitas atque respublica, optimæque leges eæ sunt, ubi quam maxime per universam civitatem priscum illud proverbium locum habet, quo vere asseritur, (N. B.) Amicorum omnia esse communia. Certe in hoc præcipue virtutis erit terminus, quo nullus poni rectior poterit; si ullibi videlicet istud aut fit, aut unquam fiet, ut communes mulieres sint, communes & liberi, communis quoque omnis pecunia; omnique studio, quod proprium dicetur, undique è vita remotum sit; usque adeo, ut ea etiam, quæ propria singulis natu-

ra sunt, communia (N. B.) quodammodo, ἀμύειν, fiant; ut & oculi & aures & manus communem in usum cernere, audire, agere videantur; laudentque & vituperent eadem similiter omnes, eisdem rebus gaudentes, eisdemque dolentes, ac denique pro virili sub his vivant legibus quæ unam quam maxime civitatem efficiunt. Talem utique civitatem siue dii alicubi, siue deorum filii plures una viventes, eamque conservantes, excolerent; omni cetero referti gaudio cohabitarent. Quapropter reipublicæ (N. B.) exemplar non aliter quam hac inspecta considerare, maximeque talem pro viribus indagare oportet. Ea vero, quam heic nos aggressi sumus, si fiat, proxime quodammodo ad immortalitatem accedet, atque, si non primo, saltem secundo loco erit. Sed de tertia postea, si voluerit Deus, determinabimus. Nunc vero, quænam hæc sit, & quo pacto talis fiat, consideremus. Primum igitur domos agrosque sortiantur; nec agros communiter colant. Nam maius hoc est, quam hæc generatio, nutritioq; & educatio ferre possit. Sed hac mente distribuant, ut putent singuli sortem suam toti civitati esse communem. Quippe quum ea regio patriæ sit, magis eam colere

colere debent , quam filii matrem.
&c.

Ideoque vult , ut æqualitatis normam sequantur , nec ullus liberalis admittatur quæstus aut lucrum, quod mores generosos atque animos avaritia inquinet, & ambitione corrumpat: Velut in sequentibus commonet , exclamans ita : O virorum omnium optimi , similitudinem & æqualitatem , identitatem , & consensum honorate secundum naturam : neque unquam id transgrediamini , siue secundum numerum , siue secundum potentiam bonarum atque pulchrarum rerum. Et nunc quidem in primis per omnem vitam , numerum, quem prædiximus, conservare. Deinde census modum. &c. Alioquin neque Deus ipse, sortis distributor, neque legis conditor, vobis favebit. &c. Quæstus in hac civitate non multus. neque enim illiberali quæstui quenquam in ea incumbere, neque mechanicum illud & infame quære lucrum quod mores generosos inquinat , neque ullo pacto vilibus turpibusque ex rebus pecunias cumulandas existimare oportet neque licet. Accedit ad hæc & alia lex , quæ iubet, ne quis privatus vel aurum habebat vel argentum.
&c.

Quod

Quod ideo dicit , quoniam omnia in publicum bonum converti debeant , ut ibi adsit rerum copia & abundantia , inde ad necessitatem quamvis depromenda. Ex quibus demum facile colligitur , quamnam tertiam faciat rempublicam ; quam videlicet durior & insolentior procreavit ætas tot legum cumulo, quibus in improbitate sua restringenda fuit. Plato igitur , ceu fuit è sacris Israëlitarum & Ægyptiorum informatus , & cum Socrate sapientissimus Græcorum dictus ; (utpote qui & ipse multa rerum mysteria cognoverat , & in plurimis profundius , quam lector percipere possit , penetrat ;) quum optimam reipublicæ formam quidem dispiceret , & sedulo eam examinaret secum , ex mysteriis autem magicis quidem eandem facile beneficio amoris elicere nosceret ; sed quum maximus labor in eo consisteret , quomodo pravitati mortalium esset applicanda : non certe nnam sed triplicem primitus invenit ideam sive modum reipublicæ certis suis gradibus distinctum , velut ipse satis dilucide id *in loco superius allegato* adseverat & aperte confiteretur ; quibus ad solidam reipublicæ constitutionem ita societas humana reduci possit , ut beate inter se & feliciter viverent

verent singuli, vitamque suam usque ad mortis articulum in tranquillitate iucunde in hoc mundo transigerent. Omnibus autem ideis cum prætulit modum, qui mutui amoris haut fuca- ti unice niteretur fundamento; cui normam perfectionis præ reliquis, si rite accipiatur, ex fundamento utrius- que Tincturæ (ceu magnorum natura- lium non postremus fuit) adscripsit. Amor enim verus, uti in omnibus actionibus vitæ sibi metipsum lex est, & honestum iustumque in communica- tione sui cum cura respicit, omnesque abhorret turpitudines & absurditates; ita quoque ultro & sua sponte omnia expellit à se vitia & crimina quæ fe- licitatem vitæ propositam in com- muni salute devastare aut impedire queant, quod & ipse exemplis variis amantium & amoris explicat. Vnde etiam omnis discordiæ occasiones, cum vitiorum tota cohorte, seditio- ne, inimicitia, invidia, ignorantia, amore sui, metu in composito, pudore vano, adulatione, avaritia, lucri studio, ambitione, suspicione, in- temperantia, superbia, iniustitia, iniuria, contemptu, calumnia, male- dicentia, torvitate, salacitate, impie- tate, adulteriis, stupro, fraude, dolo, & id genus aliis, ab ea republica omni-

omnino removeret, & ex amore sincero siue suosper mansuetudinem, pietatem, humanitatem, iustitiam, & imprimis per temperantiam, ad omnes virtutes recipiendas quam aptissimos reddit, utpote, qui propter amoris mutui studium, in quo semper ad Deum recurrant, omnia inter se perficere, & absque ulla remora appropriationis ad se, absque omni item invidia, singulari cum animi voluptate & alacritate, secundum iusti dispositionem, quidvis inter sese communicare possint.

Verum quum propter malitiam hominum difficile hoc inveniret: ne impossibile videretur, amoris exerere scintillas; aliam prioris loco substituere normam ordinandæ reipublicæ voluit; quæ quidem in amoris fundamento radicata maneret; sed tamen, multarum imbecillitatum causa, legibus æquis non careret, ita ut æqualitatis libertas in cunctis observaretur, & in bonum publicum, tanquam omnibus membris commune asylon, omnium conspirarent intentiones. Ac, ne duæ illæ omnis boni pestes, avaritia & ambitio, locum ullum aut occasionis spacium obliquum inventirent; omnis avaritiæ possessiones prohibuit, publicæque divitias utilitati ad-

scripsit,

scripfit; aliis tamen maiores, aliis minores, pro rerum usu admittendas esse censens. Ac, ne ibi quoque ullus superbiæ aut iniquæ distractioni pateret locus; regia peritia & integritate, id est, vera sapientia civili pie præditos, unum pluresve, regno & reipubl. præfici voluit, qui iuxta leges administrarent omnia. *cui illud in Politico accurate delineavit. ubi inter alia hæc habet verba:* (quæ extremitatem quandam quoque respiciunt in auctoritate utenda:) Arbitror autem iuxta hunc sermonem, rectam gubernationem, si quando recta sit, circa unum vel duos, vel paucos, esse quærendam, &c. Eos vero civiles ac regios esse homines, existimare oportet, qui arte quadam imperant. Volentibus autem nolentibusve, secundum scripta seu absque scriptis & institutis ac legibus, pauperes an divites imperitent, nihil refert. nam & medicos nihilominus tales appellamus; seu nunc invitis seu volentibus, secando aut urendo, aliumve dolorem afferendo, sive scriptis, sive ex usu, denique pauperes ipsi an divites, sanitatem procurent; modo arte quadam in corporibus curandis, purgandis, extenuandis, replendis, augendisque utantur. &c. Necesse est igitur, eam maxime solamque rectam

existimare rempublicam, in qua, qui magistratibus funguntur, legibus adhibitis seu non adhibitis, revera gubernare sciant, nec scire solummodo videntur. &c.

Tertium autem modum sive ideam reipublicæ, quam summa necessitas ipsi expressit, ad leges non inconvenienter redigitur: quandoquidem in extremam depravationem paulatim progressi mortales, vix aliter quam violentia quadam ad virtutis & concivium amorem, pietatisque sanitatem, retrahi possint. Similitudine egregia id declarat, 4, *de rep. circa fin.* ubi ait: Salubria quidem sanitatem inducunt, insalubria morbum. Similiter quoque iusta agere, iustitiam gignit in animo; iniusta facere, iniustitiam. Est autem sanitatem afferre, ita, quæ in corpore sunt, disponere, ut secundum naturæ ipsius ordinem inter se superentur, & superent. Morbum autem, contra naturam imperare & parere. Eadem ratione, iustitiam præstare, nihil aliud est, quam animi partes in ordinem redigere, ut ad naturæ ordinem pareant imperentve: Iniustitiam vero, ut contra naturam. Virtus igitur, ut apparet, sanitas est quædam, & pulchritudo, & bona animi constitutio: Pravitas contra morbus, turpitudine & imbecillitas.

tas. &c. Natura vero eius, quo vivitur, perturbata atque corrupta, num viventi aliud quidlibet agendum erit, quam hoc unum, quo pacto ab improbitate & iniquitate liberari queat; iustitiam vero & probitatem adipiscatur? &c.

Tam multum pravitatum est, ut tota societas humana, quasi morti iam & amplius quam vicina, perpetuoque gangrænæ malo laborans, curationibus indigeat; ita ut nullo tempore seu medicis seu chirurgis, qui cum instrumentis acriter vellicantibus, noxiaque rescindentibus, violenta adhibeant medicamenta, carere possit. Hinc corpori cadaveroso & putrido, non insolens erit, varia methodo curam adhibere, quamdiu finis idem restitutionis manet: Sive unus sit, sive plures, qui curam administrant, perinde est; modo recte & prudenter ab iis, quibus id competit muneribus, medicamenta applicentur. Tandem his alios modos subordinat; *ut videre est in fine lib. 4. de rep* Errant illi igitur omnes, qui Platoni aut unam tantum reipublicæ ideam, aut duas affingunt; quod cum P. Ramo tamen Bodinus & pauci alii probe agnoscunt atque faciunt. Admiratus fui, quod non penitus tantum introspexerint au-

ctorem; quem tamen econtra male feriati adeo obstinate refutare non veriti sunt, & temere repudiare studuerunt; juventutique, propter Stagiritam vanum & plane terminalem, exosum reddere; quem ipsi in minutissimis non intellexerunt. Velut etiam rerum publicarum suarum ideas hasce tres, non in uno specialiter, sed in omnibus simul libris, sparsim explicavit; ut mos est talium philosophorum, qui scriptis suis mysteria profundiora submiscent. De rebus enim occultis, arduis, prorsumque coelestibus quum agant; non à quibusvis semper, & praesertim ab iis non qui carnali suo iudicio sacra arcana in abusum & libidinem carnis abripere solent, intelligi volunt: illis econtra, qui puriori mente rem secretam intuentur, manifestare se solent. Velut inde quoque divinus dictus fuit, quod ad sublimiora in omnibus respexit, id quod certe *in ideis suis*, & maxime in amoris puri descriptione, quem fundamenti loco binis prioribus suis rerum pl. formis substernit, egregie praestitit. Talium enim in praefiguratione sive idea ad prima mundi saecula ipsamque eius originem respexit. uti id manifeste colligere est ex *Critia sive Atlantico eius*, & lib. -3. de legib. ubi primævi seculi commemorationem

ex Ægyptiorum & Zoroastris monumentis, *quod in Alcibiade* 1. quoque innuit, non tantum deducit; (quamvis in gloriam suorum Atheniensium, ut pallium cognitis rebus obiiceret, eam aliquo modo detorserit; quum se αὐτόχθονας iactitarent,) sed etiā *l. 4. de. ll.* docet, quando, & quo tempore ferme, & quibus de causis, inceperint homines leges ponere. Quarum incunabula non frustra ab eo tempore deducit, quod extitit post universum quoddam diluvium, quum hominum societas, universo terrarum orbe aquis circumfuso atque obruto, pene deleta fuisset, & se tamen recollegisset ex tanta vastitate, in exiguis reliquiis mortalium conservata. Ante diluvium autem, quum sibi omnes mortales eam vendicarent libertatem, ut quisque suo viveret placito, in eam prolapsi tandem sunt protervam malitiosamque licentiam, ut nec ipsi Spiritui Iehovæ obedientiam præstarent. Proinde forma regiminis, quæ amoris suo primo renunciarat & fundamentum disiecerat, in dissolutam concessit petulantiam ac Dei contemptum; quamvis omnes tum una conformitate uterentur linguæ. Sed hunc blasphemum contemptum Spiritus Dei, cataclysmo universali punivit Iehova.

Ex hoc autem mundi renascentis miraculoso primordio , quum quoque amor erga Deum reviviscere incepisset , ait simplicitatem quandam & æquitatem fuisse pro sanctissima lege, quum nec penuria ad inferendam iniuriam quenquam incitaret, nec copia & ubertas ad avaritiam. Crescente vero indies genere humano , cœpisse adhiberi leges, tanquam vincula, ut & potentiorum intemperies reprimeretur , & tenuiores in officio continerentur. Itaque toto hoc libro necessitatem cum malitia causam statuit legum componendarum & constituendarum politicarum : varias autem occasiones & libidines peccandi, variarum legum & politicarum dedisse primordia. Quæ si quis ad historiam sacrae Scripturae conferat , satis exacte inveniet , quam congrue Plato triplicibus ideis rerum suarum triplicia tempora accommodet ; ut meræ nugæ sint, quas heic expuit Relector noster, dum nullibi dari reipubl. Platonicae ideæ asseverat. Imo in natura est secundum correctam virtutem ; & in ea fuit à primordio ; nec extra eam datur : modo homines sibi ipsis non essent latrones , & bestiali feritate contrarii , aut non ab impostoribus suis tam perverse seducerentur , qui eos recte monitis aures surdas

das præbere docent. Quin imo etiam hodie, iuxta Christi præceptum, coniungi cum Christianismo deberet; nisi perversi eam retunderent oppugnatores, pervicaci patrocinio malitiosæ hypocrisis præceptis Christi Deique verbo in carnis lenociniis resistentes; nec præter regalia & servitutes quidquam crepantes aliud; talibus quoque adulationibus immensa volumina opplentes. De munditæte vero ante diluvium, egimus supra; quæ suas habuit temporum in hoc ternorum regiminum cursu periodos. Sic & post diluvium sincerior fuit reip. modus. quam postea Nimrodus adornavit. ubi arbitria Principum pro legibus erant; *ut loquitur Iustinus*. Post ædificationem turris Babylonica tandem, legum accreverunt coactiones cum servitutibus; posteaquam homines quam longissime ab amore mutuo recessissent, pietatem omnem exuti, crudelitatem ferinam è contra induentes. Sicuti etiam apud nos hodie nulla pietas, fides, integritas, nulla virtus, magis vulgo nota est quam quæ litteris depinguntur; divinis illis muneribus corda averfantibus mortaliū, nullasque iam nostris politicis agnoscere alias cupientibus rerum publ. constitutiones, quam quæ vero amo-

ri & priscae sinceritati sunt ignotæ. Iniquum enim esse clamant, & naturæ contrarium, exemplar divinum exprimi in humanis, neque ex communi natura corrigendam esse privatam. Item, errorem primum esse Platonis, dum viam quandam philosophandi sequatur altiore quam eius respublica in Utopia valeat sequi. *Arn. d. rel. lib. 1, cap. 1, sect. 10, num. 2, 3, & seqq.*

Tantumne, ô vani philosophi, flagitium vobis, & tot absurditates is committit, qui cum Platone amorem in Deum & proximum pro fundamento reip. optimæ subternit? An inde Plato tot crimina torque monstra edidit, quod rerum communionem amori proximi adscripserit? Eho, mi Case, an inde tot eventa sint portentosa expectanda, ut tu narras? nimirum, negligentia rerum, negligentia morum, oscitantia civium, ruina civitatum, horribilis denique uxorum, liberorum, omniumque in Republ. confusio ac perturbatio? An hinc tot lites, iurgia, clandestina consilia, bella, tumultus, cædes, aliaque sexcenta mala, quibus veluti magnis terræ motibus fundamenta civitatum concutiantur? Credo certe, cælum cum terra conturbatum iri, si res ita sese ha-

haberet. Sed admodum largi estis vos ambo, tu Case cum Relectore illo, in enumerandis iniuriis, & disseminandis calumniis. An Plato in eam rempublicam, quam optimam ipse putat, tot execranda coacervavit extremæ perditionis vitia, quæ tamen sanctissimo efficacis amoris & mutuæ dilectionis clypeo omnia inde expellere piissime conatur? Sed unicum illud vocabulum *amor* sive *charitas* omnia vobis fragmenta funditus subvertit & pessumdat. Si enim amare Deum, & diligere concivem suum, ac iustum æquumque unice expetere, tantam perniciem reip. secum afferret, & iuri naturæ tantam vim fecerit, tot ei contralictiones & scelera infligendo, nescio sane, quomodo Salvator mundi, qui propterea cælo descendens mortem subiit atrocissimam, ut amorem declararet suum, & amoris Dei nos & nobis eum reconciliaret, heic vobis possit excusari, quod tot beneficia ex amore suo in mundum ingratum contulerit. Vah uti metuo, ne nimis vos in Christum blasphemii, & in vos iniuriosi, in totum denique piorum cœtum invidiosi heic compertiamini. Vos vobismetipsis consulite, & ad saniora in tempore revertimini: Quid Christus Iesus ipse in verbo cœlesti

per Apostolos suos insultui huic vestro opponat, id paucis percipite. Etenim, propterea ne Plato graviter culpandus sit; num, inquam, graviter errer, quod ex communi amoris vinculo communem exædificat salutem; id iudicent alii. Verbum Dei est veritas, & manet in æternum. Si Plato vobis ita durus videtur, videte num Christus molliora heic proferat. Heic videte, utrum ab eius dulcissimis præceptis abhorreatis, an vero Christiani veri, Christique participes spiritus fieri tam alieno abrepti imperu queatis. Nonne absurdum est ex ficu spinas colligere velle? Ex melle venenum conficere, more aranearum, extrema est malitiæ, dementiæque. Sed audiamus Christum.

Doctissimus quidam inter legum Mosaicarum interpres, quum ex Christo tentationis ergo quæreret, quodnam esset summum legis præceptum, respondit Christus eidem ex Mose *Deut. 6, 5*: Diliges Dominum Deum tuum ex toto corde, anima, & viribus tuis. quod est summum & maximum præceptum. Alterum vero huic simile est: Diliges proximum tuum sicut teipsum. *Matth. 22, 37, & seqq. Marc. 12, 31. Luc. 19, 18.* Quod doctor tentationis, quasi in conscientia victus, ipse

ipse statim confiteri, & adeo approbare tenebatur, ut etiam affirmaret, dilectionem & amorem, non sui, sed Dei & proximi, summa devotionis sanctissimæ opera, id est, omnia holocausta & sacrificia, exuperare: proinde hoc etiam addit cum singulari affectione: Veritatem certe dixisti, *inquit, Marc. 12, 32.* En tantæ virtutis est amor & dilectio, ut etiam invitos compellat ad veritatem confitendum, & eos in conscientia victos constringat. Ideo etiam iubet Christus, quod inimicos diligere debeamus, & iis benedicere, qui nos execrantur, atque benefacere iis, qui nos oderunt, &c. *Matth. 5, 44.* At, *clamant isti*, hoc repugnat naturæ, & contra eius ius est. (Quur itaque id à nobis requirit Christus?) Talis non datur respubl. in terris, aut, Vbi est talis civitas? Nihilominus præcipit hoc ita Christus, & quidem propterea. Ut sitis filii patris illius vestri qui est in cælis. *v. 45.* Nam, si dilexeritis eos, qui vos diligunt; quam mercedem habebitis? Nonne & publicani idem faciunt? Et, si complexi fueritis fratres vestros solum; quid amplius facitis? Nonne & publicani ita faciunt? Estote igitur vos perfecti, ut pater vester ille, qui in cælis, perfectus est.

v. 46, 47, & 48. Sic & *Luc. 6 v. 32*, ait: Quod si diligitis eos qui vos diligunt: quæ vobis erit gratia? Nam peccatores diligunt eos à quibus diliguntur, &c. Nimis durum est, *inquiunt Platonimagistes*, quod natura hominis non fert. An igitur cernitis, vos domini, in quo regno vivatis? & cuinam reipubl. tam fervens præstetis patrocinium carnale? Quam charitatem, amicitiam & harmoniam Christus in regno euangelii sui, & Plato in sua republica, *ut in Lyfide videre est*, efflagitare audet, tamen si nullius commodi respectu fiat, legitimam tamen eam hic vocat, utpote ex libertatis suæ profluentem ingenuitate, neque propterea, quo paria recipiat, sese exerentem. *Luc. 6, 34.* Amicus enim verus nullius rei gratia est amicus. *Plat. ibid. pag. 113.* Proinde amicitia quoque vera nil aliud præter animum in amico diligit, & cum illo se adunit; *ut idem Plat. dicit in Alcibi.* Sicuti D. Paul. charitatem ita extollit, ut eam impletionem legis appeller; quum neminem malo afficiat. *Rom. 13. 10. & Gal. 5, 14.* Nam revera per charitatem serviunt alii aliis. *Ibid.* Atque inde profuit quod Christus iubet *Matth. 7, 12. & Luc. 6, 31*: Quæcunque volueritis, ut faciant vobis homines, ita & vos faci-

tote

tote eis. Ista enim est lex & prophetæ. At quisnam sibi ipsi molestus aut iniuriosus esse velit? Ceu & Christus adolescentem, qui veræ salutis opera ex eo sciscitabatur, ad dilectionem eam, quam ex amoris naturalis lege omnibus debebat, remisit. *Matth.* 19. & *Marc.* 10. Imo eo usque hoc dilectionis mutux præceptum extollit Christus, ut pro vero symbolo & nota sui regni hoc ponat. *Ioh.* 13, 34, 35. quod severissime repetit *Ioh.* 15, 12. Ita etiam. D. Paulus, dum omnes virtutum vires induere suos iubet auditores, tandem ad fundamentum omnium recurrit, & ait: Super hæc autem omnia, induimini charitate, quæ est vinculum perfectionis. *Col.* 3, 14. Namque finis mandati est charitas ex puro corde, & ex conscientia bona, & fide non ficta. 1, *Tim.* 1, 5. Imo omnia dona atque virtutes pro nihilo habet nisi charitas adsit. quod his verbis testatur: Si linguis hominum loquar & angelorum, charitatem autem non habeam, factus sum æs resonans, aut cymbalum tinniens. Et, si habeam prophetiam, & noverim mysteria omnia, omnemque notitiam, & si habeam totam fidem, adeoque ut montes transferam, charitatem autem non habeam, nihil sum. 1, *Corinth.* 13, 1, 2.

Ideo-

Ideoque sic exhortatur secum omnes, *Ephes. 4, 15, 26* : Syncere nos igitur gerentes in charitate, prorsus adolescamus in eum qui est caput, nempe Christum, ex quo totum corpus congruenter coagmentatum & compactum per omnes suppeditatas commissuras, ex vi intus agente, pro mensura uniuscuiusque membri, incrementum capit corpori conveniens per charitatem. *velut id pertexit & 1, Cor. 12, 12, 13. &c.* Sed tandem cum D. Paulo concludamus hunc locum istis verbis : Estote igitur imitatores Dei, ut filii dilecti, & incedite cum charitate, sicut & Christus dilexit nos, & tradidit semetipsum pro nobis. &c. *Ephes. 5, 1. & 2.* An non igitur optima sit respubl., quæ ex amore istoc vero possit componi ? Num Plato in eo erravit ? Ergo Christus ? &c. Absit tam blasphema conclusio. Plura heic testimonia adiicere non libet. Cui placet, addat *Exod. 23, 4. Lev. 19, 18. Dent. 22, 1. Proverb. 15, 17. & 24, 11. & 31, 8. Syr. 25, 2. Esa. 1, 17. & 58, 6. Matth. 21, 39. Ioh. 13, 34. 1, Cor. 14, 1. & 16, 4. 2, Cor. 2, 8. & 6, 6. Galat. 6, 2. Ephes. 3, 17. Phil. 2, 1, 2. Col. 2, 2. 1, Thess. 3, 12. & 4, 9. 1, Tim. 1, 5. & 2, 15. 2, Tim. 1, 13. & 2, 22. & 3, 10. Tit. 2, 2. Hebr. 10, 24. & 13, 1. Iac. 2, 27. 1, Pet. 1, 22.*

¶ 2, 17. ¶ 3, 8, ¶ 4, 8. ¶ 5, 14. 2, *Petr.*
1, 7. 1, *Iohan.* 2, 10. ¶ 3, 11, 14, 16,
18, 23. ¶ 4, 7. 11, 21. 2, *Ioh.* 5. *Iud.* 21.
¶ c.

Sed Casus cum Relectore illo obii-
ciunt, quod unio & communio con-
iugum, liberorum, & bonorum, maxi-
me in republ. Plat. detestabiles sint;
adeo ut natura quoque abhorreat eas,
quum incestus pariant, prohibitionem
divinam impugnent, pudorem & mor-
sum conscientiae iniiciant, storgen ex-
tinguant, viam patricidiis aperiant,
gradus cognationis tollant, studium se
& suos conservandi suffocent, princi-
pia virtutum eradicent; quod talis
unitas destruat civitatem, communio
bonorum seges sit litium; quod con-
cordia interna sola felicem republ.
hanc praestet, inducat neglectum re-
rum publicarum, & publica demum
hinc postponantur privatis. Tot ca-
lumniae & phantasiae inveniuntur apud
Casum, *Sph. civ. lib. 2, cap. 1, ¶ 2. Arnif.*
in pol. cap. 2, p. 40, 41. ¶ seqq. Item in
rel. p. 1, sect. 11, num. 1, 3, 6, 9, 11, 15,
19, 29, 42, 43, 45, 46, 47, ¶ 49, sect.
12, per tot. Item cap. 7, rel. num. 4. Sed
haec atque similia per meram calum-
niam colligi & torqueri in Plato-
nem, ex superioribus patet satis;
quum nihil aliud ipse intenderit,
quam

quam quasi ignarus reipubl. Christiana-
na ansam alicui in manum porrigere.
velut etiam ait, quod respubl. hæc
diis, aut filiis deorum, (quos Christia-
nos esse, & Christianorum filios, Chri-
stiano denique subditos regimini, *pra-
ter Gen. 6, 2. Matth. 5, 9. Ioh. 1, 12.
Rom. 8, 7, 16, 17. 1, Ioh. 3, 9. cum primus
ex Psal. 82, 6. & Ioh. 10, 34, apparet,*)
rectius competat; quum hominum de-
pravatio indignam se hac sorte faciat,
&, uti iam crebro dictum, ab omni
amore iustitiæ & veritatis penitus pro-
lapsi sint. Porro, qui Platonem pu-
blicæ privatæque conservationis ne-
gligentem faciunt, ii totam eius inten-
tionem pervertunt. Etenim quare
ideam reipubl. delineare voluit? An
non propter conservationem mortua-
lium? & quidem talem, qua omnes
in uno corpore perennarent? An non,
qui publicum intendit, privatum in-
time simul curat? Qui corpus ad sa-
nitatem curando reducit, an ille pos-
sit membra reliqua negligere? An
non inde harmonica unionis conso-
nantia ita se prodit ut aperte & evi-
denter perspiciatur? Num talis sanitas
delictum putatur medici curantis? An
ille, qui virtutum omnium cumu-
lum in suam colligere cupit rempu-
blicam, eorum principia eradicatum
ibit?

ibit? An non propterea politiā iustitiæ epitheto insignivit, quod nil nisi iusta & amoris plena in ea exerceri expetat? An communia ministeria coniugum, sint commixti concubitus? Num ministerium cum concubitu idem? An non pœnas stupri, adulterio, &c. decernit? An non cuique suam propriam à custodibus civitatis vult assignari coniugem; & quidem accurata selectione coniugum, ne contraria mixtura seminis fiat? An non cuique coniugio suas deputat nuptias? An non in his ipsis adeo accuratus est, ut etiam *lib. 6, de ll.* plene disponat quales esse debeant, quod tempus, ætas, sumptus, impensæ, locus, quæ personæ ad eas contrahendas requirantur? Nonne etiam satis evidenter *lib. 7, de ll.* de educatione puerorum agit, ita ut dilucide illius circa hanc sententia intelligatur? Etenim, quæ *lib. 5, de rep.* Socrates ex propria opinione immiscet, pro suis accipi non vult. Quem etiam ita loquentem introducit, ut qui non tantum invitatus hæc & à collocutoribus plane eo adactus, admodum tamen trepidanter, protulerit sed etiam, quæ de mulieribus & earum filiis obiter prioribus aspersa fuerunt, quasi cum protestatione, & diffidentia sui, prorsusque de alia republica,

non sine magnis ambiguitatibus affirmavit. Proinde Plato quoque excusationem apertam his verbis interposuit, ne scandalum quis forte inde arriperet. Vis ergo, ut nos pro (N. B.) aliorum causa, ait, nobis ipsi adversemur, ne sine defensione, quæ sunt (N. B.) rationes alterius, oppugnentur? Dicamus igitur sub eorum persona hunc in modum, &c. Ex quibus satis manifeste apparet, quod in his omnibus Plato non ex se, sed sub aliorum persona loquatur. Quare, quoties suspiciones culpæve malevoli in hisce aucupantur; non tantum ambiguitatibus id omne laborat; sed etiam aliorum, & nullatenus Platonis, ab istis refellitur sententia. Nihilominus obscuræ hæ locutiones sapientem & perquam eruditum requirunt lectorem, censoremque longe cautiorem, quam hi tam importuni iudicii auctores. Quod vero tandem Plato philautiam tam atrociter semper impugnat, & cives suos in sua republ. ita à donis & bonis mortalibus retrahit, ut ea cum fratribus communiter participari velit; idem ferme agit atque is qui ad veram Christianitatem allici omnes suos exoptaret cives. Etenim annon & ipse Christus in verbo suo nostri nostrorumque bonorum

rum abnegationem nobis adſidue inculcat ? *Matth.* 16, 24, *Marc.* 8, 34. *Luc.* 9, 23. & 14, 26. *Roman.* 6, 4. 2, *Cor.* 4, 10. & 5, 17. *Gal.* 5, 16. *Eph.* 4, v. 1, 2, 22. & 5, 2. *Tit.* 2, 12. *Hebr.* 4, 10. & 12, 16. 1. *Pet.* 1, 22. & 2, 5, 24. & 1. 4, 1, *Ioh.* 5. 19. *Ioh. Ann. de ver. Chriſt. lib.* 1, cap. 28, & cap. 30. *lib.* 3, cap. 10, & cap. 21. Præclara eſt heic illa ſententia Pauli *ad Phil.* 2. 1. quæ omnia hæc continet. Si qua conſolatio eſt in Chriſto, ait, ſi quod ſolacium charitatis, ſi quæ communio ſpiritus, ſi quæ viſcera ac miſerationes: Explete meum gaudium, ut itidem ſitis affecti, eandem charitatem habentes, unanimes & ſententiis uni: nihil gerentes per contentionem, aut per inanem gloriam; ſed ex modeltia aliis alium ſe præſtantiorem exiſtimans. Ne ſua quiſque ſpectate; ſed unusquiſque etiam quæ ſunt aliorum. *verſ.* 2, 3, 4, & 5. Quod etiam accurate reperit 1, *Cor.* 10, 24: Nemo quod ſuum eſt quærat; ſed quiſque quod alterius eſt. &c. Ac ne quis mundo ita prave abutatur, addit ulterius. Hoc autem aio fratres, quoniam tempus contractum eſt in poſterum; ut & qui habent uxores, ſint ut non habentes: & qui flent, ut non flentes: & qui gaudent, ut non gaudentes: &

qui emunt, ut non obtinentes: & qui utuntur hoc mundo, ut non abutentes: Præterit enim species huius mundi. Velim autem vos absque sollicitudine esse. 1, *Cor.* 7, 29, 30, 31. In quo sanctissimo dicto divus Paulus causam malorum omnium quasi uno complexu quam artificiosissime exprimit, radicatum detegendo fundamentum, simulque fratres amicabiliter omnes Corinthios suos vocitando. quod etiam Christus facit, *Matth.* 12, 47. & 13, 55. *Marc.* 3, 31. & 6, 3. *Iob.* 2, 12. *Matth.* 18, 21. & 23, 8. *Rom.* 14, 15. *Luc.* 17, 4. Sic & Iohannes fratres & filios Christianos omnes vocat. 1, *Ioh.* 1, & 2, & 3. Ut inde Platonica analogia satis elucescat, quæ vult, ut iuniores loco parentum seniores venerentur atque compellent, &c. Quum autem omnis malitia ex hac pullulet philantiæ radice, & quidem ea quæ in tantam vitiorum arborem porro excrescit ut universum terrarum obte-
nebrete orbem; eo quod unusquisque ex innata philantia sibi quodvis obiectum appropriare, & in hoc appetitus sui voluptatem carnisque delicias deponere satagit: id rite examinandum est nobis hoc loco. Plato, ceu vere realis philosophus, id quidem omne penetravit, at hominum pervi-
cacia

cacia quum nullum horum mysterio-
rum agnoscere velit; & tamen Platoni
Teutonicus noster in eo manum egre-
gie porrigat: eius explicationem me-
lioris informationis gratia subnectere
heic lubet. id quod & æquitas ipsa
postulat. *ea desumpta est ex eius My-
sterio magno. sive commentar. in Gen. 33,
de exordio secunda monarchie, & de fœde-
re Dei cum Noacho.*

CAP. XIII.

*Illustratio reipublica Platonica, ex caus-
sis politia Teutonica; unde speculum
& comparatio generalis reli-
quarum rerumpublica-
rum peti queat.*

Q Vum Iehova Noacho & liberis eius
per sacrificium ex fœdere cum illo
compacto benediceret, & fœcundita-
tem illis demandaret suam; in libero
dominio iisdem universam rursus con-
credebat terram, cum omni exercitu
eius; adeo, ut, quodcunque vita frue-
retur, illis subiectum & proprium ef-
set. Omnia illis in communem usum
tradebat: nec discrimen ullum inter
Noachum & liberos eius in hoc inter-
ponebat. Neminem ad proprietatem
domini aut servi, sed ad paritatem

omnes destinabat. Nullum præ alio nobilitate aut ignobilitate donabat: Sed, quemadmodum ex arbore una multi rami excrescunt, & tamē omnes solummodo unicam arborem repræsentant; sic etiam constituebat humanam arborem in terris, & cunctis simul illis absque ullo discrimine aut prohibitione omne genus animalium, piscium, & avium, submittebat; excepto eo, quod carnem cum sanguine non deberent comedere, ne vita bestiali denuo in monstrositatem inciderent. Iehova iubebat quidem, ut omnibus animantibus & creaturis dominarentur; ipsis vero nullum imperium singulare hoc loco inter se invicem committebat. Namque omnis dominatio, qua alter alterum deprimat, oritur ex Ararat tanquam ex ordine naturæ secundum astrorum & sub astris dominantium proprietates: At imago Dei non aliud imperium in membris suis obtinet, quam arbor in suos ramos; animalis imago ex astris & quatuor elementis sibi conficit dominationem iuxta matricis suæ formam, ex qua emerfit, & in qua vivit. Velut etiam leges omnes & externæ præceptiones, quas Iehova homini demandavit, ad ordinationem naturæ spectant, tanquam in effatum & formatum

matum unde verbum; quod Deus homini in proprietatem addixit, ut in eo secundum sophiam Dei cum homine interno spiritali dominetur, atque sibi metipsum secundum spiritum sapientiae inde ordinem conficiat. Quidquid homines in ordinatione sua heic sibi conficiunt, in hoc se iudicem constituit, & ultimum sibi reservavit iudicium, falsitatem à veritate separandi. Omne, quod non ex veritate, iustitia & charitate sive amore procedit, in hoc iudicium Dei censuram agit. nam id per falsos spiritus tenebrarum in Turba magna procreatur, & in humanas proprietates infunditur, velut in falsam astutiam, & mendacem sapientiam, quæ regni Dei hæres nunquam erit. Regiæ & principales dignitates omnes, omnibus cum dominationibus & iurisdictionibus, ex ordinatione naturæ proveniunt. In imagine autem Dei nulla est coactio aut vis; sed libera cupidissimi amoris servitus; veluti membrum in humano corpore, & frutex in arbore, alterum alteri libentissime servit, & gaudia inter se mutua participant. Quum vero homo in externe formarum verbum se malum & bonum intulisset, regnum naturæ inde sanctum ipsi dominium eripuit, seque ipse proprietati humanæ violenter insinuavit.

Quod si vero illud recuperare homo debeat; ex Deo necessum est ut nascatur; atque ita illi in nova regenerata vita secundum Dei Spiritum ipsi imperare naturæ conceditur. In spirituali quidem mundo existunt ordines, & angelorum principatus; verum omnes absque ulla violentia in amabili amoris officio & voluntate, ceu membrum corporis unum alteri officia præstant. Quidquid homo sub regno naturæ in suam rapit potestatem, eo per superfluitatem abutens, membrisque suis congenitis id subducens, ut inde in egestatem redigantur, & iure liberratis simul suo priventur; illud omne in Turbam magnam, ceu naturæ abominationem detuditur, iudicio Dei ad diem extremæ sententiæ sistendum. Natura nil præter ordinationem exigit; differentia autem & officia singulorum ipsa subministrat: at Turba abominationem suam ex mundi tenebrosi libidine submiscet huic; id quod superbia, invidia, cum iracundia, & fraudulentia, abunde restantur. Quinque hæc vitia meretricium partum suum in naturæ regno producant, nunquam ad regnum Dei hæreditatio nomine transitura. Hoc naturæ regnum Iehova loco ordinationis suæ tenet, atque homini in manus id tradidit,

didit, ut illius ope bonum à malo discernat, & perversi appetitus ac voluptatis malignitati iudicem seligat: quia ait; Qui effundet sanguinem hominis, per hominem eius sanguis effunditori; nimirum per ordinationem naturæ, non vero per propriam vindictam; per naturæ ordinem, inquam, id est, per Dei legem, cui soli ultio competit. Quippe Iehova ait; Sanguinem animarum vestrarum ulciscendo reposeam. per quod ordinationem legum suarum intelligit, & earum administratores. Nullatenus autem propterea princeps aut terræ dominus potestatem ullam effundendi sanguinem extra legem Dei habet. Quod si hoc agat, statim eadem lex Dei eundem ad mortem condemnat. Certe nulla omnino potestas ulli in sanguinem humanum heic competit, siue rex siue princeps sit. Omnes enim nudam administrationem in ordinationes legis divinæ repræsentant. Vnde & nemini quam absque singulari Dei mandato potentiam licet ulterius extendere. Lex naturæ quidem illis concredita est; sed tanquam eiusdem ministris, iuxta veritatis & iustitiæ normam, non autem secundum proprium appetitum. Namque Iehova condidit hominem ad imaginem suam in hanc divinam

imaginem regnum naturæ in suo ministerio nullam potentiam illius interficiendi sibi arrogare debet ; sed solummodo externam naturæ formam officium hoc divinæ ordinationis concernit. &c.

Item cap. 74. eiusdem commentarii, ubi de Iacobi ad Pharonem adventu agit, hæc verba leguntur : Hæc figura Iosephi, ubi Ægyptum emptione sua Pharoni in proprietatem redegit , atque subditos mancipia effecit, nihil aliud significat, quam, quod Christus nos in summis angustiis & fame exitii nostri pereuntes , ab ira Dei, per gratiam mancipationis suæ , proprio sanguine ac morte redemerit; atque inde nobis verbi sui semen largiatur , ut eo vitam hanc nostram naturalem , tanquam ipsius coemptum agrum , conseminemus , atque ex huius seminis fructu quintam ipsi partem, videlicet partum amoris, seu quintam proprietatem vitæ, (id est, amoris,) reddamus. Namque in quinta proprietate hac (*septem proprietates, ex numero planetarum petitas, explicat alibi : heic autem venerem intelligit*) consistit fides , quam filii ipsius eidem reddere tenentur. Hanc convertit in horreum parentis sui , eam æternæ vitæ atque manifestationi divinæ miraculorum suorum destinando.

do. Quod vero terreni homines talem servitutem commenti sunt, qua sese invicem in mancipatione detinent, & torquent, angendo alter alteri sudorem exuentes, ut inde superbiam vivere queant hoc imaginem iræ Dei refert. qui etiam iuxta cœlestem figuram se ita depingit. Omnia enim iuxta verbum Dei figurationem adsumunt: quanquam nonnullæ res in malum, tanquam ad iram Dei, sive iuxta infernales proprietates, figuram recipiant; nonnullæ in bonum, regno Christi accedentes. Sanctis enim sanctum se exhibet Dei verbum, perversis autem in furore Dei manifestatur. Qualem populus sese exhibet, talem quoque Deum sortitur: *ait S. Scriptura.* Terreni homines imaginem suam in iram Dei derrudunt, dum mutua servituteterribiliter se invicem discruciant, affigunt, & enervant; atque hoc iuri tamen adscribere non verentur. In naturæ quidem & iræ Dei furore ius sibi tale invenit, & figuram inferni inde repræsentat: at tamen figuram simul regni Christi in cœlesti proprietate declarat. Nam quidquid homo terrenus in dolore & mærore peragit, id Christus in suo regno in liberis per gaudium, amorem, humilitatem, & virtutem operatur.

ratur. Terrenus homo fratrem suum labore, genio, sudore victuque fraudat. Christus itidem filiis suis voluntatem malam & conflictus, dum in Deo operantur, & in dolore multaque anxietate eo tendunt, adimit. Hunc laborem, inquam, omnem Christus ab illis aufert, atque in thesauri sui conditorium colligit, &c. Et quandoquidem veteris Adami onager semper refugit divinum subire opus, proinde sæpius ita compellitur, ut nil nisi pœnas sentiat pungentes, quando Spiritus Christi gehennam & iram Dei conscientiae eius minitatur: Sicuti etiam terreni domini in mundo subditis suis oneri sunt, figuram Christi quidem, munere tamen inæquali, exprimentes: Christus enim parenti suo per operationes filiorum suorum multos cœlicos fructus colligit; qui reddentur homini, ut inde in æternum exaturetur. at mundanus ex afflictorum sudore ingentes opes congerit, in arcamque suam honori proprio recondit. qui labor equidem nunquam retro in afflictos exundat in hoc mundo; sed Christus magnum iis præmium ipse est, eo quod huic figuræ iræ Dei heic in miseria operam hanc navare cogebantur. Caterum in fine, ubi terrena officia & dignitates in
horrea

horrea atque repositoria sua, quibus hanc præstitere servitutem, recepta erunt, ibi inæqualia promptuaria aperientur. Longe plurimi erunt, qui in regno iræ Dei infinita congesserunt, è quibus in æternum alimoniam sibi sumunt. uti sunt egenorum imprecatio, dolores, timores, cruciatus, & inquietudines miserorum. Quidquid illi per coactiones suas in subditos properant, hoc ipsis post hæc tempora in æternum nutrimentum cedit. Nam quod heic seminatur, ibi in æternæ vitæ horreo invenietur repositum. Omnia huius mundi officia, Dei sunt, & omnes officarii à Cæsare usque ad infimum, Dei sunt. Verum imparibus ministeriis defunguntur. Hic in amore eius ipsi servit, tanquam servus Christi, alter vero in ira eius ipsi servit, tanquam mancipium inferni. Quisquis mortaliū in mundanis istis ministeriis appropriatione sua sibi multa convehit, neque Deum neque ordinationem eius respiciens, neque hominibus inferviens; is servitutem servit iræ Dei, & inferno colligit messem. Nam omnes principum thesauri & potentum opes in utilitatem publicam fratrum sustentatione ordinis boni, officiorum, egenorum, & ægrotantium convehi deberent. Quemadmodum pa-

terfa-

terfamilias in bonis suis negotiatur, & manuum labores in *κεφάλιον* recipit, unde tamen omnes eius ministri alimenta percipiant; quod vero abundat, in communem usum liberorum coniugisque, aut aliam necessitatem adserveretur: eandem quoque officiariorum collectio rationem habet. Omnia in commune bonum conferri debent; alioqui tale gazophylacium iræ Dei subiectum, & iudicio illius expositum manet. Quando hodie potens dynasta nihil honoribus, voluptati, superbæ non vendicatum finit; ad eam conferciendam graviore subditos exactione opprimens & exsiccans; vix etiam egenum canis loco habens; sic porro in corde secum loquens; Hæc jure mihi debentur: sunt emptæ, hæreditate acquisita: Omnia istæc in ira peraguntur. In hac appropriatione omnes serviunt satanæ, tanquam in figura iræ Dei. &c, Quælibet appropriatio hæc opus gehennæ est, ut ut agas. Nullum coram Deo valet exceptionis refugium. Quidquid eorum est, id omne gehennæ colligitur. Iehova cordis radicem exigit, & sibi fideles postulat administratores. Ast miser & egenus discat, quod in dura hac servitute (si absque murmuratione fideliter ea defungatur) Christo suo serviat, dum

dum in hac miseriarum domo thesaurum cœlestem sibi acervat, quum alias in voluptate carnis sibi pereundum fuisset. &c. Ideoque illis, qui Deo serviunt, cuncta in bonum cedunt. Sic figura in historia Iosephi hoc loco intelligenda est: quamvis eius acta singulari prorsus cura secundum dictamen Spiritus Dei conscripta sint; qui in omnibus semper potiozem regni Christi, quam externæ historiæ cum cura consignandæ rationem habuit. Historiæ enim biblicæ non tantum propterea annotatæ sunt, ut inde nobis veterum res gestæ & vita innotescerent, ut Babel somniat; Minime: Christi, ut & orci regnum, undiquaque in iis nobis est depictum. Visibilis figura semper indicat internam sive invisibilem, quæ in spiritali homine manifestabitur. &c.

Proinde quoque idem autor *in lib. de triplici vita* talem nobis præscribit politicæ vitæ & Christianæ normam, ut ex sequentibus id rectius patescere potest. *Cap. 12. Quomodo semita vitæ per hunc mundum ducens in regnum Dei inveniri possit.* Ex ratione, spiritu carnali videlicet, egrediendum est omnibus, & quisque cordis ac mentis sensus omnino in voluntatem Dei deponere debet, atque suam voluntatem

tem voluntati Dei prorsus insinuare; ne quis peculiarem viam commentis rationis aut perscrutationibus sibi excogitet, quærendo, Vbi est Christus? Dirigite semitam omnem in Christum, & certo estote, quod ille corda vestra inhabitet. Huic consecrate vos in plena humilitate; in eius voluntatem & arbitrium omnes vestras actiones & proposita conicite: nihilque aliud singulis momentis cogitate, quam stare vos perpetuo coram ipsius clarissima facie; Christum autem in vobis iridi insidentem à dextris esse Dei. Hæc omnino adfida sit meditatio vestra, quod singulis momentis sanctæ Triadi sistamini, & Iehova semper cordium vestrorum triada in abyssu quoque suo prober & perspiciat. Quin etiā hoc date operam, ne ullam in profunditatem penetrare conemini, præterquam ut in unum eius amorem & misericordiam vos penitus immittatis, nec inde ulla parte recedere, potius autem inibi in perpetuum manere & subsistere cupiatis. Secundo hoc quoque apud vos concludite, quod summum Iehovæ beneplacitum omnino expleatis, si fratres ac sorores vestras in hoc mundo, sint qui velint & cuiuscunque opinionis, per amorem vestrum quærat, & visceribus vestris complectamini, proque
iisdem

iisdem preces effundatis; pro expugnatione diaboli denique subeatis luctam; eosque, quantum fieri potest, in humilitate informeris: Si vero hoc non admittant, induite vestitum Christi, & exemplo vestro illis doctrinā vividam exhibete. Prompti illis sitis in servitio præstando: remittite iisdem, si in vos quid deliquerint. Quod si vos calumniis proscindant, benedicite eis: Si vim vobis inferant, nisi id molliter avertere queatis, & aufugere, nil curetis, & cogitetis, quod heic hospites duntaxat sitis. Nulli mortalium amorem vestrū subducite: quippe Deus vester, qui in vobis vivit, nemini se subducit qui illum quærit. Sic promptus adversario tuo, si quando se forte convertat. In commerciis & negociis rerū diligite iustitiam: cogitate, quod omnia opera Deo operemini: digne nobis in hoc mundo vivendum est, tanquam iis, quorum operationibus & commerciis omnibus vitæ huius miseriæ & ætumnæ adhærēt. Non debemus nos in latebras & claustra angulosve abscondere; quia Christus ait, Luceat lux vestra coram hominibus, ut videant opera vestra bona, ac pater vester cœlestis inde celebretur. Omnia ex toto corde peragite, & sincera mente: Cogitate, quod Christo ea faciatis, & quod Christi spiritus in vobis

ea operetur. Parati sitis singulis horis, & expectetis sponsum vestrū. Nullam eordi vestro, ad aliam amplectendam sententiam, aliave prater Christum meditanda, intercapedinem concedite. Multa scire non expedit vobis. Quisque suum opus curate pernoscat, ut inde alimenta corpori procuret, seu nunc illustris sit seu idiota. Illustris iustitiā & falsum à puero addiscat discernere, quia administrator Dei est. Quidquid agit, iudicave, Deo iudicat, Deusque per illum. Idiota sit humilis & benemoratus, ut coram ordinatione Dei. Si vero iniuria ipsi fiat, nec ea possit emendari; consideret, quod iniuriam hanc propter veritatem perferat, & sibi summus in Christo sit honos corā Deo. Semper in omnibus actionibus negotiis, vitæ usu, & commerciis, ante oculos vobis obversetur iudicium Dei, dispicientes vobiscum, qui innocenter vivatis. Namque temporis huius mora brevi elabitur. In agro accretionis heic florescitis; videte, ut Deo bonum edatis fructum, in quo omnes angeli & exercitus cœlestis latentur. Neminem odio persequimini; Nam, qui alium odit, diabolum excipit convivio. Estote sobrii & temperantes. nec vobis mundi huius libido persuasionem suam imponat, ac si vere alicubi existeret:

pau-

pauxillum ei ne immoramini, singulis
 horis è morte in vitam concedite. Vos-
 metipfos cruce pœnitentiæ affligite se-
 ria, malumque deferite. Quod si pro-
 pter pietatem contumeliose vos perse-
 quantur alii, & calumnientur, ac men-
 daces in eo sint; lætitia summa exulta-
 te, quod digni facti sitis propter Christi
 gloriam aliquid perpeti ignominia.
 Quod si calamitas quædã sit superan-
 da, absit desperatio, sed cogitate, quod
 in voluntate Dei vivatis: non ille plura
 vobis imponi sinet, quam possitis per-
 ferre. Avertite oculos vestros ab avari-
 tia, & superbia, atque fastu: ad illane
 respiciatis: quippe diabolus per hæc
 superbiæ artes retia sua exponit: nolite
 eius incurrere calles. Semper estote pru-
 dentes, nec unquã securi; quia anceps
 ille circumit vos undique, & investi-
 gat qua ratione capere quẽ valeat. Vbi
 boni exagitantur, nec accedas, nec eorũ
 in flagitiis capias partem: neutiquam
 talia vestras tangant aures, ne diabolus
 risibili stultitia vos titillet, & ita ve-
 neno hoc inficiamini. In summa, Ie-
 hovæ in Christo vos totos consecrate,
 & adorete Patrem in nomine & pro-
 missione Christi, & poscite vobis spi-
 ritum eius sanctum ex pollicitatione
 Christi. Sic accipietis eum; quia ipse
 verax, qui illum promisit nobis: nul-

lus ille m^oditur: certo accipietis. Huius soli totos vos dedit; quod omnium maximum præcipuumque est. Omnia in eius deponite voluntatem. Quod si istum habeatis, is satis vos informabit quid sit agendum. Ille docet vos loqui: Ille suggerit animum & intellectum, quomodo vos gerere debeatis. Nolite curas concipere propter res, quæ vobis apud homines gerendæ incumbunt. Sed committite ipsi omnes actiones vestras; ille in vobis perficiet quod Deo sit gratum. Quod si zelotem agat, & ignem ex cælo à Domini Domino advocet in improbos; hoc ei placet ita, quia impius hunc concitavit. Solummodo in virtute Dei incedite; atque sic omnes actiones vestrae Deo placebunt: Nam si quis in necessitate periculi se ab hoste suo defendat, absque aliqua cupiditate; non adversatur Deo: quia, cuius ardent ædes, is extinguit flammam. Annon Israël concessit defensionem suam? Qui belli initium facit, ille est administrator diaboli. Omnia enim bella urget ira Dei, in qua diabolus habitat. Iehova nullius belli auctor est, quia nos in amore creabat, ut paradysum in mutua & amabili charitate coniunctim, velut filii optati, incoheremus: Ast diabolus invidebat hoc nobis, & nos in spiritum mundi deducebat; qui bella
&

& omnis generis mala in ira Dei exsuscitat, ut invicē nos odio persequamur, & mutuo interficiamus. Quandoquidem igitur in hac miseriarum valle tantis inimicitiiis circumdati sumus, & inter perpetuas spinas & aculeos crescimus; summam certe nostri curam habere debemus. omnium autem maxime ab eo nobis cavendum est hoste, quem in sinu nobiscum circumgestamus, exitialem nostri perditorem; animum dico nostrum cum sensibus suis, in quibus arcem deprædatoriam diabolus sibi delegit. neque exiguo labore inde expelli potest. Sæpius ille subrepens animum nostrum occupat, & in insidiosas vias nos blande seducit, ut existimemus, nullo in errore viventes, totos in Dei viis nos incedere. Tunc necessum est, ut statim nobis Lydius ille lapis adsit, id est, dulcissimus ille erga Deum & proximum amor, conscientie dictitans, quousq; in veritate ambulemus. Et omnium maxime hoc cavendum est, ne quis sibi sit amicus philautos; opera autem danda, ita ingrediamur, ut Deo piisque hominibus nostras in beneplacito virtutes probeamus. Atque tunc demum, quando in amore Dei, iusticiaque & obedientia fidei, ita incedimus, tunc, inquam, Christum induimus, qui coronam ex

meris margaritis concinnatâ, coronam
scilicet mysterii magni, nobis imponit.
Ille coronat nos sophia sua, ut mirabi-
lia eius agnoscamus, in quibus antehac
cæci viximus. Velut huic contigit ma-
nui, quæ ante tempus denarii numeri,
quum adhuc in primario hæreret, in
simplici ignorantia mysterii, tanquam
ultimus inter minimos hallucinabatur.
Verum, quod auro, quando per ignem
probat, id ipsum & huic evenit. Non
sane putrefactio ulla defuit. Vnusquisq;
pedibus conculcare hanc studebat, quum
ipsi primitus corona porrigeretur. quâ-
rum laboravit tunc diabolus, ut com-
macularet eam, aut prorsus conscinderet!
Obstupefscens ad talia, gratias habere
cogor Iehovæ meo, quoties recordatio
machinationum talium mihi subit. Tot
instigationes fiebāt apud summos, &c.
Confidite vero, ô amabiles filii Dei, &
ad hanc perficiendam luctam fideliter
pergite. Namq; omnes hanc luctam in
vita hac propter angelicam coronam
subimus, quam olim in capite suo ge-
stabat dominus Lucifer. An vero ille
non in furem abeat, qui ditiones &
regna amisit? perinde ac alius quis ve-
niat, & alii eripiat coronam suam, eun-
demque ad ima detrudat, captivumq;
detineat arctissime. Luctamini vero
confidenter dulcissimi filii Christi; Tē-

pus adhuc breve restat, dum sceptrum cum corona obtineamus. Melior Dominus est, quam mancipium vinctum. Afflictiones huius mundi, si quidem ita tolerandum est, ab omni proportionē longissime absunt, si cum venturis gaudiis, quæ in nobis manifestabuntur, comparentur. Constituti heic sumus inter cœlū & orcum, in agro fertili; aut angelus aut diabolus ex nobis nascitur. Cuicunq; igitur cœlum arridet potius, & angelicam appetit formam, vigilans ille sui sit custos. homo facile in momento fatiscit: liberam habes voluntatem, quocunq; eas, ibi eris; quale semen eijcis, tale & metes. Hæc sic dicta tibi sunt, &c. Hactenus Teutonicus.

Si iam igitur quispius & vere sanus non tantum semetipsum hoc modo & sua secum vitæ acta examinet, sed etiam omnes ad infallibilem hanc reipubl. Platonice normâ reliquas compareret politias, & commoda ab incommodis, quæ ex huius ad alias iam constitutas applicatione pridem subnata sunt, abstrahat: profecto vix vestigia aut Platonice aut vere Christianæ inveniet politię. Etenim, quum omnes adulescentes carnis, & qui in huius servitute ætatem degunt, à fundamento vero, quod in regno amoris & regno iræ Dei consistit, aberrant, & so-

lummodo fucata nescio cui applaudat honestati & saluti, ad quam oblique tanquam ad ipsum bonum publicum declinant: fit, ut tales constitutiones abusivæ ad pristinum amoris gratiosi statum reduci nequeant. Memini optime, quæ ipse à puero in aulis passim & rebus publ. observavi & annotavi sedulo: quantopere fucata sint omnia, & e mentitis coloribus depicta: ab amore autem omnes adeo sunt alieni, ut nec amplius constet quid is sit: adeo sinceritatē qui amat, pro ludibrio habetur. Carnales illi adulatores & fora & subsellia undique possident; nec ad aliud superioribus vacat, quam talibus ambas aures ut præbeant apertas. Si quis sit, qui vitia interna vel leviter tangat, samarinam certe non movet tantum, sed etiā pardos & leones cum ursis stimulare, imo & in cavernam formicarum inspuere videtur. Expertus multa perspexi, acta & facta cum damno perdidici: novi summos, medioximos, & imos: spectator fui pro mediocritate mea plurimorum casuum. Namq; omnes tantisper boni apparent, dum occasio sese aperiat malitiam diu interne occultatam exerendi. Pessimos amicitia defraudatores novi, qui ultra triginta annos celare malitiam potuerunt, donec defineret lucrum: Ita cum commodo

evanuit amicitia. Etiam luporum catu-
los nutriti sæpius; & plerumq; eos, qui
Christi nomen religiosissime venditare
videbantur, hostes sum nactus sævio-
res. Ita nusquã propemodum veri amo-
ris vestigia patent. Quæ causa? Educa-
tio Platonica nullibi cernitur, nequidẽ
Christiana. Etenim ubinam tenera æ-
tas amorem erga Deum & dilectionem
proximi addiscat? quum semper in
cæco ethnicismo ad philantiam retra-
hatur, & occinatur ipsi illud malorum
semper caput; Proximus sum ego me
mihi: item; Ordinata charitas incipit à
semetipsa: quum tamen D. Paulus huic
falso axiomati ita se opponat; dicens:
Nemo, quod suum est, quærat; sed quis-
que quod alterius est. 1, Cor. 10, 24. &
Ph. 2, 4. Quum igitur non amor Dei,
sed sui ipsius, in maledicta appropria-
tione propagetur passim, nec dum de
remedio cacoëthi huic Israël applican-
do spes sit: dum omnes non ex Deo,
sed ex regno mundi, & quidem eius
ethnicismo, perversas doctrinas pro-
munt, quibus se longe sapientissimos
esse sibi somniāt: Hinc ira Iehovæ me-
rito suam exerit ultionẽ tantæ perversi-
tatis, & tot atrocibus malis malos
confundit: nec desinet, quamdiu ma-
lum hoc non curatur aut se curari non
fert. Utinam homines ad istud Platonis

speculum in reip. forma tandem aliquando recurrant; nec nimium credant tam loquacibus seductoribus, & ethnicismi commendatoribus perpetuis, qui Christum cum verbo suo tam immaniter extenuant, & facto ipso contemptum habent; aures, inquā, prae iis tandem obturent: tunc spes foret alicuius correctionis, fortisve melioris. Nequaquam homines in eo confirmādi erant, quo suapte sponte plenis abripiuntur velis, à philautia pessime dementati; sed prorsus contraria cura adhiberi debebat. Et quænam potior aut sanior, quam quæ ex ipso ore Christi & verbo cœlesti petitur? Huic, huic à teneris unice assuefaciendi erant omnes. Sic, sic ad se venire & adduci, ac non aliter infantes iubet. *Matth.* 18. Ac quicquid non inde petitur, seductorium est, & amoris Christi contrarium, nec ad naturæ sanctiorem cognitionem quidquam facit. Sic falsæ philosophiæ specioso veneno undique vera inducitur, & suam huic illa eripit palmam. Væ autem talibus, qui vel minimam remoram tenellis animis obiciunt, scandalaquetor creant.

Verum hæc de reipubl. Platoniciæ meliori deformatione, occasione aliorum, qui in politicis suis scriptis oppugnationem Platonis male primo loco & quasi

quasi in frontispicio ponere solent, heic ad calcem eorum quæ de societate privata commentati sumus, inferere volumus; quamvis & aliæ subsint rationes; quas suo loco reservamus, ubi de triplici republica Platonis plenius cum Deo agemus: ut tandem agnoscant plures, quantum errorum & calumniarum in summum philosophum commissum fuerit. Etenim in naturæ lumine ea vidit, quæ nulla terminalis phantasia Stagirensum assequi aut intelligere potest. Digne & in vero sensu accipito verba Piccolominæi, *eth. grad.* 10, c. 25, ubi ita ait: Iure itaque optimo Plato, imitatus Deum, naturamque secutus, in optima id ipsum (quod arctiori amoris & charitatis nodo cōstringitur) esse servandum censuit. Nec Plato huius sententiæ primus auctor fuit; sed longe prius id servarunt alii populi, &c.

Quid attinet igitur tam studio futile eum oppugnare, quem potius omnibus viribus cuique commendare deberet sapientior quilibet?

Sed ex instituti nostri ratione nobis nunc ad partē secundam transgrediendum est; ubi de societate civili, & maxime publica, ut & fœderibus, nec non in specie de laudabili societate Hanseatica, & eius confœderatione, accuratius agemus.

FINIS PARTIS PRIMÆ.

INDEX CAPITVM.

Introductio sive Proœmium. Pag. I.

Contentorum in hac introdu-
ctione conspectus.

D E Imperij Romani Germanici dura- tione, fundamentis & columnis veris, eiusdemque ornamentis illustrioribus, & munimentis.	Pag. 71
Mutationes & paroxysmi Imp. Romani.	78
Comparatio Imperij Romani cum corpore humano generalis.	79
Comparatio Imperij Romani cum corpore humano specialior.	80
Membra Imperij Romano-Germanici alia interna, alia externa.	81
Membra externa Imperij quæ?	83
Vires Germania.	88
Situs & natura Germania.	Ibid.
Status Imperij quid & quæ?	94
Numerus Statuum in generali distribu- tione.	95
Differentia Statuum Imperij generalis.	98
Differentia Statuum specialis iuxta dispo- sitionem classium.	100
De civitatibus, tanquam tertio membro.	103
Enumeratio Civitatum iuxta subsellia Imperij.	104
	Vera

*Vera divisio Statuum ex dignitate privile-
giorum desumpta.* 106

*Civitatum vera divisio, iuxta modernam
Imperij Germanici formam.* Ibid.

*Optima & boni Imperij nota ex Distin-
gatio.* 111

*Imperium Romano-Germanicum unde in
Circulos divisum.* 117

Circuli siue Provincie quot? Ibid.

Circuli cuiusque contenta quae? 119

Ordinatio Circulorum in quibus consistat?
123

De conventibus & Comitibus Imperij. 124

Comitia quid & quotuplicia? Ibid.

*Universali Conventus siue comitia in
quibus consistat?* 125

Causae & negotia Comitiorum ordinaria.
Ibid.

Extraordinaria comitia quae? 126

Conventus particulares. Ibid.

Conventus Electorales. 128

Conventus Circulares. Ibid.

*Officia publica Electorum in comitijs Ele-
ctoralibus quae?* 129

De vicarijs Electorum, qui sint. 135

*De origine Electorum Imperij Romano-
Germanici.* 136

Conclusio Proæmij. 176

Prima pars tractatus generalis
de Rebuspublicis
Hanſeaticis.

CAP. I.

DE *Universitate, Communione & origine civitatum. Ubi insignis ex hac occasione locus Platonis ex symposio eius, iuxta Teutonicum, explicatur.*
Pag. 179

CAP. II. *Uterior explicatio loci Platonici de fundamentali origine societatis: & de mysterio regiminis paradisiaci, sancta ex Teutonico informatio.*
200

CAP. III. *Caput hoc membra continet duodecim.*

Membrum I. *De Societate universim, quid sit; & eius varii sive genuini species, & quomodo inter sese differant, opinionis via prius remota, & re ad veritatem complanata.*
219

Membrum II. *Verbum Iehova minime à politicis negotiis separandum, quum unice veras ipsi supponat conclusiones.*
228

Membrum III. *Summaria Societatis enumeratio.*
231

Membrum IV. *Plenior Societatis & solidior explicatio.*
234

Mem-

Membrum. V. De Societate privata. 236

Membrum VI. De Societate coniugali.
238

Membrum VII. De Societate paterna
& filiali, & utriusque officio. 245

Membrum VIII. De Societate familiae,
& eius notatione. 253

Membrum IX. De Societate herili, &
eius potestate. 259

Membrum X. De iure patrisfamilias &
patronatus. 262

Membrum XI. De servitutis speciebus
apud Romanos. 265

Membrum XII. An servitus sit à natu-
ra? 267

C A P. IV. De servitute; quomodo li-
bertati sit opposita natura? quod exem-
plis declaratur.

I. Romanorum. 269

II. Germanorum mores, antea semper li-
bertati addictorum, à Romanis infecti.
275

III. Franci maxime primi servitutis in-
troduciores in Germaniam. 277

IV. Historica deductio, quomodo Saxones
per aliquot secula libertatem conserva-
rint suam contra quamvis vim forti
manu: cum correctione aliquot Histori-
corum. 282

Error Chronici Buntingi. 293

Locus notabilis Reyn. Renecçj. 300

C A P. V. De callida & secreta quadam
ser-

servitutis dura suggestione, & eius effectibus diris. 307

Privilegium Sigismundi Imperatoris contra nimiam subiugationem iudiciorum, &c. 310

CAP. VI. *An iuste Imperator in Florentino refutetur ab aliquibus, quod servitutem contra naturam statuat?* 334

CAP. VII. *In quo servitutis definitio, ut ab Imperatore est promulgata, & à Ictis explicata, iuste defenditur, & à calumniis vindicatur.* 359

CAP. VIII. *De iustitia belli, & servitute eius, disquisitio & examen.* 397

CAP. IX. *De libertate vera, & servitute Christiana: quomodo hæc accipienda, & quid proprie sit.* 430

CAP. X. *De fructibus Christianæ servitutis, libertatem demonstrantibus genuinam: deque occulte subrepentibus servitutis speciebus aut modis.* 466

CAP. XI. *De residuis private societatis speciebus accidentalibus & accessoriis.* 486


CAP. XII. *De republica Platonica: quod illa proxime ad Christianismum accedat, & præ reliquis quam commodissime ad veram caritatem reduci possit.* 516

CAP. XIII. *Illustratio reipublicæ Platonicæ, unde speculum & comparatio generalis reliquarum rerum publicarum peti queat.* 565

IOHAN. ANGELII
WERDENHAGEN,
I. C. C.

De
REBUS PUBLICIS
HANSEATICIS,

*Tractatus Generalis pars
secunda.*



PARS SECVNDA

De

CIVITATVM

HANSEATICARUM

Fœdere celeberrimo , &
eius fundamentis remo-
tioribus politicis in
genere.

CAPVT PRIMVM.

*De vicis, villis, castellis, & pagis; deque
eorum differentia ac distinctione
propria.*

AMICABILE illud so-
cietatis nomen quod late
fese, imo latissime, exten-
dat, & quam multas suo
ambitu complectatur spe-
cies, id in parte anteriori, cap. 3. satis
indicatum est & ostensum. Nam,
quum in ea rite explicanda tam va-
ria

riarum politicorum distractiones inveniantur; multique partim ex errore & ignorantia, partim ex natura contradicendi, ingeniis nonnullis scripto & sermone contentiosis insita, veris falsa commiscuerint: nonnihil plenius istae omnia, hac occasione data & nata, in gratiam eorum qui maiores in pietate profectus adepti sunt, ex veris fundamentis eruere & enucleare sum coactus; praesertim expertus ipse toties, in quantas tenera inventus profanas hominum depravatorum abriperetur opiniones, ex quibus ægerrime se paucissimi, plurimi vero nunquam per totum ætatis spacium expedire poterunt. Veræ sapientiæ seu philosophiæ propter bonos despicientia excitatur. & id quidem magno conatu boatuque agunt illi, qui perpetuis disputationum clamoribus infausta falsæ suæ terminalis philosophiæ semina passim dispergunt: Vnde fit, ut non tantum adolescentum animi male fascinentur, & à veritatis solidæ studio abhorreere discant; sed etiam venenum hoc pestiferum cum ineffabilibus corruptelis sensim per omnes civitates, respublicas, & regna, in quibus tam male edocti sapientes locum muneris alicuius obtinent, dilatetur. Ideoque non mirum, quod tam diu

veri-

veritatis amor conticescat. Nisi casu forte aliquo quispiam in saniores incidat Auctorem ; pseudophilosophorum nullus erit, qui selectum quempiam scriptorem iuventuti commendet ; ne nimis mature ad penitiora admittantur arcana : qui autem intensius litteraturæ vacant, ii omnes ad magnos & inanes commentatores remittuntur; ne quis facile deprehendat quo infringere auctoritatem illis possit. Si quandoque hoc invidorum secretum levissimo contactu detegere conatus eram, incredibile est, quantas calumnias & persecutiones, non absque periculis sustinere fuerim coactus. Sic & mihi Platonis scripta in cunctis suspecta fiebant primum, & tamen nunc pridem inveni in eo, qualia ex institutione Ægyptiorum & lumine naturæ ipsi cognita fuisse, vix unquam satis mirabor. Proinde nullam fidem tuto haberi illis posse video, qui quoslibet scriptores sine modo calumniari aut condemnare non verentur. Quo magis hoc factitari animadverto ab iis quorum fides à cunctis habetur pro sacra, eo mihi vehementior excitatur ardor ad veritatē penetrandi.

Egimus autem hactenus de societatibus naturalibus, & quæ iis quam proxime adhærent ; & errores plu-

rium, (qui nil aliud agunt quam ut servitutes perpetuæ hominibus ac totis corporibus sociorum imponantur,) & maximopere quidem ad aureæ libertatis emolumentum, (ceu profecto res est plane inæstimabilis,) detreximus atque reiecimus. Proximum nunc est, ut in præsentī de societate civili agamus. Quæ nihil aliud est, quam voluntaria plurium hominum, ex aliquot familiis constantium, inque uno loco congregatorum, coniunctio aut unio; qui eum in finem, ut statum publicum rectius inter se conforment, & rempubl. constituent, conveniunt.

In hac autem societate duo sunt annotanda, quæ ad eiusmodi constitutionem requiruntur; videlicet, continens, & contentum. Locus enim omnino requiritur, ubi hominum talium unio & coniunctio institui queat. In hoc autem non tantum continens illud & spaciū amplitudo, sed etiam eius circumferentia & fines, sive termini, considerandi veniunt: quæ ordine iam pertractabuntur. Atque hinc, quæ olim familiarum, ex quibus ea constat, ratio fuerit, percipiendum est: uti recte & docte Bruning. *de var. univ. spec. th. 1, l. A.* id explicat. Quum adnascētibz, inquit, indies liberis uno
recto

recto omnes non continerentur, plures commodis in locis erexerunt habitationes, pluresque necessario facta secessione familiarum duces extiterunt; qui omnes tamen à communi parente tanquam capite dependebant, ipsiusque nutu atque arbitrio regebantur. Summo familiarum principe extincto, cum par in parem imperium non haberet, uti quisque inter suos ætate prævalebat, ita principio quidem (humanis scilicet animis insana dominandi libidine nec dum infectis) imperium auctoritatemque facile obtinebat. Hi & ipsi, rerum suarum usu & necessitate exigente, vel cum omni familia, vel certa eius parte, alio migrarunt ibant. Hinc, ut dictum, varii pagi variæque (ut tum quidem ferebant tempora) conditæ sunt urbes. Sic Cain iram divinam fugiens urbem sibi suisque condidit, quam à nomine filii sui Hanoth appellavit; *Gen. 4, 17.* Assur Niniven: *Gen. 10, 11.* Posteriores Noach, diversas in partes sibi abeundum metuentes, ut gloriosa nominis sui monumenta iis in locis relinquerent, ingentem urbem & turrem constituerunt; *Gen. 11, 4, & seq.* Alii etiam quibus in tam ampla hominum societate vivere grave erat, urbibus vicisque relictis, cum suis rus secesserunt,

runt, ac rei rusticæ pecuariæque à tumultibus urbanis remoti operam dederunt. *Gen. 4, 20.* Extincto vero in urbibus, in quibus plures erant familiæ, summo principe, quum partibus iam prope omnibus administratio non difficilis modo, sed pene impossibilis videretur, quem probatæ cæteris modestiæ & iustitiæ opinabantur, sibi elegere; qui nullis primo legibus, sed naturalis tantummodo rationis acumine instructus iura suis redderet. *vid. Pulchre Iohan. Baptista Asin. in practic. iudic. præm. cap. 2, de instant.* Civitates vero ipsæ quum multitudine inhabitantium nimium oneratæ sibi viderentur, flore incolarum electo, parte sui se exonerantes, novas remotiores in locos deduxerunt colonias. Nonnunquam etiam faciem populi alio transferre, & , ut quodam in loco Cicero ait, sentinam urbis exhaurire studentes, promiscuam multitudinem alio ablegarunt. Crescente vero cum multitudine humani generis eiusdem nequitia, atque insatiabili illa imperandi cupiditate, uti quisque populus potentior, ita vi- cinos imbecilliores opprimendi licentiam sibi sumebat, nonnunquam etiam oppressos solum vertere alioque veteres colonos migrare cogebat.

Quas

Quas iniurias ut evitarent, id facere recusantes, ab aliis vicinis, armatis precibus ferratisque argumentis (quo persuadendi genere Theseus Plutarchicus usus est) ad faciendum compulsi sunt, ut novorum incolarum accessione potentiores redderentur civitates. Urbes vero singulae cum plurium potentiae se impares fore, multumque insuper commodi ex mutuo commerciorum usu rebus suis accessurum cernerent, non de firmiori tantum amicitiae foedere ineundo, sed & in unum quasi corpus coeundo, cogitarunt: quod corpus quum sine capite consistere non posset, eiectus est qui pluribus praesset civitatibus, iisdemque ius diceret. Duplicem itaque rerumpl. constitutionem, voluntariam unam, coactam alteram, esse, è superioribus consequens est. Coacta fuerunt initia regni Babylonici, Persici, Alexandrici; *ut de hoc testantur Gen. cap. 10, Iustinus, Quint. Curt. & alii.* Voluntaria regni Romulei. *secundum Livium lib. 1. & Halicarnass. Dissent. Bodin. lib. 1. de repub. cap. 6, num. 46. quem supra citati, errores satis superque convincunt.* Non tamen omnibus populis eadem artificum gubernanditatio. His monarchia, illis aristocratica, aliis democratia potior visa est. *qua de re elegantes apud*

Herodotum in Thalia, & Halicarnass. lib. 2, orationes extant.

Successu itaque temporis factum est, quod migrationes variæ gentibus varias locorum conditiones monstrarunt, unde sibi unaquæque pro re nata paravit sedem suam.

At illud continens merito dicitur receptaculum personarum civilium, quas in uno loco civiliter congregatas in sese comprehendit. Illudque ex institutione conversationis aut cohabitationis, qua inter se coiêre duplex est, vel primum, aut à primo ortum.

Continens primum est, quod in primo naturæ momento uti invenitur, ita incolitur & excolitur; unde etiam postea dependent reliqua, & ut plurimum nomen desumunt. ut sunt: vicus, villa, arx sive castrum, & pagus.

Vicus dicitur locus, ubi multorum ædes cohabitantium ita sunt dispositæ, ut via sit intermedia, qua transitus patet. Vnde etiam in urbe Platea dicitur: uti *Cicer. pro Mil. innuit, quando dicit: Nullum in urbe vicum, nullum angiportum esse dicebant, in quo Miloni non esset conductæ domus.* Quippe olim Romæ urbs in regiones, tanquam in maiora membra, & vicos, tanquam minora membra, dividebatur: ut ait *Ros. in ant. Rom. lib. 1, cap. 12.* Et dictus

dictus est vicus, quod vias circum haberet. Germani vero id dixêre *wieck*, quasi alter alteri in transeundo in eo spacio commode cedere, id, est *wveicken*, posset : vel quod familiaritatis ita cederent sibi invicem. Neque ex Latino usum accepit, ut *Meib. vult. in Bardovico suo* ; quum Germanis, & præsertim Saxonibus à Sacis oriundis, nihil commune fuerit cum Latina lingua, imo plane incognitam habuerint ut ex iis apparet quæ in superiori huius lib. parte de Germanis adduximus. Proinde etiam non admodum prudenter ab eo Cranzius noster refutatur, qui in *Sax. lib. 2. cap. 30* ; & *Metropol. lib. 2, cap. 3*, wieck sinum excurrentis fluminis aut stagni dictum fuisse affirmat ; quum tamen non adeo incongrue ad similitudinem cedentis pronunciatum figurate hoc sit. Velut idem quoque Beatus Rhenanus & Andr. Althamerus in comment. suis ad Tacitum, lib. 3. rerum German. recte inculcarunt ; dum à similitudine huius rei non procul aberrant, secus quam *Meib.* frustra suspicatur. Et ex situ locorum apparet, ubi eius nominis Civitates & oppida aut pagi conditi sunt, & hodie visuntur, hanc illa significationem insinuare. Sic *Brunswick*, ad flexum Veri fluminis urbs condita,

condita, & quod arci in plateis erectis
 cedebat. Coswieck ad Albis flexum &
 finem, non procul à Vitæberga, in
 Principum Anhaldinorum ditione si-
 ta. Item Osterwieck in ditione Hal-
 berstadiensi. Sleswieck in Holsatia ad
 Sliam finem maris. Haltzwieck &
 Gutterzwieck in Westphalia; quod syl-
 vis cedant. Sic & in Batavia, ad eum
 locum, ubi Rheni antiqui fluvius se
 in mare exoneravit, Cartwieck, &
 non procul inde in maris alluvio
 Noortwieck, visuntur. Sext. Pomp.
Festus de verbor. sign. vicis triplicem
 attribuit in Latina lingua significa-
 tionem. Vici, inquit, appellari inci-
 piunt ex agris, qui ibi villas non ha-
 bent; ut Masi, aut Peligni. Sed ex vicis
 partim habent rempublicam, & ius
 dicitur: partim nihil eorum, & tamen
 ibi nundinæ aguntur, negotii gerendi
 causa; ut magistri vici, item magistri,
 paucique pagi: quum prius sic annis
 fuerit. Altero, quum id genus ædificia,
 quæ continentia sunt, iis, oppidisque,
 itineribus regionibusque distributa
 distant, nominibusque dissimilibus
 discriminis causa sunt dispartita. Ter-
 tio, quum id genus ædificiorum defini-
 tur, quæ in oppido prive in suo quis-
 que loco proprie ita ædificat, ut in eo
 ædificio pervium sit, quo itinere habi-
 tatores

tatores ad suam quisque habitationem habeat accessum; qui tunc dicuntur vicarii; ut hi qui in agris sunt, vicani appellantur. Vicinia vicinorum conversatio, &c.

Quemadmodum vicinus is dicitur, qui vel in eodem vico cum suis, aut certe non procul ab eo, habitat, ut eius frequentia uti possimus. Varroni quoque vicus est, (*lib. 1, de ling. L.*) quod in eo ex utraque parte viæ, domus certis spaciis distinctæ sint. Vnde & duplices, urbani & pagani, postea dicebantur: Illi quidem, qui ædibus aut ædificiis connexis cohærebant; Hi vero, qui ex pluribus villis dominibusque rusticis, spacio aliquantulo ab urbe remoti, nullis mœnibus cincti, coagmentabantur.

Villa autem, modica congeries domorum dicebatur, in quam convehantur fructus. quasi vehilla est *Theophrasto lib. 2, reipub. cap. 1, num. 4, velut id recte ex Columella allegavit*. Vnde villanus vocatur, qui conditioni colonatix addictus est, in villa habitans. Et villicatio ipsam negotiationem rusticam determinat, sive villæ dispositionem; *velut Colum. lib. 11, officium illud describit*. Errat heic iterum Meib. in *dict. hist. Bardov.*, qui Germanicum *vullen* à villa vult dictum, & quod deinde

deinde plenior sono hinc enuncietur *vvedeln*. quæ mirabilis foret transformatio ; quum tamen Germanicæ linguæ usus nihil prorsus commune habeat cum Latina, & sibi ipsi sit originalis; adeo, ut per hanc in Italia transformatum sit ipsum Romanæ locutionis idioma, quum irruptiones in eam Germani fecissent. Præsertim autem illis priscis temporibus, quum nihil dum commercii Germanis cum Latinis unquam fuisset, (utpote quibus penitus ad id usque temporis incogniti erant,) nulla Germani ab his vocabula mutuari potuerunt. Ideoque *vvelen* non ex alia, sed ex sua lingua, videlicet à *vvalen*, id est, à migratione incerta, originem duxit. De loco enim in locum incertis migrare modis, sive palari, est *vvalen* Germanis. unde & *vvedeln*, quasi *stabello vacillare*. Si vero contigit, ut sedem alicubi locarent, adiecerunt palantes loco illi prædictum *vvelen* aut *vvedel*. uti sunt compositæ *ea*, quæ invenias in Borchwedel, Steynwedel, in agro Lunæburgico ; Soltwedel in veteri Marchia Brandenburgensi ; Langenwedel in diœcesi Bremensi, &c.

Qui autem Duces erant aut principales in ducendis familiis, illi suos locos munire præ cæteris vallo solebant, aut sepibus, ut eo tutiores essent ad vim
pro-

propulsandam. Inde arx dicta est ab *arcendo* ; quod irruptiones & iniurias aliorum ita præcavere possent.

Ita etiam castrum munimentum præfidiariorum erat, qui excubias agebant , si locum non tutum putarent, ubi etiam caste illis & temperanter vivendum erat ; ex quo *castra* quasi *casta* appellari volunt. *Stevvich in comment. ad Vegetium, lib. 1, cap. 3. Et Isidor. in lib. 9, etymol. seu orig. cap. 3.* Castra, inquit, sunt, ubi miles steterit. Dicta autem castra quasi casta, eo quod ibi castraretur libido. Nam nunquam iis intreretur mulier : ut eo rectius munere custodiæ absque fallacia fungi possent. Et, *Tacitus lib. 2. annal.* ; Iuvenem, ait, urbano luxu lascivientem , melius in castris haberi. Sic perpetuo scriptores militarem castitatem & castrensem notant , tanquam firmissimum disciplinæ & fortitudinis vinculum. Et maxime Germani ab omni lascivia & luxuria aberant, vivebantque parce & duriter. Castra autem , ait *Stevv. in com. ad Veg. lib. 1, cap. 22*, quidam triplicia faciunt : Temporanea , id est, momentis mutabilia : aut stataria, quibus hostem , dum se in munito loco continuerit, occupare instituas : aut sustentoria , quibus hostem urgentem & laceffentem sustineas. de quibus multa

multa lib. 5, cap. 20, & seq. Leo Baptist. a.
Hinc colligitur, castra communire, lo-
coque idoneo disponere, summi sem-
per Imperatoris fuisse opus; unde pen-
debat plerumque totius exercitus seu
clades, seu salus. Maxime autem requi-
rebatur pabulatio, lignorumque co-
pia; atque ante omnia ne aqua deesset.
Nam quum tota hyeme interdum in
castris stativa haberentur, obfessi exer-
citus siti in deditionem compellaban-
tur. Ideo, vel ipsis castris ut flumen
includerent, vel in vicinia haberent,
summa cura prospiciebatur. *in paral. ad*
Res. antiq. Rom. lib. 10, cap. 12. For-
mam vero castrorum Romanorum
varie discussit Iulius Barbaranus *off.*
Prompt. tom. 1, pag. 51. Castrum autem
villam muratam dici posse Latinis,
auctor est Tholosan. *lib. 2, de rep. cap. 1,*
num. 7, si casæ & villæ, antea rusticæ,
concludantur, ut illarum conclusio
vallo vel muro facta vicum magnum
conclusum determinet: at vicus par-
vus castellum dicatur. Idque fiebat,
ait, maxime in agris & pagis limita-
neis; quo loci tantum milites castris
& castellis præerant; non alii; donec,
productis finibus principatus, castra
etiam aliorum habitationi cesserunt.
Herod. lib. 4, & Athen. lib. 5, notant,
quam assidui in bellis gerendis fue-
rint

rint Scythæ; cum quibus vixerunt Saccæ, quos & Ptolomæus in Scythia collocat. His propter frequentes migrationes usus castrorum in metatione castrorum maxime est observatus. Unde & manifesta evadit differentia inter castella & arces. Etenim, quum modus bella gerendi propter diversitatem armorum, & maxime machinarum bellicarum, longe alius esset quam hodie, (quando ex unica inventionepulveris tormentarii totum genus belli gerendi mutatum est,) & potissima vis militaris hostium oppugnantium in arietibus & balistis esset sita: proinde arces montibus imposuerunt custodiæ & violentiæ causa; castella vero in plano campo figebantur, ut iam dictum est. Atque arces muris muniiebantur variis modis, pro loci cuiusque conditione; ut partim receptaculum tempore necessitatis exhiberent circumhabitantibus, partim quoque inde directio dependeret regiminis. Maxime autem castra vallo cingebantur in planitie, & vallum nihil aliud est *apud Tholosan. d. l.* quam propugnaculum & munitio castrorum; quod ex vallis, id est, palis, fieret. Hinc villa etiam, quasi vallata dici potest in Francia, quibus *une ville* opidum hodie est; *village* autem, diminutivum, vicus,

vici, villa, &c. Vallo autem accessere & fossæ, quibus vallum circumdatur; postea & muri : unde oppida vallata & murata intelligi possunt, ut mox dicemus.

Pagus vero est receptaculum societatis politicæ ex duobus vel pluribus vicis collectæ, absque munitionibus & muro, suntque nil aliud quam rusticanae domus in unum coagmentatae absque munitione sufficienti. Vox pagi maxime hodie ita accipitur; quamvis olim eius longe alia ratio fuerit, *ut supra quoque innuimus*, ubi toti districtus & præfecturæ ad pagi constitutionem relatæ sunt; velut in antiquo Saxonum regimine id clarum est, & Iul. Cæs. lib. 1, de bell. Gal. indicat de Helvetiis. Sunt autem pagi, ut Festus attestatur, dicti à fontibus, quod eadem aqua uterentur. Aquæ enim fontes lingua Dorica *παγῶν* appellantur. (est autem magnam partem lingua Latia ex Dorica & Æolica prognata.) Inde pagani à pagis dicti. Quamvis latius vocabulū accipiat apud Ictos, ut is vocetur paganus, qui non sit miles, & non militiæ teneatur sacramento. *Modest. tit. locat. ff. l. si ignerant.* Receptius tamen est, paganum dici omnem, qui est privatus, ruri vivens, à villa ita vocatus, quod (*iuxta Servium*) cir-

ca fontes villæ condi solebant; sicque paganos dictos quasi ex eodem fonte bibentes. Itaque pagani proprie militibus opponuntur, ut togati sagatis, cinetisque. Sunt autem rustici à pagis appellati, quod domi ad ruris culturam exercendam, & necessaria vitæ procurandum, relinquebantur. *Vigli. in tit. Inst. de mil. testam.* Et quia pagus locus erat, in quo rustici propter commoditatem alicuius fontis conveniant; nomen hoc postea ad omnem societatem politicam ex duobus vel pluribus vicis constantem traductum est. Quum vero isti homines ita superstitione gentilismo addicti viverent, ut vix inde retrahi possent; pagani Ecclesiasticis scriptoribus sunt, qui Christi pietatem non colunt. & ita sumuntur in rubr. C. de paga. ea nempe ratione, qua Christi non sunt milites. Nam in hoc posteriori significato nomen paganorum usurpari cepit sub Constantio Constantini M. filio, Imp. in Oriente, qui circa annum Christi 337. Imperator factus est. Hinc enim milites non Christianos exaudivit, & in pagos remisit. Unde & paganum peculium castrensi opponitur. l. ult. C. de inoff. testam. Et in lib. feud. 2. tit. 68, §. 2, pagenses dicuntur pagi eiusdem incolæ. Παγάρχοι apud

612 R E R V M P. H A N S.
apud Iustinian. edicto 11, & in Novell.
aliquoties. sunt qui l. 49, C. Tb. de decu-
tion. l. 1, Tb. de pignor. præpositi pagis
vocantur. Hinc l. de success. præposi-
tura pagorum. &c. Vicus proinde &
pagus sic distant, ut vicus proprie ni-
hil aliud sit, quam locus publicus
utrinque ædificiis cinctus, per quem
incolæ transeant; quum ædes suas ita
ad invicem erectas inhabitent, ut do-
mus sint vicinales. l. 3, ff. qui ex vico ad
mun. pagus vero constat ex pluribus
vicis, nulla munitione circumdatis.
Paganalia autem erant feriæ paganæ,
& ludi aut festivitates. Rosin. de ant.
Rom.

C A P. II.

De oppido, urbe & civitate, in vul-
gari acceptione; earumque dif-
ferentia.

Tantum de continentibus primis.
 Inde autem ortum continens est,
 quod à continente primo originem
 trahit. Estque receptaculum minus, vel
 maius. Minus vero est oppidum, &
 urbs. &c.

Oppidum quidem nonnulli cum
 urbe confundunt; sed tamen multis
 nominibus ab ea distat, si respiciamus pri-

primam eorum originem, primamque
foundationem, & finalem intentio-
nem. Etenim ex vicis ac pagis mini-
me longo labore conficiebantur oppi-
da; at non tam brevi urbes. veluti ex-
empla Germanorum historiis passim
occurrunt. Et inde fit, quod hodie Ger-
manis communiter *ein fleck*, Saxoni-
bus vero *ein pleck*, non est urbs, *ein
stadt*, sed solummodo receptaculum,
quod quidem muro aut vallo est cir-
cumcinctum, attamen non tam plene,
quin iterum, si minus foret commora-
tioni idoneum, deferri possit ab incolis,
præsertim autem tunc quando maior
violentia superveniat. Velut etiam
oppidorum copia satis ingens est in
Germania, urbium autem sic dicta-
rum non perinde: tametsi non plenis
quoque oppidis iura sint quam urbi-
bus haut deteriora. Quo facit &
ipsum vocabulum *stadt*, à *stät* firmus,
stabilis, frequens, factum, quasi firmitu-
dinem ibi certam frequentia sua stabi-
liissent. Quippe & illæ dicebantur ur-
bes (*städte*) ubi plenam sedem fixissent
populi. At oppida succursus causa
erant: ut opitulationem in principali
statione inde acciperent. Atque sic in
iure quoque l. 239, §. 6, & 7, ff. de V S.
distincta inter se vocabula urbis &
oppidi inveniuntur. & l. 2, d. 1. Quum
enim

enim inter Ictos non conveniret de origine vocabuli oppidi; aliis id oppositione murorum, (*iuxta Isidorum*), aliis vero ab opibus recondendis, nonnullis ab ope, quod inde opem contra hostes habere possent defensores patriæ, nomen habere contendentibus; atque post longam examinationem inveniretur, quod oppidum minus esset sufficiens ad vim omnem sustinendam: obtentum hoc est tandem, quod merito ex respectu rei ipsius oppida denominationem suam ab ope ferenda & sustinenda accepissent, quod Pomponius Ictus *in ea lege* testatur, & ex *Cicerone Festus*, quando dicit: Oppidorum originem optime refert Cicero *libro primo de gloria*, eamque appellationem usurpatam esse existimat, quod opem darent, &c. Item: Oppidum dictum est, quod opem præbet, &c. *vel*, quod ibi homines opes suas conferunt. Oppidum dicitur & locus in circo, unde quadrigæ emittuntur. Sic & M. Varro *lib. 4, de ling. Lat. sect. 32*, Oppidum, inquit, ab ope dictum; quod munitur opis causa, ubi sint, & quod opus est ad vitam gerendam, ubi habitent tuto. *vel oppida*; quod opere munibant mœnia, quo munitius essent. Vbi Godd. *in comm. ad d. l.* hoc addit: Ideo enim, *ait*, civitates

muris

muris cinguntur, ut ipsarum ope hosti resistamus , & ab incursionibus hostium aliisque malis tuti simus. Hanc opem ipsa etiam Romæ ferunt. Munus quippe à tergo hostem relinquere, & ipsam urbem invadere, tutum non est. Hæc igitur notatio à fine & usu oppidorum promanat , eoque merito obtinuit, & cæteris, utpote verior, prælata est; ait *Pomponius*.

Ex quibus satis evidenter convincitur , proprium oppidorum munus & officium esse, ut principali loco, qui urbis nomine determinatur, opem, succursum & opitulationem præbeant. Sicuti differentiam quidem aliquam simul *Tholosan. in lib. 2, cap. 1, de rep. num. 4*, agnovit, quando ait: Inter hæc annotari dignum videtur , quod inter oppida & urbes hoc interesset ; quod oppida non essent solemniter aratro cincta ; & quando cincta sunt, dictæ sunt urbes. Tutior tamen erat locus oppidi , quam villæ. &c. Et videtur oppidum ex pluribus ædificiis constituisse. &c. Nec obstat, quod *Istidorus* varie de eo differat , aut potius hinc obiciatur, urbis nomine omnem inunitum locum insignitum fuisse, qui ducto aratro solemniter in circum ita conclusus fuerit , ut tum ex eo actu , quem sacrum putarunt , sta-

tim urbs appellaretur. Magna quidem
solemnitas hæc dicta fuit ; sed tamen
non omnibus gentibus ; sed tantum
Etruscis nimium supersticiosiis. *de quo-
rum idolatrico ritu plura cognosci possunt
apud Rosin. de antiq. Rom. lib. 1, cap. 33 ;
& in paralip. ibid.* Proinde quoque
Matth. Steph. in *disc. acad. part. 1, d. 6,
num. 12*, non nihil à scopo aberrat,
quando quidem eadem facit cum ur-
bibus, quum oppidum æque muris &
fossis cingatur ac urbs : Sed quæ con-
tinuo sequuntur, rectius ab eo dicun-
tur ; dum coniuncte ait : Vrbs nobilior ;
oppidum vilius , & parva urbs existi-
matur. Sic quoq; Romani Romam per
excellentiā urbem appellarunt ; (ut
olim Hierosolyma, civitas Davidis vo-
cabatur. 2, *Sam.* 5, 7, 9, 1. *Paral.* 11, 7.
Luc. 2.) Cæteras urbes & civitates di-
xerunt oppida. &c. Et hinc urbs Ger-
manice dicitur *eine Stadt* ; quum in ur-
be hominibus firmissima sit statio pro-
pter societatem & mutua auxilia, tum
in necessariis rebus comparandis, tum
in adversis depellendis. Oppidum au-
tem à villa ita distinguitur, quod villa
muris non circumdatur sicut oppi-
dum. &c. Dum ita vir optimus usum
diversum & operationem utriusque
subiecti agnoscit , recte facit quod
mentem explicet : sed tamen , quum
hæc

hæc caussa non sit ultima, ex qua differentia sumi debeat, non recte idem oppidum cum urbe confundit. Tum etiam ex situ & commoditate loci magna sumi debet differentia, ut mox patebit. Pari ratione ergo illi urbs ab oppido, ac oppidum à villa, discernitur; quam hoc loco pro vico aut pago habet. Quod discrimen tamen & superius notatum est. Etenim oppidum sic medio loco se habet inter utrumque; ut auctore, iuribus, usu, officio, fine, commoditate situs & loci, variisque præterea modis, ab urbe non minus ac à reliquis differat. Quemadmodum enim liber Baro, aut Comes, non est Princeps, neque eum repræsentat, quamdiu suo est loco; ita multo minus urbis nomine oppidum venire potest. Sed ex hoc gradu oppidano, nunc ad urbis descriptionem pergemus.

Vrbs est receptaculum societatis civilis, ex vicorum pagorumve aut potius oppidorum multitudine constans; communibus munimentis, securitate, & ornamentis publicis, ac privilegiis, exornata. *Cic. lib. 1, de rep.*

Nomini huic urbis, alii ab orbe, alii ab urbo sive urvo, derivationem deducunt & imponunt. quorum hoc posterius auctoritate legis confirma-

tum est. *l. 239, §. 6, ff. de V. S. & l. 2. ff. r. eod.* Nam, inquit *Godd. in comm. ad hanc l. d. num. 16.*, ut urbs muris finiat-
 tur, omnibus urbibus commune est;
 cum, auctore *Varrone in dictam l. pupil-
 lus &c.* ab urvo sive urbo nomen, tan-
 quam à communi omnium urbium
 forma, &c. acceperit. &c. In quo ta-
 men ille aberravit. Etenim notatio
 huius vocis non à forma, sed à causa
 instrumentali, videlicet à curvatura
 aratri, nomen habet. velut ipse *I Crus*
 confitetur his verbis, dicens: *Vrvum si-
 ve urbum est curvatura aratri, & ur-
 vare sive urbare est arare aratroque de-
 finire. d. l. pupill.* In condendis enim
 urbibus olim aratro utebantur, quo
 futuræ urbis magnitudinem, propor-
 tionem, situmque muro cingendum,
 definiebant; (*Cælius Rodin. lib. 14, cap.*
5:) iisdemque destruendis inductum
 eodem modo aratrum adhibebant; ut
 eodem quo definitæ essent urbes mo-
 do, iuxta *l. nihil. ff. de reg. I.* rursus de-
 lerent, expungerent, everterent, destrue-
 rent. quod & *Carthago (l. 21, ff. quib.*
mod. usus fr. amit.) & *Mediolanum* ex-
 pertæ sunt. *Nauclet. Gunther. & Sebast.*
Franc. in vita Friderici Barbarossæ. &c.
Varro, lib. 4. de ling. Lat. Alias autem
 urbs in secunda denominatione non
 incommode, & forte rectius, ab orbe,

tan-

tanquam à caussa formali , dicitur; quod orbis fieret , & circuli instar circumscriberetur in circuitu suo; vel etiam ovalem formam induerunt ut plurimum, prout situs loci id admitteret. Formam autem rotunditatis maxime, ob perfectionem suam, amabant; quod defensionis & regimini accommodatior talis videretur.

Consideratur autem situs urbium dupliciter: & physice & politice. Si ergo populi frequentibus commerciis sociandi sint; quum rerum publ. fundamenta in duobus his consistant; necesse est, ut ante omnia salubritas & clementia cœli aërisque temperies recte observetur; &, quum huic rei maxime inserviant venti, omnino ratio plagarum mundi habenda erit. Urbes enim, quæ orientis septentrionisque ventum excipiunt, humidis & pestiferis qualitatibus minus sunt obnoxie; quum corpora diutius conservent & hilariora reddant, quam quæ se versus occidentem & austrum extendunt: quamvis tamen diversa sit terræ ratio; ut in India orientali perspicitur; ubi ventus aut orientalis aut occidentalis semper habetur, ceu experientia docet, & Belgarum historicæ Indicæ id loquuntur. Quare ad aëri puritatem respiciendum est maxime. Deinde,
ne

ne defit aqua, fluviorum gratissima al-
luvies est, quæ quamplurima secum
affert commoda. Si enim aqua sit
abundans, purior & perennis, non ve-
ro putrida & palustris, urbem non tan-
tum purgat à sordibus, & vapores ne-
bulosos minime inducit, ut corpora
ita hominum minus subito corrump-
pantur aut conficiantur; sed etiam ne-
gociationes adauget: tum quoque non
poterit hostis urbem talem facile ad
penuriam aquarum adigere, &c. Poli-
tice vero requiruntur tales considera-
tiones, quæ partim qualitatem, partim
quantitatem concernant. Qualitas
maxime in eo laret, ut locus sit civi-
bus in egressu facilis, hostibus vero ac-
cessu & invasu difficilis; nec non ci-
vibus tam tempore pacis quam belli
ad civilium actionum omnium ma-
xime accommodatus. *Tholos. lib. 2, de*
rep. cap. 1, Schonb. lib. 1. pol. cap. 14. Hip-
pol. à Coll. lib. de increm. urb. cap. 2, 3, 4.
Deinde observandus est locus in am-
plitudine sua, ut à principio quoque
capacitas circumscriptionis non ni-
mis sit diffusa, tamen ita disposita, ut
in necessitate possit extendi aut ampli-
ficari. Ideoque non nimis vicina ma-
ri erit, aut vasto flumini, ne inundatio-
nibus facile sit obnoxia, aut etiam ni-
mia colluvies hominum eam obruat.

Inprimis vero locus eligendus est fertilis, ut alimenta suppetant civibus, potentioresque effecti inde, violentiæ externæ rectius se opponere valeant. &c.

Huc referri plura quidem deberent, de moribus civium; ut ad communem amorem, concordiam; pacificationem & mansuetudinem essent revocandi, sed de his alibi. Item de ædificiis, tam privatis quam publicis, quæ vel ad usum religionis, commerciorum, defensionis, aquæductus, vel iucunditatis & exornationis spectarent. *Verum de structura tali urbium insignem scripsit tractatum Hippol. à Coll. Et tit. 11, & 12. C. lib. 8, de iur agunt, & Schonbor. d. cap. 14. qui possunt heic consuli.*

Quæ autem iura & privilegia uribus accommodentur, de iis variæ sunt quæstiones, nec est iam nostri instituti quidquam de talibus movere. Solummodo hoc non prætereundum, quid civitatis heic nomine veniat; quum sæpius urbs, oppidum, civitasque, hodie communi hoc vocabulo confundantur. Cui annectendum, quid metropolis, municipium, colonia & suburbium, proprie vocentur.

Quum nomen civis, qui recte à *Tholosan. lib. de rep. cap. 3. num. 19*, socius politiæ & morum & legum dicitur,

citur, tam late accipiatur, ut omnes illi dicantur cives qui non sub rusticorum aut servorum gente comprehenduntur; factum est inde, ut etiam civitatis nomine tam oppida & municipia, quam urbes, vulgariter donatae sint, ut ita communis sit iis applicatio. Quamvis etiam in genere Ulpianus *l. in orbe. ff. de stat. hom.* cives Romanos omnes vocet, qui in orbe Romano sunt; idque Div. Antonius constituerit. (*Alciat. lib. 2, de functionibus, cap. 21.*) ut civis dicatur inde, quod in unum cœtum coëat & sub legibus vivat politicis; ut Cicero idem asserit: tamen civium appellatione continentur maxime ii, qui utuntur iisdem privilegiis, & similibus civitatis actibus, ac ad civiliorem morum conversationem vivunt, etiam sub urbiorum incolæ. *l. 2 ff. de V. S. & Alex. Imol. rubr. ff. de sol. matr.* Exinde membra civitatis, cives dicuntur. Qui variis modis dividuntur quidem, ut aut natiuitas, *l. 1, §. 2, ff. ad municip.* & *l. 38, §. d. tit. manumissio, l. 7. de tit. adoptio, l. 1 §. d. t. aut adlectio, l. 7, C. de incol.* cives reddat: Sed tamen optimo modo cives ita dividuntur, quo vel plene & proprie cives, vel ex parte, quodamtenus & improprie dicuntur: uti id recte annotavit Matt. Steph. in discurs. acad. part.

part. 1, cap. 6, num. 13. ubi ita ait : Plenus civis iterum est vel originarius vel assumptus. Originarius est, qui iure civitatis suæ civis est; qui ideo necessarius civis dicitur & naturalis. Assumptus civis est, qui non plenum & integrum ius civitatis habet; sed uno aliquo pleni civis iure, non autem omnibus, in civitate uti potest qualis est incola. *l. 20, ff. ad municip.* qui in aliqua regione domicilium suum constituit. *l. 239 ff. de V. S.* Is enim tantum emit, vendit, contrahit, foro utitur. *l. 27, §. d. tit.* Ita quoque apud Romanos (*ait Tholos. lib. 1, de rep. cap. 3, num. 21,*) cives erant illi, qui domicilium, tribum, & honorum potestatem essent adepti. Non ita, qui tantum domicilio, tribu, aut potestate solum honorum, civitatis ius habebant. Domicilium enim etiam inquilini, & tribum libertini obtinuerunt; sed non honores. Qui autem è municipiis fuerunt, quanquam tribum atque honorum petitionem essent adepti, tamen, quia domicilio caruerunt, non ingenui, seu pleni cives Romani, sed municipes dicti sunt. Quod si cum rebus suis migrassent Romani, pleni & perfecti cives efficiebantur. Hinc pleni & partialis civis distinctio adhuc, *ut recte affirmat itidem Matth. Steph. d. l.*

d.l. in quibusdam locis comprobatur, ut plenum ius civitatis *das groosse burger-recht* ; partialis, *das kleyne burger-recht*, vocetur. Civis itaque partialis extraneus, est vel honorarius, vel confœderatus, vel forensis.

Civis honorarius est, cui civitatis ius, honoris ergo tributum est: qui tamen ideo non tenetur ullo imperio civitatis illius cuius est civis honorarius. Ita Regi Galliarum, Helvetii ius civitatis dederunt, & Imperator Romanorum, ceu summum caput & perpetuus consul reipub. & urbis Romæ, etiam hodie in superioritatis signum cives Romanos creat, pro arbitrio & libitu, quos dignos putat. velut quoque Dux Senatusque Veneticus, longe diutius civitatis suæ iura donant; quam non minoris dignitatis loco, ac Romani olim, habent.

Civis vero confœderatus est, qui ius civitatis ex fœdere in quibusdam consecutus est. Sic mutuum fœdus inter Gentenses & Bernates obtinet, ut, qui ex fœderatis sociis suam deserens civitatem sociorum civitatem adire velit, ipso momento civis ac subditus fiat sociæ civitatis, sine cooptatione & rescripto singulari. *Bed. lib. 1, de rep. cap. 6, num. 69.* Cuius rei in fœdere quoque Hanseatico videmus imitationem,

tionem, ut is ad simile commercii ius admittatur & habilis putetur, qui in huius foederis consorti civitate sit natus; alii vero non perinde facile ad principale negotium admittantur, priusquam durissimi lusus mores in Contoris expleverint ut postea explicabitur.

Forenses vero cives de utroque, inquilino videlicet & extraneo, participant. Forensis vero inquilinus est advena, qui aliunde adveniens, habitationem in civitate constituit: discessurus tamen, & foro, nundinis & commerciorum iure frui potest, secundum mores & leges civitatis. Forensis extraneus est hospes adveniens, iure hospitii utens pro mercede iusta, quiescendi & reficiendi sui causa in alienæ reipubl. caupona, taberna, vel hospitio publico, vel privato, pro pretio, vel ex tessera hospitalitatis. *Alth. pol. cap. 5, num. 18.*

Exinde igitur facile colligi potest, unde sit, quod civitatis nomine communiter ita urbes; oppida, municipiaque, & suburbia, hodie appellentur, licet eius significatio longe extendatur latius, ut admodum in tam multis notationibus sit ambigua. Etenim si recte examinetur, vocabulum hoc dupliciter accipitur; *ἀνὸς*

εως, vel *κυεῖας*. *Ἀκρόεως*, vicissim dupliciter, nimis late, vel nimis anguste.

Nimis late: ut non tantum ad civiles conservationes hominum eorumque iura, sed etiam ad cœleste regnum extendatur. unde etiam fideles omnes cives cœlestis regni dicuntur à S. Scriptura, & concives sanctorum in cœlestibus. *Eph.* 2, 19. *Phil.* 3, 20. Atque civitas cœlestis à Deo fundata prædicatur; *Hebr.* 11, 10, 16. & 12, 22. & 13, 14. *Apoc.* 3, 12 & 21, 2. *Cor.* 5, 6. Quæ ratione quoque civitas appellari sæpe solet ecclesia, hoc est, cœtus, vel congregatio, non qualiscunque, sed conciliata in unam societatem communionemque fidei, unde D. Paulus, *ad Corinthios*, Ecclesiæ Dei, inquit, quæ est Corinthi. &c. In externa vero conversatione, pro omni multitudine indigesta; quæ rationem rudis materiæ, & respectum habet ad ordinem aliquem, quo redigatur in melius. *ut videre est apud Laurent. Valent. concl. lib. 3, pol.*

Nimis anguste & abusive accipitur iterum novem modis. 1. Pro republ. civitatem usurpant Solastici. 2. Pro populo *sumit Cic. in som. Scip.* quod sit concilium cœtusque hominum. 3. Alii urbem & ædificia civitati dedita operæ abstrahunt. *quod Relector de Autentia*

Sta-

Stagirita ita affirmat. lib. 1, cap. 5, sect. 5, num. 1. 4. Alii sub eius notionem urbem & populum absque reip. forma contrahunt & concludunt. ut *Stagiritam. 3. pol. cap. 2. & 6, fecisse affirmat Relector; quod rempubl. dixerit esse animam & ordinem. sect. 5, cap. 5. num. 2.* 5. Civitatis appellatio alias accipitur pro iure civium ac libertate, qua cives utuntur. Vnde dicebantur olim civitate Romana donari. *quorum exempla multa commemorat Cic. pro L. Cornel. Balbo.* 6. Item comprehenduntur horri. *arg. ff. de procur. l. presens.* 7. Vocatur etiam civitas, quæ habet Episcopum, ut 80, *diffinit. in illis. & seqq.* 8. Civitas quoque potest appellari, quæ non habet episcopum. *Alicat. in cap. perniciosam. de off. ind. ordin.* 9. Civitas etiam solet usurpari pro mœniis duntaxat & ædificiis, ne communis. id fert hodie loquendi usus.

Kuēius vero accipitur vocabulum civitatis apud politicos & historicos maxime pro ea societate civili, quæ in republica rite conformata constat iusta cohabitatione mortalium. Quod fit dupliciter, aut *ἄνωτος* aut *ἐξ ἑωυτοῦ*. *Ἐξ ἑωυτοῦ* à politicis accipitur pro multitudine hominū qui in unitate in hoc sunt collecti, ut iure societatis optime

& commodissime vivant. *Can. si civitas. desent. excom lib. 6. Zas. l. 2, ff. de orig. iur.* Eidem vero, à communi usu, cui ita Montecatinus in arg. schol. 10, text. 3, pol. recte adstipulatur, accipitur ita, ut simul urbs, populus & respubl. proportionem iusta in eius notionem concludantur & contrahantur. Vnde etiam vulgo sub civitatis nomine intelligimus urbanos, cives seu populum mutis inclusam, qui civiliori vita se invicem colunt, & iusta conversatione observant. Atque sic signa civitatis talis tria dicuntur; area communis, l. 1, §. 1, ff. quod cuiusque univers. nom. proprium sigillum, c. significat 48, de appell. curia, tanquam locus publicus, in quo negotia tractantur. e. certo loco ubi Dd. de prob. Matth. Steph. dis. acad. lib. 1, disc. 9, num. 10. Quod civitas talis augenda sit, magnus certe adhibendus est delectus. Nam admittere passim omnes, qui ad eam undiq. confluunt, populosam quidem, non autem magnam civitatem facit. Quare Socrates non frustra lege cavet, ne parva esset civitas, nec magna, sed una & sufficiens: ut refert Zasius, l. 2, in princ. ff. de orig. iur. Quamobrem Cicero in orat. pro L. Flacco eleganter adventitiam illam ociosorum hominum multitudinem appellat *fecem*

cem civitatis ; ut quæ nulli profit,
multos autem oneret , & paupertatem
inducat.

Verum quum hæc civitatis notatio,
quatenus ita accipitur *ἡ πόλις* , non
sit huius loci ; quum non tam continens
quam contentum quid ponat:
paulo post ponenda erit. Interim in
his variis significatis civitatis iam ac-
quiescere cogimur. Nihilominus ta-
men hoc bene notetur , quod utrobi-
que & prope in omnibus significatis,
vocabulum civitatis , (maximo ubi
πολις ,) sive generice sive proprie &
specificè accipiatur , nequaquam ita
sumi possit, uti omnibus curiose Rele-
ctor , tam in Politica sua quam in Re-
lectionibus intricatis , passim persua-
dere cupit ; Quod nimirum ea se ma-
teriæ loco habeat. Acriter enim pro-
pterea Keckermanno toties insultat:
quem etiam prorsus inscite loqui di-
cit , & confundere civitatem cum re-
publica, quod non inter subiectum &
finem distinguere potuerit. *Rel. de rat.
ord. in pr. num. 6, & cap. 5, sect. 3, num. 2.*
Ita civitatem subiecti , & temp. finis
ac formæ loco habet. Nam (*ait pol. cap.*
6,) civitas est quasi materia, in quam
respubl. tanquã forma inducitur. &c.
in Rel. cap. 5, sect. 3, num. 7. In quo ta-
men longe crassiorum errorem errat,
Rr 3 quam

quam Keckermannus aut alius quispiam qui errare potuit. Enim civitas nullatenus est subiectum reipublicæ, sed effectum eius præstat, atque illud repræsentat quod ex republ. oritur. Nec enim prius civitas ulla vere dici potest quam sit erecta respublica, & in multitudine hominum sive populum introducta. Vnde etiam crassissimum committit lapsus, dum ipse tot accuratas conficere & ex aliis auctoribus confirmare studet civitatis definitiones, *quas Rel. cap. 5, sect. 5, num. 30, producit*; nec tamen in ipsis definitionibus seipsum convinci videt. Inter alias ex *Sigon. lib. 1, de ant. iur. civil. Rom.* talem conficit; dicens: Civitas est societas plurium vicinitatum perfecta, quæ habet omnia quibus opus est ad vitam beatam. Cui annectit & hanc, quod sit multitudo eorum, qui iudiciorum & imperiorum sunt participes, & vitæ usibus necessariis instructi. Quæso ubinam rectius effectum reipubl. exprimere potuisset, quàm in talibus definitionibus? Ait enim, quod civitas sit illud perfectum aut productum ex societate plurium vicinitatum, quæ habeat iam, id est, possideat omnia, quibus opus sit ad vitam beatam. Si habet igitur, quæso unde habet? nimirum ex perfecto illo, quod respu-

respublica introducta in societatem vicinitatum perfecit in his quibus sit opus ad vitam beatā. Non proinde satis clarum est quod societas vicinitatum sit materia & subiectum, cui ea perfectio sit ita addita aut introducta ut hinc effectus ille, quem civitas representat, possit ea habere quibus opus sit ad vitam beatam? Ita & in altera definitione iam adducta multitudinem ponit eorum, qui iam uisibus necessariis vitæ sunt instructi. Si sunt instructi, iam profecto patet effectus, quem procreavit sic respublica; ut inde sit orta talis, quæ dicatur civitas. Procreans enim non est procreatum, nec esse potest. Alias duo essent idem. Non igitur bonus ille Relector tam Keckermannum quam semetipsum refutavit. Sed de ulteriori civitatis notatione quid in sua republica sit, paulo post agemus.

Quare quum iam pateat, quam acceptione urbs & civitas inter se differant, & quomodo inter se quoque conveniant; restat, ut de speciebus & adiunctis urbis agamus. Urbs autem sive civitas talis duplex est: metropolis, aut urbs communiter sic dicta.

Metropolis dicitur quasi mater urbium, duplicem ob causam. Primo, quod coloniz ex hac in alia loca tan-

quam filia deducuntur. dicta à *μῆτηρ*
 & *πόλις*. *Dan. lib. 4, pol. cap. 2. Pet.*
Greg. Tolos. lib. 2, de rep. cap. 1, num. 9.
& lib. 15, syntag. cap. 11, num. 4. Velu-
 ti Vlpianus *l. 4, §. 4. ff. de offic. præcons.*
 Ephesum metropolim appellat, & Mo-
 dest. *l. 6. ff. de excus. tut.* Deinde, quod
 vel caput provinciæ alicuius referat.
uti ex l. 1, C. 11, de metropol. Berg. id ap-
paret, uti expresse dicunt Imperat.
Theod. & Valent., quod metropoli-
 tanum nomen dignitatem referat, quæ
 virtuti civium adiciatur, vel etiam ex
 commoditate alia sumpta sit. Sicut
 Christ. Lehemannus *in chr. Spir. lib. 2,*
cap. 18. annotat, quod multæ urbes
 dignitate metropolitana donatæ sint
 propter aulas Imperatorum aut Re-
 gum; dicens: Quandoquidem etiam
 Regibus Germaniæ & Imperatoribus
 consuetudo ea fuit, quod rato per anni
 integri spacium in certo loco vixerint,
 sed quotannalia comitia iuxta morem
 antiquum permutare coacti sunt, &
 nunc in Galliam mox in Germaniam
 transtulerint aulas; similiter annuas
 festivitates in Episcopalibus Imperii
 urbibus celebrarent: inde singularia
 palatia regi sibi curarunt, in quibus
 degerent per id tempus, utpote Aquis-
 grani, Colonia, Treviri, Moguntia,
 Wormatia, Spira, Argentorati, Augu-
 sta

stæ Vindelicorum, Ratisponæ. &c. Inter Imperii urbes Romani maxime prædicarunt & in autoritate habuerunt eas, in quibus ipsi Cæsares vixissent, aut ipsorum Duces aulas instruxissent; velut in Italia Romam, Ravennam, Mediolanum; in Germania Moguntiam, Coloniam, Trevirim: atque tales vocarunt metropoles. Vnde etiam factum est, quod Episcopi in talibus, propter præsentiam Cæsarium, aut gubernationem eorum Ducum illustrium, pro primariis Episcopis agniti & cæteris prælati sint. &c. Sed de horum officio, alibi dicendi locus erit. Ita varias ob causas eiusmodi urbes dictæ metropoles. & nactæ sunt hanc dignitatem, vel ratione originis, quod suas haberent colonias; vel directionis, quod præessent reliquis; vel ratione defensionis, quod propugnacula præstarent aliis; vel honoris, quod essent præcipuæ, ex communique sorte exemptæ. Talis metropolis in Iudæa erat Silo Samariæ, *Ios. 12, 5. Iud. 32, 1, 2. &c.* Hebron. Postea Ierusalem. *Sigon. lib. 1, de rep. Iud. cap. ult.* Apud Romanos erat Roma; postea Constantinopolis. Apud Græcos Athenæ. *Zuinger. in theat. vol. 18, l. 2.* Apud Germanos septem fuerunt olim; Moguntia, Colonia, Treviris, Magde-

Magdeburgum, Salisburgum, Brema,
& Riga: quarum Episcopi quoque
propter præminentiam & inspectio-
nem illis attributam Archiepiscopi di-
cuntur, atque inter hos iterum Magde-
burgensi Archiepiscopo primatus &
suprema iurisdictio in omnes Germa-
niæ Archiepiscopos ab Otthone I. Im-
perat. commissa fuit. *Rensn. in Germ. p.*
18. Sed hæc de metropoli. Vrbis vero
communiter dicitur ea, quam supra
descripsimus, & dignitatis huius non
est particeps.

Adiunctum autem urbis aut est
contiguum, aut remotiori sive eam
concernens, sive discontinuum.
Contiguum, suburbium vocatur; quod
quasi ab urbe dependet: quum ab una
quidem parte suo proprio ambitu cir-
cum scribitur; ab altera vero, qua urbs
finitur, non propriis pomeriis separa-
tur, sed tutelæ murorum urbicorum
se submittit: unde & suburbium dici-
tur, quod patrocinio & defensioni ur-
bis innitatur. Germanice vocant *ver-*
stadt, quasi *vor der stadt*. Latinis quo-
que vici urbani dicuntur, & plerum-
que communibus civitatis iuribus
utuntur. Hodie autem, quum damno-
sa videantur si belli calamitas ingruat,
commodo tempore aut muris vallis-
que simul includuntur, aut alia ratio-
ne

ne removentur, ut Exemplum est in Hamburgo, & Magdeburgo. &c.

Remota siue diffita, sunt municipia, & coloniz. Verum quum talium respectus & constitutio non tam in situatione loci quam potius iuribus consistat; rectius civitatis loco reservantur: licet etiam ex superioribus satis colligatur, quanam earum conditio esse possit: velut etiam ipsum indicat nomen, quum municipiū à munere capiēdo dicatur. Vide Gell. lib. 16, cap. 13. maxime autem Rosin. de antiq. Rom. lib. 10, cap. 22, 23, & 24.

Tantum de receptaculo societatis civilis orto minori; sequitur nunc maius.

C A P. I I I.

De pagis, districtibus, siue territoriiis, provinciis, regionibus & regnis: quomodo inter se differant.

MAius societatis civilis receptaculum est, quod ex pluribus vicis, pagis, & oppidis, urbibusque compositum est, ut eas in sese contineat. Sunt autem alia diffusa, alia latissime extensa, cum regalitate potentiz, siue pleno dominio.

Diffu.

Diffusa sunt, quæ quidem in amplitudinem aliquam excurrunt, sed non cum tanta potentia, ut nationem certam absolute complectantur. ut sunt pagi, & districtus, sive territoria.

De pagis autem in strictiori significatione, quando sumitur pro certa vicinitate hominum, qui circa fontis usum in cohabitatione coiverunt; *supra cap. 1.* egimus, nunc de latiori & latissima acceptione nobis non nihil quoque dicendum erit.

Licet Germani inter Europæ populos antiquissimi sint, tamen in urbibus constituendis posteriores fuerunt. *Knich. de iur. super. territ. cap. 4, num. 127.* quum in fortitudine absque splendore semper per aliquot secula vixerint. At, ne regnum ipsorum esset absque ordine & discretione certa in pagis distributi vitam transigebant.

Erat autem pagus tractus sive districtus unius ditionis aut præfecturæ, vel regio quadam, adeoque populi alicuius pars. Germanis veteribus *eyn gövv*, unde *Gëvugraef*, hodie corrupte *Gograef*, Præses pagi vel regionis alicuius. Helvetiis *eyn Ort*. Communiter *eyn Pflöge*, seu *plaga*; *Revier*, seu *rius*; *Strich*, seu *districtus*, Saxonibus *Magdeburgensibus eyn Berde*, locus planus & uber. Etymon nominis,
affir-

*affirmante Henrico Bebelio in spicileg. , cum quo facit Georg. Fabricius, commentario ad poëtas Christianos, à fontibus; ut supra indicatum est. Vnde & accolæ pagani dicti. Eadem voce Augustino, Orosio, & aliis patribus, appellati gentiles, quod apud fontes sacra peragerent: Quemadmodum iidem nostris Heyden, quod in ericetis sacrificarent. Moris autem fuit tam Saxonibus quam reliquis Germanis, quoties loci aliquis situm exprimere volebant, describere, in quo pago ad quem fluvium is situs esset, & pagus in quo Comitatu. Sic in diplomate Henrici IV pagus Angeri collocatur in Comitatu Ottonis Ducis. Erat enim tota etiam Saxonia in Comitatus divisa, quorum Dynastæ, vel Regum Francicorum, vel post, Cæsarum Saxoniorum aliorumque ipsis succedentium Augg. nomine ius per pagos dicebant, ipsi in burgo aliquo, id est, oppido arcem impositam habente, residentes, in quo *mallus publicus*, id est, auditorium & tribunal esset. Non autem paris fuere magnitudinis hi pagi; sed alii aliis porrectiores. Appellatio usurpari desit circa annum Christi M c. quum pagi in Ducatus, Langraviatus, & Burggraviatus migrarent, ac hæreditatio iure possideri inciperent.*

Span-

Spangenbergius in *chron. Querfurt. cap. 2. fol. 10, lib. 1, & Ernest. Brotuff chron. Marsburg. lib. 1, cap. 4*, coniiciunt, iuxta computationes pagi Gyselæ, ubi nunc Maifburgi extructum est, quod in lata significatione *xxiv*. vici unum constituerint pagum minorem. Sed dein, ait *Knich. d. l. de iur. territ. cap. 4, num. 127*, concessit in latissimum significatum, ut sumeretur pro regione, tractu, ditione, territorio, agro, marca: Postmodum *Landvogtiam* dixerunt Alemanni. *Lazius de migr. gent. lib. 8, fol. 357, lin. 48*. Hinc postea inter ipsos pagos talis fuit distinctio interiecta, ut alii minorum, alii maiorum gentium dicti fuerint; ceu isti fuerunt Alemannia, Belgii, Rhetia, Curienfis, Alsatia, Austria. *Laz. com. reip. Rom. lib. 12, fol. 912*. Austria in *diplomate Otton. III.* nominatur pagus Boaria. *Avent. lib. 5*. Flandria dicitur pagus totalis, atque in ipsa Flandria pagus Felthem. *Duxa annal. Holl. lib. 8, fol. 407*. ac Menapiscus pagis in *capitulariis Caroli Magn.* pro Flandria comitatu sumitur. *Scalig. de notis. Gall. fol. 107. opusc. var.* Sic totum Belgium frequentius inferioris pagi nomine indigeratum fuit, à situ, quod nulli ferme montes in eo sint, & fluvii prono cursu in mare ferantur.

Thuan,

Thuan. lib. 40, fol. 889. Sic pagus tota Hassia dicta fuit. *Simon. lib. 4, c. 72.* velut etiam Misnia pagorum trium, Niseni, Dalamincii, & Glomaci, Dittmarus mentionem facit, *lib. 4, fol. 35, & lib. 5, fol. 56.* Slavonia amplissima in duodeviginti pagos dispersita fuit. *M. Adam Brem. lib. 2, cap. 17,* quos recte enumerat Meib. *in tract. de pag. antiqua Sax. 7, & 8, fol.* Antiqua enim Saxonia, ut gentes plurimas continebat, ita maxime in pagos maiores & minores distributa fuit; ut idem Meib. recensuit quamplurimos, quorum nomina prima exoleta aut penitus corrupta sunt, quum facies totius Germaniæ ab eo tempore toties immutata fuerit. Iul. Cæsar, *lib. 1, de bell. Gall.* scribit, Helvetiam totam in quatuor pagos divisam fuisse. In qua vestigia quidem pagorum adhuc supersunt minorum gentium. Unde hodie tredecim numerantur: 1. Tigurini. 2. Bernates. 3. Lucernates. 4. Vrani. 5. Suitenses. 6. Vnderwaldi. 7. Tugiani. 8. Glareani. 9. Basilienses. 10. Solohurii. 11. Friburgii. 12. Schaffhusani. 13. Apezellenses. Qui arctissimo fœdere inter se conglutinati cohærent, & æquali iure utuntur; ut ita communem æqualiter administrent rempubl. *Sleyd. lib. 3, c. 65.* Similem

lem prope formam hodie etiam in confœderato Belgio cernimus; sed, pro moderna loquēdi forma, *unitas* dicunt *provincias*. Ita ex mutatione rerum, status quoque sumuntur vocabula, quæ pro temporis usu & ratione rem exprimant. Veluti idem in aliis synonymis observari datur, & iam in voce territorii ac districtus explicandum est, ad quam nunc progredimur.

Postquam ditiones cum commissiōnibus in populos ex benignitate maxime Imperatorum transierunt in aliquem hæreditatis modum, ut, qui officiis & dignitatibus præfuerant, cum terræ eius parte, in qua dominium & iuris cognitionem ceu Comites exercuerāt, in hæredes suos possent transmittere; inde quoque maioris auctoritatis vocabula, ut eo magis essent cum status mutatione in observantia apud subditos, sibi sumpserunt & mutati sunt. Ditionis vox maxime latinitatem redolet, à *dito* descendens; ac significat potestatem & imperium. *l. 2, § cap. ff. de orig. iur.* Huic cognatum est nomen districtus, à *distringendo*, quod in feudisticis libris pro *coërecto* sæpe sumitur, ut in *cap. Carol. Magn.* Interdum quoque pro territorio usurpatur. *Ant. Florent hist. part. 3, tit. 20, cap. 8, §. 13, velut districto* idem est ac *præciso*

præciso. Et omnino se res ita habet.
l. 7, §. 5. ff. de minor. & l. 13. ff. de procur.
Vnde *districtus*, seu *districtio*, ita à
Iuris definitur, quod sit coercendi po-
testas, sive iurisdictio, quæ magistratui
cum imperio mixto intra certæ regio-
nis ac territorii fines conceditur. Sic
iuris potestas cum regionis aut certa
terræ parte in districtu connectitur.
Quamvis Saxones voce *Strich*, tractum
quendam terræ loco certo adsignarunt,
qui ea locutione determinatus fuit,
ut *supra dictum est*. Vult quidem Knich.
in comment. suo de iur. Saxon. non prov.
cap. 4, num. 63, quod iurisdictio, seu-
dum, castrum, territorium, nihil inter
se ad fine habeant, quum diversa sint.
tamen, cum *Cancell. & alii, num. 66*,
ibidem, ita concludit: Quantum inter
se dissideant vel conveniant, certam
doctrinam dari non posse, idcirco
communem usum in provincia at-
tendendum. *Hippol de Mars. tract. bann.*
verb. civit. num. 19, 107, & 152. Sunt
enim, ait, quatuor, puta: territorium,
districtus, provincia, comitatus. eius-
dem significationis & mutui usus.
Bertaz. conf. 252, in add. litt. a. Cri-
min. Chop. de ll. Andium, lib. 1, cap. 42,
num. 6, &c. Et quamvis videatur ter-
ritorium aliquid amplius censerì,
quam diœcesis, (iudices enim eccle-

fiastici exilium dictare nequeunt,
 quod territorio prorsus destituantur,
 licet non diœcesi vel districtu desti-
 tuantur. *Clem. ne Romani. § sine. de*
Elect. Chopp. del. And. cap. 39, num. 5,
ad fin.) attamen illud procedit, *ait:*
 quando ecclesiastici non fruuntur du-
 plici iure, ecclesiastico & civili, scilicet
 Præsulis & Principis. quo casu
 diœcesin & territorium obtinent. *Be-*
rett. cons. 3, num. 27. Sic regio, ditio,
 provincia, curia, æquipollent, & acci-
 piuntur pro territorio & districtu,
Sobrad. de feud p. 10, sect. 7, num. 21, cum
seqq. Quamvis de provinciis paulo ali-
 ter serres habeat, ut mox indicabimus.
 Territorii autem erymon triplici mo-
 do conficitur. Namque alii à terra,
 quam Varro ab eo dictam vult quod
 teratur, quasi *tera* sit; ut in *Augurum*
libris scriptum invenitur. alii, ut *Siculus*
Flaccus, à *terrendo*, quod ab agris occu-
 patis terrentur hostes, alii, ut *Isidorus*,
 territorium quasi *tauritorium* vocatum
 aiunt, id est, tritum tauris, vel à bobus
 & aratro; quasi *terribovium*; opinante
Catone in originibus, lib. 5: quandoqui-
 dem olim possessionum territoria li-
 mitibus designabantur. *Luc. de penn. l.*
53, num. 2, C. de decur lib. 10. Vbi vero
 non excoli potuit, sicuti loca sylve-
 stria, paludosa, saxosa, montosa, & ste-
 cilia,

rilia, nullis necesse fuit limitum regu-
 lis obligari. Hinc in legali disciplina
 (ait *Knich. de territ. orig. cap. 1, num.*
198) sumitur pro universitate agro-
 rum. Nihilominus etiam huic anne-
 ctitur *terrendi*, quod magistratus in-
 ter suos fines hoc exercuerit. *l. pupill.*
239, §. territorium. ff. d. V. S. Hinc *Flac-*
cus de cond. agror. inquit; Bellis gestis
 populi victores terras omnes, ex qui-
 bus victos eiecerunt, publice atque
 universaliter territorium dixerunt, in-
 ter quos fines ius dicendi esset. *Camill.*
Borell. conf. 86, num. 7, fol. 138, edit.
Ven. Itaque territorii vocabulo intel-
 liguntur ii qui intuitu iurisdictionis
 terri possunt. *Beroius conf. 22. num.*
20, vel. 3, Cont. de feud. tit. de orig. &
lib. feud. Ius illud terrendi, id est,
 potestatem dicendi ius, vel admini-
 strandi iurisdictionem, Romani per
 Magistratus suos expediebant: quod
 postea, constituta Monarchia, &
 translato Imperio, aliam quoque,
 cum mutatione dignitatum, pro mo-
 re cuiusque seculi, figuram pedeten-
 tim induit. ut docet *Knich. d. l. Vide*
eund. in comm. de Sax. non prov. tur.
cap. 4, num. 71, & seqq. quomodo tripli-
citer consideretur. De territorio oppi-
 dorum & civitatum, item iudicium, extat
l. 3, §. non perpetua. ff. de sepul. viol. l. 1,
§. si

§. si quid. ff. de leg. 1. l. final. ff. de iurisdic. Non vero incommode hodie ad limitata territoria referuntur dynastia, baronatus, comitatus, & abbatia inferiores. Chr. Matth. lib. 1. pol. p. 180.

Nunc itidem vox *Provincia* cum eius descriptione examinanda nobis venit; quum plenius quid dicat, & merito ducatus principatibusque adsimiletur, ut hodie eius fert usurpation. *Provincia* igitur usus & nomen maxime Romanis proprium fuit; quod ex ipsa vocis huius etymologia apparet. Namque inde, inquit *Festus*, appellantur provinciae, quod populus Romanus eas, provicit, id est, ante vicit. Alii quasi *procul victas* volunt. *Knich. encyclop. cap. i. num. 131.* Sed postea factum, ut non tantum eas regiones, quas debellarant penitus & subiugarant, provinciarum nomine salutarerent; sed etiam in quibus Imperator Romanus publico nomine bellum administrabat. Attamen non omnes regiones, civitates, & populos, cum quibus Romanis res fuit, eadem subjugationis duritie tractarunt; sed prout se adversus populum Romanum gesserant, ita pro suis quisque meritis leges accepit: Ac, ne vincendo prodigerent ius suum, sane non sine maturo consilio, certam cuique loco & regioni

regioni gratiæ aut pœnæ constituebant portionem. Etenim quum omnis beneficii ac honoris arbitrium esset penes Senatum, imperator aut administrator belli tenebatur, de superatis hostibus, atque regione in potestatem adducta, omnia integre litteris explicare Senatui : tum hic ipse de mulcta ac præmiis eorum, qui victi erant, secum consultabat, ac, quid sibi placeret fieri, Imperatorem admonebat, decem aut quinque legatis Senatoribus ad eum missis, ut ex eorum sententia de hostibus & eorum regione aut civitate statueret. Quibus mandatis acceptis, Imperator aut ex certa Senatus, si ita præscriptum fuerat voluntate, aut de communi decem legatorum sententia, victis gentibus vel ignovit, aut in provinciæ formam redegit. Quibus culpa ignoscebatur gentibus, libertate donabantur, relicto iure constituendi magistratus iuxta propriam consuetudinem, iuxtaque leges autonomicas, at tamen ut tributum certum exolverent. Tributum autem duplex fuit : unum pecuniæ ordinarium ; quod in caput atque in solum impositum quotannis exigebatur : alterum extraordinarium ; quod aut ex lege, aut ex Senatusconsulto, pro usu provinciæ aliquando imperabatur.

tur. &c. Quiusmodi inventiones variæ erant; eæque aut apertæ, aut secretæ: qualis hodie supra modum argutas in Belgio reperias; quæ nemini aliter quam secretorum instar cognoscenda permittuntur. Inmunes quidem & libertate donatæ tales dicebantur regiones, reges, aut civitates; nihilominus fœderis pacta inire cum victoribus cogebantur, atque prout fœderis leges æquiores aut iniquiores fuerunt, ita quoque diversa fœderum genera invexerunt. Cum Regibus tamen ut plurimum benignius transegerunt. Sic Attalus Asiam testamento legavit populo Romano, hac conditione, ut legibus suis uteretur, neque in provinciæ formam redigeretur. *Florus lib. 2, cap. 20.* Iudæa quoque hoc beneficio donata fuit, ut autonomiam religionis, quam flocci pendebant Romani, & pro stulta habebant superstitione, sibi reservarent; *ut ex actis Apost. apparet, cap. 18, 14, 15, & 25, 19, & 26, 24, Marcellin. lib. 14.* In provinciæ autem formam illa redigi dicebatur terra, cuius incolis Imperator omnes adimebat immunitatis leges, magistratui Romano, quotannis ab urbe mittendo, eos plenarie subiiciens, ac vectigalia conventusque constituens, interdum etiam alias imponens servitutes;

tutes ; quæ ratione simul & iure magistratus sui spoliabantur. Quæ de causa in singulis provinciis diversæ dioceses, sive diversi conventus, atque diversa fora constituebantur, eisque suæ civitates attribuebantur, quæ eo, iuris à mag. stratu Romano poscendi causa, convenirent. Ex quo intelligi potest, universam provinciarum rationem, fuisse, ut vectigalis esset, atque magistratui Romano populoque obediret. Quæ penitus in servitutem redactæ erant regiones, aut civitates, stipendiariæ; quæ aliquid penderunt Romanis, immunes; quæ libertate donatæ, fœderatæ præcipue appellatæ sunt; sed sic ex fœdere quid debebant. Libertæ autem dicebantur, quæ nil omnino solverent. Sed tamen provincia nulla fuit, quæ non Romanum Prætorem ac Quæstorem habuerit : illum, qui ius diceret; hunc, qui vectigalia & pensiones procuraret. Nec non & ipsarum provinciarum duplex hinc divisio fuit. Nam stante republ. aliæ consulares, aliæ prætoriz fuerunt. Imperio vero constituto, aliæ populi Romani, aliæ Cæsaris factæ sunt. Provinciæ consulares erant, quæ ab iis, qui in urbe consulatum gesserant consulari imperio obtinebantur, & proconsules dicebantur. Idem etiam

in prætorianis provinciis sic se habet. *Vide Rosin. de ant. Rom. lib. 7, cap. 42.* Et, quum officia provincialia maxime essent proficua, adeo ut cotidie novas comminiscerentur munerum mutationes, legationes, missiones, quas agnatis, consanguineis, affinitate propinquis, aliis identidem alias deputarent; factum hinc tandem est, ut istiusmodi provincialia munera, vulgo ab acutioribus in proverbium traherentur, quodvis proficuum munus provinciam appellando. quod facile colligere est ex *Ros. d. l. cap. 42; tale quid etiam innuente, ubi de Comitatu adiutorum agit.* Hinc quasi tertia significatio provincie adiecta est, quæ ab administratione provincie desumitur, ita ut tale munus determinet, quod sit cum insigni lucro & dignitatis existimatione coniunctum. Velut etiam hodie exempla satis evidenter sunt ante oculos omnium, quæ nemo negare dedebit. Etenim unde tot Provincie, Principatus, Ducatus, Electoratus, Superiores Abbatiæ, Episcopatus, Archiepiscopatus, emerfissent, nisi tam pronus fuisset populi favor, & Imperatorum splendida munificentia, quæ cum provinciis summa iura possessoribus suis concessit?

Ex his iam satis patet provinciarum

rum ratio. Superest, ut de regionibus
sive regnis, & imperio, pauca agamus,
tamquam de receptaculis latissime dif-
fusis, & nulla limitatione domini
coangustatis aut constrictis. Verum
quum ex iam dictis satis pateat, quan-
tum distet provincia à regione; non
opus erit pluribus id explicatum dare.
Etenim regio provincias & districtus
in se continet libere, nulla cum limi-
tatione restricta, supremum simul do-
minium sceptri suis terminis inclusum
tenens; adeo ut incolæ capiti suo li-
bera præstent membra à quo depen-
dent: quod in provinciis aut territo-
riis non est absque respectu. Regnum
eodem, ait *Don. Garf. Mastril. de Mag.*
lib. 4, cap. 13, num. 4, f. 42, dicitur ca-
put dignitatum; Ducatus vero, & si-
miles, appellantur illius membra.
Quamobrem etiam Rex tam multum
potest in regno suo, ac Imperator in
Imperio; quum respectu suorum sub-
ditorum sit tanquam imperator &
monarcha. *Idem lib. eod. cap. 1, num. 3,*
& 4. Rex loco domini habetur, &
regnum magis adsimulatur dominio,
quam simplici regimini; ut voluit
Bald. consil. 271, num. 3, volum. 1,
Mars. d. lib. 1, cap. 4, num. 6, & 7:
quum auctoritatem primæ originis
in se contineat. Principio enim re-

rum gentium & nationum penes reges imperium residebat, ait *Pet. Greg. Thol. lib. 6, cap. 8, num. 4.* quos populus ad fastigium huius maiestatis eve-
rat, unde iura regiminis distribuebant & communicabant suis. Maiestas enim nihil aliud est, quam potestas summa regendi rempublicam. *Barn. de fundand. stat. reip. cap. 1, & 2. Eynsi- del. de Regal. cap. 1, num. 26.* Quin ipsum regere nil aliud est, quam rem agere, scilicet populi, ut affirmant *Itali.* velut inde metaphorice fines dicuntur regi. Atque ex hoc satis manifeste, *regionis* nomen unde sit, elucescit, quod, priusquam provinciæ fierent, regiones sub regibus essent, atque ab iis regerentur. Postea vero, à similitudine earum regionum, in quas orbis dividitur, maiores in urbe partes *regiones* appellari coëptum est. *Rosin. de ant. Rom. lib. 1, cap. 12.* Quam similitudinem quoque medici sequuntur, & ad imitationem microcosmi, etiam microcosmum, hominis videlicet corpus, in suas distribuere solent regiones: quod non fit aliter, quam parabolice. Mirum igitur, quod *Alth. in diceob. lib. 1, cap. 33, num. 3,* regionem & provinciam secundum propriam locutionem; provinciam item & quamlibet civitatem, habentem di-
stin-

distinctum & separatum regimen & territorium, eadem esse voluerit; quum tamen in his & ipse tantam differentiam statuatur, ut neque in origine, nec amplitudine modove regiminis, nec iuribus potestatis & dominii, cum provincia convenire asserat; ut ex iam dictis patet. Nec certe circulos Imperii Knich. in comm. de Sax. non prov. iur. provinciis adsimulat, cap. 2, num. 2: quum propter amplitudines & regalitates iis inhærentes, melius regionibus æquiparentur; quum Electores Imperii Regibus dignitate non cedant, iuxta Dd. consensum; & ipse Kn. ibid. cap. 3. num. 35, & 36, Electorale fastigium angustius quam Præfectorum pratorio faciat. Quippe in ipsorum potestate est leges fundamentales Imperatori proponere & conservare: unde multo magis in suis ditionibus constitutiones promulgare, contrarias mutare, abrogare, novas constituit; etiam iura communia tollere possunt. Knich. de territ. orig. cap. 1, num. 397. Non immerito igitur Circulos imperii regionibus adsimulamur. Vbi simul hoc bene notandum, quod inter regionem & ipsum regnum, multum interfit. Regio enim territoria, provincias, & districtus, localiter in amplitudine sua complectitur; Regnum

gnum vero effectum totius regiminis in constitutione sua declarat, velut civitatem reipubl. effectum suæ determinare superius diximus.

Restat nunc omnium latissimum receptaculum continens, quod merito universale territorium, siue communi nomine imperium dicimus Romanum; quod omnes regiones, districtus, provincias in sese continet, adeo, ut etiam eius termini non possint semper eodem modo circumscribi; sed, velut de universitate hoc vere pronunciant, quod semper maneat; ita quoque imperium semper permanet in terris externe. *Knich. in tract. de vest. pact. 1, cap. 2, num. 208, & 209.* In cuius rei signum Imperator globum gestat cum cruce aurea; ut *supra in introductione à nobis dictum est.*

C A P. IV.

De terminis, finibus, & limitibus cuiusque circumferentia & loci contentis; deque eorum iuribus & privilegijs.

DE spacio contento plagæ terrestis, quotnam regiminis modi heic introducantur, quibus & definiantur terminis, quibus item reipubl. figuris rece-

receptacula sua implicite illa præbeat, hætenus equidem egimus pro temporis ratione: verum quum nullus circuitus aut circulus absque peripheria detur, & expressione sui ambitus; necessum est, ut termini vel limites, sive potius fines eiusmodi, breviter heic etiam perspiciantur. Etenim sæpius inde tot lites, discordiæ, & concertationes emergunt, ut ingentia bella non raro concitent, & varias difficultates atque confusiones pariant. *Besold. pol. cap. 12, num. 76.* Dum igitur regiones & territoria varios suos terminos habent; cognoscendum est, quales nam esse possint. Sunt vero aut industriosa & hominum labore signa apposita; aut quæ natura interseruit, & quibus terram à terra ita discriminavit. Et heic eatenus Hieron. de Monte, *tract. d. fin. regund. cap. 1*, intelligendus est; quando ait: Territoriorum divisiones de iure gentium introductæ sunt; quum genus humanum eas conservent, propter iurisdictionum divisiones in publicis, velut etiam in privatis, ad denotandam possessionis distinctionem, sunt inventæ. Ideoque terminus, limes, vel confinis, dicuntur signa demonstrantia finem. *l. 2, in princ. ff. de term. mot.* Vnde fines regi dicuntur, quando propriis ager quisque finibus

nibus terminatur; inde, quod ad terminos constituendos, vel fines dirigendos, inter eos, qui confines agros possident, datur iudicium finium regundorum, & de regundi finibus. ut *C. & ff. de fin. reg.* Quam ob causam olim collegia agrimenſorum fuerunt instituta, qui fines regerent, & limites dirigendo dignoscerent; ut liquet ex constitutione Theod. Valent. *Impp. l. precipimus. ff. de sepul. & Imp. Const. l. 3. C. de fin. reg.* qui mensores Vipiano dicuntur. *l. si irruptione ff. d. t. Rurg. Rul. de comm. lib. 6, cap. 3, num. 16, 17.* Mos est vetustissimus, tam in publicis quam privatis, ut eius origo ex Sacris pateat litteris. Etenim *Gen. 28*, dicitur, Iacobum erexisse lapidem notationis suæ, & infudisse simul oleum. Ita *Iosu. 2, & 24.* Iehova mandat erigi duodecim lapides. *Prov. 22, 28*, ait Salomon; Ne moveret terminum antiquum, quem aptarunt maiores tui. Item, *Prov. 23, 10.* Ne moveas terminum antiquum, & agros pupillorum ne invadas: nam vindex eorum potens est. Velut ipse Iehova id præcipit per Moſen, *Deut. 9, 14; & 27, 17.* Quem modum etiam antiqui Romani habuerunt, & a deo sancte observarunt, ut quoque ex Termino idolon sibi fecerint, quod in Capitolio suo coluerunt.

Ros.

Res. de ant. Rom. lib. 2, cap. 20. Singularesque leges constituerunt, quas agrarias vocarunt; ut idem *Res. lib. 3, cap. 9, eas recenset.* Qui mos etiam Græcis fuit, ut ex *Plat. lib. 8. de ll. cognoscere licet*; qui non solum magnos lapides, sed etiam parvos in consideratione fuisse testatur. *Plin. l. 18, & Dion. Halicarn. lib. 2, de ant. Rom. & Serv. ad lib. 12, Virg. heic consuli posunt.* Hinc nomina terminis varia, pro cuiusque gentis consuetudine, indita sunt: maxime vero eos vocarunt lapides finales, ad dignoscendos agros. *§. fin. Inst. de off. lud.* Paucos autem, territoriales terminos dixere. *Boët. lib. 2. Geometr., prout eum citat Cuiac. 10, obs. 2. Coras. in l. ex hoc iure ff. de inst. & iur.* Quandoque saxa, quæ terminales lapides vocantur, sunt pro limite; *Landgreutz, steyn.*

Porro, & civitates vel castra, provinciarum aut regiones, varios terminos habent: videlicet aut mare, vel ripas fluminum intercurrentium, vias regales, montes, aut muros stipites, speculas, valles, fossas, aggeres; *landvvehren, landgräben*; velut *Hieron. de Mont. d. tract. de fin. reg. per. 14, cap. ubertum de q̄s agit. & Rul d. lib. 6, de com. cap. 1, usque ad fin.*

Tum, qui termini interpositi fuerunt studio, ii vel privatos vel publi-

cos fines constituunt & discriminant: Velut omnium optime ex Germanica lingua patet. Etenim vulgo & generaliter, indifferenti locutione, præsertim etiam Saxonico iure, vocantur *mahlsteyn*; quod à Germanico *mahl*, id est, signum, & *steyn*, id est, lapis, compositum est. Sic dicuntur & *bannsteyn*; quum *bann* extremitatem denotet; velut *bannst* dicuntur ii, qui finibus excluduntur; *Gail. 1, de pa. publ. 1.* vel à vocabulo *bahn*, quod semitam significat, quasi lapides secernentes agros. *Landrecht art. 50. item 59. Sachsen Spiegel passim. V Vehn. pract. obs. lit. 9.* Alias si publicus territorii aut regionis terminus notetur, sunt vocabula *grenzt*, *landgrenzt*, *marck*; unde *Grenztsteyn*, *landsteyn*, *landvwehr*, *marcksteyn*; & terminatus, *marck scheydung*; integri districtus, *veldmarkung*. *Petr. Heig. 9. 2, num. 57, &c.* Eiusmodi lapides publici & signa tanta cum cura positi sunt, ut signa ex carbonibus, lateribus, ovis, &c. quasi in rei testimonium, alia ipsis sint adiecta; ceu Iacob oleum infudit iis lapidibus; ut *supra notatum est*. Hisce consimiles sunt lapides aut pali, quibus discernuntur termini venerationum, & iuris lignandi; vulgo *iaght & forstgrenzen*. Item lapides decimarum, *zehendgrenzen*; & termini

mini præfecturarum, *amptgrentzen*.
Et hæ species inter publicos referuntur
terminos.

Privatorum autem lapides dicuntur
scheysteyn, limites, vel *guet tersteyn*;
qui aliquando cruce, aut charactere
aliquo, aliave nota, signantur. Sunt
etiam lapides angulares, *ortsteyne*, qui
principium & finem indicant; qui
utrinque notas gestant, & exprimunt
indigenerationem dominiorum. Quo-
ties lis oritur, signa eiusmodi accurate
observantur. *Rul. com. part. 2, l. 6, c.*
3, & c. Gilhaus. p. 2, c. 6, art. 2, §. 10. vi-
de Rosin. lib. 8, cap. 9, circa finem. ubi
quoque de pœnis agit cuiusque qui
contra illa deliquerit. Velut etiam
egregie de hoc utroque agit Knich. *in*
tract. de iure superioritatis, cap. 4, num.
265, & seqq. qua solemnitate limi-
tes, ut auctoritatem publicam & fi-
dem mererentur, ex auspiciis Cent-
graviorum per designatos apud Ger-
manos constituti fuerint. Vnde illos
olim apud Romanos ex sacratei deter-
minatione, qui terminos movissent
agrarios, licitum fuerat ex Numæ
Pompilii sanctionibus impune interi-
mere. *Connan. lib. 1, cap. 12, num. 3.*
Verum talem rigorem legumlatores
postea temperarunt, ut ratione amo-
tionis, avulsionis, mutationisve pœna

condigna interrogaretur delinquenti. *l. 2, & passim ff. de term. mot. Saison. de consul. Turen. tit. 1, §. 1, gl. 3. Dampn. cap. 127, pract. crim. Constit. Car. in. 114.* Ex variis statutis varias pœnas deducit Bonifac. *de furt. § 9, n. 79.* Nostrare iure violatoribus terminorum constituta est pœna exilis xxx. solid. sin autem scienter & dolose delictum committatur, arbitraria multa obtinet. Gloss. *vero sup. art. 28, lib. 2, in violentum & temerarium terminorum amotorem capitis supplicio animadvertendum esse adserit. Fach. diff. 65, &c. Coler. autem decis. 145, n. 6, arbitrariam pœnam statuit. vide Alth. in Dicaolog. lib. 1, cap. 117, num. 35.*

De fluminibus autem publicis & mari idem dici & affirmari omnino nequit, quorum ratio plane diversa est. Iehova quidem terram hominibus dedit incolendam, *Psal. 115, 16: Terminũ vero ipse circumdedit aquis, donec lux & dies transeant. Job. 26, 10.* Ita & ipse Iehova loquitur, *Job. 38, 8, & 10: Ego obstruxi mare portis, quum fluctuaret ex ventre matris suæ egrediens. Posui autem ei terminos, circumponens claustra, & valvas. Velut etiam post diluvium omnibus simul hominibus commune retum dominium & possessionem tradidit.*

dit. Quare simul omnes gentes id, quasi in conscientia convicti, heic confitere coguntur, quod rerum inanimatarum communium occupatio atque proprietatis vendicatio nulla sit earum, quas natura communes esse voluit, quæque ex his natæ sunt. Ac ut confessioni huic nihil subduceretur, Icti in §. 1, *Inst. de rerum divis.* legi divinæ & naturæ subscribere coguntur. Distinguunt quidem inter res singulorum, & res communes: at aërem, aquam profluentem, & mare, nulli appropriat. Audiatur antesignanus omnium Ioh. Borch. in *com. ad Inst. lib. 2, §. 1*, Paulus, air, littera nullius esse tradit. & l. 1, *ff. de rer. divis.* Ibi Caius publicas res in nullius bonis affirmat. Inter communes autem res primum ponitur aër, quia ita dictus est, quod, quæ circa terram sunt, *ἀπὸ τοῦ γῆς*, hoc est, elevat; vel quia *ἀπὸ τοῦ περὶ*, hoc est, semper fluit, &c. Aquam autem intelligimus profluentem: *hoc §. n. l. 2, ff. de rer. div.*; quia aqua non profluens communis non est. Ac recte Theophilus τὸ ὕδωρ τὸ ἀνέμωον vertit: Et debent hæc duo, *aqua profluens*; coniunctim legi, non separatim, ut quidem male tradiderunt. Ac differt aqua profluens à flumine in hoc, quod aqua profluens commune nomen est, flumen publicum. Vfus

vero utriusque communis. Et in eo communia & publica conveniunt. Ac quidem usus aquæ profluentis communis est, quatenus eam sumere & uti eadem; fluminis, quatenus in eo piscari, & per ipsum navigare, cuique liberum est. *Iacob. Cuiac. heic.* Tertio inter res communes Imperator numerat mare, & ideo nemo in mari piscari aut navigare prohibetur, & adversus prohibentem competit actio iniuriarum. *l. 2. §. si quis in mari. ff. ne quid in loco publ. l. iniuriarum, §. ult. ff. de iniur.* Denique littora quoque communia sunt, *d. l. 2, ff. de rer. div. & c.* quia accessorium sunt maris, & accessorium sequitur naturam principalis. *l. 2, ff. de pecul. legat. c. accessorium. d. R. l. in 6.* Ad littus igitur maris accedere quivis potest, non piscandi tantum gratia, sed etiam ædificandi & occupandi causa. *l. quod in littore. ff. de acq. rer. dom. l. an littore. ff. nequid in loco publ.* Et quod in littore quis ædificat, ipsius efficitur. *d. l. quod in litt. & l. quamvis. ff. eod. in tantum,* ut & soli dominus constitutatur, qui ibi ædificat; sed quam diu ædificium manet; ædificio collapso, quasi iure postliminii, revertitur locus in pristinam causam, & si alius in eodem loco ædificaverit, eius fiet. *l. in tantum. ff. de rer. div. & d. l.*

d. l. quod in litt. ff. de acq. r. dom. Quare videant illi qui contrarium heic sentiunt, quomodo se in falsa opinione defendere queant. De fluminibus publicis, ait *Besol. in pol. cap. 12, n. 78*, si limites (hoc est, si inter duas iurisdictiones seu in confinio duorum territoriorum) sint, id est observandum, ut in dubio præsumantur esse communia, & proinde iurisdictionem cuiuslibet territorio competere in ipso flumine, usque ad medium, *arg. l. 19. ff. com. divid. l. fin. ff. pro socio. l. arbor. ff. de rer. div. Bart. in tract. de fluminib. vers. acquiritur. num. 8. Capoll. tract. de servit. rust. c. 13, num. 14.* Sicut etiam ad mare si provincia sit, territorium dicitur habere in mari. *Capoll. d. l. c. 26, num. 26, & c.* Præterea si flumen publicum duo dividat territoria, & id alveum mutet impetu aquarum, ob id territorii fines non mutantur. *arg. l. 18, §. 4. ff. de dam. infect. l. 1, §. illud. l. 3, §. 2, ff. d. aqua corid. cum simil.* Nec alluvionis ius in iurisdictione vel territorio vindicat sibi locum: hoc est, iure alvei derelicti, territorium haud augetur, &c. Verum etsi (*inquit Rub. lib. 2, de comm. cap. 9, num. 1.*) piscatio omnibus sit communis: §. *flum. Inst. de rer. div. l. nemo ff. eod. post Fabr. Turpur. p. 1, cons. 140, num. 6;* & prohibens,

bens, iniuriarum teneatur : l. 2, §. si quis. ff. ne quid in loc. pub. & l. 13, §. si quis. ff. de incur. Moer. de venat. p. 1, cap. 6, n. 2, & 12. tamen ea ad regalia hodie referuntur. l. unic. que sint Regalia Petr. à Petr. de potest. Princ. c. 7, n. 13, & de fidecommiff. q. 13, n. 174. Knich. in com. Jur. Sax. fol. 135, in §. vvaſſer fiſſcherey. Moer. de venat. p. 13, c. 6, n. 6, & c. Sed erreret quis studio, quantum volet; nihilominus auctor ille, ſive Hug. Gr. ſit, ſive alius, qui ante annos aliquot inſignem tractatum de mari libero, Lugduni anno 1609. impreſſum, edidit, quam optime libertatem & communitatē maris defendit. in primis. cap. 5, quum fuſe ſatis & argutiſſime veram ſententiam explicaret, paulo ante refutationem Luſitanorum ita concludit. Mare igitur proprium omnino alicuius fieri non poteſt; quia natura, commune eſſe hoc, non permittit, ſed iubet: imo ne litus quidem; niſi quod hæc addenda eſt interpretario, ut, ſi quid earum rerum per naturam occupari poſſit, id eatenus occupantis fiat quatenus ea occupatione uſus ille promiſcuus non læditur. Quod merito receptum eſt. Nam quum ita ſe habeat, ceſſat utraque exceptio; per quam eveniſſe diximus, ne omnia in ius priorum tranſcri-

scribetentur. Quoniam igitur ædificatio species est occupationis, in litore licet ædificare, si id fieri potest sine cæterorum incommodo; ut *Pomponius loquitur, &c. l. riparum. §. 1. ff. de rer. div. l. fluminum. ff. de dam. infect.* Ex quibus etiam satis pater, quid sentiendum sit de controversia, quam adeo inter Regem Daniæ & civitatem Hamburgi hodie de territorio in Albis flumine fervet; ubi potissimum ius sibi Hamburgenses adscribunt, propter vasa, quæ navigantibus semitam profunditatis monstrant, quæ vocant, *die Bæcktonnen*; unde iurisdictionem in mare usque extendere cupiunt, quousque sumptus iis impendere in commodum suum cogantur. Ita quoque pater, quid de terminis maris Orientalis ac Baltici sit statuendum; velut etiam de reliquis undiquaque partibus Oceani septentrionalis, meridionalis & occidentalis; simul de mari mediterraneo, & Indico. Decisiones quisque sibi colligat ex dicto libello de mari libero, qui certe non sine iudicio legendus est. *vide quoque Althus. Dicaol. lib. 1, cap. 36, n. 27.* Mirum, quod quis sibi velit ibi dominiû constituere territoriale, ubi Deus ipse prohibuit terminos, imo & prorsus per naturam hominibus abnegavit

vit terrestres constituere limites. vide
Betsium de pact. famil. Ill. pag. 648. &
Clut. syll. th. 12. ut notetur error Alber.
Gentil. lib. 1, Hisp. ad cap. 8; & de mari
acquis. Modestiores sane fuerunt Im-
peratores, qui dominium maris ad se
non spectare fassi sunt, quamvis essent
omnium gentium & terrarum vel
universi mundi domini. l. 9, ff. ad l.
Rhodium de iactu, Bets. p. 648.

C A P. V.

De collegiis, sodalitatibus vel sode-
litus, consortio, & ordinibus
in republ.

Satis haftenus de continenti & eius
 proprietate constitutiva egimus; se-
 quitur iam, ut contentum simili ra-
 tione perscrutemur. Quod duplex est;
 minus, & maius. Minus, est respectu
 universitatis non adeo multorum ho-
 minum, qui ob certam consociatio-
 nem inter sese mutuo consensu coive-
 runt. Eius diversæ propter differentes
 professiones & studia actionumque
 intentiones habentur species. Quam-
 vis sint, qui omnes communi nomine
 Collegii insignire velint, & ita quo-
 que popularis mos loquendi ferat; ta-
 men, si rem ipsam intueamur, & obie-
 ctorum

etorum rationem penitus exanimemus, nemo non confitebitur, discrepantiam satis immensam dari. Quum itaque se ita late extendat, ante omnia percipienda est nominis ratio. M. Varro *lib. 5, ling. Lat.* vult, quod à colligatione societatis, non ab eligendo sit dictum, ut *Alciato placuit*: Magna enim vis est mutuae conglutinationis animorum, in morum, studiorum, & opificiorum similitudine, unde talis amicitiae complexus recte colligatur. Quod, iuxta Plutarchi testimonium, Numa Pompilius, qui primus auctor huius inventi apud Romanos dicitur, recte observavit. Ut enim æmulationes & factiones inter diversæ nationis cives tolleret; quum se alii Romanos, alii Sabinos, hi Romulos, illi Tazios dicerent: hunc modum invenit, quo homines eiusdem studii cupidos, in societatis arctioris vinculum cogeret: suaeque divisione hoc consecutus est, ut omnibus cum omnibus rectius conveniret, ac commercia intercederent. *Ros. de ant. Rom. lib. 8, cap. 6, num. 41.* Sed quum res quæque abusu non careat suo, ideo factum est quoque ut huius vocis significatio non una manserit. Proinde dupliciter accipitur: pro collegiis licitis, & illicitis. Isthaec sunt, quæ non iustis & legitimis coie-

T t 5

re le-

re legibus, sed contra quæ lex Licia olim lata fuit. ut ait *Duar. in com. de colleg. & corpor.* Illa vero, quæ mandatis, Constitutionibus, & SCtis, permittuntur. *Duar. ibid.* Licitum potro Collegium aut proprie aut improprie ita vocatur. Proprie vero sic dictum, vel in genere sumitur, vel in specie. In genere, quando in schola ICorum Collegæ dicuntur i. magistratus, qui eiusdem sunt potestatis; *l. 173. ff. de V. S.* ab eo quod una lecti sint. 11. Contutores Concuratoresve collegæ dicuntur. *l. 14. l. 46. §. cum testam. ff. de adm. tut.* 111. Collegæ dicuntur, qui eadem legatione funguntur. *l. 2. ff. de legat. lib.* 10. 14. Quin imo cohæredes collegæ dicuntur. *l. 101. ff. de solition.* In specie vero Collegium significat legitimam trium pluriumve personarum eiusdem conditionis, professionis & ordinis consociationem. Quæ significatio huius loci est propria. *l. 4. ff. de colleg. & corp.* Eaque iterum duplex est; aut liberalibus studiis, aut aliis negotiis accommodata. Improprie vero accipitur, quando ita late extenditur, ut consortibus quibuscvis etiam in imparitate studiorum applicetur. Velut inde eorum error patet, qui etiam ipsis universitarum speciebus Collegii notionem super-

perinducere solent. Et quamvis collegium, quod sæpius multis consociationibus inæqualibus accommodetur improprie, exinde variis synonymis exprimitur, ut dicatur societas καὶ ἔξωχλὺς, cœtus, sodalitas, synagoga, synodus, concilium, consortium, comilitium, fraternitas aut fratria, ut ait *Duarenus*, amicitia vinculum, ἰταί-εἰα, coitio amicorum: &c. tamen nunquam cognationes, familias, ordines, aut civitates ipsas, & ecclesias, parœcias, &c. complectitur sicut errant ii, qui confundere contentum cum iuris ordine ex ignorantia non verentur. Ut vero eo rectius cuiusque rei proprietas etiam ex impositione nominis appareat, ordine quam potest fieri brevissimoid expediemus. Collegium itaque proprie acceptum *Duarenus* vocat societatem hominum, ita contractam, ut ex pluribus personis quasi una persona & unum corpus fiat. in *Com. de hered. instituend. cap. 2, p. 385. & in tit. 22, de coll. & corpor.* Sed rectius ita definitur, ut supra indicatum, quod sit legitima trium aut plurium eiusdem professionis & ordinis consociatio, publica auctoritate magistratus permessa approbatave, ad commune quid habendam. l. 1, §. 1. ff. quod cuiusque univ. l. 1. C. de sacros. eccles.

666 R E R V M P. H A N S.
eccles. l. 173, & l. 193, §. 4. ff. de V. S.
Bod. lib. 1, de rep. c. 7. Quum in politica
communi usu ita receptum sit, ut &
ordines & collegia in ea dentur; non
tam hoc ex absoluta necessitate factum
est, quam ut magistratus eo faciliori
modo rempub. in tranquillitate con-
servare possit. Quum enim iste ne-
queat omnia observare & disponere
semper ad nutum pro commodo rei-
publicæ, præsertim si singula artificia,
negotiationes, commerciorum ratio-
nes, tum liberalia & mechanica, spe-
ctaverimus: commoditatis causa me-
rito collegia talia instituuntur. At ne
in abusum quidlibet abripiatur, id se-
dulo cavebunt legibus, ut censuram
& præsidium sibi reservent, & aucto-
ritas omnis à superioris concessione
dependeat. Quot autem personis
unumquodque collegium ad mini-
mum constare debeat, id pridem iuxta
commune Ictorum axioma decisum
est, quod tres quidem collegium fa-
ciant, l. 85. ff. de V. S. at unus ius col-
legii tueri possit. l. 7, §. 2, ff. quod cu-
iusque univers. Nam plures non sunt
pauciores quam duo. l. ubi numerus. ff.
de testib. & multi, non sunt pauciores
quam tres. l. 1, §. hoc. V. ad Ictum Syl-
lan. Bart. in l. 4, num. 1, ff. vi bon. rapt.
Potissima autem facultas & energia
con-

consistit in forma collegiorum, quam legitima communicatio suggerit. Er- enim absque tali legitima communi- catione, & mutua auxiliorum offi- ciorumque obligatione, omne colle- gium invalidum est: quum necessum sit, ut collegis omnibus inter sese quid sit commune, quod propositum vitæ secundum pacta conventa iuver. Quæ ratio communionis facit, ut omnes collegæ, iuris collegialis participes, non ut singuli, sed velut unum corpus con- siderentur. Communicatio igitur, ut ex iam dictis & illatis apparet, est quadruplex. 1. legum sive pactorum, 2. animorum fraternorum; 3. opera- rum sive officiorum; & 4. bonorum. Communio legum aut pactorum in- ter collegas ea censetur, qua collegæ legibus & iure inter se devinciuntur eodem, & in corpore collegii vivunt, reguntur, obliganturque ita, ut, qui obedire rite nolit, iuxta pacta punia- tur. Deinde, communio animorum, est reciproca inter collegas seu mutua benevolentia cum singulari concor- dia affectu coniunctio, qua idem no- lunt, & idem volunt, ad communem collegii utilitatem sine dissidio. *Rom.* 12, 16. Nil enim magis probandum est in collegiis, quam concordia & conversatio amica, in fide & hone- state

state fundata, atque ut eo rectius talis conserveretur, necesse est, ut communi consensu sapientis de communibus rebus instituunt deliberationes, in quo maxime benevolentia mutua consistit. Nam, separatim si deliberationes instituuntur, invidia & suspicio æmulationes continuo gignent, unde factiones simul suboriantur, atque hæc quum in perfidiam & turbamenta tandem erumpant, exitus infelix omnia dissolvet. Communio vero operarum aut officiorum consistit in æqualitate promovendi collegiorum commoda, & eorum incommoda avertendi, iuxta mutuum collegiarum consensum sive conventionem. Ratione qualitatis quidem omnia collegii membra sunt eiusdem conditionis: sed tamen ratione potestatis aut ordinis necessum est, ut dentur superiores & inferiores, ut inter seniores aut superiores unus habeat primatum, & potestatem quandam potestatis aut iurisdictionis, ut convocatio pro negotii necessitate fieri, & iuris modus in omnibus observari queat, alias mera confusio fieret, nihilque rite expediri aut examinari posset. Nostrates, hodie præsides aut magistratos tribuum vocant, *Zunfmeyster, groosmeyster, &c.* Communio denique bonorum, in possessione & frui-

fruitione eorum consistit, quæ à singulis collegii membris contributa aut alias acquisita fuerunt. Etenim omne collegium ut requirit pacta, aut præcepta, quæ in certas tabulas aut libros conscribantur, quos vocant *Zunfts-
buecher*, ita etiam res pro sustentatione corporis, arcam & actorem sive syndicum expetit. Possunt enim collegiari tales statuta condere circa rerum suarum administrationem, nec non quoad artem & professionem suam, (*Capell. Tholof. q. 406. ibi Auffer. n. 3. Laur. Sylvan. conf. 1, num. 73, Schurf. consil. 79, n. 10.*) quatenus ius superioris non tangunt, (*l. 51. C. de iurisd. omn. iud. Novell. 4, in fin.*) nec indigent eius confirmatione, ut ait *Knich. de territ. orig. c. 1, n. 269.* quia ius commune indulgens iurisdictionem illam suppeditat. *Beroius conf. 7, num. 10, cum seqq. Item conf. 158, n. 1, 2, &c. vol. 3.* Tum etiam finis talium collegiorum est, aut esse debet, rerum publ. commodior conservatio. Vnde recte loquitur *Bodin. lib. 3, de rep.*, quod nihil ad popularia imperia tuenda ac retinenda potentius sit, aut melius excogitari poterit unquam, quam collegia eiusmodi. Siquidem maxime collegiorum & corporum sunt utilitates in tributorum collectionibus, in pecunia coe-

state fundata. atque ut eo rectius talis
 conservetur, necesse est, ut communi
 consensu sapinus de communibus rebus
 instituant deliberationes, in quo ma-
 xime benevolentia mutua consistit.
 Nam, separatim si deliberationes in-
 stituantur, Invidia & suspicio æmula-
 tiones continuo gignent, unde faction-
 nes simul suboriantur, atque hæc quum
 in perfidiam & turbamenta tandem
 erumpant, exitus infelix omnia dis-
 solvet. Communio vero operarum aut
 officiorum consistit in æqualitate pro-
 movendi collegiorum commoda, &
 eorum incommoda avertendi, iuxta
 mutuum collegiarum consensum sive
 conventionem. Ratione qualitatis qui-
 dem omnia collegii membra sunt eiuf-
 dem conditionis: sed tamen ratione
 potestatis aut ordinis necessum est, ut
 dentur superiores & inferiores, ut in-
 ter seniores aut superiores unus habeat
 primatum, & potestatem quandam
 potestatis aut iurisdictionis, ut convo-
 catio pro negotii necessitate fieri, &
 iuris modus in omnibus observari
 queat, alias mera confusio fieret, ni-
 hilque rite expediri aut examinari pos-
 set. Nostrates, hodie præfides aut ma-
 gistros tribuum vocant, *zunstmeyster*,
großmeyer, &c. Communio de-
 mique bonorum, in possessione &
 frui-

fruitione eorum consistit, quæ à singulis collegii membris contributa aut alias acquisita fuerunt. Etenim omne collegium ut requirit pacta, aut præcepta, quæ in certas tabulas aut libros conscribantur, quos vocant *Zunftbuecher*, ita etiam res pro sustentatione corporis, arcam & actorem sive syndicum expetit. Possunt enim collegiari tales statuta condere circa rerum suarum administrationem, nec non quoad artem & professionem suam, (*Capell. Tholos. q. 406. ibi Auffer. n. 3. Laur. Sylvan. conf. 1, num. 73, Schurf. consil. 79, n. 10.*) quatenus ius superioris non tangunt, (*l. 51. C. de iurisd. omn. iud. Novell. 4, in fin.*) nec indigent eius confirmatione, ut ait *Knich. de territ. orig. c. 1, n. 269.* quia ius commune indulgens iurisdictionem illam suppeditat. *Beroius conf. 7, num. 10, cum seqq. Item conf. 158, n. 1, 2, &c. vol. 3.* Tum etiam finis talium collegiorum est, aut esse debet, rerum publ. commodior conservatio. Vnde recte loquitur *Bodin. lib. 3, de rep.*, quod nihil ad popularia imperia tuenda ac retinenda potentius sit, aut melius excogitari poterit unquam, quam collegia eiusmodi. Siquidem maxime collegiorum & corporum sunt utilitates in tributorum collectionibus, in pecunia coga-

cogenda, in exercitu conscribendo, inque reliquis reipubl. necessariis & coridianis negociis conficiendis. Nam quæ nulla ratione possunt à singulis, omnium optime ab universis conficiuntur, in fratriis aut tribubus, &c. Collegia autem firma maxime sunt, quæ auctoritate Magistratus instituntur. Vnde etiam Icti dicunt, ad probationem collegii, si quæstio status illis moveatur, requiri litteras foundationis, & privilegia à superiori- bus data. *c. porro. extr. d. privileg. vid. Matth. Steph. d. c. 6, num. 79, & seqq.* Collegia vero antiquitus fuisse apud alias gentes, sacra Script. indicat aliquoties. *Gen. 37, 25. Num. 4, 34. Matth. 9, 18. Marc. 5, 22. Luc. 8. 41. AB. 18, 8, &c.* Velut etiam constat ex iis locis, quod suos habuerint præfides aut præfectos, assessores, seniores, &c. & apud Romanos fuerunt primicerii, secundicerii, &c. *vid. tit. Cod. de primicer. & secund. &c.* Collegia autem sunt duplicia: aut officialia, aut communia. Officialia, dicuntur, quæ unius sunt officii. ut in magistratu sunt consulum, & senatorum, ac camerariorum, &c. Communia iterum sunt aut liberalia, litteratorum, aut commercii addictorum. Liberalibus studiis appropriata sive litteratorum varia sunt,

sunt, ut Theologorum, Philosophorum, Ictorum, Medicorum, quæ tamen in Academiis & facultates dicuntur. *de quibus cognosce Lans. de Acad. & Besold. pol. cap. 12, §. 3, n. 31.* Quæ porro heic monenda forent, suo rectius reservantur loco. Negotiantium collegia itidem varia sunt, pro diversitate materiæ: & quum illorum collegia omnium vetustissima ex S. S. possint probari, *Gen. 37, 25*: merito huic numero adsociantur. Reliquæ autem consociationes, quæ circa mechanica versantur, quum servilioris sint naturæ, & raro sine comestationibus aut comotationibus, rectius sodalitates aut sodalitia vocantur. Festus enim sodales dictos affirmat, quod una sederent & essent: vel quod ex dapibus vesci soliti sint: vel à suadendi particula *sodes*, est *si audes*; quod inter se invicem suaderent quid utile & proficuum esset, suis commodis sibi que confidenter destinati, &c. Et sunt hodie talia sodalitia aut fratriæ, pistorum, sartorum, coctorum cerevisiarum, fabrorum, architectorum, agricolarum, mercenariorum, sutorum, laniorum, naviculariorum, &c. Magdeburgi sunt xv tribus, quos *innungen* vocant, ex quibus magistratus componitur; quorum novem potestatem eligendi consules

populi habent. Romæ olim quoque fuit Titiorum sodalitium, & Augustalium. *de quibus vide Ros. de antiq. Rom. l. 3, c. 14.* Consortium autem vel consortio, ut l. 96, §. 3, ff. *de solut. habet*, ceu ipsa derivatio vocabuli designat, similitudinem obtinet collegii quidem; sed quum sorti magis submittratur quam certo & prædeliberato consilio, nec ex his requisitis constet quæ iustum collegium foveat aut postular, conjunctionem eam denotat, quam aut necessitas aut singularis intentio temporis ita iuxta propositum conglutinavit. Veluti Icti consortes l. 15 dicunt, qui in una actione cohærent. Consortes & socii gloriosi laboris, periculi, lucri, &c. vocantur, qui eidem studio incumbunt. Eodem modo commilitium, (l. 19, ff. *de castr. pecul.*) est commercium & facultas ipsa, ceu ius quo una militat; iuxta *Alciat. lib. 4, dispunct. cap. 17.* quum denotet societatem militiæ quam inter se milites habent.

Sed hæc de collegiis licitis sufficiant. Sequitur nunc eorum oppositum, quod aut reipubl. incommoda creat, & in collegiis illicitis consistit; aut licitia corrumpit & subvertit. Collegium igitur illicitum, est improba coitio, seu parasynaxis & con-

ventus plurium, sine consensu magistratus susceptus, ad damnum vel iniuriam alterius institutus. l. 85. l. 173, ff. de V. S. l. 1. l. 3. ff. de colleg. Farinac. de crim. les. mal. q. 113, n. 237, & seqq. Alth. Dicaol. lib. 1, c. 133, n. 26. Equidem ex perperam institutis talibus collegiis, ac sodalitiis, gravissimæ in temp. sæpius irrepere pestes & subversiones: sed tamen accurate heic distinguendum est, ne id pro illicito habeatur, quod libertati Christianæ non contradicat; velut experientia in Apostolis clara est, qui occlusis foribus ex metu conventum habuere, Ioh. 20, 19. Luc. 24, 33. Act. 1, &c. Ita etiam hodie piorum conversationem impii maxime persequuntur, conventicula illicita vocitando, quæ boni tamen in gloriam Dei dirigunt. Proinde Mascardus, concl. 40, & 1129; Farin. quoque. d. l. recte monent, & volunt, quod contravim & iniuriam, ad defensionem vel alium finem legitimum, collegium tale concessum sit. Prohibita autem collegia sunt compotationum, libidinum, comestationum, factionis, monopolii, alex, aut delicti alicuius perpetrandi, quæ est conspiratio. Decian. lib. 7, c. 20. tit. C. de monopol. Petr. Gr. Thol. lib. 13, de rep. cap. 2, 3, l. 15. C. de Epis. & cler. Num. c. 16. Act. 17, 5. &

23, 14. *Matth 2, 3. & passim de Phariseis.*
 Videant igitur Schonb. *lib. 1, pol. c. 11.*
 & Besold. *pol. c. 12, n. 29*, quale con-
 scientiis Christianis patrocinium ex-
 hibean, dum causæ religionis & pie-
 tati suam abscindunt libertatem. Qua-
 lis fuit quæso Apostolorum congrega-
 tio, reipubl. Iudæorum respectu? Fūti-
 lis est ratio, quod inde facile seditio-
 nes & turbæ nasci possint. Vera pietas
 nil commune habet cum talibus deli-
 ctis; sed humilitati studet. & Deo red-
 dit quæ sunt Dei, Cæsarique aut magi-
 stratui cuius quæ eidem sunt solven-
 da, quum noscat, quod iuxta doctri-
 nam Apostolorum omnino potestati
 subiecta esse debeat, cui competit im-
 perium. *Rom. 13, 1, 2.* Quod si Belgæ
 olim tam malum consilium voluissent
 sequi, nunquam certe tam florescentes re-
 spublicas adornassent, ut ex *Meter. re-
 ste indicat Bened. Carpzov. tract. de ca-
 pit. Cæs. c. 3, num. 21.* Potissimum enim
 ex conscientiarum suppressione, ac fla-
 gellatione æmulationes, odia, dissi-
 dia, cæteraque opera carnis oriuntur,
 ut mutua inde irritatione sæpius ea
 concitentur mala interna quæ non
 procul à ruina absint. Sed vident proh!
 sero tandem non pauci magistratus,
 quidnam sit id quod humanas supe-
 rat vires, quando videlicet præci-
 pium

putum dilectionis favorem amittunt in populo. Quis enim dominus est animæ & conscientiarum? Nonne is qui *Matth.* 28, 18, aperte de se testatur, quod sibi sit tradita omnis potestas in cœlis & terra? Quis vero noller talem toto corde amare magistratum, qui le- hovæ Patri, Filio, & Spiritui sancto suum in hominum cordibus renova- tis relinquit imperium? Res non est humana, quam Spiritus sanct. in cor- dibus hominum creat. Ergo nec ho- mini in Spiritus operationem compe- tit imperium. Spiritus fiat ubi vult, ait *Salvator Iesus ipse, Ioh.* 3. Conscien- tiis igitur & Spiritui Dei imperare vel- le, est diabolum imitari, & officium sive potestatem Christi sibi adrogare; quæ arrogantia non potest non æter- nam accersere condemnationem. Non- ne iudicium de conscientiis Chri- stus prohibuit? *Matth.* 7, 1, 2. Vni- cus est scrutator cordium Deus. *Psal.* 7, 10.

Pœna autem conventiculi illiciti hodie uti est arbitraria; *l.* 1, ff. de col- leg. *Menod. cas.* 597, num. 3 & 4; cum collegii dissipatione, *l.* 3, de colleg. ill. *Thol.* 15, lib. in syntag. c. 33. l. 3. l. 5. l. 14, C. de heret. *Novell.* 132. tit. C. de pag. templ. *Dan. c. ult.* 1, *Reg. cap.* 9, 6. *Matth.* 3, c. 7, c. 21: ita auctores coi-

tionis perniciosæ maiori pœna puniuntur, quam complices. *Farin. de crim. les. mai. q. 113, num. 140.* Pariter licitum collegium abusu sui, ius conveniendi amittit: beneficia & privilegia extinguuntur. *arg. cap. suarum. 3, extr. de privileg. Kirchn. disp. 14, coroll. 4. Besold. pol. cap. 12, num. 30.* Attamen collegiorum dissolutiones ubi sunt in usu, non leve damnum capiunt reipublicæ, quod pro maxima observandum.

Sed & de ordinibus, ex quorum imitatione collegia profluxerunt, pauca quædam nunc subiungam. Etenim quum in toto hoc Univerſo nihil constet absque ordine: qui propterea proprium naturæ effectum dicitur; *Schonb. lib. 1, pol. c. 4*: ad eius æmulationem aut imitationem collegia instituta fuerunt & inventa. Est vero ordo, cuiuslibet rei suo loco concinna digestio & apta dispositio. Sic & in personis omnium maxime per iustitiam distributivam apta quædam collocatio exigetur. Ideoque in republ. ordines dicimus, sicut & in acie distributiones hominum, pro unicuiusque status qualitate, ut singulæ functiones eo commodius intelligantur expedianturque. Ordinem talem politicum omnino servandum esse, non tantum necessitas requirit,

quirit, sed etiam apes naturali quadam inclinatione nobis id præfigurant & ostendunt; quarum unumquodque examen suum sequitur regem. Sic populus Iudaicus distributus erat in duodecim tribus ratione familiarum. *Ios. 24. c. 7, 14. Num. 6. & 26. Exod. 1, & 1, Theff. 2, 14.* Tribus rursus suas habebant familias; quarum quælibet suos habebat principes & phylarchos. *Num. 6. 1. c. 7. cap. 36. Ios. 14, & 21. Deut. 29, 10. 2, Sam. 9, & 10. Sigon. lib. 7, c. 5, de rep. Hebr.* Habebat quoque populus suos præfectos millenis, centuriones, decuriones, &c. *Exod. 18, 21. Deut. 1, 14. 1, Chron. 28.* Velut & aliæ distributiones populi eius fuerunt, pro rerum & temporum conditione. *vide Petr. Greg. Thol. lib. 4, de rep. c. 1, 2, 3, &c. Item Theod. Zwinger. theat. vol. 28, lib. 2, Carol. Sig. lib. 5, de rep. Hebr.* Ita quoque, *referente Dion. Halicar. lib. 2,* populus Romanus suos partium habuit ordines: In tres partes, *inquit,* divisa universa multitudo, Romulus singulis præclarum aliquem virum ducem præposuit. Deinde unamquamque rursus in decem partitus, totidem fortissimos viros eis præfecit. Has curias, illas tribus vocati voluit, &c. Factum hoc propterea, ut per eas commode rogaret sententias

singulorum; sicque reipubl. curam talibus sententiis expediret. A quali cura, honestissima curiæ appellatio imposita est; quum Cura sit sollicitudo & anxietas animi, quæ cor merito exerceat propter salutem reipubl. l. 2. in princ. ff. de orig. iur. Et profecto tali conatu atque diligentia temp. administrare & iuvare oportet. Vnde & Festus curiam locum facit, ubi publicas curas gerebant. &c. Ex quo pater, quod curiæ vocabulo præ tribus prærogativa debeatur; quum historiographi in hac assignatione adeo dissidant; de quo Ros. de ant. Rom. lib. 6, consulatur. Nostis vero temporibus in singulis civitatibus eiusmodi ordines extra collegia observare licet, quæ aliis atque aliis nominibus exprimuntur; vulgariter autem dicuntur quaterniones, paræciæ, &c. Sunt etiam alii ordines populi, ut unus dicatur continere cives, alter incolas; de quibus vide Timpl. pel. lib. 1, cap. 1. & Matth. Steph. disc. acad. part. 1, d. 9, num. 10, l. 7. C. de incolis. Vult quoque ex sequenti capite poterunt cognosci.

C A P. VI.

De civitate, sive reipublica effectu proprio, & utriusque discrimine; in quo tam multi ita graviter hallucinati sunt:

deque civitatum vera divisione, iuxta Imper-

rii Germanici

iura.

HVenusque de minori hominum con-
sociatione egimus. Sequitur nunc
maius contentum. Quod duplex feci-
mus, ex sententia rectiora sentientium;
civitatem videlicet, & universitatem.
Quam multi vero in hac propria &
vera eius significatione aberrarint, in
supradictis, ubi de differentia urbis & ci-
vitat^{is} actum est, satis explicavimus.
Etenim reperio, quod magni quoque
politici scriptores heic à Relectore il-
lo, quem *precedentis* parte quampluri-
morum errorum reum esse monstravi-
mus, sibi passi sunt imponi; dum non
vident, quid ac quomodo subiectum
& effectus rei inter sese distent. Qui
vulgatissimus error & ipse cum cura
indicandus est. Relector ille in *cap. 5,*
sect. 3, n. 4. dum Stagiritam suum ad-
modum acriter defendit, adeo eum
culpat tetrisce, ut in sex lineis eum

contradicientem sibi facit. Namque ait, quod 3. *pol. c. 3*, temp. vocet vitam; mox ex 3. *pol. c. 1*, & *c. 4*, & *lib. 4. pol. c. 1*, probat, quod ille taxin sive ordinem vocet, quam ipse formam facit ad materiam informem. Iam quisque prudens hoc examinet, vel is, qui sensibus saltem uti velit; num vita & forma idem sit? Isocrates in eo longe omnes exuperat gloriose sectæ philosophos, qui temp. ingenue appellare audeat animam. At anima quid est? Num vita? Ergo anima & vita idem? quod absurdum. Nam principium motus, uti non est ipse motus: ita multo minus effectus motus. Stagiritæ semper animam, statuit principium motus. Quantum igitur distat ab effectu. Ita quoque si respubl. est forma, non potest esse effectus, aut vita. Namque anima & corpus in mutuâ operatione procreant vitam. Si separet à corpore animam & spiritus, certe evanesceat aut desinet potius vita in corpore. An cernit igitur ille Relector, quantis cum erroribus relegit politicam? Adeo perpetuis undique scater contradictionibus, ut munda ab his pagina prope nulla reperiat. quoties quoties ipse de suo, & non ex alieno loquitur, & facile differentia possit agnosci, quid primus, quidve secundus

candus protulerit. Quemadmodum
 sequoq; paulo post, n. 6, in definitione
 reipublicæ, ipsummet prodit. Ait, quod
 dicatur ordo potestatum (N. B.) in sub-
 ditos. Addit rationem: Quia, inquit,
 ubi potestas imperat per leges, ibi civi-
 tas iam est repub. informata. Si respu-
 blica dicatur esse ordo potestatum in
 subditos; necessum est, ut subditi sub-
 iecti loco se præbeant reipub., tan-
 quam ei, quæ ordinem in eos velit
 introducere vi potestatis suæ. Itaque
 in potestate residet imperium; atque
 hoc imperium utitur instrumento le-
 gum'. Quibus gradibus causarum
 indicat, quando tandem civitas exo-
 riatur. quod attestatur aperte, tunc ci-
 vitatem effici asseverans, quando re-
 publica ita sit informata. Quid cla-
 rius potest pronuntiari de effectu?
 Quare, si est effectus, non poterit esse
 subiectum. Itaqueque maiestatem &
 leges non sine contradictione facit
 partes reipubl. n. 7, *ibid.* & nihilominus
 n. 9, civitatem ab omni maiestate, legi-
 bus, iurisdictione, & cæteris partibus
 reipubl. abstractam cupit. Quid hoc?
 Nimirum ex absurditatem suarum
 genio vitam hominis vult considera-
 re absque anima & spiritu, eiusque
 facultatum operationibus; effectum
 sine causa. Et tamen, in num. 6, antecæ-
 denti,

denſi, magna ſtudii induſtria, reddit rationem, quei fiat, quod civitas per rempubl. deſiniri debeat, dicens: omne enim inſtrumentum per finem ſuum, ad quem redigitur, deſiniri debet: omnis materia per formam, à qua recipit unitatem & exiſtentiam. Sic civitas, quum tota religeretur ad rempublicam, eius reſpectu omnino deſiniri debuit, &c. Mox tamen ſubnectitur: Poſteſtas vero & leges ad civitatem non pertinent, ſed ad rempubl. &c. Ita in vertiginofitate ſua ſibi ſemper contrarius eſt, & abſque motu ſaltum in gyrum ducit. Mirum inanis gloriæ artificium. Præſci mortales ſemper eum felicem proclamare auſi ſunt, qui res per cauſas potuit cognoscere. At is civitatem abſque cauſa & reipubl. eſſentia auder fingere. Antehac valde rotas ideis Platoniciſ iniquus fuit: nunc vero, quales hæ ſunt ideæ monſtroſæ? Non certe Platoniceæ, ſed propriæ phantaſiæ. Videlicet verba ſine rebus conquiriſt & offundit, ut in vanitate ſubtili, velut æſtinniens, loquax tamen deprehendatur, ut ait D Paul.

Quare in his omnibus non tam Keckermannum exagitat, quam ſemetipſum graviter culpando reſutat. Præterea calumnioſe eundem infectatur. Quippe Keckermannus in præcogni-

tis politici systematis sui non tam de
 civitate, quam potius de republ. lo-
 quitur, & eam prudentiæ politicæ
 obiectum statuit. Proinde sic ait:
 Politia & republ. (quod ille omittit
 verbum) est cœrus seu multitudo, ex
 pluribus familiis domesticis certo or-
 dine collecta, & directa ad felicitatem
 publicam. Non certe heic civitatem,
 sed rempublicam, definit; cuius obie-
 ctum & finem cum proprio & genui-
 no officio suo determinat. Etenim eius
 officium est, ut certum ordinem intro-
 ducat in multitudinem. Vnde neque
 respublica taxis est aut ipse ordo, ceu
 falso cum Stagiritæ somniat: sed eius
 officium est ut per legitima media or-
 dinem constituat; atque sic ex me-
 diorum applicatione exurgit ordo. His
 igitur ita bene constitutis, tunc eorum
 prodit effectus, quem civitas declarat
 & exprimit; ubi civitas sese in ea con-
 stitutione, quam ipsa formavit respu-
 blica, ceu filiam ex parentibus pro-
 genitam, sese nobis aspiciendum ex-
 hibet.

Eodem modo nec Besoldus in om-
 nibus audiendus est; quando quidem
pol. c. 12, num. 79, confitetur, quod ex
 societatibus & rebus civitas proprie
 ita dicta oriatur. Sed dum republ.
 cum ea confundit, & tamen popu-
 lum

lum ipsam civitatem constituit proprie ita dictam, ut inter se non differant; in duplicem incidit errorem. respubl. enim & civitas quod tanquam causa & effectus, non tantum inter se, differant, toties iam dictum & demonstratum est. neque populus est civitas proprie; *ut eundem errorem Timplerus lib. 1, pol. cap. 4, q. 2, committit.* Plura quippe requisita prius, & quidem essentialia, expetit populus, quam quod ita ruditer possit dici civitas. Quomodo enim potest cadaver mortuum & indispositum homo dici? & quomodo eius vita detur, nisi id ab operatione animæ & informatione spirituum &c. profluat?

Civitas igitur heic accepta, est collecta & per reipubl. informationem rite composita multitudo civium, sub iisdem legibus viventium, eodemque iure utentium; ad vitam feliciter transigendam in pace. Ut cum Scholasticis heic loquamur, causam efficientem exprimit respublica. Materia vero civitatis duplex est; remota, & propinqua. Remota, est multitudo sive congregatio familiarum reipubl. subordinata. Propinqua, est civis; qui iam informationem accepit suam secundum leges & constitutiones comportatas. & triplici modo consideratur,

ut

ut *supra* cap. 2, explicavimus, & mox
inferius porro dicemus. Finis patet.
Forma vero ex iusta informatione le-
gum & iuris iuxta ordinis solidam ra-
tionem dependet, ut iam iisdem legi-
bus eodemque iure omnes pro feli-
citate sua utantur. Vnde paucis etiam
ita definiti potest: Civitas est effe-
ctus reipublicæ, ex eius informatio-
ne vi potestatis & iuris eius procrea-
tus.

Rempublicam autem hinc si sepa-
ratim definire velis, nihil aliud ea
erit, quam, vivida potestas, consensu
populi seu omnium in eam redacta
summitatem, ut ipsos imperantes,
cum subditis, eorumque res, ordina-
tionis suæ vi & legibus iustis, beati-
tudinis & tranquillitatis causa, in
civitate constringat, aut connectat.
Sed & hæc brevius expediri potest;
quod nimirum sit potestas populi adu-
nita, cuius virtute ad iustam regimi-
nis normam procreetur civitas. Hæc
causa efficiens est consensus popu-
li, ex communitate coniuncta ortus;
qui formam aut informationem sui
deferret potestati, quo fit; ut potestas
merito generis loco sit; non taxis, aut
ordo, tam insolenti gloria ab omni-
bus celebratus. Ordo autem est offi-
cium reipublicæ, quo iusta regiminis
norma

norma populo accommodatur, ut inde felicitatis moderamen nanciscatur civitas. Reipublicæ itaque praxis unice patescit & exercetur in civitate per cives, cæu genetricis virtutes per actiones gnatae in lucem perveniunt.

Civis autem unde dicatur, *ex cap. 2, superius* patet, & cerre vinculo quodam societatis cives in unum cœtum coeunt, ut sub iisdem legibus bene vivant. In duplici tamen sunt consideratione; vel proprie ita aut vel analogice. Proprie sic vocatus iterum civis tripliciter consideratur. 1. Ratione principiorum sive causarum efficientium civis alius est originarius, alius receptus: ille iterum vel patricius, vel plebeius, 2. Ratione causarum formalium, est vel plenus, vel semiplenus: qui iterum vel honorarius, vel confederatus. 3. Ratione locorum, vel sunt cives universales, vel particulares: & hi vel urbani, aut suburbani. Analogicus autem civis dicitur incolinus. Qui iterum est vel liberior vel adstrictior. Liberior, est studiosus, vel miles, aut peregrinans. At strictiori iure tenetur quivis, ministerii aut opificii negotiationisve causa cum cive habitans.

Uti vero civium, sic etiam civitatum varia est consideratio, ut, verbi gratia, à
loci

loci capacitate alix maiores, minores alix dicuntur. à situ loci vel maritima, vel terrestres. à numerositate incolarum populosa, aut minus. à natione Franconica, Suevica, Saxonica, Belgica, alixque erunt. denique ex alio accidentaliter, ut ex fœdere Vandalico Hanziatica, denominantur. Omnium tamen optima est; quæ à iure & privilegiis civitatum sumitur. Proinde alix ex iuribus Imperii dicuntur imperiales, alias ducales sive provinciales. Imperiales iterum aut sunt liberae, vel mixtae conditionis. Liberae Imperatorem immediate recognoscunt. Mixtae vero partim Imperatorem, quoad regalia, quas ab eodem habent, & partim Electores aut Principes, quoad territoria, in quibus sita sunt, recognoscunt. Mere provinciales ea sunt, quæ territoriorum dominis subsunt. Quæ civitatum differentia fundatur tum in evidenti notori ætate, tum in historica veritate. *Mys. resp.* 13, n. 10. *Matth. Steph. disc. acad.* p. 1, *dis.* 9, n. 3.

De hac distinctione civitatum mira erat inter Knichium & Dauthium controversia. Dauthius civitates alias liberas dicebat, & alias servas: Knichius vero eas Imperiales & Provinciales commodius nominari asseverabat. Dauthius subdistinctionem

nem aut divisionem liberis subnectebat, hisce verbis : Quod inter liberas quædam essent liberrimæ , quæ libertate plenissima fruerentur ; quia etiam immunes à præstatione onerum & fidelitate, hoc est, subiectionis symbolo, superioritati Imperii obnoxie essent : Nonnullæ vero libertatem quidem obtinerent, quæ non tantum civitates imperiales essent, sed etiam, propter iura regalia, propter merum mixtumque imperium & omnimodam iurisdictionem, liberæ imperiales civitates, *die* (proprie loquendo) *freie reichsstädte*, iura Principum obtinentes ; non autem propterea, quod partim immediate, videlicet iurium regaliū, & meri mixti que Imperii respectu, partim mediate, ab Imperio dependerent. Ac propterea civitatibus mixtum statum habentibus triplicem addebat differentiam, his verbis ; Quod aliæ sint pactitiæ : quia liberæ fuerint, pactis tamen quibusdam se submiserint Principibus subiectione pacticia : exemptitiæ aliæ ; quæ fuerint municipales, at contractibus aut præscriptione, quoad certa iura, exemptæ sint, & ad subiectionem exemptitiæ referantur : aliæ sint quæ privilegia obtineant, ut illarum cives privilegiarii habeantur : atque

que hos Dauth. subditos privilegiarios faciebat *in tract. iur. civ. Brunsv. sect. 7.* Tum demum ex auctoritate Ducis Henr. Iulii Brunsvicensis Knichius contra partitiones has subdistinctio- num, qua civitates pactitæ, privile- giatæ & exemptitæ introducuntur, acerrimum tentavit certamen; & non tantum partitiones prorsus cothurna- tas dixit, sed etiam magno conatu universale, omnigenum, purum abso- lutumque superioritatis & dominiî axioma Principi suo dictare, & è con- tra civitati Brunsvicensi hæreditariam peculiariter deducendo subiectionem denunciare statuit. *in Epof. hypotyp. Daut. num. 197, & seqq.* Bellerophon- tæ enim (ut verba eius sonant *ibid*) arte Chimæram Dauthinam interi- mendam putavit. Proinde quatuor- decim *τυπὴν* infallibilia subie- ctionis colligit, quorum 1, dicit iu- ramenti exhibitionem subdititii, ubi simul inter iuramentum subiectionis & homagium distinguit. 2, quod privati loco civitas in camera cen- seatur, & coram Principe conve- niatur primo. 3, quod compareat in conventibus provincialibus. 4, quod constitutionibus provincialibus sub- iecta sit. 5, quod coram iudicio aut dicasterio provinciali citata compa- reat.

reat. 6, quod provocent ad Principem
 tanquam Dominum territorii. 7, quod
 Princeps ius affigendi mandata sua in
 civitate habeat. 8, quod Princeps privi-
 legia eius confirmet & concedat. 9,
 quod collectas Principi solvat. 10,
 quod sequelam in itineribus præsent
 duci. 11, quod salvus conductus per
 civitatem eidem competat. 12, quod
 certis in partibus Ecclesiastica iurisdic-
 tio Principis sit. 13, quod sita sit ci-
 vitas in fundo principis & eius insigni-
 uratur. 14, quod armari in solemnibus
 adventu cives tum excipere teneantur.
 15, annexa quasi habetur ob-
 latio venientium, & quod capitalis
 animadversionis rei gratiam tunc in-
 dulgeat, &c. *Knich. in d. Epops us-
 que ad num. 300.* Simillimas quo-
 que rationes & argumenta subiectionis
 contra civitatem Magdeburgensem &
 Administrator Christianus Wilhelmus,
 quum Archiepiscopum adhuc ageret,
 in primo regiminis sui aditu, &
 quum per legationem cum capituli
 auxilio à div. Imperatore Rudolpho
 II, p. m. Imperialem investituram
 frustra (quæ tamen in sollemni ritu
 non bene contra veritatem in sacris
 festivitatibus & concionibus simulabatur)
 peteret, anno 1608, publice Imperatori
 dicto iisdem cum fun-

fundamentis proponi curavit, velut
 tum inde ex aula Imperatoris relatum
 est. quorum series in eodem numero
 sic se habet. 1, quod ipsi ac capitulo,
 cui iurium conservatio esset deman-
 data, confirmatio collegiorum in civi-
 tate aut tribuum (*der Innungen*) com-
 peteret. 2, quod sede vacante quoque
 appellationes reciperentur. 3, quod
 inhibitiones & executoriales etiam in
 cassis regimen civitatis concernentibus
 emittere posset. 4, quod Prætor & Sca-
 binatus adessores mediante iuramen-
 to investituram Imperialem ab eo ac-
 ciperent. 5, quod civitati supremam
 iurisdictionem sive merum imperium
 criminale antehac concessum confir-
 maret; (*Bluetbann* dictum.) 6, quod
 ad comitia provincialia comparere
 cives Magdeburgenses tenerentur ci-
 tati. 7, quod contributione Imperii
 & collectas provinciales immediate
 ipsi solverent pro quora parte. 8, quod
 ipse concederet nundinas. 9, quod
 ius stapulæ confirmaret, quum ita
 emptum teneret civitas. 10, quod
 confederationem nullam absque e-
 ius consensu inire possent. 11, quod
 vectigal sive accisas in teloniis per
 eius concessionem acciperent: 12,
 nec absque consensu eius capitulique
 munire civitatem possent. 13, quod

homagium præstare teneretur Magistratus cum civibus. 14, quod saluus conductus ipsi competat. 15, quod nullaprivilegia valoris alicuius sint, nisi ipse cum capitulo confirmet. &c. Cæterum Dauthius tunc civitatum nomine non tantum publice ex parte respondit, sed etiam in causa saltem Brunsvicensi editus est libellus anno 1620, titulo hoc, *Discursus rerumpubl. inf. Saxon.* qui tamen omnia iura civitatum inferioris Saxonie in statu libero defendat, Consiliarios Hallenses tamen postea in confessione ipsosmet audiemus. nunc Dauthii responsionis capita, paucis *è d. libro* repetemus. Is pag. 16, ita ait: Quæri ab illis (civitibus) perfectum regimen, videlicet munimina cum suis regalibus pertinentibus, item liberam & senatoriam administrationem; ut qui consules & magistratus suos, nemine aut concurrente, aut approbante, eligant, etiamque omne merum & mixtum imperium cum suis gradibus liberrime exerceant. Quæri, an unquam talia & similia iura ab ullo principes recognoverint: Maiores esse illarum *εὐχὰς* & præcellencias, quam multæ imperiales civitates habent, quas tamen & Principum iura obtinere, & Principis generica definitio-

nitione contineri, certissimum sit. Si autem eiusmodi regalia, quæ apud illas illustres respubl. reperiantur, ab aliquo inferiore recognoscenda essent, (quod illæ civitates non faciunt,) de regalibus non fore. Sub sacra ergo Cæsarea Maiest. Principes, Comites, civitates regalia, ut TALIA, habere posse. A Statibus autem, & sub Statibus Sacri Rom. Imperii, nemo regalia, ut REGALIA, tenet, nisi ab Imperatore singulariter ad aliquem commissarium remittatur, cui potestatem Imperator commiserit. &c. Egregie quidem ictu hoc capitali adversarios civitatum in genere contundit, sed tamen pag. 19, 20, 21, speciales mox subnectit satis plausibiles & in fundamento palpabiles refutationes, *quæ ibi cognoscantur*. In primis vero natatu digna sunt, quæ pag. 28 & 29, *repetit distinctius*, ubi ita loquitur: Noster hic Discursus ad genericam Regis aut Principis definitionem, & ad perfectâ illustrium civitatum Saxoniarum regimina pertinet. Nihil enim illis per unum, duo, tria, plura secula aliquid eorum, quæ ad perfectum regimen terrarchicum pertinent, defuisse, aut de præsentis (ad quod cum primis respectandum) deesse, constat. Statum enim illarum præsentem in totius orbis

oculos continuo incurrere videmus. Iam, si is spectetur, constabit. 1, vallis atque munitionibus, prope inexpugnabilibus: 2, armamentariis instructissimis: 3, praesidiis fortissimis, omnibusque ad perfectum atque plenum ius defensionis spectantibus, eoque etiam pertinentibus regalibus: respublikas Saxonicas ita esse decoratas, ut non tantum imperii Comites, sed & Principes quosdam longo post se intervallo relinquant. 4. Nullus prius apud illas in civem cooptatur, aut, etsi originarius sit, pro cive reputatur, nisi se & satis armatum esse ostendat, &c. Hæc sunt Civitatenſia praesidia, &c. Qui enim in aliquo loco merum & mixtum imperium habet, ei, ut subditos ad arma vocet, liberum est, &c. 5. Constat, Consulatibus illarum civitatum plenissimam, perfectissimam, liberrimamque Senatoriam gubernationem competere, atque cum omni merito & mixto, communicabili imperio per multa secula comperiſſe. 6. Et horum iurium quidem respectu capita provinciarum, tribunalia, & emporia etiam iure gentium semper fuisse immediata. 7. Ad quod ius vetustissimum praesidiis imperialibus (quoad capita provinciarum) sublatiſ reditum est, quando Reges & Caesares Germani iura

iura provinciarum illis Rebuspublicis ita constituerunt, ut, quemadmodum provinciarum per Præsides aut Præfectos regios atque Imperiales administratæ tuerunt, ita postea per Proconsules, quoad consilia & iudicia, administrarentur. quæ forma adhuc hodie apud Imperiales liberas & nostras respubl. viger. &c. De nostris autem Saxonis repuspubl. expendendum, quod, *auctore Sigonio*, Otto primus anno 973. in multis Italicis civitatibus eandem regiminis formam, pluribus ante Henricum V. annis, introduxerit. &c. 8. Ad hæc *ἐπεὶ* principaliter & primum, ius capitis pertinet. Sunt enim eiusmodi civitates, quoad ius fori, provinciarum capita, eoque immediata. Quare ab illis iure Saxonico ad Cæsarem vel ad ius Palatii appellatur. cuius rei illustria exempla in civitate Bremensi & Hamburgensi huc apparent. Quicquid autem in aliis provinciarum Saxoniarum capitibus, quod appellationes, immutatum est, id totum pactitium est, & suas strictissimas habet metas. &c. 9. Illis cohæret ius Magistratuum libere creandorum, cum mero & mixto imperio. &c. 10. Huc pertinet ius Ligarum; quod civitatibus Saxonis ante multa secula competiisse, & adhuc

huc competere, ex variis constat fœderibus: quale est Hanſeaticum; *Cranm. lib. 4. c. 38, lib. 10. c. 5, lib. 13. c. 14*; quale fuit vetuſtiſſimum fœdus civitatum noſtrarum cum Belgis; qualia etiam multa civitas Brunſvicenſis cum Ducibus Brunſvicenſibus, & cum aliis fecit, &c. 11. Præterea huc advocari poteſt ius conſtitutionum Civitatenſium ſuper ſtatu eccleſiaſtico, & cauſis meri & mixti imperii aliisque omnibus quævis faciendi liberrime. 12. Pertinet ad rem præſentem ius *des geyts*; quo per civitates & per territoria utuntur. 13. Item ius ſalvi conductus. 14. Denique multa, ut alia regalia omittamus, huc pro coronide referimus maritima atque fluviatilia iura regalia. 15. Iura monetæ. 16. Veſtigalium. 17. Mulctarum atque pœnarum compendia. 18. Munerum ordinariorum & extraordinariorum indiſtinctiones. 19. & utriusque primæ & ſecundæ inſtantiæ iura, quæ apud noſtras civitates reperiuntur: à quibus immediate ad Cæſarem iure Saxónico appellatur, niſi iuxta præmiſſa pactis ſit aliquid innovatum.

Huc uſque Daubius ſatis dilucidè rem explicuit contrariè Knichio oppoſitam. Atque ut eo clarior & firmior eadem innotefcat cunctis, Confeſſionem

nem totius Collegii Confiliatorum Hallensium adicere liber. Nullam enim, *ais Knich. in Epop. n. 237*, maiorem in mundo Dd. constituunt probationem ac proprii oris confessionem, eamque superlativam aliarum probationem statuunt. Ita simul patescer, qua veritatis specie Capitulares illi informarint Legatos suos, ad Imperatorem Rudolphum I I, p. m. investituræ petendæ causâ missos. Itane vero publice quid proponendum? Historiæ fundamentum in eo consistit. Per aliquot annos tentatum erat, num civitas Magdeburgensis posset induci ad hoc, ut præstaret homagium Administratori, quod tamen solummodo affecurationis aut emendæ est, non subiectionis, ut nunc invidiose interpretantur. Civitas negabat ex eo capite, quod Administrator non esset regalibus Imperii investitus, nec ab Imperatore receptus, aut in matriculâ inscriptus, ut posset Commissarium Imperatoris in communicandis iuribus agere, aut iuramentum accipere. Semper, & merito, in terminis iustis se conservantes, in hunc modum respondebant. Se prius qualificatum Imperio redderet; tunc se paratos esse, ad præstanda ea, quæ Commissario Imperii tali deberent. Nihil au-

tem

tem se aut Capitularibus aut Administratori concedere posse superioritatis quod maxime ambirent Capitulares. Plures in his tractatibus consumpti sunt conventus. Tandem impositum est Consiliariis, anno 1618, mense Septembri, ut ipsi de transactione intermedia deliberarent. Vbi propositio talis est formata; in qua ingenue confitebantur 1, Quod merito Senatus Magdeburgicus, tam toti Archiepiscopatu, quam D. Admin. & Capitularibus, superioritatis jus nullum concederent, sed simplex pactitia esset subiectio, & quidem talis quæ nihil obligationis inferret. 2, Nolle enim homagium præstare, inquiebant, quum dicant ex pacto fieri ita, ut prius gravaminum instituatur cessatio: Nisi hoc prius fiat, nec subditos dici eos posse. 3, Nolunt in Comitibus provincialibus comparere. Velut 4, anno 1614, propterea in conventu protestationes publicas insinuarunt. 5, Inde neque quotam contributionis, vel Imperialis aut provincialis, solvunt. 6, Velut ne triplam quidē de anno 99. enumerare voluerunt. 7, Noluerunt ultimam postulationis intimationem accipere. 8, In Ecclesiasticis suam habent autonomiam. 9, Dispensationem in matrimonialibus ipsi perficiunt.

ciunt. 10, In causis iustitiæ suam exercent iurisdictionem. 11, Prætor ac Scabini ab illis dependent. 12, Nolunt introducere quos administrator ante quadriennium confirmavit. 13, Inde Scabini ad Cæs. Mai. confugiunt, ubi ad Electorem Saxonie rescriptum obtinere. 14, Usurpant iure proprio supremam & criminalem iurisdictionem. 15, Non sistant Prætorem Principi hoc rerum statu, sed ipsi propria auctoritate demandant iudicium. 16, Vectigalia & accisas pro lubitu augent & extendunt. 17, Nihil in iuribus superioritatis restat, nisi nudæ appellationes: tamen neque inhibitiones neque compulsoriales curant, sed pro beneplacito edunt acta. 18, Quod iustitia ita involuta hæreat, actiones Nicolai Schmidii & ædium aureæ galeæ demonstrant. 19, Tentarunt quoque sæpius appellationes tollere. Inde concludendum, quod civitas Magdeburgensis mox se penitus exemptitiam redditura sit, (id est, in pristinum primæ foundationis Ottonicæ statum reditura.) Quare deliberandum iam est: An non potius tolerabilibus remediis civitas Magdeburgensis ad Archiepiscopatum retrahenda, quam nimium disputando & subtilisando omnia iura perdenda sint. Alias in liber-

bertatem se vindicabit, quum tamen ipsum homagium, si hoc præster, restari posset quod universaliter subiecta esset, & sic ad reliqua omnia per consequentiam reverti simul cogeretur.

Ad hanc propositionem decretum tunc fuit ex consensu omnium præsentium Consiliatorum, (excepto uno, D. A. Sch., qui Capitularibus in elatione addictus semper fuit,) quod quibuscunque modis & conditionibus super homagio cum civitate esset transigendum: velut etiam sex illi cum propria manus subscriptione sub dato 18 Septembris eiusdem anni hanc sententiam ad Capitulares perscripsere, eos ad transactionem talem maximo-
pere hortantes, Callidum certe consilium, id ipsum tamen nimia argutia dicti hominis, aut potius invidia, Capitulariumque ambitione, qui superioritatem absolutam affectabant, plane disruptum fuit. Vnde totus hic conatus, super canis illius Ælopici avaritiam fundatus, in eiusdem fabulæ nervum erupit adeo, ut nec Administrator, nec Capitulum in proposito suo quidquam obtinuerit, quum ita temere utraq; pars inter se dissiderent. Quanti mali discordia hæc causa fuerit, id nunc in oculis est omniū.

Eadem

Eadem civitatum insana persecutio passim in aulis Germanicis viguit ferme per seculi spacium, & quidem in tanta sæpius vehementia, ut in sanguinolenta tragicaque exempla detrusa fuerit, non sine ingenti Principum ipsorum damno & extrema ruina. Nec cerge adulatores aulici aut consultant-tes à culpa tam exitiosa cura liberare se poterunt. Historiæ adsunt, eventus-que rerum calamitosissimi, qui testi-monium rei apertum exhibeant. Etiam multorum consilia & suggestiones in autographo mihi sunt ad manum. Exhorresco ad talia, quoties percurrere & pensitare hæc mecum soleo. Nihilominus inventi sunt Icti candidi, qui supradictam civitatum distinctio-nem doctissimis & integerrimis pro conscientia ingenuitate approbarunt & celebrarunt scriptis. Mihi instar omnium sunt D. Matth. Stephanus, & Ioh. Sibrandus, cum Besoldo, qui ma-teriam hanc secundum iuris & histo-riarum cognitionem, in qua potissi-mum omnis vis diludicationis confi-stit, post Dauthium, quam optime in-telligunt.

Vt ergo patriæ tranquillitatis illi & pacis clancularii turbatores sanjo-ranunc ex publicæ, & quidem tantæ calamitatis experientia, ex ipsa item
sanio-

saniorum auctorum doctrina, condiscere assuescant, in gratiam publici boni, cui prius unusquisque pro conscientia viribus addictissime studere debet, notas & requisita talium civitatum, unde vera distinctio illa confirmatur, ex dictis auctoribus summam connotare & his annectere operæpretium erit; præsertim quum talia scripta non sint in manibus omnium. Blateratores non curo.

CAP. VII.

De veris & genuinis requisitis atque notis libera reipublica in civitatibus, & servæ: cum elucidatione evidenti introducta distinctionis de ipsa.

Veritatis durissima semper gratia est: præsertim apud eos qui mancipati affectibus vivunt. Et tamen, cuius monita sana sunt, is ex ipsissimo amore prodesse cupit singulis. Quis etiam non libenter audiret, aut cum gratia exciperet eum, qui libertatem iustam omnibus commendat. Omnes enim, (recte ait Sibrand, in urb. Lub. iur. pub. par. 1, sect. 2, n. 23,) libertatis iucunditate demulcemur; & per paucos invenias veros ac opulentos mercatores civi-

civitates aut regiones dura servitute
pressas inhabitare. Caveant itaque (ita
pergit. n. 24,) civitatem mastiges, ne,
tam de privilegiis, iisdem concessis,
imminuendis, quam augendis, sint sol-
liciti. Virique enim tam domino
quam servo, consiliis suis perversis, ci-
vitatum perniciem initis, extremum
exitium accelerant. Licet autem su-
mamus eam quam Knichius ita mor-
dicus defendit distinctionem, qua alia
civitatis imperiales, alia provinciales
dicuntur, nihilominus, ut recte sentit
Stephan. noster, res eodem recidit. Nam-
que imperiales alia liberae in statu ab-
solutioni, alia vero minus inveniun-
tur, sed mixti quid habent, ceu esse
Knich. tergiversando, *Encyclop.* c. 10, n.
203, confitetur, quod in ipso collegio
Hanseatico civitates inveniantur quae-
dam nec Imperio directe, neque stati-
bus subditae. Sic etiam, *Encyclop.* c. 13,
n. 19, civitates non simpliciter impe-
riales, sed liberas agnoscit, contradi-
ctinctas à reliquis in hoc ordine. Eo-
dem modo nec abnegare potest, (*En-
cyclop.* c. 16, n. 10,) quod dentur civi-
tates quibus ius liberi territorii sub
certa formula concedatur. An non
igitur ad seriem imperialium erunt re-
ferenda? Namque alias dicit. d. c. 16.
n. 33, quod nullum dubium sit, quin

704 R E R V M P. H A N S.
civitas, non recognoscens superiorem,
omnia possit, quæ Princeps. *Steph.
Aufr. ad decus. Capell. Thol.* 406, n. 6,
apol. velis. n. 3 2.* Et tamen sibi contra-
dictorius, (*Encycl. c. 1, n. 256,*) in
odium civitatis Brunsvicensis asseve-
rat, quod nulla detur civitas in Im-
perio acephala. Quid aliud est non
recognoscere superiorem, quam in ace-
phalia hac suum proprium habere sta-
tum? Acephalia enim respectu Prin-
cipis dicitur, cum quo in eadem pu-
ritate propter iurisdictionem in suo
territorio est constituta, cœu Princeps
in suo: Nollatenus autem respectu
Imperii: Alias iniuriosa foret hæc in-
terpretatio. Vnde etiam illud com-
muniter falsum, quando adseverat
idem Knichius, *in tract. de investit.
past. part. 1, c. 2, n. 146*, quod civitates
communiter iurisdictione destituan-
tur. *id. in Encycl. c. 16, n. 61.* Etenim
hoc veræ originationi civitatum ex
natura contrarium. Ipsæ historie
testantur, & natura hoc docet, quod
nullus Princeps ex se potestatem aut
iurisdictionem Imperii sui habet: sed
quod populus communi consensu
eam in primatum suum contulerit.
Ita quoque populus, quamcunque
condidit civitatem, iura sua regimi-
nis causa primitus in caput contulit.

Quod

Quod adeo verum, ut nulla civitas dā-
ri potuerit tum , quæ non societatis
suz iura habuerit , & ea hinc Principi
aut Regi communicarit suo. *Velut etiam*
superius in gentis Saxonica moribus pri-
mis hoc delineavimus ; & Boter. in lib. de
orig. urb. c. 2, & 3, idem monstrat, Quod
vero ex postfacto Principes ex suo po-
tentiz commodo civitates erexerint
sibi , & eas beneficiis sive privilegiis
donarint, vel etiam ex titulo oneroso
taliam ipsis concesserint; id certe non ta-
lem absolutam parit locutionem , ut
Knichius ea usus est. Ideoque distin-
guenda sunt tempora , & fundatio-
num instituta : tum etiam illud respi-
ciendum est , qua ratione hæc vel illa
civitas se in libertatem adseruerit. Ex-
empla Bodin. *de rep. l. 1, c. 9, n. 125. in*
Lubeca, Ulma, & Brunsviga recte alle-
gavit. quem Knichius, Encycl. c. 1, n.
237, & seqq. frustra refutare conatur;
Sibrando etiam, *de iur. Lub. part. 1, sect.*
2, n. 5 , clare id notante , quomodo
urbs Lubeca anno 1226 , annuente
Imperatore Frederico I, singulari stra-
tagemate jugum iniusti dominatus
Woldemari Danici Regis excusserit,
& , copiis Episcopi Bremensis, Ducum
Saxoniz , & aliorum, adiuta, liberta-
tem recuperatam defenderit. Et Crant-
zius, *Vand. lib. 7, c. 9*, sanguine & gla-
dio

dio privilegia Lubecā acquisivisse affirmar, quod in allegatione sua Crantzii Knichius ibidem plane dissimulat & obtegit. Propter hanc virtutem Fredericus & quod ibi Lubecam limitem Imperii Romano-Germanici designaret, aliosque ob respectus, Lubecæ plenam libertatem Imperialem attribuit, & Imperii Statibus eam adscripsit. Cuius rei, & quomodo Lubecenses Imperatori discessuro illinc fidem iurato dederint, in ipso ingressu portæ Molinariæ firmam statuerunt memoriam; ubi binis clypeis, tanquam symbolo sancto, quorum in uno aquila Romanorum, in altero erecti duo digiti cum pugno cernuntur, mutua obligationis historia spectatori exhibetur.

Quæ autem liberæ civitates vocentur, id Sibrandus *d. sect. 2*, variis exprimit rationibus. 1. Quod libertatem sibi constituerint ab origine, aut reservarint, aut se in libertatem vindicaverint. 2. Quod à capite liberrimo, Imperatore, dependeant. 1. Quod, iuxta Scipi. Gentil. *de iurisd. lib. 3, c. 23*, hæc Germaniæ civitates iure cum rebus publ. Italicis compareantur, ac proinde in suo populo ac territorio tantum, quantum Imperator in suo Imperio, possint, nec aliter de tali civitate, quam de

de ipso Principe & Cæsare , judican-
 dum sit. 4. A diversare republ. forma,
 quod in suis territoriis utantur liberi
 status regimine , unde & respUBLICæ
 appellentur , & haud nudæ civitates.
 5. Quod earum cives & incolæ in to-
 to Germaniæ Imperio secuta libertate
 eundi ac redeundi fruantur , ac libero
 commercii iure gaudeant. 6. Quod
 ipsis maiora & eminentiora privilegia
 ab Imperatore concessa fuerint , unde
 quoque ab ipsismet Imperatoribus
Nobiles ac Nobilia sacri Romani Imperij
membra appellantur. *Author Grund-*
lichen berichts de Imperiali civitate Fried-
berga, part. 1, punct. 15, n. 4. Matthias
 Stephanus autem, in *disc. Academ. part.*
1, disc. 9, catalogum ferme integrum
 recenset requisitorum & notarum , ex
 quibus distinctio civitatum facile co-
 gnosci , & earum libertas aut servitus
 dijudicari Possit. Eorum autem non-
 nulla statum primario concernunt, re-
 liqua ex his consecutiva & quasi pro-
 pria sunt libertatis. Verba eius habent:
 Et quidem civitates liberas Imperiales
 esse Status Imperii , non dubitandum
 est. 1. Quia, ut civitates Imperii feu-
 dariæ , neminem superiorem præter
 Cæsarem & Imperium recognoscunt.
 2. Quia in matriculam Imperii relata
 sunt. *Gail. 1, obs. 21, n. 2.* 3. Quia eadem
 ferunt

ferunt incommoda cum reliquis Statibus, Electoribus, aliisque Principibus. 4. Imponuatur eis collectæ in comitiis. *Recess. Imp. de anno 1549, August. §. vvvann auch. Gail. d. obs. 21. num. 9. §.* Quia ab Imperatore ad comitia vocantur. 6. In iis suffragia habent. *Recess. Imper. Ang. de anno 1548, §. vvvann auch.* 7. Quia in camera Imp. prima instantia conveniri possunt. *Gail. 1, obs. 1, n. 17.* Hisce modis fere, aliquem statum Imperii esse, probari potest, ex *Georg. Obrecht. lib. 2 de iurisd. c. 7, n. 9. & seqq.* Quibus vero subnectenda sunt sequentia: scil. 8. Quod vi regalium, civitatibus Imperialibus competentium, eadem liberum & publicum religionis exercitium in territoriis suis instituunt. 9. Velut etiam hoc in posterum absque perturbatione in iisdem permitti debet, nec molestandi sunt uspiam. *Recess. de anno 1555. §. Vnd damit, & §. Nachdem.* 10. Habent itidem ius Calvi conductus æque ac Duces. *Recess. de anno 1442. sit. Von. reyfigen.* 11. Habent ius confiscandi. *c. unic. que sint regal. Cothm. resp. 29, n. 534.* 12. Item ius indicendi collectas suis civibus. *Cothm. d. l. 13.* Item vestigalium. *d. c. unic.* 14. Item Episcopalis audientie. *l. 1. & tot. t. Cod. de Epif. aud. 15.* Recognoscunt flumina navi-

gabi-

gabilia ab Imperatore d. c. m. l. c. 16. Quin & eiusmodi civitatibus competit ius Ducibus Imperii similibusve iter per suum facientibus gratulandi, eosque excipiendi, comitandi, & ad fines territorii deducendi. *Cothm. d. l. n. 531. 17.* Easdem habere archivias, probat Rutg. Roland. *in tract. de com. part. 2, lib. 5, c. 4, n. 21, & seqq. 18.* Habent itidem ius bona vacantia occupandi. *l. 1. & 4. C. de bon. vac. 19.* Item indignis relictis confiscandi, & alia. Civitates Imperii ita omnia jura habent regalia Principum, licet eius dignitatis gradum non obtineant, ideo privilegiata austregarum instantia excepta sola manet. *Gail. 1, obs. 1, n. 21. & c.* His annexenda sunt notatu dignissima, quæ Besoldus *in dissert. de iur. & imp. civit.* notavit, n. 8, 10, & 12. Certe, inquit, num. 8, civitatibus haud nudum nomen Status cessit; virtutes sua amictum venit, ornamentaque ac iura sua secum trahit. Ac status essentia (præter suffragii ferendi jus, ut modo dixi) in eo quoque consistit (20.) ut Cæsarem in suo territorio representet: & , tanquam Imperii membrum, particeps de eminentia iureque totius. 21, Præterea civitates Imperiales propria territoria habent, & Imperatorum ea nomine im-

mediate recognoscunt, 22. Habent ergo & ius territorio adnexum; quod aliud nil nisi superioritas est; *die lands-obrigkeit*. Cui enim territorium competit proprie sumptum, (puta, ut Imperii statui,) eidem quoque competit ius territorio coherens. In pace constantia, multa passim privilegia & autocraticum ius civitatibus tributum videmus: Idque non pertinet ad Italicas solum civitates, sed & jam tum ad eorum normam alia complures in Germania fuerunt. Et ante Rudolphum primum (à quo ea libertatem habent; *Lehman*, 1, cap. 106) non liberae magis Lombardicae fuerunt civitates, quam hodie Imperiales. Quod & docui in *discursu d. iurisdig.* 17. Accedit, quod Germanicae civitates complura regalia, jam per multa secula, sine contradictione habent: imperium nempe merum ac mixtum, plenarium beneficium religionis; contrahunt item foedus; *Myns.* 6, *observ.* 2. 23. Item mittunt legatos. 24. Et bella gesserunt saepissime cum libertatis suae inimicis; nec crebrius fere aliud in historiis invenitur quam civitatum bella & foedera. *Num.* 10, *autem*: In specie namque (25.) civitatum Imperialium (*inquit*) securitas elucet ex reformatione Imperatoris Sigismundi, de anno

1436. qui eas non solum (26) *die vürdige reichs-städte* appellat, & libertatem suam à Christianitate habere dicit; (*sinder geystlichen reformation. cap. 3. vers. 11;*) verum etiam expresse eadem indiget (27) *heylic. (in der veltlichem reformation, c. 10.)* Sanctum autem, *auktore Martiano I. C.*, est, quod ab iniuria hominum defensum atq; munitum existit. l. 3, *in pr. D. d. rer. divis. & qualis.* quod sacrilegio conatu violare attentant ii, qui civitatum libertatem, iura ac privilegia, quavis arrepta occasione, quantum possunt, imminutum vel etiam prorsus abolitum eunt; earumque ciues, tanquam rusticos muro indutos, alto supercilio despectant, iisque iniuriose insultant: cum tamen nihil æquius sit, quam omnes & singulos Imperii ordines atque status, sese invicem, secundum cuiusque gradum dignitatis & qualitatem, pacis publicæ conservandæ gratia, comiter atque officiose observare, humaniterque sustinere. Denique n. 12: Quinimo, si civitas Imperii (*inquis*) certa lege, pacto vel conditione, subdita alicui principi sit: aut in ea princeps iura quædam singularia (merum puta imperium, vectigalia, saluum conductum, item *den forst*, vel similia) ex præscriptione vel conventionione habere

comperiat: extra eam tamen conditionem arque iura, istæc libertate sua, iureque quod ut Imperii status habet, placide frui potest: nec ipsum territorium, aliaque regalia, principis esse censentur. Sic in Goslaria Dux Brunsvicensis insignia quædam obtinet iura: licet ea Imperii civitas libera sit. Eiusmodi quoque conditionis fuit Norimberga, cum in ea Marchio Brandenburgensis Burggraviatum sibi adhuc vendicaret: ut & Magdeburgum, in quo Dux Saxonie similiter Burggraviatum sibi ascribit. Sic & ex jure Advocantie (*schutz, vndt schirms gerechtigkeit*) die *Landsfürstliche Obrigkeit* non potest introduci: licet dicantur die *Obersten*, vel etiam *Erbschirm-herrn*. Ideoque dominus pro hisce, tanquam subditis, in Camera supplicare non potest. Quæ præiudiciis Cameralibus roborat Ruland. *deinterrogator. lib. 2, cap. 3, 11, 12, & seq.* Imo nec homagium semper subiectionem inducit. Certum enim est, Coloniam Agrippinensem illustrem esse sacri Romani Imperii atque liberam, & aliarum, ut supra deductum, præcipuam ac nobilem civitatem, & Archiepiscopo tamen homagium præstat. Vide hęc Thom. Mich. de iurisd. th. 57, l. c. d. Et Brun. de univers. th. 33. Signis autem illis sive notis 27. ordine hæte-

nus enumeratis, unde vel libertas vel subiectio civitatum arguatur, hæc etiam ex Dauidio adici possunt: videlicet, (28.) Magistratum libera creatio. 29. Ius condendi leges & statuta. 30. Ius armandiæ. 31. Mœnium erectio. 32. Fortalitiorum extensio & ædificatio arcium. 33. Ius cudendi monetam. 34. Ius immediate pensandi Imperio; alias enim solutio collectarum magna subiectionis tessera habetur. *Vide Brun. de univers. th. 38.* 35. Ius collectandi cives. 36. Augendi vectigalia pro compensatione, quod in viis publicis, pontibus, fluminibus sustentandis sustinent civitates. *Vid. Br. d. l. th. 24.* Item piscationum & salinarum redditus. &c. *Vid. Br. d. l. th. 36.* Verum omnium signorum talium demum firmitudinem addit (37) Vigilantia, quæ adhibetur in confirmationibus, à Cæs. Mai. singulis casibus petendis, quoties novus in Imperio electus est Cæsar, quod certum argumentum suggerit, civitati cuique libertatem in salvo ita contineri.

De differentia autem Imperialium & liberarum civitatum consulat quis. *Besold. d. disß. de iure & imp. civit. Imp. n. 4.* Sic etiam de pactitiis, exemptitiis & privilegiariis agit luculenter *Clut. in syll. rer. cot. th. 27*, & ex eodem *Bruning.*

Bruning. *de variis univ. spec. th. 15.*
 Quum vero ille hæc quasi in compen-
 dium liquidum redegerit, iuvat me
 ipsius huc referre verba. quæ ita se ha-
 bent: Duo ad statum pactitium neces-
 saria sunt. Primo requiritur, ut se sub-
 mittens respectu illius cui se submit-
 tit, vel in totum, vel pro parte, liber sit.
 Secundo ut submissio illa fiat certis
 tantum capitibus; in cæteris vero integra
 servetur libertas. Notabilis est doctri-
 na Gail. 2, *observ. 14, num. 10*; ubi sic
 scribit: Singulariter observandum esse,
 castrum vel civitatem, certis pactis &
 conditionibus alicui Principi vel al-
 teri civitati subiectam, solum subdi-
 tam censi quoad illa pacta & condi-
 tiones; in reliquis liberam permanere.
 Vbi & hoc subdit Gailius, in Germania
 nonnullas esse civitates quæ certa le-
 ge & conventionem superiorem agno-
 scunt, & extra pacta conventa placide
 sua fruuntur libertate. *Facit huc l. 2, ff.*
de iur. immunit. l. non dubito 7, §. liber
populus. ff. de capit. & postl. revers. Exem-
 ptio duplex est: originaria, aut acci-
 dentaria, quemadmodum enim Eccle-
 sia quæ libertatem à sede catholica an-
 te Episcopum obtinuit, originariam
 exemptionem habet; ita civitates quæ-
 dam sunt, quæ concessis ab Imperato-
 ria Maiestate territoriis & dignitati-
 bus,

bus, quoad Principes postmodum investitos, exemptione originaria gaudent. *Quod non obscure indicat Du. confrens in causa Fiscali contra Beyer & Ortenburgk, decis. Michsn. tom. 3, decis. 6, 1, 61. pag. 89.* Exemptio accidentaria ex præscriptione, contractibus, pactis aliisque fontibus, scaturit. Sed, inquires, cum etiam pactis & contractibus conciliari possit exemptio, annetum exemptitia & pactitia eadem erit civitas? Negamus: Pactitia civitas pacto libertatem, quam ante ampliorem habebat, minuit. Exemptitia civitas pacto libertatem, quam ante non habebat, acquirit. Et sic, quæ ante libertate fruebatur uberiore, pacto certo iam fit subdita civitas; quæ vero ante graviorepremebatur onere, per pactum illo onere vel in totum vel pro parte eximitur. Vnde pro pactitia civitate præsumptio libertatis militat; exemptitia servituti subiacere creditur, nisi exemptionem doceat; quod & in privilegiaria obtinet. Sed hoc inter exemptitiam & privilegiariam civitatem interest, quod exemptitia in casibus exemptis pro libera reputetur, privilegiaria vero subiectio, subiectionis notam non eluit. quemadmodum in simili actio exemptatum dicitur, si actor agere posse desit; non item si ex privilegio

legio vel per exceptionem actio red-
datur inutilis. Ita Meichsner. tom. 2, lib.
1, decis. camer. 9, In causa Mentz con-
tra Erfurt, num. 19, pag 146. Non ta-
men negamus, certis etiam modis
exemtitiarum & privilegiatarum &
pactitiarum civitatum nomina con-
fundi posse. Illud certissimum, ex alia
quam privilegiorum scaturigine pro-
manari posse. Nam propter nimiam
dominorum savitiam subditi ab eo-
rum iurisdictione eximi, imo impune
discedere possunt, ita ut à domino re-
vocari nequeant. Luc. de penn. in l. si co-
loni 12, quest. C. de agricol. & censit.
Gail. obs. 17, lib. 1, per tot. ubi ex preffesso
hanc questionem tractat.

Proinde etiam ex ipso usu civitati-
bus ea distinctio manet; & præsertim
Saxonicae urbes hanc prærogativam si-
bi vendicant, quum eam libertatis spe-
cie usque à Carolo Magno obtinue-
runt, utpote, qui Saxoniae toti, præ aliis
populis, antiquis legibus vivere con-
cedebat. Quod recte censet Matth. Steph.
lib. 2, part. 2, cap. 1, n. 15, de iurisd. Civi-
tatum alia, inquit, ratio apud Roma-
nos ex instituto veteri fuit, quam iux-
ta modernum statum. Ibi enim dupli-
citer generis habebantur: Vnum ea-
rum, quæ propriis legibus vivebant,
quarum cives vocabantur municipes,
quasi

quasi munerum cum populo Romano
participes, nullis aliis necessitatibus
neque alia lege constricti: Alterum ea-
rum, quæ Romanas leges vel incolæ
acceperunt; & coloniæ dicebantur. de
quibus *Lazius in comm. reip. Rom. sect. 1.*
& 2. Hæ distinguuntur in minores, &
maximas, quæ metropoles appellan-
tur. *l. si duas. §. si minores ff. de excus.*
tut. & c. Alias in maximas, minores, &
maiores, pro ratione privilegiorum
maiorum minorumve, quibus frue-
bantur. Decet autem, inquit *Modest. in*
l. si quas 6, §. 2. in fin. ff. de excus. tut.,
maximo quidem numero immunita-
tum uti metropoles gentium: secundo
autem, quæ habent vel forum caussa-
rum, vel loca iudiciorum: tertio vero
reliquas. At iuxta modernum imperii
Rom. statum aliter distinguuntur civi-
tates. Alia enim & nova existit rei-
publ. forma tempore Imperatoris Ca-
roli Mag. ad Germanos translata: Et
alia est inter eas differentia. & c. Velut
iam dictum est.

Sed de his tunc pluribus agendum
erit, quum specialio rem cuiusvis civi-
tatis faciem delineabimus. Nunc finem
societatis completæ tendimus.

CAP. VIII.

De corpore & universitate societatis publica.

ATque ita ad illud societatis humanae fastigium perventum est, ut corpus se universitati sistere possit. Sic enim tempus transcendit ævum, quo inter homines magistratus politici potestas apparuit. Statim atque natura impulsus homines vagantes palantesque conciliavit, ut in unum coirent locum, magistratus emerfit. Ideoque, ait Don. Garf. *Mastr. de magistr. in prel.* n. 21. quemadmodum civitatem à familiis ortum habuisse compertum est; à magistratu œconomico politicum fluxisse liquidissime patet. Assueti enim homines, uni parrifamilias obsequi, moremque gerere, illiusque imperata facere, in civitatem transilientes, ex omnibus sibi unum constituere, qui munera magistratus obiret: Huc uni principatum & monarchiam originem referre suam credimus; pronunciareque possumus, magistratum à natura originem duxisse; quemadmodum civitatem, quæ societas politica, maximeque ad vitæ commoditatem instructa dicitur, ab eadem natura primor-

primordia sua recognoscere , satis perspicuum est.

Utque tandem id exprimamus , in corporis ratione, quæ iam restat, satis dilucide apparebit , quomodo se hoc universitati involvat, ut inde vires in plenitudine vigendi sibi sumat. Corporis autem notio licet decem possit accipi modis, tamen omnia significata ad duo possunt redigi; ut vel numerice vel collective intelligatur. Goddæus *ad l. 180 §. d. V. S. iuxta sententiam Pomponij* I Cti, tria eius facit genera: Vnum, quod uno, inquit, continetur spiritus; alterum , quod ex contingentibus exurgit; tertium , quod ex distantibus constat. Primi generis, ait, hominem, lignum & lapidem esse: secundi, ædificium, navem, armarium: tertii generis constituit populum , gregem , legionem, &c. Sic corpus politicum est plurium collegiorum, pagorum, familiarum , hoc est, personarum diversæ familiæ , diversæque ordinis & possessionis coniunctio. Atque tale corpus huc proprie pertinet. Veluti hanc ob causam recte Dn. Melch. Goldastus, *in collectionis constitutionum Imperial. tom. prim. statim in limine*, Ordines Imperiales omnes cum dignitatibus suis in corpus certum redegit , corpus membrorum Imperii Germanici id adpellans,

720 R E R V M P. H A N S.
lans, & secunda vice idem sacri Imperii corpus in sua membra & officia quadriparitum producens; ut inde augustissima eius amplitudo præ cunctis terræ regnis appareat, quod ibidem qui volet consulat. Quemadmodum vero corpus humanas vires & soliditatem coherentiamque medio nervorum & ambientis cutis acquirit; ita quoque politicum ex universitate & eius complexu continuitatem cum firmo vigore nanciscitur. Baldus enim in l. 5, num. 11, C de exec. rer. lud., affirmat, universitatem nihil aliud esse, quam homines ipsiusmet universitatis collective sumptos. Nam homines separati & singuli non faciunt universitatem & populum. Ideo universitas non dicitur homines, sed hominum collectio in unum corpus mysticum & abstractivè sumptum; cuius significatio inventa est per intellectum. Cacheran. decis. 17, n. 14. Verum talis universitas à collegio & corpore, quod est coniunctio plurium collegiorum, ita differt, ut universitas dicatur respectu alicuius territorii. Timpl. pol. lib. 1, cap. 4. § ult. Quæ ratione universitatis nomen est nomen iuris, non personarum: Pariter ut hæreditatis nomen differt à rebus ipsis, quarum denotat universitatem. Modis. § plebisdictum, decis. 2, num. 7, Lessa pars.

se. part. 1, c. 1, l. item, §. non ff. de pet. ver. Hinc Castrensis, in l. 7, u. 1, ff. quod cuiusque univers. scribit; Universitatem quandam esse personam fictam, ex pluribus singularibus personis constantem. Etenim universitas, quamvis non animum, non intellectum, nec etiam corpus habere videatur, si abstractive sumas; at tamen legitime congregata atque convocata, sustinet ac repræsentat vicem unius personæ, quæ est aliquid diversum ab hominibus universitatis. l. mortuo ff. de fideiuss. Modestinus, §. plebscit. dubit. 148. Vnde maxima est differentia, an actus aliquis fiat ab universitate, seu vero à pluribus ut singulis. l. 1, §. quibus. l. sicut. §. si quid. ff. quod cuiusque univers. nomine. Hinc liberatio facta universitati, non efficit singulos homines universitatis; nec è contra. Idem videmus de bonis. Universitatis namque bona non dicuntur bona singulorum; & è contra. Sicque jus universitati legatum, singulis non competit. Nam quod est universitatis, unius corporis est. Ideo plurium seu singulorum non existit, quoniam universitas est persona per se repræsentata. l. 6, §. univers. ff. de rer. divis. l. si d. si. §. qui man. ff. de in ius vocan. Et id alijs pluribus exemplis explicat Loscius, d. c. n. 16. & seqq. Ac porro,

quod aliud sit universitas, & aliud singuli de universitate, apparet etiam ex eo, quod universitas eadem maneat, licet variae mutantur personae. *l. 7. §. in Decur. ff. quod cuiusque univers.* Et sic populus idem manebit hodie, qui fuit iam à centum annis; licet omnes, qui tunc erant, mortui sint, & alii subrogati. Propter eandem etiam rationem ius & nomen universitatis conservatur in uno solo qui remansit de universitate. *Bald. & Cast. in d. l. 7, §. ult. n. 1, ff. quod cuiusque univ.* Universitatis enim nomen manet & durat, etsi ad unam personam reciderit. *l. 7, §. 5. ff. quod cuiusque un.* Etenim in hominum universitate tria considerantur: ipsi scilicet homines, res, & iura eorum. Vnde licet homines extinguantur, remanent tamen nihilominus res & iura ipsorum hominum, quæ nempe propter mortem hominum non extinguuntur. Ac propter illa iura representatur tota universitas in uno, *l. sicut in f. ff. quod cuiusque un.*; etiam de omnibus universitas extinctis. Nā donec quis superest, res nō potest careere iure & administratore. Atque ita universitatis privilegia durant, mortuis omnibus de universitate. Nam quod universale est, perire nequit. Sicut homo in genere non moritur. Proinde universitas actu perire potest,

potest, sed non habitu, ut loquuntur, in quo generis conservatio superstes est. Sic & privilegia & iura alia conservantur eidem. Postea renovata universitate, omnia iura resuscitantur; interim autem transeunt ad fiscum. *Modest. §. plebis sit. q. 85, Besol. pol. c. 12, n. 60*, Bona autem & res in communi universitates habere possunt; sicut & hoc cuilibet personæ singulari concessum est, puta, nemora, pascua, piscinas, salinas, ædes, &c. item pecuniam in arario, bursam communem, proveniunt, &c. *l. 1. §. quib. ff. quod cuiusque uni. l. bona civitatis. l. inter publica ff. d. V. S.* Sed de his, quomodo possideantur & amittantur, vide Losæum, *de univers. part. 3, & 4*. Nam bona ea si adimantur universitati & civili sociationi, desinit esse publica. *Menoch. lib. 2, arbit. cas. 598. Petr. Greg. Thol. lib. 35, Synt. 1, Gail. lib. 2, obs. 61. Vid. Alsb. dicael. lib. 1, c. 21, n. 33.*

Academix etiam alias specificum universitatis nomen attribuunt. In quo consule Matth. Steph. *disc. acad. par. 1, disc. 8, n. 3, & seqq. Besol. pol. c. 12, n. 3, & seqq.* De tam constricta enim nimium significatione heic non agimus; sed potius cum *Melch. Gold.* facimus, ut supra dictum est; quum hac ratione universitas sit plurium colle-

giorum, familiarum, & corporum, juris communione sociata multitudo. l. 2. l. 7, §. 1. ff. quod cuiusque un. l. 30. ff. de usucap. Sed in pluribus consulatur Alth. pol. cap. 5, Bod. l. lib. 3, de rep. c. 7, Losaus de iur univers. per tot. Hotom. quæst. ill. 42, Deut. 13, 12, & seq. Gen. 34, 16, Exod. 11, & seqq. tit. Cod. de colleg. lib. 11. & tit. de privat. corp, urb, Romæ. Nos ad scopum tendimus.

CAP. IX.

*De republica, & maxime in statu
Christianitatis, quid sit.*

ABSOLUTO iam & demonstrato universæ societatis corpore, & quomodo membris suis ordine in universitate detecta cohereat; necessum est ut quoque nunc paucis animam eius perlustremus. Non etenim sufficit, corporis novisse situm, & compositionem membrorum; sed etiam ipsius internam intelligere essentiam, ex qua profluant eius actionum facultates & operationes, quibus se in hoc mundo vividum ostentat. Prout Respubl. est, ita quoque nobilitatem corporis politici sui arguit in vita sive effectu suo: quam civitatem diximus. Vbi simul de vera Reipubl. definitione, quam adeo

adeo multos penitus ignorare cerno actum est, ut non opus sit in his diu se torquere amplius. Sed tamen quum omnes, quotquot de republ. scripserunt, parum solliciti sint, ex quo fundamento, & quid, ac quibus scribunt; paucis etiam in his ipsorum errores detegendi sunt.

Profitentur se quidem Christianos & quod Christianis sua scripta ediderint; ut plurimum tamen res proponunt Christianis haud probe convenientes. Etenim non putant ex ipsa sacra Scriptura, & maxime ex novo Testamento, reipublicæ constitutionem esse desumendam; ita semper luxuriant in Ethnicorum placitis, atque omnia ex ipsis determinant. Nullum heic usum habere opinantur, imo rident, quæ Christus, quæ Apostoli, aut Spiritus sanctus per Apostolos illis loquuntur. Quis non deploret extremam perversitatis malitiam? Nimirum eiusdem sunt sortis homines quales tunc olim erant ante cataclysmum ingruentem. Posteaquam igitur nunc iterum mortales suam in ira Dei tantopere tanta obstinacia concitarunt Turbam, perinde ac Spiritus Dei etiam ante diluvium ludibrio habebatur, quis non intelligat, similis ultionis, tam pertinaciter à Turba magna irritata, tempus etiam-

num acceleratū iri? Vnus inter omnes Danzus vix agre invenitur, qui ritulum politicæ Christianæ tangere vel in medium producere fuerit ausus. Reliqui prope omnes hoc se sanctiori conatu, ac si in summam alicui cedat ignominiam, indignos faciunt; dum tantum censetur nefas, si alicubi ab ethnicisini usu crebriori sit devian- dum. Quin ipse non adeo pridem ex ore magnorum virorum non absque horrore audiui, qui extrema stolidita- ri aut vesaniæ hoc adscribere solebant, si quis decisiones politicas aut iuridi- cas ex ore & Verbo Dei petere aut de- sumere vellet: quum non tantum ni- mis esset durum; sed etiam nec elegan- tiæ nec temporum rationi talia com- peterent. Quasi is, qui ipsa est sapientia Patris, & in quo vivere, moveri, & esse debemus, quique sui imagine in Spiritu suo nos donare cupit, non ver- ba vitæ firmiora & solidiora protule- rit, quam quæ fluibunda & vana som- nia hominum confingunt. Verum enimvero verba Danzi, quam oppido sint oportuna & rei huic accommo- data, paulo infra adducam: Audia- mus modo prius, quid reipubl. Chri- stianæ nomine revera nobis censen- dum veniat. ex quo patebit facile, quantum omnes in Tuis rerumpbli- carum

carū constitutionibus à via declinent.

Est igitur Respubl. Christiana nil aliud, quam populi Dei adunita sancta potestas, quæ ex delectione proximi iuxta pietatis virtutem procreat civitatem eam, in qua pacifice vita huius ævi ad gloriam Dei unice transigatur. Hæc, hæc, vere est Respubl. Christiana; & ita conformatam esse oportet, quam Christus ipse, legibus suis ex sinu Patris nobis revelatis, præscripsit. At enim quis est, qui rerum vitæque autorem atque æternæ reparatorem salutis digne curet? Licet ille civitatis ædificationem omnem sibi destinari cupiat unice, tamen nemo audit; sed unusquisque suas sequendas sibi vias eligit. Ideoque pravitati cordis eorum tradit eas, ut in consiliis vanis ambulare pergant, ut queritur graviter ipse Iehova *Pf.* 81. 12. Talis enim Reipubl. formatio, qualem sibi homines confinxerunt, non est ex Iehovæ viis aut statutis ad voluntatem divinam adornata; sed ex cordis pravitate, imo Ethnicismi meditullio, progenita.

Atque hoc est in quo quidem Dathanus veram quoque mentem expressit. Verumtamen, quoniam miseris nobis mortalibus nil crebrius est, quam à Dei vestigiis levissime diverti, & quæ una manu ædificamus, mox alte-

ra destruere; præclare autem dicta, quibus ad communem amplificandam rem cum primis indigemus, nimium iterati, si vel ad nauseam inculcentur usque, non possint: idcirco, quæ in hoc negotio divinæ veritati præcipue congruentia prodidit Danæus, heic audiamus. Politica præcepta (*sic in præmis*) scripsere varii, cum homines philosophi, tum alii & veteres & novi auctores: sed qui ad purissimum Dei verbum ea exigeret, nemo, meo quidem iudicio, adhuc repertus est. At qui, si quo alio ullo in loco gravissime peccari ab hominibus potest, dum à Dei voluntate discedunt; maxime in hac re una. Nam, cum à Deo opt. max. mundum hunc regi, felicesque rerum omnium successus expectandos esse fatendum sit; certe omnium tum urbanarum tum militarium actionum (unde Reip. summâ pender) felicitas ab uno eodem Deo est speranda. Verum ab eo sperari qui poterit, si Remp. ipsam totam, aut quid in ea, contra Dei ipsius expressissimum mandatum, voluntatem ac consilium, instituiamus aut suspicimus? Certe nullus ex eo felix exitus expectari poterit. Quamobrem erat cum æquius, tum etiam optabilius, ac omnino magis necessarium, ut præ cæteris hæc una præcepta

cepta (quæ politica nominantur) ex illa divini verbi regula maxime sumerentur, id est, ex ea quam Deus nobis de rebus omnibus (quæ in actionem vitamque humanam cadunt) in verbo suo præscripsit. Quum sit enim politica non modo ars quædam è præcipuis una; verum etiam cæterarum, quibus hominum inter se societas colligatur conservaturque, facile princeps, &, ut loquitur Plato, *πρωτὴν ὁμιλιαντικὴν*, aut, quemadmodum Aristoteles, *πρωτὴν ἀρχιτεκτονικὴν*: equidem ad eam vere, tuto, utiliterque tradendam, fuit estque divinæ lucis fax ac veritas verbi Dei præferenda, qua duce neque aberrant homines, neque inania & vana pro solidis, velut Ixion (ut est in fabulis) nubem pro Iunone, amplectuntur. Neque vero verbi divini adjumento ad eam scientiam copiose luculenterque complectendam & describendam politici scriptores carebant, si modo ad illud attendissent: Sed homines, etiam Christianum nomen profitentes, profanorum autorum libris literisque abineunte ætate semel instituti, in iisque postea diutius innutriti, nihil ex divina Scriptura sumi tradive posse crediderunt quod ad eas artes pertineret quas profani philosophi tractassent. Ex quo evenit, ut & ethi-

cen,

cen, & physice, & politicè, ex Aristotelis, Platonis, Taciti, Senecæ, Plutarchi, aliorumque similium scriptorum monumentis discerent, potius, quam ex Dei verbo; id est, lacunas, & eas quidem sæpe putres, potius quam ipsum aquæ salutaris vivum fontem, mallent confectari. Inde tot in quavis philosophiæ parte errores nati, quos etiamnum hodie mordicus Christianæ quæ vocantur scholæ nihilominus tuentur, ac retinent: Inde tot inter Philosophiam & veram Theologiam contentiones ortæ. Quas omnes facile evitarent homines, si ex uno Dei verbo sapere, non ex humanis commentis, didicissent, ac nunc etiam discerent. Mihi quidem hoc fuit perpetuo propositum, ut philosopharer; & quidem non paucis, ut Neoptolemus ille apud Ennium voluit; verum ut vere philosopharer. Ecquæ enim est falsæ emendatæque scientiæ & doctrinæ utilitas? Itaque, quantum quidem potui, singulas philosophiæ partes ad verbum divinum semper revocavi, velut ad verissimam omnis veritatis atque omnium rerum (de quibus illud verbum agit) normam: Contra quod si quid exter scriptum, istud & falsum, & blasphemum, & exercandum judico, à quocunque tandem fuerit traditum, & de

& de re quacunque affirmatum. Est enim divina Scriptura non tantum *πιστῶν*, id est, rerum quæ credi, verum etiam *οδοιγῶν*, quæ agi debent, regula certissima & immota. Quare ut, quæ sit optima civitatis regendæ ratio, intelligatur, (quæ res *πολιτικὴ ὁπισήμη*, politica scientia, nominatur ; estque pars potissima rerum omnium quæ in hominum actiones cadunt, quibusque pietas ac iustitia hominum inter se continetur,) est, inquam, politicæ scientiæ præceptio recteque gubernandæ civitatis ratio vera ex ipso Dei verbo, quantum fieri potest, ducenda. Augustinus, *epist. 3. ad Vilulianum*, de *S. Scriptura loquens*, Hic etiam, ait, laudabilis est Reipubl. salus. Neque enim conditur & custoditur optima civitas, nisi fundamento, & vinculo fidei, firmæque concordiæ, quum bonum commune diligitur, quod summus ac verissimus Deus est, &c.

Non inconvenienter hæc prolata sunt. quæ merito omnes excitent & informent politicos. Proinde qui in tali sententia constanter perseverat, nec ab eadē facili deflectit motu; egregium certe præstabit opus, & homine Christiano dignum perficiet. Fac hoc, & vives, ait Christus. Nec enim verba sufficiunt, ubi factum opus est. Sed uti nostræ

nostræ rationis miseranda fert cœcitas, quando in suas toties relabitur vanitates; ita fit, ut, quam diu profana divinis miscentur, eaque præ cœlestibus mandatis in potiori habentur loco, omnes ab eodem semper devoremur errore, & cœcus cum cœco in eandem abripiatur tenebrarum foveam. Utinam mortales, copruptissimæ suæ naturæ corruptionem vere intelligerent, nunquam ita temere cœcis rationis inventis aut syderei illius Spiritus impressionibus se submitterent. Verum quis stolidum in sua protervitate corrigat mundum? Quis est in tantis tenebris qui non suam sibi excelsenitidam constringat lucem? Tum quoque quid non communiter receptus habitualitatis suæ dictitat usus? Deus venter est, in diem vivitur: & sanctior est ille, qui ditor est, ait *D. Hieronymus ad Chromat.* Sic ducit sepiæ percam. Nec opus est, ut surdaster cum surdastro litiget amplius.

Quum igitur ex supra illatis constet, quod reipubl. cuiusvis consummata constitutio ex duabus conflatur & in ordinem iustum redigatur partibus; internis & externis; unaquæque autem earum hoc habeat officium, ut vel auctiori vel conservationi incumbat: effectum talem iustum præstare

conce-

teneretur. Sic internæ conservationi maxime inserviunt libertas, leges, virtus, industria, potentia &c. mortalium; sed inprimis divina gratia; sicut etiam huic refertur potest ærarium publicum, cui septem genera conficiendæ pecuniæ apponit *Bod. lib. 6, de Rep. c. 2*, Internæ auctiori, quæ aut naturalis aut industrialis est, & hæc iterum aut voluntaria aut coacta; ei primitus inservit, propagatio populi; huic rursus libertas, unio vicinitatis aut proximorum, arrogatio, adoptio, affinitas. &c. omnium autem maxime & fundamentaliter heic conducunt negotiationes & commercia, nec minus & fœdera huic intentioni inservientia. Sic & externæ partes internis correspondere debent, ut aut stabiliendo profint, in munitione, fortificatione, ædificiorum erectione, propugnaculorum ordinatione &c. aut amplificando in legitimis mediis per privilegia, concessionem aut fœderum compactionem, aut violentis, quod fit per bellum. Verum quum ultimum hoc ad scopi nostri intentionem nil iam faciat; id, quod in privilegiis & in fœdere iusto consistit, paucis subnectimus. Ita enim inde patebit, quanto cum fundamento necessitatis & muniminis, nec minus ornatus atque utilita-

734 R E R V M P. H A N S.
utilitatis Germaniæ, Fœdus Hanseaticum in tantam tot seculorum extensum sit durationem, unde merito hæc ipsi debetur celebritas, & observantia.

C A P. X.

*De Privilegijs, unde & quid sint,
ac quomodo iure concedantur suo.*

EX quo mortalium consensus omnem libertatis suæ facultatem in superiorem quandam potestatem transtulit, ut ita dominationis nutui viveret subordinata; necessum quoque fuit ut disciplinæ legum se simul submitteret, quas æquali iure distributim exciperent. Verum, ne vis potentior ab ingruentibus, aut ab æquitate ipsa deviantibus allis, immineret, vel disturbaret universitatis corpus, haut raro autem ipsa dispositio loci ac commoditas rerum negotiorumque exegit aliquam libertatis translatae restitutionem, & prærogativam præ reliquis subiectis: orta inde est quædam legum & iuris communis exemptio, quæ pro loci, rerum, personarumque necessitate assignata fuit plurimis, boni publici causa. Atque hoc peculiare ius, quum, respectu & comparatione communis iuris

iuris, aliquid singularitatis inferret, & commodum iis, qui ex peterent, adiceret; nuncuparunt id *Privilegium* : quasi nova lex privatim addita fuerit aliis, ob causam specialem. *gloss. in l. 21, §. idem ff. ad municip.* unde etiam alii privatim addita fuerit aliis, ob causam specialem. *gloss. in l. 21, §. idem. ff. ad municip.* unde etiam alii privilegium, quasi privans legem communem, dictum volunt. *Iason. 27. de constit. princ. Moz. 2. de contr. § 3, n. 25. Perus. in c. 1. de constitut. Enenck de privil. lib. 1, c. 1, n. 6, & 7.* Quamvis autem interdum latius, interdum strictius accipiatur; ut *idem* notat pluribus *Enenck*; adeo ut etiam *Gellius*, lib. 10. c. 20, scribat, quod veteres, privilegia leges appellarent: tamen ita, ut iam dictum est, proprie privilegium accipitur. Unde privilegiati dicuntur, qui a iure communi excipiuntur. *l. de curionibus. C. de silent. lib. 12.* Et privilegia ita interpretanda sunt, ut aliquam contineant gratiam contra ius, ut est in c. *sicut. Romana, de rescript.* privilegium enim ius dicimus tale, (ait *Enenck, d. l. n. 10.*) quod adversus generale ac commune ius exceptionem & relaxationem, eoque privationem legum certo in casu, seu suspensionem, introducat; quo nixi quibus illud datum est, legibus in illo ca-

in communibus soluti intelliguntur. ut satis describit l. 14, de usufr. & habit. l. 9, C. de testament. Quod rectius alii ita definiunt: Privilegium est ius, quod contra communem civilium ordinationum tenorem, propter aliquam naturalis æquitatis rationem, certa constituentium auctoritate introductum est. Unde apparet, quod privilegia contra ius naturæ vel utilitatem publicam, non magis sunt privilegia quam tyrannis lex est: ut Cicero de ll. differens probat. Et hic est verus sensus l. ult. C. ff. contra ius vel utilit. publ.

Multa & varia huic in iure civili nomina imponuntur. Vt, Beneficium interdum dicitur. l. penult. ff. de constit. princ. l. ult. ff. de adopt. &c. Item ius in l. 2, l. 7, de testam. Lex. l. 1, ff. de testib. Prærogativa. l. 4, §. 5, ff. de offic. procons. Consuetudo. l. 1, §. ingressum. ff. de offic. proc. Rescriptum. l. 6, ff. de iur. fisc. Concessio. l. 1, in princ. ff. de testam. mil. Indulgentia, Benivolentia. l. 52, ff. de acquir. vel omit. her. Constitutio. l. 1, §. item. ff. qua sent. sine appell. Sanctio. l. 2, C. de locat. prad. Exceptio. l. 7, C. de ver. sigal. Germanice Freyheyt, Handveß, in iure Sax. dicitur. Hebræis Perah vel Perahet, quod libertates, privilegia est; à verbo parah, id est, privare, eximere, liberum facere unde vox Parho, olim

olim cognomen regum Ægypti : quasi rex sit homo singulariter privilegiatus , & numero communi exemptus. *Enenk. d. l. 1, de privil. c. 1. num. 14*, Ideo verum est , quod nemo sibi propria auctoritate privilegium adrogare possit; *c. 25, q. 2, c. 22*. Sed hoc competit illi , qui principem locum obtinet, *Bod. lib. 2, c. 2, de Repub.* solus etiam sic conditor & interpres. *l. 6, ult. C. de ll.* Solus enim dare potest privilegia. *per novel. 6, c. 2*. Principem enim heic excipiunt I Cti , qui summam habet potestatem. Nec refert, siue unus sit, siue plures. unde etiam Rebus publ. licitum , quæ superiorem non agnoscunt. *l. scitote 2, c. 6, q. 3, c. 18, de iureiur.* Velut etiam concedere videtur Princeps privilegia tacite indulgendo. quod sit in more & consuetudine antiqua. *§. 7, de conceptione digest. c. mos antiq. 6, dist. 6, c. conquestus 8, 9, q. 3*. Vbi communis præscriptio etiam satis operatur. *c. audientiam. de præscript. c. 15, d. t.*

Subiectum autem , quibus inhærent privilegia , sunt personæ & res. *l. ult. C. de fruct. & litis expens.* Personarum ratio duplex est : vel enim Principes sunt , vel subditi. Principi competunt regalia in signum supremæ præminentie & potestatis. Quæ,

quoniam non sunt aliis communia;
sed eius propria, merito ita dicuntur.
Hæc si rite cognoscantur, facile pote-
rimus perspicere, in quibus præroga-
tivar aliis concessæ fuerint. Ideoque re-
galium Principis quædam commodum
eius pecuniarium recipiunt, ut est ius
fisci, mulctarum, pœnarum &c. deinde
pertinent ad Principem bona vacantia,
vectigalia, collectæ maiores Imperia-
lesve, portorium, ripatica, redditus pis-
cationum, salinarum: parangariarum
præstationes, dimidium thesauri in-
venti, &c. Sic & personis habet ius
conferendi vel dignitatem, vel offi-
cium, beneficium, vindictam, vel
quidpiam huiusmodi quod eam ab
observatione legum communium li-
beret. *de quibus vide facil. Frid. de privil.*
tb. 31, & seqq. longum referentem cata-
logum. Modus autem concedendi pri-
vilegia olim in Comitibus centuriatis
fiebatur solummodo, *quod etiam ita lege*
12, tabellarum cautum erat. Cic. pro domo
sua, & pro Sextio. At nunc in potestate
est eius vel illorum, in quos regalia
summa devoluta sunt. Ac licet tenor
privilegiorum ad unguem servandus
sit, *l. 1. §. 10. ff. de exercit. act. e. porro, de*
privil. l. prospexit. ff. qui & à quib. manu-
miss., tamen causa impulsiva maxime
declarat & restringit privilegia. *l. 77. §.*

20, ff. de legat. 2, l. ult. ff. de test. mil. Vnde reale privilegium intelligitur, si descendit ex contractu. l. 8, §. 4. de pig. act. l. iuris gent. §. 8 ff. de pact. Si vero ex gratia, personale est. l. 5, §. 4. de iure immunit.

Finis autem privilegiorum est, consulere bono publico, succurrere infirmitatibus, avertere futura mala, & præcavere incommoda Reipubl., nec non fortitudinem præmiis afficere, & bene meritos remunerari. l. 26. ff. de testam. mil. l. 1. ff. si ventris nom. l. 58. C. de decurion. l. ult. C. de statutis.

Vnde effectus quoque privilegiorum est, quod tantum operentur, quantum consuetudo & præscriptio, l. 1, §. ult. & l. seq. ff. de aq. & aq. plur. arcend. Veluti & privilegia realia perpetua sunt, & ad hæredes transmittuntur. l. 3. C. de censib. l. 42, ff. de admin. & per. tut. Maximi vigoris sunt, quæ corporibus, collegiis & civitatibus generaliter dantur; quia firmiter ad posteros extenduntur. l. 4, §. 3. ff. de cens. At personalia sunt temporaria. l. 12. C. de prox. Sacr. Scrin. l. 3, C. de excus. mun. nisi specialiter transitio ad hæredes indulgeatur. l. 5. C. de silent. Maxime durable & inexpugnabile est, quod titulo oneroso est comparatum.

Ex quibus patet, quod varia species

privilegiatorum dentur, & præsertim decem divisiones refert Erenk *lib. 2, c. 3, qui ibi consulatur*. Saltem hac vice id monendum putamus, quod privilegiis contraria sint: iniquitas. *l. 4, C. de emanc. mendacium. l. 5, C. si contra ius. & c. l. 29, ff. de falsis. dolus, l. 51, ff. de rei ind. delictum l. 1, C. ubi Senator. & c. l. 2, C. de priv. schol. abusus. l. 11, C. de Indeis. Nov. 8, c. 13, & non usus. l. ult. ff. de excus. tut. Item renunciatio. l. 46, ff. de pactis. item si cesset causa. l. 43, ff. de vulg. & pup. & mors privilegiari. l. 26, ff. quando dies leg. Sic re extincta, reale privilegium extinguitur. l. 5, ff. ut legat. nom. cav. l. 59, ff. de condit. & demon. Vnde civitate destructa, privilegium moritur. l. 4, ff. de censib. l. 21, ff. quibus modis usufr. amitt. Si vero opus reparationis sit, suspenditur & non extinguitur. l. 59, §. 1, ff. de condit. & demon. l. 83, §. sacram. ff. d. V. O. Nam etiam bello capta civitas, si vindicetur in libertatem, iura sua pristina recuperat. l. 12, §. 6, l. 20, §. 1, ff. de capt. v. l. 26, ff. quib. modis usufr. & c.*

Ex his autem patet, unde sit, quod in iure civili sæpius exemptio occur- rat, cuius supra mentionem fecimus; velut immunitas à muneribus, oneri- bus, operis, collectis; & cur hodie tam exotum sit nomen illud, quando non-

nullæ civitates præ aliis à tributis & oneribus exemptæ & liberatæ sunt. *Rul. de com. l. 5, p. 2, c. 4.* Aiunt enim; Salus publica flagitat, ut recisa sit exemptio quam fieri potest maxime, onusque non imperio, sed statui eximenti accrescat. *Viet. de caus. exempt. concl. 19. & Schonb. lib. 5, pol. c. 7.* Non incongruum quidem consilium, sed dum nimis exacerbatos reddit animos, & lites ex litibus gignit; rectius foret æquitati suppetias ferre. Omnes enim inclinant in hoc plerumque, ut interpretationem ex periculosa illa clausula petere velint, quæ privilegia saltem rebus sic stantibus concessa cupit. Ast quantam segetem malorum disseminavit in mundum hæc locutio, Id tot strages & clades testantur aperte. Utinam tandem melior adesset respicientia omnium, & homines agnoscerent, quod non incompte nonnulli profecerunt politici, qui pœnæ loco Respubl. in genus humanum statuunt introductas. Oleum flammis infundunt, & securitatem nimiam cordibus protervis suggerunt, qui hoc negare audent. *Vid. Chr. Matth. in pol. lib. 2, sect. 3.* Etenim intermortua charitas satis iudicio est, quam Deus sit à tali forma regiminis alienus. An non inde tantus legum humanarum columus profluxit?

Num talis Resp. possit esse grata Deo, quæ sibi ipsi in tantis flagitiis & dolis oneri est? An id amoris Dei possit adscribi, quod is non potest non summo odio prosequi? Odio habet omnes verbi transgressores sui. Alius autem nō est præter Christum, qui legem compleverit. Quicquid igitur in Christo non fundatur, ab ira Dei certe neutiquam est exemptum. Si unica omnium legum lex in Rebuspubl. observaretur, quam Christus *Luc. 6, 41, & Matth. 7, 12*, nobis inculcat; Quæcunque volueritis, ut faciant vobis homines, hæc & vos eis facite; &c. proprius certe omnis Resp. accederet amorem Dei, & statum Deo amicum referret. Verum quum omnes ab eo absint, & potius multipliciter ament quam unitatem, ideo magis etiam in profunditates iræ Dei se præcipitant. Et hinc est, quod natura vel creatura, si ve totus mundus, tantopere suspirat, quod tandem à servitute corruptionis huius liberari possit; seque in libertatem vindicare anhelat; ut D. Paulus ait, *Rom. 8, 20, 21, & 22*. Ita natura iniquissimo pondere actionum humanarum, & malignitate victa ac suppressa jacet, ut penitus abhorrescat à vinculo eius, cui implicata hæret. An non igitur pœnæ loco sibi tales Respublicas impositas dica-

dicemus, quæ à Dei & proximi dilectione sunt alienissimæ, & in quibus nil nisi violenta legum conglutinatio, fœderumque constrictio, cum acri disciplina, vel demum lucri aliqua indulgentia, quæ in privilegii auctoritatem, talem, ut iam dictum est, redderet, animos conciliare possit? O durum necessitudinis vinculum, ubi ferreis quid cõagmentatur clathris!

C A P. X I I

*De fœderis natura propria in genere,
variisque eius acceptioni-
bus, & definitione
vera.*

QVemadmodum societas publica & civilis in formam symbioticam coëat, & quomodo, si nimium legibus constricta sit, aliquam inderelaxationem iurium pro maiori favoris mutui gratia acquirat, hucusque dictum est. Sed quum ad conservationem & amplificationem Reipublicæ non satis sit, ut inter se iuris aliquo vinculo concatenetur; sed etiam firmitudinem sæpius externam & augmentum sibi quærere à vicinis cogatur; atque nil ibi æque idoneum & conciliabile inveniat, quam fœde-

rum confociatio: postulat jani rei evidentia, ut eam quoque paucis perlustremus. Qui enim in regimine absque certo vitæ externæ munimento res prosperas adversasque experti sunt, fatentur, quam sapissime periculis expositos se vixisse, & vix potuisse à se propulsare vires hostium, nisi fuissent ab amicis confœderatis adiuti. De Germaniæ regulis scribit Iovius *lib. 32, histor.*, quod mutua ope & sanctissimo liberalis amicitiae iure seipsos ab iniuria & superbia potentiorum facile defendant. Auxilia enim humillima consensus firma facit, *ut ait Publius: & vel Scyluri tela documento sunt*, quanta difficultate iuncti fasces discerpantur, qui octoginta generosis suis filiis, *referente Plutarcho*, firmam animorum & virium coniunctionem hac similitudine adumbravit. Hoc pacto coniuncta fœdera in animorum morumque similitudine magis atque magis confirmantur, quandoquidem pietatem pro duce, & prudentiam consultricis loco adhibueris. Fœdera igitur merito inventa fuere ab omni ævo, ut amicorum usu potentiaque terrere hostes, tuos autem patriamque tueri posses. *Vide Ubertum Folietam de fœd. cels. Mancen. lib. 6, de iure princip. c. 13, Erenb. lib. 1, de fœd. c. 2, n. 232. Alex.*

ab Alex. lib. 5. Gen. c. 3. Camer. centur. 1.
succif. cap. 6. & cent. 2, cap. 78. Bod. 5. de
Rep. c. 6. P. Greg. Thol. lib. 11. de Rep. c.
11. Comin. lib. 2, p. 360. Pariticam. lib.
27, de tacit. convent. l. 7, n. 7.

Conspirationes equidem improbæ
& coitiones turbulentæ iure vetantur
l. 3. ff. ad l. Iul. de vi. publ. Aur. Bul. tit.
15. Verum in legitima fœderum co-
gnitione, constitutione & pactione, ri-
te hæc considerantur sequentia: 1. no-
minis ratio. 2. quid fœdus sit. 3. quæ
fœderum species aut genera. 4. cum
quibus probabiliter ineunda. 5. qui
icere possint. 6. sub quibus conditioni-
bus, & quæ cautelæ. 7. quis modus. 8.
quod officium confœderatorum. 9.
quæ solemnitates. 10. quæ duratio, &
quis effectus eorum 11. eorum cognata
quænam. 12. quomodo dissolvantur.

Quantum igitur ad primum, nomi-
nistationem, attinet, Festus apud La-
tinos fœdus ab eo appellatum dicit,
quod in paciscendo fœdere hostia ne-
caretur, & cæsa porca iungebant fœ-
dera. vel quia in fœdere interponatur
fides, unde & Varroni fœdus quasi fi-
dus dicitur, quod fœdere tali certa fides
paci nitatur. Bod. 5. de rep. c. 6. & Erenb.
1, de fœd. c. 3. Zepper. 4. de leg. Mosai.
c. 6. Fidei enim proprietas essentialis
est,

est, quod nihil ambigui, fucati, aut do-
losi admittat : quum talia cuncta fi-
dem subvertant penitus. Ideoque ipsi
quoque Ethnici pactiorem adeo san-
ctam fœderis habuerunt, ut singulari
cum solemnitate nec sine victimis ce-
lebrarent eam. quod sane ethnicorum
fuit inventum; sed ex sanctorum pa-
triarcharum historiis illud in abusum
gentilem fuit abreptum; ceu diabolus
semper apud suos fraudulentus Ieho-
væ imitator esse cupit. Iehova enim
ipse post cataclysmum statim auctor
fuit fœderis, quod tum cum Noacho,
& filiis, nec non posteris eius, pepigit;
ubi in æternum huius fidei testimo-
nium, itidem, adiecit, ut sit signum
fœderis inter Iehovam & terræ incol-
as. *Gen. 9, v. 13.* Magni sane mysterii
arcus ille imaginem refert, quod ante
hac nemo in mystica sua explicatione
assecurus est, præter Teutonicum; cu-
ius verba in *myst. mag. sive comm. in*
Gen. cap. 33, sic se habent. Fœdus hoc
cum hominibus initum figuram re-
fert trium principiorum essentiarum divi-
narum, velut essentiarum essentiarum : Nam
arcus ille signum est fœderis huius, ut
Iehova reminisceretur & intimescere
recoleret, homini in tribus istis prin-
cipiis, ex quibus ad sui imaginem pro-
creatus est, vivendum esse. Sed ut ta-

men

men respiceret ad hominis imbecillitatem, & periculositatem ingentem: inde imaginis huius formam obiciebat, ne amplius furor eius ex suscitaretur, & vitam omnium pessumdaret. Iris enim colores omnium trium principiorum continet. quippe primi color est rubeus & fulvo-fuscus, qui significat tenebrosam & igneam mundum, tanquam primum principium iræ Dei. Secundi vero color est albidus & flaveus, qui color est maiestaticus, indicans imaginem sancti mundi, & amoris Dei. Tertii denique color est viridis & cæruleus: Cæruleus ex chao est, & viridis ex aqua aut sulphure, ubi in fulminatione ignis, sulphur & mercurius ab invicem separantur; ibi distincti prodeunt colores, qui nobis internum spirituales indicant mundum in quatuor elementis contentum iacentem. Arcus iste figuram extremi exhibet iudicii, quatenus interni spirituales mundi rursus manifestabuntur, & quatuor elementorum mundum absorbebunt in sese. Ideo gratiosum fœderis signum est, quod iudicem mundi in fœdere denotat, videlicet Christum, qui in omnibus tribus principiis in fine dierum apparebit. Velut iuxta ignis signum iudex severus in Turbam, & in cuncta, quæ
in ea

in ea deprehendentur, igneum iudicium exercebit, & inflammabit Turbam. unde primum principium in sua ignea proprietate apparebit. omnes res enim huius mundi in igne primi principii, tanquam in centro aeternae naturae, probabuntur; ubi Turba omnium rerum in igne absorbebitur. At iuxta lucis signum in medio igne tanquam amabilis facies omnibus sanctis apparebit, & suos sub amoris & humilitatis umbraculo ab omni ignis flamma innocuos conservabit. Demum secundum externae naturae mundi huius regnum in assumpta humanitate patebit; & coram illo externum mysterium quatuor elementorum, tanquam iuxta sulphur, mercurium, & sal, iuxta omnes proprietates miraculorum in effato & formato verbo, videlicet iuxta lucem & tenebras, manifestabitur. Huius imaginem & figuram exhibet iris; quia est contrafactura aut resplendentia obiecta soli; ut inde constet, quae proprietas in proprietate lateat, &c.

Itaque foedus solemne Iehova iniit cum Abrahamo, quum ipsi & posteris eius terram sanctam promitteret. Ibi victima ex vitula triennali, trienni capra, ariete triennali & turtore, cum pullo columbarum iussu Dei sancta.

cita. *Gen.* 14. v. 10. Cuius explicatio-
nem hieroglyphicam ita Tentonicus
sap. 36, in *myst. mag. comment.* intro-
ducit. Heic, ait, vera figura de victima
Christi pro humano genere, ipsius pas-
sio, mors, & persecutio, tum quoque
ipsius victoria, depicta est: velut simul
hominum peccata & vanitas. &c. Tria
enim animalia, puta vitula triennialis,
capra & aries, significant partem ex-
ternæ humanitatis temporalem, ex li-
mo terræ compactam. Quod vero
triennialis esse debebat, indicat totum
externum hominem triplicem, ex
sulphure, mercurio & sale constantem;
velut tres proprietates trium princi-
piorum, quæ in terra quasi in una la-
tent essentia. Dissectio Abrahami si-
gnificat duplicem limum terræ, vide-
licet crassam proprietatem ex tenebro-
so mundo, & subtilem limum ex cœ-
lestis mundi proprietate, quæ ab se in-
vicem morte separandæ veniunt;
quam Adami cupiditas introduxit; ut
inde lucis & tenebrarum comparatio
appareat. Turrus vero significat mise-
ram animam in animali proprietate
captivam; velut & pullus columbæ
imaginem Dei in homine defunctam,
quæ in victima renovari debet tan-
quam nova regeneratio. Quod vero
columbæ istæ binæ non dissecaren-
tur;

tur; sed integre in victimam offerrentur; indicat, quod animæ & homini interno nihil delinno cœlesti adimendum sit, sed in essentia sua integri mansuri sint, & iracundo igni Dei in Christo toti in sacrificia cessuri, atque ita per ignem iræ seu mortem tanquam per ingentes tenebras, mortis & inferni terrorem, traducendi. &c.

Ita quoque Iehova, *Gen. 17, v. 2, 3, & 4*, réperit hoc fœdus & id cum Abrahamo renovat, ipsi simul nomen Abrahami in signum firmi fœderis imponens, quod fœcundaturus esset seminis multitudinem eius. Tanta est Iehovæ nostri in genus humanum benignitas & clementia, ut undique ad fœdus promptissimum se exponat. Ceu *Gen. 6. Exod. 6. 4. & 19, 1. & 24, 7, 8. & 34, 27. Levit. 26, 55. Deut. 4, 23. & 5, 2. Esa. 59, 2. & 61, 8. Jer. 11, 3, 4. & 24, 7. & 30, 22. & 31, 1, 31. & 32, v. 38. Ezech. 11, 20. & 14, 11. & 34, 25. & 36, 28. & 37, v. 26. Os. 2, 18. Zach. 8, 8. & 13, 9. Rom. 11, 27. 1. Cor. 6, 16. Heb. 8, 8. & 10, 6. Apoc. 21, 3. &c.*

Stupendum sane est, quod æterna maiestas, cuius voluntatem & potestatem convenit esse omnium liberrimam, ad normas sese pactorum obligare & obstringere dignatur, quum nulla necessitate adacta esset, nec spe commodi

alicu-

alicuius illecta faceret. Bonus ipse est solus; *ut ait Christus*. At poterat bonitatem suam libere absque ullo fœdere satis declarare: tamen voluit nobis esse cognitum, quid de illa nobis polliceri debeamus. Potuit efficere hoc simplici verbo, & promissis, absque iurifiurandi obligatione. Verum consilium fuit eius, animos nostros in fide erga se & omnimoda fiducia, obligatione fœderis & iureiurando confirmare. Hoc enim pacto immobilitatem consilii sui erga nos testatam facere ad hoc voluit, ut per duas res immobiles, promissionem ac iusiurandum, (quandoquidem impossibile est, mentiri Deum,) solatium haberemus omnium firmissimum, ad quod in omnibus tentationibus tuto confugeremus, speique nostræ ad finem usque retinendæ corroboracionem quaereremus.

Fœdus hoc aliud est generale, aliud speciale. Generale, quod pepigit cum universa terræ machina, omnibusque inhabitantibus eam. *ut Gen. 6, 8. Ier. 33.* Speciale, quod cum credentibus sancire dignatus est. Quod fœdus aliud antiquum, aliud novum est, in Christo renovatum. Antiquum sanguine consecrabatur. *Exod. 24. 8. Hebr. 9, 20.* Ex hoc factum, quod

Ethnici imitati sunt hunc modum in iuramentis & sacrificiis; ut *Rosin. antiq. Rom. lib. 10, cap. 5, ex Festo refert*; quod porci quoque effigies inter militaria signa quintum locum obtinuerit; quia, confecto bello, inter quos pax fieret, cæsa porca fœdus firmare solebant. *Vide Rosin. ant. Rom. lib. 10, c. 2, & 22. Liv. dec. 1, lib. 1. & lib. 9, p. 218.* Unde etiam alii fœderis nomen, quasi à fœde mactando aut cædendo victimam, dici volunt; ut notat *Erenb. lib. 1, de fœd. c. 3, num. 20*; ceu mors talis optabatur ei qui à pace facta temere resiliiret. *Alber. Gen. t. lib. 1, de leg. c. 13. P. Mart. lib. 1, Sam. c. 18, 3.* Sed verior est & magis propria ratio fidei, unde fœdus & feudum eodem modo sumptum dicitur. *c. 5, §. fin. de feud. per quos fiat invest. Cuiac. 8, obs. cap. 14. Borch. cap. 1, n. 20. de feud. Unde vassalli fideles. cap. 1, de his qui feud. dar. & c. Erenb. de fœd. lib. 1, cap. 3, num. 15, 16.*

Quamvis autem ex ipsa notatione nominis satis constet, quid fœdus sibi velit; tamen non tantum homonymias secum ducit; sed etiam improprias habet interdum acceptiones, quod recte, ex *Erenb. d. l. num. 37*, monuit *Keckerm. pol. lib. 1, cap. 24, pag. 389*. ubi dicit: Fœdus vel proprie, vel improprie accipitur. Improprie ite-

iterum vel laxius vel strictius. Laxius est inter principem patronum sive defensorem, & eius qui sunt sub eius defensione. Sic civitas Erfurtensis, Mulhufium Imperiale, cum Northusia, tutelarem habent Dominum Elect. Saxonix: Imperialis vero civitas Goslaria Ducem Brunsvicensem. In superiori Germania maiores civitates Imperiales protectione sustinent minores. &c. Item sic laxior acceptio hæc est inter Principem & eius tributarios. &c. *Vide Bodin. lib. 1, c. 9.* Arctius autem fœdus improprie dictum, dedititiis adscribitur, qui quum antea liberiiores essent, postea sub pacti certa ratione aut fœderis sese dedere victori coacti sunt. Licet recte statuatur, quod confœderati minus dici queant. *Keck. d. l. p. 392.* Alias quoque (*ait Erenb. d. l. n. 37,*) accipitur fœdus pro induciis, sive treuga, pro coniugio, ut fœdera lecti, tori, &c. pro amicitia inter sanguine coniunctos, pro conciliatione rerum controversarum, pro conventionem, pacto, liga, unione, itenico, confraternitate, concordia, &c. *Arum. in disc. ad aur. bull. dis. 6, tb. Cels. Manc. Raven. lib. 6, de iur. princ. n. 110.*

Proprie autem fœdus acceptum varie describitur apud auctores. *Bod. lib. 5, de Republ. cap. 6, circa pr. Diffusius*

754 RERUM P. HANS.
nonnihil. Erenb. lib. 1, c. 1, num. 14. *Kec-
kerm. d. l. p. 389. Zepp. de ll. Mosais. lib.
4. Hockenshaff. in discipl. mor. lib. 2, cap.
ult. num. 2.* Ex quo Hænonius, *disp. pol.
ult. th. 2*, talem conficit definitionem.
Est autem, inquit, fœdus Rerumpl. ni-
hil aliud, quam obligatio seu potius
pactum solemniter factum de re qua-
piam sibi mutuo præstanda. Quam ita
quoque acceperat Arumæus. *in discurs.
acad. de iur. publ. disp. 28, th. 27*, his ver-
bis: Est autem fœdus pactum publi-
cum inter Principes aut civitates libe-
ras, de mutuis auxiliis aut alia qua-
piam re sibi præstanda solemniter con-
ventum. *arg. l. 5. ff. de pact. Bornit. lib. 2,
part. pol. p. 112.* Quam eodem modo
quidem & Cammannus, *in disp. de iur.
maiest. disp. 5, th. 82*, format; nisi quod
paulo enucleationibus verbis, quæ
fundamenta essentialia fœderis con-
cernant, eam exprimat, inquiens: Fœ-
dus proprie dictum est pactum publi-
cum, quo diversarum Rerumpubl. ca-
pita, maiestate prædita, salvo utrin-
que maiestatis iure, sese mutuo solemn-
iter obligant, ad rem quampiam sibi
mutuo præstandam. In huius defini-
tionis enodatione tria maxime sunt
observanda. Primo quod publicum
pactum dicatur: quia, licet publica
pacta fere ex iisdem proficiantur
caus-

cauſis, ex quibus privata; tamen hæc diſtinctio, qua fœdus comprehenditur, diſiſionem iuris publici & privati exprimit. *l. 1. ff. d. l. & l. Heig in §. huius. Inſt. Arum. d. diſc. 28. th. 28.* Deinde ſtatim nobis heic occurrunt perſonæ, quibus & cum quibus iuxta communem hodie locutionem fœdera fieri licitum ſit, nimirum, qui iuribus maiestatis gaudent. quæ ratione merito illi, qui privatorum loco habentur, à tali iure excluduntur. *ſecundum vulgarem opinionem arg. l. 1. ff. de Senat. Bod. 1, de Rep. c. 7, num. 77. Greg. Thol. 23, de Rep. cap. 3, num. 8. Kirchn. diſp. 14, Reip. th. 1. Clapm. 1, de arc. Reipub. 13, in fin.* Demum in ſine ipſius fœderis id demonſtratur, quod populi inter ſe amici, vicini, dedititii, ad rem quampiam ſibi mutuo præſtandam obligantur. ita ut induciæ, pacificationes, quæ ſinetotoque genere è fœderibus diſferre videntur, quum in ſimplicibus iuris naturæ & gentium terminis ſubſiſtant, ne alter alterum lædat, his verbis ſub fœderibus comprehendere non poſſint. Quippe fœdus aliquid amplius habet, & ſingularia pacta auxilii mutui & fidei certæ cum certi ſubſidii determinatione continet; quum è contra induciis nil niſi offenſio prohibeatur. Sic etiam amicitia & concordia inter pri-

varos concessa est , & ipsa iucunditas consociationis hoc postulare videtur . Quo autem discrimine fœdera & sponſiones pactionesque inter se distent , consule in hoc Hug. Grot. *de iur. Bell. & Pac. lib. 2, c. 15, n. 2, 3, & c.*

CAP. XII.

De fœderum varijs generibus , & licitiorum requisitis necessarijs , securitatis causa.

CONSTAT Christianis omnibus , quibus saltem aliqua sacrae Scripturae lectio & cognitio in usu est , quod tria admodum sint vocabula fœderis, pacti, & testamenti. Vnde etiam pater, iure divino & naturali esse concessa fœdera ; *quod ita abunde probat Erenb. lib. 1, c. 2, de fœd.* Atque duo hæc, notationem inquam nominis , atque definitionem rei , satis superiori capite explicavimus. Proinde ad tertium ac sequentia progredimur membra huius disquisitionis.

Divisio autem fœderum & generum eorum maxime ex conditionibus pactorum exurgunt. Summatim tamen alia licita à politicis & iurisc. alia illiciti-

illicita ponuntur. Illicita fœdera dicuntur conspirationes, factiones aut coniurationes. Et partim iniquitate & iniuria, partim crudelitate laborant. Namque eas aut personæ ineunt, quibus nullus in publicis competit status. quare privatis machinationibus clancularie ea subeunt, ut inde vel lucra in detrimentum aliorum, vel gloriolam aucupari queant. Aut sibi finem in iis propositum habent perniciem aliorum. atque tum maxime religio prætenditur, velut egregie Nordemannus *in dissertatione sua iuridicopol. de iure Principatus, th. 65*, de hoc agit, cuius verba adscribere libet: Non minus detestor, inquit, divisionis monstra, quam subditorum scelestas factiones quocunque modo factas. Immo & ligas sub prætextu religionis initas, ut virtutum viduas, rebellionis matres, & omnium scelerum opercula, cum suis auctoribus ad orcum ablego. Turbare enim pacem, & Rempubl. in discrimen adducere, est summum Maiestatis crimen, & severe prohibitum. *l. quisquis. C. ad l. Iul. Maiest. Paul. 5, sent. 29, §. 2. Constit. Imper. sub an. 1521, fere per totum, & an. 1526, §. zum andern; & an. 1530, §. dergleichen. Clar. 5, sent. §. les. Mai. 11. Myns. respons. §. 44.* Carthaginem eiusque impetium

factio Hannoniana & Barchiniano-
rum subvertit. Romanæ Republicæ
interitum causata factio Syllæ, Marii,
& aliorum. Galliam exercuit extre-
me factio inter domum Aurelianen-
sem, & Burgundiam. *Comin. lib. 1.* An-
gliam vero domus de Lancastre &
Iorgk; ubi in septem conflictibus pe-
rierunt 80, Principes regalis sanguinis
ut Anglia annales testantur. Non mi-
nus exagitavit Italiam Guelforum &
Gibellinorum factio, iuste tamen &
suo merito. Origo Guelforum est à
Welfo, fratre Heinrici Superbi, Saxo-
niæ & Bayariæ Ducis, qui propter cri-
men Maiestatis & affectatum impe-
rium suis Provinciis ab Imperatore
fuit exutus. Hinc G. Welfo mittebant
auxiliares copias Innocentius Papa, &
Siciliæ Rex, ut legitimum suum domi-
num Imperatorem, ne Italiam & Ca-
labriam cum Sicilia vindicaret, more
consueti bello implicarent. His resse-
ræ loco erat nomen sui ducis, *VVelf.*
Cunradi vero Imperatoris milites tes-
seram habebant *W A Y S L I G*; à pago
Sueviæ in quo erat nutritus. Verum
in isto Dei iudicio dignum rebellionis
& perfidiæ militiæ præmium secum
reportarunt. Hæc enim factionum no-
mina in Italiam transfulerunt. unde
postmodum infinita exorta incommo-
da.

da. Extra casum rebellionis, divisio procerum in defensione Reipub. admodum quoque periculosa. Et indubitatum interitus præludium, à sociorum fœdere discedere, ac separatim negotia tractare. *Comin. lib. 2. Micipsa apud Salsust. de bello Iugurth.* Quinimo & partialitas. *in Republ. lib. 3. n. 13. ubi ex Baldo partialitatem dicit esse tanquam vermem in caseo.* Notatu denique dignum, quod omnes, qui belli cunicula ad Reip. fundamenta evertenda adhibuerunt, hos plerunque ruina oppressit. Sic factionum vigor in Gallia extitit causa omnium malorum hisce postremis temporibus, ac florentissimum regnum fere ad finem periodi perduxit. Hoc scelus impium, pietatis zelo palliabant rebelles. *Rex Navarra in epistol. ad Ordin. Gallia. Auctor des moyens & abus du Pape Six. V. Armis, vi, dolo & prodicione aggrediuntur, quod verbo Dei, Spiritus potentia, mansuetudine, humanitate esset peragendum. ut ex Invis. Imperatoris Caroli V, procm. constitut. criminal. §. 7. patet; de quo supra, thes. 26, & alibi, dictum.*

Vnde aurea bulla, cap. 15, reprobat, irrita pronunciat, & condemnat, omnia illicita conventicula, conspirationes, colligationes & confœderationes, quas ipsæ civitates, vel alii

subditi, prætextu parentelæ, receptionis in cives, vel cuiuscunque alterius coloris, absque dominorum auctoritate, insque nominatim non exceptis, faciunt & ineunt. Sicuti præterito sæculo conspiratio rusticorum fuit. *Vide recess. Imp. de ann. 1526, & ann. 1529. Sleyd. lib. 4, & seqq.* Tum etiam omnes subditorum & inferiorum colligationes illicitæ & prohibitæ præsumuntur. *in Const. pac. publ. de ann. 1548. l. 1. & 2. ff. de colleg. l. 1. & 2. C. de sedis.* Subditi igitur absque Dominorum auctoritate nec conventicula celebrare, nec colligationes confæderationesve inire queunt. *l. 15. C. de Epis. l. 5. C. de his qui ad Eccles. Lauderius, de confæd. 9, 20; Barones, inquit, vel civitates, si faciunt legem absque principis auctoritate, non valent tales conventiones. Farinac. in pract. crimin. q. 113, n. 35. Vide tractatus des Landfreiden, de ann. 1490; ubi Imperatores promittunt, se omnes illicitas subditorum, nobilium & populi confæderationes, conspirationes, & seditiones contra Electores, principes, & alios initas, sublaturos & abolituros esse. Nihilominus ipsa aurea bulla, d. c. 15, confæderationes admittit, sed iustas, æquas, & legitimas; maxime quas Principes, civitates, & alii, pro generali pro-*

provinciarum pace & quiete, inter se
 firmarunt. Eas enim suæ declaratio-
 ni specialiter reservans, in suo vigore
 relinquit. Inde patet Politicorum
 nonnullorum inanis tortura, quando
 volunt, quod in universum fœdera
 sint evitanda, quum de illicitis qui-
 dem sine dubio verum sit; de licitis
 haut perinde. quos ob id non immeri-
 to Arumæus refutat. *in discurs. acad.*
28, de iur. pupbl. th. 33, & seqq. Vide Bux-
dorf. diss. ad. aur. bul. c. 15. Quid proprie
licitum & illicitum, vide Norderm. in disp.
de iur. princ. th. 74, per. tot. Fœdus au-
tem licitum & legitimum quid sit, in
superiori capite dictum est; & potissi-
imum quoque ex fine apparet, ad quem
in pactione sua destinantur. Nam si
respiciant publicam regni aut Rei-
publ. salutem, patriæ, libertatis subdi-
torumque conservationem, defensio-
nem licitam; iudicantur licita & le-
gitima. Hortled. in discurs. ad Sleyd.
th. 24. ubi plures allegat Dd. Gold. in
pol. Imper. part. 31. fol. 1374. Myn-
singerus Cent. 6. Obs. 2. Ubi inter alia
scribit, quod in Camera imperiali,
1553, fœdus inter Episcopos Wurtz-
burg. & Bamberg ac civitatem No-
rimberg. adversus Albertum Marchio-
nem Brandenburg. ex hac causa &
ratione pro licito iudicatum fuerit,
 licet

licet prædictus Marchio hoc ipsum fœdus tanquam illicitam conspirationem contra se factam in Camera graviter impugnasset.

Ex licitis iterum varia & diversa constituuntur genera. Aut enim vel ratione causæ consideratur; vel ratione temporis. Ratione causæ aliud est simplex, aliud compositum. Simplex est, quod unicam tantum separatim intendit causam. Atque hoc aut est defensivum, aut commerciorum. Fœdus defensionis est, quod contrahitur propter mutua auxilia & succursum præstandum. Fœdus hoc iterum ratione contrahentium, iuxta *Proculum*, in lib. 7, ff. de captiv. & postlim. revers., est vel par, vel impar. Par fœdus, iuxta *Keckerm. syst. pol. lib. 1, p. 390*, vocatur quando fœderati sunt æque pares, vel pene æquales. Impar vero fœdus est, quo altera pars confœderatorum dignitate vel potentia est superior, altera inferior. Ita etiam P. Faber, 1. *semestr. c. 7*, talem quidem approbat distinctionem fœderis; sed tamen maxime ad vires potentia respicit, & conditiones, quæ unice in fœdere consideranda sunt; quando inde fœdus vel æquale aut inæquale conficit. Æquale censetur, quum una Respubl. ab altera confœderata tantum

tum expectat, quantum se ei præstaturam in auxilio promissit. Quale fœdus initur inter Respubl. bonis & viribus æquales. Estque hoc fœdus iterum in eadem re, vel in consimili æquipollente, ut quum una Respubl. defensionem, altera pecuniam & comineatuum subministrationem in eadem paritate promittit. Fœdus inæquale dicitur, quum non tantum, quantum ab una parte promissum est, ab altera expectatur. quæ fœdera inveniuntur ab iis plerunque Respubl. quæ viribus & bonis sunt inæquales. In fœdere impari aliquid subiectionis & deditiois deprehendi, putat Erenb. lib. 1, fœd. c. 4, n. 3. Verum quum hoc contra naturam fœderis sit proprie ita dicti, non potest id ita simpliciter accipi. Etenim confœderatorum ea est conditio, ut ab omni subiectione in hoc sint exempti, & non nisi socii aut collegæ habeantur, quamvis viribus sint impares. Proinde quota pars contributionis ita instituitur, ut proportio vera ad scopum quadret. Si vero subiectio aut servitus submisceatur, tunc naturam fœderis proprie dicti amittit, & in aliam speciem regiminis commigrat, nec amplius fœdus appellari meretur; *ut supra monuimus.* Tunc enim exurgit illud improprium fœdus,

fædus, clientelare quod I Cti dicere solent, quod inter patronos, sive protectores, ac defensores, & eorum clientes, erigitur. Germanice *Schutz-beyn*, & *Schutz verruante*. Atque hoc propterea omnium periculosissimum putatur, quum patroni tales facile domini formam inducere possint, nisi bene accurateque libertati caveatur. *Bod. lib. 5, de Rep. c. 6, n. 584.* Quamvis vero inter subditos & clientes magna sit differentia, & magnum in controversiis subiectionum adferat momentum; tamen tam clientes quam subditi & vassalli fideles nominantur à principibus; quod hac formula strictè observatur, *Vnsere liebe getreue*.

Fædus commerciorum est, quando sanciantur fædera in negotiationis commercio, ut nempe omnes, qui in eo fædere continentur, ultro citroque ius comineandi & res varias transportandi habeant. Velut eiusmodi fædus Hanzæ Teutonicæ habent in aliis regnis, ubi ipsorum emporia visuntur; *de quibus inferius*. Belgæ quoque hodie simile colunt cum Turca, & Venetianis.

Tantum de fædere simplici. Compositum autem fædus, quod ex defensione & commercii simul constat, dicitur, quando sancitur tum ad præstanda

ea, quæ mutuum exigunt subsidium aut auxilium, tum etiam ad commercia libere exercenda inter confœderatos. Tale est fœdus celeberrimum hodie Hanseaticum: *de quo in sequenti tractatu speciali agetur.*

Tantum de fœderibus ex ratione causæ sumptis. Ratione temporis, fœdus iterum duplex est. Aliud enim vel indefinite componitur; & est perpetuum: aliud temporarium; quod ad certum statumque tempus contrahitur. Perpetua vero tam diu durant, quamdiu gentis & Reipubl. nomen erit. *Kirch. de Rep. disp. 17, lit. b.* Iis tamen opus est renovatione, ne temporis diuturnitate & reticentia amicitia refrigerant. *Bod. d. l. 2. 615.* Temporaria fœdera aut sunt absolute sumpta, aut conditionata. Absolute sumpta dicuntur reciproca, quod quisque sociorum causam communem pro sua fovet; & quæ uni infertur iniuria aut vis, quod ea quoque alteri illata videatur: unde omnes quasi unam representant personam. Conditionatum vero iterum est duplex: Aut enim ad certum denominatum tempus extenditur; ut eo elapso, etiam fœdus expiraverit: Aut ad unius partis ævæ excessum statum vigorem suum amittit.

Ut autem fœdera hæc rite sibi constare possint, eorum requisita attentè observanda sunt. Quorum primum est, ut utrinque status sint liberi, qui iure regali id perficiant, & propterea inter sese maneat socii & collegæ, nec ullam agnoscant unquam iurisdictionem alicuius in sese; quæ ipsum alias statim subvertit fœderis fundamentum. Deinde ut causam communem in solida amicitie cultura & mutua animorum coniunctione radicatam foveant; parergos autem utilitatem respiciant. Alias, si utilitas in potiori habeatur cura, (quæ tunc in causa erit, ut nihil ex fide & amore mutuo fieri possit;) inverso modo omnia procedent, & suo carebit res successu. Tertio, ut gentium, & iure civili, constitutionibus etiam Imperii, licitum, ac ita iure validum sit. Quarto; Sed antequam quis ad fœdera procedat, necessum est, ut intime & integre conditionem atque affectionem eius Reipublicæ, cum qua alter contrahere volet, noscat; ne malum pro bono sibi conciliet. Quinto; Nemo debet facilis aut præceps esse in contrahendo fœdere; Siquidem nihil promptius aut magis obviū, quam ut hac ratione facillime quis alienorum se peccatorum faciat participem, unde alienas quoque in se con-

contrahat pœnas. Sexto, Cum manifeste impiis, aut qui in damnis hærent & calamitatibus, quas ex proxtesi sibi creatunt, dubia sunt & periculosa fœdera. Septimo; Periculosa & dubia esse fœdera cum nimis remotis, est quidem verum; sed nolle nimis miseris & afflictis, aut valde periclitantibus, quidquam auxilii præstare, inhumanum, & multo magis inchristianum est. *Besold. pol. lib. 2, c. 6, num. 16.* Attamen quomodo cum illis in fœderis vinculo sit coeundum, nisi subsit commune periculum, magnæ est considerationis, si nullus inde fructus salutis expectari queat. Octavo; Qui utilitatem & commodum proprium ante omnia urgent, eorum fœdus semper tibi sit suspectum. Nono; Priusquam fœdus ineatur, ponderanda sunt intentio, potentia antea acta, similitudo morum, ingenium, & indoles eorum, cum quibus fœdus paciscendum est, ne in leoninam incidas societatem. Decimo, Fœdera sint temporaria primitus. Vnde & ea, quæ conditionem primæ violationis & vacillationis adiectam habent, præsertim inter eos, qui sorte pares sunt, præ reliquis acceptabilia apparent. Proinde, undecimo, quisque id primum dispi-
ciar, ut libertatē illāsam contineat &

conſervet, nec ulla in re indefinite in
longum tempus conſentiat. Duodeci-
mo; Quum fallax ſit mortalium fides
& lubrica, in primis autem eorum
quibus Deus cum verbo ſuo ludibrio
eſt; nihil tutius erit, quam, ſi obſides
aut pignora vel fideiſſio aut tale quid
intercedat ſecuritatis cauſa. Decimo-
tertio; Caveatur, ne patroni clientum
arces vel oppida præſidio militari te-
neant. Decimoquarto; Periculofum
etiam eſt, impotenti potentem iungi;
quoniam occasione & prætextu fæde-
ris impotens facile poterit à nimis præ-
potenti penitus opprimi, ut hac occa-
ſione amici ſui fiat ſervus. Decimo-
quinto; In fæderibus æternis ſæpius
fiat renovatio, ut incommoda & futu-
ra mala poſſint præcaveri, animorum-
que reſuscitetur fervida coniunctio.
Decimoſexto; Dehinc fædera, cum po-
pulo libero quæ ſunt, magis firma
eſſe quam quæ cum Principibus in-
euntur, non incompte autumat Ma-
chiavellus, 1, *Com.* 59. & Polybius,
lib. 11; quum (ut ibi *Aratus loquitur*)
Reges à natura ſuis utilitatibus amici-
tias & inimicitias metientes, vilio-
rem ſtatum quemcunque facile contem-
ptui habeant, & ſervilem præ ſuis
dignitatibus putent. *Beſol. d. l. pol.* 2,
cap. 5, *num.* 17. Decimoſeptimo deni-
que;

que; In fæderibus constituendis nihil æque necessarium est, quam ut director aliquis detur & præses, tum quoque arbitri controversiarum, sed absque iurisdictione, ut socii manere possint.

C A P. XIII.

De ijs, qui fædera icere possint, & cum quibus fædus iurandum.

Licet fæderis coniunctio maxime naturalis sit; ceu in coniugii effigie & specimine id manifestum est; tamen in ius regale id ita abscessit penitus, ut in summitate & culmine regie maiestatis non ultimum promereatur locum, sed *unicus* Imperatori propter absolutam libertatem potestatis adscribatur. *Nov. 105. pr. Ereub. 1, de fæd. 2, num. 29. Peregr. de iure fisci, th. 1, num. 15.* In quo iusta etiam caussa fæderis contrahendi semper præsumitur. *Gail. 1, de pac. publ. 4. Alb. Gent. 1, de iure b. ll. 3, f. 31.* Vnde, ex huius concessione, expressa aut tacita præscriptione, ius hoc competere Electoribus & reliquis imperii membris, patet. *Zaf. lib. 2, conf. 1. Ereub. lib. 1, fæd. cap. 2, n. 228. & Dd.*

770 RERVMP. HANS.
communiter ad l. 7, ff. de captiv. & post-
lim. rev. Born. de iur. Mat. c. 25. Besol.
disp. 6, pol. th. 6. Velut etiam civitati-
bus Imperii, ius regale habentibus, id
liberum est. Gail. 1, de pac. publ. c. 16, n.
14. Erenb. 1, de fœd. c. 4, n. 12. & lib. 2,
c. 1, n. 35. Myns. 6, obs. 2. Ord. Cam. p. 2,
th. 9. Ac civitates illas, quæ loco pri-
vatorum habentur, & aut negligentia
aut violentia iura adeo libertatis suæ
penitus amiserunt, fœdera illicite con-
trahere, iuxta constitutiones Imperii,
omnium prope est sententia. arg. l. 1,
ff. de senat. Bod. 1, de Rep. 7, n. 77. Thol. de
Rep. lib. 23, c. 3, num. 8. Kirch. disp. 14, de
Rep. th. 1. Clap. 1, de arc. Rer. 13, in fin.
quamvis cautio maxima adhibenda
sit, ut postea patebit. Interim tamen
heic ingens quaestio de reliquis Impe-
rii membris agitur & controversitur
acriter: Num Principibus & civitati-
bus permissum sit, sine consensu Impe-
ratoris inire fœdera? Vbi Dd. id maxi-
me licitum affirmant, modo non quid
 fiat in præiudicium Imperii aut Rei-
publ. communis; sed potius omne
molimen paci publicæ & conserva-
tioni eius destinatum sit. Menoch.
lib. 1, conf. 32, num. 3. Erenb. 2, de fœd. 3,
fol. 192. Velut etiam id supra ex auz.
bull. tit. 15, probatum: constat, quod
fœdera inde licita maxime dicantur,
quia

quia id continent, quod Reipubl. nulum damnum gignat. Ideoque recte sentit heic Bodinus, 1, *de Rep.* c. 7, quod summum Imperii caput & superior quivis ipso effectu ab omni infestatione tacite exceptus iure ipso intelligatur; licet non expresse in confederationis autographo nominatus sit. Tamen si, *cum speculo Sax.* lib. 2, art. 1, potius cura adhibenda sit ut rite nomina exprimantur. Velut hoc accurate observatum est à confederatis Hanseaticis, tam in communi corporis fœdere, quam etiam reliquis particularioribus, & qui ab iis dependent, ut in *sequentibus apparebit*. Similiter quoque excipiendi sunt nati & confederati Cæsaris, qui non offendendi; quum alias, si hi offendantur, crimen Maiestatis committi puter. *Menach. cons.* 99, n. 37. *Bod.* 5, *de Republ.* 6. *Erenb.* 2, *de fœd.* 2, f. 194. & *lib.* 1, c. 3, n. 9. At ut eo melius in officii sui ratione contineantur omnes, solet tale quid in transactionibus publicis & quavis compositione belli observari, ut simul quilibet status singulariter se obliget, quod nullum fœdus contra Imperatoris, natorum eius, & reliquorum statuum salutem atque commodum inire velit. Exemplum est in Magdeburgensi banni absolutione & re-

ceptione aut reconciliatione cum Imperatore Ferdinando I. de anno 1551, die 9, Novembris, *artic. 2, capitularium*, ubi non tantum renunciarunt omnibus confederationibus adversis, sed etiam promiserunt, quod nullum unquam fœdus sub quocunque prætextu aut specie inire velint, nisi prius S. Cæs. Maiestas, reliqua membra Imperii & Status, utraque domus Austriaca & Burgundica, & cæteri Imperatoris Ducatus atque Provinciæ expressis verbis excepti sint. *Merkel. de obsid. Mag. pag. 2, lit. O.* Imo generalis est conclusio, quod fœdera contra superiorem regulariter nullo iure fiant. *Quetta, consil. 6.* quum alias fœdus eiusmodi per se sit invalidum & nullius efficaciz. *Erenb. lib. 1, de fœd. cap. 2, n. 235.* Nihilominus ex antiquissimo libertatis iure, quod in superiori libro satis explicavimus, privilegioque fortitudinis, concessum esse videtur Romano-Germanici Imperii membris, ut sui iuris, pacis publicæ, libertatisque communis causâ, vel inter se, vel cum exteris fœdus ineant. *Aur bul. tit. 15. Rec. Imp. anno 1495, S. Auch sollen. Clus. fœs. th. 7. Besold. lib. 2, pol. c. 6, n. 9. König. pol. par. 1, cap. 5, n. 67.* Verum est, uti rectè observavit Besold. in discurs. de civis. lib. Imperij, quod in historia Germanica nihil

nihil frequentius occurrat, quam fœdera Principum & civitatum. Vnde satis manifeste constat, quam non tantum studiosi fuerint libertatis, sed quod etiam illis conditio status minus stricta fuerit; præsertim Saxonum generosior animus extitit: qui odio habuit extremo iugum illiberale servitutis: Et quamvis ius confœderationis Dd. libenter membris Imperii iustis attribuant; tamen inveniunt sunt hoc potissimum tempore, qui civitatibus aliquot Hanseaticis mixti status novam intentarint litem, & non dubitarint, ipsum quoque Hanseaticum corpus nonnihil atrocius convellere, idque culpate alicuius conspirationis quæ tales civitates in complexu suo contineat, quibus ius confœderationis non competat: Imo eousque audent ascendere, ut antiquissimo & celeberrimo huic fœderi titulum conspirationis affricare non dubitent. Quod haud obscure quidem, quamvis perplexæ loquelæ studens, ille Erenb. *de fœd. lib. 1, c. 2, n. 44*, innuit. Quem non incongrue Keckermannus perstringit in *curf. pb. disp. 33, g. 18, p. 638*. Ibi deinde subiungit aliquid, inquit, quod & periculosum valde dictu scriptumque est, & tale omnino, quod valde optem ab isto viro vel non scriptum, vel maiori-

774 R E R V M P. H A N S.
bus argumentis dedisse evictum. Ac-
cusat enim Hanseaticas civitates con-
spirationis. &c.

Quod ille quasi oblique tangere vo-
luit, id sane aliquis anonymus ab au-
dientis G. subordinatus non sine magnis
& acerbissimis protulit iniuriis. Scri-
ptum vero illud quod sub persona il-
lustri eiusque prodiiit tegmine, pasquil-
lo non est absumile; adeo refertum
scater passim calumniis & maledicen-
tiis. Etiam ipsum nomen libelli quo
flabellum muscarum, sive *Fliegenvedel*,
inscribitur, satis acrem ignominiam
Aristarchici & Archilochici stili redol-
let, & admodum vehementem cala-
mum repræsentet. Si quem temporis
illius utcumque elapsi cura non præor-
tet & absque scandalo quid censere se
forte posse arbitratur, cognoscat illud
scriptum, & conferat cum eo locos
aliquot in *secunda repartitione actuum*.
Brunsvic. Historia: in primis. Examen
illustre persona illustris. pag. 77, 161,
199, 236, 350; & Refutationem defen-
sionatem Brunsv. p. 1158, 1195, 1201,
1205. 1217, 1223, 1239, 1252, & seqq.
1306, 1363, 1484, 1448, 1674, &c.
Alias quoque materiam hanc ubique
sparsam talibus in actis inveniet. Au-
ctori anonymo, qui tamen in *alijs*, &
præsertim in Retorsione contra Brunsv.
non

non adeo incognitus vult videri, calculum suum satis importune addit Knich. in *velitatione apolog.* item in *Encyclop.* c. 10, n. 196, & seqq. Et Erenb. d. n. 44. Sed recte non, respondet Dauthius, quod materia talis Rerum publ. earum non admodum cognita fuerit multis. Aliud ergo, inquit Besol. in *pol. lib.* 2, c. 6, n. 10, respondendum esse probabile quibusdam videtur, de civitatibus, quas mixti vocat status. *Brunsv. disp. d. iur. univers. th.* 17. *Gail.* 2, obs. 54, num. 10. Idque posse probare, aiunt, celebre civitatum Hanseaticarum, maritimarum, & aliarum Teutonicarum fœdus; cui cohæret fœdus civitatum Vandalicarum. Non ergo ferendum (*ita pergit Besol. d. l. num.* 11,) esse videtur, quod scribit VVarem. Erenb. 1, de *fœd.* 2, num. 44; si penitus examinaverimus huius fœderis naturam, vix negari posse, quin sapiat (quoad nonnullas civitates) specimen coniurationis: quum multæ civitates eo comprehendantur aliorum imperio subiectæ. Ast huic adsertioni plusquam sufficienter respondet unitarum civitatum Hanseaticarum necessaria responsio apologetica de *dato Lubeck.* 24, Aprilis, ann. 1609. Adde *Bess. tract. de famil. fol.* 53. *Bart. Muscul. tract. d. confrat. th.* 15. *Cluz. paradox.*

th. 8. *Aruma*. in discurs. 6, ad aur. bull.
 concl. 9, fol. 262, & seqq. *Matth. Steph.*
 lib. 2, de iurisd. p. 2, c. 4, num. 4. *Hieron.*
 disp. ult. th. 3. pol. ad lit. 6. *Cam. disp.* 5, de
 Reg. th. 103. *Theforo* pol. part. 3. *Levis*
Serv. tom. 2, plaid. 11, fol. 299. *Stuck disp.*
Inst. in exeg. iurisd. concl. 7, fol. 527, &
 seqq. *Confer. Gilm. in symphor* p. 1, th. 2, de
 reconv. vet. 1, in caus. *Arch. Meg. contra*
Ersurt. f. 90, n. 97. *Ruland. de commis.* p.
 2, lib. 5, c. 4, n. 47. Tum, si ad extrema
 recurratur, multa vetustas receptionis
 non tantum excusat, sed etiam patien-
 tia superiorum & approbatio publica
 omnes culpationes tollit, quæ tanto
 cum fervore in actis *Brunsv.* urgentur
passim, cum sit quoque in *Repartitione ter-*
tia pag. 342, 407, 454, 457, 460, 586,
 655, 853, 854, 863, 864, 1174, 1167,
 1200, 1201, & seqq. 1207, 1225, 1232,
 1292, &c. Consensus enim tacitus
 etiam supplet aliquid prodecreto. *Bald.*
l. fin. C. si maior. fact. Ceu etiam con-
 sensus partium facit perverti ordinem
 iuris. *gl. c. cum olim. de caus. poss. &*
propr. Et facere facto plus est quam
 verbo. *Anch. conf.* 173, num. 5. Vti fa-
 cere dicitur, qui, cum possit, non pro-
 hibet. *l. adigere. in princ. ubi gl. ff. de iur.*
patron. l. quid ergo. ff. de his qui inf. nos.
 Consensus enim facti perdit ius suum.
Bald. l. si pater 10. C. de inst. & subst.

Tum,

Tum, pati idem est quod facere. *l. 3, §. dare. ff. de usufr.* Ac, velut patientia est actus successivus, *Zaf. l. divers. num. 8. ff. solut. matri.*) ita patientia longa superioris habet vim privilegii quod sibi inferior acquisivit iuste. *Bal. l. 2, C. que sit long. consuet.* Patientia quippe facit præsumi contractum. *Cast. conf. 161.* Imo patientia habetur pro præcepto. *l. liberorum ff. de infam. aut mandato. l. qui patitur. ff. Mandat.* Sicut & patientia taciturnitate absque ulla exceptione consensum importat, *Dd. l. si filius C. de pat. her. quum sit ratihibitio. C. fin. de iureiurand. lib. 6.* Unde tacens & sciens rem suam præscribi, videtur præsumptionem confirmare. *Dd. c. auditis, de præscri.* Confirmationis autem quantavis sit, id *l. legem obvenire. ff. de V. sig.* satis explicatur; quum confirmans dare quid dicatur; uti & confirmatio vim decreti habeat. *Bald. l. quæcunque col. 1. C. de bon. qua lib.* Namque illa supplet defectum solemnitatis, formæ & personæ. *Bald. l. fin. ff. de test. tut.* Sed de his alibi pluribus.

Nunc dispiciendum quoque est, cum quibus fœdera licite & utiliter contrahantur. *Bodinus, lib. 5, de rep. c. 6, num. 579, & 589,* perquam docte quidem ea de re agit; velut etiam Alth-

thusius. *pol. c. 20. f. 276, & Arumæus, disc. 28, acad. de iur. pub. lib. 42, & seqq.*
 Sed longe sapientius ipse Iehova verbo suo diversis in locis commonet. *Exod. 23, 32. & 34, 15. Deut. 7, 3. & 20, 13. 1, Reg. 20, 36, 42.* Aut enim cum amicis, aut cum hostibus, aut cum iis, qui nec amici nec hostes aperti sunt, nobis res est; ubi certe magna opus est circumspectione. Nec minus & id considerandum venit, quod aut Christiani sint Principes sive Respublicæ, aut à Christianismo alieni. Utrobique nec hoc negligendum, quæ potentia & fortunæ commoditas, simulque animidotes adsint. Potentes enim quidem sunt quærendi securitatis maioris causa; verum sæpenumero, si confederatis prudentia potius & virtus quàm opum, & divitiarum cumulus desideratur. Quid enim prodest, si opem in opibus frustra requiras? *Vide Lips. lib. 1, de magnit. Rom. Imp. c. 3.* Sed & ab egenis, præter condolentiam communem, quam loco subsidii tibi persolvant, interim te domum cum inani responso amandantes, nihil adiumenti in rebus adversis, solatii parum accipies: qualium rerum ipse spectator & auditor non semel fui. Priusquam ergo ad negotiorum communiter deveniatur, cum quibus-

nam tibi res sit futura, diligenter ponderato. Maxime quoque periculosa sunt fœdera, quæ cum iis ineuntur, qui sub diversa politia & sub diverso vivunt climate cæli. *Iun. p. 2. q. pol. 70. Aleh. c. 20. pol.* Circa ethnicos & manifeste impios quid sit notandum, id supra monuimus: Habes certe, quod caveas. An vero Christianis cum Ethnicis contra Christianos fœdera contrahere licitum sit? Quis hoc suadeat, absque necessitate extrema? Non mihi hoc vendico. Imo Christiani nominis suavitatem omnino amittunt, & larvam diaboli induunt, quoties alter alterius spirat sanguinem. *Vide tamen Arum. d. disc. 28, th. 51.* An autem consensus in religione requiratur in cōfœderatis, id est, An cum impiis vel infidelibus, ut Turcis, Saracenis, Tartaris & id genus aliis, licite fœdera contrahantur, admodum arduæ quæstionis res est. Iterum verbum Dei suam heic interponat decisionem. *Exod. 34, 12. Iud. 2, 2. 2, Paral. 16, 7. & 18, 31, & 20, 37. Nehem. 13, 23, 25. Ose. 12, 1.* Voi omnino hoc prohibetur. adeo ut etiam pœna affecti sint contra id delinquentes. *2, Par. 20, 37. Iud. 1, 24, 27. & 3, 5. 1, Reg. 20, 36, 41.* Affirmat hoc tamen Bod. *d. c. 6, n. 599. & 1, de Rep. 7, n. 27, in fin. Iun. q. pol. 74, fol.*

170. Erenb. 1, de *sed.* 2, n. 86, & num.
 123, & 243. Ktch. *dis.* *pol.* 17, cor. 2.
 Quam difficilis autem ea res sit, id
 sat docte declarat Kecker. *pol. cap.* 24, f.
 389. Hoen. *dis.* *ult. pol. th.* 5, d. Vide
 Arum. d. *dis.* 28, th. 53. & Schonb. *pol.*
lib. 4, c. 36. qui omnino negativam
 statuit potiore; quia serpunt vitia,
 & in proximum quemque transiliunt.
ex Exod. 34, *Deut.* 7, *Amos.* 5, *Esā.* 31,
Iud. 2, *Gen.* 43, *Matth.* 10, etiam plu-
 ribus hanc probat sententiam, quæ sa-
 ne non exigua est aut levis censenda.
 Vide omnino Norderm. *de iur. prin.* th.
 78. Eandem pluribus quoque ex
 Celso Mancino *de iur. prin.* *lib.* 6, c. 17,
 deducit König. *in pol. par.* 1, c. 4, n. 84,
usque ad n. 149. Sic & Besold. *in pol. lib.*
 2, c. 5, n. 13. Cui subnectit quæstio-
 nem: An hæreticorum fugienda sint
 fœdera? Quis vero proprie est hæreti-
 cus? An ille, quem ita clamant opi-
 niastri & habitualistæ? An ex consti-
 tutionibus humanis tam arduum ne-
 gotium dependeat? An non omnis opi-
 nio hominis fallax? Sed ampla nimis
 est materia; quam alibi Deo volente,
 erutinabimus. Interim maneat senten-
 tia Besoldi d. l. n. 26. Nec minus diffi-
 cillima & ea est quæstio. An quoque,
 si vicini duo Principes vel civitates
 potentes mutuis bellis se divexerint,
 con-

consultum sit alteri eorum sese ad-
 ciare, aut plane ab iis abstinere? Neu-
 tralitas quam sit res periculosa, docet
 Li. f. 4, pol. 9, n. 49. Keck. pol. 31, in fin.
 Erenb. 1, de fœd. 1, n. 182, & c. 212. Clap.
 de arc. Rerump. 7. Alrh. c. 20. Hoen disp.
 pol. ult. th ult. Quomodo vero in om-
 nibus casibus se quis heic gerere pos-
 sit, de eo singularem tractatum con-
 scrip sit Neumeyer de Ramsala; Vbi po-
 tissimas quæstiones, cap. 12, & 13, po-
 nit de bello civili, & iis, qui ob reli-
 gionem armis infestantur. In necessi-
 tate vero constitutio extrema suadent
 politici, ut in potentia viribus pares
 aut impares quis observe, & inter pa-
 res illum, qui optimæ sit naturæ &
 ingenii. Lips. d. l. At si de tyranno sit
 quæstio, an quis sibi non potius ab eo
 prorsus cavendum statuat? Quis ar-
 dentibus ignis flammis se contredat
 temere? Cic. 3, offic.

CAP. XIV.

*De conditionibus fœderis, & modo
 contrahendi aut constitu-
 endi pactiones fir-
 mas.*

Plusquam ampla & diffusa hæc
 est materia, & gravissimæ consi-
 deratio.

derationis, cum quibus & quam caste fœdus incas; quæ hoc loco non plene explicari poterunt, præsertim si exempla declarationem illustrare deberent. Sed tamen quum conditiones & modus contrahendi, pactionesque fœderum constituendi, id satis expeditum enucleatumque reddant, tanquam sextum & septimum huius disquisitionis membrum, nunc paucis duo hæc examinando perlustrabimus. Interim bene observetur monitum Bodini, *de rep. lib. 5. pag. 932*, de differentia sponſionis, fœderis, pacti & pacis, ne quis in eorum confusionem temere incurrat. verum isthæc alibi accuratius explicabuntur.

Conditiones igitur id proprie exprimere debent, quod æquum, honestum, utile & possibile sit. Nam quum fœdus in mutux amicitix fundamento subsistat, pari iure & lege in fœdus atque in amicitiam venit & descenditur. Proinde nunquam cum pietate aut ulla virtute politica pugnare debent; sed potius ad harum præsidium faciunt; ut *resse ait Hæn. d. d. ult. sb. 29*. Sed è contra maxime cavendum est; ne quis utilitatis & privati commodi, vindicandæ iniuriæ, aut alius leviusculæ causæ gratia, vel respectu occulti honoris

vani,

vani, ambitionis, voluptatis ludicræ,
ludi locique gratia, vel securitatem
in carnis mortalis brachio quærens,
fædus contrahat. Nisi enim ad Dei
gloriam, proximi dilectionem, con-
scientiæ patriæque libertatem, subdi-
torum salutem & conservationem re-
spiciatur, & ut cælestis verbi maiestas
aut stabiliatur aut amplificetur, is fi-
nem & effectum fæderis nri non con-
siderat, sic quoque nec causam princi-
piumve illius intelligit. Veluti ob di-
ctas rationes fædera improbata sunt
omnino in rege Asa Iudæ. 2. *Chron.* 16,
7. Nam licet Asæ pietas admodum
prædicetur alias in eo, quod fecerit
quæ recta viderentur in oculis Ieho-
væ, sicut David pater ipsius; 1. *Reg.* 15,
11; imo & animus eius integer fuerit
erga Iehovam omnibus diebus suis; v.
14: tamen multiplex in eo, quod adeo
temere, & cum profanissima prodigali-
tate profusioneque divitiarum sacra-
rum, adversus confratrem Regem Israë-
litarum Baheschamum, cum Syriæ Re-
ge Benhadado fædus inierit, commi-
sit peccatum. Causam quidem ius-
tam prætereundum poterat, & talem, quæ
rationem status, ut hodie loquimur,
maxime concerneret; quoniam Ba-
heshchamus ipsi fortalitium ingens,
Ramæ muniendæ causa, ex adverso

opposuerat , ut regi regnique totius
 subditis omnem intercluderet com-
 meatum: Nihilominus Chanani vates
 à Deo missus ipsi ad oculum demon-
 stravit, in hac defectione à Iehova,
 proprii commodi respectu , gravissima
 cum peccata turpissime cumulavisset;
 non tantum Benhadadum ad diripien-
 dum aliquot civitates Israëlitarum &
 totum tractum Cinnereth , ac totam
 terram Naphthali , concitando , sed
 etiam lapides ac ligna omnia , quæ ad
 muniendam Ramam magno laboris
 conatu Baheschamus eo conveyi cura-
 rat, per subditos deportari mandando
 ad condendas urbes Beniaminitarum
 Gebahum & Mitzpam : ut ita in suum
 talia converteret lucrum. Quibus fla-
 gitiiis etiam hoc crimen adiecit lon-
 ge gravius, quod veritatem exprobra-
 ti lapsus noluerit agnoscere aut corri-
 gere; sed potius è concepto in sanctum
 vatem odio, in carcerem Cippillium
 conici iusserit; ut cœlesti huic viro
 id obtigeret, quod dici solet, Veritas
 odium parit. Abrahamus Patriarcha
 quidem olim quoque in fœderis pa-
 cto cum tribus fratribus Hææro,
 Eschole & Mamæo vixit, quum ipso-
 rum esset incola: Verumtamen illud
 amicitiaæ mutuaæ pactum in talem ab-
 usum neustiquam abripuit, sed vere
 reci-

reciprocum cum iisdem foedus excoluit. Nam, quum ipsi annuntiaretur, quod Cedor-lahomerus Rex Helami sive Persiæ, cum suis quatuor adsociatis regibus (qui exspoliatum irruerant & expugnatum) Regem, Berahum Sodomæum; cum tribus eius confederatis, propter rebellionem & denegatam contributionem, quam ipsi tamen hucusque per duodecim annos præstiterant, agnatum suum Lothum cum facultatibus omnibus captivum abduxissent; ille confestim, recognita, cum ministris suis & confederatis, liberandi & eripiendi agnati causa, arma quidem induit; sed non ea intentione, ut ullam inde sibi quaestum faceret, licet Rex Sodomæus liberali manu cum ipsi obferret, sed potius enim in finem, ut proximi sui salutem etiam cum dispendio vitæ, absque proprii commodi respectu, rite recteque curaret. Abraham (*sic Teutonicus in commentario suo ad Gen. cap. 38,*) quum Ethnicos obrueret victoria sua, nihil ex bonis raptis sibi petebat; sed omnia Regi Sodomæo reddebat, quæcunque illi eripuerant Ethnici, & solummodo zeloten agebat in Domino. Non ille arma induebat propter regiones & regna, sed ut liberaret fratrem suum ex manu hostium. Hæc certe vera erat zelotypia,

pia, quam Iehova in eo urgebat. Non consurgebat, ut bellum propter terram aut civitatem occupandam subiret. Et quamvis obtineret talia, non tamen quidquam eorum sibi expetebat: sed re confecta, in suum locum pacificus revertebatur. Verba eius & promissio erga Iehovam sane notabilis est, Gen. 14, 22, 23, & 24. Sed ne quis putet, conatum hunc & factum hoc bellum absque peccato fuisse, aut gravi aliqua caruisse culpa; certe miraculosam prorsus Iehova reconciliationis adhibuit misericordiam; & Abrahamum in ipso momento ex iræ regno in regnum gratiæ retraxit; mittendo Melchisedechum suum, qui panem & vinum, novæ promissionis & testamenti in Christo pignora offerret, ut illius benedictione in integrum restitueretur. Non certe Melchisedech iste filius Noachi Sem fuit, ut Hebræorum fere interpretatio erronea; quam etiam ipsa epistola D. Pauli *ad Hebræos cap. 7. 3.* satis evidenter declarando refutat, ubi scriptum est, fuisse hunc sine patre, sine matre, sine genealogia, sine initio & sine: quippe mysterium illud typicum efficaciter Spiritum Iehovæ in Christo repræsentat.

Quod idem Teutonicus in d. l. graphice depingit: Veluti enim heic in perso-

persona Melchisedeci ei sistere se voluit; ita quoque in triplici figura posita, quum ad ostium tentorii ibidem Abrahamus sederet, eidem apparuit in planitie Mamræi. Sed ita se habent Teutonici verba: Admodum mirifica est hæc Spiritus locutio in Mose, ubi dicit: Postquam reversus fuerat Abraham à cæde, quod tunc Rex Sodomæ in occursum eius egressus sit, & Melchisedec Rex Salem protulerit panem & vinum: qui fuerit Sacerdos Iehovæ altissimi, qui cælum terramque possidet: atque is benedixerit Abrahamo; cui etiam Abraham decimas persolverit ex omnibus. Licet alias in S. Scriptura de hoc Sacerdotio nihil inveniat, tamen verissimum fuit, in figura Christi. Etenim Spiritus in alio loco ita de Christo testatur, quod sit Sacerdos in seculum secundum ordinem Melchisedeci. *Psf. 110. 4.* Ita plane typice, Spiritus Iehovæ figuram Christi proponit nobis apud Abrahamum, & vocat illum Regem Salem & Sacerdotem Dei altissimi, tanquam Sacerdotem salutis æternæ & Chrismatis, qualiter id ipsum in Sensuali lingua sonat. id est: Christus Abrahamo benedixit, & ipsi panem vinumque obtulit, tanquam carnem & sanguinem suum, & ipse Pontifex summus

est coram Deo, qui Abrahamum liberosque eius reconciliavit. Nam Abraham gladium iræ Dei contra Ethnicos gestaverat : Ideo iam Melchisedeck apparebat ei, atque benedicebat, ne gladius Turbæ illum deprehenderet; ac protenus ipsi panem & vinum, id est, cæleste ens, apponebat, quod in ipsum introducere cupiebat, ac in carnem & sanguinem transformare, ut ita Patris ira in fœdere hoc tanquam in typo vivo complanaretur. Etenim iste Sacerdos omnino vetissime spiritualiter est accipiendus, &c. Sic Rex iste & Sacerdos, erat ille, de quo ipse prædicationem instituebat, qui cum eo fœdus hoc iniebat, quod æternus eius esset mansurus Pontifex summus, cui Abraham decimas, velut decimam proprietatem proprietatis humanæ (id est, *portam in Ternarium sanctum, ubi angeli & anima exsuscitati & in essentia cælesti corpore indusi sunt; ut alibi, in lib. de 40, quest. anima, q. prima, circa finem, idem docet*) persolvebat, & Sacerdos simul panem ac vinum exhibebat, cum benedictione sua, tanquam amoris igne, videlicet Tinctura lucis, una cum essentia cælesti, ut Abrahamus in hoc pane & vino Tincturam lucis in ignita anima reciperet, & imago Dei in eodem redin-

tegraretur, quæ in Adamo cum fæmina disrupta erat. Inde Christus ipsi ceu fæminæ Tincturam reddebat. Ens lucis, ut virilis & fæminea proprietates in unam rediret imaginem. Hæc ita Spiritus Iehovæ sub regio Sacerdote in Salem indicat nobis. Nam Esia, quum perditâ Biblia in cognitione Spiritus Dei de novo Amanuensibus suis ad calamum dictaret, cuncta hæc aperte vidit: ideoque hæc ita Spiritus Iehovæ ponit. Ex quo satis dilucide perspicitur, quamadmodum Esia in effigie spiritus historiam Abraham conscripserit. Quippe tota historia de Abrahamo sub Christi persona præfiguratur, quum typum Christi demonstrer. Hunc Sacerdotem de Salem, vidit tunc Abraham in spiritu. Sic etiam, quoties Abraham sacrificabat, adstabat ipsi hic Sacerdos in sacrificio, & sacrificabat Deo: quia mundum sacrificio reconciliare Patri debebat. Inde erat Sacerdos Dei. &c. Quanta igitur mysteria sub paucissimis illis lateant verbis sacrę Scripturæ, ex his satis patet, quod & exinde constat, quoniam Abraham non tam in pietate & sanctitate debita, quam sub regno iræ Dei, tantum perfectit actum bellicum; non inquam, in amore Iehovæ, cui per dulcissimum & sanctissimum ministerium Christi

prius eum reconciliari & restitui oportuit, quam Deo se gratum exhibere filium denuo posset. Quapropter non ita leviter de fædere & armis Abrahami iudicandum est, ceu vulgus interpretum id in vili æstimo habere, & suas enormitates atque crudelia vitia hoc exemplo palliare solet, qui putat, hoc factò Abrahami multa magna & dura facinora excusari posse: quum tamen Christus in persona Melchisedeci, Sacerdotis alicuius sancti, cælitus ei comparere, & suo corporis & sanguinis testamento aut sacrificio Patri eum reconciliare coactus fuerit, etiamsi Abraham ex amore agnati & eius liberationis bellum hoc subierit.

Sed ad conditiones fæderis redimus, quas diximus in quatuor illis proprietatibus consistere. Fædus enim omne sive in eadē re, sive in simili conficiatur, utrobique suam requirit honestatem, æqualitatem, utilitatē, & possibilitatem; alias & fructu & effectu carebit suo. Ideoque inæqualitates, quantum fieri potest, in consarcinandis conditionibus evitentur, & omnium maxime illud dispiciendum est, quomodo præcaveatur quicquid speciem subiectionis inducere queat. Velut supra diximus, quod inæqualitas potissimum

munum ex clientelari, tributario & deditio fædere, improprie ita dicto, exoritur. Vbi summæ certe adhibendæ sunt cautelæ, ne iurisdictioni quis ac potentiæ suæ præiudicium aliquod creet in ullo actu aut negligentia culpa; præsertim quum ius protectionis primum plerumque subministrat gradum iis ad iurisdictionem adquirendam, qui in finibus extendendis & propagandis perpetuo sunt occupati.

Quæritur heic, si quis ex alterius iurisdictione & territorio sit electus, aut relegatus, an ille in confæderati regionem commigrare queat, aut recipi ibi possit? Affirmativam statuit Menochius, nisi expressis hoc pactis cautum sit, ne alterius ob maleficia relegatum accipiat. *Men. 1, de arbit. Iud. q. 100, n. 6, & seqq. Aruma, de iur. publ. disc. 28, th. 67, & 68.*

Hactenus de conditionibus considerandis, sequitur nunc de modo iungendi fædera. Quis est inter prudentes politicos, qui ignoret, fædera diuturna salutaria esse non posse, si fiducia virium & potentiæ propriæ ac fœderum spe, non necessaria suspiciantur; si dispares sint confæderati; si non unum & solum publicum, sed privata sub prætextu publici quæsierint? Si ullo unquam seculo in usu hoc pessimum

fuit defraudationis & depeculationis
 fludium, certe hoc tempore quam ma-
 xime apud omnes prope viger arque
 floret. Etenim ipfe vidi & audiui ſæ-
 pius, non abſque dolore, quomodo ſub
 prætextu pietatis & religionis quam-
 plurimi ex nomine ſancto boni publi-
 ci ſibi non tantum commercium con-
 fecerint, ſed etiam amicis integerrimis,
 qui hiſce blandimentis ſpecioſis
 ſe nimium credulos expoſuerunt, ex-
 tremas conſacrinarint calamitates.
 Quod ſubtiliſſimi, præ aliis id factitare
 ſolent, quo videlicet nuſpiam verum
 candorem demonſtrare iuxta tenorem
 concepti ſæderis cogantur, aut cogi
 queant. Ideoque ambigua verba maxi-
 me enuſeare diſcunt, & generali ſche-
 mate omnia contegunt. Verum, qui
 acutioribus rem intueri oculis cu-
 piunt, talibusque negotiis arduis de-
 ſtinati ſunt, duo heic ante omnia bene
 diſpiciunt. Quorum primum eſt, ut
 res de quibus tractaturi ſunt, prius re-
 cte diſponant, caſusque eius ſpeciales
 cum circumſtantiis dilucide depin-
 gant, prout ipſa rei neceſſitas requirit:
 & ut omnia ſcriptis publicis concipi-
 antur, inque iis clare ac diſcerne expri-
 matur, cum qua perſona, corpore, po-
 pulove communitas ſit inſtituenda.
 Deinde, ut ambiguitates & captiancu-
 la in

læ in generali forma loquendi evitentur, & omnia clavis, perspicuis, apertis, & expressis verbis concipiantur; ne iusti iniustive specie, periuriolatebra decipiendique occasio quærat. *Bod. lib. 5, de rep. c. 6, n. 594.* Quum enim tantæ sint hominum fraudes, *dicente eodem d. l. n. 607*, tot in mentibus latebræ, tantique recessus, ut fidei violandæ occasiones etiam ex rebus quibusque levissimis quærantur; formulæ fæderum erunt caute conscribendæ, ut, quicquid non sit in formula, illud neque sit in fædere & re ipsa. *Arum. de iur. publ. disc. 29, th. 80.* Quanquam perfidia nemini, perfidiæ latebras quærenti, deesse possit, siquis in eum crudelis impudentiæ rigorem inciderit, ut nihil recte dictum aut factum censere velit, quod cum fortuna in proprii commodi studio non conspiceret. Crudelis enim talis astutia triplex sibi ut plurimū consuevit fraudis palliū.

Sunt primo, qui manifeste perfidiam committere non verentur, dum sententiæ suæ malitiosam interpretationem affingunt. Quale exemplum de Solymano Turcarum Imp. & Abrai-mo Bassa refert *Bod. lib. 5, c. 6*, qui nihilominus Bassam eo tempore, quo dormiret, necari iussit, licet iureiurando ante confirmasset, quod non
effect

esset mortem illi illaturus, dum viveret. At postea mentem hac interpretatione explicavit, quod dormientes non pro vivis sed defunctis habeantur. Quale exemplum etiam nuper retulit vir integræ famæ, qui mediator fuerat inter milites prædarios & magistratum sat nōræ Reipublicæ, quum milites propter defectum salarii, priusquam solutum esset debitum, ulterius obligationem sequi recusassent. Magistratus vero quum tandem post multas obligationes promitteret solutionem, simul hanc abnegationem officii pro specie rebellionis aut seditionis allegare voluit, ut, soluta mercede, sub prætextu criminis admissi, ultimo eos afficeret supplicio. Hoc audito, noluerunt milites quidquam isto nomine accipere, priusquam condonatione facta penitus essent reconciliati superioribus. Quod itidem sub æquivocatione quidem illis fuit promissum; & tali conditione, ut accepta solutione, se steterent in territorio magistratibus: ubi concluderant, quod principales eos, qui solutionem petierant, à medio tollere vellent. Sed hanc fraudem quum Mediator ille perciperet, in faciem magistratui illi contradixit, adiecitque, quod nollet in publica fide fallax deprehendi, quin statim militibus id de-

rege-

tegeret, quum boni viri non sit, aliquid duplici proferre conscientia, aut tali æquivocatione ludere; nedum quod hoc boni magistratus indicium esse possit, cui omnis fidei concredita est custodia. Quo verbo in pudorem coniecit singulos adfessores, & obtinuit integritate sua privata, ut etiam publica fides illius magistratus, salva perstaret. Simile exemplum ante triennium ipse vidi, quum inter Principem & civitatem quandam, P. sub fidei certique silentii juramento, pacta constituerentur æqua secreto modo; quæ non tantum propalavit magistratus commodo suo studens, sed etiam cum damno alterius penitus negocium subvertit; prætendens, rebus sic stantibus id ita esse intelligendum, &c. Quum eiusmodi diræ Sophisticationes passim in usu fuerint, adagiis aliquot, de Phænicum pactis, Thessalorum commentis, pacto Locrensi, & commento Thracum, locus (proh dolor) factus est. fraudesne sint? *Vid. Erasm. in chil. s. t. de inconstantia. &c.* Preclaræ certe interpretandi rationes, ex Diaboli schola haustæ. *Arum. de iur publ. disc. 28, th. 82.*

Sunt alii secundo, qui non tantum verba, sed & syllabas aucupari noscunt. Ceu de Ludovico V. Reg. Franciæ historia est, quod Ludovicum Lu-
xebur-

xeburgensem, magistrum militum, sub verbo hoc, Secapitis tanti viri egere plurimum, ad capitale supplicium abripere studuerit. *Cominaus de reb. Gall. Bod. d. l. num. 607.* Simile quoque in Sleydano *lib. 19.* legitur exemplum de incarceratione Landgravii Hassie.

Tertio, sunt etiam alii, qui veteratorie, & nimis callida iuris interpretatione fidem fallere non dubitant, pacemque violari negant. Ut, si quis pactus sit, ne offenderetur, & tamen furto aut alio velamine criminis res possit auferri. &c. *Arum ibid. tb. 83.* Velut etiam de Legato Romanorum, qui cum Antiocho de divisione navium egerat, exemplum *Bod. d. l.* Ita fidei subversio quavis sophisticatione facile comminisci potest, si verborum perplexitates non rite explacentur.

Proinde modus prope omnis in fide consistit, quæ etiam fundamentalem formam exhibet confederationis contractui. Perniciosior hostis non est, quam qui sub specie amici duplex est inque verbis alius apparet ac in corde sepultum tenet. At fides bona non patitur hanc; sed verba rotunda exigic cum effectu, quem nec utilitatis publicæ nedum privati ratio ulla violare debet. Etenim, abrogata vel violata fide,

fide , omnis inter homines societas
 concidit , quæ nec fœdere , nec ulla
 conditione paci potest recuperari. Ipse-
 met Reipubl. Princeps fiet omnium
 exul , qui erat omnium Præsul. *ut lo-
 quitur Bald. in l. Princeps. ff. de ll.* Proin-
 de Saxonum is mos fuit antiquus , ut
 quisque secundum promissa & verba
 obligatoria cogeretur strictissime vi-
 vere. Ac si quis vacillaret, eum non re-
 stes, non vicini tolerarunt. Aut enim
 excludebant talem ex omni consortio
 convivali , aut nemo ipsi propinabat.
 Unde proverbium exortum , quod ta-
 lem *de klapkaune vorbey gehu muefte*:
 quasi non esset dignus, qui cum hone-
 sto canaret , si fidem non servasset de-
 bire. Nec raro compellebantur ad ob-
 staculum præstandum. *Vid. Monach. de
 iurisd. part. 22, c. ult. Moll. in const. Sax.
 p. 2, tit. 22, & 3, semest. cap. 3, Kopp. q. 3,*
 Constantia & integritas hæc Saxonum
 in servanda fide adeo famosa olim
 reddita fuit , ut etiam ad externos pro-
 verbii loco emanarit , & firmissimum
 putaretur , si quid Saxonica fide esset
 promissum.

Sed ut in fœderibus compangendis
 modus dictæ fidei eo syncerior appa-
 reat, cautelæ binæ erunt. 1, Ut, si quid
 discordiæ antea fuerit inter paciscen-
 tes , id penitus amnestia consopiatnr,
 & ran-

& rancor omnis omnino tollatur è medio: certæ cum pœnæ constitutione exprobraturo irrogandæ. Deinde, si quid discordiæ inter membra exoriat, hoc ad arbitrium compromissi alicuius remittatur. Sic etiam, si verba dubia inveniantur, id selecti ad hoc & è confœderatis depurati examinent, æstiment, declarent, ac concludât. &c. Quibus de causis non tantum esse oportebit fœderum protectores aut directores: sed etiam omnino consultum erit, ut statis temporibus conventus communes atque deliberationes instituantur; quo iustus semper vigor conservetur, damna autem in tempore, ne invetereſcat malum aliquod, è medio tollantur. Cæterum, director ille vel protector & ipse socius erit, nil ultra: neque juris quidquam in cæteras obtinebit.

Quæritur heic, num rupta fides videatur, si socii patrem fratresve, fœderibus non comprehensos, violaveris? Causa quidem inquirenda est: sed male negativam vult Bod. d. l. 5. c. 6, Vide quoque *Arum. d. dis. 28, th. 84.*

Sic arduam quoque hanc quæstionem hodie duo inter se confœderatorum corpora ventilant: An teneantur confœderati ad ea præstanda, quæ in Notula autographi aliter fuerunt subscripta,

scripta, quam in expressa reservatione protocolli & explicatione eius sint memoriarum causa annotata? Vna pars verba fœderis vult strictè observari: altera vero, ad reservata cum protestatione recurrit. Si quid censendum foret secundum strictam juris regulam; certe, quod altioris est indaginis, cum eo quod probationis est liquidæ & manifestæ, atque in continenti documentis publicis confirmatur, haut comparari, nedum confundi potest. Etenim probatio in continenti, secum importat executionem paratam, aut processum summarium requirit; & excludit exceptiones, quæ sunt de iuris apicibus. *Col. de proc. execut. p. 1, cap. 10, num. 308*, quum alterum ex longe petitis adducatur, & prius ordinariam exigat rei abstrusæ per notissima jura cognitionem. Imprudentia est, dicere, Non putaram. Res magnæ consequentiæ, providum præsupponit consilium; præsertim ubi tam multa tot vicibus ex intervallo confingunt ingenia, quæ primas inter prudentes sibi patres vendicant. Litem suam ipsi inter se dirimant. Alias notorii ordo est, ut ordinem juris non requirat. *Col. de pr. execut. p. 1, c. 1, n. 22.*

CAP. XV.

De solemnitatibus & ceremonijs fæderum : æque officio confæderatorum, & quam in ve id proprie consistat.

VT nunc sunt mores hominum, fædera humana ut plurimum præter nomē nihil habent quidem; nihilominus sæpius terculamento sunt vicinis aut hostibus. Arque hanc auctoritatis gratiam ut sibi eo magis concilient confæderantes, idcirco ita res & conatus splendore suo ceremoniisve non carer.

Ritus autem celebrandi aut sunt de fæderis sanctione, vel de eius confirmatione & approbatione, vel de eiusdem publicatione.

Quoad primum, ante omnia de pactis conventis agi oportet, quibus fædera tanquam firmamento innitantur. Deinde vero olim variis ceremoniis quidem fædera sanciri solebant. Veluti *supra cap. 11.* ostensum est, quod Patriarchæ atque Reges victimis & iuramentis ea confirmarint. *Boet. l. d. 8. cap. 6.* solemnitates aliquot recenset. Vterum alii, ad modum sanctorum Patrum, cæcis victimis, alii jactu lapidum,

dum, fædus iniebant; ubi simul hi ista
verba submiscebant: Si sciens fallam,
ita me Diespiter, salva urbe arceque,
bonis eiiciat, ut ego hunc lapidem. *Ros.
de ant. Rom. l. 3, c. 6; & lib. 10, c. 2, plures
recenset ritus.* Reges Parthorum & Ar-
meniaë iunctos pollices & eodem nexu
colligatos leniter vulnerabant, cruo-
remque expressum exugebant. *Bod. d. l.
& Arum. d. disc. 28, th. 95.* Sic veteres
nostri Germani manuum implicatione
fædera contrahere solebant. Qualis so-
lemnis mos stipulationis etiamum
apud nos in usu est; iuxta illud vulga-
rum: *En dextra fidesque.* Saxones mon-
strato & erecto in cælum pollice cum
nutu capitis confirmabant simul ver-
ba promissoria. Quem ritum adhuc se-
niores nonnullos observasse vidimus.
Alii ferro candente aquæ frigidæ im-
merso, dira carniū execratione fæde-
re sanciebant. *Bod. d. l. pag. 952, ubi &
addit ex Casare, quod Galli veteres colla-
tis signis sanctissime fædera iunxerunt.*
Nonnulli victimarū sanguine gladio
tingebant; veluti Clearchus Lacedæmo-
nius & Tissaphernes Persa talem con-
iunctionē inter sese coiere. Qui arctissi-
ma conspirationis fide coniurabant,
poculavino ac sanguine, quem infli-
cto sibi vulnere expresserant, tempera-
ta, simul absorbendo evacuabant.

quales levitatis mores etiam imitari hodie solent juvenuli nostri, qui dissolute vivunt. *Vide Camerar. 2. med. c. 78, & c. 59.* Abraham quum fædus cum Abimelech pangeret, greges & armenta ei dabat. *Gen. 21, 27.* Alii connubio stabiliri rectius fædus putant. *Bodin. l. d. & Arum. d. d. th. 97.*

Sed iurisiurandi ratio, in fæderibus ineundis vetustissima, quæ & nostris quoque moribus confirmatur, procul dubio Iudaicæ genti accepta ferenda est. Sic Abimelech & Isaac jurato ineunt fædus. *Gen. 26, 31,* David & Jonathan. *1. Sam. 18, 3, & 20, 16, & 23, 18.* Ioiada & præfecti militum. *2. Reg. 11, 4, 2, Paral. 23, 1. & c.*

Porro, divina lex (*sic Hæn. disp. ult. pol. th. 10, l. f.*) alterius, quam Dei æterni nomen ac numen iureiurando obtestari vetat. Si enim solus est, qui numinis sui contemptores & perfidos ulcisci potest. *Deut. 19, Jerem. 12, & 5.*

Qualis formula esse debeat promissionis fidelis, tradit S. S. *Deut. 6, 13. Apoc. 10, 6, Dan. eth. Christ. 2, cap. 9, psal. 152.* Idque Christus plene explicat. *Matth. 5, 33, & seqq.* Christianorum verbum non debet esse frustraneum: Quod non in veritate firma consistit, à malo erumet. Hinc à clausulis, quæ magis sapiunt imprecationes &

exgra-

execrationes, quam solidum veritatis servanda respectum, abhorrendum est penitus: nec nimis arctum obligationis vinculum inter veros Christianos efflagitare oportet. Sed ubi tales invenias? Ideo necessario recurrendum est ad illud, quod Dei testimonium cordi cuiusq; interponat. Si Christum audiamus rite, sat habemus in ipsis præscripta formula asseverationis. Quid vero de horrenda (*ut ait Rittersb. part. 9, in Novell. cap. 2, n. 1,*) formula iurandi sit tenendum, *in Novell. 8*, id quilibet cognoscat *ibidem* apud Ritt. & Cuiac. *in recit. suis ad tit. de iureiur. lib. 2, de r. c. 26.* Iuramentum ergo (*dicit auct. apud Arum. in iur. pub. d. d. th. 100.*) quum præcipuus sit confœderatorum nexus, ut hoc Iudaica gens probe intellexit, (*Gen. 21, Ios. 9,*) valde requiramus, & quamvis inter Christianos nulla debeat esse differentia inter simplicem loquelam & iuramentum; (*Cuiac. 22, obs. 7;*) tamen metu divini numinis (*l. 8, ff. de cond. instit.*) plus operatur iuramentum, quam simplex promissio. *c. debitores de iur. iur.* Licet nonnulli, quod dolendum est, apud Christianos contemptu religionis faciles inveniantur. *d. l. 8.*

Præstat autem iuramentum aut à principalibus ipsis: aut quod hodie

usitatus mos obtinuit, ab iis, qui singulari ad id commissionem sive mandatum speciale habent, velut sunt etiam legati; (*cap. 1, § sed utrum. t. per quos fiat invest.*) quod in confederatione Hanseaticarum & Belgicarum anno 1617, seu plenum mandatum id requirit, observatum vidi. Verum quod per procuratorem non fieri possit, vult quidem Erenb. *lib. 2, de fard. c. 1, n. 129, pag. 83*; atque id affirmat partim ex auctoritate Bod. *lib. 5, c. 6, & Bald. in l. unica, C. de caducis*; partim quod iusiurandum adeo arte cum persona cohereat, ut ab ea divelli nequeat. Sed si actus dicales per plenipotentiam possunt exerceri; quid non etiam talia extra iudicialia? praesertim quum data fides Christianorum idem operari debeat quod iuramentum; Cuiac. *lib. 22, obs. 7*; imo & iuramentum invalidum sit servandum; Dauth. *in cap. quamvis. de pass. in 6, n. 29*, ac pietas, cui simplex sufficit promissio, perituria nesciat.

Binæ heic agitari solent quaestiones. Primo; An iuramenti loco æquipollens sit admittendum? ut, si quis fidem honoris, nominis, dignitatis & famæ adiciat: *Beyhöchsten Ehren*; & *Fürstlichen treu uen.* videatur Myns. *sent. 1, obs. 17, & Gail. 2, 2, obs. § 9*, qui pro iuramento

ramento id haberi volunt. Quibus ad-
stipulatur Besold. *d. l. 2, pol. c. 6, n. 33.*

Secundo quaeritur ; An sufficiat , si
quis recuset iuramentum, & tamen iu-
ramenti loco se obstringat? Licet iuxta
Christi præceptum eandem vim obtri-
neat , quo iuramentum censeretur possit,
unde & Beust. *de iureiur.* & Myns. *d.*
cent. 1, obs. 17, implicite id contineri
dicunt : tamen, quum causa sit publi-
ca; & nominis divini invocatio maxi-
me sit de essentia iuramenti; tum quo-
que secundum ius commune res sit
iudicanda , in quo solemne iuramen-
tum promissioni simplici præfertur; &
ut quod fraudis suspicio aut elusio
perfida evitetur , æquipollens admit-
tendum non putant. *Erenb. lib. 2,*
de fæd. c. 1, Arum. diß. l. 10. th. 101, &
103.

Ad confirmationem fæderum ma-
iorem etiam hoc facit , si dubia fides
sit, ut præstito iuramento, pro servan-
do fædere obsides dentur. *Gail. lib. 2, de*
pac. publ. c. 21, Dd. in l. obsides ff. de testam.
Sleyd. lib. 24, com. Besold. d. l. n. 34. Obsi-
des autem quid sint , explicat Arum.
d. l. th. 105.

Atque ne quid mutuis promissis fa-
cile inmutari , aut verba obligatoria
inverti , aliterque ac dicta sunt accipi
in interpretatione possint; quamvis sit

contractus iuris gentium, ut non sit de
essentia eius Scriptura; tamen non tam
usus, quam negotii necessitas, notulam
certam postulat, ut contractus proba-
tio eventualiter inde eo rectius con-
stet. *l. 20, §. sed. C. de testib.* Tum etiam
sæpius plures sunt articuli, quam ut
nuda possint conservari memoria, un-
de prudentis officium hoc quoque re-
quirat, ut negotiorum custodiam lit-
teris bene conservet. *l. 4, de fide inst. l.*
cum res ff. de prob.

Si igitur litteris demandati sint ar-
ticuli pro solidioris confirmationis
robore; necessum quoque est, ut manus
propriæ subscriptio addatur cum sub-
signatione sigilli. velut hoc commu-
nis tot seculorum consuetudo appro-
batum servat. *l. sicut. §. non videtur. ff.*
quib. mod. pig. vel hypot. Vbi dux iterum
succurrunt quæstiones: An subscriptio
etiam per mandatarium aut legatum
fieri possit? Si dominus non sit in vi-
cinitate, res autem moram non ferat, at-
que instructio cum mandato id ita
explicet; poterit quidem loco principa-
lis sui ea omnia perficere, ad quæ ipsi
plena potestas data est; sed necessum
est, ut eius instructio cum mandato
actis incorporetur, & cum originali
subscripto adservetur. Ita etiam Se-
cundo quæritur; Num subsignatio sub-
scri-

scriptioni, an subscriptio subfigillationi sit præferenda; & quænam sit potioris iuris, si alterutrum sit omissum? Casum novi in aula Electoris Saxoniae aliquando ita fuisse, ut sola subscripta produceretur manus, & decisum fuit, *iuxta Gailium*, quod manus subscriptio prævaleret.

Absoluto itaque modo & solemnitate confæderationis in contractu, nunc pauca quædam de officio confæderatorum quoque erunt attingenda.

Porro, nervus iste consistit maxime in eo, ut omnia secundum articulos pactiōis fideliter præstentur, & rite fœdus in placitis suis conservetur, Vnaquæque enim res, quo maioris est utilitatis & amplitudinis, eo citius quoque ad extrema pericula prolabitur, nisi bonis consiliis in quovis tempore suffulciatur, & simul suis certis communiatur limitibus. Ideo qui in uno hærent fœdere, videant, ne promiscue sese aliis simul implicent, & eorum occasione etiam inviti ad negotia iniusta & perniciosa rapiantur; quum non raro ruina confœderati omnem reliquam secum præcipitet multitudinem. Etenim, dum impliciti fœderibus sequi alienis furores cogantur, facile concidunt omnes. Non opus

est, ut hoc tempore turbulentissimo ex
 longinquis seculis aut historiis perantur
 exempla. An non ante oculos est
 totius Germaniæ status tristissimus, &
 in ruina sua involutus pessime? Quæ
 causa? quis Auctor? Peccatorum quid-
 dem servi perdit in natura nostra su-
 mus omnes, & quisque suam patitur
 noxam: Sed quisnam mala sua etiam
 in alios & vicinos coniecit? Quis huic
 vel illi fuit stimulo, sub specioso boni
 publici titulo, & Evangelicæ religio-
 nis pallio? Nonne auditi sunt passim
 tales disseminati nuncii? Vix per ali-
 quos annos antehac circulatorum, regio-
 num, provinciarum, publici & privati,
 subornabantur conventus, ubi non
 subministrarentur cruentæ irritationes
 & exacerbationes quam plurimæ. Sed
 ex qua plaga mundi affuebant? Per
 quos ventus insusurrabantur? Quæ-
 nam erant missitationes creberrimæ?
 Nonne conclamabatur, O mortales,
 mortales, Evangelica nunc maiestas
 peritur, Evangelica libertas carceri
 æterno mancipatur! Evangelicus splen-
 dor penitus suppressitur! O socii, in
 unionem coite, ac ferro & armis vos ab
 hoc iugo liberate! Socios habetis ami-
 cos, fideles, fortes, & gratos adiutores!
*Nunc opus est animis, & cordis pectore
 firmo.*

*Stare viri, atque videte, fiet quæ causa
malorum.*

*En, adsunt tenebra, tenebrarum dira
propago!*

Ita magno & perpetuo semper cona-
minis ausu hocce urgebatur, *Conditio*
in viribus artis. Αλμυρὸν γὰρ τὸν μὲν num
illud nostis? Salsuginosa vicinia simi-
les eiicit hamos. Sed quamvis currant
aliqui, ne pluvia madescant, in fovea
tamen præfocati hærent; nec adhuc
Acesias (quod dici solet) medicatus est.
Memini, quæ vidi, & quorum auditor
atque spectator fui. Accidit nimirum,
quod in testudine fieri cernimus: si
una chorda discreper, tota illico har-
monia turbatur; Sic si unus confedera-
torum prematur, secundus, tertius, &
reliqui continuo idem experiuntur.
Quod in tragico hoc Germaniæ tu-
multu cernimus, quantopere vallis
vitem deceperit, & nunc scipioni
arundineo innitantur, qui ad Chare-
tis mare aureum respiciebant. Ideo
quam fidem quis fæderi destinavit, re-
cte agendo servet providus, nec ad alios
respiciat eventus, aut ad novas se in-
escarier patiatur casses. Deinde sta-
tis temporibus si fuerint indicti, aut
alias necessarii, conventus sine inter-
missione visitet, ut suæ fortunæ sit
sedulus observator. Nam facile quid
occur-

occurrit, quod informet & doctiorem te reddat in cautelis observandis, licet sæpius propositi articuli tales appareant, qui tenon tangunt. Præsertim, si quis fæderis director aut protector sit, visitentur sedulo deliberationes & consultationes communes. Tum quoque universalis huius officii regula talis est, quam olim Wolfgangus Palatinus suo agnato Friderico Electori testamenti loco, inter alia salutaria præcepta vitæ reliquit, (*referente id Chytræo in vit. VVolfg.*,) iusta & necessaria modeſte ſemper agere quod fœdus optimum & firmiſſimum ille putavit. Quod ſi forte quoque fædera ſint pacta, quæ aliis invidioſa appareant, & loca ſilentio ſint involvenda, aut res ipſæ, id quoque ſanctè præſtandum eſt. Alias, ſi res aperta ſit & honeſta, & ita ſit conſtitutum, ac maxime neceſſum ſit; ſi cum conſilio ſubditorum & eorum conſenſu ſit initum; (velut nec decet quenquam ſuperiorem in fraudem aut præiudicium ſubditorum fædus aliquod pangere. *Dd. in c. 1, §. præſertim de prohib. feud. alien. VVeſenb. conſ. 2, Erenb. c. 27, n. 223*;) ſit merito fæderis ſolemnis publicatio. Vbi interdum aſtutiam quandam ſupponere ſolent callidi auctores, ut ſuppreſſis veris articulis, intermiſceant quædam ficta, quæ

quæ populi favorem vel adaugeant, vel etiam externos in terrore aut metu contineant, ne rei vere gestæ capita invidiosa innotescant. Vulgus enim sæpius plurima absque consideratione spargit, quæ magis obſunt, quam utilitatis quid creent fæderis intentioni. Præterea danda est opera, ne fæderis articuli facile aut temere mutantur, aut violentur alicubi. Nam sunt haud raro, qui pro complexione ingenii levissimas ob causas, vel offensiones à sociis acceptas, ruptis fæderibus, statim ad extrema profiliunt; velut in Scotis exemplum est, qui adversus Pictos, cum quibus tamen per 600 fere annos societatem coluerant, ob canes ereptos, gravissima gesserunt bella. Omnia prius consilio communi tentare sapientem oportet, quam ad arma, aut alias violentias profiliat. Tum quoque multa sunt dissimulanda. Amici enim vitia noveris, non oderis, in proverbio est. Itaque si controversiæ incendant inter confæderatos, ex ita apud arbitros componendæ sunt, ut supra diximus. Quod ideo tenendum, ut ab utraque parte sint pares; quod si dissident, tertium aliquem adoptent, aut illis ex communi partiumve consensu addatur, qui ex æquo & bono, vel etiam iustitia pactorum fæderis, lites dirimere

rimere possint. Quod in veterum fœderibus accurate observatum esse comperio, quoties præsertim civitates Saxonix ætiori vinculo se conglutinarunt. Legi aliquot pactiones, in quibus arbitri nominati fuerant civitates aliquot Imperiales superioris Germanix: inter quas etiam Norinberga: *ut suo convenientiori loco de hac materia agatur.* Denique tota summa huius officii in eo consistit, ut fides data, quæ neque in hoste, nec erga hostem violanda est, *ut in sequenti capite plenius explicabitur*, salva conservetur.

CAP. XVI

*De duratione & effectu fœderum, non
non solemnitatibus, quæ in mo-
do contrahendi adver-
tenda sunt.*

QVod ex temporis respectu fœdera alia sint perpetua, alia vero temporaria, id superius illatum est. Hæc autē Dd. tam Iuri quam Politici in diversas abeunt partes; dum alii cum fœderibus æternis & hæreditariis, alii cum temporalibus, & maxime iis quæ certum & determinatum numerum habent annorum, faciunt ut quæstio sit, Vtrius melior conditio sit, & num
tempora-

temporatio fæderi, an vero æterno five
perpetuo potiores partes & firmiores
sint adscribendæ? Est certe res non le-
vis momenti, & perquam dubia, quid
laude æterni fæderis potius quam fir-
ma decisione temporarii constituen-
dum veniat. Quanto enim iucundius
id, quod solidam firmitudinem, & præ-
sertim æternitatis quoddam funda-
mentum substernit, quam quod mu-
tabilitati & fluctuabundæ hominum
opinionis & incōstantiæ committitur;
tanto maiorem laudum omnium præ-
dicationem id meretur, cui tuto etiam
posteris se cum fortuna concedere pos-
sunt; quum noscant amicitia tali, quæ
certis vinculis legum concatenata rite
cohæret, non facile se posse privari.
Et, quid vera atque haud fucata ami-
citia in mundo utilius? Veluti nec in-
concinna est eorum locutio, qui affir-
mant, quod amicitia magis quam ignis
& aqua sit necessaria, idque mortali-
bus equidem omnibus, ait *Vincent. Ca-
stell. lib. 1, de off. reg. c. 63*; & omnium
maxime regibus, aut Republicis.
Etenim, ait *idem d. l. c. 62*, hoc firmiter
ita tenendum est, regum amicos, esse
verum ac perpetuum æratium, quod
etiam de quavis Republ. intelligen-
dum est. Idcirco, Ex se met (ait *Mani-
lius, lib. 2, Armo.*) non quod natura
crea-

creavit, Pectore amicitiae maius, nec rari-
us unquam. Et, *Ovid. de Pont.*

*Scilicet heic etiam , qua nulla ferocier
ora est,*

*Nomen amicitiae barbara corda mo-
vet.*

Et, (*Com. Pl.*) Nihil homini amico est
opportuno amicis. Nam sane, *ant Ca-
stel. d. l. c. 62*, ex omnibus rebus, quas
sibi mortales parant , *ut confirmat So-
crates apud Xenoph. apemne. lib. 2*, nihil
est amico praestantius. ut non sine ra-
tione Cic. *in lib. de amic.* scripsisse vi-
deatur , Amiciciarum suam cuique
permanere stabilem & certam posses-
sionem. Quum enim cetera fere
omnia sint quasi dona fortunae ; ami-
citiae, Virtutis, quae aeterna est, opus, al-
tissimis robustissimisque defixa radici-
bus, nulla vi tempestatis, nulla tempo-
rum iniuria potest convelli. Quod sa-
ne longe rectius de ea amicitiae specie
adseverari valebit, quae perpetuis con-
iunctionis legibus, & quidem talibus
constat, ut nullus fucus, nulla simula-
tio metuenda sit, qua temere quid dis-
sipari queat ; vel aliquid erroris aut
culpa interveniat , quod ex iure con-
federationis & pactorum conspici ac
rolli protenus non possit. Tum quoque
fœdera perpetua longe esse preciosiora,
patet ex exemplo Dei , qui arcum pro-
pterea

pterea in nubes constituisse se profectur, recordaturus fæderis perpetui (generalis) inter Deum & omnem animantem initi ex omni carne, quæ fuerit super terram. *Gen. 9, 16.*

Tale æternum fædus Iehova & cum Abrahamo ac semine illius specificè pepigit, *Gen. 17, 7;* dicens: Stabilio autem fædus meum inter me & te, ac semen tuum post te, per ætates tuas, ut fædus sit perpetuū; me esse tibi Deum, & semini tuo post te, &c. Cui etiam hoc sacramenti testimonium ceu firmum sigillum adiecit, v. 13, his verbis; Omnino circumciditur natus domus tuæ, & emptus pecunia tua: Sic erit fædum meum in carne vestra, in fædus perpetuum.

Velut etiam æternitatem talis fæderis in sale depingit *Levit. 2,* ubi ait: Omnem autem oblationem muneris tui sale salito; neque cessare finito Salem fæderis Dei tui à munere tuo, cum omni oblatione tua offerro Salem. Nam veluti sal cibum ab omni putrefactione conservat, & tutum reddit, suaque natura durabile est, & quasi matrix naturæ, quum ex ea in creatione producta sit terra, lapides, aqua, & metalla cuncta, ita tamen ut simul reliqua principia, videlicet sulphur & mercurius, submixti fuerint: (*Teuton.*

de trip. vit. c. 2, in expl. 3, princip.) Ita quoque oblationes omnes in fœdere Dei sempiternum vigorem precum & devotionis, ab omni putredinis impuritate conservare debent, ut perpetim vita novi fœderis nobis sit in Christo purificata. *Vide Croll. in Basil. Chym. de Spir. sal. pag. 209.* ubi ait : Sal simplex, &c. quum putredinem nesciat, maxime omnia à putredine vindicat, & naturali corpori salutaris, humanæ naturæ adeo conducibilis, ut sine eo vivere nesciamus ; corporibus inditus, quicquid adest humidi, absorbet ; & quod reliquum est solidæ substantiæ adstrictione contrahit. &c. Hæ igitur virtutes quum crudo insint sali, quanto potiores spiritui eius convenienter præparato ? Eodem modo memoriam fœderis sempiterni, celebrandam quovis die Sabbathi, mandat Iehova. *Lev. 24, 8. Num. 25, 12, 13.* ita loquitur Deus : Ecce do ei pacem fœderis mei, & erit tam ipsi, quam semini eius, pactum Sacerdotii sempiternum. Et quomodo fœdus hoc omnes concernat, docet Moses. *Deut. 5, 2.* Iehova Deus noster, ait, pepigit nobiscum fœdus in Chorebo. Non cum patribus nostris pepigit Iehova fœdus istud, sed nobiscum, &c. *Ita & Deut. 29, 1, 15. & 1. Reg. 8. 21, 2. Chr. 23, 3. Psal.*

Pfal. 89, 35. 40. *Esa.* 24, 5. & 56, 4, 6. & 61, 8. *Ier.* 34. 13. & 50, 5. &c. Præterea semper ea confidentiores reddunt mortales; quæ constantiam durationis declarant, quam quæ mutabilitati variæ sunt obnoxia. Et quis ei quid credat, qui diversa sentit, alia quidem nunc, alia dudum, & alia mox? *Zuing. in mor. phil. lib.* 15, c. 5. Nam in dubio qui est animus, parvo momento huc illuc impellitur, ait *Com.* Quin, Mens instabilis, iniqua utique res est, & non certa amicis. *Zuing. d. l. de inconstant.* Sed & varias clades eadem patitur facile, & calamitatibus suis obruitur. Exemplum sat sunt obvia, vel in solis Iudæis, qui toties expositi fuerunt hostium direptionibus, aliisque miseriis, quoties à Pacto deviarunt, quod cum Iehova inierant. Fœdus autem hoc sempiternum ab Hebræis ideo fœdus salis vocabatur, (*Num.* 18, 19,) quoniam instat salis incorruptum præstare deberet amorem in Deum, citra omnem mutabilitatem; ut supra dictum est, *Vide Clut. in parad. th.* 20.

Eodem modo & Romani imitati sunt hanc rationem; qui, quum apud omnes gentes terræ hoc potissimum, nomine celebratissimi & notissimi esse studerent, quod in omnibus actionibus suis honestatis atque fortitudinis

benignitatis mansuetudine constantiam cum integritatis & præ se ferrent; omnibus suis fœderibus æternitatem imponebant; *teste Sabellico, lib. 8, ennead. 2.* Cuius sancienti formula hæc ibi legitur: Romanis atque omnibus Latinis inter se pax esto, donec cælum terraque eundem habebunt statum. Magna certe hæc est arrogantia, & ambitiosum effatum, quo, cœn edicto, sibi summam non tantum potestatem præ cunctis terræ populis adscribunt: sed etiam, quasi cœlitus essent supra humanas vires aliquem terrorem & metum mortalibus incussuri, ostentant. Pax quidem effectus verus omnium confœderationum proprie esse debet; sed tam gloriosa iactantia non tam acquiritur, quam magis subtrahitur, quum fundamento eo careat, quod solida pietas largitur.

At in fœdere Hanseatico longe gratiosius quid est, quum infirmitudine sua per tot secula durer propter mutuam necessitatem commercii; non quod superbam sibi arroget potentiam; sed suis se contineat terminis: unde etiam maxime suam sortitur durationem, & summum amicitia respectum apud omnes. &c.

Optandum quidem foret, concordiam perpetuam his confœderationis modis

modis conglutinari posses quippe amicitias immortales, inimicitias in momento mortales esse conveniat. *Heig. part. 1, 9, 11, n. 4.* Sed experientia cotidiana & ipsa hominum perversissima malitia suspicionem facit, ægre hæc a nobis unquam sperari posse. Etenim quum homines ii, cum quibus ipse Iehova locutus est, quosque sibi in selectum populum adoptarat, & quibus præcepta sua tot miraculosis factis & tempestatibus ex monte Zionæo confirmarat, quique ipsi Iehovæ toties, etiam iurati, (*Ios. 24, 25, 2. Reg. 23, 3, 2. Chron. 15, 12, & 23, 16. Nehe. 10, 29.*) synceram promiscerant obedientiam, quum, inquam, ii toties sædistragi facti sint in Deum, quid non mortales reliqui cōmittant, qui tot affectuum importunitatibus victi collabascendo cotidie cedunt? Proinde Bodin, *lib. 5, c. 6, n. 615, & n. 713, fol. 962; & Erenb. lib. 2, c. 2, n. 45, pag. 35*, non incongrue locuti sunt, quod non sit absque perniciæ & damno, si quis æterna fœdera mediteretur in consociatione Principum & Populorum. Quare talibus sempiternis fœderibus, in populi & optimatum imperio merito circumstantiarum accuratarum moderamen adhibent Kirch. *disp. 17. de rep. th. 1, lit. b. Clut. in fasci. paradox. th. 20, ad*

lit. a. Besol. lib. 2. pol. c. 6, n. 38. Sed hac cum conditione, ut æquissimis non tantum legibus confocietur aut componatur, sed etiam assidua renovatio semper accedat, quum nihil tam stabile & firmum sit, quod non diuturnitate laxetur, & in mutationem vergeat. vide Erenb. lib. 1, de fæd. c. 2, n. 104. si-
cuti in confraternitatibus exempla adducunt I Cci, de quibus mox dicemus in sequenti capite. Sed assidua renovatio quoties suscipitur, quid aliud importat, quam quod perpetuitas interruptionem hanc novo actu immisceat? subiectis certe suis hæc sempiternitas nunquam quadrat. Iehova quidem est immutabilis, *Epic. Iac. c. 1*: Sed constantiam eam fidei & observantiæ nunquam satis, etiam durissimis pœnis, inculcare populo suo potuit. Audi Iehovam ipsum, per os & calammum Davidis sui Regis ita graviter queritantem. *Psal. 81, 14*: O si populus meus auscultasset mihi; si Israël itæ in viis meis ambularent, vel momento inimicos eorum fuisset depressurus, quum in hostes eorum convertissem manum meam. Osores Iehovæ mendaciter se dedissent ei, & futurum fuisset tempus istorum in seculum. Denique cibaturus fuisset eum adipe tritici; etiam ex rupe melle fuisset satia-

turus

rurus te. Sed verbum nullum admittunt, nihil animadvertendo, dum in tenebris indefinenter ambulant: ideo omnia fundamenta terræ corruunt. *Psf.* 82, 5. Quare correctione mitiori propius ad sententiam boni reflectit se *Besold. d. l.* dum statuit, quod periculosum sit, indefinite in longum tempus fœdus inire, propter incertam longi temporis definitionem. Melius itaque est, ait, certum tempus determinare, quam se concertationibus *Dd.* committere: quum nec ipsi inter se consentiant, quæ sit locatio ad tempus longum. *Pinel. ad l. 1, part. 3, n. 63, C. de bon. mat. Soar. ad Gom. tit. d. loc. & cond.* Quæ mens quoque non adeo diversa est *Bodini*, dum rationem periculi in perpetuo fœdere ita subnectit. *d. l.* Nam, cui fœdus iniquum videtur, ait, occasione oblata fidem faller propter perpetuam fœderis iniquitatem. (quum mutari possint tempora cum rebus.) Sin breviori temporis intervallo finiatur, etiam si grave cuiquam ex sociis videbitur, in eo tamen permanens est. Facile est autem tempore finitio societatem emendare, aut novo fœdere antevertere ac præoccupare. &c. Quare nec illud fœdus, quod ad beneplacitum contrahentium inicitur, probandum est. Quis enim tu-

um esse dixerit in fœderibus, alicuius
mero arbitrio aliquid committere? Et
quis ergo sic dubitabit, temporaria fœ-
dera, quæ ad certum tempus, vel ad
confœderati Principis excessum, vigo-
rem suum extendunt, perpetuis illis
dictas ob causas præferenda esse.

In his quum auct. apud Arum. in
disc. acad. 28, rh. 88, optimam foveat
sententiam, eius heic lubet adscribere
verba: Temporaria igitur fœdera ita
constituuntur, ut vel ad certum tem-
pus durent, quo elapso cessant penitus,
aut renovantur seu immutantur; vel
tam diu vim habeant, quam diu socii
confœderati vixerint. Moribus nostris
non immerito nobiliora facio fœdera
temporis spacio, cum pacto, si placue-
rit, de renovando, inclusa; per ea quæ
tradit Bodinus *lib. 5, cap. 6, Dissent.*
Kirchner. d. loco. Potissimum autem
propterea, tum quod eadem vis sit fœ-
deris decennalis ac centum annorum,
si modo sit relictum arbitrio fœdera-
torum renovare ad decem annos fœ-
dera; tum quod satius sit, ut fœdera
mutuo consensu de novo renoventur
& confirmentur. quam ut invitum in
fœdere in perpetuum serves, & vel tu,
vel ipse, scelerate ac fœde frangas fœ-
dus invitum. Invitum qui servat,
idem facit occidenti: inquit *Publius*
Syrus

Syrus in mimi. Sæpius tamen contingit, ut Principes pro se suisque filiis societatem ineant. Exemplo est fœdus Smalcaldium. Nam, cum confœderati Smalcaldici Mauritium Electorem post mortem patris de fœdere interpellarent, propterea quod Henricus pater pro se filioq; minorenni fœderi nomen dedisset, respondit, se vinculo patris non teneri, ac fœdus abnuit, *teste Sleydano, 15, lib.* Quæsitum an recte, quod iure factum, *cum Heigio, questio. 11, n. 41, part. 1,* affirmare non erubesco. & licet alias contractus antecessorum ad successores principes transeant, *l. 2. fin. C. de quad. prescrip.* tamen id in societate non obtinet. *l. 35, l. 40, & passim. ff. pro socio.* ne aliquis invitatus efficiatur socius ei, cuius esse non vult. *l. 65, §. 11, d. 1. quod recte itidem defendit cl. D. Prasus in prælect. polit.* Atque hoc in principibus viris obtinet, ut eorum successores fœdere non teneantur, nisi fœderis cum antecessore contracti conditiones ratas habuerint. Si enim omnes Principum contractus bonæ fidei sunt, *docente Alciato, lib. 8, c. 45.* In primis erunt fœdera. Quare consensus interveniat necesse est. Nihil enim sibi cum paternis fœderibus commune esse, si Romani amicitiam ac societatem colere vellent, prius de pactis con-

ventis agi oportere, dicebat Rex Macedonum Perseus. *Bodin.* Cuius rei optima ratio est, quod iusjurandum, seu religiosa illa affirmatio, qua societas & fœdera veluti firmamento innituntur, ita personæ iuranti cohæret, ut ab ea divelli non possit. Quo igitur modo ad posteros transferetur? *Bald.*

Sed hæc hoc loco sufficiant, dum ad effectum fœderis deproperamus. Sæpius accidit, ut finis cum effectu confundatur etiam ab iis, qui se politico-rum eruditissimos venditare solent; ut supra crassum illum multorum errorem in civitate explicavimus, quam alii pro subiecto, alii pro fine venditant, quum tamen se præ omnium oculis pro ipsissimo effectu Reipubl. palpabiliter exhibeat. Ne vero eundem heic errorem committant alii, proinde superius in definitione fœderis finem ita constituimus, ut effectus non exprimeretur simul, sed duo ista inter se distincta & separata manerent. *Finis* vero & maxime internus, tum dictus fuit, quod præstationem fidelem & indubitatam rei necessariæ pro modo pactionum expressæ requireret. *Vide Erenb. d. l. c. 2, n. 224.* Externus vero per se patet, quod ad conservationem Reipubl. tendat. Quod si igitur pro conservatione status aut rerum cuiusque,

aut

aut Reipubl. quibus pericula imminant, præstetur, quod fæderis conditiones pro liberatione vel auxilio postulant, tunc necessario resultat inde effectus is quem nunc intendimus. Iste vero num alius esse possit, quam ille ipse quem Iehova definivit, quæ est pax & securitas vitæ piæ. Vbinam, quæris? Locus superius allegatus est integre, *Num. 25, 12.* ubi Iehova ipse determinat id, quod ex fædere resultare debeat, nimirum pax & tranquillitas. Hanc ideo dat, quod Pinehas excandescentiâ eius è filiis Israël averberat. Vnde consolando Moſen ipsi pacem quidē denuo promittit, sed pacem talem, quæ ex fædere procreetur. Idcirco (ita alloquitur Moſen) dicito : Ecce, do ei meum fædus, fædus pacis. quasi diceret, Pax mea tunc certa erit, quando? si fædus meum in omni observatione rite præcedat; & hoc vobis pacem progenerabit.

Eodem modo *Gen. 21, 23*, Abimelech Rex Gerari cum Abrahamo fædus ultioneum pepigit, ut pacem in benignitate pari & mutuæ vitæ cohererent: & impulsivam causam Rex addit, quare tale fædus cum illo icere cupiat, dicendo, *23, & 24*; Deus tecum est in omnibus, quæ facis. Nunc itaque iura mihi per Deum heic, (dita tibi impreans, si mentitus fueris mihi, aut filio meo,

meo aut nepoti meo; fore, ut benignitatem parcem huic, quam exercui erga te, exerceas erga me, & erga regionem hanc, in qua peregrinaris. Cui dixit Abraham; Ego iurabo. &c.

Quæ formalia fere eadem idem Rex repetit in renovata confæderatione illa quam cum Isaaco *Gen. 26, 28, & 29.* erexit. Vbi tamen bis disertis verbis explicatur reciproce, quid ex mutua benevolentia fæderis procreetur. ait Abimelech; dimisimuste cum pace; ut tu nunc à Iehova benedictus es.

Solemnitates heic quæ fuerint, & quis modus contrahendi, v. 30, & 31, adiicitur his verbis. Quum itaque (Isaac) fecisset eis convivium, comediissentque & bibissent; surgentes mane iuraverunt alter alteri, deduxitque eos Isaac, & abierunt ab eo cum pace. In qua confæderatione amicabili, omnes ferme circumstantiæ, quas hucusque deduximus, cum suis causis, quasi summatim in una effigie egregie conspiciuntur enumeranturque. Hæc enim concordia amico animo conficitur, cum grata beneficentia lautaque convivii exceptione. Pacta, quæ mutuo proponuntur, tam firmiter acceptantur, ut iuramento confirmentur, & quidem (uti hoc quoque Erenb. *lib. 2, de fæd. c. 1, n. 32,* serio inculcat) tempo-

tempore observato antemeridiano. Et heic renovatur fædus; *iuxta eiusdem Erenb. monitum d. l. pag. 325.* Sic in deductione eorum, manifestavit Isaac publicationem & approbationem. Quemadmodum etiam hoc omnino observandum est, iuxta hodiernum Imperii nostri statum, ut illi, qui firmiter confæderationem compingere volent, id faciant cum approbatione Imperatoris; quamvis ille exceptus videatur, quum regulariter in omni generali oratione persona loquentis excipiat per se. *l. 3 c. in fin. ff. locat. c. petit. de iureiur.* Finis etiam fæderis innuitur; quod sit mutua coniunctio animorum. Cui tandem effectus apponitur; in pace. Quod ipsum quoque Erenb. *in dict. lib. 1, de fæd. c. 2, n. 229, & 237,* dilucide explicat quando fædera in Imperio statibus Germaniæ nulla alia concedi debere aut posse affirmat, præterquam quæ respectum habebant ad pacis constitutionem: quod si vero ita conficiantur, nullatenus prohiberi posse. *l. percepimus. C. de appellat. Myns. 6, obser. 2;* quum congregationes, quæ in bonum fiunt finem, non debeant improbari, nedum quod aliquo iure pænam mereantur. *l. 12, C. de off. rect. prov. Bald. cons. 119, Schrad. de feud. p. 10, scilicet. 10, n. 26, specul. Saxon. lib. 2, art. 1, l. 12, C.*

12. C. de ll. Ias. cons. 86. n. 1, lib. 3. Possent hæc pluribus explicari quidem, atque ex ipsa sacra Scriptura deduci plenius: sed attentus lector in supra citatorum locorum veram cognitionem ipse inquirat; quæ hac de re doctè satis cum erudire possunt. Nobis iam dux quæstiones huc necessario facientes enodandæ erunt, quum errores aliorum hanc extorquere nobis videantur explicationem. interim tamen hoc obiter heic notetur, quod Schonb. lib. 4, pol. cap. 37, effectum fæderum, quem in discrimine succursum esse putat, cum officio eorum prorsus confundat. de quo alias.

CAP. XVII.

*Num fas sit quandoque Principi aut Reipubl. fidem violare; præsertim si ini-
que conditiones quas inire con-
ctus est, & temporis com-
moditas id iubeat?*

PACIS exoptatissimum nomen tantæ est dulcedinis, ut omnes pii & sapientes eius amore & desiderio merito ducantur. Nam ut ait ille Poeta,

*Pax & amor Deus est, sancti Deus
auctor amoris.*

Veri & sancti videlicet amoris, non illius

illius falsi, qui brutali impetu aut furore formositatis rapitur, & perpetua inquietudine iactatur sua. Facessat talis hinc furor cæcorum affectuum. Nihilominus id frequentissimum esse videmus, quod homines, instinctu diaboli subacti, eorum, ad quæ natura boni quam promptissima est, nihil perpendant; imo sæpius neque curent, quæ in pietate constanter præstanda, fide sancta, in se receperunt. In eum finem varias sibi met ipsis ingenii elusiones confingunt, & in quæstionibus variis effugia quærunt. Etenim quories contra pacti aut confæderatorum alteram partem odium, tædium, vel invidiam, aut æmulationem &c. concipiunt, vel actionum priorum eos pænitet; quærunturrimæ, quibus sub specie iuris aut tituli honestatis elabantur: Et tunc primaria solet esse quæstio; An infidelibus fides sit habenda? Idem propositum de hæreticis concipitur; ex quo universale quasi axioma pridem confecerunt. Alii asseverant, *ex Plin. lib. 8, epist. 5*, non esse fraudis decipere, sed prudentiæ. Alii ambigunt, An pro moribus temporum in commodum subditorum aliquid comminisci liceat? Sed quum neque in his latebras defraudandi inveniant, quærunt, Liceatne minutas fraudes committere, fraud-

fraudes ut maiores averruncentur? *Vide Chokier thes. pol. lib. 2, 13.* Nonnulli dicunt, sat licite clandestinum hostem inter confederatos dolo eludi posse, si fiat in Reipubl. utilitatem. Sed quum neque hoc impietate sua carere vident, tandem relabuntur ad quaestionem, An non illa fœdera, quæ quis iniquissimis conditionibus inire coactus est, pro temporis commoditate frangere possit Princeps? Docet ita Br. *ad. l. 5, ff. de pact.* cum aliis pluribus ait Arum. *d. d. ac. 28, th. 71*, ut sic inveteraverit hic error, *querente Bod. d. loc.*, ut nullum stabile fœdus, nulla fida societas inter Principes contrahi possit. Si victores victis legem dederint, non dubitant legati disceptantes hanc unam violandorum fœderum causam opponere, quod vi aut metu facta, quasi ex edicto Prætorio actionem instituerint. Mirum tamen est, hanc novam prudentiam Romanos antea semper latuisse! Quis enim est, qui nesciat, pacis condiciones fere semper invitis dari, & vi ac metu accipi? Nemo tamen aut Princeps aut legislator unquam, qui, quod victori promississet, exequi recusaret, quasi vi coactus id fecisse dici potest. Et recte. Quis enim foret bellorum finis, si à transactione, bona fide interposita, liceret recedere?

l. 10, C. de transact. Tum, an vis est, quæ fit legibus permittentibus? *l. 3, §. 2. ff. quod met. caus.* Ac quæcinam viro forti vis potest adhiberi? *Cic 3, offic.* Tandem quidnam congruum est fidei humanæ, quam ea, quæ nobis inter nos semel placuerunt, servare? *l. 1. ff. de pact.* Vnde constat, ait *Kon. in pol. part. 1, c. 5, n. 168.* & infidelibus, & hæreticis, & hostibus servandam esse fidem semper, absque ullo respectu. Ceu illud optime approbat *Nortm. in disp. de iur. Princ. th. 77.* cuius verba integre huc referre lubet: Grave ac indecorum est Principi, uti dolo, fraude, & mendacio, etiam si id fiat in Reip. utilitatem: imo non solum contra bonos mores, sed quoque pietatem ac iustitiam esse dico, si quis Principem à se dissidentem veneno, seu aliis mediis insidiosis, tollerentaverit.

Est enim viva Dei imago in terris, quam periurio fœdare non solum est impium, sed insuper quoque periculosum, & cum æterno dedecore coniunctum. Detestatur enim Iehova os bilingue: Abominatur sanguinolentum & polosum, ac perdit mendacia loquentes. *Prov. 6, 16, & seqq. 8, 13, 12, 5, 10, 12, & 17, 4. Psal. 5, 7, & 10.* Labium verax autem stabilitur in æternum. *Prov. 12, 18, 21, & 26, 24. Comm.*

lib. 10. Principes sunt humanarum actionum condimentum, & sal subditorum, quod si infatuatum fuerit, qui poterit constare vita privatorum? Absque fide nulla est amicitia, absque amicitia nulla humana societas: absque hac vero nullus Dei cultus. Ergo qui non colit fidem, nullum quoque habet Deum. *Cavrian. fol. 268.* Et certe periurium, est detestabilius atheismo: quia non tanta est eorum, qui Deum averfantur, impietas, quam illorum, qui, esse Deum è rebus humanis perspicere fatentur, iuris tamen iurandi simulatione numen irritare non dubitant. Imo qui libenter audit mendacii verba, omnes ministros habet impios. *Prov. 29, 12. Cosmo Bartoli c. 9. discurs.* Impium etgo Euphemis apud Thucydidem dictum reiicimus; Quod scilicet non sit iniustum quod fructuosum. Hos appellat Alexander M. apud Curtium percussores veneficos, inquiring: Verum enimvero quum modo milites meos ad perniciem meam pecunia sollicitet Darius, ad internecionem mihi persequendus, non ut hostis, sed ut percussor veneficus. Alphonsus I, Rex Neapolis, heroice respondit proditori Rugiero, qui ipsi promittebat occidere hostem suum Regem Castilię: Et si posse lucrari (inquit) totius mundi impe-

imperium, nedum Castiliæ Regnum;
non permitterem tamē tantum scelus.
Ammir. lib. 2, c. ult. Sic Senatus impro-
bavit Cæpionis factum, qui Viciatum
Lusitanum, latronem & belli ducem
strenuum, hostem populi Romani, cum
vincere eum aliter non posset, per duos
satellites pecunia corruptos, humi de-
positum peremit. Quæ victoria, quia
empta erat, à senatu non fuit probata.
*Sex. Aurel. Victor de viris illustr. Humir.
d. lib. 2, disc. ult.* Sic quoque non proba-
runt factum Q. Flamini, qui Hanni-
balis mortem procurabat apud Regem
Prusiam. Hostem adversum opprime-
re, strenui est hominis, & virtutis
opus. Papa Pius III. emisit Italos, qui
incendio atque veneno per Germa-
niam damnum darent. *Sleyd. lib. 18.*
Rex Hispan. statuit in Principis Oraniæ
caput 25000 coronatorum, & quoque
Assasino nobile stemma, si nobilis non
esset, qui eiusmodi generosum (ita vo-
cat) actum perficeret, cum criminis
abolitione, etiamsi atrocissimi esset
reus; ut patet ex proscriptione, & quo-
que Apologia Illustrum Orania Prin-
cipis contra dictam proscriptionem.
Vbi etiam refert, quod Ducissa, eiusque
filius Dux Parmensis, sæpius sumpse-
runt sicarios & venenarios, qui illum
tollerent. Assasinū huius principis vo-

cat Barclaius pium & animosum iuvenem, à quo optimo jure interemptus, pœnas Deo, Regi & Reipubl. debitas persolvisset: e contra vero deflet mortem Guisiorum. lib. 3, cap. 16, *contra Monarchum*. qui dolor prodit iniquos hominis affectus. Sic sæpe missi ficarii tum à Papa, tum ab aliis, qui Regem Galliar, Angliar Reginam defunctam, & præsentem Regem tollerent, *ut suo loco dictum*. Eiusmodi parricidæ clancularii magis principibus sunt timendi, quam hostis apertus potentissimus. Contra hunc enim industria eis facile remedium invenire potest; cum nulla humana diligentia declinare possit sceleratorum diabolicum impetum, nisi Deus unctos suos misericordiar aliis protegat. Decorum vero & Principe dignum est, hosti, infideli, latroni, hæretico, fidem aut non temere dare, aut datam omnino servare. Thuscum igitur Doctorem non solum, sed & impia Pontificum theoremata, cum æquivocationibus Iesuiticis, fugiat, si modo Maiestatis vitæ, ac salutis naufragium, cum perfidiæ macula, evitare satagit. Nihil enim tam congruit humanæ fidei, quam ea, quæ semel placuerunt, servare. *l. 1. de pass. l. 1, de constit. pec. Pictor. l. 2, q. 4, n. 21*. Neque alia virtute Romanum imperium

rium crevit, quam fide erga inimicos & amicos; quam si Ethnici in tanto honore habuerunt, multo magis & Christiani. *Cavriana lib. 2. n. 1. Tacito fol. 267. Baz. de imperio virt. advers. Machiav. c. 7, Lips. lib. 2. cap. 13. polit. Ciro Spont. lib. 3, c. 2, & seqq, di Gover. del Stato. Servemus, inquit Iosua c. 9, fidem datam, ne Dei præpotentis furorem ciere videamur. Et, (Aristot ad Alex. M.) Cogita ne priores, sed timeas divinam ultionem & humanam infamiam. Quæ enim laus est Principi, iustitiæ, fidei bonitatis clarissimo speculo, toti mundo, imperare, & maiestatem suam detestando maculare periurio? Non igitur considerabit, quid hic vel ille fecerit & mereatur, sed quid ipsi promissori conveniat. *Cavriana d. lib. fol. 268. Aeterna memoria, Principe Germano, qui nullis mortalium fide & armis cedunt (Baicalo teste apud Tacitum,) & Maiestate Imperatori digna vox erat invictissimi Imperatoris Caroli V, ad Eccium, & alios, qui urgebant ipsum ad violandam fidem Dn. Lutheri datam: Etiam si, inquit, fides toto terrarum orbe exularet, tamen apud Imperatorem immaculata manebit. Bod. lib. 5, c. 7. de Republ. Sic olim in Constantiensi Synodo fidem fregerunt constantissimis**

veritatis assertoribus, Iohanni Hufio,
 Hieronymo Pragensi, qui tamen fide
 publica eo venerant. *Mart. Clus. 2, f. 13.*
 Hic Politicorum & Aulicorum quo-
 rundam summus est Pythagoras, quem
 non in minori precio habent quam
 Turcæ suæ Alcoranum, seu somni fa-
 crilegi Mahumedis. Inquit autem *Bap.*
18, de Principe, & lib. 3, in Liv. cap. 42.
 Prudens Princeps fidem non debet ser-
 vare, si ei sit damno, & necessitates præ-
 terierint, propter quas illam dedit. Et
 magni refert, si Princeps noverit bel-
 luinum ingenium pro arbitrio scite
 induere, ut, si iure legum decertando
 vincere non possit, tum mores vulpis
 assumendo & leonis, congregiatur.
 Hoc est, pro arbitrio & tempore inge-
 nium fingat, ut more vulpis, quos vo-
 let, insidias pelliceat, & pellectos in-
 stat leonis iugulet. Et hanc Principis
 dotem non esse exiguam existimat.
 Quam autem impium id sit, & con-
 tra omnem honestatis rationem, qui-
 libet bonus facile animadvertit. Vene-
 nat namque aures Principum, ipsisque
 suadet, ut omnia recta negligant, dum-
 modo potentiam consequantur. Cum
 tamen fides nulla necessitate ad fallen-
 dum cogatur, aut præmio aliquo cor-
 rumpatur. Seneca, *epist. 89*, inter mor-
 tuum illud Euripidis recoquit:

... *Ius regnandi gratia*

*Violandum est : Alijs rebus pietatem
colas.*

Et nihil in hominum societate erit
firmum & stabile , si hoc impium
theorem locum habuerit. Nunquam
enim causa deficiet perfidis cur pacto
non stent. *Liv. lib. 9.* & semper ali-
quam fraudi speciem iuris imponent.
Liv. ibid. Sed de his *Antinab. lib. 3,*
theor. 21.

Hactenus quidem ille ; sed cognos-
cantur ea, quæ ulterius ibidem egregie
adiicit. Notorie vero constat id, quod
pacta sint strictissimi iuris. De quo
exempla illustria nobis S. Scriptura
proponit , ex quibus cernitur , quod
nulla ratione violari ea fas sit ; sed fir-
missime sint servanda. *in Iosu. 6, 25. in*
David. 1, Sam. 24, v, 22, 23. 1. Reg. 2,
3. & 2. 18, 13. Tota quoque Hungaria
hodie adhuc deplorat tristissimum re-
gis sui Vladislai exitum , anno 1444 ;
quod rupti fæderis cum Turca tam gra-
vissimam luerit etiam in posteris pœ-
nam ; quum non tantum 30000 ho-
minum misere tum perierint , sed et-
iam adhuc dum incolæ deplorandam
calamitatem perpetui belli sentiant.
Crom. lib. 21, lous. in vita Amurat. Bonfin.
lib. 27. Ciro Spent. lib. 3, de gover. distat.
Callimach. Florent. de reb. gest. Vladisl.
lib. 3.

lib. 3. Plura addere non licet, quum
 fiat odiosa nimis. Ita superba arrogan-
 tia & elatio, eo graviores pœnas secum
 importat, quo dignitas alicuius in ex-
 celsiori posita est gradu, si ad perfidiam
 declinet *De quo crimine vide Val. Max.*
& Bap. Fulg. lib. 9, c. 16. His aditio: Li-
 cet de iure verba Principis quidem de-
 bent esse firmissima etiam non iurata;
c. ad Apostolica. ibi. Innoc. de re iud. Myns.
1. cent. obs. 17, n. 2, quod talis promissio
 eandem vim in Principe habeat cum
 iuramento; ut antiqua Germaniæ con-
 suetudine olim receptum erat: tamen
 firmiorem est & manet regula sacra Scri-
 pturæ; ubi dicitur, quod Deus solus sit
 verax, & omnis homo mendax. *Rom. 3,*
4. Psal. 62, 10, & 116, v. 11.

Nam, proh dolor, in quantum ab eo
 laudabili veterum more deviatum est,
 ut fere pro ignomina habeatur fides, id
 pridem expertus sum. Et non adeo nu-
 per exemplum minime amicum, ad
 quod nunquam non totus horresco,
 in quodam illustri videre mihi conti-
 git. Qui in eo valde gloriabatur, sibi-
 que oppido per quam placebat, quod
 coram unoquoque duplicitatem suam
 quam artificiosissime occultare nosset.
 Aiebat; Egregie ego nosco tractare ho-
 mines; ut nemo facile sentiat, quis sim
 in corde. Namque adsumo quoque

eos, qui se mihi rotos concedunt, in
 musæum meum; & compressa dextra
 illis ultro inter obambulandum arri-
 deo, quamvis toto corde eos odio ha-
 beam. Sic, quum pro assiduo more
 falsa criminis afflictione alicui insidias
 etiam vitæ pararet, ille autem ob id à
 Consiliario honesta revocatione ad
 pietatis officium corrigeretur, deque
 iniuriosissimo mendacio admonere-
 tur, respondebat, Novi quidem non
 esse verum, sed tamen ita dicam, ne
 homo ille absque vitæ periculo mihi
 elabatur. Hoc quum iterum in eo re-
 prehenderetur, cum admonitione,
 quod nihil probaret in iure; respondit
 iterum, ex falsa adulatorum suorum
 persuasione: Quid? Principis verbum
 tantum valere debet, imo & valet,
 quantum quinquaginta testium alio-
 rum. Addebat, se quoque velle ad con-
 scientiæ provocare testimonium. Obii-
 ciebatur ipsi, an id pieratis esset, vel dy-
 nastam deceret, contra apertam con-
 scientiæ & iuris veritatem, quidquam
 asseverare? (Etenim supra modum se
 pium verbis argutissimis simulare di-
 dicerat, ut, qui non interius hominem
 nosset, prorsus eum esse Christianum
 iuraret; adeo semper Christi imitatio-
 nem ore iactitabat; audebatque glo-
 riari, se nullius peccati reum erga pro-

ximum convinci posse.) Nihilominus, aiebat, se jura nil curare, sed verbo suo niti quod potius esset quam plurimorum attestaciones iuratas.

Quum igitur tam falsis persuasionebus multi procerum se in tantas precipitent absurditates & fraudibus non raro suam potentiam armentis inde rectissime in iure cautum est, (*l. 9. C. de test. c. 10, c. 23. extra eod.*) quod unius testimonium nullum sit, etiam si vel ab homine in summa dignitate posito proferatur. *arg. c. ego solus. dist. 9.* Si enim tam multum in testimonio exhibendo valere deberet dignitas, quantum multi sibi hac prerogativa vendicant, certe vix mortalium quis tutus foret. Proinde quoque is, qui terrigenum omnium viscera & corda perscrutatur, eaque in manu tenet sua, testimonium unius absolute validum esse vetavit, *Num. 35, 30. Deut. 17, 6. & 19, 15. Matth. 18, 16.* Vnde etiam *Hill. cum Donell. suo part. 2. lib. 25, c. 15, l. A, & B,* omnes recte coarguit, qui vulgo *ad l. 3. de reb. cred. & ad l. 31. ff. de iureiur.* unum testem ad semipleenam probationem admittere audent; ubi *Dd.* omnes falsitatis reos agit. velut etiam *d. p. lib. 24. c. 19. lit. I,* idem facit; ubi tamen *ex l. 20. ff. de questionib.* affirmat prorsus, quod unius testimonio

nio non sit credendum. Et quamvis
Gilhaus. in arb. iud. de prob. cap. 6, part.
.8, n. 14. nonnihil Principi, si super
enunciativis & narrativis verbis se
fundarit, credendum puter, ac ad cau-
sas aliquot restringat ipse narrata; ta-
men *Vimm. in disp. ad process. 16. n. 40;*
Donell & Farinac. quest. 63, in pr, atque
Covar. q. 33, n. 3, v. his accedit; sicut &
cum Valer. Max. 4. dict. memor. 1, n. 11,
omnino recte facit, quod nec Principi
solius testimonium sufficiens dici
posse ait; *iuxta eandem Iul. Clar. 5. sent. 5.*
quest. 53, n. 21. Vbi etiam in hac con-
stantia satis prudenter & pie perseve-
rat, dicens: Unicum enim singularem
testem, quantumvis excellentis fidei,
ad deponendum plane non admitto.
l. 9, C. d. test. Tantum abest, ut semi-
plene probare queat. Regula enim
certe regulatum omnium in ater-
num fixa & firma manet, quam supra
ex verbo Dei attulimus, quod Deus
solus sit verax, & omnis homo men-
dax, cui etiam Psalmi 62 versus 10,
propter vanitatem Principum, maxi-
me adstipulatur. Carnis enim secu-
ritas ubi ram magis in vanitate sua
exerit sese, quam ubi potentia pro-
priae dignitatis enitescere gaudet?
praesertim si per titillationem adula-
torum maiores acquirat vires? Pro-
inde

inde aureū est monitum, quod Gail. 2, *obs.* 5, 6, n. 9, habet. Pertinet enim (inquit) ad officium Principis boni, curare, ne dilectionem proximi offendat, aut iustitiam violet, neve tempestatis potius, quam potestatis plenitudine utatur. Ut præclare monuit Zas *conf.* 10, n. 7, *vol.* 2. ubi sic scribit: Scio, boni Principis potestatem ad tutelam subditorum, & ad iustitiam afferendam esse amplissimam. Cæterum ut iniuria subditis fiat, illic Principis potestatem non agnosco; sed Tyranni. Idenim dicimur posse, quod honeste possumus. *text. not. in c. fin. §. fin. de rescript. in 6, &c. faciat. 22, q. 2, gl. in Clem. sepe. in verb. poterit. de V. S. &c.* Cognoscatur ibi Gail plenius, quem in manibus plurium novi, prout locus est perquam eximie explicatus.

Quum igitur Principes propter absolutiorem libertatem, qua pollent, potentioribus, quam reliqui mortales, obnoxii vivant affectibus, proinde exempli huius speculum adducere volui, ut rectius in tam illustri imagine se intueri penitusque cognoscere discant. His cotidie Aufonius hoc occiniscum: Quanto plus liceat, tanto lubeat minus. Velut igitur mendaces nullatenus decet esse Principes: ut *toto cap. 15, lib. 2, id præclare explicat Dn.*

Carol.

Carol. Scriban. in polit. sua Christiana; sic etiam optime Chockier, in thes. pol. aphor. lib. 2, cap. 14, fidem negat ullis ex causis violandam, ullaque ex parte labefactandam esse. Etenim, ait d. l. c. 15, inexprimibilis est religionis, fidem fallere, idque facinus haut inultum Deo relinquitur. quod etiam in aliquot declarat exemplis. quem quis ibi consulere poterit; quum nobis ad alteram quaestionem sit iam procedendum; quæ non minoris est ponderis. Et Scribanius, in pol. sua, d. c. 15, lib. 2, ait: Scio, non defuisse, qui dicerent, non servandam fidem, si obstringi se Principi voluntas defuisset; si promissi poenitentia accederet, si mandati executioni sponsio non posset. Barbaræ hæ mihi semper visæ sunt voces. Nam quid spondere certi mihi possum, si ad tacitam Principis mentem in omni sponsione decutrendum? Quæ fœdera, quæve pacta stabunt? Aut quæ securitas in humanis? &c. Regula certe suorum Princeps est, & exemplar morum. Item: Si in omnium ore turpe mendacium sit, turpissimum in Principis est: cuius verba divinis eo similia esse debent, quo proprius ad Deum Princeps dignitate & imperio accedunt. &c. Vide & consule Scribanium, in pluribus optime hæc tractantem.

CAP. XVIII.

*An fœdus & bellum pari passu
ambulent?*

DVm ita per ambulacta multiformia, & ambages propriæ inventionis ambulant mortales, necesse est, ut etiam sæpius in sui erroris incidant spinas. Nescio, quei fiat, quod ita homines somnolenter prorepant ad mutuæ concordia, pacis, proximique dilectionem, quum tamen Iehova in hanc omnis gratiæ suæ favorem deposuerit. Et Christus mansuetos & mites nos imitamine suo reddi cupit. ideo tam suaviter. *Matth. 11*, ad se omnes convocat, quotquot, modo ipsius blandissimam audire vocem exoptant. Ac quid aliud intendat omnis fœderis compactio, quam Iehova nobis toties in Christo offert, inque Verbo suo dulcissimo inculcat? Non sane hoc fœdas belli indictionem importat, nec tale ius constituit, quod nos arma proliciat. Quis est tam audax qui Iehovæ hanc auctoritatem adscribere velit? Ille potius ita compellat Abrahamum, fœdus cum eo initurus: Ne timeas Abraham, ego sum clypeus tibi, & merces tua ampla valde. *Gen. 15, 1*. Item:

Ego

Ego sum Deus fortis , omnipotens ;
indefidenter ambula coram me , &
esto integer : & disponam fœdus
meum inter me & te ; & multiplica-
bo te quam plurimum. *Gen. 17, 1,*
& 2. Ita quoque pacis in modum fœ-
dus inter se confecerunt Abimelech
& Abraham. *Gen. 21, 23*; quod etiam
cum Abimelecho Isaac renovavit.
Gen. 26, 29, & 30 ; ut *supra explicatum*
est.

Hæc autem in eum finem dico , ut
pareat ex his & aliis pluribus Verbi ex-
lestis locis, quænam propria & genti-
na seu essentialis natura ac intentio
fœderis proprie sit , & quam longe di-
scerepet ab ea , quam nonnulli Icti &
Politici, in æquipollentia belli aut eius
iuris, ipsi affingunt. Sunt etenim, qui
ius belli & fœderum pari passu ambu-
lare, haut verentur affirmare; atq; eam
sententiam ita disseminarunt , ut pro
Maxima prope habeatur. Sicuti Engel-
brecht, in *disp. sua de iurisd. Imperij. th.*
66, lit. 6, ius indicendi belli ad absolu-
tam potestatem Imperatoris Romani
referens, cum inter fœderum connectit,
propter hanc causam, quod uniformi-
tatem hanc in æquali consistentia ha-
beant. Verba eius sunt: Pari enim passu
ambulat ius belli & fœderum. In utro-
que consistit fere summa totius Rei-
publicæ.

publicæ. Inde populus Romanus omnia fœdera, omnes sponſiones, iniuſſu ſuo factas, nullas pronunciavit: ut ipſius rei exempla multa habet Livius. Ad Auguſtos translato Imperio penes eoſdem ſolos ſteſſiſſe hoc ius, demonſtrat ex *SCto de Imperio Veſpaſiani*. Ant. Vacca, *ad l. 1. ff. de conſt. Princ. &c.*

Eodem modo Matth. Stephanus, *acad. diſc. 16, n. part. 1, ſect. 1, memb. 1*, fœdera ſoli deſenſioni adſcribens, hanc approbat ſententiam, ubi ait: Quum vero pari paſſu ambulent iura belli & fœderum, &c. ad paria quoque iudicari debent. *l. 12. l. 13. ff. de leg. l. 3. C. eod.* Quemadmodum igitur bella de rebus, ipſum Imperium concernentibus, Imperator movere, ita etiam fœdera aut ligat, non ſolum cum exteris, ſed etiam cum illis qui inter ſe Imperii viſcera complectuntur, irrequiſita ſtatuum Imperii vel ad minimum ſeptemviro- rum conſenſu, prohibetur. *aur. b. tit. 15, Sleyd. d. lib. 7. comm.* Quod affirmat in- nutentio pacis provincialis *Vermatia data ann. 1495. &c.* Fœdera tamen publicæ pacis & ſecuritatis cauſſa ſer- rere, non eſt prohibitum. *d. t. 15, aur. b.* Principes enim accurate tueri de- bent conſtitutiones imperiales, & ſe- veriter coërcere omnes, cuiuſcunque ordi-

ordinis, status aut conditionis sint, pacem violantes. *Erenb. de fæd. 1, c. 2. n. 236.* Sic quoque, ad legitimam defensionem fædera inita licita esse, docet *Mynf. cent. 6, obs. 2, num. 4.* Hæc enim fædera ad bonum & licitum finem tendunt. *Erenb. d. l. num. 128, inf.* Nam aperta veritas id docet, & experientia cotidiana testis est ὁ ἔξις, quod, velut concatenati annuli in catena, alter alterius vigore cohæret; sic etiam status unus alteri tutelam & conservationem contra vim hostium exhibeat, &c.

Utriusque viri verba satis apposite prolata videntur. Sed si penitius rem intuearis, ferme similem invenies absurditatem, ac *superius in parte prima*, in eadem loquendi formula, indicavimus, quam *Arnifz* habet, *in vel. pol. lib. 1, c. 3, sect. 1, num. 56*; ubi ille ausus fuit plus quam absurde eadem & servitutem ita essentiali conglutinatione inter sese componere, ut pari passu illi ambulare dicerentur, quum putet, quod bona fide & integra conscientia quisque miles iure interficiendi aut cadendi in omni bello uti possit, ob probabilem ignorantiam, licet ipsi non de omnibus articulis iuris constet, cuius intuitu bellum sit inchoatum; quum hoc ex servitute de-

debita, quæ nequeat iniustitiæ accu-
sari, præstet. An vero aliquis integræ
conscientiæ, id est, pius interfector
proximi sui, absque speciali mandato
Iehovæ possit dari: & num tali con-
scientia, sanguine proximi conspurca-
ta, ac præsertim si causæ suæ boni-
tatem & iustitiam ignoret, & tan-
tum altetius cruentæ libidinis servum
pro conducto precio se præbeat, pius
esse, ac ita integrum in iudicio extre-
mo Christi se sustinere queat, id præce-
ptum illud decalogi, Non occides,
dijudicet. Talis cruenta conscientia,
& interficiendi muneri cum cupidita-
te crudeli dedita, quale præmium me-
reatur, supradictum est. Duplex ea
mundi conscientia & iustitia eius,
quæ simul pietatem simulat, & proxi-
mum suum occidendo necat, quo no-
mine censenda veniat, satis ipse Chri-
stus iudicio sui determinat verbis:
Matth. 5, 20. & 6, 24. An mala con-
scientia sit bona? an falsa, vera? an
cruenta, pia? O perversam eam igno-
rantiam, & crudelitati involutam.
Apage ex cœtu Christiano cum bifida
illa bifidæ conscientiæ ignorantia.
Nil enim aliud ea est, quam axioma-
ta fallaciarum, quibus totus mundus
sub specie iuris proprii confunditur,
ipsique dynastæ in altissimam securi-
tatem

tatem conscientiarum dilatatarum
conficiuntur. Iuris bellici auctores
videant ipsi, qualem sibi iustitiam in
novo Testamento conficiant. O mo-
do intelligerent, quanti sit, *iuxta Osee*
dict. c. 10, 12, & 13, vere seminare sibi
ad iustitiam! &c. Heic potius in veri-
tate solida illud proferre licet, quod
Regnum Dei & iustitia eius pari passu
rite ambulent; & è contra iniustitia
sive crudelitas cum Regno diaboli:
qui fuit homicida à principio, & men-
dax. *Iob. 8, 44*. Vitium mortalitatis est,
prurire nova, ac nauseare præsentem,
qualiscunque tandem sit, statum &
conditionem: *vide Pierre Charen lib.*
1, de la sagesse, c. 38. 52. Qui in liberta-
te vivunt, regnum expetunt: qui in
regno, libertatem liberiores. Turbu-
lenta nimirum hominibus data sunt
ingenia, qui plenam nec libertatem,
nec servitutem, pati possunt, aut re-
cte intelligunt. *Viet. de caus. exempt.*
imper. concl. 10. Pruritus hunc præ-
posterum maxime heic promovet,
qui fœdera prorsus æstimant inutilia,
nisi cum bello determinentur; imo
& affirmare audent, fœdera non de-
bere esse absque bello. Ideo conclu-
dunt sat absurde, utraque eandem in
combinatione essentiae habere exten-
sionem.

An David cum Ionatham fœdus tale contraxit? 1, *Sam.* 18, 1, & 3. Verum ut eo clarius atopon hoc deprehendatur, verba locutionis istius prius examinabimus paucis, & inde mox evidentiam erroris detegemus. Omnis enim cognitio non poterit melius, quam ab ipsius vocabulis, inchoari; quum eorum perceptio vera ad rerum intelligentiam omnino conducibilis sit; ut ait *Erenb. lib. 1, de fœd. cap. 3, num. 3*. Hoc enim pacto possumus significata distinguere, ne in æquivoco procedamus. *l. 9. ff. de off. procons.* Unde Icti tam diligenter verborum significationes sunt persecuti. *l. 204. l. 195. de V. S.* Neglectus talis enim verborum, rerum parit incertitudinem. *Qldend. clas. 4. act. mand. Erenb. d. l. num. 4.*

Passus igitur, qui à *pandendo* & *extendendo* ita dicitur, quando pedes ad eundem extenduntur, nihil aliud est, quam actus ille, qui pedum motu in progrediendo denotatur. Ab eo enim, ait *Gell. lib. 15, cap. 15*, quod est *pando*, *passum* veteres dixerunt, non *pansum*. In quo tamen *Gisanius* contrarium simul defendit, quod recte ab auctoribus *pansum* & *passum* dictum fuerit. quod & exemplo illustrat verbi *scando*, à quo *scansum*. *Taubm. in Plaut. not.*

not. ad mil. glor. act. 2, sc. 4. Et *passus* manibus, & *velis passus* dicimus, (ait Gell. ibid.) quod significat *diductus* atque *distentus*. Plaut. in Stich. act. 2, scen. 3. Actus ergo ille cum spacio simul extensionem continet; unde *passus* geometricus, qui spacium quinque pedum determinat, conficitur. Ex quo *passus* descendit, quasi in omnibus *passibus* undique. Et Virg. lib. 2, *Æn.* ait, *passibus æquis*; quibus paritatem progressus denotat, ac si *paribus passibus* dicere vellet; quod in æquitate graduum simul procedant. Si autem *passus* non sunt æqui, tunc deest illa motus mensura, quæ paritatem conficere debuisset; ut idem ait: ---- Sequiturque patrem non *passibus* æquis. Ita *par* quoque ad facultatem mentis accommodatur; uti Cicero loquitur in *clay. orat.* Si *par* in nobis atque in illo fuisset scientia. Et 2, *de invent.* Scientia *par* in nobis atque illo est. quasi diceret, æque sumus docti ambo, ut alter alterum non exuperet, sed, ubi ego subsisto, ille quoque ulterius in scientia progredi non valeat. Unde *par* etiam pro *duobus* accipitur, qui inter se sunt æquales, & convenienti vivunt natura: similes, aut eiusdem generis. Ceu & Taubm. ad Plaut. pag. 56, lit. C. notavit. Ac senex in Trin.

act. 2, sc. 2, v. 3, ita cominonet adole-
 scentem filium : Feceris par tuis factis
 cæteris , patrem tuum si percoles. Sic
in mercat act. 3, scen. 4, 44 : De isthac
 re argutus es , ut par pari respondeas :
 Ad mandata claudus , cæcus , mutus ,
 mancus , debilis. In *Perf. act. 2, sc. 2,*
v. 41 : Par pari respondes dicto : Abi
 iam , quando ita certa res est. Quibus
 locutionibus rei æquipollentia descri-
 bitur , ut dicto eadem cuique insit pa-
 ritas , quæ passibus , & , si bona verba
 proferantur aut facta , eadem responsio
 ipsi sit.

Simili modo istis rebus plane con-
 venit illud *ambulationis* verbum ;
 quod passibus rite propter pedum mo-
 tionem applicatur ; quamvis & na-
 ves recte ambulare dicantur ; *Taubm.*
in Plaut. Menach. act. 2, scen. 3 ; quia
 remisunt appellati pedes ; ut ait *Au-*
son. in Mosella : Remipedes cerrant me-
 dio cum flumine lembi. *Turneb. lib. 18,*
cap. 15.

Exinde igitur I Cci æquipollentia si-
 bi confecere. Et quum æquipollen-
 tium eadem sit natura. (*Ruin. leg. Gal-*
lus. §. & quid. num. 14. ff. de lib. & posth.)
 paritates semper in eodem passu acci-
 piuntur eadem , ut in æquipollenti-
 bus nihil intersit , quid fiat. *Thom. ing.*
cons. 26, num. 105, tom. 1. Namque
 velut

velut paria sunt non facere, vel non com-
mode facere; Gilhaus. arb. iud. c. 6, part. 1,
de Prob. §. 4, num. 2: Ita quoque eadem
sunt falsum dicere, & veritatem suppri-
mere. id. c. 6. part. 2, art. 1, de test. num.
130. Bald. in l. presbyt. C. de Epis. & cler.
Curt. Sen. de testib. n. 30, concl. 15, Quem-
admodum & paria sunt, nominatim
quid exprimere, vel per relationem ad
aliud. Myns. 6, obs. 81, n. 8: aut, manu pro-
pria quid scribere, & , subscribere. Tfeil.
cent. 1, cons. 39, n. 1. l. 1. ff. de const. Princ.
Item, paria sunt, fieri sine lege, vel contra
legem. Toming. vol. 2, cons. 12, num. 68.
Velut etiam, per semetipsum quid facere,
vel faciendum mandare. Id. Vhom. d. vol.
cons. 16, num. 6. Paria quoque sunt,
quid non esse, & non apparere. l. in lege ff.
de contrah. empt. Thom. vol. 2, cons. 7, num.
63. Sic paria sunt, scire, & scire debere,
& nolle scire. Strasburg, cons. 1, n. 16.
Tirag. de retract. ad fin. tit. n. 43. Velut
etiam, nolle, atque non posse. Id. Strasb.
cons. 7, n. 33. Sic, fieri aliquid tempera-
licito, & , conferre in tempus permissum:
seu, productum esse, & , in productionem
directum esse. l. arrogato. l. adoptare. ff.
de adopt. Thom. vol. 1, cons. 1, num.
38. Nam de consistentibus in actu &
potentia idem iudicium est interpo-
nendum. l. vivere. ff. de stat. hom. l. possi-
rem. ff. de transact. l. foramen. ff. de ser-

ut. rust. pred. Vti etiam æquipollent,
de lucto iam radicato, & , de damno vi-
tando certare. Thom. vol. 1, cons. 40, num.
30. Paria quoque sunt, *facere aliquid*
coacte, & , timore coactionis. l. novissime.
& ibi Bald. ff. quod fals. tut. auth. Per
 quem textum dicit etiam Anchar.
cons. 159, num. 1, ad fin. col. 2, & 3, quod
 is, qui scit se compelli posse, dicatur
 facere coacte, licet se sponte dicat fa-
 cere. Idemque in *cons. 88, n. 3,* scribit,
 iustum esse timorē etiam tunc, quum
 recessum est ab armis, si eadem adhuc
 imminet potentia nocendi: utpote
 quæ idem operatur secundum eum,
 quod nocere actualiter. *per text. C.*
Pisonis. de restit. spoliat. & l. Labeo ff.
de stat. liber. Thom. vol. 1, cons. 13, num.
178. Nam velut parium eadem est
 potentia, nec maior; *l. 1, §. vetere. ff. de*
acq. poss. quum parium eadem sit na-
 tura: ita parium paria sunt iudicia. *l.*
servum. ff. de leg. 1. Vnde & paria de-
 liicta mutua compensatione tolluntur.
l. viro in fin. ff. sol. matr. Quamvis
 igitur par, non est idem, tamen pari-
 tas rationis, dispositionis paritatem
 efficit, (*l. illud. ff. ad l. Aquil.*) & ad
 identitatem quamdam quid reducit,
 ut pro eodem habeatur: quia paritas
 rerum, arguit paritatem iuris. *Damb.*
de simil. & par. in pr. Cui paritas vin-
 culi

culi paritatem iuris inducit. *l. si reliquero. ff. de legit. tur.*

Ex quibus iam constat, qualis hæc locutio sit, de paritate fœderis & belli; quasi nullum fœdus dari possit absq; bello; quum paritas iuris & vinculi naturalis illis inhæreat ambobus, & ex necessitate ea combinari ita cogantur, ut actus utriusque sit necessarius. Quod si hæc res se ita habet, nullum certe aliud fœdus dari potest, quam defensivum; & quidem tale quod bellum simul importat. Iam vero supra ostensum est, *in divisione fœderum*, quod tot eius dentur species, quot fines & conditiones pactorū in coëundo fœdere determinantur: quod etiam ita late se extendit, ut quædam fœdera proprie, de quibus hucusque egimus, & quædam improprie sic dicta fœdera inveniantur. Num igitur tam late quoque, bellum excurrat, ut illud in quovis fœdere per naturam eius requiratur, & eidem naturali hac connectione includi debeat? Absurdum certe, & plus quam absurdum est. Sic enim quot fœdera in sacra Scriptura conciderent? Nec ipse Iehova in fœderibus suis, quæ cum Patriarchis & fidelibus pepigit, *ut supra demonstravimus*, satis constaret sibi; quem tamen auctorem unicum legitimorum fœde-

rum omnes agnoscimus. Impium est, hoc affirmare, & blasphemum. Si vero quis forte in fœderum numero hæc habere noller, idem gravius in verbum Dei impingeret. Ipse enim Iehova quod toties fœdus appellat, cum tantis promissionibus & tam sollicita cura pro suis, id neminem fœdus esse inficiari decet: quia ipse Iehova est, qui loquitur, perficiens etiam quæ locutus est. Cœlum & terra facilius transibunt, quam minutissimum sermonis cœlestis verbulum; ut ipse Iehova Christus testatur. Tum etiam, si principalis finis est, quem rite determinat Erenb. lib. 1, de fœd. c. 2. n. 229, conservatio pacis publicæ, iuxta l. precipimus. C. de appell. & Myns. cent. 6, obs. 2: quæso an non possit aliis mediis comparari, quam bello in fœderibus? Quem locum heic merebitur fœdus in commercis fundatum? Quonam recedit fœdus religionis? quum ipse Erenb. confiteatur, quod religio nec possit, nec debeat armis aut bello defendi aut propagari: quum nemo quoque vi humana ad religionem cogi queat. lib. 1, de fœd. c. 2, n. 14. (in quo sibi contrarius apparet nonnihil lib. 2, c. 1, num. 14.) Quorsum concedent, quæ civilia fœdera facit? Erenb. lib. 1, d. c. n. 18, pag. 127. Sed & ipse Matth. Stephanus, part. 1, disc. acad.

16, *sect. 1, memb. 1, p. 201*, ait: Huc pertinent fœdera, ob consilia varia, calida & callida, ad furias hominum reprimendas, ad alastoras delendos, ad profligandâ subditorum rebellionem. &c. An vero talibus non potest alio succurri pacto, nisi id bellum perficiat? O quanta est virtutis clementia, amica benignitas, iustitiæ verus tenor, pietas, & dilectio proximi? Harum vires si recte considerarentur, non tot sufflatores belli & incendiarii inveniuntur. Sic & Erenb. sibi heic contrarius est, dum affirmat, *lib. 1, c. 2, num. 55, defœd.* quod Christianis licitum sit bellum gerere. Ergo (concludit) multo magis fœdera contrahere. quod tamen *sup. s. 14*, admodum improbat.

Sed omnis error huius locutionis, quem in pari passu fœderis & belli foveat, dumque defœderis natura belli inclusionem esse putant, inde est, quod non recte distinguant inter finem fœderum universalem & particularem; item quod ignorent quem locum bellum in definitione fœderis defensivi aut vindicativi sibi proprie adscribat. Etenim quod de fœdere in defensione armata dici potest, id certe non accipiendum est indistincte de omni fœdere. Tum quoque quod loco causæ
instru-

instrumentalis est, non potest dici finis. Erenb. *lib. 2, de fœd.* inter alia errata simul hoc quoque ostendit in pacis attributione; quam ita generis loco ponit, ut comprehendat reliqua fœderum genera. *lib. 2, de fœd. c. 1, n. 27.* & Servius quoque fœdus definit pacem. *Isid. lib. 18, cap. 1. Etym.* Licet hæc locutio definitionem ipsius, quam in *antecedentibus, num. 14,* asseruit, (ubi genus fœderum constituit pactiōem publicam, & conventionem,) ac semetipsum simul refutet in eo, quod bellum omnibus fœderibus dispositive iustum attribueret; *lib. 1, c. 2, num. 55, & 56:* attamen, si ita pacem generaliter accipiat, aut admittat, ut generalem amicitiae, concordiae & fœderis demum effectum denoter; propius veritatem attingere videbitur. Etenim si quid est, quod cum fœderibus pari passu ambulare possit, hoc certe est amicitia & concordia, quæ perpetui comites esse debent fœderum omnium; quum sine harum essentia neque amor sit neque fides. Quippe ex amore & fide, si necessitas alterna accedat, componitur & profluit fœdus, quod simpliciter amicitiam præsupponit, quæ animam fidei ipsi inspirat. Quare etiam in hoc errat Zwingerus, in *moralis sua philos. lib. 1, cap. 7, tit. de amicit.*

amicit. spec.; ubi duas has amicitia species accidentales facit, amicitiam publicam, & pacem; quum tamen inter accidens speciei & effectum ingens sit discrimen. Christus ipse vult & constituit in omnibus amorem proximi, ut inde huius & æternæ vitæ pacem consequantur, *Luc. 24, v. 36*, sanctissimo voto apprecatus est.

Ideoque cum verbo Dei & Christi potius præcepto heic concludimus, quod amicitia & concordia, non bellum & cruenta vis, (nisi ex accidenti speciali, *ut loquitur Zuing. d. 1*) pari passu cum vero, solido & Christiano fœdere indefinenter ambulare debeât; alias fœdus est falsum & hypocriticum, suo vero destitutum fundamento. Aureum certe Proculi solemne illud fuit; quod propterea quoque tanquam caput generale initiis fœderum apponere consuevit: **A M I C I T I A E S T O.** *ceu hoc ex Briffon. lib. 4, fol. 402, Alter. Gentilis de iur. bell. lib. 1, c. 13, refert. & Erenb. lib. 2, c. 1, v. 27, id approbat.* Idem & heic quoque firmiter decretum maneto: **A M I C I T I A E S T O;** non fucata, sed vere vivida, & integre sancta.

C A P. XIX.

De fœderibus improprie ita dictis, & cognatis eorundem.

Fœderis naturalis vinculo, quod alias coniugium dicunt, imitamen iucundum exhibent ea fœdera, de quibus hactenus egimus, quæ & propterea proprie sic dicta indigitantur. Althusius vero, *Polit. sua c. 7. cum Alb. Gent. 1, de iur. bell. 3; Petr. Greg. lib. 11, cap. 11; Hæn. d. disp. th. 2, c. d. & Menoch. conf. 99, n. 39*; fœderum distinctionem facit plenam, & non plenam, vel ex parte quadamtenus plene factam. Plenam dicit confœderationem, quæ alii in alterius regni iura adsumuntur tanquam corporis membra. Non plenam putat, quæ diversa regna, salvo iure maiestatis. certa fide pactorum coeunt, & se mutuo obligant. Cui adfingi facit confraternitates, protectiones, &c. Sed quum hæc distinctio plane inversa sit, ut merito plena fœdera repræsentent eas confœderationes, quas ille non plenas sive semiplenas vocat, & è contra: nolui in supradictis mentionem huius divisionis facere. Etenim nihil magis inimicum est fœderibus, quod eorum naturam

ita

ita subvertat funditus, quam si quid imperii iis aut iurisdictionis immisceatur: quum non tantum subiectionem nullam agnoscant penitus, (*Erenb. d. fœd. lib. 1, c. 3, n. 44. & lib. 2, c. 2, fol. 148. Bocer. cap. 1, de crim. lœs. maiest. Cam. de Reg. dis. 5, th. 96,*) sed etiam in universitatis formam talem coire prorsus recusent. Fœderati enim unum quidem corpus, non autem eandem Rempublicam subire & repræsentare possunt. Si imperium & subiectio mutuo inter se concurrant, statim fœdus nomen amittit, & Reipubl. formam induit. *Menoch. conf. 99, n. 39. Bodin. 1, de rep. 7, n. 71. Erenb. d. lib. 1, c. 3, num. 9, Cas. 3, spher. civit. 9, q. 2. licet Cameraarius, d. d. th. 97. id nonnihil dissimulare frustra conetur. Velut nec fœderati statim iisdem privilegiis eiusdem civitatis aut Reipubl., cum qua fecerunt fœdus, fruuntur. Bod. in method. hist. cap. 6. Ideoque merito, & quidem optimo iure, fœdera ea plena facimus cum aliis auctoribus, (si distinctio hæc ita acceptanda foret) de quibus hætenus locuti sumus, quæque ad proprie dicta fœdera retulimus: quum omnis superioritatis, propter plenam libertatem, cui unice incumbunt, prorsus nescia sint, & in capacia dici adament. Semiplena vero rele-*

relegamus ad ea, quæ improprie fœderum nomen sibi vendicant. Sunt enim hæc talia, quæ quidem similitudine aliqua repræsentant fœdera proprie sic dicta, sed tamen vel aliquid successionis more testamenti sapiunt, & id ambiunt, vel ex imparitate aliqua vitium potentia aut conditionis quidpiam subiectionis patiuntur & tacite agnoscunt, vel ad tale quid respectum habent. Hinc improprie dictum fœdus, *iuxta Kecker. syst. pol. c. 24, lib. 1*, iterum laxius est, vel arctius.

Laxius huiusmodi fœdus inter patronos seu defensores aut protectores, & eos, qui eorum defensionem se committunt, percutitur. Quod genus fœderis (quamvis & sine fœdere clientela aliquando esse possit, *Bod. 1, de rep. 7, n. 68.*) Latini patrociniū & clientelam, iuniores advocatiam, Galli *avouerie ou avouerie*, vocant, *Bod. lib. 1, c. 6, n. 585. & 1, de rep. 7, pr. & n. 67. & c. 9, n. 108.* Hinc ortum ius patrocinarum, clientelæ, advocatiæ, Germanice *Schutz & Schirmgerechtigkeit*, *vogtey*, appellatur. *Gail. 2, Obs. 54, n. 1, & 2.* Dicitur item *Mundeburdium*, vel *Momburgium*. *Knich. de subl. terr. iur. c. 4, n. 328, & de Sax non prov. & c. c. 1, n. 494. VVesserb. cons. 48, num. 14. Ercub. 1, de fœd.*

4. n. 13, & seqq. Patronos advocatos vult dictos Besoldus, lib. 2, pol. c. 6, th. 27, non ab *advocando*, sed à Germanico *vogt*, & vocatur alias *fædus clientelare*. Ius autem eius nihil aliud est, quam ius defensionis, per patronum clienti, contra iniuriam aliorum, & vim maiorum, præstandæ: pro quo cliens vicissim patrono ad observantiam & annum plerumque honorarium obstringitur. *Bod. d. c. 7, n. 68. Knich. d. c. 5, num. 494.* Estque temporale, vel perpetuum; quod & hæreditarium, Germanis *erbschutz*, appellatur. *Petr. Frid. Mind. lib. 2, de mand. extrah. cap. 14, n. 2.* Item simplex, vel cum aliqua iurisdictione coniunctum. *Knich. d. c. 4, de iur. terr. n. 335. Thom. Mich. disp. de iurisd. th. 55. Paurm 2, de iurisd. 9, num. 24. Myns. cont. 2, decis. 13. resp. 3, n. 9. Erenb. 1, de fæd. 4, num. 16.* Alia denique advocatia superior, alia inferior. *Knich. d. c. 4, num. 733. Paurm. d. c. 9, num. 23.* Quamvis autem hoc ius advocatiæ nullam patrono in clientes suos iurisdictionem per se tribuat, quum tales clientes officiantur subditi; (*Gail. 2, obs. 34, n. 1. Tholoz. de rep. lib. 11, c. 11, num. 6:*) tamen multis in locis hodie à subditorum conditione non parum differunt. *Erenb. d. c. 4, n. 15.* quum aliquid iurisdictionis ta-

cite vel precario submiscere soleant
 potentiores, ceu etiam in aliquot mo-
 nasterijs clarum est. *Besol. d. l. 1b. 24.*
 Nam inter reges, & eos, quos illi priva-
 torum loco habent, raro amicitiam &
 charitatem mutuam subsistere, recte ex
Petrarcha dialog. 49, lib. 1, de remed.
utr. fort. & dial. 50, 52, Erenbergius lib.
1, de fœd. c. 2, num. 22, probat. Expe-
rientia cotidiana quod docet, id re-
ctius censendum venit. Sed de bello
& principibus quidquam scribere, non
rurum rite putat Erenbergius, lib. 1, de
fœd. c. 2, n. 56, ad fin. pag. 166; & c. 1, n.
74, pag. 62. Nec addenda sunt huic
perdito seculo irritamenta malorum;
quod multi temere faciunt. Nam utri-
usque nimis acris est severitas, si quan-
do ingratum quid ipsis oggeritur. De-
cet tamen sapientes viros, non ea quæ
ante pedes sunt, curare, sed finem
potius prospicere; præsertim quum
non immerito Bodinus, lib. 5, c. 6, hoc
fœdus periculosissimum esse tradat, si
non ex iusta causa & necessitate susci-
piatur, utpote quod sæpius fœcundis-
simam belli materiam exhibeat, ex
qua imperiorum & civitatum subver-
siones sequantur. Patrocinium enim
prima fronte ex amicitia & officio
originem trahere videtur; sed tamen,
quum merces intercedat, quæ amicitia

con-

contraria est; patet inde, quod conductio quædam subit, servitutis speciem quæ patrono officii & protectionis ratione porrigat : unde clientes facile in subditorum formam transmigrant. Hæc plurimæ occurrunt quæstiones : An protectorum electio Rebus pub. profuit? *Frid. Mindanus, lib. 2. de mand. extrab. 1, 2, n. 7,* distinguit inter advocatiam perpetuam & temporariam. Deinde, quæritur : An quis se possit in protectionem alterius principis dare, inconsulto suo Domino, ut ipsi per hoc non præiudicet? *Vide Gail. lib. 1, de fac. pub. cap. 4. Thom. Mich. diss. d. th. 138. R. abscheyd de anno 1540, §. 4.* Quis vero, an proxime superior, eligendus, itidem quæri solet? *ex parte. de privileg. Frid. Mind. d. c. 2, n. 12. V. Vesemb. cons. 48, num. 5, id affirmant.* An protectio vero iurisdictioni Domini ordinarii quid detrahat, dubium est; quum defensionis dignitatem nonnulla iurisdictionis sua natura comiteretur. *Negat. Gail. 2, obs. 54, n. 3. Frid. Mind. c. 2, num. 13. Tholosan. lib. 1, c. 11, n. 6. Bod. 5, de Rep. 6, n. 610.* An patronus clientibus ius dicere queat, si subiectionis iuramentum ipsi præstiterint, quæritur ulterius. *Negat Erenb. 1, de fæd. c. 4, n. 13. Gail. d. l. n. 8, & seqq. ex l. 2. ff. de his qui sunt sui.*

Improprium deinde, & quidem laxius adhuc fæderis genus, & illud est, quod inter Principem & eius tributarios initur; eos nempe, qui à potentioribus victi pacem acceperant: hac tamen conditione, ut iura maiestatis retineant, victoris vero maiestatem committer observent, eique, ut libertate & pace fruantur, tributum annuum solvant. *Bod. d. C. 6, n. § 82. Casman. c. 66, polit. in fin.*

Tertio, est adhuc confæderatorum genus, quod improprie ita atctius dictum volunt; quod propter libertatem nimis contractam illis flebile & miserabile appellatur; quod etiam similitudinem habet cum beneficio cessionis bonorum, ut ait *Arum. l. 7, l. 8. C. qui bon. ced.* Atque hoc est dedititiorum, quando victi in victorum tutelam concedunt, illisque leges dicuntur tales, quæ libertatem eorum plane imminuunt, ad fædus tamen aliquod cum victoribus admittuntur. *Vid. Erenb. 1, de fæd. cap. 4, num. 6.* Licet inrer se differant admodum in fidem & fædus venire; tamen heic ambæ confluunt conditiones, ut exigua inter eos & subditos sit differentia.

Sunt quidem & alia genera, ut est fædus inter homines sanguine iunctos, qui

qui certam ob causam pacta inter se constituunt; quod fœdus Imperator naturale vocat. in *l. cum qui* 19. *C. de Episc. & Cler.* nec non fœdera inter collegas liciti collegii inita. *roto 2. ff. de coll. & corp.* Quæ tamen quum rectius adsequens genus referantur, eo quoque inclusa volumus. Item de fœderibus quæ coniugio contrahuntur. consule *Coster. in pol. 8, c. 24, §. 6, & seqq. ac Erenb. d. l.*

Commodissime igitur subnectenda heic sunt fœdera hæreditaria, quæ nostrates confraternitates dicunt. Atque hæc constant ex pactis successionum vicissitudinariis, tam inter diversas familias, quam inter agnatos eiusdem familiæ. *Bers. de pact. famil. ill. c. 5, ubi plene de tali materia agit.* Quale fuit inter Saxonix Duces & Principes Hennebergenses, reciproco iure succedendi approbato. *Spangenberg. lib. 5, hist. Henneb. c. 53, pag. 272. Erenb. 1, de fœd. pag. 153.* Et durat adhuc tale fœdus inter Thuringiæ & Hassiæ Principes institutum anno Christi 1262; ex bello novenniali ortum, quod Henricus gessit cum Sophia S. Elisabethæ filia, desponsata Duci Brabantino anno 1268. *In Chronolog. Chytrai.* Atque tales esse de iure concessas confæderationes, probatur ex *l. sodales. de coll. & corp.*

Tiraquel. in tract. de primog. q. 6, num. 5. Zaf. conf. 1, num. 8, lib. 2. Deci. conf. 516, 645, 524. Alexan. conf. 91, lib. 8 Erenb. 1, de fœd. c. 2, n. 35, pag. 141. Est aliud genus fœderis, quod unionem prolium dicunt; quod etiam ad pacta acquirendæ successionis facit. Vtrum autem coniunctio hæc vel unio prolium de iure subsistat, Gailius, 2, obs. 125, post multas dubitandi rationes, affirmative satis probat. Vide Betsium d. l. pag. 131, c. 5. Ita quoque dantur pacta familiarum illustrium in unionis hoc genere circa matrimonia, ut eorum promiscua libertas, in dedecus earum tendens, statutis pœnalibus coerceretur. Vid. Bets. d. l. c. 6, ubi plene rem pertractat. Similiter & talis confœderationis pacta habentur de tutelis illustrium personarum; de quibus itidem Bets. agit l. d. c. 6. Talia, & huius generis fœdera plurima, recenset Erenb. lib. 1, c. 2, ac potissimum in popularibus & optimatum imperiis, quæ ipsa quodammodo sempiterna sunt, locum habent. Nam in Monarchia, principum interitu societates ac fœdera dirimuntur, auct. disp. 28, apud Arum. disc. acad. th. 87. Schonb. lib. 2, pol. c. 13. Ad vigorem autem talium pactorum superioris confirmatio, tanquam feudorum Domini, requirenda est. Gail. 1, obs. 127, n. 5.

n. 5. Et sic rite fœdera ista non tantum ipsos contrahentes, sed etiam ipsorum successores, obligant; quum præsumantur eiusdem esse voluntatis & affectus cum prædecessoribus. *Schenb. d. l. factaque*, nec non contractus Principum demortuorum, præsentium Principum esse censentur; quum Respubl. semper eadem existat. *Bald. cons. 326. Exempla unionis fœderum vide apud Col. de iur. Imp. Germ. th. 71. & Reinh. Kon. pol. pars. 1, c. 5, num. 49. Erenb. d. l. c. 2, n. 38, & seqq. Arum. in disc. 6, ad aur. bull. n. 6. Ubi omnium optime hac de re agit. Sic etiam de fœdere fratrum pactio- naliū, quod heic nunc itidem monemus, consule Erenb. d. l. n. 10, cap. 4, & seqq. & Col. sect. de iur. Imp. th. 70. Althus. pol. cap. 7.*

Adfinia autem & cognata fœderibus tandem sunt induciæ, Ordinum uniones, correspondentiæ, amicitia, &c. quæ tametsi fœderibus, sed tamen admodum abusive, à nonnullis adiiciantur; rectius tamen iis inter cognata suis assignatur locus. Nam, quod ad inducias sive pacificationes attinet, sine & toto genere à fœderibus differūt; quum in fœderibus amici inter se præstant, quod iure gentium sine pactio- ne non tenentur præstare. Induciæ vero & pacificationes non tantum

sunt inter hostes, sed etiam in simplicibus iuris gentium terminis consistunt, ne alter alterum offendat. Dicuntur quoque *belli ferie* à Varrone, à Virgilio *pax sequestra*, &c. Sunt autem duplices. Vel enim dantur ad longum tempus, siue longissimum. *Gell. lib. 1, c. 25, l. 19. ff. de capt.* Sic dabantur à Servio Tullio ad quadraginta annorum spacium. *Liv. l. 1, & 2.* Ac nuper ante annos aliquot inter Reg. Hispan. & Belgas ad duodecim annos. Vocantur hæc etiam *treuga*; quum securitatem præstitam personis & rebus simul exprimant. quas volunt dici quasi *trahens vel ferens anguam*, hoc est, inimicum, si tempus definitum finiat. *Alb. Gent. de iur. bel. lib. 7.* Gellius, *lib. 1, c. 25*, inducias dictas putat, quasi, *Inde, uti iam*; quum pactum earum hoc requirat, ut ex hoc die nihil incommodi detur, sed ex eo die postea, uti iam, belli iure omnia agantur. atque in hoc casu paci & fæderibus quodammodo induciæ annumerantur. Deinde dantur quoque induciæ ad tempus brevissimum, quæ alias *pax castrensis* vocantur. quæ ratione proprie induciæ, *Id est Paulo auctore*, sunt quum in breve & præsens tempus conveniant, ne invicem hostes se læcessant. *l. 19, §. 1. ff. de capt. & postlim.*

Sic quandoque conceduntur in duos menses, ad sepeliendos socios occisos. Et ita distant à vera pace, nec minus à fœdere.

Vniones sic quod dantur plures, ut sunt quæ causa religionis contrahuntur, de quibus vide *Coler. scđ. de iur. Imp. Germ. n. 72, 73, 74, & 75*. His adiunge quoque quæstionem: An hæc fœderum genera cum diversæ religionis hominibus recte pangantur? *n. 76, & 77*. Talibus etiam fœderibus Erenbergius, *lib. 1, de fœd. c. 4, n. 11, & 12, fol. 338*, diversos aggregat Equitum ordines; velut est Ordo S. Iohannitarum, S. Michaëlis, an. 1464; Lunæ, an. 1464; aurei velleris, anno 1477, (cuius auctor Philip. Burgundus celebratur;) Mauritanorum, ann. 1409; D. Mariæ, ann. 1420; Stellæ, 1351; S. Stephani, 1561; S. Spiritus, an. 1589, ab Henrico Reg. Galliæ introductus. Sic etiam Elisabetha Angliæ Regina per casum invenit suum Ordinem, &c. sed hæc instituta titulo confæderationem non recte exornantur, quum favoris signum sit aut gratiæ, meritive locum dignitatis attribuat talem, quem subditi quoque nanciscantur. *vid. Besold. de pol. dis. lib. 2, s. 6, n. 19. & Renih. Kon. pol. par. 1, c. 5. num. 59.*

Habent fœdera alias quoque sibi

cognatas virtutes; ut concordia, amicitia, correspondentia, benevolentia, beneficentia, candor, fides, charitas, unanimitas, conversatio, familiaritas, hospitalitas, epichæragathia, communicatio iurium, obedientia, libertas, quies, pax, securitas, tolerantia, vicinitas, &c. Sed hæc & talia alibi explicantur. nos ad ultimum huius loci pergimus membrum. *De confraternitatibus consule dissertationem Barth. Musculi. & de securitate Ioh. Geor. Bechtium, ut nimis longi sumus.*

C A P. XX.

De contrario fœderum, & eorum dissolutione.

SEd nunc pauca nobis de ipsa finitione & dissolutione fœderum pro ratione temporis subnectenda sunt. Confederatio enim perquam res est labilis & fluida, quæ simul cum animi mutatione dissipatur, si fides cum summa cura non observetur; quum tantis connexionum catenis, uti Respublica, non cohæreat. Ideo facilius contraria patitur; & ventorum varis flabris obnoxia est. Nisi enim quis ad Dei gloriam, proximi dilectionem, patriæ, libertatis subditorum conservationem, respe-

respexerit, & ut religio maiestasque salva sit, (quod heic non frustra, ex c. 14, *superius posito*, de quam plurimis admodum sollicitus, repeto; quum homines animis tam leves sint,) is finem & effectum fæderis ut non considerat, sic neque causam & principium eiusdem intelligit. Et ob dictas rationes fædera reprobata sunt in Asa Rege Iudæ. *Er. 1, de fæd. c. 2, n. 84.* Quum igitur firma Reipub. constitutione fædera minime nitantur, non semel misere deceptos invenient sese, quotquot eorum fiducia nixi, periculosis sese rebus & violentis committent. Dictum, quod vulgo notum est, *Quicquid agis, prudenter agas, & respice finem*; heic maximi valoris certe & vigoris summi est; ne absque extrema necessitate ineas fædera, nec earum spe facile quid gravius cum iactura vitæ & fortunæ tentes. Etenim fædera non tantum debent esse iusta, sed in primis necessaria. *Er. 2, de fæd. c. 1, n. 56.* Si dubitandum heic videatur; recentia adhuc ante oculos habes exempla. An ullus est, qui ignoret, & non per totam ferme Europam senserit, quid tot clades Imperium Romanum cum vicinis regnis passum sit? An quenquam caussa latere queat? Hoc certe bene dispiciendum & unice curandum est, ne ex
falsæ

falsæ opinionis persuasione confederari inter se cōtāt contra superiorem. nec prodest prætextus religionis quum in causâ Dei infelicitè gladius & arma exerceantur. Vti & Eras. Roterod. in tract. de Princ. inst. pag. 160. ait: Christi ditionem longe diversa via natam, propagatam, & stabilitam; quum ob infidelitatem dominio infideles non priuentur, (*Dan. 2.*) & ex præcepto Christi infideli Cæsari debitum tributum sit solvendum. *Erenb. 2. de fæd. c. 1. num. 85.* Eo quoque proposito bellum suscipientes raro felicem sortiti sunt exitum. *id d. l. n. 86.* Velut tragica clades Bohemica exemplo est recenti. An non Bohemi, Moravi, Sileni, cum Lusatis, anno 1619, die 31, Iulii, Pragæ, propter defensionem religionis, centum articulos concluderunt? *Act. Boh. par. 2. pag. O 2, 3, 4, & 5.* An non ex hoc capite, & aliorum confederationis fundamento, quam cum Rege magnæ Britanniæ, Belgis, & unionis Germanicæ membris, (cui tunc vocabantur,) Fridericus V, Elector Palatinus, intercedere sibi existimabat, coronam Regni Bohemici acceptavit? An non propterea Dn. Mollerus ultimo Septembris, anno 1619, ante adventum dicti Electoris Palatini ad Bohemiæ statum missus est, ut talem con-

confederationē illis explicaret, quod-
que propterea maximum heic onus
subiisset? *ad Boh. par. 3, p. C. 2.* Ca-
vendum maxime, *ait Erenb. 1, de fœd.*
c. 2, n. 84, ne utilitatis & privati com-
modi, vindicandæ iniuriæ, &c. gratia,
vel securitatem in carnis mortalis bra-
chio quærens, quis contrahat fælus.
Tantum religio potuit suadere malorum?
idem ex poëta profert lib. 1, d. c. 1, num. 45.
cui sub religionis velo multa commit-
tuntur. Sed an non Religio vera satis
bi vinculo est? Sanctum hoc nomen
à *ligando* dictum volunt, quum sit
quali liga sancta inter Deum & ho-
minem. Obligat enim hominem ad fi-
dem & obedientiam erga Deum. *E-*
renb. d. l. c. 2, num. 10; An non omnes,
qui idem sapiunt in Christo, eandem
charitatem habere oportet, ut sint
unanimes & sententiis uni? *ad Phil. 2,*
2. Vos præstare in uno spiritu, uno
animo concertantes, per fidem Evan-
gelii. *Phil. 1, 27. 1, Pet. 3, 8.* Qui
enim adglutinatur Domino, unus cum
eo spiritus est. *1, Corint. 6, 17. & 12,*
13. Gal. 3, 28. Eph. 4, 4, &c. Itaque in
quorum cordibus renatis vera habi-
tat pietas, pridem in fædere Dei coie-
re. Atque si ita interna conglutina-
tio in sanctitate firma fuerit, quo-
modo non externum fædus roboris
sui

sui firmitudinem accipiat ? Omnia
 enim in pia *ſtrotia* ſita ſunt, & fide. Si
 quiſhæc duo rite obſeruet, invictum
 erit talis prudentiæ vinculum. At ſi
 quis in eam perversitatis proterviam
 & impudentiſſimam rabiem prolaba-
 tur, ut nullam conſcientiæ amplius
 ſentiat maculam ; is ſane non facile
 curabit ſædiſfragium ; præſertim ſi po-
 tentia aliqua prævaleat, & ſævam ty-
 rannidis formam induat. Quemad-
 modum ergo ſædus legitimum ſacram
 ſecum ducit virtutum phalangem &
 chorum ; *ut in ſuperiori capite dictum eſt* ;
 & inde amabile redditur ſanctæ con-
 fæderationes colentibus, quippe, *ut*
recte dicit Coſterus lib. 8, pol. c. 24, §. 2,
 fædera externorum principum, domi
 ſecuritatem conſtituunt, adferuntque
 auctoritatem, quam quiſque princi-
 pum aut Rerum publ. ſover, quam am-
 biunt reges & magnates, ad quam cre-
 bro legationes ventitant : Sic è contra
 ſane peſſimam id ipſum vitiorum &
 flagitiorum turbam ſecum per quæ-
 vis raptat crimina, ut perpetuo lapſu
 ex una perſidia, ſcelere & delicto, in
 aliud flagitium gravius ſe det præci-
 pitem, donec ſuum durum exitum in
 horrenda ruina inveniat. Heic enim
 cumulatiſſime irruunt æmulatio, ambi-
 tio, avaritia, philautia, curæ, anxie-
 tates,

tates, astutia, calliditas, calumnia, contemptus proximi, contentio, lis, rixa, diffidentia, discordia, fraus, dolus, frustratio, impietas, improbitas, impudentia, infidelitas, ingratitude, inobedientia, inhumanitas, inimicitia, iniustitia, impossibilitas, invidia, ira, levitas, libido, mendacium, malitia, morositas, crudelitas, mutabilitas, odium, negligentia, perfidia, periurium, perversitas, versutia, seditio, simulatio prava, vertumnositas, violentia, superbia, scævitia, suspicio, temeritas, timor, tyrannus, rebellio, &c. Omnium autem pessima est nequitia & scelus perfidiæ, quæ nullibi quidquam meretur gratiæ. Quia fidem qui perdidit, nihil potest ultra perdere; *ait Cæsar. lib. 3, pol. c. 7, §. 6.* At fæderum sanctissima debet esse pactio. Primum ob eam causam, quoniam iuramento sanciuntur, & multæ iurisiurandi cum execratione coniuncti formæ passim apud historicos publice inveniuntur. Deinde ob hanc quoque causam, quia publice fides data magis obligat, quam quævis privata promissio. Vnde si nemo fidem servaret, ramen regibus & Rebus publ. illa esset servanda. Nihil vero magis obesse regno potest, quam violatio fæderum. Hinc nemo Turcis amicus est, qui fœdera sola utilita-

te me-

re metitur. *Coff. d. lib. 8, cap. 24. §. 3.* Ita perfidiae fructus, brevis est, dum aut omnium bonorum consortio privatur, aut mox graviore exitio succumbit. Quando enim aut manifesto perjurio, aut sceleratis argutiis, quempiam homines agere animadvertunt, non modo illi fidem nullam praestant; sed invicem oderunt, cedere ab eius amicitia, in tuto se suaque collocare non tendunt. Insaniam omnes putant, illi se credere, qui fidem abnegavit. Ita perfidi hoc summum est malum quod nemo illi sit fidus. Si nemo fidus, non igitur tutus esse potest. Etsi amici se ipsi devoveant, etsi exercitus, ad motis ad invicem gladiis, in salutem tuam iurent, etsi ambitiosarum excubiarum multitudine te valent; si ipse fidem fallere doces, omnes etiam fidissimos ab alienabis, &, quum alioqui

--- *Stet nulla d. u. mortalibus unquam
Fortuna titubante fides; ---*

Fidem misero & dubio tibi penitus clausam invenies; neminem amore, aut mutua fide obligatum tenebis: merces quidem avaritiam accendit, sed non obligabit pectora donanti, si ille perfidus sit. Omnis illa turba fortunæ, non fidei, sacramentum habere se putat. Usque perfidus nec nummis ullis fidelitatem emere valet.

let. *Cost. d. l. 3, cap. 7, §. 6.* Quin-
etiam tædifragi ipsi sibi singulis mo-
mentis sunt in conscientia pœnæ lo-
co & oneri molestissimo. Tum & gla-
ciei perfimiles sunt, cui nemo, nisi
stultus, inædificat. Ut igitur glacies
sine domibus; ita perfidus nudus ab
amicis. Videmus vero eos, qui con-
stricta gelu flumina transeunt, semper
animo esse suspenso atque anxio; si
minimum concrepuerit, pavidos:
quum fragili natura se insistere non
ignorent: Incertior est amicitia perfidi-
dorum; qua plerique periere. *Cost. d. l.*
Itaque perfidiæ nusquam locus, neque
apud eos, quos perdidit, neque apud
eos, quibus profuit. Velut egregium
exemplum in Lysandro Lacedæmo-
nio, & maxime in eius interitu, ha-
betur. quod alias Fulgosi. *lib. 9, c. 6,*
quoque inducit; sed exitum omittit,
quem Costerus rite heic supplet, *d. l.*
§. 3; & ita, *§. 4,* pergit: Quir vero
perfidios, petiuros, ἀπειθήας, fæde-
rum contemptores, mox pœna ob-
ruat, causa est ipsa Numinis vindicta,
quæ semper à perfidis irritatur. Qui
enim falsis promissis alios decipit,
Deumque in testimonium vocat; quid
agit aliud, quam ut aut Deum irri-
deat, aut facinorum ministrum esse
iubeat? Itaque Sennacherib, quum fi-

dem fefelliffet, primo cæsis militibus fugit; deinde coram idolo suo à filiis trucidatus est. Qui enim qualecunque numen, quod putabat, irrisit, & suos vita privavit, merito vita exutus est. Sedechias etiam impio Regi fidem violavit, (4. Reg. 24, v. ult. & 2, Chron. 36, v. 13;) sed pœnas tamen excidio gentis suæ dedit. Fidei violatæ triste Simpl. Antioch. illust. (1, Mach.) & filius eius Eupator, &c. Eodem exemplo perituri perire Alcimus, Bacchides, Nicanor, (1, Mach. 6,) &c. Sic neque Alexandro perfidia felix fuit, à Socero Ptolemaeo, per nuptiarum fœdera in fraudem inductus, victusque à perfido Arabe, capite plexus est, &c. Nec morata est pœnam vindex iustitia; sed ab Antiocho, per Tryphonem prælio fusus, regnoque deiectus est, &c. Eandem fortunam malitiæ suæ reliqui Antiochi & Demetrii passi sunt. Quid enim annis undecim duo Antiochi priorum filii; alter Gryphi, alter Cuziceni: Seleucus, filius Gryphi; Philippus & Demetrius filii Cuziceni? Nonne in hos omnium priorum perfidia pervenit? & in eum, qui omnibus duos annos supervixit, Philippum? Tandem victo Tigraue in Romanam provinciam opes Macedonum pervenerunt. *Coff. d. l. quæ ibidem in*

pluri-

pluribus exemplis quibus consulere potest.
 Quis igitur non dicat, eos Rempubl.
 evertere, qui perfidiam & periuriã do-
 cent? Quo enim modo commercia,
 bella, pax, urbes, domus stare possunt
 sine fide? Si fidem violare Princeps aut
 Respubl. potest, quis eam servare tene-
 bitur? *Cost. d. l. §. 7, in fin.* Nihilominus
 hodie inter Christianos inveniuntur,
 qui laudem in tali malitia se sibi qua-
 rere posse putant. *velut id aliquot exem-
 plis ex Guicciard. libr. 6, pag. 550, &
 Sebast. Franc. chron.; etiam de ipsis
 Pontificibus & regibus, ex Iovii lib. 11,
 16, 18, explicat Erenb. d. fæd. 1. c. 3, n.
 120, pag. 215, & 216.* Ubi hæc demum
 ex Iovio addit verba: Omnium regum
 fides hæc est, ut pro libidine sanctissi-
 mas fæderum leges atrectare violare-
 que non dubitent; quum semet præ-
 senti tantum commodo, atque ipsis
 temporibus esse censeant. Tales vita, si
 tibi cara vita. Genetaliter enim scien-
 dum est illud *M. Tull. 3, offic. verissi-
 mum.* Nulla nobis societas est cum
 tyrannis, sed summa distractio; & hoc
 omne genus pestiferum atque impium
 ex hominum communitate extermi-
 nandum est. Sed & gentibus aliquot
 & nationibus fides olim defuit;
 quod etiam nunc apparet, quum ve-
 stigia quamplurima passim talium

restent; exempla sunt odiosa. Fuerunt
 autem gentes nonnullæ tanta infamia
 notatæ, ut etiam in publicum prover-
 bium earum malitia abierit. Veluti
Thracium commentum, dicebatur in
 eos, qui certis pactis inducias promi-
 serant, & tamen invadebant alios: ceu
 Thraces Bœotiis fidem datam incur-
 sione nocturna frangebant. Sic &
Thessalorum commentum, *Phœnicum pa-*
cta, *Locrensiū pactum*, *Punica fides*,
Ægyptiorum machina, *ars Megarensis*,
Libycabestia, *Cretensium & Ligurum da-*
cta, &c. eodem habentur loco. *Erasm.*
in chil. tit. de perf. ut supra monstratum
est. Tales vero fœdifragos improbo-
 que tandem puniri, dicitur S. Scri-
 ptura; & multis exemplis probatur:
ex Livio, Aliano lib. 12, Polyb. lib. 2, 3,
4, 5. Fulgos. lib. 7, c. 3. Anton Bonfin.
lib. 26. Nonnulli tamen, ut perfidiæ
 & malitiæ suæ atque tyrannidi regn-
 mentum aliquod super inducere que-
 ant, illud proverbii excogitare:
Frangenti fidem fides frangatur eidem. Et
 nuper etiam non nemo politicorum
 utcumque notus, argutiis suis sarcasti-
 cis plerosque huius seculi ordines &
 status satis acriter mordendo taxant,
 civitatibus & Rebus publ. Hanseatidis
 tale adscripsit axioma aut Symbolon:
Syncerusynceri, perfiduperfidi, scilicet
 Samusi

sumus; ac si civitates illæ, non tantum quietæ communem spectent calamitatem; sed & tanquam Chij, pro temporis ratione commutent institutum, & inconstantiam ac volubilitatem suam ad fortunæ vultum accommodent. quasi diceret: Omnino populi naturam induerunt; adeo pro tempore alios atque alios mores & formam sumunt. Exiguum certe laudis encomium illis præstat. Verum enimvero, dum homines isti tanta ludere varietate non desinunt, sit ut quæstionem excitent hancce: An violenti fidem, fides conservanda sit? Ad quam recte respondet Costerus, *d. l. §.* Imo, ait, fœdifragis, & barbaris, servanda est: Cæsar quidem apud Plutarchum, fidem tam perfidis & barbaris servare amentiam ratus, in eos exercitum duxit. Servanda tamen fides, nec perfidia aliena, tua perfidia punienda est. Non enim, si Hannibal contrafractus Saguntum obsedit, ideo licuit Romanis factam postea cum Carthaginensibus pacem rumpere. Nec, si Romani legati violati à Pœnis, ideo quoque Hannonem in vincula duci oportuit. Multo minus si Lusitani Romanos contra iusiurandum sunt aggressi, ideo quoque Lucillum decuit, Lusitanos impunitatis promissione

sione pelleret trucidare. Quum tam-
 en in eodem pacto hostes fidem fal-
 sunt, obligatione solutus ille est,
 quem perfidia aliena afflixit. Si enim
 pactis induciis Spartanium agrum po-
 pulantur Messenii, talionem reddent
 iure optimo Spartani. Qui enim
 hostilia exercuerunt, pacem com-
 munem irritam reddiderunt. Ve-
 rum quum post violata prima fœde-
 ra, novum percutitur, non licet
 ideo violare quia prima violata fue-
 runt. &c.

CAP. XXI.

*Quæstio, de homicidio in Burchardo 29,
 Archiepisc. Magdeburg. commissæ,
 quomodo sit decisa; & de Er-
 roribus aliquot Pomarj
 in Chronico Sa-
 xonico.*

Sicetiam olim magna erat quæstio,
 & controversia admodum gravis,
 de Magdeburgensium facto atroci il-
 lo; quo 29, Archiepiscopum suum
 Burchardum comitem Scrapelovien-
 sem, quem anno 1325, in curia, lo-
 co iustitiæ & consiliorum, incarce-
 ratum tenebant, interfecerant, & per
 integri anni spacium internecionem
 talem

talem occultaverant; an non fuerint
 fædifragi? Res indiget necessario histo-
 rica deductione; ut rectius inde con-
 stet iudicium. Etenim, quum in talem
 culpam inciderent, quæ pro fædifra-
 gio haberetur publico; non tantum in
 Cæsaris pœnam incurrere visi sunt; sed
 etiam à Pontifice Romano damnati
 excommunicationis pœna afficieban-
 tur, donec factum debite in omnibus
 excusarent. Ingentis litigii hæc fuit
 controversia; ut qui contra pacta con-
 venta non tantum egissent; sed etiam
 in loco sacro iustitiæ, contra ius &
 æquum, non sine rebellionis crimi-
 ne, inaudita caussa, crudeli homici-
 dio Archiepiscopum suum è medio
 proditorie sustulissent. Nam mutuam
 fidem quidem quaternis victibus &
 quaternis pacificationis pactis ac tran-
 sactionibus sibi invicem compromi-
 serunt. unde & inter se mutua pactio-
 ne constricti tenebantur. quarum pri-
 ma data est Magdeburgi, anno Chri-
 sti 1309, pridie divæ Catharinæ vir-
 ginis: secunda data Wolmerstadii,
 anno Christi 1314, die mercurii pro-
 ximo ante divi Thomæ festum. ter-
 tia vero data est in arce Calza in Elme-
 na, anno 1315, die veneris in divi
 Ambrosii feria. Quarta demum facta
 est multorum intervenientium operâ;

videlicet, (ut verba sonant,) nobilis Principis, Ducis Ottonis Bruinsvicensis; & nobilium virorum, Dn. Gardonis de Hadmerschleben, Comitibus Busonis de Mansvelt, Comitibus Hentici, Comitibus Didericii ut & Comitibus Henrici de Honsteyn, Comitibus Conradi de Werdingeroda, Dom. Alberti de Hakeborn. adiuvantibus Comite Gunthero, Comite Ulrico, & Comite Adolpho de Lindaw, Comite Alberto de Barby, Domino Brunone de Querfurt, Comite Alberto, & Comite Bernhardo de Regensteyn; necnon civitatibus Magdeburgensi, Hallensi, & Calbenfi, & earum adiuvantibus; &c. sub dato anni 1324, proximo die Sabbathi ante feriam S. Galli. Ipsum factum videtur quidem admodum culpabile; neque res iniqua tanquam æqua excusari potest; ait ille. Verumtamen prudenter satis Magdeburgenses tractarunt & defenderunt causam suam. Non tantum enim usi sunt variis intercessionibus vicinorum & confederatorum apud Imperatorem Ludovicum V. Barvarum; qui ideo facilius Statibus imperii gratificari voluit, quoniā à Pontifice Romano esset excommunicatus: sed etiam Magdeb. illi causæ suæ deductione & excusatione, tantum obtinuerunt, ut in gratiam

ab imperatore reciperentur : quum ad oculum demonstrarent , quam multum ei & Imperii publico interesset, & quantum præiudicium Papa Ioannes xxii per Bernhardum defunctum Imperatori creare statuisset. Imperator quidem omnia cassavit adversariorum attempta. Sed, quum delicti tam enormis iustificatio præcipue ad Pontificem Romanum & Statum Ecclesiasticum, potissimum autem ad securitatem successoribus interfecti illius Burchardi præstandam , spectare videretur ; ad talem iustificationem causæ suæ remissi sunt. Habuit ille Imperator præ reliquis imperium certe laboriosissimum inde ab initio eius usque , ad annum 1314 , quum ipsi trium Electorum votis in electione opponeretur Fridericus Austriacus , & uterque esset coronatus, Ludovicus in loco ordinario Aquilgrani ab archiepisc. Moguntienfi, alter in insolito loco Bonni ab archiepisc. Colonienfi. Inde uterque illorum suos ducebat fautores & amicos, atque omnia aperto dissidio , nec non intestino bello, fervebant , quod annis octo fortuna varia , eventuque ancipiti, gestum est, & vix præliis quinque tandem sopitum fuit. Nihilominus dissidēbae inter se Germania ; quum non tantum

videlicet, (ut verba sonant,) nobilis
 Principis, Ducis Ottonis Bruinsvicen-
 sis; & nobilium virorum, Dn. Gardo-
 nis de Hadmerschleben, Comitit Bus-
 sonis de Mansvelt, Comitit Henrici,
 Comitit Didericii; ut & Comitit Hen-
 rici de Honsteyn, Comitit Conradi de
 Werdingenroda, Dom. Alberti de Ha-
 keborn. adiuvantibus Comite Gun-
 thero, Comite Vlrico, & Comite Adol-
 pho de Lindaw, Comite Alberto de
 Barby, Domino Brunone de Quer-
 furt, Comite Alberto, & Comite Bern-
 hardo de Regensteyn; necnon civitati-
 bus Magdeburgensi, Hallensi, & Cal-
 bensi, & earum adiuvantibus; &c. sub
 dato anni 1324, proximo die Sabba-
 thi ante feriam S. Galli. Ipsum factum
 videtur quidem admodum culpabile;
 neque res iniqua tanquam æqua excu-
 sari potest; ait ille. Verum tamen pru-
 denter satis Magdeburgenses tractarunt
 & defenderunt causam suam. Non
 tantum enim usi sunt variis inter-
 cessionibus vicinorum & confadera-
 torum apud Imperatorem Ludovi-
 cum V. Barvarum; qui ideo facilius
 Statibus imperii gratificari voluit, quo-
 niã à Pontifice Romano esset ex com-
 municatus: sed etiam Magdeb. illi
 causæ suæ deductione & excusatione,
 tantum obtinuerunt, ut in gratiam

ab imperatore reciperentur : quum ad oculum demonstrarent , quam multum ei & Imperii publico interesset, & quantum præiudicium Papa Ioannes xxii per Bernhardum defunctum Imperatori creare statuisset. Imperator quidem omnia cassavit aduersariorum attempta. Sed, quum delicti tam enormis iustificatio præcipue ad Pontificem Romanum & Statum Ecclesiasticum, potissimum autem ad securitatem successoribus interfecti illius Burchardi præstandam , spectare videretur ; ad talem iustificationem causæ suæ remissi sunt. Habuit ille Imperator præ reliquis imperium certe laboriosissimum inde ab initio eius usque , ad annum 1314 , quum ipsi trium Electorum votis in electione opponeretur Fridericus Austriacus , & uterque esset coronatus, Ludovicus in loco ordinario Aquisgrani ab archiepisc. Moguntiensi, alter in insolito loco Bonni ab archiepisc. Coloniensi. Inde uterque illorum suos ducebat fautores & amicos, atque omnia aperto dissidio , nec non intestino bello, fervebant , quod annis octo fortuna varia, eventuque ancipiti, gestum est, & vix præliis quinque tandem sopitum fuit. Nihilominus dissidebat inter se Germania ; quum non tantum

Electores in rancore discordiæ pergerent, sed etiam Pontifices Romani, qui Ludovici huius tempore vivebant, præter Nicolaum V., quem ipse, post decreta, in Norimbergenſibus comitiis unanimiter concepta, deſecto Iohanne xxii, è ſede papali elegerat, ſemper ipſi offeſſi manerent : unde & amiciffimi ſæpius Principes Germani à Ludovico abalienabantur, præſertim quum bis banno papali iniquiffime maſtaretur. Nec profuit Ioannis regis Bohemiæ ab Imperatore miſſi in Italiam expeditio. Attamen ſemper fidiffimo uſus eſt in omnibus actionibus conſilio Archiepiſcopi Trevirenſis : Atque quum ſolæ civitates in fide ipſi perſiſterent, (*Mell. hiſt. part. 3, c. 4*) cum iis, & reliquis aliquot Principibus, anno 1316 firmiter pepigit fœdus, & mutua adſiſtentia auxiliumque utrinque bona fide promiſſum eſt. *Chron. Hedion. fol. 575. Mich. Sax. chron. Im. de 35 Caſ. Germ. Tud. c. 5.* Exinde optimus ille imperator Magdeburgenſibus publicam innocentie atteſtationem non ſolam dedit, ſed quoque pro tiſdem in ſtudio reconciliationis apud Papam multa præſtitit, etiamque per amicos ſollicitavit : Velut etiam antehac, ad implorationem civitatis, ei plenam contra quolibet offeſſores

fores (quo nomine quoque Papam & Burchardum notabat) defensionem promiserat, subdato Arensteden, Non. Augusti, anno Dom. 1323, Regni vero an. 9, & talem simul commissiōnem Marchioni Brandenburgensi obtulerat. Sed remedium melius non potuit inveniri, quam ut prius causam iustificarent ordine, ac successorum Burchardi sibi unice devinceret omnibus modis. Proinde homicidii huius delictum primitus ita excusarunt, quasi Archiepiscopus Burchardus ille custodes effugio suo eludere studuisset, ac propterea vini invitatione nimia ebrios obruisset; sed quum eruptionem adornasset, ebriique non adeo compores mentis deprehendissent eum in hoc conatu, nec impediri se passus fuisset, nimium resistendo iis factum esse, ut ille à furiosis ictum acceperit. Verum quum ipsi propter occultationem occisi litem hanc suam fecissent, non potuit hoc tam facile detergi: sed tamen fœdisfragium non ipsum modo retorserunt defunctum Burchardum, sed etiam à primordio tyrannidis, eius specimina retulerunt plurima, & quod maxime illi benefaciendo ipsius in se invitassent ingratitude, suæque civitatis atque civium suorum summam inde macti fuissent per-

persecutionem. Ut enim pecuniam, quam ipsi ad pallium & investituram à Pontifice Romano comparandam mutuo dederant, non cogeretur restituere, iuxta obligationis suæ hypothecariæ tenorem, sub dato, *Anno Domini 1296. secunda dominica Quadragesima, qua cantatur Reminiscere, restituere,* & tamen absque satisfactione suam hypothecam sub specie recti reciperet: inde non veritus fuit, aiebant, omnia non tantum impugnare beneficia, quæ illis ab Imperatoribus & primo foundationis tempore, concessa essent; sed etiam illa, quæ postea ab Archiepiscopo 20, Willebrando, Comite de Kiberg Thuringiæ, sub dato, *Anno gratiæ 1236, decimo Kalendas Aprilis, Indictione nona, & Pontificatus ipsius an. primo*; item ab eodem Archiepiscopo, sub dato, *Anno gratiæ 1241, decima die mensis Ianuarij, Pontificatus ipsius anno sexto*; item Archiepiscopo 26, Erico Marchione Brandenburgico, sub dato & acto, *Magdeburgæ, anno 1292, xv Kalendas Februarij*, velut etiam à reliquis Archiepisc. per concessionem largiter obtinuissent, veluti id ex documentis mox sequentibus & infra positis apparerebit. Insuper quoque 37. gravaminibus demonstrarunt, quemadmodum summa sua iura, possessiones, privilegia,

gia, concessionibus obtentas, & alia bona, mire flagellaverit : id quod constaret potissimum ex transactione, & fœdere, quod cum illo, sub dato, *Magdeburgi, anno nativitat. Christi 1309, die divæ Catharinæ, 25. Novemb.* fieriissent. Quod etiam ex reliquis declararunt plenius transactionibus & confœderationibus, superius allegatis. Verum justificatio talis, & ipsius Imperatoris testimonium adeoque eius cassatio ; non tanti fuisset ponderis apud Papam, propter odium inextinguibile, quod in Imperatorem perquam obstinate conceperat, nisi & alterum consilium feliciter juxta secuti fuissent Magdeburgenses, & id quidem præcipue tunc, quando cum Archiepiscopo ; 1, Ottone, ex familia Landgraviorum Hassiæ oriundo, (quamvis antecessores eius Heydeccus ab Erpes, qui Isenaci captivus mortuus est, & Henricus Comes, de Stolbergk, & ipse tamen mox ab ipso Papa reiectus, rogati id denegarant) novam correspondentiam inierunt, & statim sub primo introitu arctam cum eo amicitia contraxerunt unionem ; ita ut intercessorem ageret assiduam apud Papam Iohannem XXII, qui in primis huic optime cupiebat. quod promissoriales Ottonis litteræ testantur atque docent,

cent, subdato; Magdeburgi, post nati-
 vitatem Dei ultra millesimum annum
 trecentesimo, vigesimo septimo, die sancti
 Agidij, divi Abbatis. Cæterum casus
 is fuit, quod dictus Archiepiscopus,
 civitati se tantopere devoverat; vide-
 licet, ne Antiarchiepiscopo Henrico
 Comiti de Stolberg, qui roties insta-
 bat, illa ipsa sese adsociaret; contra ve-
 ro ut Magdeburgensis civitatis ope hic
 æquius supprimeretur. Otto ergo
 quum opem & protectionem, trans-
 actionem item seu interpositionem
 apud summum Pontif. Magdeburgen-
 sibus polliceretur, cives eum intra mu-
 ros suos in possessionem Archiepisco-
 patus eo promptius contra Henricum
 Stolbergicum receperunt. Porro, mul-
 ta licet Otto condixerat, nihil tamen
 efficere potuisset, nisi alter intervenis-
 set casus, quo Imperator Ludovicens
 Bavarus, anno 1338 in Italiam perve-
 niendo, & novem menses ibidem sub-
 sistendo, in festo ascensionis Christi,
 consensu quorundam Episcoporum,
 causa eius contra Iohannem Papam
 disceptata, novum Pontificem Petrum
 de Corbaria ex familia Columnen-
 sium elegit; qui postea se Nicolaum
 quorum appellavit, simulque duode-
 cim Imperii Cardinales creavit. *Seth.
 Cal. in Chronol.* Quamvis autem tunc
 ipse

ipse Imperator prævaleret auctoritate & gratia apud novum ab ipso creatum Papam, & Otto Archiepiscopus quoque suam adderet opem, ut civitas Magdeburgensis ex banno exsolvi & Papæ reconciliari penitus valeret: tamen causa hæc criminalis in sedis Romanæ unctum tanti ponderis iudicata est, ut aliquot anni in hoc tractatu consumpti fuerint. Interim, quum cives in victu acquirendo & commerciis exercendis propter exclusionem Papæ supra modum exhaustirentur, varii fuerunt in civitate motus: utpote qui cotidie Magistratum ob facinus commissum insultarent, & tandem compilationem bannique exolutionem exigèrent. Id quum cerneret Otto Archiepiscopus, occasionem iura & privilegia, aut libertatem civitatis imminuendi negligere noluit. Quare Senatus & cives instantis angustiiis tam diu constricti hædere coacti sunt, donec se mutuo variis motibus prope conficerent, ac seditione sæpius coorta, novam tandem regiminis formam anno 1330 instituerent, uti constitutio eorum id sub dato, *An. 1330, die martis post Iohannis Evangelistæ*, luculenter declarat, quæ sedecim sigillis collegiorum artificum sive tribuum obsignata, fuit in æternam rei

rei memoriam, & simul hunc eiusmodi cives ac Senatores, qui suspecti habebantur, homicidii causa urbe exclusi sunt, ac in gratiam Papæ & Archiepiscopi in exilium acti, *ut eadem testantur litteræ.* Quum vero Archiepiscopus superioritatem quandam hac data occasione ambiret, putaretque, hanc novam constitutionem in eius præiudicium factam esse: iterum fidem aliquousque retraxit, & hoc obtinuit apud Papam Nicolaum V, ut non prius exsolverentur banno, quam homagium præstarent ipsi, & aliquot libertatis juribus, quæ ab Ottone primo iuxta foundationis litteras obtinissent, renunciarent. Quibus controversiis denuo aliquot anni consumpti sunt; donec enervati satis, propius arbitrio Papæ & Archiepiscopi accederent. Nolebat autem prius Archiepis. ingredi civitatem, quam cives cum Senatu se plene declarassent, Papæque nutui atque suo accomodassent. Ideoque primitus per commissarios Papæ sive Apostolicæ sedis de forma homagii aut iuramenti emendæ diu actum est, quumque de hac inter utramque partem convenisset, quod reciproce fieri mutua deberet obligatione, tandem conclusæ sunt quoque reversales & devotionales, cum addi-

additione & renuntiatione aliquot
jurium sub dato , *Anno Christi 1333,*
die Lune post eum dominicum diem , quo
canitur, Reminiscere, & transmissæ sunt
eæ commissariis Papalibus atque Ar-
chiepiscopo; unde octava demum ex
eo tempore septimana homagii dies
indictus est. cuius formalia ita con-
cepta fuerunt , ut attestatio publica
commissariorum, autoritate Aposto-
lica (uti verba sonant) deputatorum,
(qui fuerunt , Conradus Dei gratia
Præsuppositus Monasterii Sanctæ Ma-
riæ Virginis Magdeburgensis, ordinis
Præmonstratensis, & frater Iordanus,
Lector Ertorrensis , Ordinis fratrum
Eremitarum sancti Augustini,) aperte
loquitur : Nos Senatores populusque
veteris civitatis Magdeburgensis, iura-
mus ad fidelitatem & affectionem
gratam nostro Domino Archiepisco-
po , qui præsens heic adest , præstan-
dam , veluti de iure nobis competit;
ita nos Deus iuvet, & sancti eius. Et
hoc ipsum , vice versa idem Dominus
(ut verba se habent) eisdem civibus
favorabiliter reprotomisit. In cuius rei
testimonium sigilla eorum Præsentibus
(ita formalia verba id exprimunt)
sunt appensa. Acta sunt hæc anno Do-
mini millesimo trecentesimo tricesi-
mo tertio, Sabbatho ante Dominicam

Iubilate. Casus iste propterea maxime notabilis est, quod adeo ingenti civitatem Magdeburgensem calamitate affecerit, ut etiam inde tota Reipublice forma ipsi immutata sit, & illi, qui antea plenam possidebant libertatem, aliquo modo homagii iam dicti specimine formam quandam maioris constitutionis subire coacti sint, præterquam quum simul aliquibus iuribus privilegiatis resignassent.

Integram vero summarie hanc historiam huc referre volui, ut inde pateat, quam crassissime heic compilatorem illum historię Saxonice, quam Ioannes Pomarius cum suis additionibus antehac edidit. *pag. 318*, & ipsū Pomarium in glossis suis bis, *pag. 373*. aberrasse. Etenim compilator ponit, quod anno 1309. nulla adhuc Magdeburgensibus cum Archiepiscopo Burchardo Scrapeloviensi fuerit discordia quum tamen in 37, articulis tum fervidissima controvertetur lis: nec unquam ex eo tempore, quo mutuum suum à debitore repetere viderentur, cum ipso concorditer vixerint: sed quoties scedere aut transactione quid componeretur, statim fides fracta ab eo fuerit. Sic etiam ipse Pomarius errat admodum, quando Papæ Iohanni xx i i, quem tamen contra veritatem histo-

historicam Iohannem xxiii, facit
condonationem homicidii illius, &
absolutionem à banno sive excommu-
nicatione, atq; id maxime propter in-
terpositionem Cæsaris Ludovici ascri-
bit: quum tamen non tantum ille ex-
remus semper hostis fuerit illius Im-
peratoris beneficentissimi; sed etiam
antequinque annos ex throno suo pa-
pali deturbatus fuerit. E contra lau-
dem istius Imperatoris, quod Impera-
toriam maiestatem tam foriter defen-
derit, valde commendant hi versus, in
curia Wormatiensi expressi & notati:

*Astra Deo nil maius habent, nil Cæsare
terra:*

*Sic Cæsar terras ut Deus astra, re-
gunt.*

Similiter Pomarius erat, ex Papæ iussu
36, senatores anno 1330, è civitate
fuisse eiectiones, quum tamen ex nova
Reipubl. transformatione illius anni
potius constet, quod motus civium
& seditio eos, quos ob internecionem
Burchardi suspectos habuerint, ciece-
rit, & illi, repenitus transacta ac con-
sopita, tum tandē restituti patriæ fue-
runt. Tum quoque transactio atq; con-
donatio non an. 1330, sed anno 1333,
plene peracta fuit. Cuius rei historia
integra facile ex infra adiectis docu-
mentis, quæ in manu civium &

exterorum sunt plurimum, plenioris fidei causa cognosci poterit. Quod autem ad causæ & quæstionis supra positiæ decisionem attinet, & ea ita complanata fuit, ut non tantum civitas tota in integrum sit restituta, & omnimode à banno absoluta; sed etiam tantam simul & Imperatoris cassationem & Papæ gratiam obrinuerit, ut, si quis propter homicidium hoc civitatem aut eius incolas ullo aliquo infami aut iniurioso titulo afficere stude-ret, aut illis calumniandi causæ cri-men inde obiiceret, ille in certam mil-lenarum marcarum mulctam pro ex-hibita iniuria incidisset, quod privile-gii civitati illi concessum est, ne quis temere probra ex re transacta in cives congereret.

Ex hac historia facile constat, quan-tum fidei mereantur alii scriptores, qui vel affectibus suis indulgent ni-mium vel ea describunt quæ ex aliis æque incertis præsumptionibus aut indiciis superiorum seculorum ma-ruantur, atque sine ullo archivorum respectu deducunt. Ita fit, ut nun-quam veritas suam propriam & ge-nuinum inveniat locum; sed obteguntur sæpius talia, quæ maximum pre-rium fuisset ab omnibus boni publici causa cognosci. Huiusmodi quidem

sibi-

libimetipſi invidum ſæculum hucuf-
que coluimus, in quo ſtulti ſæpius ea
in præiudicium ſui ſupprimunt, quæ
iuribus ipſis non raro maxima incom-
moda creant, & iudicium diverſum
pariunt. Partim ex invidia, partim ex
ignorantia, vidi peccare quam pluri-
mos; etiam ipſos Rerumpubl. præſi-
des & præfectos, qui minus intelligunt
arcanorum naturam. Vnde pro arcanis
habentur vulgariter, quæ minime de-
bebant occultari; & è contra publi-
cantur talia, quæ rectius ſupprimeren-
tur. Quæ ergo ad foundationem ſtatus
alicuius faciunt, minime gentium ſi-
lentio ſunt involvenda; ſed omnibus
& ſingulis merito nota eſſe debent.
Optime propterea fecit compiler iu-
ris Saxonici, qui ius Weichbildicum
& feudale, ſeu ſtatuta Saxonum, con-
ſcripſit, quod ſtatim in frontiſpicio
privilegium eorum ponit, quod Otto
Magnus, imperator longe gloriſſi-
mus, ad petitionem omnium provin-
cialium, civitati Magdeburgenſi, tan-
quam Metropoli totius nationis illius,
ſub anno Chriſti 939, 17 Iunii (ubi
ſhpalma ſubrepſit Amanuenſis incuria,
ut *Neuntzig* pro *dreyzig* ſit poſitum)
quo tempore ſimul Magdeburgum
Edithæ coniugi ſux in dotem ille de-
derat, munificentiffime conceſſit. Quo

sane non leviter recunduntur civitatis eius thesori, qui illi populo statum servum ex eo, quod clam subductum noscunt ex archivis eorum fundationis originale, (uti actio illa, quam Magdeburgici ante annos aliquot in catena imperiali contra gloriatores suos instituerunt, id ad exhibendum testatur) affingere non verentur. Præter quod tamen eisdem Magdeburgenses Ottonis secundi quoque privilegium factos rectos conservat, si quid ex origine sua merito discutiendum veniat. Specimen quoque & exemplar illius privilegii edidit Goldast. in collect. constit. Imperial. fol. 215. ubi tamen culpa Amanuensium in annotatione Christianæ aberratum est, quod facile ex annis regiminis suppletur, quum Imp. ille anno Christi 937, electus sit parentis loco.

Optime sane de veritate historica meriti sunt insignes illi viri Dn. Prædectic. Hottlederus, & Melchior Goldastus quorum alter superioris seculi historiam ex Archivis Vinariensibus quam proxime ad veritatem rerum accedentem; alter satis alto labore superiorum seculorum acta & constitutiones Imperatorum, variasque disputationes, cum primis bono publico inservientes acquisivit.

Vtinam hoc quoque olim intellexissent illi, qui thesauro Germaniae litteratae optimo (bibliothecam insignem illam Heydelbergensem dico) praefuerunt, & saltem à septem seculis usque ad praeterlapse tempora historias & politica negotia continuassent; haberet iam tota Germania, quo gratius talibus compilatoribus agere posset. Quid enim praestitit Ian. Gruterus? Quid profunt vocabulorum inanum rorhones & collectiones vanae? Ad quam exiguum emolumentum tales vacui phrasologi tam laboriosam & nimis disiectam consueiunt crisi? Satis docti possent esse Scholasticales vel potius Grammatici tales, etiamsi tot phrasum barbaricarum & obsoletarum congerie carent, modo rei verum & genuinum depromerent nomen. Res potius profuturitate verborum exprimere debuissent.

Quid enim prodest thesaurus avari abditus terris, si usu careat suo? Ideo longe potiores meretur gratias Hippolitus à Collibus, nec minores Marquardus Freherus, quod ex bibliotheca tali nonnullas intentionis politicae reliquias disseminarint. Pudeat merito eos, quotquot optata illam in rebus gestis, variis modis ab auctoribus descri-

ptis, utiliter lucubrandi occasionem
 , tam turpiter neglexerunt. Vana fuit
 opinio doctrinæ vanæ, quæ probum
 merito parit omnibus, qui Reipubl.
 litterariæ melius inserviendi facul-
 ratem aliud agentes perdidērunt, dum
 non luci donarunt publicæ ea, quæ
 multas tenebras illustrare & dissipare
 potuissent. Quorsum enim talis su-
 perstitiosa temporis iactura in studiis,
 quæ phrasibus potius, quam rebus ipsis
 impenditur, & præsertim fabuloso-
 rum scriptorum interpretationibus &
 argutiis? Sed transeat hæc labes seculi,
 propter quam Deus ipsi Germaniæ
 quoque vanam suam gloriam non
 immerito evercit. Nobis nunc ad con-
 firmationem & illustrationem histo-
 ricæ veritatis ex ipsis actis producen-
 dæ, quæ sunt in manibus plurium
 progrediendum est; ut purgatio Mag-
 deburgensium eo rectius inde eluces-
 cat, nec tot variis ulterius prægraven-
 tur Magdeburgenses ignorantium præ-
 iudiciis, simulque errores in Chroni-
 co Saxon. Pomarii rectius detergi
 possint.

Documentum mutuum, quod sub aditu Archiepiscopatus Magdeburg. Burchardus Scrapeloviensis Comes à civitate accepit, ad conficiendum iter Romanum, ita se habet.

NOs Burchardus, Dei gratia sanctæ Magdeburgensis Ecclesiæ electus, Bernhardus Præpositus, Godfridus Decanus, eorumque eiusdem Ecclesiæ Capitulum, universis præsens scriptum visuris, & audituris, Salutem in omnium Salvatore. Recognoscimus, & tenore præsentium lucide potestatur, quod honesti Viri, dilecti nostri, Consules & Burgeneses de Magdeburgo, pro honore nostræ Ecclesiæ & nostro favore speciali, nobis ducentas marcas Stendaliensis argenti, in Subsidium itineris nostri versus curiam Romanam, quo in præsentem pro obtinenda confirmatione iturifumus, accommodaverunt & mutuo præstiterunt. Pro hac siquidem pecunia de consensu & voluntate toti nostri Capituli, officium nostrum, quod in vulgari *Bernammecht* dicitur; eisdem Consulibus & Burgenfibus obligamus; tali nempe modo & conditione, quod si ipsis pro narrata summa ducentarum marcarum, ante festum pentecostes, quod

erit à dicto festo proximo ad annum
continue subsequens, per nos vel per
nostram Ecclesiam non solveretur,
quod tunc dictum officium ipsorum
Burgensium & civitatis esse debet
proprium, cum omni fructu, proprie-
tate perpetuo possidendum. Verunta-
men si huiusmodi summa pecunie
ante memoratum terminum, per nos,
vel per nostram Ecclesiam, si nos nu-
tu Dei mori contingat, quod absit,
fuerit exsoluta, & tunc ipsum offi-
cium ad nos, & ad nostram ecclesiam
libere revertetur. Sciendum etiam,
quod ipsi Consules & Burgenses, in-
fra tempus obligationis omnes fructus
dicti officii, pro restauratione damni,
in usus suos recipient, & convertent.
In huius igitur obligationis & facti
testimonium evidens, hanc litteram
nostro nostriq; Capituli sigillis firmi-
ter communivimus. Datum & actum
anno Domini millesimo ducentesimo
nanagesimo sexto, secunda Domini-
ca, Quadragesimæ, qua cantatur *Re-
miniscere.*

Sequuntur documenta aliquot reliqua, ex quibus probantur gravamina, quibus contra omnem aequitatem civitatem Magdeburgensem suppressere, & privilegijs suis exuere conatus erat ille interfectus in curia Archiep. Burcharthus.

Primum est Ottonis Magni, in quo cives Magdeburgenses, tanquam incolae principalis Imperatoris, Germanici sedis, praecunctis aliis civitatibus Germaniae privilegio immunitatis & victigalis in commerciis donantur, quod apud alias civitates haud ita invenitur. Ad hoc autem primi Archiepiscopi Adelberti, quem alii Albertum dicunt, intercessione fuerant usi, qui paulo ante est introductus. *Vid. Serb. Calv. in Chronol. ad annum Christi 972. Unde iterum error Chronici Saxon. Pomarii patet.*

IN nomine sanctae & individuae Trinitatis. Otto divina favente Clementia Imperator Augustus. Novem omnium fidelium nostrorum tam praesentium quam futurorum industria, qualiter ob interventum Magdeburgensis Ecclesiae Archiepiscopi Adal-

Adalberti , & ob cæterorum nostrorum fidelium instinctum , Mercatoribus in Magdeburgensi civitate habitantibus , tam ipsis quam posteris suis, tale ius concedimus, quale noster pius genitor suis temporibus concessit habere. Id scilicet, quod ubique in nostro non tantum regno, nec non mundo in Christianis, sed etiam Barbaricis regionibus, tam eundi quam redeundi licentia sit, sine ullius molestia, & ne ab aliquo cogantur vectigalia persolvere urbibus aliis, pontibus, aquis, viis, & inviiis, nostra regali auctoritate penitus interdiciamus : His locis exceptis, Moguntia, Colonia, Tiela, Bardovico. Et, nec plura vel maiora exigantur vectigalia quam more illorum sit persolutum. Et, ut ne aliquis nostræ invidiæ causæ pontes destruere aut aliquod impedimentum in viis facere velit ; hoc banno nostro sibi à nobis vetitum sciat. Sed insuper ne alicui irritum hoc videatur, aut hoc, quod superius interdictum est, dissolvere præsumat; cum, quicumque huius audaciæ existit, decernimus Cameræ nostræ talenta decem auri persolvere, omni dubietate postposita. Et ut hoc nostræ auctoritatis præceptum firmum & stabile permaneat, hanc chartam conscribi, annulique nostri impressio-

pressionem Signare iussimus : quam & manu propria subtus firmavimus.

Signum Domini Ottonis Magni & Inviictissimi Imperatoris Augusti.



Folcmarus Cancellarius, ad vicem Villigisi Archicapellani recognovit ; anno Domini incarnati DCCCCLXXII ; Indictione tertia ; anno vero Regni Domini Ottonis XXXV, Imperij autem VIII.

Ita modestus fuit hic Imperator Otto Magnus, ut per 26 annos & circiter nudo titulo Regis, propter varias & multiformes difficultates, quæ ipsi in regno à variis hostibus & Pontificibus crearentur, contentus fuerit ; donec tandem plene Papam Iohannem XXI. & secunda vice derurbasset, suumque electum Leonem VIII, quiete restituisset. Postea vero sibi titulum Imperatoris adscripsit ; Quod in posita subscriptione notandum venit. *Vid. Alsted. in Chronol. pag. 184.*

Privilegium à Cunrado II, Imperatore Magdeburgensibus concessum.

IN nomine sanctæ & individue Trinitatis Chuonradus, divina favente cle-

clementia Rex. Noverit omnium fidelium nostrorum, tam presentium quam futurorum, industria, qualiter ob interventum Magdeburgensis Ecclesie Episcopi Hunfridi, & ob ceterorum nostrorum fidelium instinctum, mercatoribus Magdeburgensi civitati inhabitantibus, tam ipsis quam posteris suis, tale ius concessimus, quale nostri antecessores suis temporibus concesserunt habere. Id scilicet, quod ubique in nostro regno, non solummodo in Christianis, sed etiam Barbaricis regionibus, tam eundi quam redeundi licentia sit, sine ullius molestia. Et, ne ab aliquo cogamur vectigalia persolvere urbibus, pontibus, aquis, & inviis: nostra regali auctoritate penitus interdiximus: his locis exceptis, Moguntia, Colonia, Bardovico. Et, nec plura vel maiora exigantur vectigalia quam moris illorum esset persolvere. Et, ut ne aliquis nostrae invidiae causa pontes destruere, aut aliquod impedimentum in viis facere velit, hoc banno nostro sibi à nobis veritum sciat. Sed insuper ne alicui irritum hoc videatur, aut hoc, quod superius interdictum est, dissolvere praesumat: eum, quicumque huius audaciae existit, decernimus Camerae nostrae decem talenta auri persolvere, omni dubietate post-

postposita. Et, ut hoc nostræ authoritatis præceptum firmiter & stabile permaneat, hanc chartam conscribi, annulique nostri impressione signari iussimus, quam manu propria subscriptus firmavimus.

Signum Domini Chuonradi,



*Regis invisi-
bilissimi.*

*Odalricus Cancellarius, vice Aribonis
Archicancellarij recognovi, da-
ta 2. Non. Feb., indictione VII,
anno Dominice incarnationis
1024: anno autem Domini
Chuonradi Secundi regni primo.*

Actum Magdeburg.

*Willbrandus ex liberali donatione dedit
& concessit Magdeburgensibus duo
iugera pro amplificanda ci-
vitate.*

Willbrandus, Dei gratia sanctæ
Magdeburgensis Ecclesiæ Archie-
piscopus, omnibus præsentis literas
inspecturis, æternam salutem, & ve-
ram in Domino charitatem. Iustum
est, & à rationis semita non recedit
& apte

& apte bono Domino gloriose ascribitur, & decenter, quando superioris auctoritas propriæ liberalitatis magnificentia devotis ac familiaribus concedit, ibi maxime; ubi modus gratiæ sic impensæ iisdem respectibus & paribus modis, his quibus confertur, utilis efficitur & honestus, & nihilominus cum laudis præconio & honoris commodum & gloriam revertitur conferentis. Hinc est quod nos paternum affectu veraciter intuentes puram fidem ac devotionem non fictam dilectorum nostrorum Burgenſium in Magdeburgk; considerantes etiam, quod eiusdem civitatis munificencia nobis & Ecclesiæ evidentissime sit expediens honesta: in omnibus quidem eorum petitionibus decentibus & honestis, in eis dignissime, quæ sicut ad ipsorum proficuum, sic ad nostrum proveniunt etiam incrementum pie ac hilariter eisdem censuimus annuendum. Ea propter instantibus dictorum fidelium nostrorum supplicationibus inclinati, concedimus atque damus eisdem duo jugera muro civitatis adiacentia, omni eo integritatis iure, quo ipsa nos ipsi possidemus, usque modo, & totum id, quod iuris habemus in illis, transferimus ad eosdem: ita tamen, ut ipsi

ad

ad erectionem murorum civitatis ex
fundo illo lapides eruant, & domum
nostram ad utilitatem honestam re-
digant & communem. Volentes igitur,
ut hæc nostra donatio, ipsis fu-
turis temporibus rata maneat ac in-
concussa: Ipsam præsentipagina in-
scribi iussimus, & ad robur evidentius
veritatis, sigilli nostri munimine ro-
borari. Huius rei testes sunt Ludol-
phus Cantor, Theodoricus de Dru-
bin, Theodoricus de Parchen, God-
fridus de Weddingen, Bertramus
Brandan, & Wernerus frater eius;
Bruno filius Ottonis, Wernerus de
Schattaw; Gerardus de Gloune, &
alii quam plures. Actum anno gratiæ
millesimo ducentesimo tricesimo se-
xto, decimo calendas aprilis; indictio-
ne nona pontificatus nostri an. primo.

*Littera Domini V Vilbrandi Archie-
piscopi Magdeburgensis confir-
mationis privilegio-
rum.*

Wilbrandus, Dei gratia Sanctæ Mag-
deburgensis Ecclesiæ Archiepisco-
pus, dilectis suis, universitati Burgen-
sium in Magdeburck, gratiam suam &
omne bonum. Ut libertatis nostra bene-
ficia, quibus vos & nunc & frequenter
M m m inten-

912 R E R V M P. H A N S.
intendimus honorare, vos ad ferven-
tius serviendum nobis & Ecclesiæ no-
stræ in præsentî provocent, ac nihilo-
minus obligent in futurum; lura con-
suetudinis, libertates, quibus adhuc
usque tempora vos & vestri progenito-
res usi fuistis, quibus etiam ipsa civitas
incrementum noscitur habuisse, ac in
futurum creditur habitura, præsentî
scripto perpetuo jure confirmamus.
Nulli ergo hominum huic nostræ
confirmationi liceat ausu temerario
contrahere. Si quis hoc attentare præ-
sumpserit, indignationem Dei ac no-
stram se noverit incursum. Datum,
anno gratiæ millesimo ducentesimo
quadragesimo primo, decima die men-
sis Ianuarii; pontificatus nostri anno
sexto.

*Preccariarum impositionum remissio
extra civitatem, quæ ex agri-
cultura solvebantur.*

NOs Ericus Dei gratia sanctæ Mag-
deburgensis Ecclesiæ Archiepisco-
pus, publice recognoscimus per præ-
sentes, quod propter favorem specia-
lem, nobis ab honorabilibus viris, Al-
berto Præposito, Bernhardo Decano,
ceteroque nostræ Ecclesiæ Capitulo, nec
non à dilectis nostris Burgenfibus de
Mag-

Magdeburck, exhibitum & ostensum, in eo videlicet, quod ad præsens, necessitate nostra requirente, nos circa bona sua petitionem facere benevole permiserunt, ipsis: placitavimus in hunc modum: Quod de cætero bona ipsorū petere non debeamus, nec nostros advocatos seu nuncios in bona eorum mittere, ad extorquendam petitionem aliquam ab eisdem. Si vero terræ necessitas legitima requireret, vel guerra ingrueret manifesta, ita ut subsidium ab ipsis requirere cogeremur; tunc eorundem honorabilium virorum Canoniorum ac Burgenſium consilio benevolo ac concessu mediante, talem statuimus petitionē, quæ terræ videatur tolerabilis: ad quam benevolentia & voluntatem suam dirigent & convertent. Ad hoc igitur observandum nos præsentibus obligamus litteris nostris, sigillo firmiter communitis. Datum & actum Magdeburgk. anno millesimo ducentesimo nonagesimo secundo. xvi. Kalendas Februarii. &c.

Littera resignationis Alberti Ducis Saxonie Burggravionatus & Banni in Magdeburgk.

NOs Albertus, Dei gratia Saxonie, Angarie, Westphaliaeque Dux,
M m m 2 &

& Comes de Brena, recognoscimus tenore præsentium, publice protestantes, quod dignitatem seu Burggravionatum, & Bannum eiusdem Burggravionatus, intra muros Magdeburgenses, & in novo foro, cum omnibus pertinentiis eorundem, quos tenuimus à venerabili Domino nostro Erico, sancto Magdeburgensis Ecclesiæ Archiepiscopo, ac ipsum de Burggravionatu & Banno, prædictis warandamus, & præsentibus veram warandiam præstamus, pro nobis ac pro omnibus nunc vivis existentibus, & futuris: præsentibus Decano de Welpia, Ottone Bretzna Canónico Magdeburgensi; Nobilibus viris Friderico de Dorstat, Alberto de Barby, Richardo Dapifero de Aschleve, Hidecone de Nigri &c. Fridelino de Dahmis, Ottone de Kothe-ne, Tilone Marchalko, Iohanne de Bardeleve, Tilomanno Rabilli, Wernero & Conrado de Sprone, Georgio de Hitzacker; militibus, Iohanne de Hoensteyn, Beremanno Ditto Konningk, Lentzemannno Boneke, Walthero Schlanstede, Burgenlibus Magdeburgensibus, ac aliis fide dignis. Ne autem super hoc cuiquam in posterum dubium oriatur, præsens scriptum, inde confectum, sigillo nostro duximus roborandum. Actum & datum

in

in campo , iuxta claustrum Plotzke,
anno Domini millesimo ducentesimo
nonagesimoquarto , pridie Kalendas
Iulii.

[Hunc Burggraviorum civitas Mag-
deburgensis ab Elem. Alberto Sax. iure
emptionis , pro precio 900 marca-
rum sibi acquirendo comparavit, licet
Ernest. Brotuff. 9000 flor. in chron.
Mersburg posuerit : quod alibi ipso
probatum contractu.]

*Litera defensionis Domini Ludo-
vici Quinti , Imperatoris cir-
ca cives Magdebur-
genses.*

LUdovicus Dei gratia Romanorum
Rex semper Augustus , prudentibus
viris Consulibus & universitati civium
Magdeburgensium, fidelibus suis dile-
ctis. gratiam suam & omne bonum.
Fidei vestre puritas & devotionis con-
stantia indefessa Serenitatem regiam
induxerunt, quod universos & singu-
los, atque civitatem vestram, intuitio-
ne nostra perpetua recepimus & reci-
pimus in præsidium & solamen : sic,
quod contra quoslibet offensores ve-
stros illicitos vos tenemur , & debe-
mus ad iustitiam defensare. Ad hæc,
Illustrem Ludovicum primogenitum

nostrum, Marchionem Brandeburgensem, universis vobis ac singulis tali ligā committimus & coadunamus; sic, quod vos ad iustitiam contrainvasores vestros quolibet, quoad vixerit, suo fideli iuvamine pro suarum posse virium adiuvabit. Et id nomine suo, quisquis procurator eius in Marchia constitutus fuerit, faciet & fideliter prosequetur. Vos vero vice pati nedum nobis; sed & filio nostro, Marchioni Brandenburgensi, adstringimus, ut declarant litteræ nostræ desuper nobis datæ. In cuius rei testimonium præsentibus vobis dedimus, maiestatis nostrique sigilli munimine roboratas. Datum apud Arensteden, nonas Augusti, anni Domini M C C X X I I; regni vero nostri anno nono.

*Litteræ confirmatoriae Ludovici Quinti
Imperatoris, super privilegio
Magdeburgensium.*

LUDOVICUS, Dei gratia Romanorum Rex, semper Augustus, universis sacri Romani Imperii fidelibus, præsentibus litteras inspecturis, gratiam suam & omne bonum. Accedentes serenitatis nostræ præsentiam prudentes viri civēs Magdeburgenses, fideles nostri dilecti, nobis humiliter supplicarunt, ut
uni-

universa privilegia, iura, gratias, libertates, & immunitates, à divis Imperatoribus, seu Romanorum regibus, prædecessoribus, viris illustribus, ipsis indulta seu concessa & Statuta, per ipsos cives in profectum civitatis promulgata, approbare, innovare, & confirmare, ex benignitate regia dignaremur. Nos vero, considerantes, Regiam decere Maiestatem, devotorum suorum iustis desideriis favorabiliter inclinari, ut, qui prompti fuerint, in obsequiis retineantur: expensis beneficiis, promptiores, ex innata nobis clementia omnia privilegia, iura, gratias, libertates ac immunitates, ipsis à divis Imperatoribus; ac Romanorum regibus, prædecessoribus nostris illustribus, rite & rationabiliter indulta seu concessa, adhuc bona & honesta statuta in profectum civitatis per ipsos edita, approbamus, innovamus, & autoritate regia confirmamus. Nulli ergo omnino hominum liceat hanc approbationis, innovationis, seu confirmationis paginam infringere, aut ei in aliquo ausu temeratio contraire: Quod qui facere præsumperint, indignationem regiam se noverint incursuros. In cuius rei testimonium præsentibus ipsis dedimus litteras, Maiestatis nostræ sigilli

918 RERVMP. HANS.
munimineroboratas. Datum in Arem-
steden , anno Domini 1323 , in die
beati P. , regni vero nostri anno
nono.

*Abso'utoria eventuales à banno littera
Ottonis , x x x 1. Archiepiscopi Magde-
burgensis , ex familia Landgraviorum
Hassia oriundi, & à Papa Iohanne xxii,
ipso Avinione Gallia degente , tunc
temporis contra Henricum Co-
westem Stolbergensem
electi.*

NOS Otto Dei gratia , & sedis Ro-
manæ electus Archiepiscopus san-
ctæ Ecclesiæ Magdeburgensis , præsen-
tibus hisce litteris , coram omnibus,
qui eas visuri sunt , aperte confitemur
& testamur , quod nos , propter singu-
larem affectionis favorem & amici-
tiam , quam nos deprehendimus pri-
dem & adhuc invenimus in nostris
fidelibus & dilectis , scabinis , senato-
ribus , tribuum magistris , & civibus
communibus civitatis Magdeburgen-
sis , non debemus culpare , aut infimu-
lare , velut nec id nostri causa alicui
concedemus , qui aut iuxta ius Cano-
nicum aut mundanum illos nostros
cives Magdeburgenses incuset , præ-
sertim & singulariter propter factum,
quod

quod in civitate ea Magdeburgensi
perpetratum est, in custodia & morte
venerabilis Domini præcessoris nostri,
ob fortuitam sublationem Archiepis-
copi Burchardi Magdeburgensis, cui
Deus propitius sit. Inde renunciamus
omni iuris conventioni, quæ nobis in
hoc contra illos competeret; & plane
ab ea culpa eos absolvimus. Præterea
debemus & volumus nos nostram &
nostrorum omnium facultatem, etiam
amicorum auxilium & consilium in
hoc conferre, cum assidua diligentia,
absque omnivariis argutiis, & effu-
giis, tam scribendo, quam præcando,
tum tabellatorum missionem per pro-
prios nostros sumptus mittendo in
aulam Romanam, ut propter supra-
dictum factum à sancto nostro patre
Papa in gratiam recipiantur, & peni-
tus reconcilientur. Tum quoque
debemus nos illis relinquere iura sua,
privilegia, & consuetudines, quas ex
antiquo more possident & obtinent
in hunc usque diem; Et debemus
illis servare stipulationes, & litte-
ras obligationesve, quas à præcessori-
bus nostris & à capitulo nostro Mag-
deburgensi habent. Debemus quo-
que eos defendere & tueri, & auxilio
omni illis succurrere contra princi-
pes, contra Dominos, & contra

quosvis violatores , pro iure eorum ,
 ubicunque hoc necessitas requirat, ve-
 lut Dominus suos dilectos viros , &
 suos devotos defendere , & iis opem
 præstare tenetur , iuxta iuris vigorem.
 In huius rei manifestum & apertum
 testimonium , & eorum omnium quæ
 superscripta sunt , illis has præsentem
 litteras dedimus, atque appenso nostro
 sigillo corroboravimus, & sigillari cu-
 ravimus. Actum Magdeburgi , anno
 post nativitatem Domini millesimo
 trecentesimo & vigesimo septimo , die
 Sancti Ægidii divi Abbatis.

[Quomodo vero Archiepiscopi
 Burchardi illius attentata , contra ci-
 vitatis privilegia & Imperatoris rega-
 lia , quæ eundem in civitatis huius
 jure concernunt, suscepta , ipse Impe-
 rator Ludovicus Quintus vindicavit,
 & acriter taxavit , defunctum Archi-
 episc. depopulatorem , & nomine Ar-
 chiepiscopi indignum vocando; id ali-
 bi Ludovici litteris demonstratur &
 docetur, ubi plenius de cassatione ban-
 ni talis agitur. Interim *Actus homagia-
 lu*, qui primus fuit, quum antehac præ-
 cedentibus triginta Archiepiscopis
 nullatenus obligata fuerit civitas , sic
 se habet , ut ex sequenti apparet docu-
 mento.

Nos Conradus , Dei gratia Præsup-
 positus

positus monasterii sanctæ Mariæ Virginis Magdeburgensis, ordinis Premonstratensis, & frater Iordanus, Lector Erfurdenfis, ordinis fratrum Eremitarum sancti Augustini, Commissarii ad infra scripta authoritate Apostolica deputati, recognoscimus, & præsentibus protestamur; honorum viros Consules, & communitatem civitatis Magdeburgensis, venerabili Patri ac Domino, Domino Ottoni, sanctæ Magdeburgensis Ecclesiæ Archiepiscopo, iuramentum fidelitatis & homagii in nostra præsentia præstitisse, iuxta mandatum Apostolicum, in hunc modum: Quod congregati parochiani singuli, per singulas eiusdem civitatis parochias, Domino Archiepiscopo prædicto præsentialiter constituto, interrogati à nobis, si vellent litteras & mandata Apostolica observare, sub his verbis vulgaribus: *Syth ihr herkommen, ihr Herrn von dem Rathe und di gemeyne der alten Stadt Magdeburg, daß ihr halten vvollet des Pappstes brieffe, und sein gebot?* (id est: Num huc venistis, vos domini ex Senatu, & vos cives veteris civitatis Magdeburgensis, quod velitis servare Papalitteras & præcepta?) & respondentes, quasi unius vocis clamore, Quod sic: iussu nostro elevantes singuli manus suas, fecerunt iuramen-

mentum verbis vulgaribus, sub forma consensu partium concepta, & utrumlibet voluntarie accepta: quæ dignoscitur essetalis: *VVy Rathmanns und wy gemeyne lütche, alle der alten Stadt zue Magdeburgk, schvueren unserm Herrn Ertzbischofen Otten die hier gegenwertig ist, truvve und holt tho vvesende, als wy van rechte sullen das uns Gott helpe und seine Heiligen (id est): Nos senatores populusque veteris civitatis Magdeburgensis, iuramus ad fidelitatem & affectionem gratam nostro Domino Archiepiscopo, qui praesenter heic adest, praestandam, veluti iuris est & nobis competit; prout nos Deus iuvet & sancti eius.)* Et hoc idem vice versa idem Dominus eisdem civibus favorabiliter reptomisit. In cuius rei testimonium sigilla nostra praesentibus sunt appensa. *Acta sunt haec anno Domini millesimo trecentesimo tricesimo tertio, Sabbatho ante Dominicam Iubilate.*

Notabilis certe est actus, quamvis non verbis splendidis & pomposis sit descriptus: tamen, qui personas, qui res, & verba tractatus recte, iuxta vigorem & pondera examinate voluerit, multa inde colligere & discipere poterit. Nam in singulis circumstantiis ea latent, quæ singulati quidem indigerent explicatione, sed nostra-

nostrarum partium jam non est, quælibet ad acumen revocare judicii. Res ita demum transacta quidem fuit, verum cotidie novis disputationibus & difficultatibus inde exortis ansam præbuit, ut pactum hoc homagiale patrum quam plurimorum postea genitrix & mater extiterit; velut id quoque anno 1613, die 27 Novembris, Syndicus Magdeburg. Thomas Francius coram Electoris Brandenburgici & Principum Anhaltinorum Legatis, quorum utraque pars controvertens tanquam arbitros ad componendam novam homagii discordiam advocarent, in Monasterio Bergensi prope Magdeburgum sito, ingenue confessus est; ubi post longam huius litis deductionem usus est his verbis: Quod confiterentur, in primis tres fuisse Archiepiscopos, qui civitati Magdeburgensi ingens damnum quoad jura regalia & temporalia crearint; Burchardum, Guntherum, & Ernestum: Et hos quidem usque adeo nimia dominandi cupiditate urbem suppressere laborasse, ut etiam per Pontificis Romani bannum & excommunicationem in non exiguam præcipitarent calamitatem: unde civitas coacta fuerit tria hæc summa in se recipere onera; nimirum, ut Reversales mutue exhiberentur, jura-

men-

mentum emendæ præstarent, & pacta accumularentur : quum tamen antea civitas plane liberrima fuerit. Credere se tamen , affirmavit ibidem , quod Pontifex nullus Imperatoris concessa privilegia & regalia infringere possit; quum præiudicium ipsi Imperatori & eius Maiestaticis juribus id importaret , taliaque pacta & reversales vi & metu extortæ nullum per naturam rei sortiri possent verum & solidum effectum. Verum quum in hac decisione illius Syndici terminetur quæstio superius allata , etiam in ea nunc acquiescendum nobis erit ; interea perrecturus ad reliqua , quæ in dissolutione fœderum sunt cognoscenda.

N O T A.

Quum ab amico hæc sequentia Diplomata, superioribus adherentia, mitterentur eo ipso tempore dum imprimebatur libellus iste , æquum fuit, ut petitioni amici non tantum satisfaceret ; sed etiam historicæ continuationi hæc necessaria illustratio subnecteretur.

Diplo.

*Diploma privilegiorum ab Imper.**Ottone I V. anno 1 2 0 8**Magdeburgensibus con-
cessorum.*

IN nomine sanctæ & individuae Tri-
nitatis. Otto quartus divina favente
clementia Romanorum Rex & sem-
per Augustus. Iustum & honestum
est, ut bene meriti suorum meritum
digna beneficiorum præmia congruo
ordine consequantur. Vnde est quod
nos attendentes præclara devotionis
obsequia, quæ dilectus Princeps noster
Albertus, Magdeburgensis Ecclesiæ
Archiepiscopus, ab exordio nostræ
promotionis ferventer nobis exhibuit,
& Domino concedente, in posterum
nobis est exhibiturus, non immerito
ad omnia ea exequenda, pari animi
nostri movemur intentione, quæ vel
honorem personæ suæ respiciunt, vel
ad commodum, vel utilitatem Eccle-
siæ principalis & demum suffraga-
nearum Ecclesiarum suarum condu-
cunt. Cum igitur ex antiqua & an-
tiquata consuetudine, omnium Epif-
coporum decedentium, qui de jurif-
dictione sunt Imperii, in quibuscun-
que redditibus, fisco cedere debeant
Imperiali, ob synceram dilectionem
memo-

memorati Archiepiscopi, eiusque personæ reverentiam, successoribus dummodo à præsentī toga carnis ipso ex-eunte, & omnium suffraganeorum successoribus, in perpetuum concedimus, ut omnes proventus Episcopales, qui defunctis Episcopis, Imperio cedere consueverunt, deinceps ad usus ipsorum colligantur, & collecta reserventur, statuentes, ut si decentes Episcopi aliquibus debitis fuerint innodati, ea exinde persolvantur. Per hoc tamen speciale gratiæ nostræ donum, Magdeburgensem Ecclesiam, omnesque eius suffraganeas Ecclesias, cum omnibus eorum familiis, occasione memorati Archiepiscopi, volentes esse specialius honoratas.

Porro cum Romani Imperatores nostri, in omnibus civitatibus & oppidis Ecclesiarum Imperii, durantibus curiis Imperialibus in illis, accipere consueverunt theloneum & mone-tam, & in suos usus convertere. Nos propter synceram dilectionem, quam ad memoratum gerimus Archiepiscopum, eandem consuetudinem, eiusque debitum prorsus abolere decrevimus, & tam Magdeburgensi civitati, quam universis oppidis ad ipsam Ecclesiam pertinentibus, illius onus obsequii liberaliter in perpetuum relaxamus.

[Heic


[*Heic notandum, ait Dauth, Magdeburgum fuisse civitatem Imperialem immediatam, & ad intercessionem Archiepiscopi vacatione ac immunitate ab oneribus realibus Imperio debitis ab Ottone Imperatore ornatum. Sub nomine autem oppidorum intelliguntur Hala Saxon, Burgum &c, quæ veteri verbo suburbicaria dicta, Metropolim respicientia in Iuris ac Iustitiæ impertitione. &c.*]

In rebus quoque, ubi ex antiquo Magdeburgensis numismatis, percussio currere consueverant, statvimus nec cheloneum, nec Monetam, aut per nos, aut unquam per alium, nisi de voluntate & consensu ipsius Archiepiscopi, vel successorum suorum ponendam. Caterum ut tam memoratus Episcopus, quam familia suæ dilectæ nobis universitas, plenitudinem gratiæ nostræ operum recognoscat, nos neque per nos, neque per homines nostros, faciemus, vel fieri mandabimus, in civitate Magdeburgensi, vel in oppidis, vel in aliquibus bonis Archiepiscopi Ecclesiæ, aliquam exactionem: nec sumemus hospitium, quæ vulgariter *berbergie* nuncupatur, contra voluntatem Archiepiscopi, vel alicuius sui successoris; per hanc etiam specialem gratiam nostram, Ecclesiam Magdeburgensem volentes esse specialiter honoratam.

Ut autem hoc nostræ liberalitatis do-
 num sæpe fatæ Magdeburgensæ Eccle-
 siæ & suffraganeis eius omni ævo tu-
 tum & inconvulsam permaneat, præ-
 sentem exinde paginam conscribi iussim-
 us, & Maiestatis nostræ sigillo com-
 muniti: statuentes & Edicto Regio
 firmiter præcipientes, ut nullæ de cæ-
 tero personæ altæ vel humili ecclesia-
 sticæ sive seculari, hanc nostræ Dona-
 tionis divalem paginam licitum sit in-
 fringere, vel aliquo ei temeritatis ausu
 obviare. Quod si quis facere præsum-
 pserit, in vindictam transgressionis
 auri purissimi libras centum compo-
 nat, quarum medietas Cameræ nostræ,
 reliquum passis iniuriam persolvatur.
 Heic iterum Dauth. notat, inquit:
 Ergo læsæ civitati, non autem Archi-
 episcopo solvendum manet.) Huius
 rei testes sunt: Hartbertus Hildeshei-
 mensis Episcopus. Tidericus Mersbur-
 gensis Episcopus. Henticus Palatinus
 Comes Rheni. Bernhardus Dux Saxo-
 niæ. Hermannus Lantgravius Thu-
 ringiæ. Tidericus Marchio Misnensis.
 Conradus Marchio de Landsperg. Al-
 bertus Marchio Brandeburgensis. Co-
 mes Fridericus de Brena. Geverhar-
 dus Burggravius Magdeburgensis.
 Comes Adolphus de Sconwenburg.
 Comes Buruchardus de Mansfeld. Co-
 mes

mes Algerus de Hohinsteyn. Albertus
& Gevehardus fratres de Arnsteyn. Co-
no de Müntzenborgh. Basilius de
Osterode. Gunzillinus Dapifer. Tideri-
cus Rabil, & alii quamplures.

Signum
Dom.
Regis



Ottonis
Quarti
Roman.
Invictis-
simi.

Ego Conradus Spirensis Episcopus,
Regalis aulae Cancellarius, vice Dni.
Sifridi Moguntinensis Archiepiscopi,
totius Germaniae Archicancellarii, re-
cognovi. Acta haec sunt anno Domi-
nicae Incarnationis M.C.VIII. Indict.
XII. regnante Domino Ottone IV.
Romanorum Rege glorioso, anno Re-
gni eius duodecimo. Datum apud
Braunswig, per manus Wolteri Regalis
aulae Protonotarii, XIII Kalend. Iun.

Diploma aliud de an. 1216.

FRIDERICI II. IMPERATORIS.

IN nomine sanctae & individuae
Trinitatis. FRIDERICVS Dei
Ndn 2 gra-

gratia Romanorum Rex & semper Augustus, & Rex Siciliae. Illud privilegium, quod Rex Regum & Dominus Dominantium in memoriam Ecclesiasticae libertati præciosissimo sanguine suo scripsit; ita Regio decet custodire favore, ut nunquam in eo quicquid appareat, quod illius gratiae videatur obtenebrata decorem, quæ à tanto procedit Auctore. Ut ergo post terreni regni fastigia securius expectare possimus ab ipso æternæ felicitatis coronam, cum nostræ devotionis ministerio permanserit in suæ integritatis gloria Sponsa Christi, grata sui status debet à nobis percipere potius incrementa, quam ipsius quasi sub quadam specie servitutis pro posse sinamus indumenta discerpi. Ideoque veterem illam consuetudinem detestantes, quam antecessores nostri Romanorum Imperatores & Reges in Cathedralibus exercuerunt Ecclesiis & Abbatias, quæ manu regia porriguntur, quod videlicet decedentibus Episcopis & Prælatibus earum, non tantum reliquias rerum mobilium earundem consueverunt occupare, & convertere in usus proprios occupatas, quam etiam reditus & proventus per totius anni circulum ita prorsus auferre, ut non solvi possint debita decedentis, nec succedenti

denti prelato necessaria ministrari. Eide-
dem consuetudini sive iuri, vel quo-
cunque vocabulo exprimat, renun-
ciamus penitus, ob reverentiam Cruci-
fixi, cuius in nostro corpore laudamus
Insignia, illud iisdem Ecclesiis perpe-
tuo jure donantes, & auctoritate Re-
gia statuentes, ut Ecclesiarum omnium
libertate integra semper in omnibus
permanente, res & redditus huiusmodi
in solvenda debita decedentium Præ-
latorum, & in alios Ecclesiarum usus
vertantur. Obsecramus igitur easdem
Ecclesias, & in virtute Altissimi conte-
stamur, quatenus ob hanc munificen-
tiæ nostræ gratiam apud Altissimum
supplicare dignentur in posterum piis
orationibus, & post terminum vitæ
nostræ, diva in perpetuæ commenda-
tionis memoria retinere. Cum autem
Magdeburgensis Ecclesia, quæ nonnul-
las pro exaltatione nostra passa est sol-
licitudines & labores, in subscriptis
articulis, à quibusdam antecessoribus
nostris in privilegio meruit honorari,
nos præfatæ libertatis ipsius nolentes
restringere terminos, sed potius am-
pliare, ad preces dilecti principis nostri
eiusdem Ecclesiæ Archiepiscopi Adel-
berti, qui principalis & præcipuus no-
stræ sublimationis auctor extitit &
promotor, eadē auctoritate statuimus

innovantes, ut cum in civitate Magde-
 burgensis Ecclesiæ, vel oppidis perti-
 nentibus ad eandem, à nobis vel suc-
 cessoribus nostris, curias Regales cele-
 brari contigerit univèrsis, quæ in aliis
 civitatibus atque locis in moneta,
 rheloneis, & cæteris utilitatibus qui-
 buscunque, Imperiali jure pròveniant
 ab eisdem, in præfati Archiepiscopi &
 successorum eius bonis & fructibus
 libera semper existant prædictæ Eccle-
 siæ profutura. (4.) In omnes etiam
 homines civitatis oppidorum, seu vil-
 larum ipsius, Regales talliæ petitiones,
 aut exactiones nulla unquam occa-
 sione, præter Archiepiscopi & successo-
 rum eius exercent assensum: nec
 quisquam præter ipsum Archiepisco-
 pum & dictos successores eius, aliquid
 iuris habeat in eisdem. (5.) Et
 ubicunque percussio Magdeburgensis
 numismatis hactenus currere consue-
 vit, nullus unquam præsumat cede-
 re de novo monetam, sed præfati cur-
 sus numismatis large per prædictos
 terminos in suo robore perseveret. Ad-
 hæc eidem Ecclesiæ nostra liberalita-
 te donamus, ut si alicubi in bonis civi-
 in quavis specie contigerit repeti me-
 tallum, in usus ipsius Ecclesiæ perpe-
 tuo deputetur, adiciendis ut quælibet
 iura, quæ sæpe dictæ Ecclesiæ à nostris

antecessoribus sunt concessa , libera
ipsis semper maneant & quæta. Ut
autem hæc omnia , sicut à bonæ vo-
luntatis nostræ liberalitate procedunt,
perpetuis temporibus maneant incon-
vulsa , præsens inde privilegium con-
scribi præcepimus , nostræ imaginis
impressionem muniri statuentes, ut quis-
quis contra hæc præsumpserit aliquid
attentare , centum libras auri pro pœ-
na componat , quarum medietas fisco
cedat, & pars altera illis, quibus iniu-
ria fuit irrogata. (c.) Testes huius
rei sunt : Otto Frisingensis Episcopus.
Otto Herbipolensis Episcopus. Sifri-
dus Augustensis Episcopus. Siboto
Havelbergensis Episcopus. Angelhar-
dus Colonienſis Electus. Vricus Pa-
taviensis Electus. Henticus Abbas
Herſenfeldensis. Cono Abbas Elera-
censis Hermanus Fuldensis Electus.
Ludovicus Comes Palatinus Rheni
& Dux Bavariz. Leopoldus Dux
Austriæ. Otto Dux Meraniz. Her-
mannus Marchio de Baden. Fridericus
frater eius. Anshelmus Marschalcus,
Wernerus Dapifer , Walterus Pincer-
na , Regales aula. Et alii quam plu-
res.

Et ego Conradus Metensis Episco-
pus , Imperialis aulae Cancellarius, vi-
ce Domini Sifridi Moguntinensis Ar-

934 R E R V M P. H A N S.
chiepiscopi , totius Germaniæ Archi-
cancellarii , recognovi. Acta sunt
hæc anno incarnationis Dominicæ
M. CC. XVI. Induct. IV. Regnante Do-
mino F R I D E R I C O Secundo Ro-
manorum Rege gloriosissimo & Rege
Siciliæ. Datum Herbipolis per ma-
num Bertoldi Regalis Aulae Protono-
tarii, v. Idus Maii, anno Regni Domini
Regis quarto.

(a.) Ad diploma hæc Imp. D. Dau-
sbii sen. olim hæc notavit, rem ita expli-
cando; dum iura civitatis defendit: ad litt.
a. Eadem iura Episcopi Argentiniensis,
Spirensis, Vormatiensis, &c in suis civita-
tibus Cathedralibus impetraverunt, non
imminuto earundem civitatum libertatis
statu, nec domino civitatum in ipsos Epi-
scopos translati, utcunque ipsi hoc semper
pratenderint. Imo nec fieri potuit in præ-
iudicium earum, quum prius autiri de-
buisset, velut etiam hodie iste stilus in au-
la Imperatoris observatur, ut quæries ex-
tensio privilegiorum petitur, id fiat cum
consensu interessentium, quibus copie peti-
tionum mittuntur, ut ratione interesse
audiantur prius, alius per se nullum est &c.
Tum pacta stricti iuris non ad alios ex-
tendi possunt, quum sit res inter alios
acta.

(b.) Ergo, ait Dausbii, civitas
Magde.

Magdeburg, olim immediate Imperio contribuebat, à quo onere immunitatem impetravit, intercedente Archiepiscopo, ut nec Imperio, nec Archiepiscopo contribuere teneatur, nisi ultro velit. Nam tallie, positiones (bede) & exactiones imperio debite hic remittuntur ipsimet civitati, nec Archiepiscopo donantur, cui ius in cives tribuitur honorarium, non proprietarium aut dominicum: hoc est, ut Imperator civitatem Magdeburgum, Hallam &c. collectare pro arbitrio non possit per Duces, Comites, Advocatos suos: sed per solum Archiepiscopum. Quod privilegium aliarum civitatum Episcopatum, qua haud dubie Imperiales sunt, in promptu est demonstrare. Collecta enim non Archiepiscopo, sed Imperio solvitur & praestatur, vel Archiepiscopo ut Imperatoris Commissario, cui per tale privilegium nil magis, quam Commissionis perpetuitas acquiritur, ut iura Imperatori maneant integra in civitates suas. An alia sit hodie rerum & Imperii facies?

(c.) Pœna civitati laesa solvenda, non Archiepiscopo. Unde constat, hoc privilegium commode civitati Magdeburgensi fuisse concessum, & quidem ad preces & interventionem Archiepiscopi. Tanta fuit olim concordia rerum, &c. Hactenus Dautus.

*Sequitur nunc Civitatis Magdeburg. ab-
solutio à banno propter occisum Archiep.
Buchardum, Imperatoris LUDOVICI
BAVARI, velut supra decisionis
caussa in quaestione illa motis
eius est facta, cuius inter-
pretatio ita se ha-
bet.*

NO: Ludovicus Dei gratia Impera-
tor Romanus, semper Augustus, an-
nunciamus reverendis Archiepiscopis,
Episcopis, Abbatibus, & reliquis Ec-
clesiæ Prælatiis & præfectis cuiuscun-
que dignitatis & ordinis sint, velut
etiam generosis Principibus, Ducibus,
Comitibus, præfectis, civitatibus, op-
pidis & communitatibus, etiam om-
nibus personis spiritualibus & mun-
danis, nostris & Romani Imperii sub-
ditis, nostram gratiam & omne bo-
num. Dignitas & celsitudo sacri Ro-
mani Imperii, quæ originem ex fonte
pietatis suam trahit, merito erga om-
nes & singulos Imperii subditos & fi-
deles, peculiarem benignitatem & ele-
mentem voluntatem gerit, ut quisque
in suo statu & gradu, & præsertim illi,
qui innocentiae & obedientiae se de-
dunt, recte defendatur & conservetur.
Quando itaque putamus, quod ali-
quot

quot cives & incolæ in Magdeburgo, nostri & sacri Imperii Romani fideles amici, dum illi gravia admodum & importabilia onera, quæ ipsis Episcopus eorum, modo nomine eo sit dignus, cum tamen non tanquam noster & Imperii fidelis, sed multo magis minus alius, quam violator & spoliator sit vocandus, ex malitia imposuit, perferre non potuerunt: sed propter ipsius multiplices, iniustas, & violentas actiones tandem commoti fuerint, ut eo tenderent, quomodo ex concep- to zelo erga iustitiam illum ex mundo & vïta tollerent, & divinum illud dictum, quod malefactor non sit in vïta tolerandus, ante oculos obser- varent. Vnde quoque factum est, quod dicti cives contra voluntatem, ex ipsius Burchardi fraudulentis & pessimis impositionibus convicti & co- acti sint illum è medio tollere, & ad meritum supplicium tot delictorum pertrahere. Nos autem post multas & varias deliberationes huius causæ & eventus eius tandem hoc comperti su- mus, quod Magdeburgenses & quisque inter eos ob prænominatum factum pro innocenti & impunitabili sit ha- bendus.

Quapropter nostra voluntas & sen- tentia est, quod omne illud, quod-
cunque

cunque dicti cives, aut quisquam ex illis contra nominatum Burchardum, ex necessitatis & iuris iussu, suscepit & perpetravit, ipsis & eorum hæredibus ac posteris in poenam nullam, sed potius pro beneficio communi, sit imputandum: Veluti etiam nos propter sufficientem cognitionem & constantem scientiam huius causæ ex plenitudine potestatis Cæsareæ illos Magdurgenses, ab omni & singulo, quodcunque in toties dictum Burchardum, & omnes ac singulos eius consortii, verbis aut factis perpetrarunt, his nostris apertis litteris, tanquam sententia iudicialiter prolata manifeste & coram singulis absolvi-mus & liberos pronunciamus.

Statuimus & figimus legem his in perpetuum, quod nemo in posterum ad ullam accusationem aut actionem huius causæ gratia coram ullo Iudice Ecclesiastico aut seculari contra Magdeburgenses vel eorum hæredes & posteros admitti debeat. Veluti quoque illi propterea neque in aut extra iudicium vel criminaliter aut civiliter, neque modo, neque in futurum unquam conveniri, traduci, aut denunciari & culpari poterunt aut debent.

Atque si etiam ob prædictum illorum

rum susceptum & perpetratum factum à quopiam quid inceptum aut intentatum esset, illud omne hoc nostro edicto annullamus & penitus cassamus, atque Magdeburgenses & omnes eorum posteros, in omnibus, quæcunque hoc facto perpetrarunt, innoxios pronunciamus. Atque si propterea à quoquam ex honoris ordine, officio ac statu lapsum commisisse ii & horum privatione digni esse censi possent, contra hanc opinionem omnino eos restituimus & reponimus undequaque in integrum sufficientissime. Mandamus inde, sancimus & sententionando pronunciamus, quod, si quispiam per se aut per alium quendam, sit quicumque velit, huic nostræ Cæsareæ Absolutioni, liberationi aut Restitutioni, per quamcunque viam aut modum id fieri poterit, opposuerit aut contradixerit, quod ille & illi omnes cunctis privilegiis, honoribus & dignitatibus plane exuti, & ad nullas honestas & iustas negotiationes ac communitates, aut singularia officia nequaquam idonei esse & censi debeant. Eodem modo neque ullum scriptum ius tam Canonicum, quam civile huic nostro Edicto in contrarium opponi, aut ulla interpretatione id adversum in modum intel-

intelligi, multo minus L. Cornel. de Sicariis allegari vel introduci debet. Delinquens autem & transgressor harum nostrarum legum mille libras auri puri (id est 726000, aureos) dimidiam partem nostræ Imperiali Cameræ, dimidiam alteram illis, quibus iniuria illata est, absque remissione persolver. In huius rei fidem & testimonium talia in publicas litteras referri, & easdem nostro sigillo Cæsareo muniri curavimus. Datum à nativitate Christi Salvatoris nostri 1329. Regnorum nostrorum 15. & Imperii Cæsarei secundo anno.

CAP. XXII.

De reliquis fœderum dissolutionibus.

DE fœderum violatione varia dictum est hactenus; Restat nunc, ut pauca subnectamus in fine huius disquisitionis de mutatione fœderum, expiratione temporis, & defectu contributionis; qui sunt legitimi modi aut corrigendi aut dissolvendi fœdera. Cavendam omnino est, ne temere secessionem ab invicem faciant, qui fœdere legitimo coniuncti vivunt. Nam, qui sic facile resiliunt à pactis

pactis conventis, aut se frustra dissipari patiuntur, dubitari amplius non debet, quin paulatim omnes eadem aliquam sint accepturi. *Comin. lib. 2, de reb. gest. Lud. II, Reg. Gall. fol. 360.* Velut etiam omnium maxima ingruit illis calamitas, si is potentior aut superior sit & auctoritate & potentia qui incumbat sociis. Quare si controversiæ vel contentiones inter fœderatos incidunt, inter sese ordinent, qui discordiam examinent & componant; ut *supra posita monita docent.* Quod si vero usus rerum, aut novæ quædam temporis & negotiorum circumstantiæ, aliquid moneant corrigendum; omnes prius unanimiter in hoc consensiant, aut non alias facile aliquid mutant. Etenim inconstantiam quandam & mutabilitatem animorum hæc res arguit, quæ minus decet viros cordatos & integritati deditos. Sed interdum, necessitas quædam intervenit, quæ depauperatis legem impossibilitatis imponit. Sic enim deficiente pecunia dissolvitur inculpabiliter confœderatio, quum dolus absit. Quamprimum enim collatio annua vel menstrua in corroborando thesauro confœderatorum cessat, (*dasz die kasse nicht kan erklecklich gesterket werden,*) cessat etiam fœdus, vel minuitur,

unitur, & in nihilum tandem redigitur, Velut etiam lucris inæqualitas fœderum sanctionem reddit difficilior, unde eorundem facile impeditur continuatio. Quomodo vero id fiat, discatur ex *Renat. de Lusunga, lib. 3, de in s. rem. conservat, & occas. Imperio, c. 7, & seqq.* Sed omnium rectissime & iustissime sit dissolutio, si tempus præscriptum elapsum sit, & finem exordi claudat. Etenim præfixum & præstitutum tempus legem eam fini imponit, ex qua primitus determinationem accepit. Quod si igitur ad metam eam perventum sit sine difficultate; liberum erit consultare, num quid sit prorogandum, vel minus. Alias verissimum est, quod in eos, qui per rationem iustam à fœdere compacto discedunt, nihil temere statuendum sit, *arg. l. 14, 15, & 16, ff. pro soc.* Videat igitur quisque, ut fœderi eam resseram amicitiae reponat, quæ nihil discordiæ aut offensi animi ostendat, licet res ipsa expirarit; ne illud accidat, quod vulgus iactare solet, Adamantem in eas malleo redigi minutias, quæ omnem oculorum aciem excedant.

» Iehova faxit, ut fides sit ubique in amore constans, ne mortalitas hæc
seme-

temere per sui iacturam dissolvatur,
& in aeternas tenebras se precipitet.
Amor Christi sit verus nostri amor;
sic neque ab invicem, nec ab ipso
separabimur Christo. Gratia Spiritus,
in potenti pietatis veræ amore,
nos perducatur per & cum
Christo ad Iehovam Pa-
trem. Amen.

Ooo

EPI.

EPILOGUS,

Seu

AN NEXUM,

*Necessaria informationi
inserviens.*

HAftenus in genere ea explicata sunt, quæ fundamenta huius intentionis propositæ accurate lectori satis declarare possint, si ex fœdere Hanseatico perplexa cuiuspiam forte quæstio obiiciatur, cense esse memini, qui talia parum propitiis oculis pellustrent. Verum si rem optimam penitus introspicere & secum exactius examinare discant; facile ab affectuum suorum importunitate, quæ nunquam commodum admittit hominis corrupti iudicium, se liberare quis poterit. Fœderis Hanseatici nobilis societas & communem talium rerum publicarum, quæ per tot membra in uno corpore repræsentantur, suis certe fundamentis non immerito innititur; atque quam laudabilis sit eius consolidatio in tot partibus,

bus, id duratio satis detegit. An non enim admiratione perdignum sit, quod ultra quatuor secula ex tam variis concussionibus ita emerferit, ut adhuc in suo se Respublicæ omnes laborent integre conservare vigore? Actum hucusque est de societate, de libertate, servitute, de Privilegiis; (quorum auxilio servitus sat inimice libertati superinducta paululum rursus discutitur;) de vera forma Reipublicæ, de discrimine aliarum; de locis, quibus contineantur, de fœderibus, & eorum complementis atque perfectione. Nam talia omnia recte constare debent, si quis per veram corporis naturam imbueri velit atque dignosciet; præsertim quum in opinionibus quam plurimis ipsi sæpissime se heic confundant, ita ut ab erroribus plerumque difficulter revocentur; id quod toties in præcedentibus monitis fuit inculcatum. An non inde corruptum progeneretur apud mortales iudicium? Imo fit, ut res optima tali censura in pessimum haut raro abripiantur aut præcipitentur arbitrium. Quapropter, quum constet modo quod societas sit, & quid sit, ac quibus modis libere confociari, ac quo iuris medio, & uti conducere in fœdus iustum ac legitimum

possit: iam quoque annectendum foret, à quibus, & cui rei induci debeat, præsertim quum amplissima commercii materia se nobis heic exerat: Verum, quum temporis ratio & fœderis Hanseatici delineatio ipsa nunc exigat hoc, ut ea, quæ generaliter hucusque introducta sunt, ad specificam determinationis applicationem retrahantur, precium erit, ut maturitati & scopo huic nihil amplius obiciatur moræ. Sic ipsæ personæ & ipsius materiæ sedes omnis luculentius explicabuntur. Etenim fœdus illud inclutum Hanse, nullam materiam subiecti fundamentalem agnoscit, quam commercium, & eius liberum in naturali quovis & gentium iure usum. Quid potentius, quid efficacius, quid iustius convenientiusque tam nobili intentioni potest exprimi? Res per se dignissima est, quæ nunc in Scenam ulteriorem prodibit. Nec sane simplici tractatione uniformiter aut paucis id explicari poterit. Commercium enim res talis est, quæ ex pluribus, & quidem satis intricatis constat membris aut partibus. Si nescis, concurrunt heic in hoc mercimonii amplissimo foro. *Commercium, mercatura, status mercatorum, persona, qui mercaturam*

enct-

*exercere queant emporium, ius stapula, ve-
ligal, maris usus, navigatio, & exportan-
di licentia, & contractus mercatorum va-
rii, &c.*

Sed nec minus eorum opposita, ut
sunt Monopolia, nimium lucrum, &
usura fallimenta, cambium inæqua-
le & inhonestum studium proprii
commodi, quod pessime, quum nul-
lum sit unquam absque idololatria
horrenda, omnes omnium hominum
actiones & negotia perdit & discum-
pit, velut & dolus, suppositiones
corruptiones materiarum, atque si-
milis eiusmodi sunt examinanda. De
his omnibus, quum pauci sint, qui
tam summe necessariam, cunctisque
mortalibus cotidie usitatissimam ma-
teriam plene pertractarint, nunc qui-
dem esset aliquid pro veriori & at-
tentiori rei intellectu dicendum; sed
quum res in nimis longum spatio-
sumque heic se diffundat campum,
& non pauca in ipsa historia atque
constitutione fœderis Hanseatici an-
notanda sint; vela heic nobis con-
trahenda video. Proinde paucula quæ-
dam infirmationis & notationis lo-
co ex Iohan. Nideri tractatu *de con-
tract. mercat. cap. 5. & 4.* de origi-
ne omnium translationum in rebus
temporalibus, & speciebus contra-

etuum, quando sint iusti aut iniusti, & nonnulla ex Benvenuto Stracha, de ipsis Mercatoribus concisissime subnectemus, quum maxime ita ad rem faciant, ut facile inde reliqua diiudicari queant. Ultimo nunc igitur (inquit Niderus d. l.) videndum est breviter unde originaliter proveniat quod rerum dominia sunt distincta, si quod hoc dicatur meum & illud tuum, quia illud est fundamentum omnis iniustitiae in contrahendo rem alienam, & post omnis iniustitiae reddendo eam. De quo secundum Thomam *prima 2. q. 64, artic. 5.* & in solutione tertii argumenti. Et secundum Scotum, uti supra.

Prima conclusio est à lege naturæ vel divinæ, non sunt rerum dominia pro statu innocentiae distincta: imo omnia erant tunc communia. Patet per *Augustinum super Iohannem cap. 2.* de quo iure defendit villas Ecclesiarum: divino an humano? divinum ius in divinis scripturis habemus, humanum autem in legibus regum? Unde quilibet possidet nonne humana voluntate? Nam iure divino, Domini est terra & plenitudo eius. Iure humano dicitur, hæc domus mea, hæc villa mea est, hic ser-

vus meus. Tolle iura Imperatorum quis audet dicere, hæc villa mea est? Ideo dicit 3. *cap. 1. iure natura* 12. q. ita dilectissimus. Ratio patet etiam ad hoc duplex: quia usus rerum secundum rectam rationem ita debet competere hominibus, sicut congruit ad pacificam conversationem, & necessariam sustentationem. Pro autem statu innocentiae communis usus sine distinctione dominiorum: quia nullus tunc occupasset, quod fuisset tunc alteri necessarium, nec oporteret illud per violentiam ab ipso extorqueri: sed quilibet hoc quando occurrisset necessarium, occupasset ad usum: sic etiam magis fuisset sufficientia ad sustentationem, quam si præcluderetur alicui usus alicuius per appropriationem illius factam alteri.

Secunda Conclusio. Istud præceptum legis naturæ in habendo omnia communia revocatum est post lapsum rationabiliter propter eadem duo.

Primo, quia communitas omnium rerum esset contra pacificam conversationem, cum malus & cupidus occuparet. Esset etiam contra necessariam sustentationem: quia fortiores bellatores privaret alios necessariis.

Vnde secundo ut politici Politia Aristotelis, quæ præfatam conclusionem tenet, rationabilior esset politia Socratis, qui Primam tenuit conclusionem:

Tertia conclusio. Revocato illo præcepto legis naturæ de habendo omnia communia: & per consequens concessa licentia appropriandi & distinguendi communia, non fiebat actualis distinctio per legem naturæ, nec per divinam. Non per divinam, ut patuit per authoritatem Augustini, supra. Nec per legem naturæ, quia non apparet quid determinet ad opposita: ipsa autem humana industria determinavit non omnia esse communia. Ergo aliqua lege positiva fiebat prima distinctio dominiorum. Ut igitur illa distinctio sit iusta, oportet quoque lex positiva talis sit iusta.

Quarta conclusio. Lex positiva iusta requirit in legislatore prudentiam & authoritatem. Prudentiam, ut secundum rectam rationem practicam dicter, quid sit statuendum pro communitate. Authoritatem, quia lex dicitur à ligando: non autem quæcunque prudentis sententia ligat communitatem nec aliquem, si nulli præsideat: quomodo autem prudentia

tia poterit haberi ad excogitandum leges iustas, satis patet. Quomodo autem autoritas iusta, quæ, cum hoc requiritur, ad legem iustam sequitur.

Quinta conclusio. Quod principatus est duplex vel authoritas: scilicet paterna & politica. Politica est duplex. In una persona, scilicet vel in communitate. Prima scilicet paterna, iusta est, scilicet ex lege naturæ, qua omnes filii tenentur obedi-
re parentibus: nec ista per legem aliquam positivam, Mosaicam vel Evangelicam revocata est, sed magis confirmatur. Illa etiam authoritas politica, quæ est super extraneos, si-
ve illa resideat in una persona si-
ve in communitate, potest esse iusta &
communi consensu & Electione ip-
sius communitatis. Et prima autho-
ritas respicit consensum naturalem,
quanquam non cohabitantes civi-
liter. Secunda respicit cohabitantes,
qualitercunque nulla consanguinitate
vel propinquitate sibi adiunctos:
utpote si ad civitatem aliquam ædi-
ficandam vel inhabitandam concur-
rant aliqui extranei, videntes se non
bene posse regi sine aliqua authorita-
te, poterunt concorditer consentire,
vel ut uni personæ, vel communitati
committere istam authoritatem. Et

uni vel pro se & tota posteritate eius. Et ista authoritas politica utraque iusta est: quia iuste potest aliquis se submittere personæ vel communitati in his, quæ non sunt contra legem divinam: In quibus melius potest dirigi per illum, cui submittitur, quam per seipsum. Ergo habemus complete quo modo poterit concedi lex positiva iusta, quia ab habente prudentiam, vel in se vel in consiliariis suis, & cum habente authoritatem iustam aliquo dictorum modorum in ista conclusione.

Sexta conclusio sequitur ex his, quod prima distinctio dominiorum poterat esse iusta à lege positiva iusta, sive lata à patre, sive Principe iuste principante, sive communitate iuste regente. Et isto modo probabile est factum fuisse. Nam vel Noë post diluvium distinxit filiis suis terras, quas singuli occuparent pro se & filiis suis & posteris, & ipsi de communi concordia inter se diviserunt, sicut legitur de Abraham & Loth. Abraham dedit Electionem Loth, quam patrem mallet eligere & ipse reliquam vellet accipere. Vel lex aliqua promulgata est à patre, vel ab aliquo electo ab eis in Principem, vel à communitate cui ipsam commu-

nitas commisit istam authoritatem. Hæc, inquam lex erat, quod res tunc non occupata esset primo occupantis: & tunc disperferunt se super faciem terræ. Et tunc unus occupavit primo unam plagam terræ & alius aliam.

Ad intelligendum autem quomodo per distinctionem rerum & divisionem translatio rerum possit fieri in alium hominem, vel communitatem aliam,

Notandum, quod translatio rerum potest fieri vel quantum ad dominium alterius, vel quantum ad usum sive ius utendi manente tamen dominio apud eundem. Et iustitia vel iniustitia in translatione usus, deformes habet regulas iustæ translationis dominii. Hæc ergo translatio dominii, potest fieri vel authoritate publica, sive Principis vel legis authoritate privata ipsius dominii immediate possidentis. Prima conclusio sit de prima translatione. Translatio dominii authoritate legis iustæ est iusta. Probatur, quia si lex iusta potuit iuste determinare prima dominia; & non minor est authoritas legis vel Principis, quod habeo hoc pro eodem post diminutionem dominiorum, quam ante: igitur post
san-

eandam causam, & eundem finem potuit iuste transferre dominium, postquam fuerat alicui appropriatum. Et hoc dico quod præscriptio in immobilibus, & usucapio in mobilibus est iusta translatio, ut patet *extra de præscript. C. vigilantibus in glo. super illud aliena.*

De secunda vero translatione scilicet, quæ fit auctoritate privata ipsius domini immediate possidentis &c. idem auctor hæc habet *cap. 4. d. translat. num. 1.* Notandum quod in translatione rei temporalis, quæ per privatam personam fieri potest, sunt quinque modi, in quibus transfertur dominium rei, videlicet donatio mere libera, permutatio, emptio, venditio, mutuatio activa, id est, mutuo datio seu pecuniæ concessio. Istis quinque correspondent quinque aliæ translationes seu differentiæ. Nam donationi correspondet usus liberalis accommodatio: permutationi respondet permutata vel mutuata accommodatio. Emptioni conductio, venditioni locatio. Mutui dationi, mutui acceptio. Mutuationi tamen activæ non correspondet aliquid proprie in translatione usus rei. In primis quinque translationibus transfertur dominium. In correspondentibus

bus vero mediis videlicet in mutua-
ta accommodatione , conductione
& in locatione non transfertur do-
minium , sed usus vel ius utendi , re-
tento dominio : fit etiam aliquan-
do translatio rei unius in alterum au-
thoritate non privatæ personæ , sed
legis , Principis , vel communitalis
authoritate , ut in præscriptione &
usucapione . In donatione est actus
mere liberalis. In aliis vero secun-
dum quod liberalis. Actus mere libe-
ralis est quando transferens non ex-
pectat aliquam redditionem debito
iustitiæ. Actus secundum quid libe-
ralis est , quando pro eo quod trans-
fertur , expectat aliud sibi reddi. Ad
hoc igitur ut omnia præmissa iuste
fiant. De donatione, ut sit iusta, exi-
gitur, ut sit liberalis translatio ex par-
te donantis , & voluntas recipiendi
ex parte illius cui donatur , & li-
bertas ex parte amborum, huius do-
nandi , & illius recipiendi : & quod
nulla lege superiore prohibeatur iste
vel ille, nec per actum alterius, à
quo dependeant in ista translatione.
Propter defectum primi non potest
quis dare pecuniam fratri minori,
quia ille non vult esse dominus. Pro-
pter defectum secundi , non potest
monachus sine licentia Abbatis , nec
filius

filius familias sine voluntate Paren-
 tis, nec etiam Clericus in aliquo ca-
 su sine voluntate, vel saltem contra
 voluntatem Papæ. Vfus liberalis ac-
 commodatio, quæ correspondet do-
 nationi, habet similes leges ut sit ius-
 ta, quia requirit in accommodante
 liberam voluntatem, & in recipien-
 te quod velit recipere rem accommo-
 datam ad usum, & quod non sit vo-
 luntas aliqua legis vel Principis ob-
 sistens illi accommodationi. Per-
 mutatio est contractus in qua domi-
 nia rerum transferuntur, ut rei utilis
 pro te utili immediate, sicut vini pro
 blado & huiusmodi. Et dicitur re-
 rum permutatio, ut do, ut des. Talis
 ut sit iusta, exigit primo ut transfe-
 rens sit dominus rei, & ut adsint om-
 nia quæ dicta sunt in iusta donatio-
 ne. præter primum videlicet libera-
 rem translationem. Nam in permu-
 tatione, emptione, & venditione ac
 in eis correspondentibus non est me-
 re liberalis translatio ceu gratuita.
 Sed ibi transferens expectat aliquid æ-
 quivalens ei, quod transfertur: pro-
 pter quod ibi proprie est contractus,
 quia ibi simul trahuntur voluntates
 partium. Trahitur enim iste ad trans-
 ferendum in illum à commodo,
 quod expectat ab illo, expectat trans-
 feren-

ferendum in se. Secundo exigit in permutatione ut dominus rei sine fraude servet æqualitatem valoris in commutatis, secundum rectam rationem. Dicitur autem sine fraude, ad excludendum fraudem in substantia, quantitate, qualitate. &c. De quibus habes supra materia prima. F.g. dicit, servet æqualitatem valoris in commutatis secundum rectam rationem attendentem, scilicet naturam rei non simpliciter, quia sic melior seu nobilior est mus quam panis. Sed si attendatur natura rei in comparatione ad usum humanum, propter quam fit ista commutatio. Ista autem æqualitas non consistit in indivisibili, scilicet est ibi (dicit Soc.) iniustitia commutativa medium & magna latitudo, & ad quantum se extendat, ex tribus innotescit. Quandoque ex lege positiva, quandoque ex consuetudine, quandoque autem relinquitur ipsis commutantibus, ut pensata mutua necessitate reputent sibi hinc inde æquivalens dare & accipere. Durum est enim, contractus esse inter homines, in quibus contra-hentes non intendunt aliquid de illa indivisibili iustitia remittere sibi aliquid mutuo, ut pro tanto omnem contractum concomitetur aliqua donatio

natio. Et si iste modus commutantium est quasi fundatus super illud legis naturæ: Quod tibi vis fieri, facias alius. Satis probabile est, quod quando sunt mutuo contenti, mutuo volunt sibi remittere, si deficiunt ab illa iustitia requisita. Venditio & Emptio ut sint iustæ, similia exiguntur. Ibi enim transfertur dominium rei utilis pro numismate, vel è converso. Quia enim difficile erat res usuales immediate commutare. Ideo inventum est medium, per quod talis commutatio faciliter fit, quod vocatur numisma. Et dicitur commutatio numismatis pro re utili emptio, converse vero venditio. Ad tales igitur ut sint iustæ, exiguntur similia, sicut in permutatione dictum est: quia oportet ibi considerare numisma ex una parte, sicut hic rempermutatam. Addo quod in his utrisque contractibus licet mutantem, ut vendentem pensare damnum suum, non autem commodum ipsius ementis, siue cum quo permutat: hoc dico in carius vendendo vel permutando, & intelligo sic: si quis multum indigens re sua per magnam instantiam alterius inducatur ad vendendum, vel etiam permutandum pro re alia, cum possit se præservare indemnum.

Et

Et ex ista venditione vel permutatione multum damnificatur, si potest carius vendere, quam si alias sine tali damnificatione venderet vel permutaret. Sed si emens magnum commodum consequetur ex re vendita vel permutata, non potest carius vendi vel permutari: quia maius commodum consequitur. Nam propter maius commodum eius, qui consequitur, nec res mea est in se pretiosior, nec mihi melior, & ideo non debet mihi maius pretium apportare, secus quando damnificor: quia tunc mihi est pretiosior, licet non in se. Mutuata accommodatio, conductio & locatio, in quibus dominium non transfertur. Sed usus vel ius utendi: quia correspondent permutationi, emptioni & venditioni: ideo cum eis conveniunt, ut dictum est. Similiter quantum ad conditiones iam positas servanda est iustitia, considerando ubi usum sicut ubi dominium. De mutui datione, ibi ad iuste contrahendum mutuum oportet servare æqualitatem simpliciter in numero & pondere, exceptis quibusdam. Excipiuntur enim ista mutatione duo casus in genere. Quandoque enim licet accipere ultra capitale ex pacto, quandoque ex non pacto. Primum

tripliciter, scilicet vel ratione pœnz conventionalis, vel ratione interesse. Et quandoque utrumque scilicet capitale & illud superfluum ponitur subincerto, ut declaratum est supra. Ex non pacto etiam aliquando licet, ut quando pecunia locateretur alicui ad ostentandum vel ad comendandum, vel ad ostendendum. Talem enim usum habet pecunia ex propria natura & tunc iterum de usu eius ultra sortem recipi potest: quia tunc non esset mutatio: sed locatio vel conductio.

Hæ regulæ dictæ sunt de iusto & iniusto in venditione vel communicatione quacunque pro nunc vel futuro, & hoc loquendo de communicatione æconomica, quæ est quando commutans intendit recipere rem pro qua commutat, non ut meretur ea sed ut ea utatur. Ideo sequitur de commutatione negotiativa, ibi commutans intendit mercari de re quam acquirit. Emit enim non ut utatur, sed ut vendat, & hoc carius: & hæc negotiativa vocatur pecuniaria vel lucrative. De hac ultra regulas prædictas adduntur duo. Primum, quod talis commutatio sit utilis Reipublicæ. Secundum, quod talis iuxta diligentiam suam & prudentiam & peri-

pericula accipiat in commutatione pretium correspondens, ut habes declaratum *sup. materia* 2. §. 8. Quæ autem sit iniusta occupatio rei alienæ, patet in translationibus domini vel usus rerum, siue sit permutatio, emptio, venditio, donatio, &c. Patet faciliter ex præcedentibus, cum rectum sit iudex sui obliqui. In donatione non est iustitia, si donans non mere liberaliter donat, vel si contra voluntatem alicuius à quo dependet in donando donat, sicut patet in illo casu, extra de censibus, exigit, quod scilicet visitantes à visitatis nulla recipiant munuscula: & si reciperent tenentur ad duplum restituere, vel non solvantur à maledictione, quam ipso facto incurrunt, ut dicitur, *lib. 6.* Non autem mere liberaliter donat, vel si deceptus vel quasi necessitate tractus donet: quia ignorantia & aliqualis coactio excludunt simpliciter voluntarium, ex secundo, & heic & ex hoc sequitur quod deceptus de eo, cui donat, quantum ad illam rationem propter quam donat, non simpliciter donat, & ideo si alicui tanquam propinquo donet, qui est propinquus, non simpliciter donat egeno. Consimiliter si alicui tanquam egeno qui non est egenus.

Et ideo videant trufatores quandoque divites existentes , qui tamen tanquam egentes recipiunt eleemofynas illas , ne iniufti omnia recipiant : quia non eft ibi in dante voluntarium propter conditionis ignorantiam , quam respicit in dando. Confimiliter fi attractus , ut in ufaris donandis non eft mere donatio liberalis. Confimiliter dicendum eft de accommodatione , licet ibi non fit æqualis defectus propter æquale vitium : quia translatio ufus ad tempus non requirit tantam liberalitatem quam translatio dominii. De commutatione rerum dico quod eft iniuftitia eifdem caufis, fcilicet deceptione & involuntario & prohibitione superioris , cui commutans fubeft in commutando & ex hoc poteft dici iniufta commutatio , quæ fit in ludo alearum & huiufmodi. *Iuxta illud ff. de aleatoribus l. ult. & extr. de vit. & hon. cler.* iuxta illud officia in glosfa, tamen ifta lex nan ligat illos , qui vivendo politice fubfunt legi Imperiali , quia forte nullibi funt hodie : quia ibi præcipue illa lex confuevit habere locum , ubi municipalia præiudicant imperialibus , ut patet in Italia. In emptione & venditione iniuftitiæ tactæ funt prius tangendo

de iniustitia in eis. Ex hoc iuxta de locatione & conductione ibidem pateret. De mutui datione & solutione est iustitia præcipua usura cuius vituperatio habetur in *novo Testamento*, *Luc. 16.* Mutuum date, nihil inde sperantes, *In veteri Testamento Ezech. 24.* Ad usuram non accommodabitis, & per Ecclesiam prohibitio, *extra de usu super cod.* Præter dictas iniustitias partiales in istis contractibus, vel quibuscunque commutationibus est una iniustitia generalis, quando aliquis usurpat rem alienam domino simpliciter invito, & hoc tam domino proximo quam domino remoto, scilicet legislatore, qui non vult: imo prohibet rem illam occupari invito domino, nisi in casibus præscriptionis & usucapionis. In istis autem non est translatio dominii, utpote in furto & rapina: & huiusmodi est, licet sit violenta occupatio rei, cui est dominium. Et ista iniustitia est manifestior quacunque alia, ubi propter solam conditionem defectuosam est iniustitia commutatione, vel translatione. &c. De his & similibus plenius quidem posset nunc agi; sed aliis merito reservantur locis, ut supra dictum est: nec iam tempus est, ut omnia retegantur, quum

multa heic se proderent mercatorum
arcana , quibus alias mundum mi-
re flagellare & suis bonis exuere so-
lent.

Ut tamen quisque sui officii in hoc
& conscientiae Christianae memores-
se possit rectius , ex Bonvi. Stra-
chæ *tract. de mercat. part. 2.* paucu-
la hæc subiicere par est , quum certe
notata sint longe dignissima, quæ de
statu mercatorum apud eum ita le-
guntur : In Insula Rhodo antiquitus
mercatorum usus fuit , & ab eadem
insula hodie navalium commercio-
rum leges dictæ sunt *c. Rhodie 2. dist.*
quam insulam claram fuisse, nemo est,
qui nesciat, unde Horat: opinor, Lau-
dabunt alii claram Rhodon , aut My-
tilenem. Et sapientes viros, & quidem
primarios mercaturam olim fecisse,
legimus. Refert enim Plutarchus in
vita Solonis eundem Solonem adhuc
admodum iuvenem ad mercaturam se
contulisse, ut profusior , & sumptuo-
sior, & mollior esset in victu , utque
libentius ac licentius, in suis poëma-
tis de voluptatibus loqueretur , quam
philosophum deceret , & mercato-
riæ vitæ rationem accepisse dicitur,
& eodem loco scripsit in verba infra
scripta.

Mercatura autem ad barbarorum
neces-

necessitudines, regumque amicitias comparandas plurimum valere putabatur, ex eadem quoque homines multarum & maximarum rerum usum, experientiamque percipere, & quibus nonnullos conditores maximarum urbium existisse, ut Massalius primus, qui à Celtis iuxta Eridanum observatur, Thaletem quoque & Mathematicum Hippocratem, exercuisse mercaturam ferunt: Platoni etiam olei in Ægypto deportationem peregrinationis viaticum superuisse. Hæc ille. *Bald. etiam noster in Consil. 348. factæ fuerit num. 4. vol. 1.* Mercatorum & campforum massam summum bonum esse, inquit, & gentium elementum, licet tempestate nostra atrocita admittant. Idem etiam *Bald. in c. cum causam de test.* esse clamans ait: O quo vadit anima mercatoris? quem refert *Ioan. Cor. Miscel. iuris lib. 3. c. 24. num. 9. & in tit. de ser. offi. sum. num. 16.* qua Baldi sententia motus, & egomet mecum cogitans animam, & corpori, & cunctis rebus præponendam I. *Sancius, C. de hares. eccl. c. sedulo 38. dist. Accurs. in l. 1. ff. de pact. in spec. de in integ. rest. vers. sed quid de mercatore.* Et statum mercatorum in magno discrimine salutis æternæ versari. Difficile enim est in-

ter ementis vendentisque commercium non intervenire peccatum. *C. qualitas de pœn. distinet. 2. gloss. in summa 14. quest. 3. Psal. inquit Psal. 70. Quoniam non cognovi negotiationes, introibo in potentias domini. c. consequens & c. quoniam 88. dist. volui, mercatores admonuisse, ut saluti eorum consulant. Et in quibus casibus mercatura licite contrahatur, diligenter perquirant. De quo nonnihil in prima parte scripsimus.*

Noverint & illud vulgare, mercatores in emendis, vendendisque mercimoniis naturaliter concessum esse, quod pluris sit, minoris emere, quod minoris sit, pluris vendere, & licere contrahentibus se circumvenire. *l. in causam §. idem Pompon. ff. de min. l. item si pretio §. fin. ff. loc.* Idque iure etiam Pontificio intra dimidiam concedi. *c. cum dilect. c. penu. extra de empt. & vend.* id intelligendum esse in deceptione reipsa. Secus vero si hoc ipso, ut venderet, circumscriptus quis esset, & ut nostri dicunt: si dolus contractui causam daret, vel ex proposito interveniret, ut eleganter notavit. *Alb. in c. in civitate de usur. num. 6. post Ioan. Cal. in c. navigantes. xi. & sensit Bar. in d. §. idem Pomponius.* Licet enim quæstus causa mercatura
exer-

exerceatur, & naturalis sit deceptio, non tamen dolo malo plures res vendendæ sunt. Deceptio enim ad pretium, non ad animi fallaciam referenda est. Confugiant ergo mercatores, qui religionem colunt, ad loca, quæ nos aliquando citavimus, legantque Salye. qui bellicissime articulum differnit. *in authen. ad hac C. de usu 9. 21, num. 17.* Scribit enim inter alia se putare religionem non lædi ab eo, qui scientem valorem rei, pluris vendiderit, si tamen is necessitate ductus non emerit, *quod & Mol. notavit in c. 1. de empt. & vendit.* contra vero secus. Et certe inhonestum est, & bono viro decipere non congruit. *ut notavit Accurs. in l. semper in contractibus. ff. de regulis iurii, quam improbat Bald. in authen. ad hac. in penult. est. de usurp. & in c. quanto, de iure, ex quo sumit cautelam Ioan. de Ana, in c. in civitate colu. 8. de usu. quam tamen improbat Decius, in citata arg. semp. in contractibus, & latius in pe. n. 7. & seq. C. de pac. & ad relatam regulam addes Ludo. Goz. in cons. 14. num. 14.*

Illud etiam, quod ad rem valde pertinet, prætereundum non est, mercatores quædam, si dixerint in vendendis mercibus, præstare eos non

debere, sed ea, quæ ad nudam laudem
 mercium pertinent. Nam, ut *Ulpianus*
ait, referendo Pedium, in l. secundum. ff.
de edil. edict.) Multum interest com-
 mendandarum mercium, quid dixe-
 rint, an vero præstaturos se promise-
 rint. Et vide elegantem textum in *l.*
quod venditor ff. de dol. mal. Et quæ scrip-
 sit *And. Tir. in com. de uero res. pag 771.*
num. 49. Plane commendatio mercium
 sit cum aliquo temperamento: Non
 enim mendacio utantur, sed honesta
 commendatione. Tollendum enim
 est, (ut ait *Cic. offi. lib. 3.*) in rebus con-
 trahendis omne mendacium.

Idque maxime Christianum decet,
 quoniam mendacium sine peccato,
 esse non potest. *c. super. eod. de usur. c.*
beatus 22. q. 2. c. primum ea cau. & q.
 ubi divus *Augu.* in hæc verba: Quis-
 quis autem esse aliquod genus men-
 dacii, quod peccatum non sit, puta-
 verit, decipiet semetipsum turpiter,
 cum honestum se deceptorem arbi-
 tretur aliorum. *c. mihi autem, & c. om-
 ne ea cau. & q. 83. distin. c. quoniam
 omni cognovi.* Verum licet una cum
Salyc. in d. aut ad hæc, exclamare: O
 magnam notam temporum nostrum!
 & quis est hodie mercator, qui in ven-
 dendis mercibus non dicat mendacia?
 & plerumque ut ementes alliciat, et-
 iam

iam deieret? Forſan (inquit Salv.) hodie nullus, ſed antiquitus horum peculiate vitium fuiſſe Satyricus offendit, dum ait:

--- Cum plenius equo

*Laudat venales, qui vult extrudere
merces.*

Et alius poëta cecinit:

*Periurata ſuo poſtponit numina lucro
Mercator, Stygius non niſi dignus
aquis.*

Caveant igitur mercatores à mendaciis. Inquit enim text. in c. *quid eſt aliud* 88. diſt. Negotiatores, qui per immoderatum pecuniæ ambitum pollunt merces ſuas, plus periuriis onerando, quam pretiis: tales eiecit dominus de templo. Vnde Bertrاند dicere conſueverat, mercatoris domum & veritatis, & æquitatis plenam eſſe oportere; ut patet ex conſilio 253, vol. 2, col. ſi. non poteſt. Accedat & illud, in pluribus puris articulis ſtatutum eſſe, mendacem mendacii pœnas luere. quorum aliquos attingemus, cum de decoctoribus diſputabimus.

Sane & illud in ore omni populo eſt, nil eſſe, quod lumine clariore in mercatore præfulgeat, quam reſta fides, & obſervantia. Et licet graviffimum ſit, fidem fallere. l. 1. ff. de

de const. pecun. Cum nil tam congruum sit fidei humanæ, quam ea, quæ placuerunt, servari l. 1. ff. de pactis. & copiose scribunt recentiores Bononienses in sing. 198. grave. Multo tamen gravius id esse in mercatore, propter bonam fidem, quæ inter eos servanda est, nemo est, qui nesciat. Inquit enim. *Bald. in C. si pro debilitate de off. de leg. bonam fidem in his valde requiri, qui plurimum negotiantur, & bene censuisse scribit Ias. in l. iurigentium. §. sed cum nulla nu. 11. ff. de pac. & bis addes glo. in l. à procuratore. C.* Namque inquit, nil melius bona fide. & notandum *Bald.* ait pro bonis mercatoribus, & contra falsos mercatores, qui accipiunt fugam cum pecuniis alienis, & vide. *Nic. Boc. deci. 25.* & antequam veniam. Quæ igitur placuerunt, servent mercatores, & à cavillationibus sint alieni, neve Thraces imitentur, in pactis cum hostibus aliquot dierum induciis, nihilo secius noctu populabantur agros hostium. Et cum quererentur adversarii, tanquam inducias illi violassent. Responderunt, nihil præter pacta fecisse. Dies autem pepigisse, noctu tantum incurfos se dixerunt. Vnde vetus illud Adagium, Thracium Com-

men-

mentum, diversas eas, qui pacta eludunt callido commento. Hæc enim pactio induciarum per aliquot dies, & ad noctes proculdubio referebatur, de quo meminit. *Cicero off. lib. 1. And. Tiraq. in colle utroque res. §. 1. gl. 11. num. 9. pag. 262. & scribit Bertr. Consil. 298. Volu. 2. num. 8.* Dedecori magno tribuendum mercatori, qui pactiorem servare recusat: cui addes, *Angel. Consil. 77. super primo puncto. colu. 1.* Plane callidum mercatorem laudamus, & qui sine dolo malo per dissimulationem deserviat, & sua, vel aliena tueatur, ut inquit *iurisc. in l. 1. in §. dolum. ff. de dolo. Ubi flecces. in verbo deserviunt: finge, inquit, in mercatoribus, qui mercium dominium in alium transferunt, ne depredentur. in qua gl. sententia vide Aug. ibidem & quæ late Nicol. Boer. scripsit decis. 300, num. 4.* Finge aliud exemplum. in l. 2. *C. de commer. & merc.* aurum subtili ingenio barbaris auferre: ubi *Accur. ait* hunc bonum esse dolum. Experientem etiam maluerim mercatorem: Plurimum enim in marcatura valet experientia. Vnde plerunque vidi mercatores valde superlucratos esse, qui aliorum prius institores fuerunt. Ex alienis enim negotiis (ut *Comicus*

cus ait) sibi exemplum sumpseret: contra vero novitios quosdam, qui cum se mercaturæ vix dederunt, in mercimoniis se implicantes, rem suam male gessisse. Placet enim mercatorem literarum non ignarum, & qui sua prudentia instructus sit. Nam (ut Comicus ait) dii immortales, homo homini quid præstat, stulto intelligens quid interest? & profecto imperitios mercatores multis captionibus suppositos, multorumque insidiis expositos, experientia videmus. Non enim laudo, non, inquam, ô mercatores, vos imperitios laudo, in quibus finxit exemplum *Bar. in Auth.* sed novo iure. *C. si cer per. & Saly. item.* Quomodo enim, illam æquitatis formulam custodietis? de qua in ultima parte differemus. Ait enim idem Comicus, homini imperito nihil quicquam iniustius, qui nihil nisi quod ipse facit, rectum esse iudicat.

Socinus etiam noster, mercatores Florentinos pecunias & merces dormire, ait, non sinere, in *conf. 87. col. penult. volum. 1.* In præsentî consultatione scribit etiam, diligentes esse, & mercatorem nostrum huiusmodi esse desideramus, & fidelem, diligentem amamus. *§. fin. instit. de suspect. tutor.*

In summa mercatores probe se agant, circa omne officium suum, & temperent ab his, quæ sunt prohibita, ut eleganter *Iurisc. ait in l. 1, in §. præterea. ff. de offi. præf. urb.* & actus sui rationem diligenter conficiant. *l. argentarius. in princ. ff. eodem* & calamo non parcant. Omnium enim habere memoriam, mortalitatis non est, sed divinitatis potius. *§. omnium in l. 2. C. de ult. iure enocl.* Infirmitas enim memoriæ (quæ labilis est) damnum plerunque mercatoribus solet afferre. Servent igitur quæ de rationibus statim dicemus.

Quæritur, an mercatores sint uribus utiles & necessarii? Nec puto deesse, qui negarent. Ipsi enim alieni regni (quod non convenit) scrutantur arcana, ac detegunt, mercatores. *C. de com. & mer.* unde legimus Carthaginenses distincta diversoria mercatoribus statuisse, nec ea illis cum civibus communia esse voluerunt. Cæterum mercatoribus in forum via patebit. Ad navalia autem & secretiora urbis loca ne aspectus quidem concedebatur. Et Græci interea urbes minimerecipiebant. Sed, quo civēs à suspitione periculorum essent alieni, à pomariis non longe forum vœnalium statuebant: legimusque,

varias

varias gentes mercatores ad se accedere prohibuisse, quod mores depravarent. Ab ipsis enim monopola legibus prohibita, ut *C. mono. l. uni.* ab ipsis plerunque usuras utraque pagina dereftatas: ab ipsis nova questus causa commenta, quibus locorum cives pecuniis & facultatibus exinaniant, ab ipsis denique (ut experientia docet,) diversa incommoda atque mala proficiscuntur: & hac sententia lege ipsa probari videbatur. Innuit enim Imperator, in *nobiliores. C. de commer. & merc.* in illis verbis perniciosum urbibus mercimonium. Contra autem urbibus necessarios & utiles esse videbantur, idque probari ex his, quæ scripsit *Bart. in l. ambitiosa mom. 23, ff. decre. ab or. fa.* Item ex his, quæ notavit. *Accurs. in l. uni. C. de mund. in verb. locorum.* dum ait: habet magnum commodum, eo, quod propter forum terra eorum impinguatur. Et cum mercatores necessaria ad victum quotidianum transferant, atque asportari curent, remuneranda eorum pericula: quin etiam cohortanda præmiis merito placuit, ut qui muneribus publicis cum periculo & labore fungerentur, à domesticis vexationibus & sumptibus liberarentur, ut inquit *Iurisc. in l. sem.*

*semper in s. negotiatores. ff. de in. iure
 imma. ex qua iurisperiti auctori-
 tate hæc sententia satis probari vide-
 batur. Et populum Romanum id
 sensisse, locus Ciceronis indicat in
 oratione pro lege Manilia, Ait enim,
 populum Romanum sæpe mercatori-
 bus ac navigatoribus iniuriosius tra-
 ctatis bellageffisse. Rursus nulla regio,
 non provincia, nedum civitas sibi sola
 ad omnia sufficit: sed altera alterius
 ope & auxilio indiget. Hæc enim fru-
 gibus, illa auro & argento, cæterisque
 metallis aliisque rebus abundat con-
 tra alia prædictis, vel horum aliqui-
 bus vacat, idque bellissime poëta in-
 nuit Georg. lib. 6.*

*India mittit ebur, melle sua thura
 Sabæ,*

*Aut Calybes nudi ferrum, virosque
 Pontus.*

*Castorea, Eliadum palmas Epiros equa-
 rum.*

Vnde & Plinius victus causa merca-
 turam inventam dictitabat, & sum-
 mæ prudentiæ atque auctoritatis apud
 Græcos Plato in dialogo 2. qui inscri-
 bitur de Rep. vel de iusto, inquit;
 constituere civitatem in eo loco, in
 quo devectionibus non indigeat, fer-
 me impossibile est. Et certe merca-
 toribus non indigere probat. Item

Q q q expe-

expedit Reip. subditos habere locupletes. §. *fin. in ff. de his qui sunt sui vel alien. & in auth. sine quoque suffr. §. cogitatio.* & mercatores quæstus causa laborant, & omnis eorum vita est ad quæstum. Legimus etiam ambiguis iura mercatoribus in ipsis mercimoniis seu mercatura favere, ut sentit *Alex. in consil. 130. in fin. vol. 7.* Nec defunt iuris interpretes qui in hac sententia fuerint. Nam Albericus in *rub. C. de com. & merc. urbibus* necessarios & utiles mercatores esse, putavit: *citat. l. 3. ff. de mund.* Quæ tamen lex in casu suo locum habet, videlicet, vel in trironibus vel in officialibus, publice ad id spectatum destinatis: ut *Accur. in gloss. fin. eius l. scripsit Bal. in l. Macedoniam in fin. C. ad. SCs. Mac.* inquit mercatores esse, publice est utile. Præterea multa & quidem consulte ac de industria, quæ hinc inde disci possunt. Verum brevi quid ipse sentiam, habeto, in hac quæstione (ut nostri loquuntur) brocardicari posse pro & contra; brocardica vocantes, quæ rectius perplexa dici possunt: & his addes, quæ *Corus Ag. scripsit in lib. quem de incer. & vauit. scientiarum inscripsit. rub. de mercatore, C. 72. & seqq.* ubi omnia, huc facientia, enucleatissime & commodissime

diffime explicata habentur, quem æquus lector ipse tibi consulat.

Subnectit Stracha etiam hanc quæstionem: An mercatores inter honoratas personas habendi sint, & mercatura sit sordida, nec ne? Respondetur ad primam quæstionis partem: Si manifeste prædæ avidissima vorago apud eos latet, ut notat *d. c. Agrip.*, certe non immerito dubium hoc succurrit. Nec adeo pridem fuit quidam inter mercatores præcipuos non ultimus, qui, quum aulico cuidam arcana lucrorum astuto aliquo modo explicaret, ipse decisionem talem edebat, asseverando eam de se & suis similibus, dicens: Quod si, mi Domine, centum videas inter se congregatos mercatores; profecto vix unus est in toto numero, qui non nequam designet, ita nonaginta novem certus pro fraudulentis, &c. possis habere. Forte is ex suo ingenio iudicabat cæteros, quod etiam prætenus in negotio aliquo demonstrabat. Verum, si virtus quem nobilitat, par est, ut tales rerum indagatores quoque facto fidem expriment, ut honestatis & pietatis veri sectatores dici queant. Altera pars quæstionis a libi explicatur. Vide Stracham: nec licem hanc facio meam. Iehova faciat

Q q q 2 potius

potius ut saltem quilibet eorum hoc
peragat fideliter, quod Christus adeo

Sancte cuius inculcat: Quod

tibi vis fieri, alteri quo-

que praestes: & sic

minus pec-

cabis.

F I N I S.

IN.

INDEX CAPITUM

Partis Secundæ,

Tractatus generalis, de Rebuspublicis Hanseaticis.

CAPVT PRIMVM.

DE vicis, villis, castellis, & pagis, deque eorum differentia ac distinctione propria. Pag. 595

CAP. II.

De oppido, urbe & civitate, in vulgar acceptione; earumque differentia. 612

CAP. III.

De pagis, districtibus, sive territoriis, provinciis, regionibus & regnis: quomodo inter se differant. 633

CAP. IV.

De terminis, finibus, & limitibus cuiusque circumferentia & loci continentis; deque eorum iuribus & privilegijs. 650

Qqq 3 CAP.

C A P. V.

*De collegiis , ſodalitatibus vel ſodalitum ,
conſortio , & ordinibus in republ. 662*

C A P. VI.

*De civitate , ſive reipublica effectu pro-
prio , & utriusque discrimine ; in quo
tam multi ita graviter hallucinati ſunt :
deque civitatum vera diſiſione , iuxta
Imperii Germanici iura. 679*

C A P. VII.

*De veris & genuinis requiſitis atque no-
tis libera reipublica in civitatibus , &
ſervis : cum elucidatione evidenti intro-
ducta diſtinctione de iſdem. 702*

C A P. VIII.

*De corpore & univerſitate ſocietatis pu-
blica. 718*

C A P. IX.

*De Republica , & maxime in ſtatu Chri-
ſtianitatis, quid ſit. 724*

C A P.

CAP. X.

De Privilegijs, unde & quid sint, ac quomodo iure concedantur suo. 743

CAP. XI.

De fœderis natura propria in genere, variiusque eius acceptionibus, & definitione vera. 743

CAP. XII.

De fœderum varijs generibus, & licitorum requisitis necessarijs, securitatis causa. 756

CAP. XIII.

De ijs, qui fœdera icere possint, & cum quibus fœdus incundum. 769

CAP. XIV.

De conditionibus fœderis, & modo contrahendi aut constituendi pactiones firmas. 781

CAP. XV.

De solemnitatibus & ceremonijs fœderum. 799 4

rum : deque officio confœderatorum, & quam in re id proprie consistat. 800

CAP. XVI.

De duratione & effectu fœderum, nec non solemnitatibus, quæ in modo contrahendi advertenda sunt. 812

CAP. XVII.

Num fas sit quandoque Principi aut Reipubl. fidem violare: præsertim si iniquæ conditiones, quas inire coactus est, & temporis commoditas id iubeat? 828

CAP. XVIII.

An fœdus & bellum paripassu ambulent? 844

CAP. XIX.

De fœderibus improprie ita dictis, & cognatis eorundem. 860

CAP. XX.

De contrario fœderum, & eorum dissolutione. 872

CAP.

CAP. XXI.

Questio, de homicidio in Burchardo 29, Archiepisc. Magdeburg. commissio, quomodo sit decisa; & de Erroribus aliquot Pomarj in Chronico Saxenico. 884.

Capitis huius conspectus.

Documentum mutui, quod sub aditu Archiepiscopatus Magdeburg. Burchardus Scrapelouiensis Comes à civitate accepit, ad conficiendum iter Romanum, ita se habet. 903

Sequuntur documenta aliquot reliqua, ex quibus probantur gravamina, quibus contra omnem aequitatem civitatem Magdeburgensem suppressere, & privilegijs suis exuere conatus erat ille interfectus in curia Archiep. Burhardus. 905

Privilegium à Cunrado II, Imperatore Magdeburgensibus concessum. 907

V Vilbrandus ex liberali donatione dedit & concessit Magdeburgensibus duo ingera pro amplificanda civitate. 909

Litera Domini V Vilbrandi Archiepiscopi Mag-

*Magdeburgensis confirmatione privile-
giorum.* 911

*Precariarum impositionum remissio extra
civitatem, quæ ex agricultura solveban-
tur.* 912

*Litteræ resignationis Alberti Ducis Saxo-
niæ Burggravionatus & Banni in
Magdeburgk.* 913

*Litteræ defensionis Domini Ludovici
Quinti, Imperatoris circa cives Mag-
deburgenses.* 915

*Litteræ confirmatoria Ludovici Quinti
Imperatoris, super privilegiis Magde-
burgensium.* 916

*Absolutoria eventuales à banno litteræ
Ottonis, xxxi. Archiepiscopi Mag-
deburgensis, ex familia Landgraviorum
Hassia oriundi, & à Papa Iohanne xxii.
ipso Avinione Gallia degente, tunc
temporis contra Henricum Comitem
Stolbergensem electi.* 918

*Diploma privilegiorum ab Imper. Otto-
ne I V. anno 1208. Magdeburgensibus
concessorum.* 925

*Diploma altud de anno 1216. FRIDE-
RICI*

CAPITVM.	985
RICI II. IMPERATORIS.	929

*Sequitur nunc Civitatis Magdeburg. ab-
 solutio à banno propter occisum Ar-
 chiep. Buchardum, Imperatoris LV-
 DOVICI BAVARI, velut supra
 decisionis caussa in questione illa men-
 tio eius est facta; cuius interpretatio ita
 se habet.*

936

C A P. XXII.

De reliquis fœderum dissolutionibus.

940

EPILOGVS.

944

F I N I S.

Magdeburg

Staatliche Bibliothek
Regensburg

